
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>



Mason
L. 141.

RR.
PATRUM SOCIETATIS JESU
THEOLOGIA
DOGMATICA, POLEMICA,
SCHOLASTICA, ET MORALIS
PRAELECTIONIBUS PUBLICIS IN ALMA
UNIVERSITATE WIRCEBURGENSI
ACCOMMODATA.

THEOLOGIA
DOGMATICO-POLEMICO-
SCHOLASTICA
PRAELECTIONIBUS ACADEMICIS
ACCOMMODATA

A
P. HENRICO KILBER, S. J.
SS. THEOLOGIAE DOCTORE, EJUSDEMQUE
AC SS. SCRIPTURARUM IN ALMA WIRCEBUR-
GENSIUM UNIVERSITATE PROFESSORE
PUBLICO ET ORDINARIO.

TRACTATUS III.
DE
PECCATIS, GRATIA, JUSTIFI-
CATIONE ET MERITO.



CUM PRIVILEGIO SAC. CAES. MAJEST.
ET
PERMISSU SUPERIORUM.

Wirceburgi

IMPENSIS ET TYPIS JOANNIS JACOBI STAHEL,
UNIVERSITATIS BIBLIOPOLAE ET TYPOGRAPHI A CELSISIMO
SPECIAL. PRIVILEGIATO. MDCCLXX.



CONSPECTUS TRACTATUS DE PECCATIS, GRATIA, JUSTIFICATIONE & MERITO.

DISPUTATIO I.

De Peccatis Generatim.

CAPUT I. De Natura & affectionibus Peccati.

ARTIC. I. Quid & Quoruplex sit peccatum? pag. 2

(a) Peccatum est actus moralis Regulæ morum dif- ibid.
formis.

(b) Peccatum ratione Entitatis dividitur in pecca-
tum *commissionis & omissionis*; Ratione subje-
cti in *personale & originale*; Ratione effectus
& pœnæ in *mortale & veniale*; Ratione regulæ
morum in *Theologicum & Philosophicum*. 3

ARTIC. II. An omne peccatum sit formalis offensa Dei? 4

(a) Omne peccatum rectè rationi graviter difforme
est etiam formalis offensa Dei. 5

QUÆRES I. Quidnam circa Peccatum pure Philoso- phicum sit constitutum? 14

(a) Pars una de peccato Theologico & mortali, quod
nempe hæc sit *libera divina legis transgressio*,
non subiacet censuræ, nec digna est censura, nisi
forte philosophica diminutionis & insufficientiæ. 13

(b) Pars prima de peccato philosophico, quod nem-
pe hoc sit *actus humanus disconveniens naturæ
rationali & rectæ rationi*, scilicet *soli*, etiam
non subiacet censuræ, quatenus nomenclaturam
illius peccati explicat. ibid.

(c) Pars 2da de peccato philosophico, quæ in post-
remo commato habetur, ut jacet, censuram
sustinet & meretur. ibid.

QUÆRES II. In quo sit formalis malitia Peccati? 16

(a) Formalis malitia peccati *Commissionis* adæquate
consistit in positivo; scilicet in libera tendentia
actus in objectum prohibitum. ibid.

)(

(b) Omis

(b) Omisso etiam sola actionis præcepta est peccatum, & formaliter stat in quasi positivo.	17
ARTIC. III. <i>An omnia peccata sint æqualia?</i>	ibid.
(a) Non omnia Peccata sunt æqualia.	18
QUÆRES: <i>Sitne peccatum in aliqua ratione infinitum?</i>	20
(a) Peccatum nec quoad malitiam, seu intuitu legis, nec quoad offensam, seu intuitu personæ offensæ, est simpliciter infinitum.	ibid.
CAPUT II. <i>De causis & effectibus Peccati.</i>	
ARTIC. I. <i>An Deus sit Causa & Auctor Peccati?</i>	22
(a) Deus non est Causa vel Auctor ullius peccati.	23
ARTIC. II. <i>An Reatus culpæ & reatus pænæ distinguantur?</i>	35
(a) Reatus pænæ & reatus culpæ inter se realiter distinguuntur.	36
QUÆRES: <i>Quid & quotuplex sit pœna?</i>	40
(a) Pœna est malum voluntati, vel saltem naturæ contrarium, ad puniendam culpam illatum.	ibid.
(b) Pœna alia est simpliciter pœna, alia satisfactoria, alia medicinalis: Alia vitæ præsentis, alia futuræ vitæ: Hæc vel est pœna damni, vel pœna sensus.	ibid.

DISPUTATIO II.

De Peccato Personali.

CAPUT I. *De Peccato mortali & veniali.*

ARTIC. I. <i>An inter mortale & veniale peccatum sit discrimen?</i>	41
(a) Dantur quædam peccata proprie venialia; nec omnia peccata sunt mortalia.	42
(b) Peccata venialia non sunt talia propter extrinsecam conditionem aut peccantis hominis, aut Dei non imputantis.	44
(c) Peccata venialia sunt talia ex natura sua.	46
ARTIC. II. <i>Per quæ Prædicata intrinseca differant inter se Peccatum mortale & veniale?</i>	58
(a) Peccata non differunt per hoc, quod mortale sit contra legem, veniale contra consilium, vel præter legem.	59
(b) Propria & essentialis differentia peccatorum est in eo, quod mortale sit libera transgressio Legis	val

vel præcepti graviter obligantis; Veniale fit libera transgressio, præcepti leviter tantum obligantis.

QUERES: *An peccatum Veniale fit offensæ Dei?*

- (a) Peccatum Veniale est proprie offensæ Dei, sed levis.

60.

65.

ibid.

CAPUT II. *De Pæna Peccati mortalis & venialis.*

ARTIC. I. *An Peccato mortali statuta & dicta sit pæna æterna?*

- (a) Pœna inferni reproborum, & sic peccati mortalis, erit æterna.

- (b) Peccatum mortale ex natura sua meretur pœnam æternam.

67.

68.

69.

QUERES: *Quid sentiendum de liberatione Trajani Imperatoris a gehenna precibus S. Gregorii Magni?*

- (a) Rejicienda est tanquam commentitia hæc Trajani liberatio.

- (b) Quo sensu, veritate hujus historie gratis supposita, sustineri possit hæc liberatio, D. Thomas explicat.

78

79

80

ARTIC. II. *Qua pæna puniatur Peccatum Veniale?*

- (a) Nullum veniale, in dampnato etiam, per accidens punitur pœna æterna.

81

QUERES I. *Quomodo remittatur reus culpa decedentibus cum solo peccato Veniali?*

- (a) Culpa a Deo remittitur vel sub ipsum animæ egressum;

- (b) Vel in ipso purgatorio. & egressu ex eodem.

85

ibid.

QUERES II. *In quonam consistat ratio Peccati habitualis?*

ibid.

- (a) Peccatum habituale nihil est aliud, quam ipsum actuale physice præteritum, sed moraliter perseverans in reatu culpæ, seu per ordinem ad debitum sustinendi odium vel displicentiam divinam.

ibid.

- (b) Perseverantis moralis peccati habitualis explicatur proxime & formaliter per negationem satisfactionis vel condonationis.

86

DISPUTATIO III.

De Peccato Originali.

CAPUT I. De Existentia Peccati Originalis.

ARTIC. I. Quinam circa originalis Peccati existentiam fuerint errores?

- (a) Triplex classis est eorum, qui circa Peccati originalis existentiam errarunt. 88
(b) Erroris hujus Auctores & Sectatores nonnihil variarunt. ibid.

ARTIC. II. An existat Peccatum Originale?

- (a) Existentia peccati originalis est dogma fidei. 89
ibid.

§. I. Quibus Argumentis ex Scriptura probetur Et vindicetur existentia Peccati Originalis?

- (a) Argumentum I. sumitur ex V. T.; & quidem Imo ex Jobi c. 14. v. 4. 2do ex Psal. 50. v. 7. ibid.
(b) Argumentum II. sumitur ex N. T.; & quidem Imo ex Epist. ad Rom. c. 5. v. 12. 2do ex 2. ad Corinth. 5. v. 14. 91

§. II. Quibus Argumentis probetur ex Traditione, Et vindicetur existentia peccati originalis?

- (a) Argumentum I. sumitur ex Ss. Patribus, qui ante Pelagium scripserunt; Ejusdem enim tempore, aut post illum unanimis & aperta fuit Doctorum sententia pro peccati originalis extantia. 92
ibid.

- (b) Argumentum II. sumitur ex Pontificum Doctrina ac Decretis. 99

- (c) Argumentum III. sumitur a Conciliis, quorum viginti quatuor contra Pelagianam Hæresin A. 404., vel 405. exortam intra 19. annos, nempe ab A. circiter 412. usque ad A. 431. celebrata fuerunt. 100

§. III. Quibus Argumentis probetur ex Ratione, Et vindicetur existentia Peccati Originalis?

- (a) Argumentum I. sumitur ex generali redemptione Christi. 106
ibid.
(b) II. ex necessitate Baptismi. 107
(c) III. ex variis humanæ Nativitatis adjunctis. 108

QUÆRES: Quid de Zosimi Pontificis Oeconomia in causa Pelagii Et Celestii sit sentiendum?

- (a) ZOSIMUS Pelagii & Celestii errores nunquam approbavit. 113
(b) 115

(b) <i>Zofimus nimia indulgentia non peceavit.</i>	116
CAPUT II. De Essentia Peccati Originalis.	
ARTIC. I. An Concupiscentia constituat Peccatum Originale?	
(a) <i>Concupiscentia non est formaliter peccatum originale.</i>	117
(b) <i>Concupiscentia non est materiale originalis peccati in sensu Jansenii.</i>	118
(c) <i>Concupiscentia Theologice quidem, non autem Philosophice potest in sensu S. Augustini vocari materiale peccati originalis.</i>	120
QUÆRES: Quid Reatus nomine intelligat S. Augustinus, cum originale peccatum asserit reatum concupiscentia?	ibid.
(a) <i>Intelligit ipsum peccatum habituale, quo homo maculatus manet, & reus non tantum pœnæ, sed peccati est.</i>	131
ARTIC. II. Quomodo in Adamo peccaverint ejus Posterii?	ibid.
(a) <i>Posterii non peccarunt in Adamo per hoc, quod habuerint consensum interpretativum.</i>	132
(b) <i>Posterii non peccarunt in Adamo per hoc præcisè, quod is erat eorum Caput naturale.</i>	133
(c) <i>Posterii peccarunt in Adamo per hoc, quod is per pactum virtuale a Deo erat institutus caput morale eorum ad hoc, ut, quod ipse in ordine ad observationem vel violationem mandati de non comedendo fructu faceret, censerentur posterii etiam moraliter & imputabiliter facere.</i>	134
ARTIC. III. In quonam formaliter consistat peccatum originale?	ibid.
(a) <i>Peccatum originale est ipsum Adæ peccatum physice præteritum, prout a posteris in illo moraliter commissum, & moraliter perseverans in reatu seu debito sustinendi odium inimicitia divini.</i>	142
CAPUT III. De Propagatione Peccati originalis.	ibid.
ARTIC. I. Quomodo traducatur peccatum originale ad Adæ posteros?	
(a) <i>Libido, quaecumque parentes generant, non est causa per se & necessaria peccati originalis in parvulis.</i>	144
(b) <i>Peccatum originale non ex ipsa natura rei propagatur in posteros.</i>	147
	ibid.
	(c)

- (a) *Causa peccati originalis est voluntas Adam, & sic hoc peccatum moraliter transfunditur, supposita generatione ex Adamo facta per viam generationis ordinariam.*

142

ARTIC. II. *An peccatum originale propagetur ad omnes homines?*

153

- (a) *Eriam filii fidelium contrahunt peccatum originale, quod ipsis, sicut & ceteris imputatur, nisi ab eo per Baptismum mendantur.*

154

ARTIC. III. *An Beatissima Virgo contraxerit peccatum originale?*

158

- (a) *B. V. Maria non contraxit peccatum originale; sed in primo Creationis & Infusionis animæ suæ in corpus instanti fuit per gratiam justitiæ antem sanctificata, & a peccato originali præservata.*

160

QUÆRES: *An B. Virgo habuerit debitum contrahendi peccatum originale?*

174

- (a) *Non est positive improbabile, B. Virginem caruisse debito proximo.*

ibid.

- (b) *Positive probabile est, B. Virginem caruisse debito proximo, h. e. peccato originali in Adam commisso.*

177

- (c) *Omnino admittendum est, B. Virginem habuisse debitum remotum.*

178

CAPUT IV. *De Pænis peccati originalis.*

ARTIC. I. *An & quænam sint pæna peccati originalis in hac vita?*

179

- (a) *Mala hominem post originale peccatum instantia alia sunt interna, eaque vel in anima, vel in potentiis animæ, vel in corpore; alia externa, quæ scilicet vel extra hominem sunt, vel ab extraneo adveniunt.*

ibid.

- (b) *Mala ejusmodi sunt effectus & pœnæ peccati originalis.*

180

ARTIC. II. *An parvuli sine Baptismo decedentes puniantur privatione Beatitudinis?*

182

- (a) *Parvuli sine Baptismo decedentes puniuntur privatione beatitudinis supernaturalis.*

ibid.

- (b) *Parvuli idem etiam puniuntur privatione beatitudinis naturalis.*

183

ARTIC. III. *An parvuli sine Baptismo decedentes puniantur pæna sensus & ignis infernalis?*

186

(a)

(a) Probabilius videtur, infantes sine Baptismo decedentes non puniri poena sensus. 189

QUÆRES: *An parvuli sine Baptismo decedentes patientur internum animi dolorem ob privationem beatitudinis?* 192

(a) Parvuli hujusmodi tristantur de privatione beatitudinis. *ibid.*

DISPUTATIO IV.

De Gratia Universalis.

CAPUT I. *De gratia & diversis Naturæ statibus.*

ARTIC. I. *Quid & quotuplex sit gratia divina?* 201

(a) Gratia divina est donum supernaturale absolute indebitum, gratis concessum a Deo Creatura rationali, pertinens aliquo modo ad vitam æternam. *ibid.*

(b) Gratia ratione finis dividitur in gratis datam, & gratum facientem. 203

(c) Gratia, nempe gratum faciens, ratione modi existendi dividitur Imo in increatam & creatam: 2do in ex- & internam: 3tio in gratiam intellectus & gratiam voluntatis: 4to in actualem & habitualem. 204

(d) Gratia, videlicet actualis, ratione diversi respectus ad liberum consensum dividitur Imo in gratiam excitantem & adjuvantem: 2do in sufficientem & efficacem. *ibid.*

ARTIC. II. *Quid & quotuplex sit natura humana status?* 206

(a) Status naturæ est certa conditio totius generis humani, seu modus se habendi in ordine ad finem ultimum secundum divinæ providentiæ legem. *ibid.*

ARTIC. II. *An Adamus in statu iustitiæ originalis fuerit conditus?* 208

(a) Adamus habuit iustitiam originalem. *ibid.*

(b) Probabilius etiam Adam creatus est in iustitia originali. 209

QUÆRES: *An iustitia Originalis homini sit naturalis?* 212

(a) Iustitia originalis, seu gratia sanctificans nullatenus potest dici naturalis, aut homini debita. *ibid.*

- (b) Nec obedientia appetitus sensitivi ad rationem est naturalis homini & debita. 214
- (c) Nec immortalitas corporis, nec immunitas a vitæ miseriis fuit homini debita & naturalis. 215
- ARTIC. IV.** *An possibilis sit status naturæ puræ?* 218
- (a) Status naturæ puræ est possibilis, & nulla ex parte repugnat. ibid.
- ARTIC. V.** *An naturæ lapsa debiliior sit ad operandum bonum morale naturalis ordinis, quam esset naturæ puræ?* 337
- (a) Homo in statu naturæ lapsæ vi solius peccati originalis non est factus intrinsece debiliior ad bonum morale ordinis naturalis, quam esset in statu naturæ puræ. ibid.
- (b) Homo in statu naturæ lapsæ vi peccati originalis tactus est extrinsece debiliior ad bonum morale ordinis naturalis, quam foret in statu naturæ puræ. 338
- CAPUT II.** *De variis circa gratiam erroribus.*
- ARTIC. I.** *Quinam fuerint Auctores, Debellatores, & Errores Hæresis Pelagianæ circa gratiam?* 243
- (a) Auctor fuit Pelagius, natione Britannus seu Anglus, professione Monachus &c. ibid.
- (b) Debellatores Pelagianæ hæreseos dicuntur vel Patres in Conciliis congregati, vel Patres singuli dogmatica scripta opposcentes, vel summi Pontifices constitutionum decreta edentes. 244
- (c) Errores Pelagianorum universim ad tria capita referuntur &c. 249
- (d) Errores Pelagianorum speciatim & circa gratiam colligi possunt ex systemate Pelagii, quod tres partes complectitur &c. 250
- QUÆRES I.** *An & qualem gratiam illustrationis interioris tandem admiserit Pelagius?* 251
- (a) Pelagius admisit interiorem gratiam, qua intellectus intime a Deo illustratur. ibid.
- (b) Pelagius illustrationis gratiam, quam admittit, simul duplici errore foedavit; Imo volens nos eam promereri per naturæ vires: 2do putans eam non esse simpliciter necessariam, sed tantum ad operandum facilius. 252
- QUÆRES II.** *An Pelagiani admiserint tandem gratiam, inspirationis, seu auxilium internum voluntatis?* 253

(4)

- (a) Nec Pelagius, nec Celestius admiserunt gratiam
interiorem voluntatis. ibid.
- (b) Nec Pelagiani reliqui etiam post damnationem
Hærescos a *Zosimo* latam admiserunt, interio-
rem voluntatis gratiam. 254
- QUERES III. *An Pelagiani admiserint gratiam ha-
bitualem?* 256
- (a) Si Verba Pelagianorum spectentur, *certum* vi-
detur, ab illis agnitam & admissam esse gratiam
habitualement. ibid.
- (b) Si artes & subdolæ Pelagianorum explicationes
attendantur, *incertum* videtur, an gratiam ha-
bitualement admiserint. 257
- ARTIC. II. *Quinam primi fuerint Semipelagiani,
eorumque debellatores & Errores?* 258
- (a) Inter Semipelagianorum Principes numerantur
*Joannes Cassianus, Faustus, Vincentius, Gen-
nadius &c.* 259
- (b) Præter *S. Aug.* varii tum Patres, tum Pontifi-
ces, tum Concilia contra Semipelagianismum
decertarunt, & hæresin tandem contriverunt. 260
- (c) *Semipelagiani* de peccato originali & necessi-
tate gratiæ Christi ad illius remissionem ac justi-
tiam & salutem recte senserunt: Capitatis autem
illorum error fuit, *initium* aliquod fidei, justi-
tiæ ac salutis esse a nobis. 261
- (d) Fundamentum hujus erroris erat idem, quod
principale Pelagianorum. 263
- (e) Ex hoc errore & fundamento plures errores alii
Semipelagianorum pullulabant. ibid.
- QUERES: *An Semipelagiani omnes gratia interio-
ris prævenientis necessitatem ad initium fidei
constanter negaverint?* 266
- (a) Omnes Semipelagiani constanter negarunt ad
initium fidei necessitatem gratiæ interioris, h. e.
illustrationis simul & *inspirationis*. ibid.
- (b) *Theophilo Raynaudo, Petavio*, aliisque non
videretur negandum, a Semipelagianis ad fidei
initium admissam esse gratiam *Illustrationis*. 272
- ARTIC. III. *Quinam fuerint Auctores, Debellatores
& Errores recentium sectarum circa gratiam?* ibid.
- (a) Sectarum, quæ a sæculis aliquod prope innu-
meræ emerferunt, Auctores vel præformatores
præcipui sunt *Martinus Lutherus & Joannes
Calvinus*. 273

- (b) Debellatorum utriusque hæresis nomine intelligi possunt 1. Doctores singuli, quia hæreticis dogmatibus, vel scriptis libris se strenue opposuerunt. 2. Universitates promeritam erroribus censuram affigentes. 3. Synodi Diocesanae, aut Nationales sententiam enuntiantes. 4. Pontifices definientes, & *Trid. Concil. Generale* tum cogentes, tum moderantes, tum confirmantes. 276
- (c) Utriusque Hæresiarchæ errores circa *liberum arbitrium & gratiam* varii sunt &c. ibid.
- ARTIC. IV. *Quæ sit Bajanismi Historia, quod systema, quæ in illum lata sententia?* 278
- (a) Exordium Bajanismi in A. 1551. incidit, quo Professor publicus novas & erroneas doctrinas tum voce, tum scriptis proferre cœpit. 279
- (b) Systema errorum Baji a quibusdam ad tria generatim capita, nempe quæ spectant statum naturæ vel *innocentis*, vel *lapsæ*, vel *reparatæ*, revocatur; ab aliis paulo distinctius ad 8. Capita speciatim refertur. 281
- (c) Fundamentum errorum omnium a *Tournely* statuitur in illo axiome, ad quod prop. 38. spectat: *Non sunt, nisi duo amores.* 284
- (d) De sententia in Bajanismum per geminam Bullam Pontificiam lata, sive de ipsarum Bullarum Argumento & forma varia observanda veniunt. ibid.
- QUÆRES I. *An Bajanae propp. omnes notentur propter doctrinam; an aliqua propter solam contrariam sententia censuram?* 286
- (a) Probabilius videtur, omnes propositiones notatas esse propter doctrinam. ibid.
- QUÆRES II. *Quid de famoso Commate in Bulla Pia-na sit tenendum?* 287
- (a) Ipso facto famosum *Comma* in Bulla Pia-na additum fuit post voces: *sustineri possent*; adeoque nulla Baji propositio in proprio Verborum sensu ab assertoribus intento sustineri potest. 289
- (b) Jure etiam famosum *Comma* post memoratas voces in Bulla Pia-na additum fuit. 290
- ARTIC. V. *Quanam sit Jansenismi Historia, quod systema, quæ in illum lata sententia?* 291
- (a) Historica Jansenismi Synopsis ex 6. præcipue epochis commode perspicui & teneri potest. 293

- (d) *Systēma Jansenii ostendunt 5. ejus propositiones sapius damnatae, & earundem principia ac fundamentum.* 297
- (e) *Sententia contra Jansenii librum & dogmata ac Jansenistarum effugia SS. Pontificibus lata fuerunt variis Bullis ac Brevibus &c.* 301
- QUERES I.** *Quinam sint sensus veri ac legitimi, alieni & extranei Janseniarum propositionum: quique illis aut ambigue, aut certo oppositi & orthodoxi?* 304
- QUERES II.** *An Pontifices ab initio & constanter damnaverint 5. propositiones in sensu a Jansenio intento?* 308
- (a) *INNOCENTIUS X. propositiones damnavit in sensu a Jansenio intento.* 309
- (b) *ALEXANDER VII. non approbavit 5. Articulos doctrinales, atque hinc a damnatione propositionum in sensu a Jansenio intento non discessit.* 313
- (c) *INNOCENTIUS XII. in suis Brevibus nihil remisit a damnatione propositionum in sensu a Jansenio intento.* ibid
- QUERES III.** *An questio facti, quo sensu damnata sint propp., sit ejusmodi, in qua decidenda Ecclesia non sit infallibilis?* 314
- (a) *Ecclesia in decidendis Quaestionibus facti Dogmatici, atque hinc in definiendo haeretico propositionum Jansenii sensu, non potest falli.* 316
- QUERES IV.** *Quid sentiendum de Pace Clementis IX?* 317
- (a) *Data quatuor Episcopis a Clemente IX. pax non probat, silentium obsequiosum sufficere pro facto Jansenii, adeoque is Pontifex nunquam aliquid Jansenianis in damnando sensu Propositionum concessit.* ibid.
- ARTIC V.** *Quoniam sit Quesnellismi historia, quod systema, quae in illum lata sententia?* 328
- (a) *Historica Quesnellismi synopsis (quam ab A. 1693., ubi liber Quesnelli perfectus tandem ac penitus absolutus fuit, repetendam censemus) ex epochis 7. potissimum intelligi potest.* 331
- (b) *Systēma errorum Quesnelli in Bulla Unigenitus damnatorum universim reducitur ad 3. capita. 1^{um} est de gratis: 2^{um} de virtutibus Theologicis ac timore gehennae: 3^{ium} de Ecclesia & Ecclesiae disciplina.* 337
- (c)

(c) *Fundamentum Quesnellismi conquiescit in 3. principiis, quæ correspondent 3. capitibus, in quæ, sicut articulos damnatos, sic etiam omnem Quesnelli doctrinam divisimus.* 340

(d) *Sententia contra Quesnellismum lata ex condemnatione Reflexionum moralium in N. T. Pontificia, & aliis circa eandem tum Conciliorum, tum Pontificum sub diversa ratione confirmationibus perspicitur.* 342

ARTIC. VII. *An Constitutio UNIGENITUS sit sententia & definitio Dogmatica: an lex tantum & regula disciplinæ vel Oeconomix?* 346

(a) *Bulla Unig. non est mera disciplinæ vel Oeconomix lex, sed proprie dicta dogmatica definitio.* 347

(b) *Bullæ Unig. non deest character definitionis dogmaticæ ex eo, quod contra Quesnelli propositiones latæ fuerint censuræ, ut ajunt, in globo.* 349

DISPUTATIO V.

De Gratia Actuali.

CAPUT I. *De Natura Gratia Actualis.*

ARTIC. I. *An recte a quibusdam assignetur notio universalis gratia actualis?* 381

(a) *Gratia actualis nullo legitimo sensu potest dici Dei omnipotens voluntas.* 382

(b) *Nec est ipse actus creaturæ deliberatus.* *ibid.*

(c) *Nec consistit in qualitate aliqua mortua.* 383

ARTIC. II. *Quanam sit natura gratia excitantis?* 388

(a) *Gratia excitans theologicè sumpta formaliter stat in duplici actione vitali creaturæ rationalis, nempe sancta cogitatione circa objectum, aut veritatem pertinentem ad salutem, quæ dicitur illustratio: & pia affectione ad actus salutares, quæ dicitur inspiratio.* *ibid.*

(b) *Sancta cogitatio & pia affectio ejusmodi sunt actus indeiberati, h. e. vitaliter quidem & physice, non autem libere a nobis producti, & entitative supernaturales.* *ibid.*

QUERES: *In quibusnam actibus intellectus & voluntatis consistat gratia excitans?* 395

(a)

- (a) Illustratio intellectus habetur maxime per *iudicium*; imò haberi potest per *apprehensionem suavisimam*.
- (b) Justificatio plerumque est *affectio simplex & in-deliberata*; potest tamen actus etiam delibera-tus & efficax voluntatis esse gratia excitans ad alios actus salutare.
- (c) Non omnis inspiratio vel gratia voluntatis semper est formaliter *amor*, multo minus *charitas* proprie dicta.

396

ibid.

ARTIC. III. *Quenam sit natura gratiæ adjuvantis?* 398

- (a) Gratia adjuvans entitative non distinguitur a gratia excitante adæquate & principiative sum-pta.
- (b) Gratia adjuvans & cooperans *qua talis* non po- test esse gratia præveniens nostram operatio- nem.

ibid.

399

- (c) In homine *iusto*, gratia præveniente ad actus supernaturales excitato, gratia adjuvans physi- sice est habitus virtutis supernaturalis per se in- fusa, influens in effectum seu actum salutarem.
- (d) In homine *habituibus supernaturalibus carente* principium gratiæ adjuvantis est Deus ipse, vel Spiritus S. specialiter assistens, & defectum alterius principii intrinseci in genere causæ effi- cientis per se immediate supplens.

ibid.

400

ARTIC. IV. *Quodnam sit discrimen inter gratiam naturæ integræ & naturæ lapsæ?* 402

- (a) Differentia utriusque gratiæ præcipue nititur doctrina S. Augustini, quam proposuit Libro de *Correctione & Gratia*.
- (b) Ex H.H. erroribus & T.T. opinionibus variz sententiarum classes circa discrimen gratiæ pro utraque natura emergunt.

ibid.

404

ARTIC. V. *Quid sit adjutorium quo & sine quo non, ad mentem S. Augustini?* 406

- (a) S. Augustinus per adjutorium quo & sine quo, non intellexit gratias duntaxat actuales.
- (b) Utriusque discrimen non statuit in eo, quod *ad- jutorium sine quo* tantum fuerit auxilium suf- ficiens pro statu naturæ integræ: *adjutorium quo* sit auxilium efficax solum pro natura lapsa.
- (c) Quantum ad *auxilia actionis* per adjutorium *si- ne quo* pro statu naturæ integræ intellexit ad-

407

ibid.

XX

jute-

ajutorium intellectus cum gratia habituali: per ad-
jutorium quo pro statu naturæ lapsæ adjutorium
seu illustrationem intellectus simul & gratiam
inpirationis voluntatem afficientem.

408

- (d) Systema S. Augustini circa perseverantiam com-
plectitur sub nomine adjutorii quo & sine quo
non tam donum, quam adjutorium perseverantiæ.

409

CAPUT II. De Necessitate gratiæ Actualis.

ARTIC. I. *An homo solis naturæ viritus possit mereri
aut impetrare gratiam, vel ad eandem se di-
sponere?*

419

- (a) Homo solis naturæ viribus nequit de condigno
aut congruo mereri gratiam.

ibid.

- (b) Vel eam impetrare, aut ad eam se disponere per
orationem naturalem;

420

- (c) Vel solis naturæ viribus se ad eam disponere po-
sitive.

ibid.

- (d) Negative potest; idque vel removendo prohi-
bens, vel ponendo facilitans.

421

QUÆRES: Quomodo axioma illud: facienti, quod est in
se, Deus non denegat gratiam; sit intelligendum?

428

- (a) Probabilius videtur hoc axioma intelligendum
esse tantum de faciente per vires gratiæ, quod est
in se.

ibid.

ARTIC. II. *An & qualis gratia necessaria sit ad actus
supernaturales?*

429

- (a) Ad omnes actus salutare, etiam ad initium fi-
dei & pium credulitatis affectum requiritur
auxilium gratiæ interioris & supernaturalis.

ibid.

- (b) Ad quemlibet actum salutarem etiam in justo re-
quiritur gratia actualis, qua excitetur ad agendum.

431

- (c) In statu naturæ lapsæ probabilius ad actus salu-
tares non solum illustratio, sed etiam affectio
supernaturalis est necessaria.

432

ARTIC. III. *An gratia sit necessaria ad cognoscendum
verum?*

437

- (a) Homo etiam lapsus potest absque gratia cogno-
scere quasdam veritates naturales tum specula-
tivas, tum practicas.

ibid.

- (b) Idem tamen sine auxilio speciali nequit eas co-
gnoscere omnes collective, imo probabilius nec
distributive.

438

- (c) Ad cognitionem veritatum supernaturalium
salutarem requiritur gratia revelationis, & in-
ternæ etiam illustrationis.

ibid.

AR.

- ARTIC. IV. *An Gratia sit necessaria ad actus moraliter tantum bonos?*** 439
- (a) Gratia *sanctificans* non est necessaria ad omne opus moraliter bonum. 440
 - (b) Nec gratia fidei est necessaria ad quodvis opus ex omni parte moraliter bonum. 441
- ARTIC. V. *An Gratia sit necessaria ad servandam legem naturalem?*** 450
- (a) Tota Lex Naturalis sine gratia potest potentia physica diu ab homine lapsa servari secundum substantiam. 451
 - (b) Nequit tamen potentia morali ita servari longo tempore, quin nunquam intra idem tempus peccet legis præceptum non observando. *ibid.*
- QUÆRES I. *An gratia necessaria sit ad amandum Deum super omnia?*** 459
- (a) Sine gratia homo nequit moraliter amare Deum efficaciter & super omnia amore effectivo. 460
 - (b) Potest tamen moraliter sine supernaturali gratia amare Deum efficaciter & super omnia amore affectivo. 461
- QUÆRES II. *An gratia sit necessaria ad vincendas tentationes?*** 465
- (a) Homo lapsus sine gratia nequit moraliter vincere tentationes graves. 466
 - (b) Potest tamen moraliter sine gratia vincere tentationes leves. 470
- QUÆRES III. *An gratia sit necessaria ad omnia omnia peccata vitanda?*** 472
- (a) Sine speciali privilegio homo moraliter nequit per longum tempus vitare omnia peccata venialis. *ibid.*
 - (b) Ab universali hæc assertio præter Christum excipitur B. V. MARIA. 476
- CAPUT III. *De Existentia Gratia Actualis.***
- ARTIC. I. *Quæ sit natura gratia sufficientis?*** 478
- (a) Nomine gratiæ vere sufficientis Ecclesia intelligit eam, quæ voluntati expeditam, proportionatam ac relativam etiam ad præsentis subiecti circumstantias potentiam confert ad opus bonum. 480
 - (b) Gratia sufficiens non dat tantum posse, sed etiam sufficit, ut homo eum ea ponat opus salutare; imo si præter eam requireretur aliud auxilium ex se efficax, vel prædeterminans ad hoc, ut homo

- pōnat opus salutare, illa non foret gratia sufficiens. 481
- (a) Gratia sufficiens physice consistit in aggregato ex gratiis excitantibus & principiis gratiæ adjuvantis. 482
- QUÆRES I. Undenam gratia sufficiens habeat, quomodo sit pure sufficiens, seu inefficax, aut carens effectu? 489
- (a) Gratia sufficiens non est de se inefficax. ibid.
- (b) Inefficacia gratiæ sufficientis nullo modo refundi potest in Deum. 490
- (c) Inefficacia gratiæ sufficientis primo & unice tribuenda est voluntati humanæ. ibid.
- QUÆRES II. An gratia sufficiens debeat aliquando efficere aliquos actus, saltem faciliores, sine gratia efficaci? 491
- (a) Si gratia sufficiens spectetur *præcise*, potest nonnunquam efficere actum; si *positive*, semper efficit actum; si *negative*, nunquam efficit actum. ibid.
- (b) Opinio illa catholicorum, præterquam quod supponat falsum de gratia per se efficaci ad difficiliora, non satis distinguit gratiæ conceptum. 492
- ARTIC. II. An in statu præsentis detur gratia pure sufficiens? 494
- (a) In statu naturæ lapsæ datur auxilium vere & pure, tamen sufficiens, seu quod perfectam quidem completam & relativam potentiam bene agendi tribuat, careat tamen effectu. 495
- QUÆRES: An gratia pure sufficiens sit Dei beneficium? 504
- (a) Gratia pure sufficiens est beneficium Dei saltem materialiter tale. ibid.
- (b) Etiam formaliter tale. 510
- ARTIC. III. An omnibus iustis detur gratia sufficiens? 516
- (a) Iustis omnibus urgente præcepto, quod sine gratia impleri nequit, confertur a Deo gratia *proxime* vel *remote* sufficiens, qua vere possint implere præceptum. 518
- ARTIC. IV. An peccatoribus detur gratia sufficiens ad agendam poenitentiam? 524
- (a) Peccatoribus etiam excæcatis & obduratis non deest pro tempore & loco gratia saltem remote sufficiens, qua possint agere poenitentiam, & mentis cæritatem, duritiamque cordis deponere. 525
- ARTIC. V. An infidelibus detur gratia sufficiens ad fidem & justificationem? 543

- (a) Infidelibus omnibus pro tempore ac loco datur a Deo gratia saltem *remote* sufficiens ad fidem ac postmodum justificationem obtinendam. 544

CAPUT IV. De Efficacia Gratiae Actualis.

ARTIC. I. An efficacia gratiae stet in entitate auxilii Divini absolute sumpti? 569

- (a) Efficacia gratiae non stat in entitate auxilii, motione suae voluntatem creatam necessitantis. ibid.
- (b) Neque in entitati auxilii virtute sibi intrinseca voluntatem sic moventis, ut *simpliciter & absolute* implicet non sequi consensum. 570
- (c) Neque in entitate auxilii virtute sibi intrinseca voluntatem sic moventis, ut moraliter implicet non sequi consensum. 562

ARTIC. II. An efficacia Gratiae stet in entitate auxilii divini comparative sumpti? 578

- (a) Efficacia gratiae nec stat in delectatione relative superiore, seu victrice ad sensum *Jansenii*. 579
- (b) Nec in delectatione relative victrici ad sensum quorundam catholicorum supra expositum. 581

ARTIC. III. An Efficacia gratiae stet in congruitate auxilii qualicunque? 594

- (a) Ad efficaciam gratiae necessaria est congruitas stans in habitudine auxilii ad eventum; non tamen sufficit. ibid.
- (b) Ad eandem efficaciam necessaria est congruitas stans in attemperatione auxilii cum homine ejusque affectionibus; non quidem, ut ea attemperatio praecise enuntiat proportionem auxilii ad personam & ejus circumstantias sive intrinsecas, sive extrinsecas, sed prout ea simul connotat eventum; quamvis nec sic accepta sufficiat. 595
- (c) Ad efficaciam gratiae universim explicandam prorsus insufficiens est congruitas stans in *multitudine & consonantia plurium auxiliorum*. 596

ARTIC. IV. In quonam stet efficacia gratiae, totaque ejus aconomia? 597

- (a) Efficacia gratiae quoad infallibilitatem connexionis *objectivam* habetur a futuritione conditionate consensus; quoad infallibilitatem *cognoscitivam* a scientia media de consensu sub hypothesi talis auxilii conditionate futuro: quoad infallibilitatem *affectivam* a decreto Dei dependenter a scientia media praedefinientis consensum, seu

conferentis gratiam ex benevola intentione consensus.	598
(b) Gratia in actu primo efficax presentis status est gratia adequate preveniens, entitative quidem indifferens, sed congrua; quatenus ut subsans futurationi conditionata, scientiæ mediæ & prædefinitioni consensus sub ipsa a Deo datur.	599
ARTIC. V. <i>Quænam sit historia controversia de gratia auxiliis superioribus sæculis inter catholicos agitata?</i>	618
§. I. De occasione Congregationum.	619
§. II. De ipsis congregationibus.	621
§. III. De Congregationum exitu.	624
QUÆRES I. An finitis disputationibus sancitum fuerit Apostolicum iudicium, atque lata in Molinæ doctrinam censura?	ibid.
QUÆRES II. In quam partem consultores, Cardinales, & summi Pontifices inclinarint? Dominicanis, an Jesuitis favorint?	625
QUÆRES III. Quid iudicandum de iis Actis, quæ sub nomine congregationum de auxiliis circumferuntur?	626

DISPUTATIO VI.

De Gratiâ Habituali, Justificatione, & Merito.

CAPUT I. De Gratiâ Habituali.

ARTIC. I. <i>Quænam sit entitas gratiæ habitualis?</i>	628
(a) Gratia habitualis non est favor Dei mere extrinsecus, aut iustitia tantum imputata; sed donum homini intrinsicum.	629
(b) Gratia habitualis non est ipse Spiritus S.; sed donum aliquod creatum a Spiritu S. distinctum	631
(c) Gratia habitualis est donum physice permanens.	632
ARTIC. II. <i>Quænam sit essentia gratiæ habitualis?</i>	642
(a) Gratia habitualis realiter distinguitur ab habitu charitatis.	ibid.
ARTIC. III. <i>Quinam sint effectus formales gratiæ habitualis?</i>	649
(a) Per gratiam habitualement efficitur consortes naturæ divinæ.	ibid.
(b) Per eandem efficitur amici & grati Deo.	650
(c) Filiique Dei adoptivi.	651
(d) Et iusti.	ibid.
(e)	

(e) Per eandem efficimur *sancti*, seu mundamur & immunes sumus ab omni peccato mortali. 652

CAPUT II. *De justificatione.*

ARTIC. I. *An & quanam dispositio requiratur ad justificationem?* 653

(a) Ad justificationem non sufficit sola fides. 654

(b) Sed requiruntur etiam *actus quidam aliarum virtutum.* 656

(c) Fides & reliqui actus supernaturales, requisiti sunt *veræ dispositiones, præparationes & impetrationes* justificationis. 658

(d) Fides ad justificationem requisita nec est *specialis promissionum fides*, nec per modum *meri organi* & instrumenti concurrit, quo apprehendatur justificatio. 659

ARTIC. II. *Quanam sit natura justificationis?* 672

(a) In justificatione impii a Deo vere remittuntur peccata. *ibid.*

(b) Justificatio non consistit in sola peccatorum remissione, sed insuper interiorum hominis renovationem formaliter includit. 674

(c) Ipsa justificationis gratia est aliquid homini intrinsecum & inherens. 676

ARTIC. III. *Quanam proprietates convenient justificationi?* 683

(a) Justitia tum in diversis hominibus, justis defacto est *inæqualis*, tum in uno eodemque homine potest crescere & fieri *inæqualis*. 684

(b) Vere justificatus potest justificationem peccando amittere etiam in perpetuum, & ita, ut illa nunquam reparetur. 686

(c) Nemo, seclusa speciali revelatione, debet aut potest habere certitudinem fidei de propria justificatione. 687

CAPUT III. *De Merito.*

ARTIC. I. *Quanam conditiones ad meritum theologicum requirantur?* 698

(a) Ad meritum theologicum requiritur, ut sit *actus creaturae rationabilis liber a necessitate, 2. moraliter bonus, 3. supernaturalis, seu ex auxilio gratia procedens, 4. in aliqua temporis differentia absolute existens: ut merens sit viator: ut adsit ordinatio divina meriti ad mercedem saltem consequens.* 699

- (b) Ad meritum *de condigno* requiritur, ut opus aliquo modo sit æquale præmio: ut merens sit iustus: ut præcesserit promissio divina: ut quis ipse sibi mereatur. Ad meritum *de congruo* sufficit, ut adsint conditiones ad meritum universim requisitæ, & vel una desit ex requisitis ad meritum *de condigno*. 701
- (c) Ad neutrum meritum requiritur, ut aut sit omnino æquale, aut prorsus indebitum, aut peritus nostrum, & nulla ratione præmiatoris. 702
- ARTIC. II. *An in homine possibile sit, ac detur meritum theologicum?* 707
- (a) Plura dantur hominum opera, quæ simpliciter sunt bona & nullatenus peccata. ibid.
- (b) Datur opus bonum, quod ab homine ex gratia seu per gratiam operante factum est meritum theologicum. 709
- (c) Datur meritum *de condigno*, & hujus meriti rationem quoad aliqua saltem præmia participant opera bona iustorum. 710
- (d) Datur meritum *de congruo*; & hujus tantum meriti rationem participant opera bona non iustificatorum. 711
- ARTIC. III. *Quodnam sit objectum meriti theologici?* 719
- (a) Nemo ullatenus gratiam actualem primam, aut *condigne* gratiam secundam efficacem mereri potest: posteriorem tamen tam peccator, quam iustus potest *congrue* mereri. ibid.
- Peccator *gratiam sanctificantem* non nisi *congrue*, iustus gratiæ augmentum *condigne* mereri potest. 721
- (c) Iustus nec *perseverantiam*, nec *reparationem* post lapsum mereri potest *de condigno*: potest tamen *de congruo* mereri *perseverantiam*, & cum aliqua probabilitate etiã *reparationem* post lapsum. 723
- (d) Iustus potest *de condigno* mereri gloriam tum *essentialem*, tum *accidentalem*: idem probabilius dicendum est de *gloria prima*, & certo de *gloria secunda*, seu *gloriæ augmento*. 722





INSTITUTIONES THEOLOGICAE
DE
PECCATIS, GRATIA,
M E R I T O
ET
JUSTIFICATIONE.



Quæstionibus de Conscientia & Legibus rite subnectuntur Disputationes de Peccato & Merito; & quidem 1ma de Peccatis Generatim, 2da de Peccato personali, 3tia de Peccato originali, 4ta de Gratia universim, 5ta de Gratia actuali, 6ta de Gratia habituali seu justificante. In his D. Thomæ in 1ma 2da a Q. 71. vestigiis inhaeremus, præprimis autem Dogmatum curam habituri, in Argumento, quod non solum Scholasticis duntaxat, sed & a Patribus, Summis Pontificibus, atque Conciliis frequenter versatum fuit.

A

DIS



DISPUTATIO I.

De Peccatis Generatim.

CAPUT I.

De Natura & Affectionibus Peccati.

ARTICULUS I.

Quid & Quotuplex sit Peccatum?

I. **N**ota. Variis est Peccati, etiam Theologice spectati, acceptio in Sacris litteris, eaque sæpius tropica & impropria: Imo pro *pæna peccati*; Lev. 20. dicitur: *portabunt ambo peccatum suum, sine liberis morientur.* Mach. 12. *Sancta ergo & salubris est cogitatio, pro defunctis orare, ut a peccatis solvantur.* 2do pro effectu peccati præteriti, & causa novi; ad Rom. 7. *jam non ego queror illud, sed quod habitat in me, peccatum;* de quo TRIDENT. sess. 5. in decreto de pecc. orig. ait: *hanc concupiscentiam, quam aliquando Apostolus peccatum appellat, S. Synodus declarat, Ecclesiam Catholicam nunquam intellexisse peccatum appellari, quod vere & proprie in renatis peccatum sit; sed quia ex peccato est, & ad peccatum inclinat.* 3tio Pro materia, in qua vel circa quam peccatur; sic vitulus aureus peccatum a Moyse dicitur Deut. 9. *Peccatum autem vestrum, quod feceratis, arripens igne combusti.* 4to Pro hostia & sacrificio pro peccatis oblato; sic Olee 4. v. 8. dicitur: *Peccata populi comedent Sacerdotes.* Et 2. ad Cor. 5. de Christo: *Eum, qui non noverat peccatum, pro nobis fecit peccatum, ut nos efficeremur justitia Dei in ipso.* 5to et proprie pro defectu morali, seu inordinatione voluntatis, quæ homini sit impedimento, quominus ad finem ultimum seu beatitudinem pervenire possit. De hoc

2. *Dico I.* Peccatum est actus moralis regulæ morum difformis. Dicitur **I.** *actus non tantum physicus, sed etiam interpretative talis, qualis dicitur omissio; quia, ut ait D. Th. hic q. 71. a. 6. ad 1. affirmatio & negatio,*
id

id est, actus & omissio, *reducuntur ad idem genus*. 2. *Moralis*; per quod intelliguntur omnia requisita, videlicet libertas & advertentia ad regulam morum, actus humani. 3. *Difformis regulæ morum*; hoc est, repugnans mensuræ ac normæ, ex qua rectitudo & bonitas actuum humanorum habetur. *Prob.* Hæc definitio convenit omni & soli peccato; ut singula percurrenti apertum fiet: tum quia satis clara est, si, quid & quænam regula morum sit, intelligatur: denique quia ex ea facile reliqua peccati prædicata deducuntur. *Conf.* Peccatum naturæ præeunte Philosopho 2. Phys. Cap. 8. recte definitur defectus substantiæ creatæ a communi naturæ ordine ac veluti lege: similiter peccatum artis dicitur defectus a regulis artis; ergo & peccatum moris vel morale recte definitur defectus liber a regula morum, hoc est, actus moralis regulæ morum difformis.

3. *Dico II.* Peccatum sub diverso respectu varie dividitur; & quidem ratione suæ entitatis in peccatum *commissionis* & *omissionis*. Imum habetur, si fiat positive, quod prohibetur: 2dum, si non fiat, quod jubetur. Ratione status in *actuale* & *habituale*. Illud est, quod actu exercetur: hoc est, quod, licet actu non exerceatur, sed præteritum sit, perseverat tamen moraliter seu in æstimatione prudenti, quamdiu non remittitur. Ratione subiecti in *personale* & *originale*. Prius est, quod propria cujusque voluntate contrahitur: posterius, quod ab ortu nobis congenitum in voluntate Adami contractum est. Ratione effectus & pœnæ in *mortale* & *veniale*, quorum illud mortem animæ seu damnationem æternam affert: non item secundum, cujus venia facilior est. Ratione regulæ morum, aut considerationis ad eandem in *Philosophicum* & *Theologicum*. A Theologis enim, ait D. Th hic a. 6. ad 5um, *consideratur peccatum præcipue secundum quod est offensæ contra Deum: a Philosopho autem morali, secundum quod contrariatur rationi*. Unde peccatum pure philosophicum dicitur actus humanus disconveniens soli naturæ rationali & rectæ rationi: Theologicum est transgressio libera legis Divinæ, hoc est, æternæ. Reliquæ peccati divisiones habentur in Theol. Mor.

4. *Obs.* Convenit inter Theologos 1mo, omne peccatum disconvenire naturæ rationali: cum Psal. 48. *jumentis insipientibus*, 2. Petr. fœdissimis pecoribus peccatores fieri

fieri similes dicantur; unde S. Aug. L. I. ad Simplic. q. 2. peccatum vocat *naturæ deordinationem* ac *perversitatem*; & L. 3. de Lib. Arb. C. 14. *contra naturam* esse enuntiat, quem D. Th. hic a. 2. sequitur. Accedit ratio; cum enim recta ratio dicet honestum amandum, inhonestum fugiendum esse; sequitur, peccatum naturæ rationali repugnare.

2do, Peccatum grave (de veniali infra) esse transgressionem seu violationem Legis æternæ: nam I. Joann. 3. alibique peccatum dicitur iniquitas, græce *ἀνομία*, seu *deviatio a lege*; & Psal. 118. peccatores vocantur *prævaricantes*. Quod clarius explicant S. Ambros. L. de Parad. Cap. 8. dicens: *quid est peccatum, nisi prævaricatio Legis Divinæ & celestium inobedientia præceptorum?* & S. August. L. 22. contra Faustum Cap. 27. sic describens peccatum: *dictum, factum, vel concupitum aliquid contra æternam legem*; quam definitionem S. Th. hic a. 6. probat, & ratio confirmat.

Nullum siquidem est malum, quod non prohibeatur à lege æterna: lex etiam nulla violatur, quin hoc ipso violetur lex æterna, ut argumentum Apostoli convincit, dum sub initium ad Rom. 13. ait: *non est potestas, nisi a Deo...* Itaque qui resistit potestati, Dei ordinationi resistit.

ARTICULUS II.

An omne peccatum sit formalis offensæ Dei?

5. **N**ota I. Ad rationem offensæ bina requiruntur: *Imum*, ut actio, qua alter offenditur, illi displiceat; nemo enim proprie offenditur per id, quod sibi placet, vel certe non displicet, aut quod non curat. *2dum*, ut actio ejusmodi aliquo etiam modo sit contra alterum, sic, ut is juste de ea conqueri, aut ægre eam ferre possit; hinc licet furtum v. g. Titii e rebus Sempronii factum mihi displiceat, eo tamen proprie offendi non dicor, si nulla id ratione mihi damnosum accidat.

Offensa autem alia dicitur *materialis*, alia *formalis*. Materialis est, si quis actione sua præbeat alteri causam displicentiae rationabilis, quin tamen sciverit aut cogitaverit fore, ut illi id displiceat. Formalis, prout opposita materiali, est, si quis id agat sciens ac prudens, aut au-

ver-

CAP. I. PECCATUM EST FORM. OFFENSA DEI. 5

vertens ad jus, quod alter habet, ne quid fiat vel omittatur. Dixi: *formalis*, prout *opposita materiali*; nam de offensa Dei formali, ut opposita virtuali, implicitæ ac interpretativæ, non agitur in præsentī materia. Hoc sensu enim accepta tantum tribuitur peccato, quod directe & immediate Deum respicit, ut blasphemia, infidelitas &c.

6. *Nota II.* Omni actu malo in re gravi Deus offenditur *materialiter*: ex eo enim, quod peccatum sit Legis Divinæ violatio, sequitur, justam de eo oriri displicentiam in Deo tanquam auctore Legum. An verò peccatum etiā grave sit *formalis* quoque offensa Dei, disputatur præsertim ab iis, qui pro regula morum assignant naturam rationalem, & permittunt ad breve saltem tempus ignorantiam Dei inculpabilem. His enim suppositis dicunt dari peccatum mere philosophicum, seu solum repugnans rectæ rationi, ac demum duntaxat *materialiter*, non autem *formaliter* offendens; si nempe quis invincibiliter Deum ignorans, aut inculpabiliter ad legem æternam non advertens committat actionem rectæ rationi graviter repugnantem. Contra hos

7. *Dico.* Omne peccatum rectæ rationi graviter difforme est etiā *formalis* offensa Dei. *Prob.* Ita est de essentia peccati gravis, esse contra legem, ut malitia peccati non habeatur nisi ex oppositione ad legem; sic enim Paul. ad Rom. 4. v. 15. *ubi non est lex, nec prævaricatio.* Et Aug. Conc. 25. in Psal. 118. *Nullum est utique sine prævaricatione peccatum: nulla autem est prævaricatio sine lege; nullum est igitur nisi in lege peccatum.* Quibus similitudo habet L. 1. de Lib. Arb. Cap. 3. & L. de pecc. merit. Ergo & omne peccatum grave essentialiter est saltem implicite *formalis* contemptus, & consequenter *formalis* offensa Legislatoris, juxta illud: *qui offendit legem, offendit Regem.*

Atqui ex una parte Deus est Legislator, qui vel ipse tulit legem, vel alteri cuicunque legi vim obligandi dedit: ex altera parte supponitur peccanti per dictamen rationis esse intimatum, quod actio sit lege prohibita, quia agnoscitur peccatum, ergo qui advertens, actionem esse peccaminosam & prohibitam, operatur, hoc ipso *formaliter* agit contra Deum tanquam Legislatorem, eumque offendit.

Conf. Eo ipso, quod peccatum attingatur explicite ut disconveniens naturæ rationali & contrarium rectæ rationi, attingitur implicite ut illicitum, atque adeo ut prohibitum & nullatenus committendum; ergo attingitur implicite ut oppositum Divinæ voluntati illud prohibenti, & ut contemptivum Divinæ prohibitionis ac offensa Dei. *Prob. conseq.* Quoties peccatum apparet ut prohibitum ita, ut nullatenus liceat, apparet ut prohibitum ab ea voluntate, quæ illud unice sic prohibere potest, ut nullatenus liceat, creaturis quiscunque aliud suadentibus vel præcipientibus. Ergo quotiescunque peccatum apparet ut omnino prohibitum, etiam apparet oppositum voluntati Divinæ, quæ una illud hac ratione prohibere potuit: ergo apparet ut contemptus Divinæ legis & offensa Dei.

Objectiones.

3. *Objic. I.* Actus ille Dei, quo Deus judicat & præcipit aliquid agendum vel omittendum, non est *liber*; aliqui potuissent blasphemiam v. g. nec judicare illicitam nec prohibere: neque potest dici *necessarius*; quia peccatum alias jam antecederet ad legem esset intrinsece malum. Quod enim Deus necessario judicat esse malum, & ut tale prohibet, non est malum, quia judicatur & prohibetur ut malum; sed judicatur & prohibetur ut malum, quia tale in se & intrinsece est.

R. N. 2. *part.* Rationem D. Antecedenter ad legem peccatum esset intrinsece malum fundamentaliter C. formaliter N. Peccatum *formaliter* tale est contra legem; *fundamentaliter* tale est contra fundamentum aut rationem legis. Sicut autem non habetur lex, licet intelligatur ratio legis, utpote quia vis obligandi non stat in legis ratione, sed in superioris voluntate; ita nec est malum vel peccatum *formaliter*, quod non est contra formalem legem obligantem. Jam vero sive fundamentum, quod exigit intrinsece malum prohiberi a Deo, statuatur in oppositione cum essentia vel perfectione quadam divina, sive in oppositione cum divinis ideis; in neutro vis obligandi formaliter habetur, & in primo ne quidem ratio dirigendi apparet.

Inf. I. Antequam Deus ab æterno spectatur judicare, actum charitatis esse moraliter bonum, hic jam intelligi-

CAP. I. PECCATUM EST FORM. OFFENSA DEI. 7

igitur esse moraliter bonus; ergo a contrario in priori, quam Deus iudicet actum blasphemiae esse malum, ille iam est in se malus. *Confirm.* Bonitas moralis, quae virginitati aliisque consiliis Evangelicis inest, habetur, quin ulla de iis lex existat; ergo & malitia peccati potest saltem haberi sine formali oppositione ad legem.

R. D. iam est moraliter bonus fundamendaliter C. formaliter N. Licet ad omnem bonitatem moralem non requiratur semper lex *absolute* obligans, quia humanae fragilitati intolerabile eveniret, obligari ad bonum quodcunque; ut tamen ea formaliter habeatur, adesse oportet vel legem imperantem, vel voluntatem Divinam suadentem, aut alio modo impellentem, cum hæc una sit principium *formaliter* directivum & universalis regula actuum humanorum.

Ad Conf. D. A. Bonitas moralis, quae in consiliis invenitur, habetur, quin existat de iis ulla lex *absolute* obligans C. conditionate obligans N. Suadetur quidem virginitas, non præcipitur; non acquiritur tamen major perfectio aut præmium propositum, nisi suscipiatur hoc consilium: qui vero *consilium* amplectuntur, iis certus id exequendi modus servandus est; ex quo duplici capite in actibus etiam ex consilio duntaxat bonis elucet obligatio conditionata, quae voluntatem superioris respicit.

Inst. 2. Deus non necessario prohibet omne intrinsece malum: sicut non necessario amat omne bonum creatum; ergo malum & peccatum non est necessario contra legem prohibentem. *Conf. 1.* Deus potest dispensare in Præceptis naturalibus secundæ Tabulæ; ergo potest etiam ea Præcepta non imponere: ergo nec intrinsece mala his Præceptis contraria prohibere. 2. Possibile est peccatum impunibile; sed hoc non est contra legem. Nam sicut quod est contra legem, poenæ subiacet: sic quod non est punibile, contra legem non est; ergo.

R. 1. D. 1. Part. Ant. Deus non prohibet necessario necessitate absoluta C. ex hypothesi, quod creaturas racionales produxerit N. *2dam partem*, si de amore æstimationis loquatur, *omitto*: si de amore desiderii sermo sit, *concedo* equidem, sed *R. 2. N. partitatem*. Quamvis Deus, ex supposito existentiae creaturarum, eas necessario ordinet ad suam gloriam; non tamen ad eum spectat, ut omne prorsus extrinsecum bonum sibi procuret, maxime, quod

eminenter ac virtualiter bona omnia contineat in sua essentia. Sed cum Deus sit essentialiter sanctus, & gubernator optimus; essentialiter spectat ad ipsum, ut prohibeat, & subditos rationales avertat ab eo, quod intrinsece & fundamentaliter malum est.

Ad Conf. 1. N. A. Deus proprie dispensare nequit in Lege Naturali, sed in actionibus circa objecta, suo Dominio subdita, addere duntaxat vel demere circumstantiam, ex qua id, quod alias malum foret, jam non amplius tale sit; vid. Tr. de LL.

Ad 2. Om. Maj. Quam P. Anton. Mayr. probabilius falsam esse contendit, *N. min. ejus prob. D.* Peccatum contra Legem subjacet poenæ, nisi supponat liberam Dei determinationem ad non puniendum C. si supponat, uti foret in hypothesi a quibusdam hic gratis formata N.

Inst. 3. Ad Rom. 2. 12. dicitur: *quicumque sine lege peccaverunt, sine lege peribunt.* Ergo sine lege peccatum habetur. *Conf. S. Thom. Lect. 2. in c. 7. ad Rom.* ait: *Sine lege poterat quidem peccatum cognosci secundum quod, habet rationem inhonesti, id est, contra rationem existens; non autem secundum quod importat offensam Dei.* Ergo.

R. D. Conf. Habetur peccatum sine lege judicis tradita, de qua hic loquitur Apostolus C. sine omni lege; Naturali vel Divina N. S. Paul. 1. 14. sic pergit: *Cum enim gentes, quæ legem non habent, naturaliter ea, quæ legis sunt, faciunt; ejusmodi legem non habentes ipsi sibi lex sunt.* Inde, licet Lex sub finem sumatur analogice pro conscientie dictamine, sequitur tamen gentiles non fuisse sine omni lege, atque hinc ad Rom. 2. v. 1. *inexcusabiles* dicuntur: nec etiam caruisse lege æterna; eoquod per dictamen conscientie intimabatur illis lex naturalis, quæ legem æternam participat.

Ad Conf. D. & Expl. S. Th. Docet hic, quod sine explicita cognitione legis ut Divinæ actionem rationi contrariam non semper cognoscamus sub conceptu explicito offensæ Divinæ C. docet, quod actionem rationi repugnantem nec implicite cognoscamus simul esse offensam Dei ac legislatoris cujusdam summi N. Aliud certe non voluit,

CAP. I. PECCATUM EST FORM. OFFENSA DEI. 9

si quidem hic q. 71. a. 2. ad 4. dixit: *Ejusdem rationis est, quod peccatum sit contra ordinem rationis humanæ, & quod sit contra legem æternam.* Omitto, quæ ibidem art. 6. de peccati definitione, & q. 91. art. 2. in © de legis æternæ participatione statuit.

Inst. 4. Qui agit contra conscientiam invincibiliter erroneam, quæ putat se obligari ad mentiendum, peccat: sed enim non agit contra legem Divinam; quia Deus per legem suam mendacium non præcipit. Ergo.

R. N. min. ad prob. D. Deus non præcipit mendacium directe & per se C. indirecte & per accidens N. Præcipit Deus, ne agamus contra id, ad quod nos existimamus esse ab ipso obligatos; quia ita agere esset virtutaliter negligere & postponere voluntatem Dei. Hinc ad Rom. 14. 23. *omne, quod non est ex fide, peccatum est.* Ubi ergo per errorem invincibilem quis putat se obligari ad mentiendum, Deus indirecte & per accidens præcipere mendacium dici potest.

9. *Obj. II.* Bonum & malum dicitur per comparisonem ad rationem, inquit S. Th. 1. 2. q. 18. art. 5. Ergo essentialis ratio peccati non est oppositio contra legem, sed rationem. *Conf. Vitium enim*, ait S. Aug. lib. 3. de Lib. Arb. c. 4. *non aliunde malum est, nisi quia naturæ adversatur ipsius rei, cujus vitium est.* Ergo.

R. D. Ant. Bonum & malum dicitur per comparisonem ad rationem secundum se sumptam N. sumptam cum lege Dei, & prout hanc applicat C. Quod ANGELICUS formalem peccati rationem ab oppositione legis ducat, constat ex hæcenus dictis: quod dictamen autem rationis minus regulæ morum non obtineat, nisi secundariæ duntaxat & primariam applicantis, dictum est in Tr. de Act. Hum.

Ad Conf. D. & Expl. Ita ut sensus sit: *omne vitium eo ipso, quod vitium sit, contra naturam esse*, ut eod. l. c. 3. loquitur C. alio sensu, & legem æternam excludente N. sane eadem loquendi formula in nostram sententiam habetur L. 1. de Lib. Arb. c. 3. *Nihil malum, nisi quia lege æterna prohibitum.* Et L. 3. cap. 15. a Deo habent omnes naturæ, quod natura sunt, & in tantum sunt vitiosa, in quantum ab ejus, quæ factæ sunt, arte discedunt

dunt. In quem locum S. THOM. hic a. 6. ad 4. ait: *Lex autem aeterna comparatur ad ordinem rationis humanae, sicut ars ad artificiatum.*

Inst. 1. Actus bonus haberi potest a sola conformitate cum natura rationali, ut sequitur ex propositione inter damnatas ab Alex. VIII. nona: *Revera peccat, qui odio habet peccatum mere ob ejus turpitudinem & disconvenientiam cum natura rationali sine ullo ad Deum offensum respectu.* Ergo & actus malus a sola difformitate.

R. N. Ant. Damnata propositio, ut ait Dominic. VIVA, utroque pede claudicat, tum in eo, quod explicite asserit, tum in eo, quod videtur implicite supponere. Apertus sensus propositionis a *Bajanis & Jansenistis* quibusdam assertæ innuit tanquam principium, omnem actionem humanam deliberatam, quæ dilectio Dei non sit, esse peccaminosam; quod non tantum in *Bajo* a pluribus Pontificibus, sed jam ante in *Calvino & Luthero* a Trident. Sess. 14. c. 4. reprobatum fuit.

Quomodo autem ex *damnatione* hujus principii & deductæ ex eo sequelæ inferri potest actum bonum vel malum haberi unice a con-vel difformitate cum natura rationali? Deinde videtur implicite supponere, quod possit objectum aliquod attingi ut disconveniens naturæ rationali, absque ullo ad Deum respectu. Hoc suppositum ex *supra dictis* falsissimum est, nec a damnatione propositionis stabilitur.

Inst. 2. Peccatum, ut est offensæ Dei, in suo conceptu *formali* involvit talem malitiam, quam non includit, quatenus est contra rectam rationem; nam illud *Imo* dicit generalem inobedientiam & virtualem Dei contemptum: 2do præfert Deo creaturam. Sed horum neutrum intelligitur in peccato, ut rectæ rationi opposito; ergo. *Conf.* Potest, secundum probabilem, supponi, rectam rationem esse primam regulam morum. It. Dissonantia actionis cum natura rationali potest saltem per intellectum præsciendi a dissonantia cum lege æterna.

R. D. M. Peccatum ut offensæ Dei involvit malitiam; quam, ut est contra rectam rationem, non includit explicite C. quam non includit implicite N. M. & D. m. similiter. Quando peccatum cognoscitur ut naturæ rationali disconveniens & illicitum, *implicite* etiam cognosci-

scitur ut a Deo prohibitum ; consequenter imbibit rationem generalis inobedientiæ & virtualis contemptus , atque *implicite* etiam ac virtualiter præfert creaturam Deo, exerceite scilicet amando id, quod Deus prohibet, & contemnendo legem æternam ac legislatorem.

Ad Conf. D. Ant. Potest supponi secundum probabilem , & per intellectum præscindi &c. speculative T. Præfice N. Qui pro regula morum designant naturam rationalem, quamvis concedant omnia rectæ rationi contraria etiam prohiberi a lege æterna, volunt tamen illam prioritate rationis ante hanc intelligi, atque sic naturam a lege *speculative* præscindi posse. Verum cum intelligi non possit regula actualis, & maxime actualiter in praxi dirigens, nisi ut obligans, quod sine cognitione voluntatis superioris non percipitur; inde fit, ut, quando attingitur aliquid disconveniens naturæ rationali, etiam attingatur contrarium legi & superiori; atque sic illa opinio de regula morum & præcisio intellectus ne *speculative* quidem procedit, multo minus si res ad praxin & actionem consideretur.

10. *Obj. III.* Omni ætate extiterunt Athei. 2. Secundum probabilem potest in homine ad breve tempus dari ignorantia Dei. 3. Status controversiæ præsentis ponitur cum hypothesi: si homo actionem rectæ rationi dissonantem advertens agit, & invincibiliter ignorat Deum, aut de eo non cogitat. Ergo.

R: *Ad 1um. D.* Omni ætate extiterunt Athei præfice tales C. speculative tales N. *Atheus præfice talis* est, qui Deum exterius negat, & ita perditæ vivit, ac si Deus non existeret, quemque vellet non esse, quis eum iustum suorum scelerum vindicem intimo conscientia suæ sensu formidat. *Speculative talis* dicitur, qui Deum mente etiam & ex animo negat. Talem dari negamus: aut contra lumen rationis agentem sibi ipsi exercite contradicere asserimus; cum, quem Deum sub primo ac præcipuo ejus prædicato inficiatur, sub alio, legislatoris scilicet aut legis supremæ, implicite agnoscat.

Ad 2um D. Potest ad breve tempus dari ignorantia Dei in homine, qui & quando moraliter non agit, nec formaliter peccat C. quando moraliter agit & peccat N.

Tunc

Tunc enim se omnemque creaturam rationalem obligari, sicque supremum legislatorem seu Deum agnoscit.

Ad 3^{am} D. Status controversiæ ponitur cum hypothesi: *¶* Homo invincibiliter Deum ignoret omnimode & simpliciter N. secundum quid, nempe quoad aliqua prædicata alias prima C. Omnimoda ignorantia supponi non debet; quia hæc *hypothesis* in præsentî quæstione destrueret se ipsam, ut ait GORMAZ, & ex dictis constat.

Inst. 1. Reperire est homines in Indiis, aut alibi enutritos in sylvis, qui legem naturæ penitus ignorant. 2. Dantur rudes, qui non agnoscunt sibi aliquid prohibitum, nisi ab hominibus. 3. Gentiles quidem, præter *Jovis* aliosve falsos Deos, verum Numen non cognoverunt: horum autem peccata non possunt dici *formales* offensæ Dei; ergo.

R. ad 1^{um} D. Reperire est homines rationis minus compotes tum ob nullam morum culturam, tum ob ingenii mentisque hebetudinem, & organorum ad animæ functiones ineptitudinem, qui &c. C. homines rationis compotes *subd.* qui ignorent legem naturæ quoad aliqua, & conclusiones particulares ac secundarias C. qui invincibiliter ignorent legem naturæ quoad omnia, & prima ac universalia principia N. Si primi generis homines huc proferas, illos potius ad infantes, vel perpetuo amentes, vel demum ad ipsa bruta pertinere dicimus: si vero rationis compotes statuas. concedes etiam, *signatum* esse super illos *lumen vultus Divini*, & eorum *cordibus inscriptam legem* ab Authore naturæ, cum ratio humana & lex Dei inter se inviolabili nexu colligentur.

Ad 2^{dum} D. Dantur rudes, qui non agnoscunt immediate sibi esse prohibitum quidpiam, nisi ab hominibus C. mediate N. sicut is, qui aliquid committit immediate a lege Ecclesiastica prohibitum, agnoscit idem saltem mediate prohiberi a Deo: sic etiam rudis agnoscens rem ut immediate prohibitam ab homine nullatenus esse licitam, facile & satis agnoscit eandem, ut mediate prohibitam ab altiori lege.

Ad 3^{tium} R. Ex eo, quod Gentiles malum putabant, si quid voluntati *Jovis* alteriusve fictitii Numinis contrarium agebant, agnoscebant profecto agere se contra supremum legislatorem, licet hunc erronee cum Jove confun-

funderent. Idem dicendum est in casu, quo rudis ponitur existimare, quod hominis cujusdam legem nulla omnino ratione violare liceat; quia tunc hominem hunc ipsum sua opinione *implicite* Deum facit.

Inst. 2. Ad offensam *formalem* Dei requiritur vel actualis vel virtualis ac remissa advertentia ad Deum. Sed dantur actiones humanæ etiam deliberatæ contra dictamen rationis absque ulla ejusmodi advertentia, ut ex facta postmodum reflexione constat; ergo. *Conf.* Ut quis bene agat, non est opus, ut ad prædicatum cum Deo convertibile discurrendo pertingat; sed sufficit, quod cogitet æquum v. g. esse, ut alteri præstet, quod sibi fieri vult. Ergo & ad peccandum non opus est illo discursu, quo quis cogitet, hoc esse illicitum & nullatenus perpetrandum, consequenter prohibitum a voluntate superiore.

R. D. M. Requiritur actualis vel virtualis, eaque expressa & sub conceptu primario aut formali ad Deum advertentia *N.* actualis vel virtualis, sed confusa duntaxat, implicita ac sub conceptu convertibili *C. M. sed N. m.* Postremam enim notitiam a peccante abesse non posse, jam dictum est sapius: eandem vero sufficere, patet ex paritate Sacerdotis peccantis contra castitatem, ejus peccatum est sacrilegium; quia confuse saltem & exercite cognoscit, se esse voto obstrictum.

Nec dicas. Id quidem tenere in eo, qui Deum Dei-que legem antea cognoverat: non autem, ubi quis horum ignorans fuerit. *R.* Paritas allata fundatur in implicita & exercite advertentia, quam peccanti adesse, in assertione Theseos probatum fuit.

Ad Conf. N. A. Ut quis moraliter bene agat, non sufficit quæcunque cognitio & libertas, sed requiritur advertentia ad regulam morum. Hæc vero est lex æterna Dei; ergo ut cognoscatur aliquid æquum esse, ad prædicatum cum Deo convertibile pertingi debet.

Inst. 3. Ut Rex dicatur *formaliter* offendi a subdito, requiritur illum cognosci ut regem, alioqui non diceretur offensa regia: ergo & ut Deus dicatur offendi formaliter, debet cognosci ut Deus; quod non fit ab advertente tantum, se agere contra rectam rationem.

R. D. A. Ut Rex directe, personaliter & in individuo dicatur formaliter offendi, requiritur &c. *C.* ut Rex
firm-

simpliciter dicatur offendā formaliter *subd.* requiritur, illum directe, immediate & in se cognosci ut regem, seu quod hic numero homo sit Rex N. saltem mediate, indirecte & in dignitate convertibili cum Rege C. Esto, quod non omne peccatum dicat formalem offensam Deidirectam, seu contra Deum *directe*, personaliter & in se cognitum commissam; semper tamen est saltem *indirecta*, & cognoscitur contra supremum caput & legislatorem totius rei-publicæ rationalis committi, quo nomine & Deus & Dei offensa satis intelligitur.

Inst. 4. Qui occidit hominem, quem putabat esse feram, non committit homicidium formale: *Item* non perpetrat sacrilegium formale, qui furatur rem, quam nescivit esse sacram. Ergo a pari. *Conf.* Qui exercet actionem malam, nesciens illi connexam censuram, hanc nec incurrit, nec formaliter violat legem Ecclesiasticam; ergo similiter.

R. Si, quod fieri omnino potest, in utroque casu *antecedentis* supponatur hominem aut rem sacram nullo prorsus modo cognosci, verum quidem est *antecedens*, sed nulla *paritas*; suppositum enim consequentis falsum est, nempe quod ne implicate quidem cognoscatur Deus. *Ad Conf.* R. 1. Probas nimium. Sequeretur enim, quod nesciens actioni a lege Divina prohibita annexum esse reatum culpæ & poenæ, hunc non incurreret; cum tamen uterque per se sequatur peccatum, & velit etiam effectum is, qui causam per se sciens prudensque ponit. R. 2. *N. Conf.* Peccatum ex se & natura sua non connectitur cum censura, quæ est poena extraordinaria, sed ex libera duntaxat voluntate superioris Ecclesiastici, qui præterea solum contumacem, & sic directe scientem ac advertentem, ligare intendit. *Dispar ratio* est in nostro casu, ubi rationis dictamen arctissime nectitur cum lege Divina, adeoque actio rectæ rationi contraria a violatione hujus legis & legislatoris offensa separari nequit.

QUÆRES I. *Quidnam circa Peccatum pure Philosophicum sit constitutum?*

II. *Nota.* Alexander VIII. S. P. An. 1690, 24ta Augusti damnavit hanc inter binas propositiones secundam: *Peccatum Philosophicum, seu morale, est actus huma-*

humanus disconveniens natura rationali & reſtationi: Theologicum vero & mortale eſt transgreſſio libera Divinae legis. Philoſophicum quantumvis grave in illo, qui Deum vel ignorat, vel de Deo actu non cogitat, eſt grave peccatum, ſed non eſt offeſſa Dei, neque peccatum mortale diſſolvens amicitiam Dei, neque poena aeterna dignum. Occaſionem huic damnationi dederunt, ut refert Dominic. VIVA in Trutina Theologica, quædam Theſes publice propoſitæ An. 1686. a quodam Profefſore Societatis Diviſione in Gallia; in quibus licet hæc Theſis, prout jacet, non reperiatur, nihilominus paucis per invidiam mutatis in hanc poſitionem una ex iis concinnata fuit; cum re ipſa mens Profefſoris in *manuſcriptis* expreſſa & verba Theſeos propoſitæ ſenſum longe alium haberent, quam quem proſcriptæ propoſitionis verba faciunt. Censura autem relatæ poſitionis fuit, quod ſit *ſcandalosa, temeraria, piarum aurium offeſſiva & erronea.* Quia tamen tres partes, una ſcilicet de Peccato Theologico & mortali, duæ de Peccato Philoſophico in expoſita propoſitione continentur, exponendum reſtat, quamnam censura recitata afficiat. Itaque

12. R. Imo. Pars una de peccato Theologico & mortali, quod nempe hoc ſit *libera Divinae legis transgreſſio*, non ſubjacet cenſuræ, nec digna eſt cenſura, niſi forte philoſophica diminutionis & inſufficientiæ. *Ratio 1mi;* quia hæc notio revera convenit peccato Theologico & mortali, ut ex hucusque dictis conſtat, & ex ipſa propoſitionis damnatione manifeſtum eſt. *Ratio 2di;* Quia juxta communioſiorem, quod peccatum ſit libera legis divinae transgreſſio, non habet præciſe, quod mortale, ſed quod Theologicum ſit, etiam præſcindendo a mortali & veniali.

R. 2do. Pars prima de peccato Philoſophico, quod nempe hoc ſit *actus humanus disconveniens natura rationali & recta rationi*, ſcilicet ſoli, etiam non ſubjacet cenſuræ, quatenus nomenclaturam illius peccati explicat. *Ratio eſt;* quia acceptionem vocis & conſiderationem recte exponit, & indicatur a D. THOMA, num. 3. relato.

R. 3tio. Pars 2da de peccato Philoſophico, quæ in poſtremo commate habetur, ut jacet, cenſuram ſuſtinet & meretur. *Ratio eſt;* quia, ut ait La Croix L. 5. num. 58. ſic non facit diſtinctionem inter ignorantiam & inadvertentiam ad Deum vincibilem & invincibilem, & de utra-

que

que aequaliter intelligi potest: multo minus indicat aut supponit impossibilem esse ignorantiam Dei vincibilem; sed potius videtur ansam dare judicandi, eam esse vincibilem, qua posita non est excusatio ab offensa Dei & reatu poenae aeternae.

Præterea, ut addit *Mayr* hic num. 21. abstrahit a sensu conditionato & absoluto, a possibilitate & existentia peccati Philosophici, adeoque legenti ingerere potest opinionem, talia peccata frequenter dari posse. Hinc vero recte deducit *VIVA* justitiam condemnationis quoad censuras singulas, & Thesis nostra prioris articuli validissime roboratur.

R. 4to. Si pars postrema sic limitetur ad sensum mere conditionatum: Peccatum Philosophicum quantumvis grave in illo, qui Deum vel ignorat *invincibiliter*, vel de eo *nullo modo*, nec quidem *implicitè*, *inculpabiliter* cogitat, non est *formalis* offensa Dei, &c.; propositio sic limitata illa damnatione non comprehenditur.

Ratio est; tum quia certum est ex propositione inter 31. ab *Alex. VIII.* damnatas 2da, invincibilem juris naturæ, adeoque & Dei ignorantiam a peccato formali excusare: tum quia idem Pontifex propositionem de peccato Philosophico damnat tanquam *de novo Et ex orco emergens*; propositio autem his limitibus circumscripta pridem ante a multis viris gravissimis fuit tradita, & ipse *S Thomas* eam decessisse videtur 2. 2. q. 20. a. 3. in ☉. ubi ait: *Si posset esse conversio ad bonum commutabile sine aversione a Deo, quamvis esset inordinata, non esset peccatum mortale*: tum quia ex hypothese hac mere speculativa, quæ revera non tantum moraliter sed & metaphysice impossibilis a communiori asseritur, nihil eorum sequitur, propter quæ damnatio inflicta fuit. Atque in hoc sensu, cum aliis etiam e Societate nostra locutus est ille Professor, ut *VIVA* l. c. ostendit.

QUAERES II. In quo sit formalis malitia Peccati?

13. R. 1mo. Formalis malitia peccati *Commissionis* adequate consistit in positivo, scil. in libera tendentia actus in objectum prohibitum. *Prob.* Talis tendentia positiva formaliter constituit actum in genere moris, non vero in genere boni, ergo *malè*. Videlicet sicut actus sit

mo-

CAP. I. DE MALITIA FORMALI PECCATI. 17

moraliter *bonus* per hoc, quod fiat scienter & libere a voluntate secundum legem operante; ita fit moraliter *malus* hoc ipso, quod fiat a voluntate libere & scienter operante contra legem.

Si ais. Ss. PP., cum de peccato loquuntur, ajunt, illud esse *nihil*, non *ens*; ergo statuunt formale peccati in privativo.

R. 1. D. A. Ajunt esse *nihil* & non *ens*, h. e. negant esse substantiam in sensu Manichæorum C. negant esse actum oppositum nihilo N. Manichæis quædam substantia ex natura sua malæ dicebantur productæ a Principio malorum, quod negabant Patres, & hinc etiam negabant, peccata esse substantias.

R. 2. D. C. Ergo statuunt seu explicant peccatum formaliter ac in se ipso per privativum N. consecutive & in effectu, scilicet per consequentem peccatum privationem C. patet ex eo, quod Ss. PP. hic sæpius intelligant privationem gratiæ, ac defectionem a Deo. Sane Patres nunquam attigissent hanc subtilitatem scholasticam, nisi eorum scopus adversus Manichæos juxta datam hæcenus explicationem id postulasset.

14. R. 2do. *Omissio* etiam sola actionis præceptæ est peccatum, & formaliter stat in quasi positivo. *Prob. p. 1.* *Omissio* etiam sola est legis transgressio: si enim non sit, fieri poterit, ut actio præcepta, urgente præcepto, omitatur sine peccato, id quod latam aperiret portam ad quasvis leges præcipientes negligendas. *Prob. 2. p.* Sola *omissio* actus, quin & ipsa negatio tendentiæ in objectum imperatum est tantum materiale seu subjectum peccati, quod ad rationem peccati formaliter talis determinatur per hoc, quod illa *omissio* sit, dum voluntas actum posset ponere, & advertit ac scit obligationem hanc ex lege ad ponendum actum; hic autem modus *moraliter, interpretative & æquivalenter* positivus est.

ARTICULUS III.

An omnia peccata sint æqualia.

15. *N*ota. STOICORUM paradoxum, qui teste Tullio in Or. pro Muræno & Parad. 3. inæqualitatem peccato-

catorum sustulerant; adoptavit præsertim Jovinianus, contra quem L. 2. S. Hieron. agens inquit: *De eo autem, quod niteris, approbare, convitium & homicidium, ræca & adulterium, otiosum sermonem & impietatem uno supplicio repensari, jam supra tibi responsum est. Quamvis vero, sicut hæreticus ille beatitudinis æqualitatem affirmabat, ita etiam hic de asserta duntaxat supplicii æqualitate intelligendus, atque hinc ad quæstionem de peccato mortali infra instituendam rejiciendus videatur; præmittendum tamen hic examen de ipsorum peccatorum nativa inæqualitate judicamus, cum S. Aug. L. de Hæres. C. 82. de Joviniano dicat: *Hic omnia peccata paria dicebat, sicut Stoici Philosophi.**

16. Dico. Non omnia peccata sunt æqualia. Est de fide. Prob. Joan. 19. fit mentio majorum minorumque peccatorum. V. 11. *Qui me tradidit tibi, majus peccatum habet.* Et Jerem. 7. v. 26. dicitur: *Pejus operati sunt, quam patres eorum.* I. Joan. 5. fit mentio peccati, quod est & non est ad mortem. V. 16. *Qui scit fratrem suum non peccare ad mortem, petat, & dabitur ei vita peccanti non ad mortem. Est peccatum ad mortem: non pro illo dico, ut roget quis.* Fit mentio peccati, quod meretur majorem vel minorem pœnam, quod remittitur, vel non, hoc est, difficillime remittitur; Matth. 5. v. 22. *Qui irascitur fratri suo, reus est judicio: qui autem dixerit fratri suo, ræca, reus erit consilio: qui autem dixerit, fatue, reus erit gehennæ.* Et ib. C. 12. v. 32. *Quicumque dixerit verbum contra filium hominis, remittetur ei: qui autem dixerit contra Spiritum Sanctum, non remittetur ei neque in hoc sæculo, neque in futuro.*

Conf. Tum quia ex peccatis alia mortalia sunt, alia venialia; tum quia lumini rationis contradicit, ejusdem esse criminis, nec plus mereri pœnæ homicidium, quam colaphum aut convitium; tum quia quædam multiplici honestati, ut adulterium, aut nobiliori honestati ac virtuti, ut odium Dei, opponuntur.

17. Objic. *Fundamentum Stoicorum* est, quod recta ratio sit instar lineæ, quam æque transiliunt, quicumque peccando illam transiliunt. Conf. Peccatum est privatio; sed privatio una non est major altera, v. g. mors morte, ergo.

Fund.

CAP. I. PECCATA NON SUNT ÆQUALIA. 19

Fund. Joviniani est, quod in Scriptura tantum duo ordines hominum constituentur, bonorum scilicet & malorum, Matth. 22. v. 33. *statuet oves a dextris, hados a sinistris.* *Conf. S. Basil. in reg. brev. resp. ad inter 239.* dicit, *differentiam majorum & minorum peccatorum nusquam in novo Testamento inveniri.*

R. Ad Fund. Stoic. D. Tō æque appellante peccantes C. appellante modum N. omnes quidem & singuli, qui transgrediuntur, lineam hanc transeunt, sed non omnes & singuli æqualiter, aliis longius, aliis propius abeuntibus; in quo sicut a centro magis aberrari, sic in moralibus a ratione discedi & peccari potest. *Ad Conf. Omissa maj. de qua sup. dictum, cum S. Th. hic q. 73. a. 2. in ©. D. min.* Privatio simplex & pura non est major vel minor C. privatio non simplex nec pura N. per *1am* privationem intelligit S. Doctor illam, cujus oppositum est indivisibile, aut certe per privationem ita tollitur, ut nihil ejus remaneat; talis est mors respectu vitæ vel animæ: per *2dam* intelligit, cujus oppositum est divisibile, aut saltem non totaliter tollitur; qualis est ægritudo respectu sanitatis. Ejusmodi etiam est peccatum, quia forma, qua privat, nempe honestas, non stat in indivisibili, sed est multiplex tam in qualitate tum in quantitate; potestque jam unius jam plurium circumstantiarum defectu peccari.

Ad Fund. Jov. R. Hoc nihil impedire, quominus sub utroque illo ordine reperiantur variae differentiae. A Christo etiam statuuntur duo ordines servorum, honorum scilicet & nequam, & tamen Luc. 12. v. 47. ait: *illis servus, qui cognovit voluntatem Domini sui, & non præparavit, & non fecit secundum voluntatem ejus, vapulabit multis: qui autem non cognovit, & fecit digna plagis, vapulabit paucis.* *Ad Conf. Expl.* Dicit hoc monendo, ut homines etiam abstineant a peccatis minoribus, contra ac sentiebant, qui cavebant a peccatis quidem majoribus, minora vero, quasi peccata non forent, ampledebantur C. alio sensu, & asserendo peccatorum æqualitatem N. sane alias ad silentium N. Test. provocare non potuisset.

18. *Observa. S. Thomas* plura capita assignat, unde inæqualitas peccatorum repetatur. 1. est *Objectum*, quod, quo nobilius est, si oppugnatur aut læditur, eo gravius

vius etiam est peccatum. Huc reducitur *notamentum* ex peccato sequens saltem confuse prævium: *circumstantiæ morales*: ac etiam *oppositio virtutum*, de quibus S. Doctor in diversis articulis agit. 2. *Conditio actus*, qui, quo liberior, majore cum advertentia, intensior aut diuturnior est, eo magis Deo displicet. 3. *Conditio persona*, tum *quæ* peccat, tum *in quam* peccatur. In priori autem attenditur facilitas resistendi, ingratitude, specialis repugnantia status cum peccato, scandalum. In posteriori distinguitur Dens, aut persona Deo propinquior: peccans ipse, aut conjunctus cum peccante, persona publica &c. de quibus in *Th. Mor.* Eadem supeditabit scito necessaria de Distinctione tum Specifica, tum Numerica Peccatorum.

QUÆRES: *Sitne Peccatum in aliqua ratione infinitum?*

19. R. Peccatum nec quoad malitiam, seu intuitu legis, nec quoad offensam, seu intuitu personæ offensæ, est simpliciter infinitum. *Proh.* Forma constituens peccatum in ratione malitiæ vel offensæ est finita, utpote modus, quo actus scienter & libere fit contra legem Dei; ergo ipsa etiam malitia & offensæ. *Objectum* quidem infinitum est; at non mensurat actum, nisi secundum modum *cognitionis*, quæ si nulla est, nullum quoque peccatum est: si minor vel major, minus vel majus peccatum est: ergo si finita est cognitio, etiam finitæ tantum malitiæ peccatum est; alioquin virtutes theologica, visio beatifica, & peccata venialia simpliciter infinita forent. Adde, hoc ipso, quod malitia & offensæ possit *augeri*, cum nulla sit determinata peccati malitia omnem intra genus suum possibilem malitiam formaliter vel eminenter continens; nullum peccatum dici posse simpliciter infinitum.

Si ais 1. *Quantitas offensæ* desumitur a dignitate offensæ. Offensæ est vere Divina; ergo & infinita. Satisfactio personæ infinitæ est infinita; ergo & offensæ personæ infinitæ. R. Dignitas offensæ mensurat offensam secundum modum cognitionis; hæc cum in offensæ creaturarum sit duntaxat finita, æquare dignitatem non potest. Ut offensæ sit *Divina*, sufficit cognosci personam offensam esse

CAP. I. DE MALITIA PECCATI INFINITA. 21

esse divinam; sicut, ut offensa sit regia, satis est, cognosci personam offensam esse Regem: ut sit *infinita*, debet cognosci dignitas Dei offensi, quantum cognoscibilis est. Persona infinita in *satisfactione* influit per se, immediate, & ut principium quod intrinsecum, cum actiones sint suppositorum: persona autem infinita offensa in offensam influit tantum ut objectum extrinsecum, & mediante cognitione, eaque finita. Proin actiones Christi, quamvis in entitate sua finitæ, infiniti tamen valoris sunt, quia Verbum non dignificat merita *ut cognitum*.

Si ais 2. Sanctitas personæ est forma intrinsece dignificans actus meritorios; ergo & vilitas personæ offendentis intrinsece indignam reddit offensam. Satisfactio condigna pro peccato dari non poterat, nisi a personæ infinite digna; ergo peccatum supponitur esse infinitum. *R.* Meritum tanquam obsequium supernaturale non provenit nisi a principio supernaturali intrinseco; demeritum autem, ceu opus naturale morale, præcise provenit a principiis effectivis & directivis moralitatis, inter quæ vilitas personæ non recensetur. *Satisfactio* pro peccato requirebat personam divinam, non propter malitiam peccati infinitam, sed propter aequalitatem personarum, offensæ & satisficientis, in qua fundatur satisfactio proprie talis.

Si ais 3. Peccatum excedit omne malum finitum: præponderat omnibus bonis operibus in infinitum multiplicatis: non est prudenter eligibile præ aliis etiam infinitis malis; ergo infinitæ malitiæ est. *R.* Peccatum excedit omne malum, quod est extra suum ordinem; & sic infinitum est *secundum quid* & ratione ordinis, quia major offensa non datur, quam divina: non autem excedit omne malum etiam intra suum ordinem, quia semper possibilis est major gradus & intensio malitiæ; & sic nullum est in se ac simpliciter infinitum. Quod præponderet infinitis operibus bonis, inde tantum sequitur, peccatum esse superioris & perfecte *infiniti ordinis*, ad quem non pertingunt ulla creaturæ obsequia, utpote finita. Instantis est in peccato veniali. Non est eligibile præ aliis infinitis malis, ob sui cum divina voluntate, quæ est regula omnis electionis, oppositione; non ob malitiæ infinitudinem.

Si ais 4. Peccatum aufert a Deo bonum infinitum, scilicet rationem Finis ultimi: privat hominem Deo, homo infinito: meretur penam æternam, adeoque infinitam;

ergo & ipsum in se infinitum est. R. Peccatum aufert a Deo rationem Finis ultimi *extrinsecam*, qua Deus actu præfertur aliis omnibus: non vero *intrinsecam*, quæ de se est digna, ut omnibus creatis anteponatur; scilicet infinitam Dei excellentiam & bonitatem. Privat hominem Deo, infinito quidem bono, at finite tantum nobis communicabili. Meretur poenam tantum *extensive* infinitam, cum intensive infinita possibilis non fiet; & sic Deus punit quidem infra condignum quoad intensiorem, non autem quoad durationem.

CAPUT II.

De Causis & Effectibus Peccati.

ARTICULUS I.

An Deus sit causa & auctor Peccati?

20. **N**ota. Deum peccati causam statuerunt *Simon Magus*, *Cerdon*, *Marcion*, *Manes*, aliique post illos, qui bina omnium principia, aliud bonum, aliud malum, posuere. *Florinus* quidam Sæculo II. Deum peccati auctorem aperte blasphemavit, plusquam hæreticus inde a S. Irenæo dictus. Eum Sæc. XVI. secuti sunt *Libertini*; quorum duces præcipui *Coppinus* & *Quintinus*, Sutores Flandri. Negabant hi quidem, peccata quidpiam præter inanem ac falsam opinionem esse; affirmabant tamen, quæ ab hominibus peccata dicuntur, a Deo, solo omnis in omnibus operante, fieri.

Hos duobus libris oppugnavit *Calvinus*, ipse tamen æqualis blasphemiae reus; peccata enim hominum Deo *volente*, *definiente*, *imperante* & *impellente* fieri plurimis in locis suarum Institutionum, Libri de æterna prædestinatione, aliorumque operum scripsit. Unde *Bellarmino*. l. 2. de amiss. Grat. cap. 4. & seqq. demonstrat, a *Calvino* etiam fatendum, vel quod Deus vere peccet, peccatique auctor sit, vel quod peccatum præter inanem falsamque opinionem habeat nihil. Idem docuit olim *Lutherus*, ut patet ex esset. ar. 36. & *Melanchton* in Comment. ad cap. 8. epist. ad Rom.

CAP. II. DEUS NON EST AUCTOR PECCATI. 23

21. *Dico.* Deus non est causa vel auctor ullius peccati. Est de fide. *Prob. ex SCRIPTURA*, quæ disertis verbis negat Deum facere, velle, imperare peccata, aut ad ea incitare. I. Sap. 11. v. 25. de Deo dicitur: *Nihil odisti eorum, quæ fecisti.* Sap. 14. v. 9. autem: *Similiter odio sunt Deo impius & impietas ejus.* Ergo Deus non facit impium & impietatem. II. Psal. 5. v. 5. *Non Deus volens iniquitatem tu es.* Pl. 44. v. 8. *Dilexisti justitiam & odisti iniquitatem.* III. Eccli. 15. v. 21. *Nemini mandavit impie agere.* Jerem. 19. v. 5. *Ædificaverunt excelsa Baalim, quæ non præcepi, nec locutus sum, nec ascenderunt in cor meum.* IV. Eccli. 15. v. 11. *Non dicas, per Deum abest: quæ enim odit, ne feceris. Non dicas, ille me implana- vit: non enim necessarii sunt ei homines impii.* Jac. 1. v. 13. *Nemo, cum tentatur, dicat, quoniam a Deo tenta- tur. Deus enim intentator malorum est. Ipse autem neminem tentat.* Conf. Scriptura docet, peccatum soli crea- turæ proprium esse; Osee 13. v. 9. *Perditio tua ex te Is- rael, tantummodo in me auxilium.* Joan. 8. v. 44. *Cum loquitur mendacium, ex propriis loquitur. Quia mendax est, & pater ejus.* Ergo nullo modo in Deum referri po- test.

Prob. ex TRADITIONE. I. CONC. ARAUSIC. II. Can. 23. hæc habet: *Suam voluntatem homines faciunt, non Dei, quando id agunt, quod Deo displicet.* Et Can. 25. *Aliquos ad malum Divina potestate prædestinatos non so- lum non credimus, sed etiam, si sunt, qui tantum malum credere velint, illis cum omni detestatione anathema dici- mus.* TRIDENT. Sess. 6. Can. 6. *Si quis dixerit, non esse in potestate hominis vias suas malas facere, sed mala ope- ra ita, ut bona Deum operari; non permissive solum, sed etiam proprie & per se, adeoque ut sit proprium ejus opus non minus proditio Judæ, quam vocatio Pauli, anathe- ma sit.*

II. PATRUM testimonia obvia sunt, & in decursu quædam afferentur. Inter eos S. Irenæus integrum opus contra hæresin hanc, teste Eusebio l. 5. Hist. c. 19. edidit: S. Basiliius homiliam, quam inscripsit: *Deus non est Au- thor peccati*: S. Aug. libros de libero arbitrio ex eadem potissimum causa etiam scripsit.

Prob. ex RATIONE. Deus causa & auctor peccati dicitur, vel quia ad id hominem moraliter movet: vel quia

physice necessitat: vel quia concurrit, cum posset non concurrere: vel quia illud permittit, cum possit impedire.

Sed *1um* est falsum, cum Deus peccatum prohibeat, ab eoque poenis propositis deterreat; aut si verum foret, nec sanctus esset, nec justus scelerum ultor. Falsum etiam est *2dum*, cum homo libere peccet; sin minus, homo non peccaret. *3tium* non facit Deum peccati auctorem; tum quia ejus concursus creaturis est debitus: tum quia ex se est indifferens: tum quia ab actione creata logice determinatur, & contra intentionem datur. Neque *4tum* id evincit; quia Deus peccatum impedire non tenetur, & jure non impedit; tum ut debitum causæ universalis impleat: tum ut, quod Aug. Enchir. c. 2. & II. ait: *etiam de malo beneficiat.*

Objectiones.

22. **O**bjic. I. SACRA SCRIPTURA pluribus modis Deum declarat auctorem peccati. I. Tribuit Deo universim omnia mala. Sic Amos 3. *Si fuerit malum in civitate, quod non fecerit Dominus.* Isa. 45. *Ego Dominus faciens pacem & creans malum.* R. D. tribuit Deo omnia mala poenæ C. mala culpæ N. de Imo textu autem S. Aug. cont. Adimant. c. 26. ait: *malum hoc loco non peccatum, sed parva intelligenda est.* Idem sensus est textus 2di, ut S. HIER. in hunc locum aperte dicit.

II. Significat Deum velle & decrevisse, ut mala fiant. Sic Genes. 45. *Non vestro consilio, ait Joseph, sed Dei voluntate huc missus sum.* Actor 2. Hunc, Christum, *definito consilio & præscentia Dei traditum per manus iniquorum affligentes interemisisti.*

R. N. In his & similibus duo spectanda sunt: *1um*, voluntas & actio mala fratrum & judæorum; hanc Deus præscivit, non tamen voluit aut decrevit: *2dum*, perpessio hujus mali bona & secutura inde exultatio Josephi ac redemptio nostra; hæc ex præviso malo bona voluit & decrevit Deus elicere. Hinc Gen. 50. v. 20. JOSEPH ad fratres: *vos cogitastis, ait, de me malum, sed Deus vertit illud in bonum, ut exaltaret me, & salvos faceret multos populos.* Et S. LEO Serm. 16. de pass. Dom. *Diversum & contrarium est id, quod in malignitate Judæorum est præcognitum, & quod in Christi passione est disposit-*

CAP. II. DEUS NON EST AUCTOR PECCATI. 25

positum. Non inde processit voluntas interficiendi, unde moriendi: nec de uno extitit Spiritu atrocitas sceleris & tolerantia Redemptoris.

III. Docet Deum creare impios, ut postea in eorum poenis manifestet suam iustitiam. Sic Prov. 16. *Omnia operatus est propter semetipsum Dominus, impium quoque ad diem malum.* Exod. 9. *Ideirco autem posui te, Pharaonem, ut ostendam in te fortitudinem meam.* Ubi ad Rom. 9. dicitur: *excitavi te.* Et ibid. *An non habet potestatem figulus facere aliud vas in honorem, aliud in contumeliam?*

R. D. Docet Deum creare impios formaliter tales, hoc est, quos ipse impios faciat N. materialiter tales, hoc est, quos videt ex propria electione impios futuros, *subd.* ita ut decretum, ad iustitiam in impiorum suppliciis demonstrandam, præcesserit culpæ prævisionem N. ita ut prævisio culpæ antecesserit decretum C. Itaque Deus etiam impium, qui sua sponte ad diem malum iturus erat, creavit ad gloriam suam. Sic enim AUG. epist. 106. ad Paulin. *Quamvis peccata non fecerit, naturas tamen ipsas, quæ per se ipsas sine dubio bonæ sunt, quibus tamen ex arbitrio voluntatis futura essent vitia peccatorum, & in multis talia, quibus aterna esset poena reddenda, quis nisi Deus creavit?*

PHARAONEM, cujus liberam pervicaciam præviderat, posuit ac conservavit in regno, ut interpretatur Rupertus Tuitiens. in hunc locum, ad exercitium patientiæ Israelitarum, & potentiæ suæ manifestationem. Novitergo Deus, inquit AUG. q. 32. in Exod. 1., *uti malis, in quibus tamen humanam naturam non ad malitiam creat, sed eos perfert patienter, quousque scit oportere, non inaniter, sed utendo eis ad admonitionem vel exercitationem bonorum.* Denique sensus allegoriæ de vasis figuli est, homines, qui peccato originali vel etiam actuali damnationem meruerant, alios per misericordiam Dei salvari, alios pro meritis suis per suam iustitiam poena affici.

Ita explicat S. AUG. ep. 105. ad Sixt. *Quamvis Deus faciat vasa iræ in perditionem, ut ostendat iram & demonstret potentiam suam, quæ bene etiam videtur malis, & ut notas faciat divitias gloriæ suæ in vasa misericordiæ, quæ fecit in honorem, non damnabili massa de-*

bitum, sed sua gratia largitate donatum; tamen eisdem ira vasis, propter meritum massa in contumeliam debitam factis, id est, hominibus propter naturam bonitatem creatis, sed propter vitia supplicio destinatis, iniquitatem, quam rectissima veritas improbat, damnare novit ipse, non facere.

IV. Dicit Deum homines ad peccandum incitare & impellere, jam per se, jam per angelos malos. Sic lib. 2. Reg. c. 16. *Dominus præcepit, SEMEI, ut malediceret David.* Ibid. c. 24. *Commovit Domini furor David, dicentem: vade, numera Israel & Juda.* Et 1. 3. c. 22. Deus spiritui malo, qui promiserat se decepturum Achab, ait: *decipies, & prævalebis. Vade, & fac ita.*

R. D. Dicit Deum incitare & impellere proprie, hoc est, physice movendo voluntatem, vel moraliter per verum & proprium mandatum, suasionem aut alium modum impellendo N. improprie tantum & tropice C. Dicitur autem per tropum tripliciter Deus imperare malum, vel ad illud incitare.

Imo Quatenus permittit, diabolum vel hominem male agere, sicut qui fræna equo generoso laxat, aut cani venatico funem solvit, incitare ad cursum aut ad prædam immittere dicitur. Hunc modum tum alibi, tum L. de Grat. & lib. arb. c. 13. S. Aug. usurpat, *cum auditis, dicens, ego Dominus seduxi Prophetam illum, & quem vult, obdurat; in eo, quem seduci permittit vel obdurari, mala ejus merita credite.* 2do. Quatenus non tantum permittit malos male agere, sed deserit etiam eos, contra quos mali agunt. Hujusmodi indicium præbet Aug. epist. 89. q. 2. dum exponens illud: *Et ne nos inferas in tentationem,* ait: *intelligitur, ne nos inferri deserendo permittas.* 3tio. Quatenus voluntates jam ex se malas ordinat ad unum potius malum, quam aliud; vel *permissive*, impediendo scilicet, ne hoc faciant malum, sinendo autem, ut faciant illud: vel *positive tantum occasionaliter*, immit-tendo scilicet affectum vel cognitionem bonam, unde malus sumat occasionem judicandi melius esse facere hoc, quam illud malum.

Hunc modum adhibuit Hugo & S. Victore lib. 1. de Sacram. Parte 4. c. 29. *De illo autem modo, quo malas etiam voluntates . . . ad suum arbitrium temperat. Et in-*
cli-

CAP. II. DEUS NON EST AUCTOR PECCATI. 27

dinat, hoc sentiendum, ut credatur Deus malis voluntatibus non dare corruptionem, sed ordinem. Et infra: Voluntati mala vitium est ex ipsa, quo mala est: ordo autem ex Deo est, quo per velle sive ad hoc sive ad illud est... Potest ergo voluntas mala in se corrumpi & resolvi per proprium vitium, quod ei aliunde non datur: sed non potest per velle extra se precipitari, nisi qua ei via aperitur.

S. Augustinus vero & Theodoretus in illud Psal. 104. *Convertit cor eorum, ut odirent populum ejus; dicant Deum id fecisse non pervertendo Aegyptios, sed benefaciendo Israelitis, unde illi majoris odii occasionem acceperunt. Atque ex horum uno vel pluribus explicari possent omnia objecta; de quibus præterea adverte, in 2do textu Deo permittenti adscribi, quod Satan fecisse l. 1. Paralip. c. 21. legitur: in 3tio autem imperativum modum adhiberi pro significando futuro, secundum usurpatam alibi etiam in Scriptura phrasin, Simili ratione respondetur ad ea, quæ ex lib. 2. Reg. cap. 12. de Absalonis incestu & aliunde de aliis obijciuntur.*

V. Afferit Deum excæcare & obdurare homines malos; cæcitas autem & durities juxta S. Aug. l. 5. contra Julian. c. 3. peccatum, causa & pœna peccati est. Sic Joan. 12. *Propterea non poterant credere, quia iterum dixit Isaias: excacavit oculos eorum & induravit cor eorum. Et ad Rom. 9. Cujus vult, miseretur, & quem vult, indurat.*

¶ D. Afferit Deum excæcare & obdurare homines positive, hoc est, falsa præjudicia & erroneam conscientiam illis immittendo, quæ est cæcitas mentis, & affectum pravum ac admonitionum divinarum contemptorem voluntati tribuendo, quæ est duritia cordis N. negative duntaxat vel permissive, scilicet cæcitatem & duritiem non impediendo, hominibus non miserendo, eos deserendo, & uberiora ac congrua auxilia, quæ dare non tenetur, subtrahendo C. Constans hæc est interpretatio S. Augustini. Sic enim ep. 105. ad Sixtum loquitur, *non obdurat Deus impertiendo malitiam, sed non impertiendo misericordiam. L. 1. ad Simpl. q. 2. Obduratio Dei est nolle misereri, ut non ab illo erogetur aliquid, quo fit homo deterior; sed tantum, quo fit melior, non erogetur. Et Tract.*

53. in Joan. *Sic excacat, sic obdurat Deus deferendo, non adjuvando, quod occulto iudicio facere potest,*

Positiva autem excacatio & obduratio est ab ipso homine; quod David significavit monendo, dum Psal. 94. v. 8. dixit: *nolite obdurare corda vestra*; CHRISTUS autem reprehendendo, dum inquit Matth. 13. v. 15. *Incrassatum est cor populi hujus, & auribus graviter audierunt, & oculos suos clauferunt, ne quando videant oculis, & auribus audiant, & corde intelligant, & convertantur, & sanem eos.*

23. *Objic. II. S. AUGUSTINUS etiam peccata dicit fieri Deo volente, decernente, faciente & incitante. R. Et si hoc doceret, contra dogma fidei nihil probaret, sed descendendus foret. Damnata enim ab Alex. VIII. est hæc propositio 30. Ubi quis invenerit doctrinam in Augustino clare fundatam, illam absolute tenere potest, non respectu ad ullam Pontificis Bullam. Sed quam falso hoc a Calvino objiciatur, videamus.*

I. Deus juxta S. Augustinum vult peccatum; nam I. peccata non fiunt præter Dei voluntatem, nec eo invito, aut otiose spectante, aut imprudente, ut constat ex Enchir. c. 100. *Non fit præter voluntatem Dei, quod etiam contra ejus voluntatem fit; quia non fieret, si non sineret: neque utique nolens finit, sed volens; ergo a Deo volente fit peccatum.* 2. Velle permittere includit velle fieri; atqui Deus vult permittere peccatum; ut patet ex textu jam citato; ergo. 3. Deus vult bonum; sed peccata fieri est quid bonum, ut ait ibid. Aug. c. 96. *Quamvis, quæ mala sunt, non sint bona; tamen ut non solum bona, sed etiam mala sint, bonum est.* 4. Etiam Deus vult peccatum ipsum; licet bona voluntate; nam ibid. c. 101. dicitur: *Aliquando bona voluntate homo vult, quod Deus non vult; & rursus fieri potest, ut hoc velit homo voluntate mala, quod Deus vult bona.*

R. N. *Aff. ad 1m. D. C. Ergo Deo volente permittere fit peccatum C. Deo volente fieri N. Deus erga peccata non habet positive velle; quia bonus & justus est: talis autem non esset, si peccata vellet. Nec etiam habet positive nolle; quia omnipotens est: talis autem non foret, si aliqui d feret ipso absolute nolente. Habet tamen negative nolle seu conditionate non velle, quatenus peccatum pro-*

CAP. II. DEUS NON EST AUCTOR PECCATI. 29

prohibendo vult aut non fieri peccatum, aut puniri eum, qui peccat. Ex hac itaque ratione, & quia Deus vult permittere, ut fiant peccata, apparet, quod peccata non fiant Deo imprudente, aut simpliciter invito, aut præter ejus voluntatem.

Ad 2d. N. vel D. M. Velle permittere includit velle fieri ex parte permittentis N. ex parte facientis C. velle permittere mala est velle non impedire, ne fiant mala; quod potest esse bonæ voluntatis, præsertim in Deo, ad quem spectat non impedire cursum rerum: velle fieri mala autem est malæ voluntatis, quæ vel malo delectatur, vel eo uti vult ad bonum contra illam regulam: *non sunt facienda mala, ut eveniant bona.*

Ad 3t. D. min. Peccata fieri active est bonum N. fieri permissive *subd.* est bonum, quatenus præcise peccata sunt & fiunt N. quatenus a Deo ad finem bonum ordinantur, postquam permittente Deus existunt C.

Ad 4t. D. vult ipsum peccatum, hoc est, ipsam malitiam actus vel objecti N. hoc est, objectum, quod volendo homo peccat C. Distinctio patet ex exemplo, quod ibidem subjungitur. Malus filius si vult mori patrem, hoc mala voluntate vult & peccat: si vero etiam Deus hoc velit, vult id bona voluntate, quia præter dominium in vitam habet finem semper bonum in decernenda hominum morte. Hinc autem constat non esse hic intelligendum objectum *intrinsece* malum.

H. Deus juxta S. AUG. ordinat & decernit mala; sic enim S. AUG. L. de Corrept. & grat. cap. 10. *Confitemur Deum, qui mala ex bonis oritura præcivit, Et scivit magis ad suam omnipotentissimam bonitatem pertinere, etiam de malis benefacere, quam mala esse non sinere, sic ordinasse Angelorum Et hominum vitam, ut in ea prius ostenderet, quid posset liberum arbitrium, deinde quid posset gratiæ suæ beneficium, justitiæque judicium.* Et ib. c. 7. *Cum audimus: nonne ego vos duodecim elegi, Et unus ex vobis diabolus est? illos debemus intelligere electos per misericordiam, illum per judicium: illos elegit ad obtinendum regnum suum; illum ad effundendum sanguinem suum.*

R. N. Aff. Quod textus imus plane non probat, cum non dicat Deum decrevisse, ut mala ex bonis orirentur,

tur, aut ut angeli & homines prius necessario peccarent, & propter peccata punirentur, ut patet. Dum vero Calvinus & Beza addunt præscientiam a proposito Dei per S. Augustinum nunquam seungi; falsum dicunt, cum L. de prædest. SS. c. 10. scribat: *Prædestinatio sine præscientia esse non potest: potest autem esse sine prædestinatione præscientia. Prædestinatione quippe Deus præscivit, quæ fuerat ipse factururus: præscire autem potest etiam ea, quæ ipse non facit, sicut quæcunque peccata.*

Ad 2d. text. D. Ita, ut eligere ad effundendum sanguinem suum idem sit ac decernere uti mala voluntate Judæ, quam se permittente futuram in eo prænoverat, ad redemptionem peragendam C. ita, ut idem sit ac decernere ipsam malam voluntatem N. Huic expositioni locum faciunt verba paulo post sequentia: *ab illo quippe electus est, qui novit bene uti etiam malis, ut per ejus opus damnabile, illud, propter quod ipse venerat, opus venerabile completur.*

III. Deus juxta S. AUG. hominem inclinât ad malum; sic enim L. de grat. & lib. arb. c. 21. *Operatur, inquit, Deus in cordibus hominum ad inclinandas eorum voluntates, quocunque voluerit, sive ad bona pro sua misericordia, sive ad mala pro meritis suis.* R. D. Inclinat proprie N. improprie & tropice, uno scilicet ex illis n. n. priore §. IV. expositis modo C. sub hac autem inclinatione jam adesse in homine propriam malitiam, patet ex verbis eod. lib. c. 20. præmissis: *voluntatem proprio vitio malam in hoc peccatum judicio suo justo & occulto inclinavit.*

IV. S. AUG. verba scripturæ explicans, quæ dicunt Deum homines tradere in reprobum sensum, negat id fieri deferendo & per patientiam seu permissionem. Sic enim l. 5. cont. Julian. c. 3. scribit: *Sequitur: propter hoc tradidit illos Deus in passionem ignominie. Audis propter hoc; & quaris inaniter, quomodo intelligendus sit tradere Deus, multum laborans, ut ostendas eum tradere deferendo. Item ibid. Quid est autem, quod dicis: cum desideris suis traditi dicuntur, relictæ per Divinam patientiam intelligendi sunt, non per potentiam in peccata impulsæ. Quasi non simul posuerit hæc duo idem Apostolus & patientiam & potentiam.*

R. D. Negat fieri in sensu Juliani C. in sensu suo & nostro N. Exstimavit Julianus nec concupiscentiam
nec

CAP. II. DEUS NON EST AUCTOR PECCATI. 31

nec ullum peccatum esse pœnam alterius peccati, & hinc dicebat Deum non tradere quemquam desideriis suis aut in reprobum sensum, quasi peccatum prius puniat: sed quia permittit, ut quis in desideriis malis, quibus jam tenebatur, hæreat; unde Deus juxta Julianum mere negative se habebat.

S. AUGUSTINUS contra non negavit simpliciter Deum tradere deferendo; cum præter dicta n. pr. §. V. hoc ipso in loco dicat: *cum ergo dicitur homo tradi desideriis suis, inde fit rous, quia desertus a Deo cedit eis atque consentit.* Negavit vero Deum id simpliciter permittere, cum permittat hoc Deus, ut puniat: negavit etiam Deum hic se mere permissive habere, cum Deus deferat subtrahendo suas gratias in pœnam prioris peccati, & sic non tantum permittat, ut quis in desideriis, in quibus jam est, hæreat, sed deferendo sinat, ut quis desideriis malis consentiat. Prius ostendit, dum primo textui subjungit: *sed quomodo libet tradat; propter hoc tradidit, propter hoc deseruit,* scilicet ut priora peccata puniat. Posterius, dum ibid. addit: *aliud est habere mala desideria cordis, aliud tradi eis, utique ut consentiendo eis possideatur ab eis, quod fit, cum iudicio divino traditur eis.*

Quod in textu 2do dicitur: *in peccata compulsi;* verba sunt Juliani, quæ dissimulavit Aug., tum, quod nollet de traditionis modo hic disputare, sed uni quæstioni insistere, an peccatum sit pœna alterius peccati? ut patet ex verbis mox relatis; tum quod alibi satis clare contrarium doceret, nempe Tract. 53. in Joan. *Fecerunt Judæi peccatum, quod eos non compulit facere, cui peccatum non placet.* Et L. 13. de Trin. C. 12. *Modus, quo traditus est homo in diaboli potestatem, non ita debet intelligi, tanquam hoc Deus fecerit, aut fieri jusserit, sed quod tantum permiserit.*

24. *Obje. III.* Qui est causa causæ, est causa causati, ex posita causa secuti & in ea prævisi; atqui Deus est causa multiplicis causæ, ex qua posita sequitur peccatum, & in qua illud etiam ab eo prævidetur. Ergo est causa peccati. *Min. constat,* quia Deus est causa 1. voluntatis humanæ proclivis ad peccatum: 2. motuum concupiscentiæ: 3. cognitionum allicientium ad peccatum.

R. D. M. Causa causæ est causa physica causati C. causa moralis & intentionalis *subd.* si causa immediata effectus

ctus sit causa per se efficax, aut habeat unum tantum effectum, aut si quidem habeat plures effectus, causa tamen causæ ex intentione vel complacentia feratur in hos plures effectus C. secus N. In omnibus autem assignatis aliquid ex his requisitis deficit.

1. Voluntas enim humana *indifferens* est tam ad bonum quam ad malum, nec tam proclivis est ad malum, quam debilis ad bonum, quatenus a rebus inferioribus facile impellitur ad peccatum. *Miseria* autem hujus status prove- nit partim a privatione doni, quo allicientia ad peccatum impediuntur; in quo non est causa per se peccati: partim a causis extrinsecis vel intrinsecis, quæ tamen causæ effi- caces peccati non sunt.

2. Concupiscentiæ motus non sunt ex se mali, sed naturales & inclinantes ad proprium finem, qui de se est licitus, quamvis is in certis circumstantiis, & ejus abusus sit illicitus. Unde quantum ad conditionem hominis spectant, etiam non sunt causa efficax unius tantum effectus, nec per se & efficax causa peccati. Quod autem tales motus non possint ab homine ad libitum rationis frænari, ori- tur a peccato originali: interdum a vitio progenitorum, aut a culpa personali hominis, qui intemperantia sua eos promovet, aut consuetudinem induxit.

3. *Cognitio*, cujus causa Deus dici potest, vel est indifferens & composita ex duabus, quarum una retrahit a malo, altera inclinat ad malum, vel tantum proponit ob- jecti delectabilitatem, & præscindit, num sit contra legem: neutra autem est causa per se, multo minus efficax; cum etiam postrema cognitio sit talis scientia, quam angelus & homo primus acceperunt a Deo, & per quam intellectus co- gnoscit bonitatem rei physicam. Quin, licet etiam Deus proponeret *cognitionem*, quæ bonitatem tantum apparen- tem objecti formaliter legi divinæ repugnantis repræsenta- ret, hæc non esset positio causæ per se efficacis peccati; quia propositio ejusmodi relinquit adhuc *indifferentem* volunta- tem, & quantum movet ad peccatum, tantum ab eo re- trahit ob cognitionem legis adjunctam. Cæterum in his omnibus peccatum, quod Deus dissuadet, prohibet & punit, ab eo non intendi certum est.

Inst. 1. Deus concurret una actione indivisibili cum creatura ad peccatum; ergo est causa. *Conf.* Creatura ex suo concursu dicitur causa peccati, ergo & Deus.

R. D.

CAP. II. DEUS NON EST AUCTOR PECCATI. 33

R. D. A. Concurrit Deus concursu ex se indifferente, nec immediate libero, sed logice determinato a creatura C. concursu immediate libero, & elective ab ipso Deo determinato N. Concursus Dei ex se indifferens est; quia omnipotentia Dei parata est concurrere cum homine tam ad bonum, quam ad malum: non est immediate liber; quia Deus non ipse actionem eligit aut determinat, sed homini electionem & determinationem relinquit: logice determinatur ab homine, quia Deus concurrit, quia creatura eligit & agit; non vero creatura eligit & agit, quia Deus concurrit.

Ad Conf. Disp. Creatura ex propria inclinatione, intentione, electione ac determinatione concurrit vel agit id, quod omittere obligatur; ergo ex omni capite est causa peccati. Concursus Dei est omnino diversus, ut modo dictum: ac præterea tanquam causa universalis Deus eum præbere debet ad potentiam agendi in creaturis complendam, & in liberis potestatem ad utrumque sortiam tuendam.

Inst. 2. Licet Deus præbeat concursum indifferenter, tamen est auctor bonorum operum; ergo a pari. *Conf.* Peccatum subsequens sæpe est pœna peccati prioris; sed Deus est causa hujus pœnæ; ergo & peccati.

R. Disp. Deus intendit bona opera & præcipit: ad ea nos hortatur propositis præmiis, & propter hæc consequenda libertate nos donavit: atque ad hæc præter concursum indifferentem gratias confert; ergo recte author boni dicitur. Nihil autem ejusmodi Deus facit in ordine ad opus malum, qui illud adversatur, prohibet, & supplicia minatur, si concursum ejus indifferentem ad illud determinaverimus.

Ad Conf. D. M. Peccatum subsequens ratione sui est pœna prioris N. ratione adjunctorum C. Ratione sui peccatum subsequens est actus voluntarius, ergo pœna esse nequit, quæ patienti debet esse involuntaria & a puniente vere infligi: ratione adjunctorum antecederet dicit subtractionem gratiæ & permissionem Dei, consequenter terrores conscientiæ & supplicia, secundum quæ peccatum Deo convenire potest.

Inst. 3. Omnipotentia Dei æque est sancta, ac Voluntas; ergo vel omnipotentia Dei non potest producere
C actum

actum peccaminosum, sicut voluntas non potest velle; vel potest Deus velle, sicut producere peccatum. *Conf. 1.* Vel concurrere ad peccatum est bonum vel malum? si primum; ergo Deus potest id positive velle: si 2dum; nullo modo concurrere potest. *Conf. 2.* Licet etiam Deus vellet peccatum, tamen vel non esset causa peccati; cum hæc sit tantum deficiens, quod prædicatum Deo convenire nequit: vel non peccaret; quia non ageret contra legem, utpote quæ respectu ejus non datur.

Ex. N. Conf. Disp. Versari simpliciter circa peccatum non est malum; cum intellectus etiam Divinus possit sine aliqua culpa versari cognitione circa illud: similiter etiam simpliciter physice producere peccatum, malum non est. Sed sicut versari circa peccatum cognoscendo cum aliqua complacentia est malum, sic etiam producere peccatum illud libere eligendo est malum; quod postremum longissime a Deo abest.

Ad Conf. 1. N. 2. part. Non enim omnis actus malus denominat causam omnem malam, sed eam tantum, quæ per se ac libere influit, qualis Deus non est. *Ad Conf. 2. N. utr. part.* Deus enim in hoc casu 1. deficeret a dictamine suæ sapientiæ, lege æterna & ultimo fine: 2. licet non ageret contra legem superiorem, ageret tamen contra legem quasi sibi necessariam, nihil indecens ac summæ sanctitati repugnans agendi. Denique, qui hæc obijciunt, nomen quidem peccati, non turpitudinem amolliuntur, faciuntque Deum contra suam voluntatem agere & non agere.

25. *Observe.* Etiam plures THOMISTÆ apud Anatum negant, Deum ad materiale peccati *physice prædeterminare*, & quidem recte: quia Deus alias peccati auctor evaderet. Nam si homo est auctor malitiæ formalis ex eo, quod sit causa per se ac intentiva actionis physicæ, ex cujus positione novit orituram malitiam moralem, quatenus tendit in bonum vel objectum, quod novit esse prohibitum, licet ipsam malitiam directe non velit aut amet: Deus ad materiale peccati *physice prædeterminans* multo magis auctor malitiæ dicendus foret; cum Deus id faceret primo & plane libere, homo autem prædeterminatus nec primo nec libere.

Neque

Neque hic *dicere* juvat, Deum esse indefectibilem, habereque sibi finem optimum propositum: creaturam vero defectibilem, atque ex fine malo ac contra suam obligationem agere, unde malitiam non Deo, sed creaturæ adscribendam sequatur. Quantumvis enim & hæc sibi certa ac explorata protestetur *Calvinus*, ab Ecclesia tamen, tanquam blasphemiae in Deum reus, est condemnatus.

ARTICULUS II.

An Reatus culpæ & Reatus pœnæ distinguantur?

26. **N**ota. Effectus peccati, prout in ordine ad Deum & peccatorem spectantur, duplicem classem constant. Imi generis est jus duplex, quod ex peccato posito in Deo nascitur: alterum est jus ad inimicitiam & odium contra peccatorem æque ac peccatum, si sit mortale, aut saltem ad displicentiam, si sit veniale: alterum est jus ad infligendam peccatori pœnam, ac vindictam de eo sumendam.

2di generis varii assignantur, nempe *aversio* & *obliquitas* voluntatis remanens per modum habitus post actualem aversionem & deordinationem: *macula*, quæ communiter sumitur pro peccato habituali, a quibusdam autem per privationem nitoris, quo anima antea dicebatur immaculata, explicatur: *privatio gratiæ seu justitiæ infusa*, si præcessit peccatum mortale ab homine in statu elevationis perpetratum: *dispositio* vel *habitus* a peccato commissionis relictus: *corruptio naturæ*, quæ ex peccato personali orta potissimum sita est in eo, quod per subtractionem auxilii & protectionis divinæ ac habitus vitiosos inclinatio ad bonum minuatur, ad malum augeatur. His verò omiſſis, de quibus plura dicendi alibi forſan locus erit, superest duplex obligatio sive debitum, juri illi duplici divino correspondens, ex peccato natum, nempe *reatus culpæ*, quæ est condignitas ac meritum ad sustinendam inimicitiam ac odium vel displicentiam: & *reatus pœnæ*, quæ est condignitas ac meritum ad sustinendam pœnam seu vindictam & supplicium.

De utroque hoc reatu autem controversia est inter Theologos: nonnulli eum volunt tantum *formaliter* esse inter

inter se distinctum & per comparisonem ad diversos terminos, realiter vero identificatum, adeoque aboleri secundum ex integro, si primus penitus extinguatur: aut si reatus aliquis pœnæ adhuc remaneat, etiam superesse adhuc reatum aliquem culpæ. Contraria sententia est communior Theologorum, qui volunt reatum culpæ & reatum pœnæ distingui *realiter*, adeo, ut separari a se invicem queant, pereunte uno, altero manente.

27. Dico. Reatus pœnæ & Reatus culpæ inter se realiter distinguuntur. *Prob. Juxta Trid. Sess. 5. Can. 5. per baptismum remittitur reatus peccati originalis, & tollitur totum id, quod veram & propriam peccati rationem habet.* Ergo tollitur totus reatus culpæ; cum hic includat etiam actum peccati moraliter perseverantis, utpote qui æque est objectum odii divini, ac ipse peccator. Atqui tamen per baptismum non remittitur *omnis reatus pœnæ*; quia mors corporis, rebellio concupiscentiæ &c., quibus homo etiam baptizatus subjacet, ex Ss. Scripturæ & PP. doctrina sunt pœna peccati originalis. Ergo.

Item Ibid. sess. 6. C. 14. & Can. 30. dicit, per justificationis gratiam remitti culpam & reatum aternæ pœnæ, remanere tamen reatum pœnæ temporalis exsolvendæ in hoc sæculo. Ergo distinguit realiter inter reatum utrumque. Denique sess. 14. C. 8. & Can. 12. *falsum omnino esse & a Verbo Dei alienum declarat, culpam a Domino nunquam remitti, quin universa etiam pœna condonetur: & damnat eos, qui dixerint, totam pœnam simul cum culpa remitti semper a Deo.* Ergo reatus culpæ separari potest a reatu pœnæ.

Conf. Jus ad odium oritur ex jure personali offensus, & odium per se sumitur ex displicentia personæ: jus vero ad pœnam oritur ex potestate judiciali & vindicativa, & pœna sumitur ex amore justitiæ, cautelæ & exempli aliis dandi. Item unum jus potest tantum esse in uno subjecto sine altero, uti patet inter homines, ubi offensus sæpe non habet jus ad infligendam pœnam: & licet hanc petere a judice possit, Princeps tamen ex suprema potestate eam potest remittere. Ergo quamvis hæc jura ambo in Deo sint, sunt tamen *distincta*, & Deus æque ac homo utraque possidens, potest cedere unum, altero manente. Ergo etiam debita his juribus correspondentia,

rea-

CAP. II. DE REATU CULPÆ ET POENÆ. 37

reatus scilicet culpæ & reatus poenæ sunt realiter distincti & separabiles.

Objectiones.

28. *Objic. I.* Conc. Tridentinum explicari potest test, si dicatur non remitti ubique totam culpam, ubi aliqua adhuc poena solvenda restat, licet ubi tota culpa remittitur, etiam extinguatur totum reatum poenæ concedatur.

R. N. Cum hac explicatione conciliari non potest præcipue primus Trid. locus, potestas clavium in sacramento Pœnitentiæ, & communis persuasio fidelium: nec fundamentum grave habetur ejusmodi interpretationis.

Inst. I. S. Th. p. 3. q. 86. a. 4. postquam in ☉ dixisset peccatum continere in se duo, aversionem tanquam formale, cui respondet poena æterna: conversionem tanquam materiale peccati, cui responderet poena temporalis; in resp. ad 1mum subjungit: *Et ideo ex hoc ipso dicitur culpa mortalis remitti, quod per gratiam tollitur aversio mentis a Deo simul cum reatu poenæ æternæ. Remanet tamen illud, quod est materiale, scilicet inordinata conversio ad bonum creatum: pro qua debetur reatus poenæ temporalis.*

R. Tam hic, quam alio in loco cit. a S. Thoma distingui inter reatum culpæ ac poenæ, adducto exemplo Davidis, cui post significatam remissionem peccati denuntiatur est, moriturum in poenam peccati filium; & utrobique hinc concludi: *punitur ergo aliquis a Deo, etiam postquam ei peccatum dimittitur: Et sic reatus poenæ remanet peccato remoto. Vel: Ergo remissa culpa remanet reatus alicujus poenæ.* Hinc textum explicare licebit D. remanet illa conversio formaliter in se aut in ratione culpæ N. effective seu quoad aliquem effectum, scilicet reatum poenæ, quatenus restat adhuc quidpiam pro ea solvendum C.

Inst. 2. Si dicatur, remisso etiam reatu culpæ & poenæ imponi posse a Deo vel Confessario obligationem ad satisfactionem vel satisfactionem, quia iustitia Dei exigit, ut culpa æquidinetur per poenam, & peccator eum tali

onere recipiatur ad gratiam, ut a relapsu absterreatur; hæc obligatio potest adhuc dici reatus poenæ, quatenus remota oritur e culpa. *Conf. S. Th. 1. 2. q. 87. a. 6. ad 1. dicit: Cessante macula non remanet reatus secundum eandem rationem.*

*R. N. 3*tius *TRID.* locus satis clare videtur dicere, totum præcedens debitum ad culpam non semper remitti, quod tamen hic volunt *Scotistæ*. Præterea vel peccatum meretur poenam æternam & temporalem simul, aut hanc saltem conditionate, si nempe poena æterna remittatur: vel non? Si affirmas; quæcunque a Deo vel Confessario imponatur poena, ea jam ante erat debita, atque hinc antiquum debitum ac reatus præcedens non remittitur totus. Si negas; nulla hujus vitæ afflictiva poena peccati originalis aut personalis dici amplius potest: poenitentia qualibet erit spontanea duntaxat humiliatio erga offensum Numen: nec ad eam subeundam poenitens forte tenebitur; de quibus sequelis consulendus *Tract. de Poenitentia*.

Ad Conf. D. Cessante macula non remanet reatus secundum eandem rationem, quatenus non jam est poena simpliciter, sed satisfactoria *C.* quatenus nequidem satisfactoria poena est *N.* Verba *S. Thomæ* *ibid. ad 2.* hæc sunt: *dicendum, quod virtuoso non debetur poena simpliciter: potest tamen deberi poena ut satisfactoria.* Idem autem hic in *⊙* poenam simpliciter vocat eam, quæ alteri tanquam inimico infligitur ex odio, vel acceptatur ab invito; quorum neutrum poenæ satisfactoriæ congruit.

29. Obj. II. Odium idem est ac vindicta seu voluntas infligendi poenam. Item homo eatenus a Deo habetur odio, quatenus illi ab isto infliguntur mala. Ergo debitum sustinendi odium & debitum luendi poenam, id est reatus culpæ & poenæ, sunt etiam idem.

R. N. utr. part. Quamvis odium & ira frequenter usurpentur pro eodem, iudice tamen *D. THOMAS 1. 2. q. 46. a. 6.* reipsa inter se multum discrepant. *Imo* enim odium præcise aversionem aut displicentiam indigitat: ira aut vindicta affectum inferendi malum. *2do* si etiam displicenti gaudeat vel velit inesse malum, abstrahit tamen, unde illud adveniat, & num iuste inferatur: ira vult causare malum, & appetit poenam, hoc est, malum jure debitum. Præterea constat, Deum suos etiam amicos ad pro-

probandam eorum fidelitatem malis affligere: unde consequitur, afflictionem omnem odii effectum male existimari.

Inst. S. AUG. alium in peccato non agnoscit, quam pœnæ reatum. Nam L. I. de Nupt. & Concup. C. 26. ait: *Manent ergo peccata, nisi remittantur: sed quomodo manent, si praterita sunt? nisi quia praterierunt actu, remanent reatu.* Et L. 6. cont. Julian. C. 16. de baptizato, *omni peccato, inquit, caret, non omni malo; quod planius ita dicitur: omni reatu omnium malorum caret, non omnibus malis. Nunquid enim caret corruptione corporis? an non est malum, quod aggravat animam.*

B. Equidem reatus antonomastice debitum pœnæ significat, & quatenus quid penitus distinctum a culpa sonat, illi uni convenit. Adeo tamen id S. AUG. hic non asseruit, ut potius contrarium insinuet; unde *N. Aff. Et prob.* Hæc siquidem L. I. de Nupt. C. eod. præmiserat: *Si quispiam v. g. fecerit adulterium, etiamsi nunquam deinceps faciat, reus est adulterii, donec reatus ipse indulgentia remittatur.* Patet autem adulterii reatum esse reatum culpæ. Similiter loco cont. Julian. cit. dicit baptizatum *carere reatu omnium malorum*, negat *carere omnibus malis*, nempe ex culpa originaria debitis, & sic reatu pœnæ; ergo & hic pro more suo contra Pelagianos frequenter usurpato reatus nomine culpam, & nomine mali pœnam intelligit, & utrumque reatum realiter dividit.

30. *Observe.* Dicta maxime reatum pœnæ temporalis efficiunt. De reatu *pœnæ æternæ* inter Theologos convenit, eum in præsentī providentia remitti semper, ubi a Deo culpæ reatus tollitur. Deus enim culpam non dimittit, nisi per justificantem gratiam constituat hominem sibi amicum, eique jus ad beatitudinem tribuat, cum quo repugnat culpæ æternæ reatus. Disputatur vero, num remissa homini a Deo culpa pœna æterna infligi de absoluta, ut ajunt, potentia queat? a qua disputatione tamen hic abstinere juvat.

QUÆRES: *Quid & quotuplex sit pœna?*

31. B. I. Pœna est malum voluntati vel saltem naturæ contrarium, ad puniendam culpam illatum. Depromitur ex D. THOMÆ I. 2. q. 46. a. 6. responsione ad 2dum: *Est autem de ratione pœnæ, quod sit contraria voluntati, Et quod afflictiva, Et quod pro aliqua culpa inferatur.* Dicitur I. *malum*, nempe respectu ejus, qui patitur; cum respectu ejus, qui punit, sit bonum, puniente actum justitiæ vindictivæ exercente. Mali autem nomine venit hic quodcunque incommodum, sive per inflictionem mali, ut cruciatus, ignominia &c., sive per ablationem boni alicujus statui convenientis accidat, ut spoliatio honoris, opum, &c.

2. *Contrarium voluntati*, hoc est, inclinationi voluntatis elicite, vel naturali, unde additum est: *vel natura*. Hinc pœna etiam dicitur afflictio, quam quis ad satisfaciendum acceptat; quia inclinationi naturali repugnat: Item peccatum quantumvis homini voluntarium, quod Deus in vindictam præcedentis permittit; quia vitiat naturam: Denique amissio gratiæ, licet eam ex ignorantia vel malitia peccator non curet; quia peccatorem reddit infelicem. 3. *Ad puniendam culpam illatum*; sicut enim culpa infert & meretur pœnam, sic pœna supponit culpam, & propter hanc seu in vindictam pro aliqua culpa infertur.

32. B. II. Pœna imò alia est simpliciter pœna, alia satisfactoria, alia medicinalis. *Pœna simpliciter* dicitur, quæ modo allatas conditiones omnes habet, & præterea est effectus culpæ in eo, qui hunc patitur, ac intelligitur inferri ab extrinseco per modum sententiæ vindictivæ. Hinc dolor animi de culpa commissa: merus cruciatus aut pœnalitas, qualis est sectio ægri facta a medico: tormenta a Christo pro nobis tolerata pœna simpliciter non sunt: neque homo etiam hanc sibi infert, nisi quantum est spontaneus executor vindicis jubentis. *Satisfactoria*, quæ voluntarie suscipitur, & suscipi etiam potest ab eo, qui culpam, ob quam pœna debetur, non commisit. Exemplum extat in Christo, & etiam justis, qui pro aliis satisfacere possunt. *Medicinalis*, quæ non tantum ad vindicandam culpam, sed ad aliud etiam bonum patienti vel aliis procurandum ordinatur. Quin sine culpa etiam in-

figi

CAP. II. QUID ET QUOTUPLEX SIT POENA? 41

figi eam posse probare videtur testimonium Christi de cecitatis poena Joan. 9.

2do. Alia est *vita præsens*, cujus varietatem tristi experientia quotidie discimus: alia *futura vita*, quæ in purgatorio vel inferno luitur. Postrema subdividitur in pœnam damni ac sensus. *Pœna damni* est privatio visionis Dei beatificæ: *Pœna sensus* vocatur cruciatus ignis & tormentorum sive corpus sive animam affligentium, denominatione a potiori desumpta; quia, quæ hominem eruciant, potissimum sensibus percipiuntur.

DISPUTATIO II.

DE

Peccato Personali.

CAPUT I.

De Peccato Mortali & Veniali.

ARTICULUS I.

An inter mortale & veniale peccatum sit discrimen?

33. **N**ota I. Ex effectu traxit nomen utrumque peccatum. *Mortale* dicitur, quod mortem animæ, gratia eam seu vita supernaturali privando, affert, & peccantem iusto Dei odio pœnaquæ æterna per se dignum facit. *Veniale*, quod facile veniam meretur ex eo, quod non afferat mortem animæ, nec pœna æterna sit dignum. Propriam hanc ac realem venialis usurpationem esse Catholici jam universi sentiunt, vocantque hoc *veniale ex natura sua*, ad distinguendum a *veniali ab eventu*, quod dicitur illud, quod condonatur: & a *veniali ex causa*, seu illo, quod aliquo modo venia dignum est, quia ex ignorantia vel passione commissum; ut nonnunquam a SS. Patribus, præsertim S. AMBR. & AUG. usurpatum est, qui postremus etiam mortale nomine criminis, veniale nomine peccati in Enchir. C. 64. expressit.

C 5

34. Nota

34. *Nota II. Jovinianus & Pelagius* omne discrimen negabant; & ille quidem dicebat quæcunque peccata pœna æterna puniri; hic vero quolibet peccato iustitiam amitti. Hinc cum negare non posset plures esse iustos, homines sine omni prorsus peccato in hac vita vivere posse contendit, ut S. HIER. in Dial. cont. Pelag. & S. AUG. L. de hæres. C. 88. referunt. Similiter docebant quidem *Wicleffus, Lutherus & Calvinus*, peccata omnia ex natura rei esse mortalia & pœnam mereri æternam: de facto tamen & in actu secundo penes quosdam, ob conditionem extrinsecam peccantis aut Dei imputantis, esse venalia.

Et *Wicleffus* quidem, teste Waldensi Tom. 2. de Sacram. C. 54. peccata reproborum omnia mortalia, electorum non nisi venalia dixit.

Lutherus voluit peccata infidelium esse mortalia, & imputari a Deo ad pœnam æternam, fidelium autem venalia & non imputari, sed condonari, præter incredulitatem seu peccatum infidelitatis; ut ex assertion. omnium Artic. & L. de Captiv. Babyl. ac alibi colligitur.

Calvinus partim convenit cum *Luthero*, dum L. 2. Inst. C. 8. §. 59. & L. 3. C. 4. §. 28. scribit peccata fidelium esse venalia ex Dei misericordia, & non imputari: partim cum *Wicleffo & Joviniano*, dum L. 3. Inst. C. 2. §. II. cum postremo docet fidem esse donum electorum non amissibile, & inde cum prior deducit, peccata electorum esse venalia.

His prope accesserunt Catholici olim nonnulli, nempe *Gerson, Almayn. & Joannes Ep. Rossensis*, qui affirmabant peccata omnia de se, si districte iudicemus, esse mortalia & mereri pœnam æternam; ex benignitate tamen Dei factum, quod quædam peccata censeantur venalia, neque expellant gratiam aut pœna æterna puniantur. *Michaelis Baji*, peccatum veniale ex natura sua negantis, propositionem damnatam infra recitabimus. Ex triplicis hujus erroris refutatione verum & reale discrimen inter peccatum mortale & veniale elucescet.

35. *Dico I.* Dantur quædam peccata proprie venalia, nec omnia peccata sunt mortalia. Est de fide. Prob. ex SCRIPTURA I. Quia dantur peccata, quæ iustis ita inhaerent, ut propterea non desinant esse iusti. Talia sunt

CAP. I. DISC. INTER PECC. MORT. ET VEN. 43

sunt, de quibus sermo est Prov. 24. v. 16. *Septies in die cadet justus, & resurget.* Eccl. 7. v. 21. *Non est homo justus in terra, qui faciat bonam, & non peccet.*

1. Joan. 1. v. 8. *Si dixerimus, quia peccatum non habemus, ipsi nos seducimus.* Jac. 3. v. 2. *In multis offendimus omnes.* Quæ certe de omnibus & de se ipsis ab Apostolis dicta referri ad mortalia nequeunt.

II. Quia peccata quædam sunt, quæ non puniuntur æterna pœna. Ejusmodi sunt, propter quæ quis Matth. 5. v. 22. dicitur *reus judicio aut concilio*, cum alter dicatur *reus gehenna*. Item quæ 1. ad Cor. 3. v. 12. *superadificat tanquam lignum, fœnum & stipulam*, & tamen dicitur *salvus fore, sed quasi per ignem*.

III. Quia peccata quædam comparantur rebus levissimis, *festucis* Luc. 6. v. 41. *culicibus* Matth. 23. v. 24. *stipulis & fœno* 1. e. ad Cor., cum alia ibidem *trabibus, camelis, ari* conferantur.

Prob. ex TRADITIONE. I. Conc. Milevit. Can. 7. sic loquitur: *Item placuit, ut quicumque dixerit in oratione Dominica ideo dicere Sanctos: Dimitte nobis debita nostra; ut non pro se ipsis hoc dicant, quia non est in eis necessaria ista petitio, sed pro aliis, qui sunt in suo populo peccatores, & ideo non dicere unumquemque sanctorum, dimitte mihi debita mea, sed, dimitte nobis debita nostra, ut hoc pro aliis potius, quam pro se petere intelligatur, Anathema sit.* Similia extant Can. 6. & 8. Concordat Conc. Trid. Sess. 6. C. II. *Licet in hac mortali vita quantumvis Sancti & justi in levia saltem & quotidiana, quæ etiam venialia dicuntur, peccata quandoque cadant; non propterea desinunt esse justi. Nam justorum illa vox est humilis & verax: Dimitte nobis debita nostra.*

II. Eadem in hæc verba: *dimitte nobis debita nostra*, commentantur S. AUG. cont. 2. epist. Pelag. S. HIERON. in Dial. 2do cont. Pelag. ubi etiam utitur sententia Ps. 31. *Pro hac orabit ad te omnis Sanctus in tempore opportuno; & illud ad Hebr. 5. de Sacerdote, qui offerre primum debet pro peccatis suis; nam si justus, inquit, non esset, non juberetur offerre, neque etiam pro se, si omni peccato careret.* Aliorum Patrum testimonia plu-

plurima vide apud Suarez hic & Bellarm. de Amist. Gratia
L. I. C. 5. & seqq.

Prob. ex RATIONE. I. Mortale tollit vitam animæ per hoc, quod quis malit offendere Deum, quam carere bono concupiscentiæ suæ; sicut vita animæ intelligitur in hoc, quod quis malit carere omni bono creato, quam Deum offendere: Et pœna æterna dignum est, quia est aversio a Deo. Atqui multa sunt peccata, v. g. otiosum verbum, animi inter orandum distractio, ira, aut damnificatio proximi levissima, cum quibus non est is animus, & quæ etiam non sunt aversio a Deo, cum non repugnent charitati, ut D. Th. I. 2. q. 87. a. 5. & p. 3. q. 86. a. 4. ostendit. Ergo.

II. Dantur inter homines offensa, leves, quæ amicitiam non dissolvunt; imo hoc amicitiae ratio exigit, ut leves ac inter amicos vix evitabiles offensusculæ amicitiam non dirimant. Ergo & inter Deum ac homines ejusmodi admitti æquum videtur; tum quia minus evitari forsan posse videntur ab homine offensa contra Deum omnes, siquidem & justum septies in die cadere Scriptura testetur: tum quia amicitia Dei est moraliter conservabilis; non esset autem, si per quamcunque offensusculam etiam semi-voluntariam solveretur.

III. Alienum omnino videtur ab infinita Dei sapientia æque ac misericordia, Deum graviter adeo per verbum otiosum, risum immoderatum &c. offendi, ut hominem, licet justum & amicum, æterno mox odio ac pœna dignum judicet. Certe justitia humana morti eum non addicit, qui per levem v. g. negligentiam domum incendit, licet illud supplicium in eum decernat, qui ex industria id fecerit; cum tamen secundum adversarios utrobique commissum sit peccatum mortale & idem damnum illatum. Eccur ergo justitia Divina, quæ humanæ regula est, reum mortis judicare censenda sit tam eum, qui jocosè mentitus fuerit; quam eum, qui pejeravit? qui blasphemavit?

36. *Dico II.* Peccata venialia non sunt talia propter extrinsecam conditionem aut peccantis hominis, aut Dei non imputantis. Est *de Fide. Prob. imā pars. I. cont. Wicleffum & Calvinum.* Prædestinati possunt peccare mortaliter, & reprobi venialiter. Nam Adam, David & Petrus Ap. fuerunt prædestinati; sed hi peccarunt
mor-

mortaliter. De Adamo quidem testatur Genesl. 2. v. 17. *In quocunque die comederis ex eo, morte morieris.* Ad Rom. 5. v. 12. *Per unum hominem peccatum in hunc mundum intravit, & per peccatum mors.* De Davide Psalmus 50. ubi inter cætera dicit Propheta: *Tibi solus peccavi & malum coram te feci.* Et: *Cor mundum crea in me Deus, & Spiritum rectum innova in visceribus meis.* Item: *Redde mihi latitiam salutaris tui.* Nec obstat, quod addat: *Et Spiritum sanctum tuum non auferas a me.*

Id enim non indicat Spiritum gratiæ sanctificantis mansisse in Davide peccatore; sed significat, quod gratiæ Spiritus denuo cœperit esse in pœnitente; cum ei pœnitentiam inspiraverit. De quo vid. S. Ambros. in Lib. de Apologia David. S. Aug. in Ps. 50. &c. De Petro testatur lacrymæ Matth. 26. & S. Aug. Tr. 66. in Joan. eo ipsum etiam factum, nempe negatio Christi, quam nemo prudens a mortali culpa excusare potest. E contrario potest reprobis jocosè mentiri, aut otiosa proferre verba; quæ mortalia peccata dicere, nulla ratio aut fundamentum adest.

Conf. Sententia hæc erronea supponit errorem alium, scilicet reprobis nullum peccatum vere remitti, contra veritatem & necessitatem Sacrament. Baptismi ac Pœnitentiæ: facit, ne cognosci possit, quodnam sit peccatum mortale; cum constare nequeat, quinam reprobis aut prædestinatus sit: dat licentiam prædestinatis impune adulterandi, fornicandi, pejerandi &c. cum tamen Apost. 1. ad Cor. 6. dicat: *nolite errare: neque fornicarii, neque idolis servientes, neque adulteri &c. regnum Dei possidebunt.*

II. *Cont. Luth. & Calv.* iisdem argumentis. Nam Adam & David etiam fuit fidelis, & Petrus præterea re-natus: Error hic supponit alios, scilicet peccatum mortale posse esse in justo, conservata ejus justitia, contra Paulum ad Rom. 8. & totam anonicam Imam Joannis: Item peccato nullo, nisi infidelitate justitiam amitti, contra sententiam Matth. 25. judicis eos etiam condemnantis, qui opera misericordiæ non fecerint, & Paulum inter opera carnis a regno Dei exclusura etiam luxuriam, ebrietatem, homicidia &c. l. c. numerantem.

Conf.

Conf. SCRIPTURA & PATRES distinguunt peccata inter se non ex personarum conditionibus, sed velut ex ipsarum actionum merito: Præterea peccata Christianorum, cæteris paribus, censent graviora propter maiorem scientiam & beneficia accepta, ut ex c. 6. & 10. ad Hebr. clare colligitur & asseritur a Sanctis.

Prob. 2da pars, quam Conc. TRID. Sess. 6. Can. 25. his verbis definit: Si quis in quolibet bono opere iustum saltem venialiter peccare dixerit, aut, quod intolerabilius est, mortaliter, atque ideo pœnas æternas mereri; tantumque ob id non damnari, quia Deus ea opera non imputet ad damnationem; Anathema sit. Quia dicere peccatum veniale esse tale, quia Deus non imputat, licet in se mortale sit, est imprimis contra iustitiam Dei & ea scripturæ loca, quæ peccantibus dignas minantur pœnas: Deinde est contra bonitatem Dei, & scripturæ textus, quibus dicitur Deus odisse impium & impietatem ejus: Demum est contra iustorum innocentiam, quam scriptura sæpius prædicat.

Conf. Si ex *imputatione Dei* aliquid est peccatum; ergo ideo Deus offenditur, quia ipse imputat peccatum & offensam, & consequenter, quia vult offendi; ab altero autem non offenderetur, quia non vellet ab eo offendi, si illi non imputaret. Atqui hoc non videtur in Deum cadere posse; ergo. Accedit, quod Deus prudenter & iuste non aliter imputare possit peccatum, quam reipsa imputabile est.

37. *Dico III. Peccata venialia sunt talia ex natura sua.* Sequitur ex præcedentibus, & est contradictoria propositioni inter damnatas a PRO V. & GREG. XIII. Bajanæ 20mæ: *Nullum est peccatum ex natura sua veniale, sed omne peccatum meretur pœnam æternam.* *Conf. I.* Juxta Conc. TRID. Sess. 14 c. 5. & sensum universæ Ecclesiæ peccata quædam, nempe mortalia, necessario sunt exponenda in confessione: quædam vero, scilicet venialia, utiliter quidem, sed non necessario aperiuntur. Atqui si omnia ex natura sua essent peccata mortalia, quædam autem ex benignitate tantum venialia, vel omnia forent necessaria confessionis materia: vel pœnitentes nescirent, quænam reticere possent; quod utrumque est absurdum & menti ac finis Concilii ac Ecclesiæ repugnat. Ergo.

Conf.

Conf. 2. Quod peccata, quæ ex natura non sunt venialia, censeantur ex benignitate Dei talia, potest dupliciter intelligi; *1mo*, quia revera habent turpitudinem mortalibus propriam, quam Deus tamen in illis dissimulat; & in hoc sensu coincidit cum sententia hæreticorum. *pr. rejecta*: *2do*, quod hæc peccata ex se sint apta ad talem turpitudinem; quia posset Deus, si vellet, obligare hominem, ut sub reatu culpæ mortalis vitaret et peccata, quæ nunc sunt venialia: illam tamen turpitudinem in his jam non inveniri, quia Deus noluit ita hominem obligare. Sed hic sensus falsus est.

Nam ex natura rei præcepta Dei non magis minusve obligant, quam ipsis rebus & actionibus sit consentaneum; cum hoctribuendum sit Divinæ sapientiæ, sanctitati & iustitiæ. Præterea non ideo negandum esset, peccata quædam ex natura sua esse venialia. Præceptis enim positivis non fiunt ea, quæ mortalia sunt, venialia, sed potius econtra, quæ ex se non nisi venialia sunt, ob legis obligationem mortalia evadunt; sicut de se indifferentia sub mortali aut veniali peccato prohiberi possunt.

Objectiones.

38. *Objic. I.* Scriptura de peccatis *indefinite* pronuntiat, quod peccantem faciant morte dignum. Ergo. R. D. pronuntiat hoc de omnibus mortalibus C. de peccatis quibuscunque & generatim N. Distinctio clarior fiet ex celebrioribus textibus, qui maxime afferuntur.

I. Deuter. 27. dicitur: *Maledictus, qui non permanserit in omnibus, quæ scripta sunt in libro Legis hujus.* R. Agitur hic de eo, qui non observat præcepta, quorum eodem cap. mentio est facta. Prohibentur autem ibi idololatria, homicidia & similia, quæ ex natura sua sunt mortalia, & maledictionem utique inducunt. Eadem responsio repetitur ad V. 10. cap. 3. ep. ad Galat. qui eandem sententiam repetit.

II. Ezech. 18. v. 4. dicitur: *Anima, quæ peccaverit, ipsa morietur.* R. Et hic sermo est de mortalibus ibidem enumeratis. Præterea refellit Propheta hac enuntiatione querelas Judæorum, qui se puniri dicebant ob pec-

peccata non sua, sed parentum. Unde verba illa hunc sensum habent: quisque ob proprium suum, non alienum delictum poenas feret; ideoque v. 20. sic legitur: *Anima, quæ peccaverit, ipsa morietur: Filius non portabit iniquitatem Patris, & Pater non portabit iniquitatem filii &c.*

III. Ad Rom. 6. v. 23. dicitur: *Stipendium peccati mors.* R. Manifestum est, hæc referri ad v. 19. ubi de peccatis ex genere suo mortalibus sermo fit: *sicut exhibuistis membra vestra servire immunditiæ & iniquitati &c.* Adde toto hoc cap. agi de peccatis, quæ pugnant cum gratia, tanquam animæ vitæ, adeoque mortalibus; cum per venialia, ipsis Luthero & Calvino testibus, vitæ animæ non excludatur.

IV. Jacob. 2. v. 10. dicitur: *Quicumque totam legem servaverit, offendat autem in uno, factus est omnino reus.* R. Sequitur v. 11. *Qui enim dixit: Non mæchaberis, dixit &: Non occides. Quod si non mæchaberis, occides autem, factus es transgressor legis.* Ex quo constat Apostolum loqui de peccatis gravibus. Ubi verò C. 3. v. 2. ait: *In multis offendimus omnes;* satis declarat se agere de venialibus, cum mox subjungat: *Si quis in verbo non offendit, hic perfectus est vir.* Ostendit enim se verba facere de ea offensione, quæ perfectioni opponitur: non autem, quæ charitati, quæ finis legis est, huiusque integritati repugnat; ut in primo dicitur.

V. Matth. 5. v. 19. dicitur: *Qui solverit unum de mandatis istis minimis; minimus, hoc est, nullus, vocabitur in regno Cælorum.* R. Contextus hunc sensum reddit: qui solverit mandata, quæ sunt de internis odiis, concupiscentiæ motibus &c., quæ mandata videri possent, & Phariseis videbantur minima, ille nullus erit in regno Cælorum; eoquod & hæc mandata servare oporteat, contra ac Pharisei hactenus fecerant & docuerant. Alii, cum addantur priori commati hæc verba: *& docuerit sic homines,* interpretantur in hunc sensum: qui prava interpretatione corruperit verbum Dei, & docuerit, ibi non esse peccatum, ubi tamen subest; ille nullus erit in regno Cælorum, quia scilicet, id faciundo, mortaliter peccat.

Inst. I. Cum dilectione Dei ex toto corde, quæ Matth. 22. præcipitur, pugnat omne peccatum; peccans enim

enim diligit aliquid præter Deum, imo oppositum Deo. Ergo omne peccatum est mortale; quia I. Joan. II. v. 14. *qui non diligit, manet in morte.*

R. D. A. Pugnat cum dilectione actuali C. habituali N. Habitualis dilectio hic intelligitur, quæ quis erga Deum ita animo est comparatus, ut malit omnia alia, quam Deum, amittere: actualis sumitur pro actu amoris Dei a pia voluntate elicito. Præcipitur quidem in textu laudato amor habitualis, non autem actualis, saltem pro omni tempore; utpote qui in mortali hac vita impossibilis est. Cum habituali autem amore stare posse peccatum leve satis manifestè colligitur ex scripturis, quæ testantur L. 3. Reg. 14. Davidem, & 4. Reg. 23. Josiam *toto corde secutos esse Deum*: Zachariam item & Elisabeth Luc. 1. *Ambulasse in omnibus mandatis & justificationibus Domini*; quibus tamen absque dubio convenit illud Joannis: *Si dixerimus, quia peccatum non habemus, nos ipsos seducimus.* Et illud Jacobi: *In multis offendimus omnes.*

Inst. 2. Minimum opus bonum meretur vitam æternam, ut patet ex illo Matth. 10. *Quicumque dederit uni ex minimis istis calicem aquæ frigidæ, non perdet mercedem suam*; ergo & minima peccata merentur pœnam æternam. Conf. Joan. 13. Christus Petro ait: *Si non laverò te, non habebis partem mecum.* S. Aug. autem in hunc locum, & S. Bernard. per lotionem pedum intelligunt purgationem a venialibus, propter verba præsertim sequentia: *qui lotus est, non indiget, nisi ut pedes lavet.* Ergo etiam venialia a regno Dei excludunt, & sic mortalia esse cognoscuntur.

R. T. A. N. Conf. Nam 1. non dicitur: vitam æternam possidebit; sed: *non perdet mercedem suam.* Ergo & male inferitur: veniale meretur pœnam æternam; sed sequitur tantum, non futurum sine pœna, quod omnino concedimus, quin tamen æternam pœnam admittere necesse sit. 2. Dare minimo operi supernaturali maximum præmium ingens liberalitas & misericordia est, quæ Deo convenire potest: dare autem peccato minimo maximam pœnam injustitia & crudelitas est, quæ cadere in Deum nequit. 3. Dare calicem aquæ frigidæ ex charitate ob dignitatem gratiæ opus magnum est & meritorium vitæ æternæ:

D

nz: huic autem operi opponi non debet veniale, quod stat cum charitate, sed mortale illi repugnans.

Ad Conf. R. 1. D. Conf. Excludunt a regno Dei perpetuo & ex natura sua N. solum ad tempus, donec scilicet sint absterfa, & quia *nihil coinquinatum intrabit in regnum celorum*, ut Apoc. 21. dicitur, C. R. 2. N. Conf. Si enim Antecedens sumatur cum S. BASILIO in sensu literali de materiali pedum lotione, ita ut notetur inobedientia Petri nolentis permittere, ut lavarentur sibi pedes; sermo est de peccato mortali, & male descenditur in consequente ad peccatum veniale.

Inst. 3. Christus Matth. 5. non loquitur de venialibus, sed de diversis generibus mortalium; nam *reus iudicio & reus concilio* apud Judæos reus erat criminis capitalis.

R. Textum 1mum HIER. CHRYSOST. GREG. M. apud Snar. hic adhibent ad ostendenda peccata venialia, & inde recte probant; quia Christus antea dixit: *Audistis, quia dictum est antiquis, non occides: qui autem occidit, reus erit iudicio; Ego autem dico vobis &c.* Distinguit ergo pœnam a iudicio vel concilio inflictam a gehenna; quia pœna licet capitalis inflicta ab hominibus est temporanea, gehenna æterna. Male itaque H.H. dicunt, *gehennam* fuisse pœnam apud Judæos usitatam; quia Christus eam alias non distinguere potuisset ab ea, quæ a Concilio decernebatur, cum hoc iudicaret de causis gravissimis, neque eo superius tribunal apud Judæos esset: quare dicendum per *gehennam* fuisse significatam pœnam, cui nulla ab hominibus illata comparari potest.

Inst. 4. Verba otiosa sunt peccata mortalia; quia Matth. 12. dicit Christus: *Omne verbum otiosum, quod locuti fuerint homines, reddent rationem de eo in die iudicii.* Si autem reddent rationem, etiã ob illud damnari possunt; nam Christus addit: *Ex verbis enim tuis iustificaberis, & ex verbis tuis condemnaberis.*

R. S. HIER. aliquando quidem doctrinas vanas & contra fidem erroneas vocat verba otiosa; Christus tamen hic juxta communem Interpretum loquitur de verbo pure otioso & jocosò, & ita leviter malo; quod etiã non impunitum manebit, nisi pro eo sit satisfactum. Unde

imo

Imo non meretur mortem ex eo, quod de eo sit reddenda ratio in die iudicii. Nam hæc poterit dari, quin illud peccatum puniatur post extremum iudicii diem, conscientia scilicet ibidem testatura, quod pro verbo etiam otioso penam vel satisfactionem homo subierit, vel adhuc præstanda restet in damnandis.

Nec 2do ex eo, quod Christus addiderit: Ex verbis tuis justificaberis &c. Nam per hæc non intelliguntur verba otiosa, sed ea, quibus homo rationem reddet in iudicii die. Præterea non dicitur, propter quamvis culpam hominem esse condemnandum ad mortem, sed subiturum poenam. Simili etiam ratione Matth. 5. dicitur: *Non exies inde, donec reddas novissimum quadrantem*; Licet enim propter unicum quadrantem debitor non statim mittatur in carcerem, debet tamen & hunc solvere.

Inst. 5. Ps. 31. v. 2. dicitur: *Beatus vir, cui non imputavit Dominus peccatum*. Ergo ex sola Dei imputatione sumitur, quod peccatum inducat vel non inducat mortem. R. N. Conf. Eodem Ps. v. 1. David *beatos* vocat, quorum *remissæ sunt iniquitates*, & v. 6. Deum allocutus, *tu remisisti*, inquit, *impietatem peccati mei*. Si vero peccata iustorum non imputarentur, quid remissione opus foret? Supponitur itaque potius in peccatis condignitas, propter quam alia ad poenam æternam, alia ad temporalem poenam Deus deputet, quam ut sequatur, peccatum per imputationem fieri mortale. Quare sensus est: *Beatus vir, cui peccatum plane remissum est tum quoad culpam & reatum poenæ æternæ, tum quoad poenam temporalem*.

39. *Obje. II.* Ss. Patres peccata, quæ nos venialia dicimus, docent quoad se & sine respectu ad misericordiam divinam esse gravia & excludere a beatitudine. Sic enim AUG. L. 9. Conf. c. ult. *Væ etiam laudabili vitæ hominum, si remota misericordia excutias eam*. Et Ep. 29. *Cum Rex iustus sederit in throno, quis gloriabitur castum se habere cor? Aut mundum se esse a peccato? Quæ igitur spes est, nisi superexaltet misericordia iudicium?* Et L. 2. de peccat. merit. & remiss. C. 3. *Quis cum aliqua spe adipiscenda salutis æternæ de hac vita migraret, manente illa sententia, quod quicumque totam legem servaverit, offendat autem in uno, factus est omnium reus; nisi*

nisi post paululum sequeretur . . . Superexaltat autem misericordia iudicium. Ergo.

R. N. A. Ad textum 1mum R. Significat hic, homines etiam sanctos non carere peccatis venialibus, ob quæ, nisi misericorditer condonentur, gravissimas in purgatorio pœnas soluturi sint. Hanc enim per verba recitata rationem reddit, cur oraturus sit pro matre sua, quam ibidem multum laudat. *Ad 2dum R.* similiter. Loquitur enim hic de iudicio singulari, dicitque neminem esse purum a veniali macula, & sine Dei misericordia spem non esse beatitudinis statim ab obitu obtinendæ.

Ad 3tium R. Sensus est, neminem cum spe adipiscendæ beatitudinis mori posse, nisi Deum sciret misericordem, & veniam ab eo sperare posset; tum quia venialia, in quibus offendimus omnes, disponunt ad mortale: tum quia vel unicum mortale sufficit ad perditionem hominis æternam; nemo autem certo novit, num nullum unquam mortale commiserit, aut si admisit, num in gratiam Dei per veram pœnitentiam redierit?

Inst. Idem Tr. I. in Ep. Joan. *Ista levia, inquit, quæ diximus, noli contemnere; si contemnis, quando appendis, expavesce, quando numeras. Levia multa faciunt unum grande. Multa gutta implent flumen: multa grana faciunt massam.* Similia in ep. 29. & 108. Tr. 12. in Joan. & Con. 3. ad Ps. 118. leguntur. 2. S. BASIL. in QQ. compendio explicatis q. 4. scribit, nullum peccatum esse contemnendum ut parvum, cum revera nullum parvum sit, & secundum Apostolum peccatum omne sit stimulus mortis. 3. S. HIER. L. 2. Dial. adv. Pelag. ait: *Si ira Et sermonis injuria atque interdum jocus iudicio, concilioque Et gehenna ignibus delegatur; quid merebitur turpius appetitio Et.* 4. S. CHRYS. hom. 12. ad Pop. docet non esse peccatum levius accipere duos obolos, quam magnam pecuniæ quantitatem.

R. ad 1. S. TH. 1. 2. q. 88. a. 4. docet, mentem S. AUG. eam fuisse, quod multa venialia, si negligentur, paulatim disponant hominem ad mortale; non vero, quod formaliter faciant mortale. 1mum enim sensum scriptura Eccli. 19. etiam indicat: alterum rationes apertæ condemnent. Ad 2. R. Nec auctoritas loquentis urget; quia non constat certo, num eæ quæstiones sint BASILII M.,

an

an Eustathii Sebasteni, cujus errores damnati sunt in Conc. Gangrensi; certe postremo tribuuntur a Sozomeno & Nicephoro: nec urget sensus verborum; qui est, nullum peccatum, quod spernitur, esse parvum ratione periculi, & peccati mortalis, ad quod disponit: atque sic etiam veniale peccatum esse stimulum mortis.

Ad 3. R. S. HIERONYMUM hic non habuisse rationem ordinis in enumeratione illa peccatorum & poenarum correspondentium, sed numerum tantum attendisse; cum Domini sententiæ repugnare non voluerit, quam ipse paulo ante adduxerat. *Ad 4. R.* Sermonem hic esse de eo, qui plus accipere voluit, sed nonnisi duos obolos auferre potuit; unde tantum sequitur, quod defectus externi actus voluntatem malam non excuset a peccato.

40. *Objic. III.* Omne peccatum est transgressio legis divinæ: est offensa Personæ infinitæ; ergo omne peccatum est grave. *Conf.* Quilibet etiam venialiter peccans plus amat creaturam, quam Deum, & huic illam præfert; ergo graviter peccat.

R. D. A. Omne peccatum est transgressio legis Divinæ graviter vel leviter obligantis C. semper graviter obligantis N. Item est gravis vel levis offensa personæ infinitæ T. semper gravis N. vide inf. dicenda. *Ad Conf.* *R.* N. vel D. A. Amat creaturam plus intensive C. appetitive N. Qui venialiter peccat, est actualiter vel habitualiter paratus bonum illud, quod in peccando habet, contemnere, si id præcepto graviter obligante Deus prohibeat; ergo amat Deum simpliciter & appetitive plus, quam creaturam, nec hanc illi præfert: afficitur tamen hic & nunc magis a creatura, quam a Deo, ab eaque movetur ad aliquid Deo displicens faciendum; unde, quia Deum non omni modo & perfecte appetiatur, venialiter peccat.

Adde, quod non requiratur, ut quis *positive* sit ita habitualiter paratus, quatenus ejusmodi actum antea habuerit, nec retractaverit; quia etiam peccatores, seu, qui non sunt in statu gratiæ, venialiter peccare possunt: sed ad hoc, ne quia dicatur per veniale creaturam præferre Deo, satis est, quod sit ita habitualiter paratus quasi *negative*, nempe hoc sensu, quod peccatum veniale vel electio boni temporalis consistat cum voluntate contemnendi illud, si esset graviter prohibitum, & hanc voluntatem

non excludat: Item quod eligens objectum leviter prohibitum per hoc non eligat graviter prohibitum, & hinc non eligat aversionem a Deo, ut facit mortaliter peccans; non enim vult, & consequenter non mavult per suum actum separationem a Deo potius, quam ab illo actu abstinere.

Inst. 1. Veniale peccatum minuit charitatem, & consequenter amicitiam Dei; quia hæc consistit in charitate; ergo.

R. *D. A.* Minuit charitatem habitualement N. actualement C. Amicitia Dei stat in gratia, quæ Deo nos gratos & dilectos facit: & in charitate, qua Deum habitualiter super omnia diligimus, ut d. n. 119. Veniale non aufert hujus gratiæ & habitualis charitatis gradum ullum, sed solum minuit, vel potius impedit fervorem charitatis actualis, quatenus qui peccat, hoc actu non se vult omnimode conformare beneplacito Divino.

Inst. 2. Ex gravitate poenæ, qua delictum punitur, colligitur hujus gravitas. Sed poena, qua veniale peccatum punitur, est gravissima, & major, quam omnes hujus vitæ poenæ; ergo.

R. *D. min.* Est poena gravissima respective ad culpas civiles & poenas in hac vita C. respective ad culpas morales & mortales ac poenas alterius vitæ N. Culpa mortalis enim inducit odium ac inimicitiam Dei, meretur poenas æternas cum desperatione & extrema miseria conjunctas, quorum neutrum veniali convenit. *Nec obstat*, quod quis sub mortali teneatur etiam vitare culpam civilem levem, cui ab hominibus constituta est poena mortis; unde sequatur sub eadem obligatione vitandum esse peccatum veniale, cui major poena, quam mortis, a Deo sit decreta. *Disp.* est; quia poena illa ab hominibus statuta est maxima in humano judicio & irreparabilis, ac Deus præterea imperat sub obligatione gravi, leges humanas sub poena mortis latas observare propter charitatem, quam quilibet sibi ipse debet. Poena autem venialis peccati nec maxima nec irreparabilis est, nec ejus culpa prohibita est a Deo sub obligatione gravi.

Inst. 3. Peccatum veniale meretur poenam æternam; nam imo est majus malum, quam æterna poena, cum

cum hanc potius, quam illud eligere oporteat; ergo & hanc per se meretur. *2do* Deus illud posset nunquam remittere; quia remissio peccati est gratuita: ergo posset & illud in æternum punire. *3tio* Peccatum veniale in damnatis juxta probabilem in æternum punietur; ergo meretur poenam æternam.

R. N. A. Ad Prob. Imam D. A. Est majus malum ratione ineligibilitatis C. ratione pravitatis N. Carentia visionis boni infiniti & poena sensus (intellige præcisam a blasphemis & odio Dei) est malum in genere physico; proinde secundum se & naturam suam non est simpliciter mala, sed tantum secundum quid & respective ad eum, qui illam patitur. Peccatum vero est in genere mali moralis; consequenter in se quid illicitum ac nunquam eligendum, atque hinc minus eligibile, quam poena æterna aut ullum malum physicum. Sicut tamen veniale in suo genere non est culpa maxima, poena autem æterna est maxima in genere poenæ & mali physici; sic peccato veniali non debetur poena æterna, quia culpæ levi poena maxima non convenit.

Ad 2dam D. A. Posset nunquam remittere homini injusto C. justo *subd.* si ageret ut absolutus dominus C. Si ut justus iudex, & simul pater & amicus cum filio adoptivo & amico N. Justus ratione gratiæ sanctificantis, vi cujus filius est & amicus Dei, habet jus ad visionem Dei; ad hanc autem cum pervenire nequeat, quamdiu veniali maculatus est, Deus hoc illi quocunque demum modo remittere tenetur. Promissionem hujus habemus Matth. 6. *Sic enim remiseritis hominibus peccata eorum, dimittet & vobis Pater vester cælestis delicta vestra.* Unde S. AUG. L. de cor. & grat. C. 13. ait, in judicio misericordiam bonis meritis justorum esse reddendam. *Merentur enim, qui bene operantur, ut Deus misericorditer indulgeat, si quid manente charitate deliquerint.* D. etiam *Conf.* Ergo posset Deus illum in æternum punire spectando absolutum Dei dominium, secundum quod etiam innocentem punire æternum potest C. spectando rationem culpæ, cui Deus ceu justissimus iudex poenam proportionatam statuit N.

Ad 3tiam D. A. Punietur per se & ratione culpæ in æternum N. per accidens ratione subjecti nolentis redire

cum Deo in amicitiam, vi cuius acquireret jus aliquod ad gratiam culpæ remissivam T.

Inst. 4. Homo propriis viribus & sine gratia Dei non potest resurgere a veniali: & juxta probabilem non potest condigne satisfacere pro veniali; ergo veniale ex se manet æternum, & puniri in æternum juxte potest.

R. D. Conf. Si homini aliunde non debeatur aut obveniat aliquid, vi cuius resurgere possit, aut quocunque modo emundari a suo peccato T. Si, debeatur aut obveniat, ut modo dictum N.

Inst. 5. Peccatum veniale sæpe parum distat a mortali, v. g. in materia furti modica differentia unius v. g. solidi potest ex veniali facere mortale; & vicissim. Ergo tale peccatum specie erit idem cum mortali, & pœnam æternam merebitur.

R. D. A. Veniale sæpe parum distat a mortali materialiter sumpto & per respectum præcise ad objectum C, a mortali formaliter sumpto & per respectum ad legem prohibentem N. Quantitas 15. solidorum, quæ interim supponitur esse gravis materia furti, non differt multum & specie physica à quantitate 14. solidorum; quia tamen solidus unus aliis 14. solidis additus complet materiam, cujus ablatio est graviter prohibita, hinc quantitas 15. solidorum ab alia differt morali specie, & per respectum ad legem.

Inst. 6. Quod unum peccatum sit mortale, aliud veniale, habetur ex solis Dei præceptis diversis, quibus opponuntur; ergo saltem ex sola voluntate Dei & non ex sua natura differunt.

R. T. A. D. Conf. Ergo differunt ex sola Dei voluntate, quatenus ex ea dependet, quod actus cum advertentia ad obligationem inde resultantem elicitus sit peccatum vel leve vel grave N. quatenus ex ea pendet, quod detur obligatio talis, qua posita actus cum advertentia ei contrarius sit peccatum grave vel leve C. Quæstio autem non est de voluntate Dei antecedente actum & ordinante, sed de consequente actum ac disponente de eo, jam in ratione suæ moralitatis constituto. Nam & Deus antecederet facere potest, ut immolatio filii sit opus bonum, & comestio pomi sit malum, si illam

iam præcipiat, hanc prohibeat; ubi tamen Abraham immolare filium jam voluit, & Adam pomum comedit, hoc bonum, illud malum facere non potuit. Dixi: *Transf.* Ant. quia, licet præceptum graviter obliget, si tamen in homine sit imperfecta deliberatio, erit peccatum veniale.

Inft. 7. Quod Deus præcepit, vel prohibuit sub veniali, hoc potuisset sub mortali prohibere aut præcipere. Atqui hoc casu omnia peccata forent mortalia. Ergo, quod jam sint venialia, est a sola misericordia Dei.

Rz. D. A. Potuisset sub mortali præcipere aut prohibere in casu particulari, & quando adest finis extrinsecus sufficiens, ad levem materiam graviter prohibendam C. universaliter, aut etiam quando non adest ejusmodi finis N. Quamvis enim hoc præcise ratione Domini Divini possibile sit; quia tamen homo *necessitatem moralem* habet in aliqua saltem peccata venialia indeterminata aut minus deliberata labendi, minus consentaneum foret Legislatoris Divini sapientiæ, bonitati & suavi providentiæ, si omnia sub mortali prohiberet.

Rz. 2. D. Conf. Ergo, quod ex genere suo leviter culpabilia jam sint venialia, hoc est, non prohibita sub mortali, est ex sola Dei misericordia, de quo tamen non queritur C. quod jam facta contra legem leviter obligantem sint venialia, hoc est, non deputentur ad pœnam æternam, est ex sola misericordia N. De hoc autem controversia agitur.

41. *Observa.* Pro discernendo peccato mortali a veniali universum hæc regula dari solet: solum illud est mortale, in quo est materia gravis, quantitas notabilis, plena advertentia & consensus voluntatis plenus; illud autem est veniale, in quo unum ex prædictis deficit. Atque hinc etiam tertia classis venialium, scilicet ex natura sua talium, de quibus hæcenus dicebamus, tres venialium species sub se complectitur.

Alia enim sunt *venialia ex suo genere*, & objecto proprio, quæ nimirum circa objectum ejusmodi versantur, ut, quantumcunque hoc crescat, illa tamen non evadant ad malitiam mortalem; sed fieri tantum mortalia queant vel ex conscientia erronea, vel ex dispositione quadam animi mortali, vel alia ex circumstantia,

tia, per quam ad speciem alienam graviter malam transferantur. Talia sunt verbum otiosum, risus nimius & alia ejusmodi.

Alia sunt *venialia ex parvitate materiae*, quæ scilicet in re parva ac levi committuntur; quale est furtum unius oboli, utpote quod neque proximum notabiliter lædit, neque est ejusmodi, quod apud æquos homines amicitiam tollere queat. Dantur tamen peccata, in quibus nulla materia est *levis*, sed omnis sufficiens ad peccatum mortale, uti sunt odium Dei, blasphemia, hæresis, perjurium, desperatio &c., utpote in quibus, quacunque demum in materia deliberate commissis, integra ratio malitiæ & tota deformitatis quantitas invenitur. Huc etiam spectat delectatio venerea, in qua parvitas materiæ non datur; cum non possit esse efficaciter volita, quin ipsa posulatio implicite & virtualiter vel placeat, vel intendatur, vel grave ejus periculum incurrat. Quin ab Alex. VII. damnata est hæc inter alias propositiones ordine 40. *Est probabilis opinio, quæ dicit esse tantum veniale osculum habitum ob delectationem carnalem & sensibilem, quæ ex osculo oritur, secluso periculo consensus ulterioris & pollutionis.*

Alia sunt *venialia ex imperfectione actus*, quæ nempe ob subreptionem, vel defectum sive cognitionis, sive deliberationis, sive libertatis, sive consensus perfecte voluntatis non sunt, & hinc rationem mortalis culpæ non participant; quales sunt subiti motus cupiditatis, iræ, invidentiæ & alii similes, qui prius animum occupant, quam ratio deliberare potuerit, an admittendi essent, aut semisopitis obveniunt, aut minus advertentes infestant.

ARTICULUS II.

Per quæ prædicata intrinseca differant inter se peccatum mortale & veniale?

42. **N**ota. Tres sunt de ipsa essentiali differentia opinioniones. 1^a est SCOTTI, quæ dicit mortale, quod est contra legem; veniale, quod est contra consilium; ubi nomine consilii videtur omnia comprehendere, quæ ad salutem non sunt simpliciter necessaria. 2^a est

S. THO-

S. THOMÆ I. 2. q. 88. a. 1. ad 1. quæ mortale dicit esse contra legem; veniale autem tantum præter legem; ubi legem non sumit pro ordinatione Dei obligantis quacunque, sed pro lege directe intendente conjunctionem cum Deo seu dilectionem, quæ etiam dicitur finis legis: vel cujus observatio est necessaria ad salutem. 3^{ta} est DURANDI, VEGÆ, ADRIANI, multorumque RR. quæ dicit mortale peccatum esse transgressionem legis graviter obligantis; veniale transgressionem legis leviter obligantis.

Lex autem *graviter obligare* in hac sententia dicitur, cujus observatio præcipitur, aut violatio prohibetur sub interminatione divini odii & inimicitia: *leviter*, cuius adimpletio urgetur aut transgressio vetatur tantum sub ratione aut debito incurrendæ displicentiæ divinæ, non autem sub interminatione illa priorē. *Signa* porro legis graviter obligantis universim habentur ex Scripturæ effatis, Conciliorum & Pontificum definitionibus, Ecclesiæ ac Patrum sententiis, communi Doctorum aut aliorum etiam prudentum & timoratorum sensu, consuetudine ac usu.

Speciatim vero, si lex continetur in *sacris litteris*, & actio prohibita nominetur abominatio, nefas, detestandum &c., vel dicatur morte aut exclusionē a cœlo digna, vel ob illam Deus minetur per verbum *væ* malum grave, aut queiscunque verbis privationem beatitudinis vel pœnas inferni, graviter obligare censetur. Si lex *humana* sit, attendendum est ad verba, quibus obligatio exprimitur: Item ad finem legis, qui si momenti magni sit, & sine obligatione gravi non obtineretur, graviter obligare censetur. Si lex positiva autem non extet, sed *eo* potius *naturalis* sit, tunc naturali etiam ratione utendum, spectanda materiæ gravitas vel in se, vel in ordine ad Deum, charitatem proximi, & sui etiam ipsius. Præterea vero in his omnibus ad signa illa, universim legum obligationem spectantia, recurrendum est.

43. *Dico I.* Peccata non differunt per hoc, quod mortale sit contra legem, veniale contra consilium, vel præter legem. *Prob.* Etiam veniale peccatum est contra legem Divinam; ergo venialis differentia a mortali non est statuenda in eo, quod veniale sit contra consilium, vel præter legem. *Ant. Prob. Imo.* Veniale peccatum, ut
pote

pote moraliter malum, est contra regulam morum; sed regula morum est lex Divina seu æterna; ergo. 2do. Ubi non est lex, ibi non est pravariatio nec malitia; sed in veniali est malitia; ergo. 3tio. Aliqua lex Divina prohibet mendacium; nam Levit. 19. v. 11. dicitur: *Non mentiemini*. Et Eccli. 7. v. 14. *Noli velle mentiri*. Item prohibet *non jurare omnino*, nempe sine necessitate. Ubi ne quis existimet datum esse duntaxat consilium; Christus addit Matth. 5. v. 37. *Sit autem sermo vester, est, est: non, non: quod autem his abundantius est, a malo est*. Atqui mendacium ex genere suo & juramentum sine necessitate præcise non est mortale, sed veniale; ergo.

Conf. 1. Si consilium sumatur proprie, quod contra illud est, nequit dici peccatum; ut patet in operibus contra Evangelica consilia positis: Si sumatur late pro iis, quæ ad salutem simpliciter necessaria non sunt, usurpatio vocis est impropria & a scripturis aliena; cum consilium solam directionem significet ad ea, quæ meliora sunt, eligenda: ut ex 1. ad Corinth. 7. patet. 2. Sicut in Republica juxta communem sensum potest ferri & datur lex proprie dicta, quæ aliquid tanquam utile ad bonum Reipublicæ leviter præcipit, cum necessaria graviter imperat; sic & leges proprie dictæ leviter obligantes in Ecclesia habentur, & in jure naturali æque ac Divino inveniuntur.

44. *Dico II.* Propria & essentialis differentia peccatorum est in eo, quod mortale sit libera transgressio legis vel præcepti *graviter* obligantis, veniale sit libera transgressio præcepti *leviter* tantum obligantis. *Prob.* Sicut ex dictis peccata conveniunt, quod sint transgressio legis; sic mortale & veniale differunt, quod illud sit transgressio legis graviter, hoc leviter obligantis: Ergo sicut *Imum* est genus proprium, sic 2dum est propria differentia.

Conf. 1. Videtur alienum ab æquitate Dei, ejus sapientia suavique providentia, sub obligatione gravi prohibere ea, quæ ex se levem deordinationem a recta ratione & oppositionem duntaxat contra liberalitatem, magnificentiam, eutrapeliam aut veracitatem dicunt: aut quæ minimam materiæ quantitatem, ubi hæc deformitatem minuit, habent: aut quæ sine advertentia, libertate vel consensu ad morales alias actiones requisito, committuntur;

tur; nisi Deus finem alium extrinsecum obligationis gravis habeat, eumque manifestet. Ergo, cum ea tamen peccata sint, sub obligatione levi debent esse prohibita: Ergo omni peccato veniali, scilicet quod vel ex genere suo, vel ex parvitate materiæ, vel ex actus imperfectione tale dicitur, convenit esse transgressionem legis vel præcepti leviter obligantis.

2. Nullum mortale prohibetur tantum sub obligatione levi: numerus vero, periculum, contemptus &c., propter quæ dicuntur peccata venialia transire in mortale, sub obligatione gravi prohibentur, ut singula pereurrenti manifestum est; Ergo transgressio legis leviter obligantis soli veniali convenit.

3. Esse transgressionem legis graviter vel leviter obligantis prius est, quam esse aversionem a Deo vel ejus contemptum, aut non esse hanc aversionem & contemptum; quia peccatum mortale est exercita aversio a Deo & ejus virtualis contemptus ex eo, quod sit libera transgressio legis graviter, hoc est, sub interminatione odii & inimicitiae divinæ obligantis: & ideo veniale non est aversio ejusmodi aut contemptus, quia non est transgressio legis sub hac ratione obligantis. Similiter eo ipso, quod mortale sit contra legem graviter obligantem, per illud amittitur amicitia & gratia Dei, fit irreparabile, & incurritur reatus poenæ æternæ; & ob contrariam rationem id non fit in & ex veniali. Ergo hoc prædicatum est radix reliquorum: primum item est ac primarium, cum aliud prius assignari nequeat.

Objectiones.

45. *Obje. Cont. 1^{um}.* Peccatum veniale non est contra legem nisi secundum quid; ergo simpliciter debet dici tantum esse præter legem. *Ant. Prob. 1.* Qui venialiter peccat, simpliciter adhuc dicitur servare legem, ut patet ex Luc. 1 v. 6. ubi Zacharias & Elisabeth, quamvis venialiter subinde lapsi, dicuntur *incedentes in mandatis Domini sine querela*. 2. Quia Matth. 19. v. 17. is dicitur *servare mandata*, qui potest *ad vitam ingredi*; sed etiam venialiter peccans potest ingredi ad vitam; cum veniale differat quidem ingressum, simpliciter tamen a regno cæli non excludat. 3. Quia legem & mandata servat,

vat, qui Deum diligit, ut ait Christus Joan. 14. v. 15. *Si diligitis me, mandata mea servate*; & Apostolus ad Rom. 13. v. 10. *plenitudo legis est Dilectio*; venialiter autem peccans Deum adhuc diligit, & habet dilectionem. 4. Quia Jac. 2. v. 10. *Quicumque totam legem servaverit, offendat autem in uno, factus est omnium reus*. Venialiter autem peccans non fit omnium reus, ergo nec offendit in uno, scilicet mandato.

R. D. A. Non est contra legem antonomastice talem, quæ scilicet directe intendit conjunctionem cum Deo, habetque pro fine dilectionem, unde & in scriptura simpliciter lex dicitur. C. non est contra legem Dei vere adhuc & proprie talem, de qua num. 131. dictum N.

Hinc *ad prob. 1am* R. Elisabeth & Zacharias dicuntur incedentes in omnibus mandatis graviter obligantibus, non autem levem obligationem afferentibus. *Ad 2dam* R. Christus ibid. v. 18. explicat, quæ mandata intelligat, nempe Decalogi præcepta. *Ad 3tam* R. Similiter, sermonem esse de mandatis & lege, quæ antonomastice talia sunt, & ea simpliciter in scriptura nominantur, ut ex ipsis verbis constat. *Ad 4tam* R. Qui graviter offendit in uno, fit omnium reus; non quod omnia peccata committat, aut omnium incurrat reatum, ut HH. ajunt: sed quod avertatur & separetur a Deo, & ita finem legis amittat. Unde consequentia de mandato graviter obligante explicanda est.

Inst. Constat ex Matth. 22. v. 40. quod in his duobus, scilicet dilectione Dei & proximi, *universa lex pendet & Propheta*. Unde licet reliqua præcepta in se distinguantur a charitate, tamen id, quod charitati contrarium non est, nulli præcepto censetur perfecte contrarium. Sed veniale est tantum præter charitatem, hoc est, secundum quid contra illam; ergo *Conf.* Lex datur pro ratione utentibus, & tanquam regula præscribit medium, quo perveniatur ad finem. Veniale autem *ex imperfectione actus* est tantum actus secundum quid rationalis & humanus; ergo & tantum secundum quid transgressio legis: veniale ex levitate materiz non est contra regulam præscribentem medium, quo perveniatur ad finem ultimum; ergo est tantum contra legem secundum quid, non autem simpliciter talem.

R. Eadem responsio redit de lege, cujus finis est conjunctio cum Deo & charitas habitualis, non autem quæ quacunque ratione vere aliquid ac proprie imperat aut vetat.

Ad Conf. R. quoad 1^{um}. Sicut defectus ille libertatis, deliberationis aut consensus non impedit, quominus actus adhuc simpliciter dicatur malus, sic non impedit, quominus simpliciter sit contra legem. Unde *D. Conf.* est tantum secundum quid transgressio legis graviter obligantis C. leviter obligantis N. Ipsa actus imperfectio facit, ut modus obligandi in lege alius sit, atque hinc virtualiter saltem alia lex, leviter nempe obligans, habeatur ac violetur. *Quoad 2^{dum} R.* Legem graviter obligantem esse regulam præscribentem *medium necessarium* ad obtinendum finem ultimum, leviter obligantem autem præscribere medium ad hunc finem *utile*. Unde patet, quomodo veniale adhuc simpliciter dici possit repugnare regulæ medium præscribenti: præsertim cum, quia disponit ad mortale, remote saltem & mediate adverfetur regulæ etiam medium necessarium ordinanti.

46. *Objic. Cont. 2^{dum}.* Furtum grave & leve est contra idem præceptum, ergo ab hoc non specificatur; præsertim cum magnum & parvum, perfectum & imperfectum circa eandem materiam non mutant speciem. *Conf. 1.* Objecta quædam de se sunt gravia, & exigunt graviter prohiberi: quædam sunt levia; ergo differentia malitiæ mortalis & venialis petenda est a materia gravi vel levi. *Conf. 2.* Peccatum mortale committi potest sine transgressione legis graviter obligantis, ut si quis ex conscientia erronea mendacium jocosum esse mortale ratus deliberate mentiatur; quia non datur lex divina graviter prohibens mendacium jocosum. Ergo.

R. *D. A.* Est contra idem præceptum generice statutum C. specificè sumptum *subd.* si præcise spectetur substantia legis & materiæ C. si spectetur quantitas materiæ & modus obligandi in lege N. *Ad rationem* additam *D.* non mutant speciem in genere physico, & si æstimentur tantum ex objectis C. in genere morali, & si æstimentur ex legibus & secundum modum in illas tendendi N.

Ad Conf. 1. D. Conf. Differentia malitiæ formalis & completæ petenda est a materia N. malitiæ radicalis & in-

inchoatæ subd. differentia universalis N. particularis C. vid. de hoc num. 38. & seqq. *Ad Conf. 2. N. A. rationem D.* non datur lex Divina directæ & per se graviter prohibens mendacium jocosum C. lex reflexa & mendacium per accidens graviter prohibens N. In circumstantiis enim conscientia erronea Deus graviter obligat non agere illud, quod judicatur mortale, ut dictum de conscientia in Tr. de Act. hum.

Inst. 1. Sap. I. v. II. Os, quod mentitur, occidit animam. Ergo veniale peccatum, ejus exemplum supra in mendacio datum fuit, etiam est contra præceptum graviter obligans, & hinc assignata differentia fallit.

R. *D. Conf.* Ergo mendacium graviter noxium proximo, vel conjunctum cum perjurio est contra præceptum graviter obligans C. mendacium ex genere suo, aut jocosum præcise N. Primi generis circumstantiam explicat ipse scripturæ contextus: *Custodite ergo vos a murmuratione, qua nihil prodest, Et a detractione parcite linguæ, quoniam sermo obscurus in vacuum non ibit: Os autem, quod mentitur, occidit animam.* Alterius generis circumstantiam addit S. Augustinus, qui testimonium Sermon. 28. de verbis Apostoli C. 7. in hunc sensum usurpat: *Recedit anima, cum corpus percutitur gladio: Et putas, quia non recedit Deus, cum ipsa anima feritur perjurio? vis videre, quia mortuus est, de quo loqueris? Lege scripturam: Os, quod mentitur, occidit animam.*

Inst. 2. Peccans venialiter bono creato delectabili fruitur; non enim eo tantum utitur, si quidem illud ad Deum tanquam finem ultimum non refert: inter usum autem & fruitionem medium non datur, cum teste Augustino, omnis, qui aliquid amat, amet aut utens aut fruens. Atqui teste Angelico I. 2. q. 11. a. 3. fruitio non debet esse nisi ultimi finis; & hinc, qui bono creato fruitur, illud finem suum ultimum statuit, ac consequenter graviter peccat. Ergo.

R. *N. M.* Sic enim S. Th. I. 2. q. 88. a. 1. ad 3. loquitur: *Dicendum, quod ille, qui peccat venialiter, inharet bono temporali non ut fruens, quia non constituit in eo finem, sed ut utens referens in Deum non actu, sed habitu.* Hinc Prob. 1m. *D.* peccans venialiter non refert, bonum creatum ad Deum actu C. habitu N. Habitu

bitu autem eatenus objectum creatum ad Deum refert, quatenus vi presentis actionis charitatem habituales non tollit, nec relationem objecti ad Deum positive excludit, nec referibilitatem seu ordinationem ejusdem ad finem ulteriorem & ultimum aufert, ut approbantibus Suarez & Vasquez Anglicum Cajetanus interpretatur.

Prob. 2da N. Juxta D. Th. in 2. Dist. 42. a. 2. q. 1. inter usum, fruitionem intercedit abusus; simili ratione loquitur S. Aug. L. 1. de Doctr. Christ. c. 4. *Frui est amore alicui rei inhaerere propter se ipsam: uti autem, quod in usum venerit, ad id, quod amas, obtinendum referre, si tamen amandum est. Nam usus illicitus abusus potius vel abusus nominandus est. Ex quo alius Augustini locus sine libro indicatus explicandus est.*

QUÆRES. *An peccatum veniale sit offensa Dei?*

47. *Nota.* Qui *veniale* negant proprie esse contra legem Dei, consequenter etiam asserunt, illud non esse proprie ac simpliciter, sed analogice tantum & secundum quid offensam Dei. Alii tametsi *veniale* transgressionem Divinae legis fateantur, propriam tamen Dei offensam negant, eo quod *veniale* non tribuat Deo jus auferendi ab homine aut minuendi gratiam habituales, aut dissolvendi amicitiam vel conjunctionem cum Deo, in quo unice proprietatem offensa simpliciter talis constituunt. Reliqui contra cum Vasquez distinguunt inter offensam gravem & levem. Illam dicunt actionem, quæ sit aversio a Deo & tollat amicitiam: hanc vero, quæ quocunque modo sit contra voluntatem Dei, eique displiceat. Utramque porro vocant etiam personalem Dei offensam, supposita jam lege Divina. Cum his secundum systema doctrinae hactenus tradita

48. R. Peccatum veniale est proprie offensa Dei, sed levis. *Prob. 1ma Pars.* Ad offensam propriam requiritur & sufficit, ut *1mo* actio displiceat illi, qui ea offenditur: *2do*, ut ejusmodi actio sic sit contra illum, ut is de ea jure conqueri possit, aut ægre eam ferre; quia per postremum proprie offensa redditur personalis. Atqui utrumque convenit peccato veniali. Nam *1mo* omne veniale, utpo-

E

te

te cum bonitate Dei aliquo modo pugnans, illi displicet. 2do Est etiam actio contra Deum ejusmodi, quam ipse agere ferre debet, & de qua iuste conqueri potest; cum sit transgressio præcepti, quam sub sua displicentia, culpa item & pœna prohibuit. Ergo.

Conf. Ex SS. PATRIBUS apud Vegam in Tridentinum, qui ex hoc præsertim capite quodcunque veniale peccatum exaggerant. Et quamvis illud Jacobi 3. v. 2. *In multis, offendimus omnes*, possit ex voce maxime græca eo sensu intelligi, quo homo dicitur offendere ad lapidem & cadere; favere tamen nostræ responsioni Suarez, licet contrarius, fatetur. 2da Pars constat ex art. I.

Nec dicas 1. Quamvis Regi errata subditorum, & negligentia discipulorum Præceptori displiceant, tamen hæc & similia non continent injuriam personæ illatam, nec sunt offensa propriæ talis; ergo a pari peccata venialia. R. N. *Conf.* Priora nihil sunt nisi actiones præcise displicentes, prout supponitur: posteriora sunt actiones personæ ius lædentes; quia prohibita supponuntur sub displicentiæ interminatione, ita ut etiam ex hoc unico capite displicentiam moverent, & pœnam provocarent, etsi ex se illa non mererentur.

Nec dicas 2. Peccatum veniale solum est prohibitum sub pœna temporali, privatione uberiorum auxiliorum, immixtione fervoris, charitatis & aliarum virtutum: & sic respicit vel bonum ipsius hominis, quod lex intendit, vel bonum aliud Deo extrinsecum. Ergo sicut furtum, quo quis Regi occulte aufert pecunias vel alia fortunæ bona, non est injuria personalis & offensa regia, sed tantum realis offensa; sic etiam se habet veniale.

R. 1. N. A. Quia etiam est prohibitum sub interminatione displicentiæ Divinæ. R. 2. N. *Conf.* Quamvis enim amicitia cum Deo consistat in gratia sanctificante, & sic in aliquo extrinseco, tamen peccatum illam dissolvens recte dicitur offensa Dei personalis; quia per hoc Deus accipit ius odio habendi hominem, sub cujus interminatione peccatum prohibuit. Itaque & veniale potest dici personalis offensa, quia per illud Deus ius acquirit displicentiam suam erga hominem ostendendi, sub cujus interminatione etiam veniale prohibuit. Ad *Paritatem* responsum jam est
su-

CAP. I. PECCAT. VEN. EST OFFENSA DEI. 67

supra. Quin sicut furtum, si præsente, & sub displicentia vel indignatione regia illud prohibente Rege fieret, offensa regia & personalis evaderet: sic cum hac eveniant in veniali, illud merito offensa divina etiam personalis nuncupatur.

Nec dicas 3. Etsi dicatur peccatum veniale aliquid leve continere contra personam Dei, non tamen proinde dicendum est, eum proprie offendere; tum quia quis non offenditur per actum indeliberatum, qualis est in veniali *ex imperfectione actus*: tum quia, si peccatum veniale non versetur circa Deum tanquam objectum, est tantum offensa materialis, non autem formalis Dei: tum quia, si etiam directe attingat Deum, tamen quia circa illum non versatur formaliter, ut ultimus finis est, adeo est levis malitia, ut nihil fere censeatur ad Dei honorem pertinere secundum moralem æstimationem.

R. D. Non tamen proin dicendum est, eum proprie, hoc est, graviter offendere C. proprie, hoc est, vere, licet leviter offendere N. Ad rationem *Imam R.* similiter. Sicut enim actus indeliberatus continet adhuc malitiam saltem levem, sic etiam dare levem offensam potest. Idem *R. ad 2am.* Nam materialis offensa hic debet tantum sumi pro virtuali & interpretativa, qualis etiam peccatum mortale, quod directe contra Deum non tendit, dicitur. Si alio sensu sumatur, falsum asseritur. *Ad 3tiam R.* quamvis nihil fere censeatur pertinere ad Dei honorem secundum æstimationem moralem, tamen sicut reipsa *vere ac simpliciter* non potest censi nullum esse malum aut peccatum nequidem leve, sic censi etiam nequit, nequidem levem offensam non esse.

C A P U T II.

De Pœna Peccati mortalis & venialis.

A R T I C U L U S I.

An peccato mortali statuta & debita sit pœna æterna?

49. *N*ota I. Communis & certa est Theologorum sententia, quæ statuit cuilibet peccato mortali cor-

respondere duplicem pœnam, damni scilicet & sensus, uti ex variis parabolis Matth. c. 13. & ex judiciali sententia Christi in cap. 25. Matthæi, aliisque ex locis, ubi mentio fit exclusionis a regno Dei & ignis inferni, manifeste colligitur. Rationem affert D. THOMAS, quia peccato bina insunt: conversio ad commutabile bonum, & averfio a Deo. Averfioni autem respondet pœna damni, ut, qui voluntate Deum dereliquit, ejus amicitia & conspectu involuntarie privetur: conversioni respondet pœna sensus, ut *quantum glorificavit se in deliciis, tantum detur ei tormentorum.*

De utraque pœna, quæ, sicut peccatum reipsa unum quid in genere moris constituit, sic una integra totalis pœna est, duplex hic quæstio movetur: altera *facti*: an peccato mortali vel reprobis statuta sit pœna æterna, hoc est, nunquam finienda? altera *juris*: an mortale pœnam æternam mereatur ex natura sua, seu, unde sumenda sit ratio hujus perpetuitatis?

50. *Nota II.* Platoniorum fabulis, qui asserta metempsychosi animas plerasque peccatis suis ac inde etiam pœnis liberandas affirmabant, nimium addictus ORIGENES pluribus in locis negavit, dæmonum ac reproborum hominum pœnas fore æternas. Equidem purgare eundem conati sunt præter alios Picus Mirandul. Merlinus & Genebrardus, sed irritò, ut Petav. l. 3. de Angelis c. 6. ostendit, conatu; cum & propria ejus scripta, & Theophil. Alexandrinus, Athanasius, Epiphanius, Hieronymus ac Augustinus, maxime vero Concilium. Gen. V. id testentur, a quo Collat. 8. Can. 11. una cum scriptis error ille Origenis narrante Nicephoro l. 17. damnatus fuit. Præter hunc plures alios S. AUG. l. 21. de Civit. Dei recenset & refutat, qui homines saltem aut certas hominum classes variis ex fundamentis liberandas aliquando ab inferni pœnis erronee senserunt. Similem errorem postremis temporibus amplexi sunt *Sociniani*, negantes justum fore Dei judicium, si unicum peccatum æternæ pœnæ exciperent.

51. *Dico I.* Pœna inferni reproborum, & sic peccati mortalis, erit æterna. Est *de fide*. *Prob.* SCRIPTURA, ubi de pœnis inferni loquitur, semper eas fore æternas enuntiat. Sic Isa. ult. & Marc. 9. dicitur: *Vermis eorum*

noti

non moritur, & ignis non exinguitur. Judith. 16. *Dabis ignem in carnes eorum, ut urantur in sempiternum.* 2. ad Theff. I. *Qui penas dabunt in interitu aternas.* Apoc. 13. *Fumus tormentorum ascendet in secula seculorum.* Præterea Matth. 25. post recitatam Judicis Divini ferendam in reprobos sententiam subditur: *Ibunt hi in supplicium æternum, justi autem in vitam æternam.* In quæ verba S. Aug. lib. de Fide & Operib. cap. 13. commentatur: *Neque illud dici potest, ignem æternum dictum, non ipsam combustionem æternam . . . cum & hoc providens Dominus sententiam suam conclusit ita dicens: sic ibunt illi in combustionem æternam, justi autem in vitam æternam. Erit ergo æterna combustio, sicut ignis.*

Conf. I. Ex Conc. Gen. V. supra cit: ex Generassi VI. Actione II.; ubi recitata fuit epistola Sophronii hoc ORIGENIS dogma referens & damnans: ex Latèr. IV. cap. Firmiter de SS. Trinit., ubi dicitur, quod reprobi cum Diabolo habituri sint pœnam perpetuam: ex TRID. sess. 6. c. 14. & 15. & sess. 14. c. 18., ubi definitur in justificatione impij æternam pœnam remitti: & ex eodem Sess. 6. Can. 25. & Sess. 14. Can. 5., ubi supponitur pœna æterna peccato mortali esse statuta. II. Ex consensu PATRUM, quos recitat Petavius ibid. cap. 8. & sensu universali Fidelium, de quo S. AUG. I. de hæres. ad Quodvultdeum cap. 43. ita scribit: *Quis enim Catholicus Christianus vel doctus vel indoctus non vehementer exhorreat, eos, qui hanc vitam in flagitiis finierunt, ipsum etiam diabolum atque angelos ejus, quamvis post longissima tempora purgatos, atque liberatos regno Dei lucique restitui?* Unde FULG. L. de Fide cap. 43. *Firmissime, inquit, tene & nullatenus dubites, iniquos semper arfuros cum diabolo.*

25. *Dico II.* Peccatum mortale ex natura sua meretur pœnam æternam. *Prob.* Deus peccato mortali decrevit pœnam æternam, ut constet ex num. priore: Est autem prudens legislator, & justus vindex, imo de facto magis vult misereri, quam justitiam exercere; ergo in taxanda hac pœna credendus est proportionem servasse ad peccati meritum, nec ultra condignum punire. *Conf.* Ex fundamentis, quæ nunquam rationes perpetuitatis pœnæ a Theologis afferri solent.

Earum *1ma* est ex GREG. M. lib. 4. Dial. c. 44. & D. TH. I. 2. q. 87 a. 3.; quia homo mortaliter peccando sua sponte contraxit reatum culpæ & pœnæ, seque in eum statum coniecit, in quo satisfaciendo in æternum non potest se eximere ab utroque hoc reatu, cum extinxerit principium satisfactionis, nempe gratiam & charitatem: quod quia ipse reparare non potest, & reatus uterque semper manet, semper pœna debetur. *2da* est ex S. AUG. ep. 49. q. 4.; quia, qui mortaliter peccat, contemnit finem ultimum & æternitatem beatam: totum vero suum amorem ac felicitatem perpetuam in creatura, quantum in se est, reponit; ergo & æternitatem miseriarum seu pœnarum damni & sensus meretur. *3tia* est ex S. CHRYSOST. hom. 25. in ep. ad Rom. & 9. in I. ad Corinth.; quia mortaliter peccans ratione offensæ suæ gravis sponte dissolvit amicitiam cum Deo, & ejus inimicum se profitetur; ergo & se exposuit odio Dei, & ut tanquam inimicus ab eo habeatur, dum aut Deus offensam condonet, aut homo satisfaciat, quod postremum impossibile est damnatis.

Objectiones.

53. *Obj. I.* Æternitas in scriptura interdum sumitur pro longissima, non tamen perpetua duratione; ergo ex ea non ostenditur perpetuitas pœnarum.

R. D. A. Sumitur pro duratione non perpetua, si sermo est de rebus vitæ & sæculi præsentis T. si sermo, sit de rebus vitæ & sæculi futuri, ubi scilicet non est mutatio nec finis N. Dixi: *Transseat*; quia promissiones in æternum aliaque, quæ figuræ munus obenant, sæpe secundum figuram quidem præteriere, secundum figuratum autem æterna sunt. Porro facit pro nostra veritate, quod Christus, ubi judicalem sententiam pronuntiat, utique proprio verborum sensu usus, pœnas dicat æternas: Accedit, ut observat S. AUG. lib. 21. de Civit. C. 23., quod in eodem versu de vita æterna æque ac supplicio æterno mentio fiat; ergo cum adversarii veram vitæ æternitatem fateantur, quid perpetuitatem supplicii in dubium vocant?

Inst. I. Scriptura multis in locis extollit misericordiam Dei supra justitiam. Item Ps. 102. sit: *Non in perpetuum irascetur, neque in æternum comminabitur.* Et Ps.

CAP. II. DE POENA PECCATI MORTALIS. 71

76. *Nunquid obliviscetur misereri Deus, aut continebis in ira sua misericordias suas? Ergo. Conf. Marc. 12. de Scribis dicitur: hi accipient prolixius iudicium.*

D. A. Scriptura extollit & sic loquitur de effectibus misericordiae in hac vita & saeculo C. in vita & saeculo altero N. Nempe maxima Dei misericordia ex eo elucet, quod non damnaverit genus humanum secundum rigorem iustitiae, sed dederit Redemptorem, & nunc etiam peccantibus parcat propter Christum, detque locum poenitentiae; quod unum textus laudati probant. Unde ex annotatione S. AUG. postremo loco statim subditur: *Dixi: nunc coepi: hac mutatio dexteræ excelsi &c.* Vita itaque praesens est tempus miserendi, ubi homo corrigi potest & mereri. Post hanc vero erit tempus iudicandi, praevalere iustitia, nec locus veniae concedetur, ut Christus aperte monet Matth. 5. *Esse consentiens adversario tuo cito, dum es in via cum eo: ne forte te tradat adversarius iudici, & iudex tradat te ministro, & in carcerem mittaris. Amen dico tibi, non exies, donec reddas novissimum quadrantem.* Et Joan. 9. *Venit nox, quando nemo potest operari.* Adde, quod ex communi Theologorum damnati puniuntur infra condignum, hoc sensu, quia Deus singulis peccatis decrevit poenas minores, quam in toto rigore mererentur.

Ad Conf. R. D. Accipient iudicium prolixius in acerbitate C. in duratione N. inaequalia quidem damnatorum supplicia erunt quoad acerbitatem, non quoad durationem.

Inß. 2. Saltem non omnes, licet in peccato mortali fuerint mortui, in æternum puniuntur. Ejusmodi autem sunt 1. Qui baptismum Christi & Eucharistiam acceperunt; quia *si quis manducaverit ex hoc pane, vivet in æternum.* 2. Qui manent in fide Christi; quia fundamentum habent Christum: unde licet opera mala huic superedificata fuerint, hæc quidem tanquam foenum & stipula exurenda sunt, ipse nihilominus, ut ait Apost. 1. Cor. 3. *Salvus erit; sic tamen, quasi per ignem.* 3. Qui persistentes in fide Christi & unitate Ecclesiae faciunt opera misericordiae, licet varia simul peccata committant; quia *hæc misericordes, quoniam ipsi misericordiam consequuntur. &c.*

R. Hos aliosque errores recitat & expugnat S. Aug. nuper laudatus, ex quo *N. Aff. Contra Imum* est, quod non omnis, qui semel crediderit & baptizatus fuerit, sed qui perseveraverit usque in finem, hic salvus erit: nec juvat, quod quis Eucharistiam accipiat; si enim dignus illam sumit, habet quidem panem operationum vite æternæ, quam obtinebit, si perseveret: si vero indignus, iudicium sibi manducat.

Contra 2dum est, quod Christus pronuntiet damnationis sententiam in eos, qui opera misericordiæ non præstiterunt: Apostolus autem dicat, agentes opera carnis non possessuros regnum Dei: Ad Corinthios vero loquatur de igne purgatorio, non æterno, ad quem damnati discedent.

Contra 3tium est, quod valeant misericordiæ opera tum ad impetrandum a Deo gratiæ auxilium & ad poenitentiam agendam, tum ad peccata delenda secundum reatum poenæ restantem, si fiant propter Christum: Nihil vero valent ad vitam, si homo nolit diligere Christum, aut ab eo justificari, ut ait S. Doctor ex Apostolo: *si distribuero in cibos pauperum omnes facultates, charitatem autem non habuero, nihil mihi prodest.* Unde liquet, sub qua conditione beatitudo misericordibus promissa sit.

54. Obj. II. Prioribus saltem sæculis non fuit constans de hac re sententia. Nam 1. S. JUSTIN. in Dial. cum Tryphone & S. Iren. lib. 2. adv. hæres. c. 64. videntur negare immortalitatem animæ, & consequenter æternitatem poenæ. 2. S. GREG. NYSS. in Orat. catechetica & L. de anima & resurr. ait, Diabolum & homines post diuturnam purgationem liberandos. 3. GREG. NAZ. oratione 39. & 40. Item in Carmine Heroico de sua vita dubius saltem est de perpetuitate poenarum. 4. S. AMBROSIIUS Sermon. 20. in Ps. 118. dubie & obscure, in comment. in ep. ad Ephes. autem satis clare negat poenarum æternitatem. 5. S. HIERON. variis in scriptis suis præsertim in comment. ep. ad Ephes. affert sententias Origenis absque censura earum aut reprobatione; quin eundem subinde laudat: in Dial. 1. autem cont. Pelag. textus scripturæ, queis supplicium damnatorum exprimitur, in alium sensum vel de infidelibus duntaxat explicat, & præter alia dicit: *aliud est gloriam perdere resurgendi, aliud perire perpetuo.* Item:

Chri-

Christianos, si in peccato præventi fuerint, salvandos esse post pœnas.

R. Quod PATRES nonnulli speciem quandam dogmatis *Origeniani* suis scriptis asperserint, ortum, si Petavio credimus, fuit ex eo, quod illi ORIGENEM magni fecerint, & in scripturis interpretandis fere ducem adhibere consueverint. Quamvis verò illis ex eo capite facilius indulgendum foret, quod necdum declarata tum temporis per Concilii definitiones mente Ecclesiæ sinistram interpretationem sequerentur, & eorum etiam singularis opinio dogmati nostro nihil officiat, cum non nisi unanimis Patrum consensus sit infallibilis; est tamen, quod ad singulos reponamus. Unde

Ad 1mum R. JUSTINUS in Apologia utraque agnoscit pœnarum perpetuitatem tum a Dæmone, tum a reprobis angelis & hominibus esse subeundam. Hujus sententiam laudat Irenæus, eique subscribit lib. 4. cap. 47.; unde quod obscurius de immortalitate animarum locis sup. cit. dixerant, hic clarius reddiderunt.

Ad 2dum R. GREGORIUM NYSS. jam olim defendit Germanus Patr. Cyprianus apud Photium asserens, ejus libros ab hæreticis Origenis fautoribus esse corruptos. Contra quod licet quidam ob stili similitudinem, dicendi characterem & orationem consequentem excipiant; tamen improbabile non redditur, tum quia hoc imitationis & solertiz genus ab hæreticorum ingenio non abhorret: tum quia Nyssenensis in Or. *De his, qui baptisma differunt*, propius ad veritatem accedit.

Ad 3tium R. NAZIAN. in Orat. 15. luculenter fuseque disputat, pœnas damnatorum nullo sine terminandas; & in Carmine Jambico 19. vermem non esse moriturum. Unde alibi dicta mollius & de purgatorii pœna exponi debent.

Ad 4tum R. 1mum AMBROSII locum obscurum fatemur: clarus autem sensus est L. de lapsu Virginis C. 8. ubi ait: *Ego tamen, qui scio graviora facinorosis servari tormenta, & sine fine impias animas cruciatus manere, non temporales utique, sed æternos. &c.* Eadem loquitur ad c. 14. Lucæ, & L. 2. de fide c. 4. Commentariorum verò in ep. ad Ephes. auctor non fuit Ambrosius, sed Hilarius

rius Diaconus Luciferianus, ut Bellarminus putat, vel alius quiscunque potius, ut hic Petavius annotat.

Ad 5tum. R. S. Hieron. Catholicam de dogmate hoc sententiam suam multis in locis manifeste declaravit, nempe in Comment. ad Isa. c. 14. v. 20. & c. 27. ad Daniel. cap. 3. ad Matth. c. 25. v. 46. maxime vero in Apologia 1ma & 2da contra Ruffinum, qui eum salutis diabolicæ suspectum reddere conabatur; ubi declarat in locis quibusdam objectis non suam, sed alienam sententiam a se propositam, neque laudatam Origenis personam, sed viri ingenium, nec eum ut Theologum, sed ut Philosophum commendatum, neque ejus opiniones fidei repugnantes esse adoptatas; quas dein, & suspicionem a se strenue propulsavit.

Ad illa, quæ ex *dialogo* allata sunt, observandum I. eum agere hic contra Pelagianos, qui negabant discrimen inter mortale & veniale intercedere, & remitti peccatum ante, quam homo ita corrigat mores, ut immunis sit ab omni peccato: 2. Nomine peccatoris aut iniqui ab eo non intelligi semper eum, qui mortalis peccati reus est, sed etiam illum, qui veniale tantum commisit.

Inde autem *1mo* recte dicit, loca scripturæ supplicii æterni testantia non esse intelligenda generaliter de peccatoribus omnibus, & cujuscunque peccati reis: *2do* Docet reos venialis peccati perdere eximiam gloriam innocentibus aut eximie sanctis destinatam, reos autem mortalis perire perpetuo; unde inter perdere gloriam & perire perpetuo bene distinxit. *3tio* Christianos asserit salvandos post pœnas, si in peccato veniali præventi fuerint; & reprehendit Pelagium, quod fideles cum infidelibus confundat; cum tamen illi sæpe cum veniali duntaxat decedant, & hinc pœnis æternis non mulcentur: infideles autem moriantur in mortali, & hinc perpetuo supplicio subdantur.

Inst. 1. Ecclesia videtur credere, redemptionem aut refrigerium convenire posse damnatis; sic enim orat in Missa pro defunctis: *Libera Domine animas omnium fidelium defunctorum de pœnis inferni & de profundo lacu; libera eas de ore leonis, ne absorbeat eas tartarus &c. Conf.* Isa. c. 24. dicitur: *Congregabuntur in lacum, & claudentur ibi in carcere, & post multos dies visitabuntur.*

R. N.

CAP. II. DE POENA PECCATI MORTALIS. 75

R. N. A. Ecclesia contrarium asserit, dum in officio defunctorum dicit: *in inferno nulla est redemptio*. Unde oratio illa ex communi Ecclesiae sensu & usu in aliis officiis pervulgato retrahitur ad ipsum agonis momentum, adeo ut Deus futura oratione tactus rogetur, ut animam morientis liberet a poenis inferni, nec sinat cadere in obscurum: vel effunditur, ut, si defuncti anima purgatorio igni tradita sit, ab eo liberetur, cum purgatorii locus ab Ecclesia saepe inferorum nomine exprimatur. *Ad Conf.*

R. D. τὸ visitabuntur accipiendo pro officio consolationis alteriusve levaminis N. accipiendo pro exercitio punitio-
nis aut afflictionis, sub qua ratione frequenter usurpatur in scripturis C. unde hic textus potius probat impios in aeternum puniendos.

Inst. 2. Prudentius, Augustinus & Chrysost. apud Petavium c. 8. l. c. innuunt, damnatis subinde respiratio-
nis quidpiam obvenire, eorumque poenas fidelium orationibus, si non solvantur, saltem sublevari. Ergo aeterna poena dici nequit.

R. Videtur Poetica potius fingendi quidpiam licentia, quam probabilis sententia PRUDENTII esse, dum hymno 5to cecinit damnatis pusillum quietis per festum Paschale indulgeri. S. AUGUSTINI in Ench. c. 110. non est absoluta, sed hypothetica tantum enuntiatio, ubi dixit, si sacrificia & pietatis opera damnatis aliquid prosint, non prodesse, nisi ut aliquid levamenti afferant. Denique S. CHRYS. indulgentia quadam oratoria plus aliquid concessit immoderate defunctos desolentibus, dum hom. 3. in ep. ad Philip. dixit, Christianos damnatos per fidelium preces & sacrificia levi quidem, sed aliquo tamen solatio juvari.

Quamvis enim hac de re certi nihil ab Ecclesia sit decretum, maximum tamen contra illam praedictum est, quod nunquam pro damnatis orare Ecclesia consueverit. *Accedit*, quod damnati sint extra communionem Sanctorum, adeoque a nostris precibus commodi nihil habere possint.

55. *Obj. III.* S. Aug. in Ps. 71. v. 14. *Ex usuris & iniquitate redimet animas eorum*, sic scribit: *Quae sunt istae usurae, nisi peccata; quae etiam debita nominantur? usuras autem appellatas puto, quia plus mali invenitur in suppliciis, quam commissum est in peccatis; ergo juxta*
S. Do-

S. Doctoris mentem mortale ex natura sua non meretur æternam pœnam. *Conf.* Sap. 1. Deus non delectatur in perditione hominum; sed juxta Philosophum nullus sapiens facit aliquid, nisi propter se in ipso delectetur; ergo Deus non punit hominẽs morte æterna.

R. D. A. Plus mali invenitur in suppliciis, quam quod mali physici subinde commissum est in peccatis C. quam quod mali moralis est commissum N. Responſionem probant verba subsequẽtia: *Nam v. g. cum homicida corpus tantum hominis perimat, anima autem nihil nocere possit, ipsius & anima & corpus perditur in gehenna.* Ad *Conf.* D. M. Deus non delectatur in perditione hominum antecedenter, & non supposita culpã exigente hanc pœnam C. consequenter ad culpam *subd.* non delectatur in perditione præcise propter ipsam C. propter manifestationem justitiæ suæ N.

Inst. 1. Judex sapiens punit ad corrigendum; sunt enim testante Philosopho pœnæ medicinæ quædam; Pœna autem æterna post judicium non prodest ad correctionem; Ergo.

R. D. Judex sapiens statuendo pœnas agit plerumque ad corrigendum, & pœnæ pro aliquo saltem tempore sunt medicinæ T. absolute, semper ac necessario ita, ut pœna esse non possit, nisi medicina aliis sit N. Pœnæ etiam æternæ sunt de facto medicinæ secundum illud Ps. 59. *De-distis metuentibus te significationem, ut fugiant a facie arcus, ut liberentur dilecti tui;* post judicium etiam præstant, ut boni tanto magis gaudeant, quod vel ex justitiæ amore, vel ex pœnarum illarum timore bene egerint. Quamquam satis est, afflictiones illas æternas manere actus justitiæ vindictivæ, ac essentialẽ pœnæ rationem habere.

Inst. 2. Inter culpam & pœnam debet esse proportio; hæc non habetur, si pœna sit æterna, cum culpa sit momentaneæ; ergo.

R. D. M. Debet esse proportio quoad entitatem vel durationem N. quoad meritum vel causam & supplicium vel effectum C. In nullo judicio requiritur inter culpam & pœnam proportio a duratione, ut D. Th. 1. 2. q. 87. a. 3. ad 1. ait, citans S. Aug. l. 21. de Civ. c. 11. *Non enim, quia adulterium vel homicidium in momento committitur, propter hoc momentanea pœna punitur: sed quandoque quidem*

CAP. II. DE POENA PECCATI MORTALIS. 77

dem perpetuo carcere vel exilio, quandoque etiam morte; in qua non consideratur occisionis mora, sed potius, quod in perpetuum auferatur a societate viventium: Et sic representat suo modo aternitatem pœna inflicta divinitus.

Inst. 3. In tribunali humano quævis crimina sufficienter & æqualiter puniuntur pœna finiti temporis; ergo & in tribunali Divino; ne Deus sit minus lenis, quam homines.

R. 1. N. A. Tum quia ex modo dictis pœnam homines etiam infligunt, quæ suo modo repræsentat æternitatem pœnæ: tum quia, quod homines pœnas temporales flagitiis enormibus reddant, non ideo fit, quod pœnæ illæ sint sufficientes & æquales. **R. 2. Disp.** Homines nec possunt exacte punire peccata, nec punire debent, nisi secundum exigentiam boni communis, quod sæpe non permittit adæquatam pœnæ rationem ad meritum culpæ. Deus vero potest & debet exacte punire, ut sicut sua est virtuti merces, sic vitio etiam sit pœna. Hinc vero non sequitur Deum minus lenem fore: sed optime novisse merita peccatorum, & sine periculo injuriæ aut excessus decernere posse supplicia.

Inst. 4. Peccatum mortale est aliquid simpliciter finitum in omni ratione; ergo & pœna in nulla ratione debet esse infinita.

R. N. A. Est enim mortale peccatum respective perfecte infinitum, ut d. n. 64. est etiam moraliter infinitum quoad durationem, ut d. n. 141. & innuitur Marc. 3. v. 29. *Qui autem blasphemaverit in Spiritum Sanctum, non habebit remissionem in æternum, sed erit reus æterni delicti.*

Inst. 5. Etiam si pura creatura non possit satisfacere pro peccato mortali, potest tamen satisfacere; quia ad satisfactionem, sicut ad solutionem, non requiritur condignitas personæ satisfaciæntis. Ergo fundamenta superius allata nihil conficiunt. **Conf.** Licet quis puniatur juste, donec satisfaciat, quando satisfacere potest & non vult: juste tamen non punitur, quando satisfacere non potest; quia ad impossibilia ex communi axiomate nemo tenetur. Atqui damnati non possunt satisfacere; ergo.

R. N. A. Homo pro mortali peccato satisfacere nunquam potest ita, ut nihil amplius patiendum restet; tum quia

quia ad poenæ æternæ finem deveniri nunquam potest: tum quia reatus culpæ ex parte hominis infert debitum satisfaciendi, nunquam a damnato extinguendum. *Ad Conf. D. 2. p. A.* Juste non punitur, si satisfacere non potest, nisi in statum impotentiae se ipsum libere conjecit T. si in hunc statum libere se conjecit N. In humanis etiam juste plectitur is, qui libere contraxit majora debita, quam ut iis satisfacere queat. *Rationem D.* Nemo tenetur ad impossibile, ita tamen, ut loco impossibilis teneatur ad possibile C. ut neque ad possibile aliud teneatur N. Damnatus, cum nequeat solvere debitum contractum, debet quasi pensionem poenarum perpetuam præstare.

Inst. 6. Indignum est, aliquem tamdiu cruciari, dum mutilatum alteri membrum restituat; cum id in ejus potestate non sit. Ergo etiam iniquum est peccatorem tamdiu in inferno torquere, dum e statu peccati exeat, cum nec id penes eum sit.

R. T. A. ob modo dicta. *N. C.* Si poena perpetui carceris, exilii, servitutis &c. legibus statuta foret, non esset indignum, ea transgressorem continenter multare, non quidem ideo, quod membrum non restituat, sed quod semper maneat reatus poenæ, quo ipse tota sua vita se nequit eximere: quod si in mutilatores temporalis tantum poena legibus fuisset sancita, transgressor utique indigne poena perpetua afficeretur; siquidem exhausta poena illi legibus nihil ultra debet, nec Judex acerbius plectere potest, quam leges sinant. Imum etiam accidit in damnatis, qui non ideo puniuntur a Deo in æternum, quod non præstent impossibilia, sed quod reatus culpæ & poenæ iis jugiter inhæreat, eosque odio & suppliciis dignos reddat: in 2do contrarium habetur; Deus enim ut summus & justissimus legislator sanxit, ut qui ipsum graviter offenderit, & decesserit in expiatus, reatum poenæ æternæ incurrat & subeat; unde nihil iniquitatis apparet.

QUÆRES. *Quid sentiendum de liberatione Trajani Imperatoris a gehenna precibus S. Gregorii Magni?*

56. *Nota.* In vita GREGORII M. Paulus Diaconus c. 27. & Joannes Diaconus l. 2. c. 44. narrant hunc Pontificem,

ficem, cum per forum Trajani transiens recordatus esset mansuetudinis & justitiæ ab eo Imperatore olim viduæ cui-dam exhibitæ, hac virtute commotum in Basilica S. Petri tandiu pro Trajano flevisse & fudisse preces, dum sequenti nocte responsum accepisset, se pro TRAJANO fuisse auditum: monitum vero, ne pro ullo ulterius Pagano preces fanderet.

57. *B. I.* Rejicienda est tanquam commentitia. Ita post Baronium, Bellarminum, Melchiorem Canum, Dominic. Soto, Possevinum, Natalem Alexandrum, Card. Lambertinum, aliosque plerique. *Ratio* est 1. Quia repugnat dogmati fidei, pœnas damnatorum æternas statuentis, & nullum excipientis. 2. Quia repugnat ipsi fidei, quam S. GREGORIUS habuit, qui L. 7. Epist. 15. L. 4. Dial. c. 44. & L. 34. Mor. c. 16. docet pœnas inferni esse æternas: nullam in inferno redemptionem: nec orandum pro hominibus impiis & sine baptismo vita functis, qualis erat Princeps ille Ethnicus, persecutor Christianorum atrocissimus, & omnibus libidinibus deditus. 3. Quia repugnat fidei humanæ ob Auctorum in hac historia referenda dissensionem; ob nugas, quibus illi narrationem hanc adornant; & ob veterum scriptorum tum vitæ TRAJANI, tum vitæ Gregorii de facti occasione & ipso facto silentium.

Nec obstat 1. Quod hanc historiam ediderint duo illi Scriptores; quia synchroni non erant, sed trecentis ferme annis posteriores; hæc non ex probatis actis, sed obscuris & dubiis monumentis enarrantes.

Nec 2. Quod eadem narratio habeatur in S. Joann. Damasceni oratione *de iis, qui in fide dormierunt*; tum quia hæc oratio est supposititia, ut ostendit Bellar. Nat. Alexander & Michael le Quien: tum quia in Dial. cont. Manichæos §. 65. & l. 2. de fide Orthod. c. 4. propositionem universalem huic singulari narrationi contradictoriam S. Doctor hic defendit.

Nec 3. Quod Euchologium Græcorum eam historiam in oratione quadam pro defunctis habeat; quia hæc fabula ex Pseudo-Joanne Damasceno in Euchologium facile irrepere poterat; cui proin fides habenda non est, præsertim, cum Ecclesia Græca, ex quo in schisma lapsa est, in graviores etiam errores impeggerit.

Nec

Nec 4. Quod in libris Revelationem SS. Brigittæ & Mechthildis idem contineatur; quia revelationes hæ fidem non faciunt; partim quia ab Ecclesia non fuerunt approbatæ, partim quia inter se circa hanc materiam contrariæ sunt.

58. R. II. Veritate hujus historiæ gratis supposita audiri potest D. Thomas in supplem. q. 71. a. 5. ad 5. ita scribens: *Dicendum, quod de factio Trajani hoc modo potest probabiliter estimari, quod precibus B. Gregorii ad vitam fuerit revocatus, Et ibi gratiam consecutus sit, per quam remissionem peccatorum habuit, Et per consequens immunitatem a pœna: sicut etiam apparet in omnibus illis, qui fuerunt miraculose a mortuis suscitati, quorum plures constat idololatrias Et damnatos fuisse. De omnibus talibus enim similiter dici oportet, quod non erant in inferno finaliter deputati, sed secundum præsentem propriorum meritorum justitiam. Secundum autem superiores causas, quibus prævidebantur ad vitam revocandi, erat aliter de iis disponendum. Vel dicendum secundum quosdam, quod anima Trajani non fuit simpliciter a reatu pœnæ æternæ absoluta, sed ejus pœna fuit suspensa ad tempus, scilicet usque ad diem judicii: nec tamen oportet, quod hoc fiat communiter per suffragia; quia alia sunt, quæ lege communi accidunt; Et alia, quæ singulariter ex privilegio aliquibus conceduntur: sicut alii sunt humanarum limites rerum, alia divinarum signa virtutum, ut Aug. dicit in L. de cura pro mortuis agenda.*

ARTICULUS II.

Qua pœna puniatur Peccatum veniale?

59. **N**Ota. Certum est inter Theologos 1mo, peccatum veniale per se & ex natura sua non mereri pœnam æternam. Sequitur enim hoc ex differentia inter peccatum mortale ac veniale, & ex fundamentis, ob quæ pœnarum æternitas mortali a Patribus tribuitur. Ea vero cum in veniali locum non habeant, nec perpetuitatem pœnarum fundant. 2do, Per se mereri pœnam temporalem, sive in hac vita, quæ consistit partim in privatione donorum supernaturalium, auxiliorum nempe gratiæ efficaciæ, fervoris

ris

ris, charitatis, & familiaritatis cum Deo, partim in illatione poenarum naturalium, puta, doloris, morbi. egestatis, belli, famis aut etiam mortis, ut ex SCRIPTURA & PATRIBUS novimus: sive post hanc vitam seu in purgatorio, quæ stat tum in privatione aut potius dilatione visionis beatificæ & in tristitia animæ propter eam, tum in poena sensus, hoc est, doloribus ac molestiis ab igne purgatorii natis, ut illud Apoc. 21. *Non intrabit in eam aliquid coinquinatum*; & 1. ad Cor. 3. *Si cuius opus arserit, detrimentum patietur, ipse autem salvus erit, sic tamen quasi per ignem*; ac Matth. 5. *Amen dico tibi; non exies inde, donec reddas novissimum quadrantem*; CONCILIA & PATRES de poenis purgatorii peccato veniali post hanc vitam debitis exponunt. Restat proin quæstio de peccato veniali conjuncto cum mortali: utrum hoc saltem *per accidens* æternum puniatur in damnatis?

60. *Dico*. Nullum veniale in damnato etiam *per accidens* punitur poena æterna. *Prob.* Exhausta poena per leges sancita reus eam passus nihil amplius debet, nec iudex poenam ulteriorem ab eo iuste exigit; ut patet in poenis humanis, imo etiam infernalibus; quæ licet sint infra condignum, tamen quoad intensiorem maximam a Deo non exiguntur, & a damnatis expiantur. Ergo cum temporalis veniali per leges divinas decreta exhaustiri possit, ea persoluta nec damnatus habet debitum sustinendi, nec Deus jus infligendi poenam ulteriorem, qualis æterna foret; Ergo cum Deus etiam *per accidens* puniendo non agat, nisi secundum debitum rei & jus suum iudiciale, peccatum nullum veniale punit etiam *per accidens* poena æterna.

Conf. 1. Deus ex *Patrum & Theologorum* consensu damnatos non punit ultra condignum: id vero faceret, si veniale per accidens plecteret æternum. Nam poena v. g. unius anni intensa ut decem, quæ interim tanquam per se & ex condigno debita jocosè mendacior supponitur, per poenam inferni intensam tantum ut unum post decem annos æquaretur: post alios decem in duplo excederetur: sicque decennia in infinitum numerando crescente semper proportionem superaretur. Ergo. *Conf. 2.* Licet veniale in damnato ob conjunctionem cum mortali & ortum inde statum inimicitiae fiat *per accidens* irremissibile; tamen imprimis manet culpa levis, quia illæ circumstantiæ non mutant essentiam venialis; deinde debitum poenæ per ejus passionem manet

extinguibile, quia ad satisfationem & pœnæ solutionem non requiritur status gratiæ vel favor Dei extrinsecus, ut eum satisfactio & remissio culpæ exigit. Ergo & pœna correspondens levi culpæ manebit levis ac temporanea: eaque non evadet *per accidens* insolubilis.

Objectiones.

61. *Objic. I.* Quamdiu manet causa necessaria, manet ejus effectus & proprietas; sed reatus culpæ in peccato est causa reatus pœnæ, tanquam effectus & proprietatis; ergo.

R. D. M. Manet ejus effectus & proprietas in physicis C. in moralibus *subd.* si effectus & proprietas sit absoluta & inseparabilis C. si sit conditionata & separabilis N. Proprietas physica producit per influxum physicum; unde conservata causa necessaria, utpote influxum illum physicum semper præstante, etiam naturaliter perseverat, ut patet in calore, proprietate ignis. Conservatio autem ac perseverantia proprietatum moralium conditionata tantum esse & hinc cessare potest conditione posita.

Quamvis itaque permittatur reatum pœnæ esse reatus culpæ effectum & proprietatem, cum tamen uterque reatus rectius dicatur effectus peccati actualis; tamen proprietas est tantum *moralis*, quæ, sicut reatus culpæ perire potest reatu pœnæ permanente, sic etiam tolli potest reatu culpæ perseverante, cum hic reatus ad morem debitorum aliorum destruat per solutionem pœnarum, ob cujus negationem perseverare dicitur.

Inst. I. Quamdiu manet culpa peccati, peccatum manet pœna dignum, & hinc juste puniri potest; sed culpa in veniali manet æternum; ergo. *Conf.* Deus potest quid juste punire, quam diu id ipsi displicet. Sed veniale non remissum quoad culpam illi æternum displicet; ergo.

R. Quamdiu manet culpa peccati, peccatum manet pœna dignum dignitate radicali & quasi conditionata C. actuali & absoluta N. Dignitas radicalis ad pœnam est ratio & fundamentum, cur possit aut potuerit pœna infligi: hæc dicitur conditionata, quia non facit, ut de facto & adhuc infligi pœna possit, nisi supponatur, pœnam necdum esse

esse solutam. Actualis est debitum præsens adhuc sustinendi poenam.

Ad Conf. D. M. Deus potest quid iuste punire, quamdiu id ipsi iuste displicet; si illud necdum adæquate punivit C. Si illud jam secundum reatum poenæ adæquate punivit N. Iustitia formaliter consistit in adæquatione iuris & debiti; cum itaque damnatus pro debito poenæ temporalis adæquate fuerit satisfactus, sicque illud adæquando extinxerit, Deus remanentem reatum culpæ iuste punire nequit.

Inst. 2. Reus iuste a Deo potest puniri, quamdiu habet complacentiam in peccato; hanc habet damnatus in veniali quoad culpam non remisso; ergo.

D. M. Quamdiu habet complacentiam liberam, & quæ sit novum formale peccatum C. quamdiu habet complacentiam necessariam, & quæ peccatum formale non sit N. Argumentum, si valet, nimium probat, nempe peccata in damnatis & consequenter poenas sine fine augeri.

62. *Obj. II.* Ideo peccatum mortale per se punitur poena æterna, quia damnatus per hoc peccatum sponte se coniecit in tal. statum, ubi principium vitæ ipsi deest, satisfactio sit impossibilis, & culpa irreparabilis: ergo veniale saltem per accidens punetur poena æterna; quia per accidens, scilicet per mortale conjunctum, constitutum est in statu omnino simili. *Conf.* Poena correspondet culpæ & malitiæ ut duranti; sed culpa venialis semper hic durat; ergo.

R. D. A. Ideo præcise aut tantum punitur per se culpa æterna mortale N. tum propter hoc, tum propter alias rationes a priori æque ac maxime a posteriori C. Inter alias rationes etiam attulimus illam ex D. THOMA, quantumvis hic nobis contrario; tum ut ex nostris non solum, sed & ex alienis principiis veritatem Theseos confirmatam ostenderemus: tum quia declarandum ibi erat, quid peccatum mortale per se efficeret ac induceret, quandoquidem de ipso peccati merito sermo fuerat. Cum autem in præsentī non sit quæstio de natura & merito ipso venialis, sed de accidentali tantum statu, sequelas a D. THOMA ex illo principio deductas admittendi nulla necessitas urget; præ-

ferim eum aliis principiis communibus illæ repugnare videantur.

Ad Conf. D. M. Pœna respondet culpæ & malitiæ ut duranti in reatu ad sustinendam pœnam C. ut duranti in reatu ad sustinendam displicentiam *subd.* si libere duret, aut pœna non sit per passionem æquata C. si aut non libere duret, aut æquata sit pœna N.

Inst. Ex nostra thesi sequeretur 1. Relinqui in hoc universo aliquid inordinatum, scilicet culpam sine pœna. 2. Dari remissionem pœnæ sine meritis Christi. 3. In inferno locum habere redemptionem, & pœnas decrescere ac mitigari. 4. Pro remissione pœnarum damnati posse offerri preces & applicari indulgentias.

R. N. Hæc vel sequi, vel a fidelium sensu aliena esse. Ad 1. R. D. relinqui culpam sine pœna soluta & solvenda N. sine pœna non amplius quidem pendenda, cum jam ex æquo data fuerit C. Imo vero ordinatissimum est a Deo nullum peccatum puniri ultra condignum. Ad 2. D. Dari sine meritis Christi remissionem per satisfactionem, & reparativam offensæ N. remissionem per satisfactionem, & præcise per passivam adæquatam vindictivæ iustitiæ, eamque nullatenus salutarem nec ritoriam solutionem C. Hinc meritis Christi nihil decedere constat, quæ ad satisfactionem, reparationem honoris læsi, ac salutarem satisfactionem ordinata fuerunt.

Ad 3. N. 1m. Part. Juxta quosdam proprie redimi pœnam est loco pœnæ debitæ offerre pretium aliud æquivalens, vi cujus iudex ad permutandam vel omittendam vindictam movetur: improprie redimi est condonari vel minui pœnam ex iudicis clementia. Neutrum accidit in inferno, ubi pœna non redimitur, sed expiatur & solvitur. *2dam Part. C.* Hoc enim non repugnat persuasioni fidelium, qui sentiunt peccatum quidem mortale, non autem veniale pœna æterna puniri. *Ad 4. N. seq. ex Inst. I. n. 54.*

QUÆRES. I. Quomodo remittatur reatus culpa decedentibus cum solo peccato veniali?

63. Nota. S. Thomas in 4. Dist. 21. a. 3. contra Alensem aliosque probat sæpe contingere, ut venialia peccata non

non remittantur ante mortem. Ex illo autem Apoc. 21. v. 27. *Non intrabit in eam aliquid coinquinatum*, statuunt omnes, etiam reatum culpæ venialis sublatum esse oportere ante, quam justus homo in gloriam cœlestem ingrediat. Præterea statuunt communiter Theologi, culpam in hac providentia nunquam mere condonari. Denique ratio manifesta probat, pro reatu culpæ in hac vita non remissa animas in purgatorio non posse condigne satisfacere; cum culpa etiam venialis sit malum morale & altioris ordinis, quam poena, quæ malum tantum physicum est, & nulla ratione adæquare illum ordinem valet.

His suppositis ad solvendam quæstionem Auctores duplicem sententiarum classem afferunt. *Ima* est, quæ statuit culpam remitti a Deo sub ipsam animæ egressum: *2da*, quæ vult remitti eam in ipso purgatorio & egressu ex eodem. In hac materia, quæ ex certis fundamentis decidi nequit, sufficiet nobis diversas exponendi rationes ab auctoribus inventas attulisse.

64. R. 1. Secundum *primam classem* remittitur culpa in ipso instanti mortis seu in primo non esse vitæ, vel vi gratiæ finalis: vel vi meritum præcedentium & resultantis inde juris, quod justus habet ad introitum in gloriam & remotionem omnium impedimentorum ad eam: vel vi actus contritionis intensissimi, quem iu egressu e corpore animæ elicere dicitur.

65. R. 2. Secundum *alteram classem* remittitur culpa vi actuum charitatis divinæ, patientiæ, ac resignationis in voluntatem divinam aliorumque actuum supernaturalium in purgatorio ab anima elicitorum; idque vel vi meriti; quia purgatorium pertinet quodammodo adhuc ad viam, nec est terminus: vel per viam satisfactionis; quia purgatorium ex ordinatione divina est locus non modo satisfaciendi, sed & pro residuis culpis venalibus satisfaciendi: vel per viam deprecationis & impetrationis; cum sicut animæ in purgantibus flammis detentæ, tanquam Deo grata, possunt precari & impetrare quidpiam pro aliis, sic & remissionem culpæ pro se impetrare queunt.

QUÆRES II. *In quonam consistat ratio Peccati Habitualis?*

66. R. 1. Peccatum habituale nihil est aliud, quam ipsam actuale physice præteritum, sed moraliter perseverans

rans in reatu culpæ, seu per ordinem ad debitum sustinendi odium, vel displicentiam divinam. *Prob.* Sicut ab actu malo existente denominatur homo actu peccator; ita habitu & reatu peccator aptissime dicitur ab actu physice quidem præterito, sed moraliter, h. e. habitu & reatu perseverante. *Conf.* 1. ex S. AUG. L. I. de Nupt. & Concup. c. 26. vide num. 29. *Conf.* 2. Peccatum perseverans ad debitum sustinendi odium, si fuerit mortale; aut displicentiam, si fuerit veniale, est radix aliorum effectuum, ut sunt privatio gratiæ sanctificantis, reatus poenæ . . . imo præscindendo a reliquis, & hoc uno intellectu satis cognoscitur perseverantia moralis peccati.

Si ais. Peccatum habituale dicitur mors animæ; ergo consistit in privatione, id quod diserte docet D. Thomas. *Item* Peccatum dividitur in Actuale & in Habituale; ergo non possunt esse idem. *R. D. A.* Dicitur mors animæ demeritorie & causaliter C. formaliter & in se N. id ipsum D. Thomas alibi diserte asserit, quod privatio gratiæ sit poena peccati, non ipsum peccatum. Præterea *Divisio* Peccati in Actuale & Habituale non est Divisio generis in species, sed subjecti in accidentia; non per membra stricte ac physice dividenda, sed per diversos tantum status.

67. *R. 2.* Perseverantia moralis peccati habitualis explicatur proxime & formaliter per negationem satisfactionis vel condonationis. *Prob.* Peccatum habituale perseverans est peccatum non remissum; ergo sicut offensa Principis dicitur moraliter perseverare ex eo, quod physice præterierit, & vel ab offendente non fuerit expuncta per compensationem, vel a Principe non condonata; ita offensa Dei.

Si ais 1. Sequeretur, tum quod Deus esset causa peccati habitualis, quia negatio condonationis fundat perseverantiam peccati: tum quod Deus odio haberet suam negationem condonationis, quia averfatur etiam peccatum habituale ut perseverans. *R. N. seq.* Nam imo Deus non condonando non intendit directe perseverantiam peccati, nec proprie conservat, nec positive in illud influit; sed utitur jure suo, quo cedere non tenetur; & nihilominus ad promerendam condonationem disponit & excitat. Homo autem causa dici debet, tum quia posuit actuale peccatum; tum quia contra debitum & obligationem non satisfecit. *2do.* Deus averfatur peccatum ut perseverans, ita ut

perseverantia sit duntaxat conditio, sine qua non amplius odisset peccatum; non item ratio motiva & provocans indignationem Dei.

Si ais 2. Perseverantia moralis peccati habitualis proxime & formaliter explicatur per obligationem satisfactionis & jus averfandi: tum quia sublato jure & obligatione tollitur peccatum habituale: tum quia obligatio & jus sunt priora, & præsupponuntur ad utramque negationem.

R. N. A. Quia obligatio hæc, & jus illud perseverans præsupponunt tanquam titulum peccatum habituale, & sunt ejus effectus: sicut eadem obligatio & jus primum præsupponunt peccatum actuale, cujus sunt effectus. Tollitur quidem peccatum habituale sublato jure & obligatione, sed qua negantibus præcessisse satisfactionem vel condonationem. Demum obligatio prima & jus primum sunt priora, non vero obligatio & jus perseverans: sic enim ex peccato habituali & ex negatione oriuntur.

DISPUTATIO III.

De Peccato Originali.

C A P U T I.

De Existentia Peccati Originalis.

Peccati originalis nomine intelligimus ex annotatis n. 3. illud, quod a primo homine in omnes ejus posteror naturali generationis via ab eo descendentes transfusum hos ipso originis momento inquinat, reddit Deo inimicos, indignos cælo, & variis vitæ calamitatibus ipsique morti obnoxios. Controversiam de illo CELESTIUS, Pelagii socius, aut inter discipulos antesignanus ad quaestiones præter fidem referre quidem conatus est; sed S. AUGUSTINUS tum Epist. 89., tum L. de pecc. orig. C. 24 & L. I. cont. Julian. C. 2. ostendit, eam *ad ipsa fidei fundamenta pertinere*, unamque esse ex iis, quibus *proprie fides Christiana consistit*. Quare & nos hanc materiam accur-

curate tractandam censemus, atque eum in finem & errorum & veritatis demonstrationem ac vindicias dare agredimur.

ARTICULUS I.

Quinam circa originalis peccati existentiam fuerint errores?

68. **D**ico I. Triplex classis est eorum, qui circa peccati originalis existentiam errarunt.

1ma GENTILIUM, qui peccatum originale ignorarunt, & juxta quosdam Hebræorum nonnullorum, qui circumcisionem nihil, nisi notam characteristicam populi Judaici ab infidelibus existimabant. Sed ignorantia hæc potius, quam error forte dicenda est; eoquod originale malum ex revelatione duntaxat innotescat.

2da HÆRETICORUM, ex quorum erroneis alias opinionibus peccati originalis existentia destruitur. Ejusmodi erant **MANICHÆI**, alique bina rerum principia diversa, & animam in homine, alteram bonam, alteram malam, fingentes, atque hinc teste S. Aug. L. 20. cont. Faust. C. 46. baptismum tanquam prorsus inutilem rejicientes; quorum dogmata sicut secuti sunt Albigeneses, sic baptismum etiam parvulis ad salutem prodesse negarunt. Huc aliqua ratione reduci etiam potest **ORIGENES**, qui quamvis nullibi peccatum originale negaverit, & baptismi etiam necessitatem ad parvulorum peccata delenda hom. 8. & 12. in Levit. (si tamen hæc commentaria illum auctorem habeant) asseruerit; tamen cum animas ante peccasse docuerit, quam corporibus conjungerentur, non originale, sed habituale peccatum, in superiori vita commissum in baptismo tolli automasse a quibusdam censetur.

3tia est PELAGIANORUM, quorum capitale dogma & veluti cæterorum errorum omnium basis erat negatio peccati originalis. Hoc autem sequentibus articulis, ut ex Mario Mercatore coævo in Commonitorio, Conciliis Carthaginensi & Diospolitano, & S. Augustino in L. de pecc. Orig. aliisque discimus, constabat. *I. Adamum mortalem factum, qui sive peccaret, sive non peccaret, fuisset mori-*

moriturus. 2. Quoniam peccatum Adæ ipsum solum læsit, & non genus humanum. 3. Quoniam infantes, qui nascuntur, in eo statu sunt, in quo Adam fuit ante prævaricationem. 4. Quoniam neque per mortem Adæ omne genus hominum moritur, quia neque per resurrectionem Christi omne genus hominum resurgit. 5. Quoniam infantes, etiam si non baptizentur, habent vitam æternam. Atque de hac una classe hic & impofterum a nobis agetur.

69. Dico II. Erroris hujus Auctores & Sectatores nonnihil varientur.

Variatio ima evenit inter ipsos auctores, CELESTIUM nempe & PELAGIUM, de qua audiendus S. Aug. l. cit. c. 12. Quid inter istum & Celestium in hac quæstione distabit, nisi quod ille apertior, iste occultior fuit; ille pertinacior, iste mendacior; vel certe ille liberior, hic astutior? Ille enim nec in Ecclesia Carthaginensi damnare voluit, quod in Romana postea se tenere confessus est, & corrigi paratum se esse professus est, si ei tanquam homini error obrepserit. Iste autem & illud dogma (in Synodo Diospolitana seu Palæstina) damnavit tanquam contrarium veritati, ne ipse a Catholicis iudicibus damneretur; & id sibi defendendum postea reservavit, aut mendaciter damnavit, aut callide interpretans.

2da Fuit in defensione dogmatis. Nam I. PELAGIUS æque ac CELESTIUS satagebant quæstionem hanc inter illas referre, quæ præter fidei periculum in utramque partem disceptari possint, ut S. AUG. l. cit. c. 23. annotavit. 2. Ita damnabant publice suos errores, ut tamen apud discipulos sensum & explicationem hæreticam retinerent. Illud enim, quod dixerant, non tantum primo homini sed etiam humano generi peccatum primum obfuisse, intelligebant factum exemplo, non propagine: quatenus nempe Adamum peccantem omnes imitati sint.

Alterum, quo fatebantur infantes non esse in eodem statu, in quo Adam ante prævaricationem fuerat, interpretabantur hoc sensu duntaxat dictum, quod infantes præceptum capere nondum possint, Adam autem potuerit. Denique ubi Baptismum necessarium parvulis asseruerant, necessitatem eam exponebant ad hoc, ut infantes sanctificarentur in Christo, & hæredes regni celestis fierent, non autem, ut peccata illis remitterentur. Quin & parvulos

in remissionem peccatorum baptizari, sed hoc sensu admitterebant, quod eodem baptismo initiarentur, quo iis, qui lapsi sunt, peccata remittuntur: sive qui ex se & natura sua idoneus est ad peccata delenda; ut iterum constat ex S. Aug. l. c. c. 4. & 15. & aliis in libris ac ep. 106. passim. 3. Conabantur imponere Rom. Pontificibus INNOCENTIO & ZOSIMO oblatis fidei professionibus fraudulentis partim errores suos subdole tegentibus, partim obedientiam definitioni Pontificiæ simulato spondentibus, atque hac ratione veniam suo dogmati ac indulgentiam sibi a damnatione aucupantibus; ut ex iisdem fontibus habetur.

3^{ta} Accidit in ipsa doctrina. 1. Aliqui enim PELAGIANI, ut refert S. Aug. l. 1. de pec. merit. 35., propria quadam peccata in parvulis recens natis esse dicebant, quæ per baptismum illis remitterentur. 2. Plures argumentis Catholicorum, ut apparet, convicti docere ceperunt Adamum post peccatum mortalem esse factum, atque ex eo per generationem ab ejus filiis mortem quidem corporis trahi, non tamen animæ, hoc est, peccatum; ut idem Doctor l. 4. cont. 2. ep. Pelag. c. 2. & 4. notavit. Cum his sub prima sui erroris initia sensisse JULIANUM, auctor est Marius Mercator in suo *Commonitorio*, quamvis postea omnem Pelagii hæresin contra S. AUG. defendendam suscepit.

Dimidiatum hunc de originali Pelagianismum renovarunt etiam postremis sæculis ZWINGLIUS, Jacobus Faber, & Erasmus. 3. Reliqui omnes, quos n. 162. notavimus, errores retinuerunt, novosque diu post Sectatores acceperunt in Anabaptistis & Socinianis.

ARTICULUS II.

An existat peccatum originale?

70. **D**ico. Existentia peccati originalis est *Dogma fidei*. Ita Trid. Sess. 5. statuit, fatetur & declarat: Scriptura Sacra demonstrat: Traditio Ecclesiæ evincit: & congruæ rationes persuadent. Argumenta hæc validissima jam olim in Pelagianos strinxerunt SS. Patres, qui controversiam hanc data opera disputarunt. Inter eos primus ac præcipuus est S. AUGUSTINUS, qui hanc materiam copiosissime pertractavit libro uno de peccato originali: duobus de nuptiis & concupiscentia: tribus de peccatorum meri-

meritis & remissione: quatuor contra duas epistolas Pelagianorum: sex adversus Julianum; denique in aliis suis libris & epistolis frequentissime. Post hunc idem argumentum studio singulari versarunt S. Prosper ad Capitula Genuensium resp. 3., S. FULGENTIUS L. de Gratia Christi, Hugo de S. Victore L. I. de Sacramentis, Anselmus, L. de Conceptu Virginali & peccato originali &c.

§. I.

Quibus argumentis ex Scriptura probetur & vindicetur existentia peccati originalis?

1. *Argumentum I.* Sumitur ex V. T. Et quidem imo ex Jobi c. 14. v. 4., quem versio 70. Interpret. sic recitat: *Nemo mundus a sorde, nec infans, cujus est unius diei vita super terram.* Secundum vulgatam autem sic Deum alloquitur: *Quis potest facere mundum de immundo conceptum semine? nonne tu, qui solus es?* Sic autem argumentor: Sordes & immunditia, de qua loquitur Job, homini inest ab ipsa ejus conceptione, ut patet ex verbis, atque hinc omnibus inhæret & in omnes propagatur. Sed hæc immunditia non est corporea, sed spiritalis, seu peccatum; tum quia per immunditiam sapiens intelligitur peccatum, ut liquet ex Isa. 64. v. 6. *Facti sumus ut immundi omnes, & tanquam pannus menstruata omnes justitia nostra:* tum quia hanc immunditiam Deus solus tollere potest, ut asserit nostra vulgata: tum quia in cap. sequente v. 14. ex opposito immaculatus & justus idem sonant: *Quid est homo, ut immaculatus sit, & ut justus appareat natus de muliere?* Ergo.

Ex quo etiam occluditur effugium Socino, qui hic sermonem esse vult de immunditia comparative ad Deum, in cujus conspectu etiam cali ibid. c. 15. v. 15. *non sunt mundi.* Hæc enim immunditia pro imperfectione sumpta a Deo etiam tolli nequit; nec proinde fundat comparisonem ad mundum & mundandum, quam tamen insinuat vulgata: nec maculam a sordibus exprimit, quam 70. Interpret. versio supponit.

2do. Ex Psal. 50. v. 7. *Ecce enim in iniquitatibus conceptus sum: & in peccatis concepit me mater mea.* Hic quamvis de peccatis in plurali vulgata & 70. Interpret. enun-

enuntient, tamen peccatum originale intelligi potest; tum quia juxta S. AUG. in Enchir. cap. 44. & 45. in sacris æque ac profanis scripturionibus usitata est figura intellectio- nis, qua numerus pluralis pro singulari, & vicissim usurpatur: tum quia Adami peccatum, quod a posteris contrahitur, plures iniquitates, superbiam scilicet, infidelitatem, inobedientiam complectitur; quibus accedit, quod S. HIERONYMUS aliique fere omnes vim vocis Hebraicæ secuti reddant illum versum cum singulari: *in iniquitate, in peccato*. Unde sic: Iniquitas & peccatum, in quo conceptum se David profitetur, erat verum & propriè dictum peccatum; cum & ipsa vox hebraica & eadem adulterio Davidis in hoc Psalmo attributa id significet.

Atqui illud non potuit aliud esse quam peccatum originale; non enim erat peccatum *personale* Davidis, cujus vel tanquam infans ratione carens in utero materno erat incapax, vel in quo certe ipse non fuerat conceptus: nec erat peccatum *Parentum* Davidis; siquidem is ex legitimo sanctoque conjugio natus fuit: gignendi autem actio & honesta & iusta est, atque ad fidelium parentum laudem spectat: ac David præterea in hoc loco non suscepit aliorum malitiam incusare, sed proponere Deo suam miseriam ejusque miseri ordiam allicere. Consequens itaque est, ut peccatum hoc vitio *primorum parentum* adscribatur, & Deus, qui hominem rectum fecit, & conjugii a Deo instituti officium, & liberorum procreatio extra Manichæorum calumnias collocentur. Hoc autem evictio, David non uni sibi proprium, sed omnibus hominibus commune peccatum expressit; cum scire non potuisset se in peccato esse conceptum, nisi omnes Adæ posteros nasci peccato obnoxios novisset. Vide de his Bellarm. L. 4. de Amiff. grat. c. 4.

72. *Argumentum II.* Sumitur ex N. T. Et quidem imo ex Epist. ad Rom. c. 5. v. 12. *Propterea sicut per unum hominem peccatum in hunc mundum intravit, Et per peccatum mors, Et ita in omnes homines mors pertransiit, in quo omnes peccarunt* &c. Et v. 19. *Per inobedientiam unius hominis peccatores constituti sunt multi*. Inde enim sic arguo: Peccatum, quod in mundum intravit per unum hominem, in quo omnes peccarunt, est verum & propriè dictum peccatum. Quamvis enim peccatum in scripturis nonnunquam sumatur metonymice pro

pro peccati poena, in iis tamen *peccare* nusquam acceptum legimus pro *puniri*; in uno autem homine omnes peccavisse dicuntur: præterea sub peccati nomine hic nequit intelligi *mors* tanquam poena; quia alias sensus foret: mors in hunc mundum intravit, & per mortem mors: nec potest intelligi effectus alius, *prænitentia* scilicet *ad peccandum*; eo quod non huic, sed peccato proprie dicto decreta sit mors juxta illud Eze h. 18. *Anima, quæ peccaverit, ipsa morietur*: & ad Rom 6. *Stipendium peccati mors*. Atqui peccatum hoc est ipsum originale peccatum.

Nam 1. non est *peccatum actuale Adami*, quatenus tantum in ipso & personale erat; tum quia non intravit sive peccatum sive mors in mundum ratione solius Adami, sed per Adamum intravit peccatum in omnes homines, quia in Adamo omnes peccarunt, & ita etiam per eum in omnes mors pertransiit: tum quia per unum hominem intelligenda esset potius Eva quam Adamus; nec inter hunc & Christum toto hoc capite comparatio institui potuisset, si textus recitatus nihil ediceret, nisi coepisse peccatum esse in mundo, dum Adam peccavit.

2. Non est *actuale peccatum*, quod *ad exemplum Adami* fuerit commissum ab omnibus, & sic imitatione, non autem propagatione in mundum introiverit. Imprimis enim id *antithesis* inter Adamum & Christum hic instituta non patitur: Deinde quod hominum plurimi non cognoverunt, ut *infideles*, aut cognoscere non potuerunt, ut *infantes*, aut si quidem cognoverunt, tamen damnarunt, ut multi *fideles*, id certe imitati fuisse dici nequeunt; hæc autem omnia respectu peccati Adæ certa sunt: Denique si exemplo introivisset peccatum in mundum, & imitatione homines duntaxat peccassent, mortui essent omnes ob suum & non alterius delictum, nec in alio peccassent, nec per alterius inobedientiam essent constituti peccatores: Præterea Apostolus de imitationis peccato locuturus debuerat potius afferre peccatum *Diaboli* aut *Eve*, per quos prius, quam per Adamum peccatum intraverat. Plura vide in Bellarm. cap. 3. l. c., ubi & vulgata cum Græco concordiam contra Erasmus vindicat.

2do Ex 2. ad Corin. 5. v. 14. *Si unus pro omnibus mortuus est, ergo omnes mortui sunt: Et pro omnibus mortuus est Christus: ut Et qui vivunt, jam non sibi vivant, sed ei, qui pro ipsis mortuus est Et resurrexit;*
quod

quod ratiocinium, ut ostendit Aug. l. 6. cont. Julian. c. 4. legitimum non foret, si non homines universi, ac ipsi etiam infantes mortui forent morte peccati. Item ex Epist. ad Ephesios 2. v. 3. *Eramus natura filii iræ, sicut & ceteri.* Cujus sensus est: a primo naturæ nostræ exordio, seu ex nativitate, & sic non consuetudine aut imitatione eramus obnoxii iræ ac vindictæ divinæ; huic autem nemo obnoxius est, nisi ob peccatum: unde consequitur nasci omnes cum peccato.

Nempe id probant verba & ordo textus græci, in quo vox *τῆς* non tam filium, quam *partum & nativitatem* significat: & secundum constructionem *filii naturæ iræ* legitur; quasi filios naturales, & quod naturam spectat, iræ diceret, ut hos opposeret filiis adoptione: probat etiam scopus & finis APOSTOLI, qui ut Judæorum jactantiam gentilibus se præferentium retunderet, illos æque ac hos ex nativitatis origine aliquando iræ divinæ obnoxios fuisse declarat, & hinc radicem & causam mali, de quo ante dixerat, scilicet depravatæ vitæ aperit. Unde quamvis vox græca ambigua sit, & Julianus hunc locum sic reddiderit: *Eramus prorsus filii iræ*, hancque in interpretationem S. HIER. non rejiciat; tamen S. AUG. l. 6. cont. Julian. c. 10. recte vulgatam, quam Hieronymus etiam secutus est, præhabendam censuit, præsertim quod eam summus Latinorum omnium Codicum consensus firmaret.

Objectiones.

73. *Objic. I.* Unicus locus, unde peccati originalis existentia asseritur, est Cap. 5. *ad Romanos*; sed hoc de peccato originali non loquitur; ergo. *Proh. min.* Peccatum originale est, quod habetur per generationem; sed de hoc non loquitur hic Apostolus; quia generatio fit per duos, dicitur autem v. 12. *Peccatum per unum hominem intravit in mundum*; Ergo.

R. Præcipuum hunc locum esse concedimus, unicum esse negamus, ut ex PP. testimonio & ratiociniis supra allatis patet. Sed T. M. N. m. Quamvis enim *Pelagius, Julianus, Erasmus, Grotius & Joan. Clericus* inde demonstrationem peti posse negarint; hoc tamen velut decretorio invictæ usi sunt Patres Africani in Concilio Natio-

CAP. I. EXISTENTIA PECCATI ORIGIN. 95

Nationali, Pontifices Innocentius, Zosimus, Celestinus, Leo & Gelasius, patres item Arausiaci, ac demum PP. Conc. Trid.

Ad. probb. N. m. Scriptura non dissimulavit hominem alterum, nempe *Evam*, ex cujus cum Adamo conjunctione, peccatum generatione propagetur, ubi Eccli. 25. v. 33. *a muliere, inquit, initium factum est peccati, & per illam omnes morimur.* Verum, ut S. Aug. L. 2. oper. imperf. notat, Apostolus & recte dixit, per unum hominem peccatum in mundum; quia vir & mulier matrimonio juncti Math. 19. v. 6. *non sunt duo, sed una caro:* & recte unum Adamum indicavit, tum quia hujus tanquam viri, actio generationis initium est; tum quia ejus utpote capitis, & non *Eva* peccatum in posteros traducitur.

Inst. 1. Peccatum, de quo sermo est v. 12., debet esse idem, de quo dicitur v. 13. *usque ad legem peccatum erat in mundo: peccatum autem non imputabatur, cum lex non esset.* Atqui hoc postremum est peccatum actuale; quia hoc ante legem Moylis necdum imputabatur: non autem originale, utpote quod ante & post legem juxta nos est imputatum. Ergo.

R. Cum S. Aug. L. 6. cont. Jul. C. 4. *N. m.* Non solum actuale, sed & originale ante legem Moyli non imputabatur, hoc est, ab hominibus vix ac ne vix quidem aestimabatur, *quia non cognoscebatur, cum per legem orta sit cognitio peccati, originalis æque ac actualis.* A Deo tamen imputatum fuisse peccatum patet ex pœna, quæ erat mors toti humano generi communis respectu originalis, & respectu actualis peccati aliæ vindictæ, quas Deus etiam ante Moysen jam a peccatoribus sumebat. Alii respondent intelligi quidem hic peccatum actuale, quin tamen similis significatio sit in versu priore; quia Apostolus originale peccatum in *versu 12.* assertum deinceps probare assumpsit per duos effectus, quorum unus est peccatum actuale, de quo *versus 13.*; 2dus mors, de qua *versus 14.*

Inst. 2. Originale peccatum est id, per quod non tantum mors, sed etiam peccatum homines inficit; sed tale non est peccatum Adami, cum ex Adamo mortem tantum & non peccatum trahamus juxta v. 14. *Regnavit mors ab Adam usque ad Moysen, etiam in eos, qui non peccaverunt in similitudinem pravaricationis Adæ.* Ergo.

R.

R. N. m. & rationem. Textum explicant S. Chryl. Aug. & Theodoret. D. Qui non peccaverunt in similitudinem prævaricationis Adæ, hoc est, non peccato personali, nec physice propria voluntate C. nequidem voluntate aliena Adam, & sic simpliciter non peccaverunt N. Cum per peccatum intraverit mors in mundum, & mors regnaverit etiam in infantes ante legem scriptam, hujus tanquam justæ poenæ peccatum tanquam causa meritoria illis inesse debuit; non autem *actuale* & *personale* fuit, cujus infantes incapaces sunt: ergo originale, quod ab Adamo in sui conceptione contraxerunt.

Inst. 3. Originale juxta nos debet afficere omnes; sed peccatum, de quo Apostolus loquitur, pertinet tantum ad multos & respective ad pauciores, nam v. 19. ait: *sicut per inobedientiam unius peccatores constituti sunt multi, ita & per unius obedientiam justi constituuntur multi.* Et v. 15. *Sed non sicut delictum, ita & donum: Si enim unius delicto multi mortui sunt, multo magis gratia Dei in plures abundavit.* Ergo.

R. N. m. Eadem hic significatio est terminorum *multi* & *omnes*, ut ait S. Aug. L. 6. cont. Jul. C. 24. *Cum dictum est per unum in omnes transisse peccatum; & postea, per unius inobedientiam peccatores constitutos multos, ipsi sunt multi, qui & omnes; & hoc quidem, ut recte notat, juxta morem alibi etiam in scripturis usurpatum, cum etiam Genes. 22. Abraham dicatur: in semine tuo benedicentur omnes gentes; cui C. 17. dictum erat: patrem multarum gentium constitutus te.* Nec plus quidpiam ex altero textu exculpitur, nam id in plures græce legitur in multos: vox autem multo magis non ad excessum justorum ultra peccatores, sed ad superabundantiam donorum præ malis peccato illatis significandam spectat; cum per Christi gratiam non originale tantum, sed & actualia peccata expientur, ut ex v. 16. constat: *judicium quidem ex uno in condemnationem: gratia autem ex multis delictis in justificationem.*

Inst. 4. Ex proxime cit. versibus constat saltem, quod non plures per Adæ peccatum constituti sint peccato-

catores, quam justificati sint per obedientiam Christi: sed per hanc non sunt justificati omnes; ergo.

R. N. M. Hunc enim sensum non habent versus proxime laudati, nec ille 1. ad Cor. 15. v. 22. *sicut in Adam omnes moriuntur, ita in Christo omnes vivificabuntur*; sed istum: sicut, quotquot ex Adamo generantur, ii reatum peccati & mortis contrahunt; ita quotquot in Christo regenerantur, ii iustitiam & vitam supernaturalem suscipiunt: & e converso, sicut, qui ex Adamo via ordinaria non nascitur, ut Christus, in Adamo non moritur; ita qui in Christo non renascitur, spiritualiter non vivificabitur.

74. *Objic. II. Ezech. 18. habetur: Anima, quæ peccaverit, ipsa morietur: filius non portabit iniquitatem patris.* Contrariam fieret in hypothesi peccati originalis.

R. D. Filius non portabit iniquitatem patris, si iniquitatis non sit particeps C. si sit N. Filii paternæ iniquitatis participes esse possunt, vel *imitatione*; ad quos pertinet illud Exod. 20. *Ego sum Dominus Zelotes, visitans iniquitatem patrum in filios in tertiam & quartam generationem*; vel *nativitate*, de quibus Apostolus loquitur. Porro qua ratione nos omnes participes simus peccati Adam, explicat S. Aug. L. 3. de pecc. mer. C. 7. *Nec sic dicuntur ista aliena peccata, tanquam omnino ad parvulos non pertineant: siquidem in Adam omnes tunc peccaverunt, quando in ejus natura illa insita vi, qua eos gignere poterat, adhuc omnes ille unus fuerunt.* Et L. 6. cont. Julian. C. 9. *Alienæ sunt proprietate actionis, & nostra sunt contagione propaginis.* Ubi præterea C. 25. advertit, citata Ezechielis verba & dicta Jeremiæ C. 31. esse prophetica, ac prænuntiare *fædus novum*, in quo regenerati, & qui ad Adamum novum, Christum, pertinerent, suam duntaxat iniquitatem erant portaturi: juxta *pactum vetus* autem cum Adamo initum filios iniquitatem patris primi portaturos.

Inst. I. Paulus ad Rom. 4. scribit: Ubi non est lex, nec pravaricatio; sed infantibus non ponitur aut data fuit lex; ergo.

R. D. m. Infantibus non ponitur, nec data est lex in conceptione eorum, nativitate & infantia **C.** in primo eorum parente, in quo continebantur *subd.* non data illis est lex, quam voluntate phylice propria violarent **C.** quam voluntate phylica primi parentis, & moraliter sua propria violarent **N.** Sicut omnes in Adamo peccarunt, sic in eodem posita erat illa lex: *De ligno scientiæ boni & mali ne comedas: in quocunque enim die comederis ex eo, morte morieris.*

Inst. 2. Scriptura passim dicit, quod Deus reddat unicuique secundum opera ejus: & 2. ad Cor. 5. habetur: *Omnes nos manifestari oportet ante tribunal Christi, ut referat unusquisque propria corporis sui, prout gessit, sive bonum, sive malum.* Parvuli autem nihil operis mali, nec in corpore suo gesserunt; ergo.

R. Cum **S. Aug. L. 6. cont. Jul. C. 10.** Scripturæ textus ejusmodi pertinere ad adultos; ideo enim *propria corporis sui dixit, quod ad unumquemque in se ipso jam viventem pertineat.* Quod ipsum ex verbis Apostoli præcedentibus liquet, ubi ait: *ideo contendimus sive absentes sive præsentis placere illi.* Omnes enim nos oportet manifestari. &c. Si vero etiam de infantibus verba accipiantur, ea non sunt exclusiva, cum non dicatur: ut referat unusquisque tantum propria corporis; sicut igitur ad parvulos pertinet Christi meritum, & ob id consequuntur regnum cœleste ex sententia Apostoli in objectione laudata: sic ad eos etiam peccatum Adæ pertinet, ac propter illud a regno Dei excluduntur.

§. II.

Quibus argumentis probetur ex Traditione, & vindicetur existentia peccati originalis?

75. Argumentum I. sumitur ex **Ss. PATRIBUS**, qui ante Pelagium scripserunt; Ejusdem enim tempore aut post illum unanimis & aperta fuit Doctorum sententia pro peccati originalis extantia. Et quidem

Sac. I. S. IGNATIUS in ep. ad Trallianos scribit: *Vos ergo imitatores estote dilectionis Christi, qua dilexit nos*

*nos dans semetipsum pro nobis, ut nos sanguine suo munda-
ret ab antiqua impietate.*

SAC. II. S. JUSTIN. in Dial. cum Tryphone hæc ha-
bet: *Ad amnem venisse Christum pro comperto habemus
... humani generis causa, quod per Adam in mortem
& fraudem & seductionem serpentis conciderat, ut inte-
rim propriam pro se maligne agentis cuiusque culpam ta-
ceam.* S. IREN. l. 3. cont. Hæres. c. 20. *Quemadmodum
per inobedientiam unius hominis peccatores facti sunt
multi & amiserunt vitam; ita oportuit & per obedi-
entiam unius justificari multos & percipere salutem.* Et
L. 5. c. 17. *Delevit chirographum, debita nostra, affi-
gens illud cruci; ut, quemadmodum per lignum facti ja-
mus debitores Deo, per lignum accipiamus debiti remis-
sionem.* Alia ex eodem etiam affert S. Aug. L. 1. cont.
Julian. cap. 3.

SAC. III. S. CYPRIAN. ep. 59. *Quanto magis pro-
hiberi non debet infans, qui recens natus nihil peccavit,
nisi quod secundum Adam carnaliter natus contagium
mortis antiquæ prima natiuitate contraxit . . . Idcirco
hæc fuit in Concilio (Carthaginensi III. sub Cypriano ann.
253.) nostra sententia: a baptismo neminem per nos de-
bere prohiberi; quod magis circa infantes ipsos & recens
natos observandum putamus.*

Huic adde Tertullian. L. de testim. Animæ c. 3. de
carne Christi c. 16. & 17. de resurrect. carnis c. 33. & 34.
& 5. cont. Marcion. c. 17. Ne quid de Origene laudari
solito hic addam. Ex SAC. IV. proferuntur a S. Augu-
stino L. 1. cont. Julian. c. 6. & l. 4. ad Bonif. c. 11. S.
Hilarius, S. Basilus, S. Greg. Naz., S. Chrysostomus,
S. Ambrosius, S. Hieronymus, item Reticius, Olym-
pius, Hilarius Sardus &c. quorum testimonia afferre
nimis longum foret.

76. *Argumentum II. Sumitur ex PONTIFICUM do-
ctrina ac decretis.* Hos inter primus refertur SIRICIUS
in ep. 1. ad Himer. c. 2. scribens: *Infantibus, qui nec-
dum loqui valent per ætatem, omni volumus celeritate suc-
curri, ne ad nostram perniciem animarum, si negato
fonte salutaris unusquisque exiens de sæculo, & regnum
perdat & vitam.*

INNOCENTIUS I. in rescriptis ad Synodi Patres de Pelagii & Celestii errore ita scribit: *Illud vero, quod eos vestra Fraternitas asserit predicare, parvulos aeterna vita premiis absque baptismatis gratia posse donari, perfactum est. . . . Qui hanc in eis sine regeneratione defendunt, videntur mihi ipsum baptismum velle cassare &c.*

ZOSIMUS in sua contra Pelagianos epistola scribens sic a S. Aug. ep. 157. ad Optatum refertur: *Ipsius, Christi, morte mortis ab Adam omnibus nobis introducta atque transmissa universae animae, illud propagatione contrarium chirographum rumpitur, in quo nullus omnino natorum, antequam per baptismum liberetur, non tenetur obnoxius.*

COELESTINUS I. inter capitula epistolae primae ad Gallos subjuncta sic loquitur cap. 4. *In pravavicatione Ada omnes homines naturalem possibilitatem Et innocentiam perdidisse.* Cap. 12. ex baptismo ejusque ceremoniis originalem labem etiam infantibus adherere ostendit.

Eadem decernunt LEO I. ep. 86. ad Nicetam Aquilejensem., GELASIUS I. ep. 7. ad Episcopos per Picenum, GREGORIUS M. l. 7. ep. 53. ad Secund.

77. *Argumentum III.* Sumitur a CONCILIIS, quorum viginti quatuor contra Pelagianam haeresin an. 404. vel 405. exortam intra novendecim annos, nempe ab anno circiter 412. usque ad an. 431. celebrata fuerunt. Ex his autem praesertim notandum imo est Conc. Carthag. an. 412., a quo Celestii errores detecti & reprobati fuerunt. 2do Conc. Diospoli in Palaestina an. 415. habitum, ubi Pelagius suos errores simulate rejecit. 3tio Hierosolymitanum an. 416., cujus meminit Marius Mercator in comunitorio cap. 3., ubi fraude detecta Pelagius e civitate sancta ejectus est. 4to Conc. Africanum Nationale, seu Carthaginense a 214. Episcopis an. 418. celebratum, ubi, quod tanquam Canon 2dus Concilii Milevitani olim referebatur, & in codice Canonum Ecclesiae Africanae capitulo 110. legitur, sic est constitutum: *Placuit, ut quicumque parvulos recentes ab uteris matrum baptizandos negat; aut dicit, in remissionem quidem peccatorum eos baptizari, sed nihil ex Adam trahere originalis peccati, quod regenerationis lavacro expiatur: unde fit consequens, ut in eis forma baptismatis in remissionem peccatorum,*

rum, non vere sed false intelligatur; anathema sit. 5to Generale Ephesinum, in quo Celestianorum, quo nomine veniebant Pelagiani, dogmata universim damnata sunt.

His accedunt alia postmodum in Italia, Hispania, Gallia & Germania celebrata; ex quibus memorandum præcipue est *Arausicanum II.* ann. 529. collectum, utpote ejus decreta Can. 2. & 4. a Concilio *Tridentino* Sess. 5. de peccato originali renovata fuerunt. Item *Florentinum*, quod in Decreto unionis docet, *illorum animas, qui in actuali mortali peccato, vel solo originali decedunt, mox in infernum descendere, pœnis tamen dispartibus puniendos.*

Objectiones.

78. *Objic.* Plures PATRES ante & post Pelagii tempora peccatum originale negarunt. R. *N. Aff.* Cujus falsitas ex libris S. Augustini contra Julianum patet, ubi Pelagianis auctoritatem Patrum eripit, horumque scripta ab illorum errore vindicat. Addiderunt quidem Zwinglius, Servetus, alique Recentiores hæretici nonnulla aliorum testimonia, sed quæ soluta etiam Bellarminus, Natalis Alexander, alique Theologi dederunt. Præcipua ex utrisque dabimus absque ampliore tamen textuum recitatione, quos apud laudatos auctores alibique reperire est. Secundum solutionis diversitatem autem, quam patiuntur, triplicem classem constituunt.

79. *In ima.* S. JUSTINUS q. 88. dicit illud Jobi, *nemo mundus a sorde:* non pertinere ad infantes. S. AMBROS. in Comment. ad cap. 5. epist. ad Rom. negat nos peccato Adami pati mortem secundam, quæ in gehenna dicitur. Optatus Milevitan. cont. Parmenian. l. 7. dicit non pertinuisse ad Seth filium peccatum Adæ Patris admissum.

R. 1. Manifestum est lib. QQ. non esse JUSTINI, cum q. 115. citentur Origenes & Irenæus, uterque Justinus posterior: Bellarminus AMBROSII hujus commentarii auctorem negat: Natalis Alexander ostendit librum 7mum cont. Parmen. esse dubium Optati Milev. foetum. R. 2. Auctor imus per *sordem* intelligit peccatum personale: 2dus per *mortem secundam* poenam sensus in inferno,

ferno: 3^{tius} peccatum Adami, quatenus illi personale erat, non autem quatenus fuit naturæ in Adamo tanquam capite corruptæ, quemadmodum singula ex contextu liquent.

80. In 2^{da} ORIGENES L. 5. comment. in ep. ad Rom. 1. per mundum, in quem intravit peccatum, intelligit homines terrenos & carnales: 2. mortem per Adamum ingressam explicat de morte animæ actuali peccatum insequente: 3. Unius delicto multos, & non omnes vult constitutos esse peccatores: 4. Denique plures ait per Christum redemptos, quam per Adamum mortuos. ARNOBIUS autem in Psal. 50. ait eum, qui nascitur, sententiam quidem Adæ, non autem suum peccatum habere.

R. 1. Pro neutrius auctoritate multum laborare opus est. Præter dicta enim num. 68. audiendus hic est S. Hieron., qui Pelagianis ad ORIGENEM provocantibus in calce Dialogorum ita insultat: *Transite ad Amasum (Origenem) vestrum, qui præterita in cælis & antiqua delicta solvi dicit in baptismo; ut cujus in cæteris auctoritate ducimini, etiam in hac parte errorem sequamini.* Unde nec homilias in Leviticum, de quibus l. c., nec hom. 3. in Cantic. nec L. 4. cont. Celsum pro veritate nostra referre necesse duximus. ARNOBIUM autem, utpote alium ab Arnobio Lactantii Magistro, & Pelagianum hominem, quem etiam juxta Natalem censura Gelasii tetigit, multo minus curamus.

R. 2. Qui explicare tamen voluerit auctores illos, ex Huetii sententia dicet, ORIGENEM in 1^{mo} pro more suo locutum allegorice, non dogmatice: in 2^{do} præcise, non exclusive: in 3^{tio} peccatoris nomine ab eo intelligi, qui voluntate propria peccavit: in 4^{to} eatenus plures a Christo redemptos, quatenus ipse etiam Adam & Eva revocati sunt ad vitam. ARNOBII porro dictum in hunc quoque catholicum sensum interpretari poterit: qui nascitur, suum, hæc est, proprium peccatum non habet: habet tamen sententiam Adæ, ejus peccato constrictus est.

81. In 3^{ta} Opponitur I. TERTULLIANUS, qui L. de Baptismo c. 18. probat differendum esse baptismum parvulorum, ea inter alias ratione, quod *innocens ætas remissione peccatorum non egeat.* R. Vocat innocentem ætatem, quia personale peccatum non habet: existimat baptis-

baptismum eorum ad usum rationis differendum, ut simul actualem fidem suscipiant: ibidem tamen, & locis nr. 75. indicatis originale peccatum agnoscit. Ejus porro de differendo parvulorum baptismo opinionem Ecclesia Africana an. 253. in Concilio, cui præerat Cyprianus, improbavit. v. n. 75.

II. S. CLEMENS ALEX. L. 3. Stromatum I. textus Jobi & Psalmi, quos pro nostra sententia attulimus, in alium sensum detorquet: 2. Negat Davidem in peccatis conceptum, & peccatum esse: 3. Quærit, ubinam fornicatus sit infans, vel quomodo, qui nihil operatus est, sub Adæ execrationem ceciderit?

R. I. Pro CLEMENTIS in hac quæstione Orthodoxia facit tum ipsius eloquium Lib. I. Pædag. cap. 6., ubi dicit Baptismum esse lavacrum, quo peccata absterguntur: tum testimonium Athanasii Serm. in illa verba: *Omnia tradita mihi sunt a Patre*: qui traditionem de Peccato originali in Ecclesia Alexandrina semper viguisse asserit: tum silentium Pelagianorum, qui eum nusquam in suum patrocinium appellarunt.

R. 2. Pugnabat hic loci S. CLEMENS contra Basilidianos, qui tum animas ante corpus creatas fuisse, & in anteriore illa vita peccasse contendebant, ut ex L. 4. Strom. constat: tum liberorum procreationem esse execrationem effutiebant, ut ex ipso loci objecti contextu apparet, cui subjicitur: *Restat ergo eis, ut videtur, consequenter, ut dicant malam esse generationem.* Ex his autem patet, cur S. Doctor hæc scripserit. Nam *Imum* fecit, non ad negandum peccatum originale, sed ad declinandam vim adversariorum, qui his textibus ad suos errores stabiliendos abutebantur; quam methodum subinde a SS. Patribus adhibitam Tournely observat. In 2do negat Davidem esse conceptum in peccato, quod esset ipsa generatio & peccatum matris: non autem negat conceptum in originali peccato, seu primorum parentum, quia addit: *Quando dixit: in peccatis conceptus sum Etc. dixit prophetiae matrem Evam.*

Ad 3tium. Patet ex dictis, quæstionem ejus fuisse de peccato actuali commisso in vita anteriore; & sic controversiam de originali peccato nequidem hic attigisse.

III. S. CHRYSOSTOMUS multis in locis nobis contradicit. Nam 1. in hom. 10. in epist. ad Rom. negat homines per Adæ peccatum constitui peccatores, nisi quatenus mortales effecti sunt. 2. Hom. 17. in 1. ad Cor. dicit homines perire non propter Adamum, sed peccatum proprium. 3. Hom. 39. in eand. ep. ait non omnes in Adam esse mortuos morte peccati, sicut non omnes in Christo vivificantur, cum multi damnentur. 4. Hom. 24. in ep. ad Ephes. distinguit inter peccatum primi hominis, & id, quod perpetramus, dicendo: illud soli corpori, hoc animæ mortem asferre. 5. Hom. ad Neophytos infantes asserit, quamvis peccato inquinati non sint, baptizari, ut eis sanctitas, iustitia & adoptio addatur.

R. 1. S. Aug. Lib. 1. cont. Julian. cap. 6. CHRYSOSTOMUM vindicaturus sic Julianum alloquitur: *Itane est? verba S. Joannis Episcopi audes tanquam e contrario tot taliumque sententiis opponere? . . . absit, ut Cyprianus Joannes de baptismo parvulorum, eorumque a paterno Chirographo liberatione per Christum tot tantisque Coepiscopis suis, maxime Romano Innocentio, Carthaginensi Cypriano, Cappadoci Basilio, Nazianzeno Gregorio, Gallo Hilario, Mediolanensi resistat Ambrosio. . . . Hoc (peccati originalis dogma) credidit, hoc didicit, hoc docuit & Joannes.* Tum ex hom. 10. in epist. ad Rom. hom. ad Neophytos, hom. de Lazaro resuscit. & ep. 3. ad Olymp. adfert ejusdem verba, quibus originale peccatum extare affirmat.

R. 2. Idem S. Doctor objecta refutat, cum quo ad 1^{um} R. in hac ipsa homilia a S. Chrysostomo probari peccatum originale, quo negat constitui homines peccatores personaliter & actualiter, sed originaliter & habitualiter; quod explicat per *obnoxios supplicio & reos mortis*, quia evidentius erat mortis debitum ex Adami peccato ab omnibus contrahi. Ad 2^{um} R. Cum hic baptizatos alloquatur, recte dixit eos per originale peccatum non perire, si pereant; quia illud per baptismum jam erat condonatum. Ad 3^{tium} R. Exempla hic allata & ipsum ejus ratiocinium probant S. Doctoris sensum esse, quod non omnes mortui sint in Adamo ea peccati morte, in qua perpetuo mansuri, & a qua nunquam liberandi essent.

Ad 4^{tum} R. Antithesin in eo esse positam, quod mors corporis ex primo peccato ortum habeat, etsi per baptis-

baptismum remissum sit: mors autem animæ in regeneratis, de quibus hic loquitur, jam ex illo primo peccato non oriatur, sed ex iis, quæ propria voluntate & actione committimus. Ubi nihil contra fidem originalis habetur. *Ad 5tum* Redit S. Aug.; hujus homiliæ interpretem locum versione sua interpolasse, cum auctor non dixerit, infantes non esse inquinatos *peccato*, sed *peccatis*, nempe personalibus, ut ex græci textus fide probat. Præterea, cum per Baptismum dicat infantibus addi sanctitatem, justitiam & adoptionem, agnoscit eos ante baptismum his carere, ac proinde esse in statu peccati & damnationis, cum inter utrumque statum non detur medius.

IV. GREG. NYSSENUS in Orat. de infantibus præmatura morte abreptis dicit eos *omnis malitiæ expertes, & sanitate, quæ per purgationem contingit, non indigentes*. THEODORETUS autem 1. in LL. hæretic. fabularum omittit eam, quæ peccatum originale negat. 2. Textus scripturæ ex Ps. 50. & ep. ad Rom. explicat more Pelagianorum, agnoscendo in homines transfusam esse mortem, non peccatum. 3. L. 5. hæ. fab. C. 18. quærit: *Quorsum infantes baptizamus, qui peccatum nondum gustarunt?*

R. 1. S. GREGORIUM NYSS. & Theodoretum Catholicum dogma de originali peccato tenuisse patet ex eorum scriptis; quorum primus in Psalmos C. 16. sic commentatur: *Sordes hominis peccatum est, quod una cum humana orditur natura, quoniam in peccatis concepit me mater mea*. Alter autem in C. 5. ep. ad Rom. hæc habet: *Dixit itaque Apostolus, quod cum Adam peccavisset, & mortalis propter peccatum factus esset; utrumque ad genus pervenit. Ad omnes enim mors pervasit, quatenus omnes peccaverunt*. Hinc quamvis mox subjiciat: *Non enim propter primi parentis peccatum, sed propter suum unusquisque mortis decretum suscipit*; ex præmissis tamen patet, non eum hic loqui de peccato actuali posterorum, sed de peccato Adami per translationem quibuslibet proprio factio, nec extrinsece duntaxat imputato; præsertim cum L. 5. hæ. fab., qui etiam Epitome Decretorum divinorum inscribitur, C. II. pluries fidei doctrinam confirmet.

R. 2. GREG. recte dixit infantes *baptizatos esse malitiæ omnis expertes, neque indigere sanitate, quæ per pur-*

purgationem, hoc est, *pœnitentiam* contingit; cum peccatum actuale non commiserint.

De THEODORETO ex dictis constat *ad 1^{um}*, ob contrariam fidei opinionem non omisisse errorem illum: forte satis habuit Pelagianam hæresin retulisse, cujus partem hunc de originali errorem esse liquebat. *Ad 2^{dum} B.* Contrarium patere partim ex proxime laudatis, partim ex ipso in Ps. 50. verborum sensu, qui is duntaxat est, naturam ad peccatum non impelli, adeo, ut necessitate peccemus, nec a peccato abstinere possimus. *Ad 3^{tium} B.* Agit hic contra Messalianos, qui peccata actualia duntaxat per baptismum quasi per novaculam radi, originale autem quasi radicem non per illum, sed per orationem evelli fabulabantur.

Ad eos itaque refellendos opportune quærit THEODORETUS, cur infantibus tamen baptismus conferatur? Juxta illos enim non dabatur baptismus ad delendum originale: nec infantes etiam habent actuale, seu propria voluntate & actione commissum: quod intellexit, dum diceret *infantes peccatum non gustasse*; quia qui *gustat*, propriam actionem exerit.

§. III.

Quibus argumentis probetur ex Ratione, & vindicetur existentia peccati originalis?

82. *Argumenta ex Ratione* hic non dicimus rationes naturales, utpote cujus generis hic nullæ esse possunt, sed sumptas ex aliis principiis fidei. Præcipua autem, quæ Ss. PATRES, præsertim S. AUG., adferunt, desumuntur

I. *Ex generali redemptione Christi.* Christus mortuus est etiam pro infantibus; ergo & infantes peccaverunt. Atqui non peccaverunt peccato personali & actuali; ergo originali. *Ethymema* patet ex c. 3. ad Rom. *Omnes peccaverunt & egent gloria Dei*: ex 2. Cor. 5. *Sed unus pro omnibus mortuus est: ergo omnes mortui sunt. Et pro omnibus mortuus est Christus.* Totus distursus habetur in Aug. L. I. de pecc. mor. & remiss. C. 23. *Quis audeat dicere, non esse Christum infantium Salvatorem*
nec

nec redemptorem? unde autem salvos facit, si nulla in eis est originalis agritudo peccati? unde redimit, si non sunt per originem primi hominis venundati sub peccato?

II. *Ex necessitate Baptismi.* Baptismus omnibus etiam parvulis est necessarius, ut & ipsi Pelagiani admiserunt, & perpetuus sensus ac usus Ecclesiæ probat, quæ semper summa sollicitudine parvulis de vita periclitantibus baptismum procuravit. Est autem necessarius, vel ut infantes mudentur; quia hic effectus primarius, juxta formam hujus Sacramenti: *ego te baptizo* &c. & juxta illud ad Ephes. 5. *Mundans lavacro aqua in verbo vitæ; vel ut infantes possint intrare in regnum Dei, juxta illud Joan. 3. Nisi quis renatus fuerit ex aqua & Spiritu Sancto, non potest introire in regnum Dei.* Atqui ex utriusque effectus necessitate constat infantes esse peccato infectos; tum quia hæc mundatio est tantum a peccatis: tum quia sola peccata ab ingressu regni cœlorum arcent; ergo.

Conf. Ex Ceremoniis baptismi, exorcismo scilicet & sufflatione, quas teste S. Aug. L. 6. cont. Julian. C. 5. & L. 2. oper. imperf. cont. eundem in Ecclesia universa semper, & quidem ad dæmonem abigendum usurpatis nec ipsi Pelagiani negare ausi sunt; unde sequitur perpetuum Ecclesiæ sensum fuisse, quod etiam infantes ante baptismum sub dæmonis potestate, & hinc peccato aliquo inquinati fuerint.

Nec obstat hic effugium Pelagianorum alibi examinandum, cum dicerent, Parvulos non baptizari, ut deleatur eorum peccatum, neque ut sint beati, aut vitam æternam habeant, utpote ipsis debitam; sed tantum ut fiant hæredes regni cœlorum. Nam 1. Baptismus non dari parvulis in remissionem peccatorum pugnat contra illud ad Ephes. 1. cit. & C. 3. ad Titum. 2. Parvulos posse esse beatos sine baptismo & Christi Sanguine repugnat ep. I. Joan. C. 3. ubi dicitur: *Quis est, qui vincit mundum, nisi qui credit, quoniam Jesus est Dei Filius? hic est, qui venit per aquam & sanguinem* &c. It. I. ad Cor. 15. *In Christo omnes vivificabuntur.* Errores alios, beatitudinem nempe esse extra regnum cœlorum: & sine ullo peccato parvulos excludi ab hoc regno, refutat S. Aug. L. 1. de pecc. mer. C. 28. L. 3. cont. Julian. C. 1. alibique, & nos infra forte attingemus.

III. Ex variis humanae nativitatis adjunctis. Eorum *Imum* est juxta S. AUG. L. 4. cont. Jul. C. ult., quod tam multæ ac tantæ sint miseriæ tum animæ tum corporis, quas quilibet a nativitate experitur, ut non videantur connaturales naturæ humanæ secundum se & sine culpa spectatæ. *2dum* juxta S. GREG. L. 4. mor. C. 5. quod iusti in sacris litteris maledixerint conceptioni suæ & diei natali; id quod non ratione naturæ, sed culpæ fecisse censendi sunt. *3tium* juxta AUG. L. de pecc. Orig. C. 32. & GREG. L. 17. Mor. C. 10., quod scriptura doceat esse quorundam singulare privilegium, quo ante nativitatem sanctificati fuerint; ex quo signum habetur, alios sine gratia nasci: cum vero in homine ad finem supernaturali creato inter gratiam & peccatum medius status non relinquatur, sequitur singulari hoc privilegio non donatos concipi & nasci in peccato.

Objectiones.

83. Objic. I. Cum JULIANO. Non peccat iste, qui nascitur: non ille, qui genuit: non Deus, qui condidit; per quas igitur rimas tot inter præsidia peccatum ingreditur? *Conf. I.* Peccatum est actio vel omissio libera contra legem Dei; ejusmodi non est originale: quia infantes nec cognitionem legis nec usum libertatis habent; ergo. *Conf. II.* Peccatum, dum contrahitur, debet posse caveri; originale ab infantibus caveri nequit; ergo.

R. Cum S. AUG. L. 2. de nupt. & concup. C. 28. *Quid quæris latentem rimam, cum habeas apertissimam januam? per unum hominem, ait Apostolus; per unius delictum, ait Apostolus; per inobedientiam unius hominis &c. Quid quæris amplius; quid quæris apertius? &c.*

Ad Conf. I. D. M. Peccatum personale & actuale est actio &c. C. originale *subd.* est actio vel omissio physice libera, & quæ sit voluntate propria N. moraliter libera, quæ physice voluntate aliena, & moraliter tantum propria sit C. Infantes tametsi physice & in se seu secundum suam entitatem non extiterint, *moraliter* tamen & relate ad præceptum divinum erant in Adamo tanquam physico non solum capite generis humani, sed maxime tanquam in capite morali & omnes posteros representante quoad violationem vel observationem præcepti de non come-

comedendo fructu. In eo ergo sicut peccarunt, sic etiam cognitionem legis & libertatis usum habuerunt.

Ad Conf. 2. D. Similiter de peccato personali & originali. Notandum præterea originale peccatum esse respectu parvulorum peccatum *habituale*; atque hinc quidem dicit reatum actu contrahi, actum vero peccati tantum moraliter perseverare, quemadmodum quis diu post datum venenum subsequente homicidio incurrere censuras potest.

Inst. 1. Omne peccatum, etiam originale, est in anima; atqui anima prolis nec ab Adamo nec a parentibus trahitur, sed a Deo creatur; ergo. *Conf.* Peccatum Adam, in quo peccavimus, fuit ei condonatum, ante quam gigneret filios; ergo in posteros transfundi nequit.

R. D. m. Nec etiam animæ compars, quæ cum illa constituit hominem, trahitur ab Adamo N. trahitur tamen corpus tanquam animæ compars C. Ad peccatum illud in anima contrahendum sufficit, quod homo, cujus pars est anima, oriatur ab Adamo; quia Deus voluit, ut voluntates omnium hominum via generationis ex Adamo descendendum includerentur in eo tanquam capite morali.

Ad Conf. D. A. Peccatum Adamo fuit condonatum, quatenus erat peccatum ipsius C. quatenus erat peccatum posterorum N. Adamus peccavit & ut persona singularis, & sic commisit peccatum personale physice unicum, quod ipsi remissum est: & ut caput morale, & sic commisit peccatum originale, moraliter-multiplex & totuplex, quot erunt homines ab eo naturaliter descendentes; hoc ipsi condonatum non fuit.

Inst. 2. Hæc forma etiam in homine malo observari debuit, quæ servatur in *diabolo*; sed diabolus non damnatur, nisi ex vitiis propriæ voluntatis; ergo nec homo.

R. N.M. Quoad jus aut debitum *R.* cum Apostolo ad Rom. 9. *O homo, tu quis es, qui respondeas Deo? nunquid dicit figmentum ei, qui se finxit: quid me fecisti sic?* Ad ipsum factum *R. Disp.* Non ex uno Angelici generis capite quod peccaverit, nati sunt angeli; sed singuli a Deo creati sunt boni & cum amore casto, quo illi adhærerent; unde alieno peccato infecti non sunt editi. Sed Deus, ut
dici-

dicitar Aft. 17. *fecit ex uno omne genus hominum*, qui Dei decreto caput humani generis constitutus omnium nostrum voluntates suæ inclusas accepit.

Inst. 3. Licet Eccli. 25. dicatur: a muliere initium factum est peccati: Et per illam omnes morimur; tamen ab ea non trahitur peccatum; ergo nec ex Adamo.

R. Disp. est. Quia solus Adam constitutus est caput, & repræsentavit genus humanum in ordine ad præceptum de fructu non comedendo, quod jam ante formationem Evæ a Deo impositum erat; unde vel solo Adamo peccante aut non peccante fuisset aut non fuisset peccatum originale. Dicitur tamen Eva esse illa, a qua initium peccati factum, & per quam moriuntur omnes; tum quia fuit causa impulsiva peccati Adami, in quo omnes peccavimus: tum quia ex generatione Adami per Evam nascuntur posteri omnes.

Inst. 4. Justitia non prodest, nisi credentibus: ergo nec peccatum Adæ nocet, nisi consentientibus aut peccatum imitantibus; cum Rom. 5. instituat inter Christum & Adamum comparatio.

R. D. A. Non prodest, nisi vel propria vel aliena voluntate credentibus C. plane nemini prodest, nisi qui propria voluntate credit N. Audire hic juvat S. Augustinum L. 3. de pecc. merit. C. 2. respondentem: Sicut ergo eorum, per quos renascuntur, Justitia spiritus responsione sua trahit in eos fidem, quam voluntate propria nondum habere potuerunt: sic eorum, per quos nascuntur, caro peccati trahit in eos noxam, quam nondum vita propria contraxerunt. Porro, in quonam comparatio Christum inter & Adamum stet, dictum est num. 73.

84. Obje. II. Dogma de peccato originali conducit ad Manichæismum; quia facit Deum malum & auctorem peccati, ut probatur: Quidquid convenit rei ab ipsa origine, hoc tribuitur producenti: atqui animæ conveniret peccatum ab origine; ergo.

R. N. Aff. Et rationem. Ad prob. D. M. Quidquid physicum convenit rei ab ipsa origine, tribuitur producenti C. quidquid morale subd. si hoc morale ipsi conveniat præcise vi productionis C. si non vi hujus, sed ratione alterius præsuppositi N. Originale est quid pure mora-

morale: non inficit animam, quia creatur & corpori infunditur; alioquin etiam anima Christi fuisset ei obnoxia: sed quia, & quamprimum unitur corpori generatione naturali producto, cum quo constituit hominem ex Adamo naturaliter descendentem; ubi tamen *id quia* conditionem, non causam denotat.

Inst. 1. Si Deus crearet *Angelum* in primo instanti peccantem seu infectum peccato actuali, esset causa peccati actualis; ergo etiam cum creat hominem in primo instanti infectum peccato originali, erit causa peccati originalis.

R. N. A. Quia peccatum in hoc casu ex determinatione voluntatis Angelicæ & per accidens, non vero ex determinatione Dei & natura creationis sequeretur.

Inst. 2. Anima in priori signo naturæ ad unionem substantialem cum corpore humano vel creatur a Deo *nocens* vel *innocens*; Si primum; ergo Deus revera causat peccatum: Si 2dum; ergo anima in eodem instanti reali erit nocens simul & innocens.

R. In illo signo priori anima nec est positive nocens nec innocens, sed præcisive se habet. Non *positive nocens*; quia in illo signo necdum concipitur unita cum corpore & constituens hominem ex Adam generatum: non *positive innocens*: quia de statu innocentiae non transit ad statum peccati, ut simili errore quodam fabulabatur Origenes: sed præcisive se habet; quia in hoc signo solum entitas animæ concipi debet. Non vero implicat, animam in reali instanti esse solum innocentem *præcisive*, seu secundum nostram considerationem & nocentem realiter.

Inst. 3. Ex eodem dogmate sequitur, nuptias & matrimonii usum esse illicitum, qui fuit error Marcionitarum, Enekratitarum & Manichæorum. *Prob.* Quis matrimonii usus esset inductivus peccati originalis: sed actus inductivus peccati est illicitus: ergo.

R. Objectionem hanc refutavit S. AUGUST. duobus libris, quos inscripsit de *Nuptiis Et Concupiscentia*, aliisque in operibus suis passim, ex quibus hæc breviter habet: Usus conjugii esse causam generandæ proles, non autem peccati prolem inficientis; quia in statu innocentiae, si Adam non peccasset, futuræ erant *nuptia Et usus conjugii, Et generatio proles*, quin tamen aliquid eorum

eorum causa peccati in prole genita fuisset. Unde solem prævaricationem Adæ tanquam causam corruptionis propagatæ accusat.

Quare *N. Aff. ad prob. D. M.* Usus matrimonii esset per se & per modum causæ inductivus peccati *N.* per accidens & per modum conditionis tantum sine qua non, *subd.* esset inductivus peccati prius jam in Adamo commissi *C.* de novo committendi *N.* Usus matrimonii est solum *conditio*, qua posita, & supposito prius peccato in Ada commissio illud contrahitur ad suppositum proprium prolis generatæ: voluntas autem Adami tum nomine proprio tum posterorum nomine peccantis est *causa physica* peccati originalis; & voluntates posterorum, ut moraliter in voluntatem Adami transfusæ sunt illius peccati causa moralis.

Inst. 4. Qui ponit actionem, ex qua prævidet alterius grave malum etiam per accidens esse secuturum, peccat. Sed parentes prævident ex usu conjugii, quamvis etiam *per accidens*, secuturum esse originale, grande prolis malum; ergo.

R. D. M. Peccat, si prohibita sit actio, ne sequatur alterius malum, aut si quis non habeat jus ad illam actionem, vel si habito etiam jure intendat malum per accidens connexum *C.* si hæc non adsint *N.* *Nuptias* non esse prohibitas ostendit illa Dei benedictio: *Crescite & multiplicamini*; & Christi declaratio confirmatoria: *quod ergo Deus conjunxit, homo non separet.* Jus ad usum conjugii & prolis generationem legitimis conjugibus asserit Pauli monitum: *Uxori vir debitum reddat.* Et: *no- lite fraudare invicem, nisi forte ex consensu ad tempus, ut vacetis orationi: & iterum revertimini in idipsum, ne tentet vos satanas propter incontinentiam vestram. Hoc autem dico secundum indulgentiam, non secundum imperium.* Intentio porro præpostera non vitio nuptiarum, sed conjugum, si quæ adsit, adscribenda est. Hac autem absente, & illis præsuppositis homo utens conjugio æque parum peccat, ac Deus statuens leges, superior subdito mandatum ferens, ac creditor exigens debitum; licet ille leges violandas, iste subditi contumaciam, hic debitoris indignationem prævideat.

Inst.

inf. 5. Melius est proli non existere, quam existere & concipi in peccato originali; hinc enim in simili Christus Matth. 26. de Juda peccati proditionis reo dicit: *bonum erat ei, si natus non fuisset homo ille*; ergo usus matrimonii est contra eharitatem proli debitam, & sic illicitus.

R. T. A. N. Conf. Cujus falsitas patet ex allatis modo exemplis. Præterea communis est Theologorum, hominem ex charitate non teneri ad abstinendum ab actione utili aut necessaria, ad quam jus habet, licet per accidens & indirecte sequatur damnum aliquod proximi. Cum igitur *usus matrimonii* necessarius sit ad generis humani propagationem, & ad illum etiam conjuges jure manifestum habeant, illum exercendo contra charitatem proli non peccant. Ex quo liquet *disparitas* inter matrimonii usum & illud, de quo loquitur Apostolus: *Si esca scandalizet fratrem meum, non manducabo carnem in æternum, ne fratrem meum scandalizem*. Præterquam quod hoc Apostoli propositum universaliter obligatorium non sit, & ad scandalum infirmorum duntaxat pertineat.

Dixi: Transeat Ant. Quia licet *secundum quid* sit melius proli non existere, quam existere in peccato originali, si hæc existentia præcise secundum concretum peccati spectetur; melius tamen est proli etiam sic existere, quam non existere plane, si consideretur, quod infans per baptismum ab originali facile liberari & ad æternam felicitatem pervenire possit. Unde *disparem* etiam *rationem* inter hoc & JUDÆ peccatum notabis; siquidem, cum istud impœnitentiam finalem & damnationem connotaverit, non erat amplius ad Dei amicitiam & beatitudinem ordinabile.

QUÆRES: *Quid de Zosimi Pontificis æconomia in causa Pelagii & Celestii sit sentiendum?*

83. Nota. Cum audivisset PELAGIUS, quod INNOCENTIVS S. P. ex Africanarum Syndorum relationibus ac epistola duos palmares Pelagianorum errores de gratia & baptismo infantium propter originale peccatum una cum eorum Auctoribus & Sectatoribus sub Anni 417. initium damnaverit; scripsit ad eundem Pontificem epistolam, qua Ero-

tem & Lazarum, suæ hæreseos delatores calumniæ, Africanas Synodos præcipitis iudicii accusabat: addidit fidei suæ libellum, quem symbolum inscripsit, cui præter subdolos sui sensus explicationes ad fucum faciendum hæc inferuit: in qua, fidei professione, si minus perite & parum caute aliquid forte positum est, emendari cupimus a te, qui Petri & fidem & sedem tenes.

Hæc antequam cum *Praylii* Hierosol. Antistitis litteris commendatitiis Romam perferrentur, Innocentius e vivis decessit, nactus successorem *ZOSIMUM*. Ad hunc *CELESTIUS* Cpoli eiectus festinavit, & similia de *Erote* ac *Lazaro* & *Africanis* Episcopis conquestus obtulit fidei libellum, in quo quidem originale peccatum negabat, sed ad hæreseos invidiam declinandam profitebatur se paratum ad errorem, si quis esset, emendandum. Si forte, inquit, ut hominibus quispiam ignorantia error obrepserit, vestra sententia corrigatur: interrogatus præterea contestabatur, se *Innocentii* decretis adhærere.

His e *CELESTIO* intellectis & postmodum etiam *Pelagii* scriptis acceptis *ZOSIMUS* suspicatus vera narrari & sincere agi, dedit binas distinctis vicibus literas duriores ad *Africanos*, quibus *Pelagii* & *Celestii* fidem commendabat: hos tamen nec ab hæreseos nota absolvit, nec communioni restituit, iudicium differens, dum plene de totius causæ statu ab *Africanis* certior fieret. Ab iisdem ex gestis Conciliorum, litteris prolixis, & *Marcellini* subdiaconi transmissi narratione plenissime edoctus Pontifex *CELESTIUM* ad iudicium vocat. Sed cum ille fugeret & se examini negaret, a *ZOSIMO* damnatus est ipse & *Pelagius*. Constant hæc ex *Mario Mercatore* in *Commonitorio*, *S. Augustino* L. 2. ad *Bonifacium* & L. de *Pecc. originali*, ac *Facundo Hermianensi*. L. 7.

Tria porro capita sunt, in quæ circa hoc factum inquiritur. 1. An *ZOSIMUS* errore facti erraverit, *Pelagium* & *Celestium* innocentes existimando? Ad quam quæstionem unanimis omnium responsio est affirmativa; quæ sicut veritati historię est conformis, sic nulli etiam reprehensionis est obnoxia; cum nemo statuatur, Romanum Pontificem aut Concilium in iudicio de Personis tantum & sensu eorum interno aut de quæstionibus meri facti decipi non posse. 2. An *ZOSIMUS* hæresin *Pelagii* & *Celestii* ap-
pro-

probaverit? 3. An idem saltem nimia indulgentia post damnationem Innocentii Celestio audientiam indulgendo & Pelagii litteras suscipiendo erraverit? Ad has postremas quaestiones a quibusdam male assertas

86. 4. I. Zosimus Pelagii & Celestii errores nunquam approbavit. *Prob.* Ex ipsis actis; quæ testantur Zosimum existimasse Catholicam Pelagio & Celestio esse mentem, eoquod uterque in libello suæ fidei suam sententiam Sedis Apostolicæ iudicio subiecerit, & postremus etiam decretis INNOCENTII errores Pelagianorum damnantibus se assentiri professus sit: Item eundem non dedisse communionem nec relaxationem a damnatione; denique iterasse damnationem eorum, ubi de Pelagii & Celestii mente apertius constitit. Ergo nec ante nec post approbavit, aut approbasse intelligi potest illorum errorem. *Conf.* Ex iudicio coævorum de hoc facto.

S. AUG. L. 2. ad Bonif. C. 3. ita ait: *Quanam tandem epistola veneranda memoriae Papæ Zosimi, quæ interlocutio reperitur, ubi præceperit credi oportere, sine ullo vitio peccati originalis hominem nasci? Professo quidquid interea lenius actum est cum Celestio, servata duntaxat antiquissimæ & robustissimæ fidei firmitate, correctionis fuit clementissima suasio, non approbatio exitiosissima pravitatis.*

MARIUS MERCATOR in Commonit. de Celestio sic narrat: *ubi actis interrogatus, cum ab illo ognitore aliquatenus terretur, crebris responsionibus suis & prosecutionibus spem præseminavit, condemnare se illa capitula, de quibus fuerat apud Carthaginem accusatus, promittens. Id enim & instantius jubebatur, atque ob hoc ipsum nonnulla illius Sancti Sacerdotis, Zosimi, humanitate dignus est habitus, & sic epistolam humanitatis plenam ad Africanos Episcopos meruit. Ergo cum Zosimus iusserit Celestium condemnare suos errores, & lenius ideo tantum eum habuerit, quia promittebat errorum suorum damnationem; certe nullatenus ipse errores comprobavit.*

Accedit FACUNDUS Hermian. L. 7. C. 3. *Neque, inquit, Palæstinos Episcopos, neque Zosimum hæreticos ab Ecclesia credi, quia de hæreticis bene senserunt; sed potius pro merito suæ fidei Catholicos iudicari & ho-*

norari, quoniam non debet crimini reputari simplicium non intellecta versutia malignorum.

Nec obstat 1. Quod Zosimus, ut l. c. scribit Aug., libellum Celestii dixerit Catholicum, licet in eo exprimeretur error negans peccatum originale. Nec 2. Quod fidem ipsius Pelagii & Celestii, ut ait Facundus l. c., tanquam veram & Catholicam laudaverit, & culpaverit Africanos Episcopos, quod ab illis hæretici crederentur.

R. ad 1. D. Zosimus dicit libellum Celestii Catholicum quoad maximam sui partem articulos symboli continentem C. secundum omnes propositiones in eo contentas subd. dixit Catholicum habita præcise ratione ipsorum dogmatum N. habita ratione mentis & affectus, quem præ se ferebat Celestius C. Item: Exprimebatur in eo error de peccato originali per modum doctrinæ, cui adhereret Celestius N. per modum dubii, de quo Pontificem consulere, afferens se velle instrui & emendari, seque adherere decretis Innocentii C. Distinctionis veritas patet ex laudato supra S. Augustini loco, ubi inquit: Cum hoc Celestius in suo libello posuisset inter illa duntaxat, de quibus se adhuc dubitare & instrui velle confessus est; in hominis acerrimi ingenii, qui profecto, si corrigeretur, plurimis profuisset, voluntas emendationis, non falsitas dogmatis approbata est. Et propterea libellus ejus Catholicus dictus est; quia & hoc Catholicæ mentis est; siqua forte aliter ipse quam veritas exigit, non ea certissime definire, sed detecta ac demonstrata respuere.

R. ad 2. D. similiter, & in eo errorem facti, non autem juris facile concedo, quemadmodum ex hætenus dictis & ipsius MARII l. c. verbis manifestum est.

87. *R. II. Zosimus nimia indulgentia non peccavit. Prob. Inprimis non peccavit contra justitiæ aut prudentiæ leges; tum quia Innocentius ita sententiam suam temperavit, ut juberet Pelagio & Celestio, si unquam sani (verba sunt Innocentii in Rescripto ad Silvanum & cæteros Milevitanae Synodi Patres) deposito pravi dogmatis errore resipuissent, eis medicina solita, id est, receptaculum suum ab Ecclesia non negaretur: tum quia Hæretici illi errorem se deposuisse dicebant, Innocentii litteris assensum exterius præbebant, & Praylii testimonio commendabantur.*

Dein-

CAP. I. ZOSIMUS P. IN CAUSA PELAGII. 117

Deinde non peccavit contra Canones, quibus retractatio causæ fidei in Synodo iudicata prohibetur; tum quia Canones illi loquuntur non de Synodo Provinciali vel Nationali, sed de Oecumenica, qualis in causa Pelagianorum ante Zosimum nulla est habita: tum quia Zosimus non retractavit causam fidei & quæstionem ipsam Juris, quæ Innocentii iudicio finita erat, ut ait Aug. L. 2. ad Bonif. C. 3. Literis beata memoria Papa Innocentii de hac re tota dubitatio sublata est. Et Serm. 2. de verbis Apost. C. 10. Jam de hac causa duo Concilia missa sunt ad Sedem Apostolicam: inde etiam rescripta venerunt. Causa finita est: error utinam aliquando finiatur. Quæstionem itaque facti duntaxat expendere diligentius susceperat, an scilicet Pelagius & Celestius hæreseos rei essent: cujus rei & facultas & causa erat, ut ex dictis hactenus & ex eo colligi potest, quod Eros & Lazarus accusatores Pelagii, ille Arelatensium, hic Aquensium criminationes gravissimas subiissent.

Denique non peccavit contra iudicii formam, quæ non finit habere rationem appellationis, quam quis non est persecutus: ut Celestius fecerat, qui cum in Concilio primo Carthaginensi ad Sedem Apostolicam appellasset, per plures annos causam suam neglexit; tum quia Zosimus tanquam iudex supremus appellationem etiam peremptam potuit in integrum restituere: tum quia etiam sine respectu ad illam appellationem Celestii & Pelagii fidem rursus expendere potuit, ut cognosceret, num communionem Ecclesiastica, quam flagitabant, digni forent.

C A P U T II.

De Essentia Peccati Originalis.

A R T I C U L U S I.

An Concupiscentia constituat Peccatum Originale?

88. *Nota. Flaccus Illyricus docuit, peccatum orig. esse substantiam malam a diabolo productam: Origenes cum plerisque Pelagianis illud explicabat per peccati Adæ imitationem: Bajus voluit esse peccatum a parvulo*

in proprio supposito habitualiter commissum, in propp. 47. 48. 49. *Alii dicebant, esse denominationem mere extrinsecam, aut solam obnoxietatem poenæ, contra aperta verba Apostoli, Arauc. II., & Trid. Lutherus formaliter illud constituit in Concupiscentia: Jansenius materialiter in Concupiscentia, sed formaliter in Reatu, qui vero habeat rationem peccati proprie dicti. S. Augustinus Concupiscentiam pro materiali designat, sed quod, tanquam aliquid specialiter quidem adjunctum, propriam rationem peccati non contineat: Alii statuunt esse privationem justitiæ originalis; alii ipsum Adæ peccatum moraliter nostrum. De singulis pauca, sed vera; fatentes insuper cum S. Aug. L. de Mor. Eccl. c. 22. Hoc peccato antiquo nihil est ad prædicandum notius, nihil ad intelligendum secretius.*

89. Dico I. Concupiscentia non est formaliter peccatum originale. Est de fide, ex Trid. sess. 5. can. 5.

Prob. I. ex Scriptura. Ad Rom. 8. v. 1. Nihil ergo damnationis, h. e. damnatione dignum, est iis, qui sunt in Christo Jesu. Et 1. Joan. 1. v. 7. Sanguis ejus emundat nos ab omni peccato. Ergo in regeneratis non est peccatum originale. Atqui in iis tamen est concupiscentia, ut testatur experientia, & ipsi adversarii fatentur; ergo. Nec juvat hic excipere, quod concupiscentia in peccatum non imputetur; scriptura enim asserit, nihil damnationis esse in renatis, hosque emundatos a peccato. Præterea Apostolus ad Rom. c. 6. v. 2. & 4. comparat renovationem hominis per baptismum cum resurrectione Christi: ad Coloss. 3. & Ephes. 4. in eadem dicit expoliari & deponi veterem hominem, indui autem novum &c., quæ ad peccata tegenda aut non imputanda referri nequeunt.

II. Jacob. 1. v. 14. *Unusquisque tentatur a concupiscentia sua abstractus & illectus. Deinde concupiscentia cum conceperit, parit peccatum, peccatum vero cum consummatum fuerit, generat mortem. In quem textum S. Aug. L. 6. cont. Julian. C. 5. sic scribit: Profecto in his verbis partus a pariente discernitur, pariens enim est concupiscentia; partus peccatum. Sed concupiscentia non parit, nisi conceperit: non concipit, nisi illexerit, hoc est, ad malum perpetrandum obtinuerit voluntatis*

tatis consensum. Ergo concupiscentia per se & formaliter peccatum non est.

Prob. ex Traditione I. Ss. PATRUM, quos ipse Calvinus L. 3. Inst. C. 3. §. 10. sibi contrarios fatetur, refert plurimos Bellarm. hic C. 8.; unde non nisi S. Augustinum, quem Lutherus sibi faventem falso jactat, in omnibus suorum operum tomis illi obloquentem sistimus: Sic autem L. 1. cont. 2. ep. Pelag. C. 13. de concupiscentia in baptizatis scribit: Etiam si vocatur peccatum, non utique, quia peccatum est, sed quia peccato facta est, sic vocatur; sicut scriptura manus cujusque dicitur, quod manus eam fecerit. L. 6. cont. Jul. C. 16. Tu autem, qui putas, quod, si malum esset concupiscentia, caret ea, qui baptizatur, multum erras. Omni enim peccato caret, non omni malo. Et Serm. 6. de verb. Ap. Restat ergo cum carne conflictus, quia deleta est iniquitas, sed manet infirmitas. Plura si cupis, consule Bellarm. l. c.

II. Huc spectat Pii V., Gregorii XIII., & Urbani VIII. damnatio Bajani propositionibus inflata, quarum hæc est 50. *Prava desideria, quibus ratio non consentit, & quæ homo invitus patitur, sunt prohibita præcepto; Non concupisces.* Et 51. *Concupiscentia, sive lex membrorum, & prava ejus desideria, quæ inviti sentiunt homines, sunt vera legis inobedientia.*

Prob. ex Ratione. Si concupiscentia esset formaliter peccatum originale, ergo vel concupiscentia actualis vel habitualis. Non 1^{um}; ut patet. Non 2^{um}; Potentia enim concupiscendi imprimis non est formale peccatum; tum quia definitionem peccati habere non potest, quod dicitur actus moralis regulæ morum difformis: tum quia tanquam facultas congenita nec baptizatos etiam sanctissimos deserit. Deinde nec formaliter est peccatum originale; tum quia est effectus & pœna peccati originalis; tum quia, si foret in homine, qui ex Adamo non esset natus, originariam labem ei non aspergeret.

Conf. ex S. AUG.; qui rationem, sub qua concupiscentia peccatum dicatur, exponit L. I. de nuptiis C. 23. Ipsa quidem concupiscentia jam non est peccatum in regeneratis, quando illi ad illicita opera non consentitur, atque ut ea perpetrent, a regina mente membra non dantur: ut, si non sit, quod scriptum est: non concupisces,

„*fiat saltem, quod alibi legitur; post concupiscentias tuas non eas. Sed modo quodam loquendi peccatum vocatur, quod & peccato factum est, & peccatum, si vicerit, facit.*

90. *Dico II.* Concupiscentia non est materiale originalis peccati in sensu JANSENII. *Prob.* Nec est sententia S. Augustini, nec cum Catholica fide conciliari potest. *Pars 1ma* patet, tum ex locis hactenus laudatis, quibus S. Doctor concupiscentiam negat esse peccatum proprie dictum, docetque sic tantum vocari metonymice: tum ex L. de Continentia C. 7. L. de vera Religione C. 14. L. 14. de Trin. C. 17. L. 1. Retract. C. 15. ubi rursus negat, ipsam concupiscentiam esse reatum & per se facere hominem reum, vultque duntaxat esse pœnam & effectum peccati originalis, & causam actualis. *Pars 2da* constat etiam ex Trid. recitato, quod definit per baptismum *deleberi, auferri & remitti* peccata, nihilque *remanere*, quod *veram & propriam peccati rationem* gerat. Cum hac vero doctrina minime congruit, post baptismum etiam *vigere* concupiscentiam, quæ per se peccati veram rationem habeat, atque ex sese constituat hominem reum.

91. *Dico III.* Concupiscentia *Theologice* quidem, non autem *Philosophice* potest in sensu S. Augustini vocari materiale peccati originalis. *Ratio 1mi* est; quia nec contra fidem nec contra sana Theologiæ principia est, concupiscentiam dici aliquid specialiter adjunctum illi, in quo tota ratio formalis peccati originarii consistit; aut esse passionem principaliorē, quæ ab originali reatu oritur & separabilis est, non vero ipsa hunc reatum fundat, aut enasci facit, aut inseparabiliter inducit. *Ratio 2di* est; quia ex communi Philosophiæ placito effectus rei non habet se ut materia ejusdem rei, nec rei essentia per aliquid ad illam consequens per modum partis constituitur: Sed concupiscentia est effectus, & quid consequens ad peccatum originale; ergo.

Objectiones.

92. *Obje. cont. 1.* In Sacra Scriptura concupiscentia vocatur sæpe peccatum: ad Rom. 6. v. 12. *Non regnet peccatum in vestro mortali corpore.* C. 7. v. 7. *Peccatum non cognovi, nisi per legem.* Nam concupiscentiam nesciebam, nisi lex diceret: non concupisces. Et ibid. v. 14.

CAP. II. AN CONCUPIISC. SIT PECC. ORIG. 121

v. 14. *Scio, quia lex spiritualis est, ego autem carnalis sum venundatus sub peccato.* Sed peccatum hic intelligitur proprium; cum in his capitibus loquitur Paulus de illo, pro quo Christus mortuus est, & cui nos in Baptismo morimur: foret autem sermonis vitium, si aliter peccatum explicaretur de concupiscentia. Ergo.

R. 1. N. min. Peccatum in scripturis diversimode accipi constat ex num. 1. Adeo autem hoc non est sermonis vitium, ut vel ornamentum vel necessarium medium sit ad verum sensum earundem vocum ad eundem prope versum pertinentium habendum. Exemplum vel ipsum cap. 7. ad Rom. offert, ubi v. 7. dicitur: *Quid ergo dicemus, lex peccatum est? absit! sed peccatum non cognovi, nisi per legem.* Et v. 8. *Peccatum per mandatum operatum est in me omnem concupiscentiam.* Hic enim peccatum 1mo loco accipitur pro causa peccati: 2do pro peccato proprie dicto: 3tio pro facultate concupiscendi, a qua actus concupiscentiæ oriuntur. Porro sicut concupiscentia alia est habitualis, alia actualis indeliberata, alia spontanea & libera, sic etiam aliter & aliter peccatum appellatur, scilicet vel proprie, vel improprie; vel formaliter, vel materialiter. Hinc

R. 2. ad text. 1. Verba 1mo possunt intelligi de peccato proprie dicto, quod fit, si homo obediat concupiscentiis, & quod regnare dicitur, si peccans subicitur peccato. 2do Sumi possunt pro concupiscentia, quæ peccati originalis effectus est, & nos in actuale peccatum pertrahit; sed tunc non nisi impropriad acceptionem esse patet; præsertim quia dicitur esse in corpore peccatum, quod tamen, si proprium sit, in una mente locum habet.

Ad 2dum. Agitur hic quidem de peccato proprie tali, sed & de concupiscentiæ actibus, qui ex mera voluntate proficiuntur, cum ad eos lex prohibens pressius loquendo unice pertineat.

Ad 3tium. Sermo est de concupiscentiæ motibus, quos Paulus sentiebat, quin tamen consentiret; hinc peccatum hic in sensu materiali, non formali usurpatur, cum venditio & servitus tantum sit ad sensum, non vero ad consensum.

Inst. 1. Plura sunt, quæ concupiscentiam in sensu proprio peccatum dictam probant; nam 1. vocatur non bonum & malum. Ad Rom. 7. v. 18. *Scio enim, quia non habitat in me, hoc est in carne mea, bonum.* Et v. 21. *Quoniam mihi malum adjacet.* 2. Repugnat legi. Ibid. v. 23. *Video aliam legem in membris meis, repugnantem legi mentis meæ.* Et ad Rom. 8. v. 7. *Sapientia carnis inimica est Deo: legi enim Dei non est subiecta.* 3. Subjicit hominem peccato & miserum facit. Ibid. cap. 7. v. 23. *Captivantem me in lege peccati, quæ est in membris meis.* V. 24. *Infelix ego homo, quis me liberabit de corpore mortis hujus.* Ergo.

R. N. A. Hæc enim omnia convenire possunt concupiscentiæ, quatenus est corruptio quædam naturæ incitans ad malum, quin tamen propriam peccati rationem inde consequatur; & hoc sensu in imo vocatur concupiscentia non bonum ac malum.

In 2do ad modum repugnandi & ad id, quod repugnat legi, attendendum. Quod enim repugnat legi ut actio contraria, veram peccati notionem duntaxat habet; *subjectum* autem, *causa*, *effectus* aut *regula* meram denominationem ab actu peccaminoso participant: quare cum concupiscentia non ut actio quædam moralis, sed ut lex membrorum ac regula peccati v. 23. dicatur opponi legi mentis & regulæ bonæ actionis, apparet peccatum proprie dictum hic non reperiri. *Sapientia* vero carnis repugnat quidem ut actio legi divinæ, quia curam & sollicitudinem, quæ carni commoda sunt, procurandi nimiam significat; hoc ipso autem aliam esse, quam de qua disputamus, concupiscentiam liquet.

In 3tio illud *captivantem* in lege peccati S. Aug. L. 1. de Nupt. & Concup. c. 30. recte exponit de concupiscentia vel captivare conante, vel captivante secundum carnem, non secundum mentem. Infelicitas autem & miseria in scripturis ut plurimum pœnæ potius tribuitur quam culpæ, ut patet ex Prov. 14. v. 34. Ps. 11. v. 6. &c. unde concupiscentiam peccati originalis pœnam, minime vero culpam esse colligitur.

Inst. 2. Concupiscentia est prohibita hac lege: *non concupisces*; ergo est proprie peccatum. *Proö. A. 1.* Juxta S. Aug. L. de nuptiis c. 23. *lex: non concupisces, distin.*

stringitur a lege: *post concupiscentias tuas non eas*; ergo sicut hæc prohibet motus concupiscentiæ deliberatos, seu consensum; sic illa prohibet concupiscentiam ipsam & motus ejus etiam indeliberatos, seu sensum. 2. Idem L. de Spir. & litera c. ult. & L. de nupt. c. 29. alibique docet, legem: *non concupisces*, non posse servari in hac vita propter motus concupiscentiæ; ergo. 3. Id quod per se trahit ad malum, prohibetur eadem lege, qua prohibetur ipsum malum; sed concupiscentia per se trahit ad malum; ergo.

B. N. A. Sive concupiscentia hic indicet pronitatem innatam ad malum, sive ejus actus involuntarios, hujus legis materia esse nequit; non enim prohibetur id, quod in nostra potestate non est, nec a nobis vitari potest.

Ad Prob. 1. N. conf. Recte enim S. Aug. L. 5. contra Julian. c. 3. *Alioquin frustra dictum est, post concupiscentias tuas non eas, si quisque jam reus est, quod tumultuantes & ad mala trahere nilentes sentit eas.* Utraque ergo lex prohibet consensum motibus concupiscentiæ inordinatis dandum, & quodlibet liberum desiderium malum. Distinguantur quidem inter se, quod *Ima* proponat media & finem, nempe pugnam contra concupiscentias & extirpationem concupiscentiæ: 2da autem tantum media edicat; quia tamen obligatio præcepti proprie ad media pertinet, finis autem imperari nec solet, nec potest; hinc finem illum lex prior manifestat duntaxat, ut intelligamus, quo nobis Deo adjuvante sit tendendum, non autem, ut rei simus, si id non præstemus, quod penes nos non stat, & ad felicitatem futuræ vitæ, non ad præsentis obligationem spectat.

Ad Prob. 2d. D. Lex hæc servari nequit perfecte, quantum ad media & finem, quantum ad obligationem & intentionem C. non potest servari simpliciter, secundum media, seu illa, quæ nobis pro hac vita præcipiuntur N. Hoc ipsum dicit S. Aug. L. de Sp. & Lit. ac similiter loquitur de præcepto diligendi Deum; L. de nupt. autem ita explicat: *Multum boni facit, qui facit, quod scriptum est: post concupiscentias tuas non eas: sed non perficit, quia non implet, quod scriptum est, non concupisces.* Ad hoc ergo dixit lex, *non concupisces*, ut nos in hoc morbo jacere intelligentes medicinam gratia quaereremus, & in eo præcepto sciremus, & quo in hac mortalitate debeamus conari

conari, Et quo possit a nobis illa beatissima immortalitate perveniri.

Ad Prob. 3. R. D. M. Si id, quod ad malum trahit, sit in nostra potestate, sic, ut pro arbitrio nostro possimus eo uti vel carere C. Si non sit, uti accidit in concupiscentia, cujus motus etiam inviti experimur N. Inde autem non peccari sapius jam dictum est, ut S. Aug. docet L. de 2. animabus c. 12. *Peccati reum tenere quemquam, qui non fecit, quod facere non potuit, summa iniquitatis est Et insania.*

Inst. 3. Concupiscentiæ conveniunt prædicata peccati proprie dicti; ergo. *Prob. A. 1.* Deus non fecit concupiscentiam, quæ, ut ait Joan. 1. Ep. 2. v. 16. *Non est ex Patre, sed ex mundo est;* cum tamen omnia præter peccatum fecerit. 2. Deus odio habet concupiscentiam, & nos odisse debemus, juxta monitum S. Judæ v. 23. *Odiētes eam, quæ carnalis est, maculatam tunicam; & tamen Deus nihil odit nisi peccatum. Diligis,* verba sunt Deum alloquentis Sap. 1., *omnia quæ sunt, Et nihil odisti eorum, quæ fecisti.* 3. Christus assimilatus est nobis, & per omnia tentari voluit, sed absque peccato, ut docet Ep. ad Hebr. c. 4., & hinc communes vitæ misérias omnes assumpsit: sed concupiscentiam non assumpsit, nec carnis tentationem pati voluit; ergo.

R. D. A. Concupiscentia secundum entitatem spectatæ conveniunt &c. N. secundum deformitatem sumptæ *subd.* conveniunt prædicata propria peccati proprie dicti N. prædicata communia C. Concupiscentia, item motus concupiscentiæ carnis involuntarius secundum se sumptus, sive dicatur esse in solo appetitu sensitivo, sive etiam sit prima animæ motio orta ab appetitus sensitivi motu, pure tendit in objectum sensibile ut bonum & in suo genere homini conveniens; hinc spectatæ præcise entitate tantum remote & per accidens malus dicitur: ubi vero potentia inclinatur & actus fertur in objectum sensibile intra talem speciem & circumstantias, in quibus est prohibitum; illa causaliter, hic *objective* malus dicitur, & sic secundum deformitatem spectatur: neutri tamen convenit denominatio *formaliter* mali, quia ejusmodi actio non est ex electione libera, sed indeliberata & cum passione.

Ad

Ad Prob. 1m. D. Deus non fecit concupiscentiam quoad entitatem N. quoad deformitatem subd. positive, hoc sensu, quod non fuerit auctor peccati, cujus concupiscentia est effectus C. negative, hoc sensu, quod hominem propter peccatum non spoliaverit iustitia originali, quæ rebellio concupiscentiæ frænabatur, & caro spiritui perfecte subiciebatur N. Audiatur S. Aug. L. 5. cont. Julian. c. 7. Quia diabolus inobedientiam carnis diabolico vulnere contigisse, Et rursus hanc legem peccati repugnantem legi mentis a Deo esse illatam propter ultionem, Et ideo penam esse peccati: hæc inter se asseverat esse contraria. Quasi fieri non possit, ut idem malum Et Diaboli iniquitate Et Dei æquitate peccantibus ingeratur.

Ad Prob. 2. N. 2dam part. Deus odio habet non tantum peccatum, sed etiam peccatorem, ut constat ex Sap. 14., & concupiscentiam, ut asserit S. Aug. in Ps. 35. verba illa: malitiam autem non odit; sed diversa ratione: peccatum enim odit propter se, peccatorem propter peccatum, concupiscentiam ut effectum peccati originalis & causam actualis. Odium tamen concupiscentiæ, quod S. AUG. ponit in Deo, non redundet in personam, & hoc sensu TRID. Sess. 5. dixit: Deum in renatis nihil odisse. Deus enim propter concupiscentiam, quæ in renatis etiam relinquitur, non vult renatos damnare, sed potius ejus vim paulatim minuere ac totam denique tollere in iis, quos assumet ad vitam æternam.

Ad Prob. 3. D. M. Christus assimilatus est nobis & tentatus, quatenus assumpsit veram carnem & passibilem C. quatenus assumpsit omnes defectus nostros, qui etiam non sunt peccata N. Sicut nec morbos nec defectus similes, sic nec ignorantiam etiam aut concupiscentiam assumpsit, ut docet S. AUG. L. 2. de pecc. mer. C. 29. & L. 5. cont. Jul. C. 9.; tum quia hæc postrema repugnabant plenitudini gratiarum & donorum illi debitorum: tum quia ad redemptionem nostram nihil proderant, sed potius per se obesse poterant.

Inst. 4. Nulla est pœna hujus vitæ, quæ ob finem bonum expeti non possit; sed concupiscentia ob nullum finem recte expeti potest; ergo non est pœna tantum, sed culpa.

R. N. M. Ignorantia & tentationes Satanae poena peccati sunt, nec tamen nisi imprudenter & male expeti possunt. Potest quidem poenas omnes, & concupiscentiam quoque Deus ordinare ad finem bonum, uti relinquendo homini hanc passionem ad agonem & virtutis exercitium in praesenti naturae conditione facit; nullas tamen expetendas, sed duntaxat tolerandas docet S. AUG. L. 10. Conf. C. 28. *Porro concupiscentia eadem ratione expeti non debet, non quod peccatum sit, si ei non consentiatur, sed quod ad peccandum inducat, Et quod molesta sit Et gravis, Et ideo non amanda, sed toleranda sit, si debellari nequeat.*

93. *Objic. contr.* 2. S. AUG. pluribus in locis concupiscentiae tribuit per se veram rationem peccati. Nam 1. vocat ita malam, ut naturalis homini esse non possit, nec a Deo inferi; ut constet ex L. 4. contra Julian. C. 14. L. 5. C. 7. & ult. L. 6. C. 15. L. 1. ad Bonif. C. 16. & 17. &c. 2. Docet concupiscentiam non tantum esse poenam & causam peccati, sed etiam peccatum, quia, ut ait L. 1. cont. 2. ep. Pel. C. 13. *Peccandi delectatione movetur; & ut L. 5. cont. Jul. C. 3. dicit, inest illi inobedientia contra dominatum mentis.*

R. N. aff. *Ad 1um* R. Cum S. AUG. non omne malum esse peccatum; cum etiam daemones, homines nefarii; habitus vitiosi sint mali, nec tamen peccatum, ut ait L. 6. cont. Jul. C. 16. *Omni peccato baptizati carent, sed non omni malo.* Itaque distinguendum est inter malum etiam morale; aliud enim est *formaliter morale*, nempe actio libera moralis difformis legi; aliud *denominative morale*, sive sit principium vel effectus peccati, ut est potentia concupiscendi, sive sit actio difformis legi, sed non libera, uti sunt motus concupiscentiae involuntarii. Malum morale *2di generis* tantum intelligi a S. Doctore patet ex ipsis locis citatis; nam in prioribus quidem duobus concupiscentiam malam probat unice ex hoc, quod pugnet adversus continentiam: in posterioribus ex eo, quod ad peccatum impellat, & pudorem naturalem eliciat.

Ad 2dum R. D. Docet concupiscentiam non tantum esse poenam & causam peccati, sed etiam peccatum proprie & formaliter tale N. largo modo & materialiter tale C. Ad peccatum *proprie & formaliter* dictum requiebat

rebat ubique, præsertim L. de vera relig. C. 14. L. 3. de lib. arb. C. 15. aliquoties jam laudatis, voluntarium & libertatem; unde cum L. 1. oper. imperf. distinxisset inter peccatum tantum & pœnam tantum, & quod est peccatum simul & pœna, cujus postremi exemplum ponit in peccato originali; ostendit, quomodo & hoc aliena voluntate infantibus etiam sit voluntarium. Ad peccatum vero materialiter tale exigebat actionem ex se repugnantem legi, & ne sit pœna tantum, hoc est, quod quis nullo modo agit, sed duntaxat patitur; hinc juxta eundem L. 1. Retract. C. 15. actus ignorantis adhuc vocatur peccatum, ubi non est voluntas peccati, sed tamen voluntas facti: & actus ebrii malus etiam peccatum scilicet materiale dicitur, ubi nec est voluntas facti; quia saltem reipsa ponitur ab homine peccati capace, & quoad oppositionem cum lege est peccato formali similis.

Atque hac ratione conciliantur hi textus cum aliis supra relatis, quibus concupiscentia negatur esse peccatum. Confirmatur autem ex ipso locorum objectorum contextu; in 1mo enim sic ait: *Et ideo concupiscentia jam non sit peccatum, sed si vocetur, sive quod peccato facta sit, sive quod peccandi delectatione moveatur.* Ubi & negat concupiscentiam esse peccatum, & sensum exponit, quo possit peccatum intelligi, si vocetur aliqua ratione peccatum. In 2do autem dum ita loquitur: *Concupiscentia carnis est peccatum est, quia inest inobedientia contra dominatum mentis;* ex hac ipsa ratione data ostendit non esse peccatum proprium; quia hujus caro capax non est, sed mens, quæ, donec resistit, per carnis inobedientiam peccare dici nequit.

Porro cur S. AUG. concupiscentiam etiam vocaverit hic peccatum, ratio erat, ut illam ostenderet non esse pœnam tantum; quia JULIANUS ex ejus libris de nuptiis & concupiscentia, ubi concupiscentiam dixerat esse bonam, male contra S. Doctorem intulit, esse bonam & laudabilem & expetendam, quod Augustinus tum de facultate concupiscendi, tum de actu ex dictis negat.

Inst. I. S. AUG. pluribus in locis comparat concupiscentiam cum *cacitate cordis*, quam dicit esse peccatum, quo in Deum non creditur, & simul pœnam ac causam peccati.

2. Idem dicit, concupiscentiam in non regeneratis imputari in peccatum; sic enim L. 1. de nupt. & concup. C. 32.

C. 32. ait: *Hac itaque remisso peccatorum, quamdiu non fit in prole, sic ibi est lex ista peccati, ut etiam in peccatum imputetur, id est, ut etiam reatus ejus cum illo sit, qui eum tenet aterni supplicii debitorem.*

3. Idem ait in iisdem concupiscentiam habere reatum, quo homo reus fiat, ut verba ejus **L. 6.** cont Julian. **C. 17.** ostendunt: *Noseam, concupiscentiam, malam dicimus, Et manere tamen in baptizatis, quamvis reatus ejus, non quo ipsa rea erat (neque enim aliqua persona est) sed quo reum hominem originaliter faciebat, fuerit remissus atque vacuatus.*

R. ad 1um. Comparatio concupiscentiæ a **S. AUG.** frequentius instituitur cum voluntaria cæcitate seu effusione oculorum, quam cum cæcitate cordis. Quoad **primum** autem sicut cæcitas in illo casu per se & ratione sui non est peccatum, cum esse cæcum præcise non sit imputabile ad vituperium vel pœnam, sic etiam concupiscentia per se & ratione sui peccatum non est: sicut tamen illa cæcitas ratione alterius, nempe voluntariæ effusionis oculorum peccatum est, sic etiam concupiscentia ratione reatus adjuncti peccatum a **S. Doctore** dicitur. Quoad **2dum** idem omnino tenet, ac præterea notandum est, propositum **S. Augustini** eo pertinuisse, ut ostenderet, posse id, quod est pœna peccati, etiam esse peccatum sive proprie sive largo modo acceptum; quam in rem varia exempla profert, non admodum laborans, an congruant in omnibus, modo similia sint quoad id, de quo agebatur.

Ad 2dum Et 3tium D. Docet concupiscentiam imputari in peccatum & habere reatum ratione sui præcise & per se **N.** ratione alterius sibi adjuncti **C.** Nempe concupiscentia imputatur in peccatum ratione reatus, qui in non regeneratis necdum remissus, sed adhuc cum concupiscentia conjunctus est, ut ipsa verba recitata docent: *id est, ut etiam reatus ejus cum illo sit:* Habet autem sibi adjunctum reatum ratione prævaricationis **Adami** cuilibet homini moraliter propriæ, per quam homines non tantum sortiti sunt concupiscentiam tanquam pœnam, sed reatum etiam ac debitum susceperunt ad odium divinum sustinendum, donec hoc peccatum & reatus baptismo deleatur.

Porro reatus concupiscentiæ triplici modo intelligi potest. **1mus** est, quo reatus sumitur tanquam causa concupi-

cupiscentiæ, & est is, quo ipsa facta est, non quam ipsa fecit; quomodo si quis sibi eruit oculos, dicitur esse reus effossionis oculorum, non quod habere erutos oculos sit peccatum vel reum faciat, sed quod eruere sibi oculos peccatum sit & reatum faciat. Atque hac ratione a S. Aug. L. 2. cont. Jul. C. 9. explicatur: *Quamvis jam non eo modo appelletur peccatum, quo facit reum; sed quod sit reatu primi hominis factum, Et quod rebellando nos trahere nititur ad reatum.*

2^{us} est, quo reatus sumitur tanquam effectus concupiscentiæ, seu is, quem ipsa facit, si ad consensum pertrahat, ita ut homo non sit proprie reus, quia concupiscentiam habet, sed quia concupiscentiæ cedit. Huc pertinet, quod ibid. C. 5. S. Aug. dicit: *An nondum fateberis, quod reatus eorum perierit, infirmitas manserit; non reatus, quo ipsa rea fuerant, sed quo nos reos fecerant in malis operibus, quoniam nos traxerant?* His enim verbis ostendit, vitia, cum quibus nascimur, remitti in baptismo, quia reatus malorum operum, quæ concupiscentiæ assentiendo fecimus, remittitur, licet infirmitas, hoc est, concupiscentia remaneat.

3^{tius} est, quo ipse concupiscentiæ reatus formaliter sumitur, seu is, qui idem sit cum concupiscentia, aut saltem ab ipsa oriatur & in ipsa fundetur, ita, ut reus sit ipsam habens, quia ipsam habet; sicut reatus furti dicitur is, quo proprie reus dicitur, qui furtum fecit. Hac vero ratione concupiscentiæ reatum dari, aut a S. AUG. asseri negamus.

Inst. 2. Docet S. AUG. concupiscentiam remitti per baptismum; sic enim L. 1. de nupt. & Conc. C. 23. ait: *Hæc concupiscentia, quæ solo sacramento regenerationis expiatur, profecto peccati vinculum generatione trajicit in posteros, nisi ab illo Et ipsi regeneratione solvantur.* Ergo ipsa concupiscentia debet esse peccatum etiam formale.

R. D. A. Docet per baptismum remitti concupiscentiam per condonationem reatus, quo ipsa facta est, & sine quo esse potest C. condonationem reatus, qui sit ipsa concupiscentia, aut qui ex ipsa oriatur, vel in ipsa fundetur N. Juxta S. AUG. concupiscentia & peccatum Adæ moraliter nostrum faciunt unum quoddam totum, quo
1 homo

homo maculatur, & vituperio, odio Dei ac poena æterna dignus redditur. In eo *materiale* est concupiscentia, quæ per se & ratione sui est duntaxat malum, languor, infirmitas, impulsio ad peccatum: *formale* autem est reatus, non tantum poenæ, sed culpæ, ut mox dicemus, & sic peccatum Adæ moraliter nostrum moraliter perseverans.

Totum hoc dicitur manere, & hinc *concupiscentia* vocatur peccatum, quamdiu non remittitur peccatum Adæ moraliter nostrum; quia hac culpa remanente *concupiscentia* imputatur a Deo ad vituperium, odium & poenam, cum per illam moraliter constituatur in esse peccati. Culpa autem seu peccato Adæ moraliter nostro per baptismum remisso, *concupiscentia* jam solam rationem mali, languoris & infirmitatis habet, non autem peccati; quia per factam culpæ remissionem sublata est imputabilitas ad vituperium, odium & poenam.

Inst. 3. Id. ibid. C. 26. comparat reatum concupiscentiæ cum reatu adulterii: *sicut adulterium actu transit, remanet reatu; ita concupiscentia transit reatu, remanet actu.* Sed reatus adulterii est reatus, quo ipsum adulterium hominem facit reum; ergo.

R. D. M. Comparat reatum concupiscentiæ cum reatu adulterii quoad omnia N. quoad aliqua C. In eo autem stat *paritas*, quod sicut separatur reatus adulterii ab adulterio, sic a concupiscentia ejus reatus separetur. Sicut autem distinguit rationem *adulterii* a ratione *concupiscentia*, dum l. c. C. 7. & 8 concupiscentiam dicit esse similem manenti qualitati & habitui, dissimilem vero adulterio, sacrilegio & actui: sic etiam reatum utrumque ex proxime dictis multum discernit.

Inst. 4. Concupiscentia hoc ipso, quod homini inest, constituit illum reum, ut patet ex S. Aug. L. de pecc. orig. C. 39. *O'esset ista carnalis concupiscentia, etiam tantummodo quod inesset, nisi peccatorum remissio sic prodesset* Manet quippe in prole, ita ut reatum faciat originale vitium. Ergo concupiscentia per se & ratione sui est peccatum formale.

R. D. A. Concupiscentia nude sumpta hoc ipso, quod homini inest, constituit illum reum N. sumpta cum reatu culpæ, seu totum illud, quod juxta S. Aug. consti-

tuit

tuit peccatum originale integre & adæquate sumptum C. Atque de hac concupiscentia intelligendus est S. Doctor, dum concupiscentiam vocat *tale ac tam magnum malum*.

Sensus autem posterioris textus est, ut ex integri loci lectione elucescit, concupiscentiam eo ipso, quod inest, obfuturam & parentibus & infantibus, nisi renascantur per gratiam in baptismo acceptam. *Parentibus* quidem, quia, quamvis per baptismum non desinat concupiscentia, nec nisi, quando hæc vita cum immortalitate commutabitur, desitura sit, tamen per baptismum obtinentur auxilia illi annexa, quibus resistere valemus concupiscentiæ motibus ad peccandum sollicitantibus: *Infantibus* vero, etiamsi ex parentibus renatis nascantur; quia hoc non obstante in prole manet concupiscentia & simul reatus culpæ originalis per originis vitium inductus.

QUÆRES: Quid Reatus nomine intelligat S. Augustinus, cum originale peccatum asserit reatum concupiscentia?

94. R. Intelligit ipsum *peccatum habituale*, quo homo maculatus manet, & reus non tantum pœnæ, sed peccati est: sive non intelligit solum reatum pœnæ seu obligationem ad pœnam subeundam, sed reatum culpæ seu obligationem ad odium Dei sustinendum.

Constat I. ex L. I. de nupt. & Conc. C. 26. ubi cum remanentis concupiscentiæ reatum ablatum esse dixisset, adjicit: *Hoc est enim non habere peccatum, reum non esse peccati*. Quod confirmatur ex eo, quo ibidem pergens utitur, exemplo, ut probet concupiscentiæ reatum auferri: Nam, inquit, *si quispiam verbi gratia fecerit adulterium, etiamsi nunquam deinceps faciat, reus est adulterii, donec reatus ipsius indulgentia remittatur*. Habet ergo peccatum, quamvis illud, quod amisit, jam non sit, quia cum tempore, quo factum est, prateriit. Hic non de reatu pœnæ, sed culpæ sermonem esse, ipsa verba luculente elauant.

2. Ex L. I. Retract. C. 13. *Quasi vero peccatum, quod eos ex Adam dicimus originaliter trahere, id est, reatu ejus implicatos, Et ob hoc pœna obnoxioi detineri, usquam*

usquam esse potuerit, nisi in voluntate: qua voluntate commissum est, quando divini præcepti facta est transgressio. His verbis reatus culpæ a reatu poenæ evidentissime distinguitur, ita ut prior posterioris radix dicatur. Reatu peccati implicatos, Et ob hoc poenæ obnoxios. Quod contra hoc assertum difficultatem facere posset, testimonium S. Aug. L. 6. contr. Julian. C. 19., relatum jam & explicatum est num. 104.

ARTICULUS II.

Quomodo in Adamo peccaverint ejus posteri?

95. **N**ota I. Triplex circa hanc questionem sententia habetur. 1^a Est eorum, qui in posteris Adami admittunt *voluntatem interpretativam*, vi cujus hi censentur vel censi possunt causam suam sive ad bonum sive ad malum agendam Adamo commisisse, sic, ut si tunc extitissent, omnes in Adamum fuissent compromissuri, aut, ut Adamus, legem divinam transgressuri.

2^a Est communior RECENTIORUM, qui volunt posterorum voluntates moraliter fuisse translatas in voluntatem Adami per *pactum* initum, quatenus Deus Adamum caput posterorum morale instituit, ita, ut velut omnium nomine præceptum Dei vel servaret vel pro libitu violaret, & eo quidem in justitia & obedientia persistente, ejus posteri gratiam & justitiam originalem obtinerent, eo autem peccante, posteri peccato inficerentur, fierentque inimici ac invisi Deo.

3^a Est JANSENII L. I. de statu nat. Cap. 6. & 21. aliorumque, qui negant quodcunque pactum, quo Adamus tanquam caput morale posterorum fit constitutus, voluntque posteros in Adamo præcise tanquam *capite* eorum *naturali* peccasse, in quantum nempe hi omnes seminaliter, ut ajunt, contenti sunt in Adamo.

96. **N**ota II. Patroni 2^{dæ} sententiæ inter pactum pactum formale & virtuale distinguunt. *Formale* in hoc casu dicitur conventio expressa de voluntate & fortuna posterorum in voluntatem proto- parentis transferenda Deum inter & Adamum ex libero utriusque consensu inita. Quamvis

vis vero in scripturis sæpe mentio fiat de pactis a Deo cum homine initis, nullaque in ejusmodi pacto formali inconvenientia reluceat, facile tamen concedunt suffecisse virtuale. Dicitur autem hic pactum *virtuale* esse ordinatio Divina, qua Deus efficaciter decrevit, ut Adamus in ordine ad observationem vel violationem mandati de non comedendo fructu tanquam caput morale repræsentaret posterum, ea ratione, ut quod ipse faceret, censeretur etiam moraliter & imputabiliter ad culpam vel meritum fecisse posteri.

De eodem porro observant, non quidem absolute fuisse necessarium, ut hæc Dei constitutio Adamo innotesceret; cum Adamus potnerit esse persona publica & omnium voluntates in se quodammodo collatas tenere, licet ipse id nesciverit, sicut *Respublica* potest jus suum conferre in aliquem & velle ratum esse, quod is statuerit, & bini exercitus duorum armis a se delectorum de summa rei decernere, quamvis hi ignorent se hac conditione decernere, & ille nesciat Reipublicæ compromissum: re ipsa tamen hoc *virtuale pactum* Adamo innotuisse existimant; tum quia suavi Dei providentiæ & benignitati id videtur magis consentaneum, ut scilicet Adamus in re tam gravi de suo & totius posteritatis statu consultius decerneret, & a peccando magis averteretur: tum quia rectus regiminis ordo postulat, ut in negotiis gravissimi momenti officium suum ac debitum intelligant, qui omnium personam ac sortem gerunt.

97. *Dico I. Posterum non peccarunt in Adamo per hoc, quod habuerint consensum interpretativum. Prob.* Gratis omnino confingitur hæc interpretativa voluntas; tum quia, licet Deus sciverit, quid omnes Adæ posterum essent facturi aut volituri, tamen non constat, nec probabile est, quod viderit omnes approbaturus factum Adami, aut libere etiam consensuros in pactum cum illo initum; præsertim cum in præsens non desint, qui contrarium malent: tum quia hæc est differentia inter bonum & malum, quod quilibet quidem jure præsumatur consensurus in id, quod sibi bonum est, in malum autem non ita.

Conf. Deus non imputat ad culpam vel poenam id, quod aliquis tantum veller, sed re ipsa non vult; unde S. Aug. ep. 105. & L. de prædest. SS. c. 12. erroris damnatur,

tur, qui afferebant parvulos rapi ante baptismum, quia, si viverent, erant peccaturi. Ergo nec ideo peccasse in Adamo dicendi sunt posteri, quod, si tunc extitissent, in vel cum eo peccassent.

98. *Dico II.* Posterii non peccarunt in Adamo per hoc præcise, quod is erat eorum *caput naturale*. *Prob.* Quæ avis pater cujuscunque familiæ sit caput naturale suæ posteritatis, eamque contineat in lumbis suis, tamen ejus posteris non tribuitur peccatum parentis, ut patet ex Ezech. 18., & ex S. Aug. Enchir. c. 46. Ergo idem a pari dicendum de peccato Adami.

Conf. 1. Etiam in lumbis Adami continebantur posterii, quando *alia peccata* commisit, si quæ commisit: imo, quando *pœnitentiam* egit; nec tamen propterea aut alia illius peccata, aut ejusdem etiam pœnitentia nobis imputabatur; præsertim cum persona & natura maculata uno peccato, possit adhuc magis maculari alio: neque ex ipsa natura habeatur, quod peccatum potius imputetur posteris, quam pœnitentia ejusdem peccati. *Conf. 2.* Licet Adam fuerit caput naturale ad transfundendam naturam in posteros, tamen absque pacto virtuali & ordinatione Divina *justitiam originalem* non potuisset transfundere; Ergo nec potuit Adamus præcise quæ caput naturale absque virtuali pacto transfundere *injustitiam originariam* in posteros.

99. *Dico III.* Posterii peccarunt in Adamo per hoc, quod is per *pactum virtuale* a Deo erat institutus caput morale eorum ad hoc, ut, quod ipse in ordine ad observationem vel violationem mandati de non comedendo fructu faceret, censerentur posterii etiam moraliter & imputabiliter facere. *Ratio* est, quia, quamvis hæc explicatio non omnem difficultatis nodum refecet, tamen 1. melius declarat peccatum omnium nostrum in Adamo: 2. Nihil impossibile aut inconveniens continet: 3. In Scriptura & Patribus fundamentum habet.

Prob. ima pars. Tum ex oppositione ad sententiam proxime rejectam, a quo ratio *voluntarii* in peccato originali nullatenus explicatur: tum ex oppositione ad illam, quæ quidem ordinationem Dei intervenisse concedit, negat tamen vi hujus factam esse *moralem voluntatum trans-
tationem*; sine qua tamen intelligi non potest, quomodo
trans-

transgressio præcepti potuerit juste posteris imputari.

Prob. 2da pars. Sicut Respublica pupillorum voluntates in ordine ad aliquos effectus morales in voluntate Tutorum potest includere: sic Deus potuit posterorum voluntatem voluntati Adami alligare relative ad observationem vel transgressionem præcepti, unde penderet vel amisso, vel conservatio iustitiæ originalis; quæ enim in hoc implicantia major præ illo? Præterea cum magistratus civilis non habeat maiorem potestatem in civiles subditorum actiones, quam Deus tanquam Dominus absolutissimus in actiones hominum *morales*; profecto, si illa circa pupillum dispositio æquitati nullatenus repugnat, hæc etiam Dei ordinatio tanquam æquissima æstimanda est.

Denique constitutio eadem, præscindendo ab eventu, erat nobis plurimum optabilis; eo quod probabilissima spes affulgebat, Adamum tot gratiis instructum, Dei etiam, sui ac suorum amantissimum in re tantilla Deo potius obtemperaturum: in hypothesi autem peccati etiam prævisi multum nihilominus Deus nobis favit, præparando Redemptorem, quem forte denegasset Adami posteris, qui in acceptata ab eo iustitia originali non perseverassent.

Prob. 3tia pars. Fundamentum ex *Scriptura & Patribus* ostendunt omnes illi textus, qui probant peccasse posteros Adæ; cum vere & proprio dictum peccatum esse nequeat sine voluntario: voluntarium autem explicari nequeat sine pacto. Specialiter tamen

S. AUG. L. 16. de Civ. Dei C. 27. spertam pacti mentionem facit, dum in illud Genes. 17. *Delebitur anima illa de populo suo, quia pactum meum irritum fecit*, ita scribit: *Parvuli, non secundum vitæ suæ proprietatem, sed secundum communem generis humani originem, omnes in illo uno testamentum Dei dissipaverunt, in quo omnes peccarunt. Multa quippe appellantur testamenta Dei, exceptis illis duobus magnis vetere & novo, quod licet cuique legendo cognoscere. Testamentum autem primum, quod factum est ad hominem primum, profecto illud est: Qua die ederitis, morte moriemini. Ejusdem meminit*

S. HIERON. in C. 6. Osee circa illa verba: *Ipsi sicut Adam transgressi sunt pactum meum, ibi pravaricati sunt*

sunt in me. Sic enim Deum loquentem inducit paraphrase: *Ipsi autem imitati sunt Adam, ut, quod ille in paradiso fecerat pactum meum legemque præteriens, isti in terra facerent. Et ibi, hoc est, in paradiso omnes prævaricati sunt in me, in similitudinem prævaricationis Adam.* Non enim mirum, si quod in parente præcessit, etiam in filiis condemnetur. Quibus verbis non affirmat solum, Adæ posteros imitari parentem, ut Pelagiani volebant: sed in ipso etiam Adamo, & similiter, hoc est, pariter cum ipso in paradiso fuisse prævaricatos, moraliter scilicet faciendo, quod ille omnium personam sustinens faciebat: atque ideo propter illud peccatum merito condemnari. Simili ratione

S. CHRYSOST. verba ep. ad Coloss. c. 2. v. 14.: *Delens, quod adversus nos erat chirographum decreti homil. 6. in eand. ep. commentatur: Quodnam chirographum auctor intelligit? quod ad Moysen dixerant: quacunque dixit Deus, faciemus; aut id, quod fecerat ad Adam, dicens: quacunque die comederis ex hoc ligno, morte morieris.* Similia dicunt, & eodem sensu locum illum, teste Martinon, interpretantur de pacto cum Adamo inito Ambros. & Theophyl. in ep. ad Coloss. Rupertus L. 5. in Genes. c. 33. & alii.

Præterea S. AUG. illud pactum insinuat in libris contra Pelag. ut dum L. 2. de nup. & concup. C. 11. meminit violati testamenti: dum L. 1. cont. Julian. C. 6. peccatum originale vocat debitum paterni chirographi, & ex S. Chrysostomo dicit Christum invenisse chirographum paternum. Idem repetit L. 6. C. 8. alibique, ubi nomine chirographi pactum indicat. Unde falsum ostenditur, quod Jansen. l. c. C. 5. & 15. dixit, neque AUGUSTINUM neque ullum alium Ss. PP. aut veterum Scriptorum ante Doctores Scholasticos mentionem fecisse pacti, sive constitutionis, ad quam recurrunt Theologi, cum assignant causam transfusionis peccati originalis.

Objectiones.

100. *Objic. I.* Ut Deus constitueret Adamum caput morale, transferendo in ipsum voluntates posterorum, debuit id facere vi sui supremi Dominii. Sed Deus non potuit in paradiso dominium exercere in nostras voluntates,

tes, utpote non existentes; ergo. *Conf. 1.* Deus ratione *supremi Domini* potest quidem facere, ut ego libere velim; nequit tamen, imo impossibile est, ut illud, quod Deus vult, mihi sit voluntarium absque mea voluntate. Sed illa transfusio fuisset facta & volita a Deo absque mea voluntate; ergo. *Conf. 2.* Ut mihi aliquis actus sit voluntarius & imputabilis ratione *transfusionis voluntatis*, debet illa transfusio a me esse volita non quomodoconque, sed ut causa talis actus. Sic vero non est volita a nobis illa transfusio; ergo.

R. N. m. vel D. Non extiterunt physice & in se ipsis C. non extiterunt moraliter & in sua causa, Dei scilicet omnipotentia N. *Ad Conf. 1. D. M.* Impossibile est, ut illud, quod Deus vult, mihi sit voluntarium physice & elicitive absque mea voluntate seu ejus actione C. ut mihi voluntarium sit moraliter & denominative N. Posterioris voluntarii species non tantum sunt voluntarium *presumptum & interpretativum*, sed etiam *imputativum*, quod per ordinationem magistratus habetur in pupillis & amentibus, quibus actiones Tutorum ita ad quosdam effectus morales imputantur, ac si ipsi easdem posuissent. *Ad Conf. 2. D. M.* Ut mihi actus sit voluntarius physice & elicitive, debet &c. C. ut sit voluntarius moraliter & denominative, *subd.* debet voluntatis transfusio a me esse volita, si facta sit per pactum formale & per mutuum Dei & creaturarum consensum C. si facta sit per pactum virtuale & per Dei duntaxat ordinationem N.

Inst. 1. Respublica non potest pro libitu transferre subditorum voluntates; ergo nec Deus voluntates hominum.

R. D. A. Respublica hoc non potest quoad actiones morales, seu imputabiles ad meritum vel demeritum C. quoad actiones politicas, *subd.* si translatio ejusmodi non sit conveniens, nec per se, & praescindendo ab eventu, optabilis C: secus N. Praeterea *disparitas* est, quod Deus longe majus dominium habeat in creaturas, quam magistratus in subditos; Magistratui enim Deus non concessit potestatem, nisi necessariam ad gubernationem subditorum in ipsorum bonum: ad hanc autem non requiritur potestas transferendi voluntates in ordine ad actiones quasunque. Adde: a nobis proprie non institui paritatem, recte tamen inferri, quod multo magis Deus ex suprema

potestate, quam habet etiam in homines quoad effectus proprie morales, possit voluntatem unius alligare alterius voluntati.

Inst. 2. Transfusio illa voluntatum facta est a Deo dependenter a *scientia media* de futura transgressione Adam; ergo non fuit nobis optabilis, nec Deo conveniens, utpote qui sic evasisset causa peccati.

R. 1. N. A. Quia *scientia media* nec erat necessaria ad faciendam hanc alligationem, nec etiam dirigebat Deum in alligando; cum non minus id fecisset, si prævideret Adamum praecepto obtemperaturum, ac nunc cum diversa prævisione præstitit. *R. 2. N. 1^{am} Conf.* Quamvis enim, ut res dicatur optabilis vel non optabilis, debeat considerari præscindendo ab eventu & eventum consequente *scientia media*; falsum tamen est, nihil per se esse optabile, quo nos male usuros Deus prævicit: alias enim nec Redemptio humani generis esset universaliter optabilis, quia & hæc multis cedit in maiorem perniciem, juxta illud Luc. 2. v. 34. *Positus est hic in ruinam Et in resurrectionem multorum.*

Deinde etiam *N. 2^{am} Conf.* Quia hæc alligatio per se & determinate non intulit peccatum, sed tantum constituit actum primum indifferentem, sicut porrectio gladii non trahit post se suicidium, sed est indifferens ad profligendum hostem, vel ad abutendum eo in seipsum. Quia intentio Dei voluntates nostras transferentis non erat, ut Adam peccaret, sed ut sibi & posteris gratiam originalem obediendo conservaret.

Inst. 3. In hac sententia varia emergunt *absurda*. Nam 1. confunditur præceptum de non comedendo fructum cum pacto, cum tamen hæc quoad naturam & connotata differant. 2. Sequitur, animas contracturas originale peccatum, etiam si post suam creationem non unirentur corpori. 3. Non explicatur illud Apostoli: *natura filii iræ*; quia deberet dici: pacto filii iræ, si non ideo peccaverimus in Adam, quia natura nostra fuit contenta in ejus lumbis.

R. N. Aff. Et quidem *ad 1^{um}* Distinctio se satis ostendit inter præceptum & pactum; nam alligatio nostrarum voluntatum ad voluntatem Adam fuit decretum Dei.

con-

constituentis Adamum caput morale posterorum, ita, ut quod ipse faceret, censerentur etiam posterius moraliter & imputabiliter fecisse, & fuit etiam *virtuale pactum* cum Adamo de transfundenda iustitia vel iniustitia originali in posterius; præceptum vero fuit illa *lex*, quam Deus Adamo tum suo tum posterorum nomine servandam posuit.

Ad secundum N. seq. Quamvis enim *naturalis* descensus ex Adamo, vel *seminalis* nostrum continentia in ejus lumbis non constituat juxta nos originale peccatum, tamen & ad illud & ad alligationem voluntatum nostrarum præsupponitur. Propter hanc enim descensum alligati sunt posterius voluntati Adami, & ut actualiter contractum dicatur hoc peccatum, vel anima per illud maculata, requiritur etiam existentia descendantis ab Adamo. Ubi tamen omnino concedimus, si quorundam, qui non descendi erant ex Adamo, voluntas illi alligata fuisset, hi nihilominus in Adamo fuissent peccaturi.

Ad tertium N. Sumus enim *natura filii iræ*, quia nascimur odibiles Deo, & ex Adamo descendimus naturaliter, in cujus peccatricem voluntatem voluntates nostræ fuerant translatae.

101. *Objic. II.* Certum est in controversia S. AUGUSTINI cum Pelagianis circa existentiam peccati originalis potissimum horum argumentum pro neganda existentia fuisse, quod nos, tanquam necdum existentes, non potuerimus peccare; ad hoc tamen argumentum solvendum S. AUG. nunquam recurrit ad pactum & translationem voluntatum, sed ad *continentiam seminalem*; ergo nec nos debemus.

R. I. *N. Conf.* Potuit enim l. 4. op. imp. cont. Julian., ubi hoc argumentum proponebatur, S. AUG. non meminisse pacti, ne novis se difficultatibus innecteret cum, licet hanc explicationem censeamus veram, eam tamen ab omni difficultate non esse immunem, ipsi jam fassimur. Unde S. Doctor Juliano importunius inherenti recte reposuit L. de mor. Eccles. c. 22. *Quid a me queris, quo fit factum modo, cum factum constet aliquo modo, si Apostolo credis ullo modo, qui mentiri potuit nullo modo.* Et L. 3. de pecc. mer. & rem. cap. 4. *Etiamsi refellere argumenta non valeam, video tamen inharendum esse illi, qui in scriptura sunt apertissima.*

R.

R. 2. N. m. quoad 1m. part. Meminit enim ejusdem etiam contra Pelagianos, ut monitum est num. 99. Idem insinuavit omnibus illis in locis, ubi peccatum originale voluntarium asseruit. **2dam Part. D.** Recurrit ad continentiam seminalem, excludendo per illam omne pactum N. constituendo illam tanquam fundamentum, quod etiam in nostra sententia tenet, ut nuper dictum C.

Inst. 1. S. AUG. 1. c. sic respondet Julianus: *Secundum originem omnes in illo uno erant, & hi omnes unus ille erant, qui in se ipsis nulli adhuc erant. Secundum hanc originem seminalem etiam Levi tunc decimatus ostenditur, non in seipso, sed in illo, cujus insuit lumbis: nec voluit nec noluit decimari, quoniam nulla ejus voluntas erat . . . & tamen secundum rationem seminis, non mendaciter nec inaniter dictum est, quod ibi fuit & decimatus est.* Unde sic arguere licet: Eo modo in Adam fuerunt ejus posterii & peccarunt, quo Levitæ fuerunt in Abraham & decimati sunt, dum is Melchisedecho decimas dedit, ut dicitur ad Hebr. 7. v. 5.; atqui non ratione patris alicujus sed ratione solius seminis, & hinc ex natura rei, Levitæ in Abrahamo fuerunt, & propter hoc decimati dicuntur: ergo a pari.

R. D. M. Eo modo, quantum ad aliquid, fuerunt in Adam posterii ejus, quo in lumbis Abraham fuerunt Levitæ C. quantum ad omnia N. Scopus S. Augustini hic fuit ostendere, quomodo posterii fuerint in Adamo, & ad hoc affert exemplum de continentia seminali Levitarum in Abrahamo. An vero ex ipsa rei natura, vel ex eo præcise, quod quis ab altero participet naturam, quis peccet aut peccaverint posterii in Adam, an vero id moraliter contingat, supposita nempe illa *seminali continentia*, addendo adhuc pactum, nequidem tangit hic S. Doctor, nec, quia argumentum Juliani hoc nondum urgebat, tangere necesse habuit.

Inst. 2. Non requiritur major libertas ad decimandum, quam ad peccandum; sed ad libere decimandum sufficiebat *seminalis continentia* Levi in lumbis Abraham, qui personaliter decimas dedit; ergo &c.

R. N. M. *Disparitas* inter decimationis & peccati imputationem est, quod decimari sit denominatio quædam *extrinseca* adinstar dignitatis vel infamiae a parentibus profectæ,

fectæ, quæ ab hominum opinione pendet: e contrario denominatio peccati est ab interno animæ statu, & voluntarij rationem sive physicam sive moralem exigit. Nihil a dictis diversum sensisse AUGUSTINUM patet ex loco Apostoli, unde expositionem sumpsit; hic enim PAULUS probandum sumpserat Sacerdotium *Melchisedechi* præstare Sacerdotio *Aaronis* & Successorum: præcellentiam vero ostendit ex eo, quod sicut Tribus Levi dignior cognoscitur reliquis Hebræorum tribubus ob decimatum pensum, sic dignior sit *Melchisedech*, cui pater ipse Levitarum Abrahamus decimas obtulit. Ad hanc itaque denominationem inferioris in posteros refundendam recte usurpatur continentia seminalis, & quantum ad hoc decimati Levitæ dicantur; quantum vero ad libertatem decimationis pertinet, nec Apostolus, nec AUGUSTINUS, hic quidpiam edisserit.

Inst. 3. Juxta S. Aug. in Enchir. c. 26. & 48. aliisque in locis ideo peccavimus originaliter, quia fuimus in illo uno, quando omnes ille unus corripit; sed in tantum fuimus in illo uno, in quantum in eo erat *natura seminalis*, ex qua propagaremur; ergo in tantum peccavimus, in quantum fuimus seminaliter in lumbis Adæ. *Conf.* 1. S. TH. 1. 2. q. 81. a. 1. docet, quod eo modo nobis imputetur peccatum Adæ, quo modo manus homicidium a voluntate capitis commissum & imperatum; sed homicidium non imputatur manus ratione alicujus pacti aut unionis moralis, sed quia est membrum naturaliter unitum capiti; ergo. *Conf.* 2. Adamus ut caput naturale peccans non sibi tantum sed & posteris nocuit; quia dum perdidit justitiam originalem, pro nobis etiam illam perdidit, qui naturam ejus originali justitia spoliatam eramus accepturi. Sed peccasse in Adamo aliud nihil dicit, quam peccatum illius noverisse posteris; ergo.

R. D. M. Ideo peccavimus, quia in illo uno fuimus præcise naturaliter seu ex rei natura N. moraliter & in ordine ad observationem præcepti vel violationem C. Naturalis illa continentia sola non sufficiebat ad peccatum nobis imputandum, cum alias ex eodem capite alia etiam peccata commissemus, & in Adamo egissemus poenitentiam; erat itaque duntaxat præsuppositum, cui insistit unio moralis & translatio voluntatum in ordine ad hoc peccatum.

Ad

Ad Conf. 1. D. M. Ita ut comparatio præcisè instituat in unione unius cum altero C. ut ponatur etiam in modo unionis, ita ut sicut unio manus cum capite est physica & naturalis, sic etiam unio posterorum cum Adamo sit duntaxat naturalis, & habeatur unice ex natura rei N.

Ad Conf. 2. R. 1. Similiter D. M. Ut ad argumentum responsum est. Certe sicut ex ipsa rei natura non accepissemus *originalem iustitiam*, si hæc tanquam personale privilegium data fuisset Adamo; sic non ex ipsa natura ea nunc privamur, eo quod præcisè Adam illam perdidit; cum Deus eam nobis tanquam privilegium personale aut posteris naturale concedere potuisset. *R. 2. N. m.* Si enim per nocumentum intelligatur, ut solet, poena duntaxat peccati, non vero ipsum peccatum, aperte contradicit *Conc. Araus. II. Can. 2.*

ARTICULUS III.

In quonam formaliter consistat peccatum originale?

102. *Nota.* Peccatum originale passim a Theologis dividitur in originale originans & originale originatum. *Originans* actuale est illa actio Adami peccaminosa physice in paradiso posita: habituale est eadem actio moraliter perseverans in ordine ad reatum culpæ. *Originatum* actuale est illud peccatum in instanti conceptionis seu infusionis animæ actualiter contractum a posteris: habituale est idem in sequentibus instantibus perseverans moraliter. Ubi præterea advertendum, non obstarè, quod peccatum *originatum* dicatur effectus aliquis peccati personalis Adami; quamvis enim illud ut moraliter nostrum includatur ab originali originato, tamen hoc illius effectus dici potest ex eo, quod actio personalis Adami sit ratio & causa actionis malæ, quæ moraliter est posterorum; quatenus, si Adam non peccasset, neque posteris eodem peccato peccassent. De originante satis dictum; nunc de originato dicendum.

103. *Dico.* Peccatum originale est ipsum Adæ peccatum physice præteritum, prout a posteris in illo moraliter commissum, & moraliter perseverans in reatu seu debito sustinendi odium inimicitie Divinæ. *Partima prob. ex Art. priore. Conf.* Peccatum originale habet

vera & propriam rationem peccati, ut expresse supponit Trid. Sess. 5. num. 5., & est ita commune, ut tamen sit *unicuique proprium*, ut idem Conc. l. c. num. 3. asserit: sed neutrum dici potest, nisi originale dicatur peccatum Adæ physice præteritum, prout a posteris in illo moraliter commissum; ergo.

Part. 2da prob. Ex dictis n. 66. de peccato habituali mortali, cujus species aliqua est originale. *Conf.* In illo moraliter perseverat peccatum originale, quod per Christi gratiam in baptismo collatam remittitur. Sed hoc est reatus, & quidem culpæ, seu debitum sustinendi odium, ut patet ex Trident. l. c. Si quis per J. C. D. N. gratiam, quæ in baptismo confertur, reatum originalis peccati remitti negat; aut etiam asserit non tolli totum id, quod veram & propriam rationem peccati habet . . . anathema sit.

Objectiones.

104. *Obje. I.* Peccatum originale non est mera imputatio extrinseca inobedientiæ Adami; sed in nostra sententia nihil aliud foret, cum esset tantum moraliter commissum, & in æstimatione Dei extrinseca & hominum consisteret: ergo. *Conf.* 1. Actus peccaminosus ab Adamo elicitus est ejus posteris extrinsecus: peccatum originale est posteris intrinsecum, quis ex TRID. unicuique proprium; ergo. 2. Peccatum Adami est quid præteritum: originale est aliquid posteris natis præsens; ergo originale nequit esse peccatum Adæ. 3. Peccatum fuit Adæ remissum, neque moraliter amplius perseverat; ergo.

R. N. m. Rationis 2d. part. D. consistit in extrinseca Dei & hominum æstimatione subjective N. terminative solum vel objective C. subjective consistit in peccato moraliter proprio & condignitate morali ad sustinendum odium, posteris moraliter intrinseca.

Ad Conf. 1. D. M. Est physice & entitative extrinsecus, posteris C. moraliter & imputative aut interpretative N. Cum propter transfusionem moralem voluntatum peccatum Adami fuerit etiam a posteris moraliter commissum, & per reatum culpæ contrahatur ab illis ad propriam suppositum, recte etiam posteris moraliter in-

trinsecum dicitur. *Ad 2. D. M.* Peccatum Adæ est quid phyſice præteritum C. moraliter præteritum *ſubd.* reſpectu ipſius Adami, cui ſcilicet eſt remiſſum C. reſpectu poſteriorum, quibus ſi per baptiſmum necdum remiſſum eſt, adhuc moraliter perſeverat. N. Ex quo patet reſponſio *Ad 3.* Quia Adamo per pœnitentiam fuit remiſſum peccatum, quatenus fuit illi perſonale, non autem quatenus fuit peccatum originale per ipſum a poſteris commiſſum.

Inf. Ad reatum pœnæ requiritur culpa *absoluta*, & non tantum conditionate præviſa; ut certum eſt contra *Semipelagianos*: Ergo etiam ad reatum culpæ requiritur conſenſus *absolutus*. Atqui poſteri in peccatum Adami nunquam conſenſerunt *absoluto*; ergo. *Conf.* Nihil eſt culpa propria, niſi quod eſt voluntarium voluntate propria; atqui nec pactum cum Adamo, nec peccatum Adami fuit poſteris voluntarium voluntate propria; ergo.

R. *D. min. ſubſ.* Poſteri nunquam in peccatum Adæ *absoluto* conſenſerunt conſenſu phyſico & immediato C, conſenſu morali & mediato capitis N. Ad culpam *personalem* requiritur quidem conſenſus phyſicus & perſonalis, ad *originalem* autem moraliſ & imputativus ſufficit; hic vero fuit in poſteris *absolutus*, quia poſteriorum voluntates in Adamum *absoluto* translatae ſunt, & hic *absoluto* non ſuo tantum, ſed & poſteriorum ſuorum nomine conſenſit. *Ad Conf. D. M.* Nihil eſt culpa propria perſonalis, niſi &c. C. nihil eſt culpa propria originalis *ſubd.* niſi ſit voluntarium voluntate phyſice propria N. voluntate moraliter propria C. Reſponſio liquet ex haſtenus dictis.

105. *Obj. II.* Meritum Adami non fuiſſet moraliter nobis proprium, ſicut nec ejus pœnitentia nobis fuit moraliter propria; ergo nec ejus peccatum eſt nobis proprium. *Conf.* Chriſtus ſupplevit id, quod præſtituiſſet Adam, ſi loco peccati bene egiſſet; ſed meritum Chriſti non eſt nobis proprium; ergo nec fuiſſet meritum Adæ.

R. *N. A. & paritatem.* Ratio habetur ex libera diſpoſitione Dei, pactum de primo, non autem de altero facientis, quæ nobis ex Scriptura & Patribus conſtat. *Ad Conf. D. M.* Chriſtus eodem modo ſupplevit id, quod præſtituiſſet Adam &c. N. diverſo modo C. Alio nempe modo CHRISTUS fuit caput morale generis humani, quam Adamus. Licet enim is pro omnibus nobis ſatisfactionem præ-

præstiterit, hæc tamen satisfactio non est in *actu secundo* nostra moraliter, nisi applicetur nobis per voluntariam regenerationem in baptismo, aut Sacramenta alia vel ætus; unde constat, voluntates nostras non fuisse moraliter transfusas in voluntatem Christi, ut in voluntatem Adami. Hujus autem *ratio* fuit, tum quia non decebat, voluntates nostras jam infectas peccato moraliter uniri cum sanctissima Christi voluntate: tum quia conveniebat, homines adultos participes fieri meritorum & satisfactionum Christi per liberam & propriam cooperationem.

Inst. Si meritum Adæ fuisset nostrum, & meritum Christi non sit nostrum, meritum illius fuisset majoris efficaciz, quam meritum Christi; sed hoc dici nequit; ergo.

R. N. seq. M. Non enim sequitur futurum fuisse meritum Adami majoris efficaciz *de se & in actu primo*, sed tantum fore, ut pertinuisset actu ad plures, quam nunc ipso facto profit meritum Christi, non quidem ex defectu ipsius meriti, utpote infiniti & superabundantis, sed ex defectu creaturarum sibi illud applicare negligentium.

C A P U T III.

De propagatione Peccati originalis.

Duo hic exponenda suscipimus, modum scilicet, quo peccatum originale traducatur, & subjectum, in quod propagetur. Primum adeo difficile visum est S. AUGUSTINO, ut L. 5. contra Julian. C. 4. scriberet: *Hic libentius disco, quam dico; nec docere audeo, quod nescio*: Alterum GREGORIO XV. P. M. adeo obscurum apparuit, ut Philippo III. Hispaniarum Regi Ecclesiæ definitionem urgenti responderit, æternam Sapientiam nondum tanti mysterii penetralia patefecisse. Cum tamen neutrum prohibuerit, quominus S. Doctor de *modo translationis* responderet, & Ecclesiæ satis apertam de immaculata Beatissimæ Virginis conceptione sententiam ediceret; nec temeritatis etiam notam incurrere timemus, si, quæ nobis est opinio communiori consentanea, aperuerimus.

ARTICULUS I.

Quomodo traducatur peccatum originale ad Adæ posteros?

106. *Nota I.* S. Aug. l. c. duos modos explicandi corruptionem animæ ex peccato originali, & istius peccati propagationem exponit. Primus erat *ex traduce* seu ex propagatione, ita, ut sicut caro nascentium ex carne patrum, sic animæ ex animabus procreentur, & incorporeum animæ semen sua quadam & invisibili via seorsim ex parte currat in matrem, cum in fœmina sit conceptus, ut S. AUG. ep. 157. & S. Eucher. in c. 3. Genes. loquantur. Alter erat ad eorum sententiam nunc ubique prævalentem, qui dicunt animas quotidie a Deo creari, & in corpora, cum satis formata sunt, infundi. Sicut enim si flos fœtido loco inseratur, quantumvis natura sua pulcher & elegans, vitium quoddam inde labemque trahit, & sicut si anima corpori vulnerato conjungeretur, mox doleret: ita cum anima infunditur corpori, in quo germen quoddam est peccati, quia ab Adamo fuit propagatum, & fit pars hominis ex Adamo progeniti, in quo, ut in capite continebamur, peccato inficitur.

107. *Nota II.* Dubium usque ad mortem suam fuisse S. AUGUSTINUM de origine animarum liquet ex variis ejus libris. Eundem magis propendisse in eam opinionem, quæ animas *ex traduce* sentit provenire, satis colligitur ex L. 1. de anima C. 6. & L. 3. C. 7. Item ep. 166. ac L. 10. de Genes. C. 27. Atque hæc sentiendi ratio non tantum tempore S. Augustini fuit inter occidentales communis, sed & sæculo 6to, 7mo, 8no, 12mo, quin & posterioribus habuit magni nominis sectatores: opposita tamen sententia sicut olim inter orientales perpetuo viguit, sic jam pene ubique a quinque sæculis in Ecclesia Catholica est recepta; unde nec primus explicandi modus hic afferri potest, nec debet.

108. *Nota III.* JANSENIUS rejecto omni pacto tanquam commentitio & ante tempora Scholasticorum omni antiquitati incognito bina docet: *Imum*, peccatum originale ex natura rei propagari in posteros, non secus,

ac

ac subinde cæcitas, podagra, aliaque id genus parentum vitia tum affectuum, tum corporum transfunduntur in liberos: *2dum*, Causam hujus transfusionis unicam eamque physicam & necessariam esse libidinem parentum seu concupiscentiam in usu conjugii; atque id AUGUSTINUM docuisse tanquam doctrinam Catholicam, quæ si vera non sit, vanam, falsam & fallacem esse ejus de Pelagianis victoriam. Verum, ut nuper de concupiscentia vidimus, sic & hic veriores suæ explicationis auctores JANSENIUS habet Lutherum in Psal. 51. ad illa verba: *Ecce in iniquitatibus conceptus sum*; & Calvinum L. 2. Inst. c. 1. § 7.

109. *Dico I.* Libido, quacum parentes generant, non est causa per se & necessaria peccati originalis in parvulis. *Prob.* Si libido foret causa ejusmodi, ergo ubi ea esset, ibi foret peccatum originale: ubi vero ea non esset, ibi nec peccatum foret; Atqui falsum est utrumque consequens. *Imum* quidem; quia, ut ait Trid. Sess. 6. c. 3. *Nisi ex semine Adæ propagati nascerentur, non nascerentur injusti*: sed licet ex Adæ semine non nascerentur, non tamen nascerentur *sine libidine* & concupiscentia, utpote quæ ex naturali hominis temperamento exsurgit, & in statu etiam puræ naturæ fuisset.

2dum etiam; quia si parentes quoque carerent libidine in generando, nati tamen ex iis contraherent peccatum originis, cum ab Adamo descenderent, *in quo omnes peccaverunt*, nec singulari privilegio intelligerentur exempti. *Conf.* Talis libido non potest per se causare effectum alium nisi materiale, non vero spirituale in anima, aut morale: Item libido illa conjugum de se non est mala, quia alias malæ etiam essent nuptiæ.

Denique si libido esset causa peccati originalis, plus ille contraheret peccati, qui majore libidinis ardore conciperetur; cum causa necessario & naturaliter agens majorem in apto subjecto effectum producat: falsum autem est consequens, quia originale peccatum est in omnibus æquale.

110. *Dico II.* Peccatum originale non ex ipsa natura rei propagatur in posteros. *Prob.* Neque peccatum originale consistit aut totaliter aut partialiter in concupiscentia: neque per hoc præcise anima inheirit peccato, quia anitur corpori corrupto, hoc est, concupiscentia affecto; cum concupiscentia etiam maneat in baptizato; ergo

peccatum originale ex rei natura non propagatur, siquidem traductionis ex natura rei modus ista explicatione nititur.

Conf. Eo modo traduxit Adam originale peccatum in posteros, *Imo*, Quo traduxit cætera incommoda v. g. tribulos terræ, bellinarum rebellionem &c: 2do, Quo traducturus erat iustitiam, si non peccasset: 3tio, Quo Christi passio producit in nobis gratiam; *sicut*, ait enim Apost. ad Rom. 5., *per unius delictum in omnes homines in condemnationem, sic & per unius iustitiam in omnes homines in justificationem vitæ.* Atqui hæc omnia non physice & ex natura rei, sed moraliter & ex Dei ordinatione fuerunt aut fuissent traducta; ergo.

III. *Dico III.* Causa peccati originalis est voluntas Adami, & sic hoc peccatum moraliter transfunditur, supposita generatione ex Adamo facta per viam generationis ordinariam. *Prob.* Ex verbis Apostoli; *per unum hominem peccatum in hunc mundum intravit, & per peccatum mors &c.* Omnes homines nascuntur cum reatu mortis, quia omnes nascuntur peccatores: omnes autem nascuntur peccatores, quia omnes secundum moralem æstimationem peccaverunt in Adamo. Ergo mortis causa est peccatum originale: originalis peccati autem causa est Adamus. Ergo causa transfusionis peccati originalis est Adami voluntas, cui inclusæ fuerunt voluntates omnium, qui ab eo per naturalem generationem erant descensuri. Hinc TRID. l. c. *Nisi*, inquit, *ex semine Adæ propagati nascerentur, non nascerentur iniusti; cum ea propagatione PER IPSUM, dum concipiuntur, propriam iniustitiam contrahunt.*

Conf. Peccatum originale ex dictis nihil aliud est, quam peccatum Adami moraliter nostrum, quod, dum primo factum est, potest dici actuale; dum contrahitur, habituale. Ergo cum una & eadem sit causa peccati habitualis juxta & actualis, & voluntas Adami causa sit peccati originalis, ut actuale fuit & primo factum est; etiam causa dici debet peccati originalis, ut habituale est & a nobis contrahitur.

Dixi 1. *supposita generatione ex Adamo facta; quia* ex Trid. cit. *nisi ex semine Adæ propagati nascerentur, non nascerentur iniusti.* Dixi 2. *per viam generationis ordi-*

ordinariam; ut excipiat Christus, qui cum non per viam generationis naturalis, sed mirabili Spiritus Sancti opera conceptus est, non contraxit, imo ob divinitatem personæ non potuit contrahere peccatum originale. Utriusque ratio a priori fundatur in pacto & Dei ordinatione.

Objectiones.

II2. *Obje. contr. Imum. S. AUG.* licet dubius fuerit, quomodo peccatum originale a parentibus baptizatis traducatur ad liberos, tanquam Ecclesiæ tamen sententiam certam & Catholicam tenuit semper, illud traduci per concupiscentiam, & multiplici illud ratione ostendit; *Imum* patet ex L. 5. cont. Julian. C. 12. *Utrum* (concupiscentia) *malum non sit, cui repugnanti consentiendum non est: Et utrum non ex ipsa Et cum ipsa concupiscentia nascatur, cui ullum malum inesse negas: Et utrum ab ingenerato malo possit hominum quisquam sine regeneratione liberari, hoc inter nos differitur. In his questionibus Catholica veritate antiquitus tradita vestra impia novitas suffocatur.* 2dum Ostenditur ex congerie textuum & doctrina S. August., quam opposuit Jansenius.

B. Dubium S. AUGUSTINI & difficultatem explicandi ad ipsam etiam traductionem generaliter sumptam & ejus modum pertinuisse liquet ex illius verbis L. 5. cont. Jul. C. 4. recitatis num. 106. & L. de mor. Eccl. C. 22. ac L. 3. de pecc. merit. C. 4. laudatis n. 101. aliisque ex ejus ep. 29. alias afferri solitis. Unde N. *Aff. ad prob. Imi B.* Sensum esse, quod concupiscentia sumpta pro habituali inclinatione & effræni ad bona honesto repugnantia sit malum quoddam & defectus naturæ, cum quo nascimur omnes, & a quo liberamur quodammodo per baptismum, quatenus vi illius accipimus gratiam habitualem & jus ad auxilia, quibus resistamus illius motibus, & rectæ rationi subjiciamus. Hæc vero nulli Catholicorum sententiæ repugnant. Quomodo porro dicatur *ex concupiscentia* provenire peccatum, mox subjicietur.

Ad prob. 2di N. assert. Cujus falsitatem ut aperiamus, audire juvat JANSENIUM opponentem.

Opponit I. S. AUG. pro prima transfusionis radice assignat magnitudinem peccati Adami, concupiscentia totam

tam naturam inficientis & vitiantis; L. 1. de nupt. C. 32. nupt. C. 34. L. 13. de Civ. C. 3. & 15. L. 14. ibid. C. 20. & L. 2. oper. imperf.

R. 1. S. AUGUSTINUM hic non loqui de libidine parentum in generando, sed de *concupiscentia habituali* hominibus insita, & per se patet, & a Jansenio tacite conceditur, dum primam & remotam quasi radicem peccati originalis designat. R. 2. Sensus AUGUSTINI hic alius non est, quam quod peccatum illud Adæ totam naturam in deterius secundum corpus & animam mutaverit, & corpus quidem concupiscentiæ vitio infecerit, animam autem reatu ejusdem peccati: *causamque*, cur utrumque vitium traducatur ad posteros, esse naturalem generationem. Atque in his Catholicorum nemo refragatur S. Augustino. Quamvis enim generatio naturalis proprie *causa* peccati dici nequeat, cum per se tendat in productionem hominis secundum naturam & esse physicum, non autem producat moralia; tamen quia respectu animæ habet se ut *conditio* quædam ad infectionem, nomen causæ latius dictæ illi permittere non abhorremus.

Oppon. II. S. AUG. ad causalitatem concupiscentiæ in ordine ad peccatum transfundendum ostendendam aliquando utitur causandi particulis, *unde, inde, per, ex, propter, quia*; aliquando disertissimis verbis vitium ex vitio, sicut naturam ex natura propagari asserit; ergo.

R. Quod S. AUG. tam sæpe repetat, non generationem, sed *concupiscentiam* ac *libidinem* esse, quæ peccatum traducit, ratio *imò* est, quia indicare voluit causam originalis peccati non esse generationem *simpliciter*; cum hæc etiam in paradiso futura fuisset, quin tamen peccatum foret: sed generationem *ex natura corrupta*, cujus argumentum certissimum est ardor libidinis, sine quo non sanctissimi quidem conjuges generare solent.

2da est, Quia hæc traductio peccati per concupiscentiam potest intelligi fieri in sensu quodam *causali*, sed morali & congruo; quia videlicet conveniens est, ut qui generatur ex natura per peccatum corrupta & concupiscentiæ obnoxia, patiatur eandem corruptionem; quo pacto L. 3. de lib. arb. C. 20. dixit: *ut meliores Adam gigneret, quam ipse esset, non erat aequitatis.*

3^{ta} est, quia S. Doctor concupiscentiam, quæ est effectus peccati originalis, habuit pro *parte illius materiali*, unde dixit peccatum originale traduci a peccato, sicut naturam a natura; quod tamen non intelligi debet de concupiscentia, quatenus est effectus vel materiale peccati originalis: sed quatenus est *aliquis naturæ status*, a quo exemptionem ipse generans dare non potest, neque etiam Deus dedisset in statu naturæ puræ. Unde

D. 1^{am} part. Ad causalitatem generationis secundum se sumptæ excludendam, & causalitatem moralem duntaxat, vel concomitantiam libidinis ostendendam aliquando utitur particulis causandi C. ad causalitatem propriam, physicam & ex natura rei talem libidinis, utitur his particulis N. Etiam *D. 2^{dam} part.* Dicit vitium ex vitio, utrumque proprie sumendo, propagari sicut naturam ex natura N. sumendo vitium improprie pro effectu scilicet concupiscentia *subd.* dicit propagari hac sensu, quod generans ex se non potuerit dare exemptionem a concupiscentia C. quod ex ipsa rei natura & necessario sequatur in posteris concupiscentia N.

Præterea adverte per corruptionem & concupiscentiam a S. AUG. raro intelligi libidinem actualem proximorum parentum, sed concupiscentiam & peccatum Adami; quem sensum S. AUG. ep. 89. clare exprimit: *Proinde isti, si quem forte invenerint infantem non ex illius hominis concupiscentia procreatum, ipsum dicant illi damnationi non esse obnoxium.*

Oppon. III. S. AUG. causam, cur Christus noluerit naturali via generari, affert hanc: ne per concupiscentiam genitus etiam concupiscentiæ vitium seu peccatum originale ex Adamo traheret, L. 1. de nupt. C. 12. Adhæc *Pelagiani* non aliter intellexerunt sententiam Augustini de concupiscentia peccatum originale propagante: neque Augustinus abnuvit, ut videre est L. 2. cont. Jul. C. 1. Denique vana fuisset ejus disputatio contra *Pelagianos*, cum in his omnibus contra illos scriptis id unum probandum Augustinus suscepit, concupiscentiam non esse a Deo, sed ex Adami peccato, perque eam originale peccatum traduci.

R. S. AUG. in locis primo designatis tantum docet, CHRISTUM concipi noluisse *ex nuptiali concubitu*, qui natura-

turaliter fieri nequit in carne corrupta sine motu concupiscentiæ; quia noluit venire in carne peccati, sed in similitudine carnis peccati. Tametsi autem verum sit, quod, licet CHRISTUS aliunde foret capax peccati originalis, illud tamen non contraxisset, quia non fuit propagatus per naturalem viam generationis & concupiscentiæ: absurdum tamen est existimare CHRISTUM fuisse contracturum peccatum originale, si ex *nuptiali commercio* fuisset conceptus; quasi vero hypostatica unio non excluderet quodcunque peccatum: vel ex nuptiali concubitu non potuisset CHRISTUS concipi absque pudenda concupiscentia, eo nempe modo, quo in statu innocentie fuissent omnes concepti.

Quod de *Pelagianorum & Augustini* sententia additur, jam patet ejus solutio ex dictis ad oppositiones priores, ubi explicatum, quo sensu debeat intelligi, cum S. Doctor dicit, originale per concupiscentiam propagari. Disputatio tandem & victoria Augustini de *Pelagianis* reportata vel maxime versabatur in eo, quod existentiam peccati originalis, ejusque translationem in posteros apertis Scripturæ testimoniis probaverit. Certe error *Pelagianorum* a Pontificibus & Conciliis damnatus hoc uno definiebatur, quod negarent peccatum originale, h. e. peccatum Adæ transmitti ad posteros: non autem, quod hoc aut illo modo, per concupiscentiam scilicet, aut per aliud quid transmittatur, de quo ab Ecclesia nihil clare definitum fuit ante Tridentinum, quod nobis favere supra notatum est.

II3. *Objic. cont. 2d. & 3tium.* Aperte docet S. Aug. peccatum originale transmitti ad posteros, ut *podagram, malas valetudines, aliaque morbida sobolis vitia naturalia quodam operante contagio*, quæ verba sunt lib. 2. oper. imperf. lib. de nupt. c. 34. & lib. 5. contr. Jul. c. 18. Item animam peccato originali infici, ut *flos a vase vitiato corrumpitur*. Ergo peccatum originale ex ipsa rei natura propagari sensit.

R. D. A. Docet hæc faciendo comparisonem adæquatam, & quæ tum quoad rem, tum quoad modum mutuo corraspondeat N. faciendo similitudinem duntaxat quoad aliqua C. Posteros omnes ex Adamo descendentes contrahere peccatum originale, eoque animam, ut primum conjungitur corpori, infici, *dogma fidei* est, quod de-
fen-

fendit Aug. ad id explicandum usus his similitudinibus: *quomodo* contrabatur hoc peccatum & anima eo inficiatur, nec definitum erat, nec certum habuit Augustinus, cum ad mortem usque fluctuaret circa veram animæ originem; unde hæ similitudines ab illo allatæ modum transfusionis certam, multo minus physicum, stabilire non possunt.

Inst. Adam non est *causa moralis*, sed *physica* nostri peccati, quod generatione traducitur; quia juxta S. THOM. in 2. dist. 20. q. 2. art. 3. ad 3. actio Adæ non est supra naturam ad demerendum, sicut actio Christi ad merendum. *Conf.* Admitti non debet opinio, qua posita peccatum non nisi moraliter transfunditur; talis est nostra; ergo.

R. D. Adam non est causa moralis, sed *physica* peccati originalis formaliter sumpti N. materialiter sumpti *subd.* non est causa moralis sed *physica*, hoc sensu, quod ex ipsa rei natura transfundat peccatum materialiter tale, ac seposito pacto divino N. hoc sensu, quod supposito pacto per generationem, & sic quodammodo *physicè* illud transmittat C. Plus non videtur intendere S. THOMAS, qui concupiscentiam statuit tanquam materiale peccati originalis, ut ex ipsa ratione adjuncta colligitur.

Ad Conf. D. M. Non est admittenda opinio, ubi peccatum transfunditur tantum moraliter quoad rem transfusam & modum transfundendi C. ubi tantum quoad modum moraliter transfunditur N. Primum ex eo esset periculosum, quia videretur insinuari peccatum nobis *intrinsece* non communicari: alterum vero hoc minime dicit, licet hoc peccatum cuilibet *intrinsecum* statuat eatenus moraliter nobis communicari, quatenus dicimus supposito naturali descensu ex Adamo, ab eodem propagari in nos peccatum ex eo, quod in illo tanquam in *capite morali* juxta pactum divinum peccaverimus.

ARTICULUS II.

An peccatum originale propagetur ad omnes homines?

II4. *Nota I.* Aliud est peccasse in Adam, aliud peccatum originale contrahere. *Peccavit in Adam*, cujus voluntas fuit inclusa pacto, quando Adam peccavit:

catum originale contrahit, qui actualiter descendens ex femine Adami generatur sine gratia remissiva; quia peccatum contrahere requirit statum personæ & carentiam remissionis, supposito, quod peccaverit. Unde qui peccavit in Adam, habet debitum proximum contrahendi originale, non tamen contrahit, si anima in instanti productionis accipiat gratiam sanctificantem.

II5. Nota II. Constat *imo*. Christum Dominum, qui Spiritus S. virtute sine semine viri in B. Virginis utero conceptus fuit, caruisse peccato originali. *2do*. Non habituros peccatum originale, qui, aut potius, si qui ex Adamo minime per generationem carnalem descenderent. *3tio*. Deum potuisse speciali privilegio aliquem a communi lege peccandi in Adam, aut contrahendi peccatum, si peccavit, excipere. *4to*. Temerarium esse de aliquo asserere, quod de facto Deus aliquem tanto privilegio donaverit, nisi faveat vel scriptura, vel traditio & Ecclesiæ auctoritas.

Hinc circa præsentem quæstionem, quæ facti est, duplex oritur difficultas. *Ima* est Catholicorum cum *Calvino* L. 4. Inst. C. 16. §. 24. & 25. &c. *Zwinglio* L. de Bapt. & in declar. de pecc. orig., aliisque horum sectatoribus etiam modernis, qui contendunt peccatum originale vel non communicari, vel saltem non imputari *filiiis Fidelium*, sed hos etiam ante Baptismum sanctos esse & membra Ecclesiæ: *2da* est Catholicorum cum Catholicis, quorum aliqui contra reliquos B. *Virginem* labe originali infectam fuisse sentiunt. Articulus præsens primæ quæstionis solutionem, secundæ sequentes dabunt.

II6. Dico. Etiam *filii Fidelium* contrahunt peccatum originale, quod ipsis sicut & cæteris imputatur, nisi ab eo per baptismum mudentur. Est de fide, ut constat ex Trid. Sess. 5. Can. 4.

Prob. I. Ex SCRIPTURA. Quia David de se, & Paulus tum de se, tum de aliis, etsi uterque natus esset ex parentibus fidelibus, fatebantur peccati originalis labem, Ps. 50. *Eccē in iniquitatibus conceptus sum &c.* Ad Ephes. 2. *Eramus natura filii iræ, sicut & cæteri.* Quibus adde Pauli testimonium universale ad Rom. 5.

II. Ex TRADITIONE apud Patres, ex quibus a Bellarm. lib. 4. de amiss. gr. cap. 14. pluribus laudatis vel
unus

unus audiatur Augustinus, quilib. 2. de pecc. merit. cap. 25. *Explicent, inquit, etiam quomodo justum sit, ut sancti ex fidelibus & immundi ex infidelibus nati, pariter tamen, si baptizati non fuerint, regnum Dei non permittantur intrare. Quid ergo illis ista sanctitas prodest?* Et lib. 2. de pecc. orig. cap. 40. *Sic igitur five reus infidelis, five absolutus fidelis non generat absolutos uterque, sed reos: quomodo non solum oleastri, sed etiam olea semina non oleas generant, sed oleastros.* Apud Pontifices & Concilia, inter quos Siricius in ep. 1. ad Himer. cap. 2. & Conc. Araus. II. Can. 2. clara testimonia ferunt: apud Fideles, quorum sensus & usus Ecclesie tum ex solitudine procurandi prolibus periclitantibus baptismum, tum ex ceremoniis in horum baptismo constanter adhibitis manifeste elucet.

III. *Ex RATIONE.* Quia seclusa speciali preservatione omnes illi contrahunt peccatum originale, & nascuntur eum reatu peccati, qui peccaverunt in Adamo, ut hactenus ostensum est. Atqui omnes teste Apostolo etiam fidelium filii peccaverunt in Adamo; ergo.

Objectiones.

II7. *Objeic.* Genes. 17. Deus Abraham sic loquitur: *Statuam pactum meum inter me & te, & inter semen tuum post te in generationibus suis fœdere sempiterno, ut sim Deus tuus & seminis tui post te.* Ex quo sic arguitur: Per hoc pactum Abraham omnesque ejus posterii pertinent ad Deum, ejusque amici constituuntur; atqui hoc pactum per Christum pertinet ad omnes fideles, eorumque filios: ergo per illud vel a peccato originali munda sunt, vel illud ipsis saltem non imputatur, quia amici constituuntur, atque ad Deum pertinent.

Conf. Sap. 8. ait de se Salomon: *Sortitus sum animam bonam, & veni ad corpus incoinquinatum.* Sed ubi anima a nativitate bona est, & corpus incoinquinatum, nullum est peccatum originale; ergo.

R. D. M. Pertinent omnes ejus posterii ex hoc præcise, quod nati fuerint secundum carnem ex Abraham N. ex eo, quod ipsi servarint leges hujus pacti, aut hæc in illis fuerint servata C. Masculus, cujus præputii caro non
cir-

circumcidebatur, ad pactum illud non pertinebat, ut ibid. Dominus dicit. Quod autem pro Hebræis erat *circumcisio*, hos pro Christianis est *baptismus*; unde fidelium filii non hoc ipso, quod sint fidelium filii secundum carnem, pertinent ad pactum & populum Dei, sed per baptismum modo incipiunt deputari in semen, ac in foedere contineri, ut Aug. L. 1. de pecc. merit. C. 27. disertis verbis inquit: *Quoniam de ovibus Christi esse non incipiunt parvuli, nisi per baptismum; profecto si hoc non accipiunt, peribunt.*

Ad Conf. R. Sensum Salomonis esse, nactum se fuisse animam præclaris dotibus instructam, eumque, cum *magis bonus* esset, ut addit, seu crescente ætate consecutum fuisse corporis munditiam; qua interpretatione a plurimis allata stante nihil adjumenti Calvinistis contra nos accedit.

Inst. 1. Apostolus 1. ad Cor. 7. scribit: *Sanctificatus est vir infidelis per mulierem fidelem, & sanctificata est mulier infidelis per virum fidelem: alioquin filii vestri immundi essent: nunc autem sancti sunt.* Ergo fidelium filii peccato originali carent.

R. N. Conf. Eo enim modo dicuntur filii sanctificati, quomodo vir aut mulier infidelis, quos tamen nemo dixerit per conjuges fieri immunes a peccato. Ita vero vocantur, tum quia *matrimonium* inter ejusmodi conjuges adhuc est legitimum in Ecclesia Christi, & propter unius ad fidem conversi dignitatem morali quadam sanctitate consecratur: tum quia conjux infidelis per fidelem est sanctificatus *in spe* aut destinatione, hoc est, a fidei destinatus & adducendus ad fidem & sanctitatem. Ob easdem rationes etiam filii sancti sunt, nempe quia legitimi sunt juxta leges Ecclesiæ, cum *filii fidelium* tales duntaxat sint secundum leges civiles: item quia destinati ad baptismum & sanctitatem veram; quæ destinatio non est tantum actualis in mente parentis fidelis, sed quasi habitualis, & annexa ipsi statui parentis Christiani, qui filios non generat, nisi consecrandos Christo.

Inst. 2. TERTULL. L. de anima C. 39. ait: *adeo nulla ferme nativitas munda est, utique Ethnicorum.* Dein subjungit, *ex Christianis nasci mundos.* His adde ejus dicta L. de baptismo, ubi vult baptismum differendum usque

usque ad ætatem adultam, dicens: *quid festinat innocens ætas ad remissionem peccatorum?*

R. Oppono primum textum S. AUG. num. priorē laudatum. Deinde addo TERTULLIANUM se ipsum ibid. explicantem. Immundos enim vocat Ethnicorum filios, quia illis etiam ante nativitatem adhibentur ritus superstitiosi & proles natæ destinantur diabolo. Tum exponens locum Apostoli cit. dicit: *Quasi designatos sanctitati, ac per hoc etiam salutis, intelligi volens fidelium filios; alioquin meminerat Dominica definitionis: nisi quis renatus fuerit Et.* Cap. 40. autem hæc habet: *Ita omnis anima eousque in Adam censetur; donec in Christo recensatur: tamdiu immunda, quamdiu recensatur; peccatrix autem, quia immunda.* Ad ea, quæ adduntur ex L. de baptismo, responſionem vide n. 81.

II8. Obj. II. Peccatum originale non tantum ut personale Adami, sed etiam ut moraliter nostrum jam est remissum a Deo, ex eo, quod Christus nos redemerit, ut Paulus indicat ad Coloss. c. 2. v. 14. *Delens quod adversus nos erat, chirographum decreti, quod erat contrarium nobis, Et ipsum tulit de medio, affigens illud cruci.* Ergo, quamvis illud ad omnes non pertineat, spectabit saltem ad fideles & fidelem filios.

R. I. D. A. Remissum est in actu primo proximo C. in actu secundo N. Deus habuit velut remotam voluntatem remittendi peccatum, quando dedit Redemptorem; voluit enim remittere, si Christus satisfaceret: posita præscientia de satisfactione Christi futura est in Deo voluntas velut proxima remittendi, quæ tamen non est voluntas actu remittens, sed spectat ad actum imum; est enim permissio remittendi, quando & quomodo Christus voluerit, & simul est concessio, qua Deus Christo dedit potestatem actu remittendi. Nam Christus quidem pro nobis satisfecit, & satisfactionem pro nobis obtulit; hæc tamen non est nostra nec personaliter, nec physice, nec moraliter: cum Christus nec nomine nostro, nec in persona nostra, nec cum alligatione voluntatum nostrarum ad suam voluntatem, sed nomine suo proprio pro nobis satisfecerit.

Quia ergo satisfactio non est nostra, per eam peccatum nostrum non tollitur formaliter: sed Christus accepit potesta-

testatem omnibus a se redemptis peccatum remittendi actualiter, & remittit etiam cuius posita conditione baptismi vel poenitentiae. Itaque Christus *delevit chirographum*, quatenus, qui per illud debitores eramus absolute, nunc debitores sumus sic, ut per Christum possimus accipere gratiam: non tamen abolitum est chirographum totaliter, sed Christus illud tulit, affixitque cruci, & factus Dominus chirographi, factus est Dominus debiti, qui potest a nobis exigere & remittere debitum: illud tamen ideo tulit, quia vult nobis debitum remittere.

R. 2. N. Conf. Quæ si tenet, extendenda est ad omnes, & sic nitium probat; facta enim restrictio sapit Calvini & Jansenii hæresin de morte Christi pro salute duntaxat fidelium aut electorum.

Inst. Nemo potest transmittere id, quod non habet. Parentes baptizati non habent amplius peccatum; ergo.

R. D. M. Nemo potest transmittere per modum causæ id, quod non habet T. per modum conditionis, quæ posita vel non posita sit vel, non sit transmissio N. Generatio nempe naturalis *conditio* est ejusmodi, ut d. s., & hæc habetur tum in baptizatis, tum in infidelibus. Dixi *Transfert*; quia hæc sunt Augustini verba L. 3. de pecc. mer. C. 9. *Potuerunt parentes transmittere, quod ipsi minime habuerunt, non solum sicut frumenta paleam, & præputium circumcisis, sed etiam, quod & vos dicitis, fideles infidelitatem in posteros trajiciunt.*

ARTICULUS III.

An Beatissima Virgo contraxerit peccatum originale?

119. **N**ota I. In hominis generatione duo distinguuntur. *Imum* est conceptio seminis ac prima inchoatio foetus postea organizandi, dum sit idoneus animæ, vocaturque conceptio materialis & imperfecta: *2dum* foetus humani animatio, quæ sit eo instanti, quo anima rationalis a Deo creatur, creando infunditur, & unitur corpusculo infantis, vocaturque conceptio formalis & perfecta. De *prima* conceptione hic non agitur; tum quia per illam nondum existit filius Adam, qui contrahere dicatur pec-

peccatum: tum quia in illa necdum adest anima, cujus voluntas est subjectum, cui originale æque ac alia peccata inhzrent: undè an illa cum Ss. Patribus quibusdam dicenda sit immunda & subditâ peccato ob generantium concupiscentiam aliasque imperfectiones, an non? hic non disputatur. De altera itaque, *formali & perfecta* sermo est, dum quæritur an B. Virgo in conceptione sua fuerit sanctificata vel non? ubi sicut non quæritur, an anima Bmæ Virginis fuerit sanctificata, antequam uniretur corpori: sic nec satisfit dicendo, eam esse sanctificatam ante natiuitatem, sed tamen aliquando post conceptionem. *Controversia* enim est de primo instanti creationis & infusionis animæ in corpus, an scilicet tunc ex speciali Dei gratia intuitu meritorum Christi a macula peccati originalis fuerit præservata, an vero contaminata? Atque hoc sensu Ecclesia Catholica colit & celebrat festiuitatem Conceptionis Bmæ Virginis, ut declaravit ALEX. VII. in Decreto An. 1662.

120. *Nota II.* De hac controversia jam a sæculo XIII. in scholas inducta, posterioribus autem magna partium utrinque contentione agitata ediderunt plures Pontifices decreta & constitutiones; & quidem Sixtus IV. an. 1483. quæ incipit: *Grave nimis.* Pius V. an. 1570. quæ incipit: *Super speculam.* Paulus V. an. 1616. quæ incipit: *Regis Pacifici.* Gregorius XV. an. 1622. die 24. Maji, quæ incipit: *Santissimus.* Et die 28. Julii, quæ incipit: *Eximii.* Alexander VII. an. 1662. edidit decretum, cui titulus: S. D. N. Alexandri VII. *Innovatio Constitutionum & decretorum in favorem sententia asserentis, animam B. M. Virginis in sui creatione & in corpus infusione a peccato originali præservatam fuisse, editorum.*

Ab his *primo* universim sub pœnis & censuris prohibitum est tum negantibus tum affirmantibus immaculatam Bmæ V. conceptionem, ne quis opinionem contrariam tenentes asserat hæreticos, aut peccare mortaliter; ubi tamen observare juvat motiva prohibitionis. Vetatur siquidem hæreseos aut peccati mortalis damnare negantes, quia nondum ab Ecclesia & Sede Romana decusum est, B. Virginem sine labe conceptam esse: vetatur damnare affirmantes, quia festum de immaculata conceptione ordinatum

tum est, & celebratur a Romana Ecclesia; quorum *immo* nihil, *adum autem* multum probabilitatis addit sententiæ.

Deinde a SIXTO quidem & PRO permissum erat utrique parti privatim & publice proponere & defendere suam sententiam: prohibitum vero, ne id fiat publice, parti neganti a PAULO: quin altum tandem silentium omnibus conceptioni immaculatæ adversantibus impositum fuit a GREGORIO & ALEXANDRO, exceptis tamen *PP. Dominicani*, quibus Pontifex prior in 2da sua constitutione adhuc concessit, ut in privatis eorum colloquiis seu conferentiis, sed inter se duntaxat & non inter alios aut cum aliis, de hac materia differere & tractare possent.

Denique sententia affirmantium a Pontificibus omnibus vocatur pia; pium etiam laudabile & devotum declaratur ab ALEXANDRO, juxta hanc sententiam colere B. Virginem: Cautum demum ab eodem fuit sub propositis poenis ac censuris, ne hæc sententia quovis excogitabili modo & sub quocunque prætextu impugnaretur.

121. *Dico.* Beatissima Virgo Maria non contraxit peccatum originale; sed in primo creationis & infusionis animæ suæ in corpus instanti fuit per gratiam justificantem sanctificata & a peccato originali præservata. Ita præter paucos reliqui Doctores & Fideles communissime omnes. Argumentorum pro hoc privilegio cum pleni sint & Theologorum & Concionatorum & Ascetarum libri, pauca duntaxat hic delibabimus.

Prob. ex SCRIPTURA I. Negative. Quia scriptura B. Virgini hoc privilegium non negat in particulari: neque etiam negat locutionibus generalibus; sicut enim sub ejusmodi locutionibus de peccato actuali, 2. Paral. 6. v. 36. Eccl. 40. v. 1. Jac. 3. v. 2. &c. non comprehenditur, sic nec in iisdem de peccato originali continetur, ut ex Conciliis, Patribus & Pontificum decretis constat.

II. Positive. Quia tum Ecclesia, tum Patres de B. Virgine exponunt scripturas, quæ immunitatem ab omni prorsus labe indignant. Talia sunt Genes. 3. v. 15. *Inimicitias ponam inter te & mulierem . . . Ipsa conteret caput tuum.* Job. 3. v. 9. *Expectet lucem, & non videat, neque ortum surgentis aurora.* Pl. 45. v. 5. *Sanctificavit tabernaculum suum Altissimus.* Pl. 85. v. 37.

Thro-

Thronus ejus sicut sol. Cantic. 2. v. 2. Sicut lilium inter spinas, sic amica mea inter filias. C. 4. v. 7. Tota pulchra es amica mea, & macula non est in te. v. 12. Hortus conclusus: fons signatus. C. 6. v. 9. Quæ est ista, quæ progreditur quasi aurora confurgens, pulchra ut luna &c. Prov. 8. v. 22. Dominus possedit me ab initio viarum suarum.

Quamvis enim ex sensu spirituali non habeatur argumentum plene efficax, supposito tamen sensu & explicatione Ecclesiæ multum probat; quod hic sufficit, ubi non agitur de dogmate fidei aut veritate definita. Accedit, quod B. Virgo dicatur *gratia plena: benedicta inter mulieres: & de se pronuntiet: Fecit mihi magna, qui potens est;* quibus verbis cum juxta fidelium omnium & D. THOMÆ etiam expositionem contineantur aut nitantur privilegia omnia & dona gratiæ, quæ secundum rectam rationem decent Matrem Dei: immunitas autem a labe originaria eam vel maxime decuerit; sequitur & hoc privilegium inde confirmari.

Probatur ex ECCLESIÆ AUTHORITATE. I. Ex Concilio. BASILEENSE sic Sess. 36. statuit: *Doctrinam illam, asserentem gloriosam Virginem Dei genitricem Mariam præveniente & operante Divini Numinis gratia singulari nunquam actualiter subjacuisse originali peccato, sed immunem semper fuisse ab omni originali & actuali culpa, sanctamque & immaculatam, tanquam piam & consonam cultui Ecclesiastico, fidei Catholicæ, rectæ rationi & sacræ scripturæ ab omnibus Catholicis approbandam, tenendam, & amplexandam definimus & declaramus, nullique de cætero licitum esse in contrarium prædicare & docere.* Quamvis vero hæc definitio non habeat auctoritatem Concilii Oecumenici, ut ex historia constet: maximi tamen est ponderis; tum quia hoc decretum confecerunt viri plures doctrina conspicui: tum quia illud Academia Parisiensis suis Alumnis solemni juramento imposterum perpetuo confirmandum proposuit: tum quia illud quoad ipsam doctrinam a Conciliis subsequenter ac Summis Pontificibus nunquam reprobatur, sed potius confirmatum fuit.

TRIDENTINUM sess. 5. in fine Decreti de peccato originali hæc adjicit: *Declarat hæc ipsa Sancta Synodus non esse*

esse sue intentionis comprehendere in hoc decreto, ubi de peccato originali agitur, beatam & immaculatam Virginem Mariam Dei genitricem; sed observandas esse Constitutiones felicitis recordationis Sixti Papæ IV. sub penis in eis constitutionibus contentis, quas innovat. Circa quod duo observanda sunt. Imum, hanc additionem esse genuinam ipsius Concilii, licet ea in multis editionibus ante an. 1564. non legatur: 2dum, Commune ferme omnium ad hanc quæstionem examinandam deputatorum suffragium fuisse pro definienda immaculata conceptione; abstinuisse tamen pro hac vice ad instantissimas preces paucorum Episcoporum & Doctorum Dominicanorum.

II. Ex Pontificum decretis. Omnia enim num. prærelata favere sententiæ piæ & ipsa verba docent, & in ejus favorem edita Alex. VII. declarat. Præterea in iisdem decretis, item in Bullis Sixti IV. an. 1476. Innoc. XII. an. 1693. & Clem. XI. an. 1708. ad festum Immaculatae Conceptionis (quod teste Suarezio Ecclesia Græca jam ante annos mille, Latina ante quingentos celebrare cœpit) solemni ritu per universam Ecclesiam Romanam celebrandum Pontifices hortantur fideles, indulgentiis concessis invitant, & sub mortali obligant; unde sic arguitur: Ecclesia non potest suadere, approbare, multo minus præcipere *cultum superstitiosum*, seu talem, qui habeat objectum falsum; quia juxta S. Aug. L. de mend. c. 20. omnis falsitas in materia religionis est perniciosa, & juxta Lactant. L. 4. Inst. C. 29. superstitio est cultus falsi, sicut religio est cultus veri. Sed Ecclesia approbat, suadet & præcipit cultum Immaculatae Conceptionis; ergo hic cultus non potest esse falsi, & hæc falsa.

Conf. Ex S. Th. p. 3. q. 27., ubi a. 1. sic pro sanctificatione B. Virginis in utero materno argumentatur: Ecclesia celebrat Nativitatem B. Virginis. Non autem celebratur festum in Ecclesia, nisi pro aliquo sancto. Ergo Beata Virgo in ipsa sua nativitate fuit sancta. Fuit ergo in utero sanctificata. Simili autem modo argumentari licet pro sanctificatione Beatissimæ in instanti infusionis animæ in corpus, seu animationis, de qua celebratur festum ex dict. n. 119.

III. Ex favore Ecclesiæ & sensu Fidelium; quorum prior constat tum ex hætenus dictis, tum ex instituta Religione

ligione in honorem ejusdem immaculatæ Conceptionis, in cujus Regula C. 3. dicitur *animam Virginis a primo instanti creationis fuisse sanctam*, quamque regulam & institutum probarunt Julius II. Leo X. & Alex. VI. Posterior autem negari a nullo potest; tum quia pro pia sententia paucissimi exceptis stant *Doctores & Academia omnes*; Item *Ordines Religiosi*, si forte unum excipias, cuius tamen nec omnes alumni contrariantur: tum quia a ducentis saltem annis fideles utriusque sexus pro ea tanquam pro aris & focis certant, & festum maxima devotione peragunt.

Prob. ex SS. PATRIBUS. Eorum testimonia quatuor in ordines Suarez Tom. 2. in 3. p. Disp. 3. Sect. 5. dispescit. I. Continet ea, quæ *speciatim* de Virgine & peccato originali loquuntur. Sedulius L. 2., Paschalis de mirac. Christi sic in principio canit: *Et velut in spinis mollis rosa surgit acutis, nil, quod lædat, habens, matremque obscurat honore: Sic Evæ de stirpe, sacra veniente Maria, Virginis antiquæ facinus nova Virgo piaret.* Joan. Damascen. in orationibus de Nativ. & Assumptione Virginis multa habet de immaculata ejus Conceptione. Exempli gratia unum sufficiat Or. 1. de Nativ. *Natura gratiam antevertere ausa non est, sed tantisper expectavit, dum gratia fructum suum produxisset.* Laur. Justinian. L. de casto connubio Verbi & animæ c. 7. Quotquot, ait, *ex ipsa nati sunt propagine, exceptis duntaxat mediatore Christo Jesu & ejus Matre, sub hac peccati lege sunt conditi.*

II. Ea complectitur, quæ *generaliter & absolute* enuntiant B. Virginem ab omni culpa immunem. Huc pertinet S. Cyprian. L. de Cardin. Christi Op. Cap. de Nativ. Christi, ubi de B. V. ait: *Non sustinebat Justitia, ut illud vas electionis communibus lassaretur injuriis; quoniam plurimum a cæteris differens natura communicebat, non culpa.* S. Ambr. ser. 22. in Ps. 118. ad illa verba: *Quare servum tuum Domine: sic inquit? Suscipe me, non ex Eva, sed ex Maria, ut incorrupta sit Virgo: sed Virgo per gratiam, ab omni integra labe peccati.* S. Hier. in C. 10. Eccl. dicit B. Virginem fuisse *liberam omni peccato & omni cortice peccati.* Omitto alia, ut locum habeat luculentissimum S. Augustini testimonium, qui L. de nat. & gr. C. 36. ita scribit: *Excep-*

pta sancta Virgine Maria, de qua propter honorem Domini nullam profus, cum de peccatis agitur, habere volo quaestionem. Inde enim scimus, quod plus gratia ei collatum fuerit ad vincendum omni ex parte peccatum, qua concipere ac parere meruit eum, quem constat nullum habuisse peccatum.

Hoc autem testimonium pertinere etiam ad peccatum originale & non tantum actuale, liquet 1. ex scopo totius libri, quo de peccato generatim tractat, ut neminem, nec infantes, sine peccato esse concludat: 2. ex *natura exceptionis*; quia non unam Virginem, sed infantes etiam excipere oportuisset, si de actuali duntaxat peccato enuntiasset: 3. Ex *ipsis verbis & rationibus* excipiendi sigillatim ponderatis: 4. ex *connexione doctrinae*. Docuerat enim AUG. impossibilitatem moralem abstinendi ab omnibus & singulis venialibus profluere ex peccato originali: ergo cum concedat immunitatem a veniali actuali, supponit ei non fuisse negatam immunitatem ab originali. Sic enim L. 5. contr. C. 9. ait: *Propterea nullus est hominum prater ipsum Christum, qui peccatum non fecerit grandioris aetatis accessu; quia nullus est hominum prater ipsum, qui peccata non habuerit infantilis aetatis exortu.* Sed in priori excipitur B. Virgo, ut aliter sentientes etiam concedunt ex l. de nat. & gr.; ergo & in posteriori.

III. Habet ea, quibus *spiritualis puritas* per varia elogia Beatissimæ tribuitur. Sic Origines hom. 1. ex variis illam vocat *immaculatam & dignam matrem digni & immaculati filii*: Theodor. L. 3. in Cant. *puritate Cherubim & Seraphim antecellentem*: Greg. Neocesar. in exposit. salut. Ang. *prorsus impollutam corpore & spiritu*: Sophron. in Conc. sexto Act. II. *ab omni contagione corporis, animæ & mentis liberatam*: Patres Conc. septimo Act. 3. *immaculatam & omni sensibili & intellectuâli natura puriorem*: S. Ephrem in Or. ad B. V. & PP. Conc. Francof. in Ep. ad Episcopos Hisp. *immaculatam prorsusque puram.*

Denique IV. comprehendit ea, quibus vel *omnem gratiam* aliis collatam, Virgini *perfectiori modo* datam, vel per ipsam originale peccatum & dæmonis imperium destructum significatur. Horum testes Irenæum, Cyrilum,

lum, Augustinum, Epiphanium aliosque laudatos vide apud Suarez.

Prob. ex RATIONE. Argumentum Scoti in 3. dist. 3. p. 7. fuit hoc: Deus potuit facere, quod ipsa (B. V.) nunquam fuisset in peccato originali: potuit etiam fecisse, ut tantum in uno instanti esset in peccato: potuit etiam facere, ut per tempus aliquod esset in peccato, & in ultimo instanti illius temporis purgaretur. Quod autem horum trium possibilium factum sit, Deus novit. Si authoritati Ecclesiæ vel Scripturæ non repugnet, videtur probabile, quod excellentius est tribuere Mariæ, scilicet ut nunquam fuerit in peccato originali, quod excellentius est. Argumentum alterum fundatur in axioma S. Anselmi L. de Concept. Virg. c. 18. dicentis: *Decuit Virginem ea puritate nitere, qua major sub Deo nequit intelligi.* Inde enim est illud: Potuit Deus B. Virginem a peccato originali servare: Decuit eam a peccato originali servari immunem: ergo & Deus servavit. Hæc tamen a perfectiore excellentia vel a rei decentia desumpta argumenta videntur pluribus probare nimium, necessitatem nempe absolutam immaculatæ Conceptionis, nec omnino convenire cum iis, quæ in Tract. de Incarn. de necessitate Incarnationis dici consueverunt.

Hinc aliis probatur ratiocinium ex S. THOM. part. 3. quæst. 2. art. 1. & 4. secundum quem rationabiliter creditur, quod Beatissima Virgo ex eo, quia *Mater Dei* fuit, præ omnibus aliis majora privilegia accepit, nec ullum peccatum actuale seu morale seu veniale commisit, cum, si peccasset aliquando, non fuisset *Mater Dei* idonea; 1. quia honor, & ex opposito ignominia parentum redundat in prolem ex cap. 17. Prov. 2. Quia singularem affinitatem habuit ad Christum, cujus juxta 2. Cor. 6. nulla est conventio ad Belial. 3. Quia singulari modo Christus in ea habitavit, cum tamen Sap. 1. dicatur in malevolam animam non introire Sapientiam, nec habitare in corpore subdito peccatis. 4. Quia alias in ea non impleretur illud Cant. 4. *Tota pulchra es, & macula non est in te.*

Nam & ob easdem rationes rationabiliter creditur B. Virginem in primo animationis instanti fuisse sanctificatam; cum Joannes & Jeremias sanctificati sint in utero,

& Angeli, Adam item & Eva in primo creationis momento præditi gratia: præterea vero magis inquinaret, conjungeret cum Belial, animam & corpus subderet peccato, ac deformaret B. Virginem originali labes prælevissima veniali.

Objectiones.

122. *Obj. I.* Eccl. 7. v. 29. dicitur: *Virum de mille unum reperi, mulierem ex omnibus non inveni.* Hæc autem verba intellecta de peccatis indicant, unum Christum inter viros ab omni peccato esse liberum, nullam autem mulierum; ergo nec Beatissimam Mariam.

R. 1. Textum Eccl. litteralem huc non pertinere, sed ad sapientiam manifestum est. Qui vero eum ad peccatum trabunt, exceptionem etiam addunt. Sic certe in editione Parisina an. 1529. & Veneta 1555. fecisse legitur ipse etiam S. Thomas in C. ad Galat. Lect. 6. scribens: *Virum de mille unum reperi, scilicet Christum, qui sine omni peccato: mulierem autem ex omnibus unam non inveni, quæ a peccato immunis esset, ad minus originali & veniali.* Excipitur purissima & omni laude dignissima Virgo Maria. R. 2. D. m. Indicant solum Christum per se, ex ratione suæ conceptionis & connaturaliter esse immunem ab omni peccato, & etiam debito tum proximo, tum remoto C. solum ita esse immunem, ut per donum gratiæ suæ non præservavit Matrem suam, ne incurreret originale, cui per debitum sive proximum, sive remotum erat obnoxia N.

Inst. I. De Christo dicitur: *Tu solus sanctus;* unde S. Ambr. L. 2. in Luc. C. de circumcissione ait: *Solus per omnia ex natis de femina Sanctus Dominus Jesus;* similia habent Aug. L. 2. contr. Jul. L. de perfect. justitiæ. L. 1. de pecc. mer. C. 29. &c. Leo Papa Serm. 1. de Nat. Cyr. L. 16. in Levit. Greg. M. L. 11. Mor. Fulgent. L. de fide C. 2.

R. D. Similiter. Christus enim solus dicitur Sanctus eo modo, quo scriptura de Deo dicit: *Solus habet immortalitatem: & nemo bonus, nisi solus Deus,* scilicet a, ex & de se. Illis siquidem loquendi formulis non excluditur omnis accidentalis participatio, seu communica-

tio

tio per gratiam. Simili ratione accipiendæ sunt Patrum locutiones, vel maxime, quia non ad originale duntaxat, sed & ad actuale peccatum porriguntur.

Infl. 2. Job. 14. v. 4. ad Rom. 5. v. 12. Item 1. ad Cor. 15. v. 22. & 2. ib. 5. v. 14. dicuntur omnes *peccasse & mortui* esse originaliter. Idem confirm. Conc. Carthag. an. 418. Araus. II. Florentin. cum plurimis Patribus. Ergo & B. Virg.

Re. D. A. Dicuntur omnes in Adam peccasse & mortui fuisse, sumendo tō omnes in suppositione accommodata C. in suppositione absoluta N. Locutiones hujusmodi generales pati exceptionem, dictum est num. priore in prob. ex scriptura. In quam vero suppositione sumantur, constare debet ex autoritate Ecclesiæ, traditione Patrum & communi fidelium aut Doctorum sensu; quæ cum exceptioni pro B. Virgine faveant, huc applicari potest illud Assueri ad Estherem dictum C. 15. v. 14. *Non enim pro te, sed pro omnibus hac lex constituta est.* Ad Conciliorum auctoritatem eadem valet Responsio; sicut eadem fides & doctrina est scripturarum æque ac Conciliorum, nec ab uno comprehendī potest, quod ab alio excipitur. Cum igitur TRIDENTINUM apertis verbis nolit, generalibus ejusmodi formulis de peccato originali includi B. Virginem, significat nec ab aliis fuisse comprehensam; præsertim cum & illa de ipsa etiam *nativitate* nonnunquam loquantur.

123. *Obj. II.* Plures Patres aperte subjiciunt B. Virginem peccato originali. Nam I. S. AMBR. Serm. 6. in Ps. 118. dicit *carnem Christi in matre fuisse obnoxiam peccato.* S. Aug. L. 2. de pecc. merit. cap. 24. de Christo, *Non sumpsit, ait, carnem peccati, licet de matris carne peccati.*

2. GREG. NAZ. or. 38. & 42. S. Maximus in Serm. de Assumpt. Beda in cap. 1. Luc. dicunt B. Virginem esse *mundatam*; mundatio autem supponit maculam contractam, ergo. 3. EUSEB. Emīssenus Serm. 2. de Nativ. *Ab originali nexu immunis neque ipsa Dei genitrix fuit.* 4. ANSELM. Lib. 2. cur Deus homo cap. 16. ait: *Virgo in iniquitatibus concepta & in originali peccato nata est, quia & ipsa in Adam peccavit.* 5. BERNARD. ep. 174. Canonicos Lugdunenses graviter reprehendit, quod fe-

stum immaculatæ Conceptionis B. Virginis in sua Ecclesia instituerint: ipsamque conceptionem immaculatam pluribus impugnat. 6. RUPERTUS L. I. in Cantic. BERNARDIN. Senen. Serm. 51. VINCENTIUS Ferr. Serm. 1. de Nativ. alique alias Bmæ multum devoti hoc tamen privilegium negant.

R. Ad PATRUM autoritatem universim spectat illud S. Ludovici Bertrandi dictum, quod refert Gormaz de Incarn. num. 851. *Omnes antiqui Patres, si modo viverent, dicerent scriberentque id, quod nos sentimus de immaculata Virginis Conceptione.* Cæterum non desunt, quæ ferè ad singulos reponamus. Unde

Ad 1m. R. Explico S. AMBR. Caro Christi fuit in matre peccato obnoxia, quatenus mater erat peccato infecta N. quatenus mater habebat debitum peccatum contrahendi C. similiter S. Aug. Caro B. Virg. fuit caro peccati per infectionem peccati N. per debitum peccati C. Caro Virginis vocatur *caro peccati*, non quia aliquando polluta fuit peccati macula, sed tum quia cum parentum libidine concepta & ex Adamo descendens secluso gratiæ præservantis beneficio originalem labem contraxisset: tum quia generatione naturali accepit carnem a parentibus, qui aliquando contaminati fuerant peccato originali. Neutrum est respectu *carnis Christi*; unde & quia ob substantialem sanctitatem Christus nec contrahere potuit peccatum, neque proinde præservatione indigebat, non habuit carnem peccati. Dicitur tamen caro ejus fuisse *in similitudinem carnis peccati*, ob assumptas ultro poenitates, quæ carnem humanam peccato maculatam tanquam poenæ comitantur.

Ad 2dum R. Dicunt esse mundatam, intelligendo mundationem, quæ pro termino a quo dicat negationem sanctitatis vel culpam, quæ præcessit N. quæ pro termino a quo dicat culpam, quæ futura fuerat, nisi gratia præcessisset C. Cajetanus ipse hæc obijciens fatetur testimonia illa optime & proprie intelligi de præservatione: & NAZIANZENUS non sine mysterio vocat B. V. *præpurgatam*.

Ad 3tium R. Hæc verba nec sunt EUSEBII Emisenseni, utpote ejus scripta interciderunt, sed Eucherii Lugdunensis vel Fausti Rhegientis Episcopi; nec fideliter

ter referuntur. Non enim dicitur absolute, neminem, neque etiam Virginem, caruisse originali peccato, sed: neque *per se* immunis est ipsa genitrix Dei; quod verissimum esse num. 1. pr. dictum est, & ostendit simul, per Christum Virginem fuisse immunem.

Ad 4tum R. Periodus ista non est ANSELMI, sed BOSSI, qui ad Anselmum velut quidpiam obiectans loquitur: cumque non de conceptione duntaxat, sed de Nativitate etiam differat, in omnium sententia expositionem exigit. Porro hic loci datum Anselmi responsum, Virginem nempe *ab omni labe fuisse mundatam*, eandem explanationem patitur, quam ad 2dum dedimus: quin etiam postulare videtur, ut cum iis, quæ L. de Concept. Virg. cap. 7. & 18. dixerat, conciliari possit. His *adde* celebre illius dictum apud Raynandum Opusc. de Pietate Lugdun. *Non puto amatorem Virginis, qui respuit celebrare ejus conceptionem.* Unde Conc. Cantuariens. an. 1328. testatur, a S. Anselmo cultum immaculatæ Conceptionis primo in Angliam inductum.

Ad 5tum R. Nec S. BERNARDI reprehensionem, nec argumentum nobis obesse. Lugdunenses enim is non reprehendit *simpliciter*, quod instituerint hoc festum, sed quod sine Ecclesiæ Romanæ autoritate id fecerint: in argumento autem suo nomine conceptionis intelligit primam organizationem corporis, quæ fit inter maritales amplexus & in instanti, quo parentes generant. Hanc autem conceptionem *materialem & imperfectam* a nobis non dici sanctam supra notatum fuit. Quod vero S. BERNARDUS, si nunc in vivis versaretur, nobiscum consensus esset, ipse satis aperte declarat, dum de hujus festi institutione ait: *Si sic videbatur, consulenda erat prius Apostolica Sedis autoritas.* Et dum epistolæ suæ subjicit hanc clausulam: *Romanæ præsertim Ecclesiæ auctoritati atque examini totum hoc, sicut & cætera, quæ ejusmodi sunt, universa reservo; ipsam, si quid aliter sapio, paratus judicio emendare.*

Ad 6tum. R. Non negari a nobis sanctos quosdam atque veros etiam Mariophilos contrariæ fuisse opinionis: Eorum vero auctoritatem eam esse, quæ aliorum præ sententiæ & Patrum traditione fundata, & Ecclesiæ favore confirmata, & communi fidelium devotione recepta præferri aut æquiparari queat, incipiamur.

124. *Obj. III.* Sententia nostra ex autoritate Ecclesie nihil videtur retulisse præ contraria, quam testimonium pietatis.

R. N. Aff. Ejus falsitas abunde liquet ex dictis num. 120. & 121. Unde sententia pia est proxime definibilis ab Ecclesia, estque conclusio deducta ex præmissis, quarum una est de fide, altera certa & evidens.

Inst. 1. Pius V. sua in Constitutione §. I. *Liberam cuique facultatem relinquit opinandi hujus controversie quamlibet partem, prout vel magis pium vel magis probabile esse judicaverit.* Ergo contraria videtur declarari magis probabilis: & certe probabilis haberi debet, cum eam censurare graviter sit prohibitum ab eodem & aliis Pontificibus.

R. N. Conf. Tum quia hanc nec verba evincunt: tum quia aliud est, sententiam alicui videri magis probabilem, aliud esse. Modestissima sed & gravissima est assertio Suarezii: *Dico sententiam asserentem, B. Virginem fuisse immunem ab originali culpa, consentaneam magis esse non solum rationi, sed etiam Sanctorum Patrum doctrina & Ecclesie authoritati: quocirca jam hoc tempore existimo sententiam hanc tam esse probabilem, quam intra latitudinem opinionis esse potest.* Quod de censuris additur, pertinet duntaxat ad id, ne contraria dicatur hæretica aut peccato mortali obnoxia aut impia; non prohibetur tamen dici minus pia, minus communis, communissimo fidelium sensui contraria, propensissimo summorum Pontificum favori repugnans &c. Quin, quamvis a nobis non dicatur falsa aut improbabilis, eam tamen positive probabilem dicere non audemus.

Inst. 2. PAUL. V. & GREG. XV. hanc clausulam suis decretis addidere: *Per hoc tamen sanctitas sua non intendit reprobare alteram opinionem, nec ei ullum prorsus præjudicium inferre, eam relinquens in eisdem statu & terminis, in quibus de præsentī reperitur, præterquam quoad supra disposita.*

R. Ecclesia instituendo festum immaculatæ Conceptionis, & Alexander VII. declarando ac definiendo per hoc festum coli B. Virginem in puncto creationis animæ & conjunctionis cum corpore fuisse sanctificatam & præfer.

servatam a peccato originali, non potuit non inferre grave præjudicium opinioni contrariæ. Quare *clausula illa* nihil aliud significarunt PONTIFICES, quam quod nolint illi sententiæ præjudicare per prohibitionem, ne publice aut privatim proponatur aut defendatur: sed quod velint illi relinquere eam probabilitatem, quam præcisa hac prohibitionem sententia opposita habere potest in concursu instituti ab Ecclesia festi. Adverte tamen hanc clausulam ab ALEX. VII. esse omisam, & ejus declaratione proxime memorata præcipuum adversariis effugium ereptum.

Inst. 3. PIUS V. Officium de immaculata Conceptione a SIXTO IV. approbatum, indulgentiis dotatum & insertum Romano Breviario, indignum judicavit, quod in Ecclesia legeretur, utpote ex confectis Patrum auctorumque Ecclesiasticorum testimoniis conflatum, nec Ecclesiæ menti conveniens; ut ait *Natalis Alexander* §. 21. Diff. 16. SÆC. II.

R. An veram causam referat *Nat. Alexander*, discernere nunc quidem, quod illud Officium ad manus non sit, non licet; *Suarez* tamen alique censent, id non fuisse factum, quia aliquid falsum in eo continebatur, sed quia Pontifex omnia ad morem antiquum revocare intendit. Illud certum, multum etiam a Pio V. favoris impensum esse nostræ sententiæ, quod festum *Conceptionis & Nativitatis* eodem officio celebrari statuerit, utriusque sollemnitatis propria ratione retenta: certum etiam, a Natali Alex. non fuisse deterfam Scholio suo III. ad diff. cit. Romanam censuram hanc: *De Conceptione B. Virginis loquitur contra Pontificum decreta*; si quidem post Alex. VI. Constitutionem illi scribere non licuit, Conceptionem B. Virginis celebrari non propter propriam sanctitatem, sed propter sanctitatem & dignitatem personæ conceptæ, quæ prædestinata & concepta fuit, ut esset Dei Mater.

Indulgentiarum porro Officii recitatoribus concessarum qualemcumque subtractionem liberaliter compensavit GREGOR. XV., qui centum annorum indulgentiam concessit pie pronuntiantibus elogium sequens: *Benedicta sit purissima & immaculata Conceptio B. V. Maria.*

125. *Obj. IV.* B. Virgo debuit dici redempta per Christum; quia juxta 2. ad Cor. c. 5. *Christus pro omni-*

omnibus mortuus est; juxta I. ad Tim. c. 4. Christus est omnium hominum salvator, maxime fidelium: juxta Canticum ipsius Virginis: Exultavit spiritus meus in Deo salutari meo, h. e. salvatore, ut textus græcus & omnium expositio habet. Ergo in peccato concepta fuit. Conf. ex Zosimo P. M. in ep. inter Augustinianas 157. Et S. Aug. Conc. 2 in Pl. 60.

R. Duplex est redemptio, *reparativa* nempe & *præservativa*. *1ma* datur, quando quis liberatur a peccato jam contracto: hæc strictior & rigorosior est, qua nos a Christo redempti sumus, postquam peccati originalis maculam & captivitatem sub dæmonis potestate jam incurramus. *2da* datur, quando quis prius juvatur, & eatenus liberatur a peccato, ut illud nunquam incurrat; hæc nobilior & excellentior est, qua B. V. fuit redempta, cum ob pretium sanguinis Christi prævisum Deus illam a contrahenda culpa originali præservavit. Posterioris liberationis & redemptionis meminit David, dum canit Pl. 85. v. 13. *Eruisti animam meam ex inferno inferiori.* Et Pl. 143. v. 10. *Redemisti David servum tuum de gladio maligno.* Meminerunt etiam Patres, S. AUG. L. 2. Conf. c. 7. & S. BERN. serm. 22. in Cant. Unde ad Ar. Et Conf. D. Non fuit redempta redemptione reparativa, si non fuit in peccato concepta C. redemptione præservativa N.

Inst. I. Juxta communem B, Virgo suscepit baptismum Christi; ergo habuit peccatum saltem originale; quia ad id delendum baptismus institutus est.

R. N. Conf. Rationem D. Baptismus tantum est institutus ad peccatum delendum N. non tantum *subd. ita*, ut nisi actu deleat peccatum, non sit baptismus N. ita, ut nisi per se haberet vim delendi peccata, baptismus non esset C. Baptismus ex Christi institutione *1mo* per se confert gratiam primam: per accidens tamen nonnunquam de facto non confert nisi gratiam secundam, quando scilicet adultus perfecte contritus ante baptismum hoc Sacramentum suscipit: *2do* tribuit characterem servorum Christi & fidelium Ecclesiæ, confertque capacitatem ad reliqua N. L. Sacramenta.

Quamvis itaque baptismus *Bmæ Virginis* non fuerit necessarius ad effectum *1mum*, fuit tamen ad effectum *2dum*:

adum: quin etiam ratione imi duntaxat utilis illi fuerat, sicut adulto est in casu dato. Cæterum ex baptismo Christi suscepto tam parum probatur maculata B. Virginis conceptio, quam parum quis deducere potest, Christum habuisse quidpiam poenitentia eluendum, eoquod suscepit baptismum Joannis.

Inst. 2. Corpus B. Virginis fuit obnoxium fami, siti, aliisque vitæ mortalis incommodis, & ipsi morti. Hæc autem sunt poenæ peccati; ergo.

R. D. M. Hæc sunt *per se* poenæ peccati, ita ut non forent nisi in corpore humano peccatis subjecto. N. de facto sunt poenæ in corpore peccatis subjecto, licet in alio non infecto possint esse connaturales C. Inter Bajanæ propositiones damnatas habetur etiam hæc 73. *Nemo præter Christum est absque peccato originali.* Hinc B. Virgo mortua est propter peccatum ex Adam contractum. Et 78. *Immortalitas primi hominis non erat gratia beneficium, sed naturalis conditio.* Cum vero ex his constet, passibilitatem æque ac mortem corporis homini non tantum ex spirituali, sed & ex substantia corporea composito in statu puræ naturæ fuisse connaturalem, facile intelligitur, qua ratione B. Virgo ærumnis corporis & morti subiacere potuerit, etiamsi peccato caruerit originali.

Inst. 3. S. Aug. in Conc. 2. Pl. 34. ad vers. *Ego autem, cum mihi molesti essent, dicit, Maria ex Adam mortua propter peccatum, Adam mortuus propter peccatum, caro Domini ex Maria mortua est propter delenda peccata.* Item L. 4. contr. 2. ep. Petag. C. 4. De uno solo, inquit, mediatore Dei & hominum Christo Jesu fides catholica novit, quod pro nobis mortem, hoc est, peccati poenam, sine peccato subire dignatus est. Ergo mors in B. Virgine fuit poena peccati contracti.

R. N. conf. Sicut ex imo textu constat, aliter Adamum, aliter Christum mortuum esse propter peccatum; sic etiam B. Virgo aliter, ac reliqui posterii, potuit esse mortua propter peccatum. Nempe reliqui sunt mortui propter peccatum Adami tanquam causam strictè dictam mortis: B. Virgo autem propter illud tanquam occasionem mortalitatis; quia peccatum Adami fuit occasio, dependenter a qua illa fuit decreta mortalis: scilicet quia, ut ibid. S. Aug.

Aug. de Christo præmittit, *carnem assumpsit de massa, quæ mortem meruerat ex peccato.*

Causa vero, cur Deus noluerit B. Virginem exemptam a morte, quam tamen a lege fomitis, dolore partus, corruptione corporis, aliisque ærumnis excepit, varia a Theologis assignatur; inter quæ *1ma* est, quia mors præ illis ei conducebat magis ad patientiam & meritum: *2da*, quia sic Christo pro nobis mortuo evasit similior: *3tia*, ut constaret, eam ejusdem nobiscum esse naturæ, & non Deam, ut somniabant *Collyridiani*, aut Angelum, ut putabant *Manichæorum* quidam. Vis *2di textus* in eo stat, quod Christus mortuus sit sine peccato pro nobis, & quod hoc fide catholica credendum sit. Nemo autem nostrum asserit, B. Virginem pro nobis esse mortuam, neque tanquam fidei dogma venditamus, B. Virginem mortuam esse sine peccato.

QUÆRES: *An B. Virgo habuerit debitum contrahendi peccatum originale?*

126. Nota. Debitum hoc communiter a Theologis dividitur in proximum & remotum. *Proximum* dicitur, quod oritur ex inclusione in pactum cum Adamo initum; ex eo enim sequitur *proxime*, quod posita prævaricatione Adami inclusus ejusmodi debeat tum ob pacti ipsius conditionem, tum ob peccati actualis non remissi naturam in primo conceptionis instanti contrahere peccatum originale, inquinari macula, & debitum ad sustinendam Dei inimicitiam subire, nisi hoc ipso instanti ex misericordia benevolentissima Deus remittat peccatum, cedat juri jam acquirendo, & gratia sanctificante impediatur maculam. *Remotum* dicitur communiter, quod non oritur ex inclusione in pactum, sed tantum ex descensu ab Adamo per viam generationis ordinariam; quia homo taliter genitus, etsi ex singulari privilegio non fuerit inclusus pacto, debuisset tamen de via ordinaria includi, nisi Deus speciali favore cum ipso dispensasset.

127. R. I. Non est positive improbabile, B. Virginem caruisse debito proximo. *Prob.* Sententia negans debitum proximum seu Deiparam peccasse in Adamo, non habet contra se motivum certum & insolubile; nam

Fur-

Fundam. I. Est generalis propositio Pauli, qua ad Rom. 5. dicuntur *omnes in Adamo peccasse*. R. D. Est generalis propositio, sed quæ potest intelligi in sensu accommodo C. quæ debet intelligi in sensu absoluto N. vid. dict. n. 122. ubi eadem responsio adhibetur ab auctoribus hic nobis contrariis. Quin hoc in testimonio sermonem fieri de ipso peccato originali, apertum sit ex Trid. Sess. 5. can. 2.; utpote in quo anathema infertur illi, qui dixerit posteros Adami non concipi in peccato originali, ratioque subjicitur his verbis: *Cum contradicat Apostolo dicenti: per unum hominem peccatum intravit in mundum, & per peccatum mors; & ita in omnes homines mors pertransiit, in quo omnes peccaverunt.* Ergo si nullam limitationem ferret generalis propositio, probaret, Virginem fuisse etiam in peccato conceptam.

Fundam. II. Est ratio proponendi dogma de peccato originali a S. Paulo usurpata. Nam 1. facit sensum copulativum, dum ad Rom. 3. dicit: *Omnes peccaverunt, & egent gloria Dei, justificati per gratiam ipsius per redemptionem, quæ est in Christo Jesu.* Ergo si posterum membrum habet sensum absolutum, eundem habebit & prius. 2. Facit comparisonem, dum 1. ad Cor. 15. scribit: *Sicut in Adam omnes moriuntur, ita & in Christo omnes vivificabuntur.* Ergo, ut teneat paritas, etiam B. Virginem in Adam mortuam esse oportet. 3. Argumentatur 2. ad Cor. 5. his verbis: *Si unus pro omnibus mortuus est; ergo omnes mortui sunt: & pro omnibus mortuus est Christus.* Invalidum autem esset ratiocinium, aut Christus mortuus non esset pro Virgine, si hæc mortua non fuisset.

R. Vel ipse Vasquez nobis contrarius ingenne fateatur, hoc argumento non evinci quæstionem: tum quia in priori Apostolus non contendit, singulos homines nullo excepto peccasse, sed omnes, sive Judæi sive Gentiles sint, deliquisse, & gratia Dei indignuisse, ut ita ostenderet, Judæos ab hac lege non fuisse exemptos, quod haberent legem scriptam & circumcisionem, in qua ipsi præ aliis gloriabantur: tum quia in posterioribus dicuntur omnes mortui; esse autem aliquem mortuum peccato, significat illum in se habere peccatum, unde sequeretur B. Virginem originale etiam contraxisse.

Qua-

Quare *ad 1m. R. N. Conf.* Quia sicut identitas vocis gloria non facit, ut eadem gratia reparativa omnes indigeant; sic nec signum copulativum facit, ut vox *omnis* eundem sensum in primo, ut in secundo, teneat. *Ad 2dum iterum N. Conf.* Paritas tenet, licet in Adamo Eva non peccaverit; ergo & stare potest, quamvis Deipara non peccaverit in Adam. Vide præterea expositionem hujus textus num. 73. sub fin. *Ad 3tium etiam N. Conf.* Vadem hujus responsionis habemus S. Anse m. in Comment. ad hunc locum scribentem: *Manifeste annuntiat, omnes homines mortui sunt in peccatis nemine prorsus excepto, dempta matre Dei.*

Quin ipsos hic nobis *adversarios* vades appellamus. Si enim valet argumentum APOSTOLI, quamvis B. Virgo non fuerit mortua proprie, quia mors animæ non ipsum peccatum formaliter, sed ejus effectum nempe privationem gratiæ sanctificantis dicit: sed tantum habuit *debitum proximum*, h. e. debitum subeundi actu privationem gratiæ & mortem animæ: stare etiam ejus vis potest, quia B. Virgo habuit *debitum remotum* moriendi, cujus effectum ne incurreret, præservata est per mortem Christi. In utraque enim responsione a proprietate verborum receditur cum alio fundamento.

Fundam. III. Est redemptio saltem *præservativa*; per hanc enim debuisset B. Virgo excipi etiam ex meritis Christi ut Redemptoris: hoc vero repugnat; quia Christus non fuit prædefinitus ut Redemptor ante peccatum Adæ *absolute prævisum*. Unde sequitur B. Virginem ante illum ex ejus ut Redemptoris meritis excipi non potuisse.

R. Argumentum hoc penitus enervari, si dicatur, vel Christum ut Redemptorem fuisse prædefinitum ante peccatum Adæ *absolute prævisum*: vel Christum ut Redemptorem, pactum cum Adamo, peccati permissionem & immunitatem Virginis simul in uno eodemque signo fuisse definitum. Qui vero Christum etiam post Adæ peccatum *absolute prædefinitum* admittunt, defendunt nihilominus prædictam immunitatem, secundum varium tamen decretorum ordinem, cujuscunque systemati proprium.

128. *Re. II.* Positive probabile est, B. Virginem caruisse debito proximo, h. e. peccato originali in Adam commissio. De probabilitate extrinseca liquet; quia hæc assertio est saltem æque communis ac contraria: Communio etiam vocant Recentiores passim, & mea quidem opinione, vere ac recte, si huic sententiæ singulari adversantes se jungantur ab alijs, qui forte privatum adhuc sensum priori articulo oppositum gerunt. Pro intrinseca ex motivis plurimis, alias afferri solitis, hæc pauca annotasse sufficiat.

Motivum I. Est paritas & vis rationum, quæ pro priori articulo allatæ fuerunt. Nam 1. SCRIPTURÆ textus, qui ab Ecclesia ad B. Virginem transferuntur, æque videntur excludere ab illa peccatum in Adam commissum, & quasi actuale originale, ac peccatum contractum, & quasi si originale habituale. 2. Tridentinum, quamvis Sess. 5. bis mentionem in suo de peccato originali decreto fecerit illius effati Paulini: *In quo omnes peccarunt*; universalem tamen exceptionem de Virgine in clausula subjungit. 3. Ss. PATRES, vel puritatem & sanctitatem prorsus singularem Deiparæ commendantes, vel omne peccatum ab ea quæstionemve de illius peccato quocunque removentes, sane probabiliter intelligi possunt enuntiasse de debito proximo, quod re ipsa peccatum est, aut illud saltem supponit. 4. Fidelium etiam sensus omnino communior videtur, ut ex concepta eorum æstimatione de matris Dei dignitate, & ex horrore a macula etiam ab alieno peccato profecta apparet. 5. *Authoritas Ecclesiæ positiva* quamvis non adfit, ejus tamen permissio post contradictorium in senatu Inquisitionis judicium probabilitatem non levem addit, & notam temeritatis aut imprudentiæ, quam quidam aspergere conantur, diluit.

Motivum II. Est paritas & vis Privilegiorum, B. Virgini communiter concessorum. Nam 1. Si propter dignitatem Matris statuitur esse immunis a peccato originali contracto, ex iisdem etiam rationibus oportet eam eximere a debito proximo; quia hæc ignominia etiam matris in Adam peccantis alias redundaret in filium: esset aliqua conventio Christi ad Belial: introisset Sapiencia incarnata in malevolam animam: nec Amica Sponsi tota pulchra foret, nec sine omni macula. 2. Sicut *fomes concupiscentiæ* a peccato est, & in peccatum inclinat, sic de-

M

bitum

bitum illud proximum a peccato est, & in peccatum nempe originale cuique proprium inclinatur & quodammodo necessitat, ita quidem, ut nonnisi per ingens miraculum a culpa originali liberetur, qui ejus debitum habet; ergo si libera admittatur B. Virgo a fomite, liberanda etiam est a debito.

3. *Virginitas perpetua & incorruptio corporis* vindicatur Virgini, quamvis utriusque defectus esse potuisset sine culpa morali quacunque: Ergo immunitas a debito illi asserenda, quod saltem sine culpa in alio admissa esse nequit. 4. Juxta S. ANSELMI effatum *decurrit*, ut B. Virgo ea puritate niteretur, qua sub Deo major non possit intelligi. Posset autem intelligi puritas major, si Virgo peccasset in Adam; nam puritas eo est major teste S. Thoma, quo quis magis a peccato recedit. Ergo.

129. R. III. Omnino admittendum est, B. Virginem habuisse debitum remotum. Ratio est; quia juxta sensum Patrum & Ecclesie CHRISTUS est Redemptor omnium hominum, non tantum in suppositione accommodata, sed absoluta: & B. Virgo etiam vere & proprie est redempta a Christo, omnemque gratiam accepit ex meritis Christi ut Redemptoris; Hinc enim ALEX. VII. in Constitutione n. 121. cit. ait sensum fidelium esse, Bmam Virginem fuisse speciali Dei gratia, intuitu meritorum Christi, a macula peccati originalis preservatam; & in Oratione, sub finem Officii parvi Immaculate Conceptionis apposita, dicitur: *Ex morte filii tui previsa, eam ab omni labe preservasti.*

Hoc autem explicari imprimis nequit, si non admittatur *debitum remotum*: Deinde nulla ratione minuit puritatem B. Virginis: Denique si etiam minueret, admitteretur tamen foret, cum nonnisi puritas major, quæ sub Deo est, & honori Divino non repugnat, illi adscribenda a Ss. PATRIBUS asseratur.

Textus S. BERNARDI n. 125. relatus probat quidem redemptionem dupl. modo a Patribus fuisse usurpatam: Christum tamen nonnisi aliquo tantum modo vocari Angelorum redemptorem, ipsa verba docent.

CAPUT IV.

De Pœnis Peccati Originalis.

ARTICULUS I.

An & quænam sint pœna peccati originalis in hac vita?

130. **N**ota. De vitæ humanæ miseriis duplex Catholicis est cum *Pelagianis* controversia: altera, an illæ, ac præsertim concupiscentia sit mala? adeo enim hanc non esse malam contendebant, ut inde eos S. Aug. Libris contra Julianum *patronos, defensores, fautores & laudatores libidinis impudentissimos* passim vocare potuerit: altera, an, quæ vitæ hujus etiam fatebantur incommoda, ortum habeant ex peccato? Hæc enim una & mortem, cum peccatum originale inficiarentur, pœnas etiam peccati negabant: quin, referente S. Aug. L. de dono perlover, C II. *Ignorantiam & difficultatem, sine quibus nullus homo nascitur, primordia, non supplicia dicebant esse natura.* De Ima controversia satis dictum: de 2da hic breviter agemus, ubi miseriarum vitæ humanæ compendium ex Bellarm. L. 6. de Amis. Grät. præmiserimus.

131. *Dico I.* Mala, hominem post originale peccatum infestantia, alia sunt *interna*, eaque vel in anima, vel in potentiis animæ, vel in corpore: alia *externa*, quæ scilicet vel extra hominem sunt, vel ab extraneo adveniunt.

In anima sunt I. amissio justitiæ originalis, quæ præter gratiam sanctificantem complectebatur donum integritatis, quod ex congerie virtutum infusarum intellectum & voluntatem perficientium, obedientia partis inferioris ad superiorem & membrorum corporis ad nutum voluntatis, divinaque protectione extrinseca constabat. 2. Reatus culpæ, seu debitum sustinendi odium inimicitie Divinæ. 3. Reatus pœnæ, saltem damni.

In potentiis anima numerantur quatuor vulnera, ignorantia nempe in intellectu, malitia in voluntate, concupiscentia in appetitu delectabili, infirmitas in appetitu irascibili. Ratione *ignorantia* sæpe plurima ignoramus agenda, sive quoad nos & vitam nostram ac re-

rum naturas, sive quoad actiones politicas, sive denum etiam quoad morales: præterea multi etiam homines sunt hebetis valde ingenii, fatui item & amentes &c. Ratione *malitia* voluntas propendet ad bona inferiora & præsentia, neglectis æternis: ad commoda propria & corporis, insuper habitis animæ bonis & honestis: ad præsentia etiam diei vel anni, non consideratis incommodis futuris &c.

Ratione *concupiscentia* fertur appetitus ad bona sensibilia, & rebellis pugnat contra spiritum, unde intestinum illud bellum ad mortem usque duraturum nascitur. Ratione *infirmittatis* homo torpet ad difficultates superandi vitia & virtutes colendi, effervescit facile, & contra rationem ira insurgit propter sensibilia, & propria commoda inferiora. Porro hæc duo postrema, *concupiscentia* & *infirmitas*, obnubilant etiam intellectum, & rationem a recta consideratione ac electione præpediunt: omnia vero vulnera inducunt alia quoque mala per curiositatem, levitatem, præcipitantiam & inconstantiam, quæ tum ad defectus varios, tum ad peccata viam sternunt.

In corpore accidunt 1. dolores & morbi, quorum nec numerum nec nomina vel integer liber complecteretur: 2. Curationum difficultas, & labor ad tolerandam vitam necessarius: 3. Vitæ brevitæ & continuus mortis imminentiæ metus: 4. Mors ipsa.

Ad externa mala pertinent 1. Ira & indignatio divina: 2. Captivitas sub potestate diaboli, seu permissio nobis hic etiam nocendi, nos tentandi, & in altera vita cruciandi: 3. Crudelitas hominum, rebellio bestiarum, & omnia denique mala, quæ a cælo, terra, mari, aliisque elementis patimur.

132. Dico II. Mala ejusmodi sunt effectus & poenæ peccati originalis. Est de fide. Prob. universim ex Conc. Araus. II. Can. 2. & Trid. sess. 5. num. 1. Porro *speculativè*

De malis in anima tum ex Trid., tum ex Ps. 33. v. 17. Vultus Domini super facientes mala, ut perdat de terra memoriam eorum. Sap. 14. v. 9. Similiter odio sunt Deo impius & impietas ejus. Ad Rom. 1. v. 18. Apostolus scribit, revelari iram Dei de cælo super omnem impietatem & injustitiam.

Be

De malis in anima potentiis testatur frequentissime scriptura, dum Gen. 7. dicit: *Sensus & cogitationes humani cordis in malum prona esse ab adolescentia sua; Pl. 8. Hominem comparatum esse jumentis insipientibus & similem factum illis: Eccl. 7. Eundem se infinitis miscuisse quæstionibus.* Unde axiomatis locum obtinet illud Glossæ, quæ Venerabili Bedæ tribuitur: *Homo spoliatus est gratuitis, & vulneratus in naturalibus, juxta parabolam, Luc. 10. S. Aug. L. de nat. & gr. C. 19. Et L. 22. de Civ. c. 22.*

De malis in corpore manifesta fit mentio Eccli. C. 40. v. 1. *Fugum grave super filios Adam a die exitus de ventre matris eorum usque in diem sepulturae.* Et Sap. 2. v. 24. *Deus creavit hominem inexterminabilem, & ad imaginem similitudinis suæ fecit illum: invidia autem diaboli mors intravit in orbem terrarum.*

De malis externis, idem testimonium Eccli. adducitur, atque huc etiam pertinet, quæ de ira Dei supra retulimus. Captivitas verò sub diabolo ex notatione S. Aug. in ep. 28. ad I. S. Petri C. 2. *A quo quis superatus est, hujus & servus est*, habetur. Reliqua ostendit interrogatio S. Jacobi in sua ep. C. 4. *Unde bella & lites in vobis? nonne ex concupiscentiis vestris?* Et illud Sap. 8. *Armabit creaturam ad ultionem inimicorum &c.*

133. *Observa.* Sectarii nostri temporis a Pelagianorum quidem hic rejecto errore recedunt, sed longe adeo, ut & ipsi in errores impingant. Præter memoratos enim effectus peccati originalis, alios etiam adhucdum addunt; quorum *Imus* est, per parentis primi peccatum, arbitrium liberum in homine penitus amissum esse & extinctum: *2dus*, naturæ corruptionem tantam esse exortam, ut homo etiam justificatus non possit non semper peccare: *3tius*, Peccati illius fructum esse odium divinum, fugam divini judicii, dubium de divinis promissionibus, desperationem de æterna salute, aliaque peccata actualia. Horum confutationem vide in *Tract. de Grat. & Act. Hum.*

ARTICULUS II.

An parvuli sine baptismo decedentes puniantur privatione beatitudinis?

134. **N**ota. VINCENTIUS quidam apud S. Aug. L. de orig. animæ C. 9. & L. 3. C. 13. parvulis etiam non baptizatis regnum cœlorum, hoc est, *beatitudinem supernaturalem* promittebat. Eandem sententiam tenet ZWINGLIUS, ut probabilem de filiis infidelium, ut certam de fidelium prolibus: quod secundum amplectuntur etiam CALVINUS, BUCERUS &c. Alii quamvis parvulos ejusmodi a regno cœlorum & vita beata Sanctis promissa excluderent, docebant tamen eos post judicium futuros *beatitudine naturali* beatos, & in quodam veluti paradiso terrestri perpetuo feliciterque victuros; ita Ambr. Catharinus, Albert. Pighius & Hier. Savonaiola. Ad quamnam ex his sententiis classem *Pelagianorum* error de vita parvulorum æterna pertineat, dubium est inter Theologos, cum non ita facile definiri possit, quidnam illi per vitam æternam intellexerint, quam parvulis sine baptismo decedentibus a regno cœlorum distinctam pollicebantur. Certe ambigua erant ea de re ipsa Pelagii verba, quæ S. AUG. L. de pecc. orig. C. 21. refert: *sine baptismo parvuli morientes, qui non eant, scio: quo eant, nescio.*

135. **D**ico I. Parvuli sine baptismo decedentes puniuntur privatione beatitudinis supernaturalis. Est *de fide*. Prob. Ex verbis Christi Joan. 3. v. 5. *Nisi quis renatus fuerit ex aqua & Spiritu Sancto, non potest introire in regnum Dei.* Item ex Apocalypsi constat, *non introire aliquid coinquinatum* in regnum cœlorum, nec alios, nisi *qui scripti sunt in libro vitæ agni*. Parvuli autem sine baptismo decedentes manent coinquinati peccato originali, nec nomina eorum inscripta sunt libro vitæ; ergo. Conf. ex Conciliis. Palæstinum, teste S. Aug. in ep. 106. ad Paulin., compulsi Pelagium anathematizare, infantes non baptizatos habere vitam æternam: Carthaginense in ep. Aug. 90. Milevitanum vel Carthaginense potius apud eundem ep. 92. Florentinum sess. ultima; Tridentinum sess. 5. & 6. can. 3. & 4. totam de præsentī materia doctrinam in S. Litteris, Patribus & Conciliis dispersam colligunt & proponunt.

136. *Dico II.* Parvuli iidem etiam puniuntur privatione beatitudinis naturalis; tum quia nullum fundamentum habetur distinguendi in parvulis *regnum celorum* a vita æterna; tum quia cum damnatione & carentia salutis æternæ conciliari nequit *beatitudo quacunq̃ue*.

Prob. Parvuli sine baptismo decedentes in perpetuum erunt inimici Dei & filii iræ divinæ: erunt captivi & sub potestate dæmonis: inclusi hærebunt inferno; ergo non fruentur *beatitudine naturali*. *Ant.* constat ex *Scriptura*, *Conciliis* & *Patribus* apud Bellarm. L. 6. de Amist. gr. C. 2., quæ docent has esse pœnas etiam peccati originalis, neque absolvi ab iis quenquam nisi per baptismum. *Conf.* satis certo inferitur; tum quia beatitudo naturalis homini sine *meritis naturalibus* est indebita; parvuli autem eam mereri nequeunt, nec Deus etiam iis, tanquam suis inimicis, eandem liberaliter concessurus videtur: tum quia beatitudo naturalis saltem *accidentalis* plane repugnantia statui parvulorum & conditionibus commemoratis dicit; *essentialis* vero, seu cognitio Dei abstractiva perfecta amorque amicitiae divinæ naturaliter beatificus unde instantibus illis adveniat, doceri cum fundamento nequit.

Conf. 1. Post iudicium extremum & in æternitate inter coelestem beatitudinem & damnationem non erit medium, testante Eccl. C. II. *Ubicunq̃ue ceciderit lignum, sive ad Austrum sive ad Aquilonem, ibi erit.* Et suffragante S. AUG., qui L. I. de pecc. mer. C. 28. *Nec est, inquit, ullus ulli medius locus, ut possit esse nisi cum diabolo, qui non est cum Christo. Hinc Et ipse Dominus volens auferre de cordibus male credentium istam, nescio quam, medietatem, quam conantur quidam parvulis non baptizatis tribuere . . . definitivam protulit ad hæc ora obstruenda sententiam, ubi ait: Qui non est mecum, contra me est.* *Conf. 2.* Ex testimoniis Patrum, Pelagianorum dogma explicatum & damnantium: S. AUG. L. I. de Orig. animæ C. 9. SIRIC. ep. I. ad Himer. C. 2. S. PROSP. L. 2. de voc. gent. c. 8. &c.

Objectiones.

137. *Obj. cont. 1^{um}.* S. AUG. in Enchir. C. 93. docet parvulos puniri pœna *mitissima*; sed ex S. Chrysost.

M 4

pœna

pœna damni, seu privatio visionis Dei, est pœna maxima & acerbior, quam pœna infernalis & sensus; ergo.

R. 1. D. M. Puniantur pœna mitissima, comparata ad pœnas adultorum, & qui personaliter peccarunt C. comparata ad pœnas quascunque N. R. 2. D. m. Pœna damni est pœna maxima, si sumatur secundum se ad bonum præcise, quo privat C. si sumatur comparate ad pœnam damni & sensus simul, & ut afflictiva est ac pœna N.

Inst. Ex S. THOMA I. 2. q. 87. a. 5. ad 2. Peccatum originale ratione gravitatis suæ non meretur pœnam æternam. Sed Deus non punit ultra condignum; ergo. *Conf.* Secundum eundem peccatum originale est minimum peccatorum, etiam comparatum cum veniali; sed veniale non punitur pœna æterna; ergo.

R. S. THOMAM hic debitum seu reatum pœnæ æternæ non tribuere quidem gravitati peccati originalis, sed conditioni subiecti, scilicet hominis, qui sine gratia invenitur, per quam solam fit remissio pœnæ; unde secundum sententiam sibi propriam addit: *Similiter dicendum est ad tertium de peccato veniali*, quod nempe per accidens pœna æterna puniri sentit. Ex responsione tamen ejus ad Ium colligitur, concedendum, quod originale in ratione conversionis non mereatur pœnam æternam, negandum autem, si sumatur in ratione aversionis; cui ex alibi dictis hujus S. Doctoris pœna damni correspondet. *Ad Conf. D. M.* Est minimum secundum quid, scilicet in ratione voluntarii, & quidem tantum respectu posterorum Adami, non autem primi parentis C. simpliciter N. Hanc ipsam esse doctrinam S. THOMÆ probat ejus expositio, quam q. 5. de malo a. 1. ad 9. argum. subjungit.

138. *Obj. contr. 2dum.* Juxta Apostolum dicitur: *Per unius justitiam in omnes homines in justificationem.* Sed in parvulis peccato originali infectis non erit justificatio vitæ supernaturalis; ergo naturalis, quæ infert beatitudinem naturalem.

R. Argumentum hoc probat etiam, adultis saltem tribuendam esse naturalem beatitudinem, quod, cum contra fidem fit ac nimium, nec nos urgere potest. Itaque D.

GAP. IV. DE POENA PARVUL. NON BAPTIZ. 185

D. M. Per unius, scilicet Christi, iustitiam transiit in omnes justificatio vitæ quoad sufficientiam C. quoad efficaciam N. Hinc etiam ab aliis explicatur non de omnibus simpliciter, sed de iis, qui ex Christo renascuntur.

Inst. 1. Post extremum iudicium *mors inimica destruetur*; sed si parvuli non gaudeant naturali beatitudine, id falsum erit; ergo.

R. D. M. Destruetur mors inimica corpori, & sic erit resurrectio ad iudicium vel vitam C. destruetur mors inimica animæ, & erit resurrectio ad veram vitam *subd.* in omnibus etiam infidelibus & parvulis non baptizatis N. in fidelibus & Sanctis C. His enim duntaxat ex S. Aug. ep. 146. ad Consent. convenit resurrectio vitæ, illis autem ex eodem ep. 28. ad Hier. resurrectio iudicii.

Inst. 2. Eodem tempore *diabolus ejicietur foras*; sed si in ejus potestate remansuri sint parvuli, nec hoc verificatur; ergo.

R. N. m. Juxta Apostolum ad Coloss. 1. *Nos per Christum eripimur de potestate tenebrarum.* Hanc autem ereptionem & diaboli expulsionem in parvulis fieri per baptismum, docent tum exorcismi & exsufflationes, quarum in Ecclesia semper fuit usus, tum S. Augustinus, Zosimus & Cælestinus Pontifices pluribus in locis apud Belarm. l. c. Unde ejectionis diaboli fructus sub finem mundi ad parvulos nihil pertinere potest.

Inst. 3. S. Th. in 2. dist. 33. q. 2. a. 2. ad 5. ait: *Quamvis pueri non baptizati sint separati a Deo, quantum ad illam conjunctionem, qua est per gloriam, non tamen ab eo penitus sunt separati; imo ipsi conjunguntur per participationem bonorum, Et ita de ipso gaudere poterunt naturali cognitione Et delectatione.* Ergo beati erunt naturaliter.

R. N. Conf. Ad beatitudinem enim naturalem non sufficit quæcunque cognitio & naturalis etiam amor Dei; sed debet cognosci Deus ut amicus, ut inde oriatur amor amabilis, qui amicitiam mutuam supponit. Cum igitur Deus non sit amicus parvulorum culpa originali infectorum, illis similem cognitionem, utpote falsam, non concedet.

Inst. 4. Hujusmodi parvuli consequentur plura *dona gratuita*, stature scilicet magnitudinem, immortalitatem & impassibilitatem; ergo & beatitudinem naturalem.

Re. N. conf. Quod enim S. Aug. L. 1. de pecc. mer. C. 23. inquit: *Nulla salus aterna promittatur infantibus, quam non promittit Scriptura Divina humanis omnibus ingeniis preferenda*; idem hic de donis naturalibus censendum. Quare cum duo prima dona satis fundentur in *Scripturis Sacris & Patrum elogiis*, beatitudo autem naturali minime, discrimen oppido manifestum est. Quid de impeccabilitate, incorruptibilitate & impassibilitate infantium sit dicendum, partim ex sequentibus statuatur, partim alio pertinet.

Inst. 5. Non videtur ordini divinæ justitiæ congruum, ut infantes propter peccatum in alio commissum priventur *beatitudine naturali*; tum quia hæc est perfectio homini debita: tum quia naturalia juxta communem sententiam etiam post peccatum manent integra.

Re. N. aff. Contra quod pugnant rationes in Theopellatæ, & argumentum a majori ad minus. Si enim *de fide* est, privationem beatitudinis supernaturalis esse poenam justam peccati originalis, certe contra æquitatis divinæ leges non erit naturalis beatitudinis privatio. *Ad rationem Imam D.* Beatitudo naturalis est perfectio homini debita in actu primo, hoc est, homo naturaliter debet posse eam adipisci C. est debita in actu secundo, hoc est, debet eam omnino actu & de facto possidere N. *Ad Rat. 2dam D.* Naturalia, quæ debentur ex intrinsicis naturæ principiis, manent integra C. naturalia quidem, sed quæ non nisi per gratiam indëbitam actu haberi & possideri possunt N. Talis autem esset *beatitudo naturalis* in præsentî questione.

A R T I C U L U S III.

An parvuli sine Baptismo decedentes puniantur pena sensus & ignis infernalis?

139. *N*ota I. Affirmativam sententiam Patres Latini Hier. Avit. Fulg. Greg. M. Isidor. Anselm. post exor-

exortam Pelagii hæresin magno consensu tenuisse videntur. Ambigitur autem de S. AUGUSTINI mente; tum quia libr. 5. contr. Jul. c. 11. *mitissimam ac levissimam* pœnam parvulorum futuram scripsit: tum quia de pœna parvulorum ibidem ait: *Quæ, qualis, Et quanta erit, quamvis definire non possim, non tamen audeo dicere, quod eis, ut nulli essent, quam ut ibi essent, potius expediret*: tum quia in epist. 28. ad Hier. significavit, se *coarctari angustiis, nec, quid respondeat, invenire, cum ad pœnas parvulorum ventum est*: tum quia libr. 3. de lib. arb. c. 23. ad objectionem Manichæorum de parvulis respondens videtur medium quendam statum concedere parvulis inter damnatos & beatos, sicut ibidem admittit *quædam media inter recte factum atque peccatum, Et mediam judicis sententiam inter præmium Et supplicium*. Atque hinc D. Thomas cum S. Bonaventura & post hos Scholastici multi eum in contrariam etiam partem trahere, aut saltem benignius interpretari conantur.

Aliis tamen e contrario, & partem etiam negativam tinentibus quibusdam, de sancti hujus Doctoris mente nihil ambigendum videtur. In hanc rem proferunt prolixam ejus sententiam ex Sermon. 14. de Verb. Apostoli. Ad ulteriorem hujus rei confirmationem fundamentis supra oppositis respondent: & quidem

Ad 1^{um}, pœnam parvulorum mitissimam dici ac levissimam, non absolute, sed relate ad damnationem reproborem, qui peccata propria & personalia commiserunt.

Ad 2^{dum}, his verbis nihil voluisse, nisi quod, licet pœnæ *quantitatem & qualitatem* definire nequeat, non tamen ausit dicere, quod eis &c; quia hoc effatum Christus non dixit de peccatoribus quibuscunque, sed de sceleratissimis duntaxat, qualis scilicet erat Judas. Sicut vero S. Doctor minime dubius erat, an dæmones ab igne infernali patiantur aliquid, licet non explicare posset, quid, quomodo & quantum ab igne paterentur: sic etiam ex verbis recitatis concludi nequit, eum fuisse dubium, utrum infantes ab igne aliquid paterentur.

Ad 3^{tium}, dixisse tantum, quod *in hypothesi* creationis animarum singularum explicare nequeat, quomodo juste puniantur parvuli non solum pœna æterna, sed etiam temporali in hac vita, ut ejus verba continuo subiecta docent.

Ad

Ad 4^{um}, Permissio etiam, inquit, quod S. Doctor scribens libros de libero arbitrio incertos fuerit de poenis parvulorum, ipse tamen Aug. nihil inde probari ostendit L. de dono persever. c. 12. Quantum vero postea ab hac dubitatione abhorruerit, explicat ibidem paulo post: *Abfit, ut causam parvulorum sic relinquamus, ut esse nobis dicamus incertum, utrum in Christo regenerati, si moriantur parvuli, transeant in salutem; non regenerati autem transeant in mortem secundam; quoniam quod scriptum est: Per unum hominem &c., aliter recte intelligi non potest: nec a morte perpetua, quæ iustissime est retributa peccato, liberat quemquam pusillorum aut magnorum, nisi ille, qui propter redimenda & originalia & propria peccata nostra mortuus est.*

140. Nota II. Post sæculum XII. *sententia negans* a Magistro sententiarum, D. Thoma, S. Bonaventura, Scoto aliisque scholarum principibus adoptata sic invaluit, ut eam omnes aut fere omnes Scholastici sint amplexi, solis *Rigidioribus*, ut se profitentur, Augustini Discipulis exceptis; quibus tamen accensos nolim Calvinum, Jansenium aliosque novos dogmatistas partem affirmantem sectantes, utpote de quibus suspicionem injicit Martinon *supr. cit.* Disp. 40. sect. 6.; id ab iisdem forte fieri, ut minuant horrorem dogmatis alterius, quo dicunt adultos damnari ad ignem æternum propter opera facta sine uso liberi arbitrii & potestate abstinendi. Item ut acceptabile reddant dogma aliud, quod Dens ex massa generis humani per Adam corrupta pro mera sua voluntate seligat aliquos ad vitam æternam, alios destinet ad æternam mortem, destituatque mediis necessariis & sufficientibus, ut salvati possint.

Cæterum, ut *Tournely* recte ex Bellarmino notat, qui sententiam de sensibilibus parvulorum poenis veriorē esse putant, ei absque ulla excessus formidine adherere debent: quia misericordie nostra erga parvulos defunctos nihil eis prodesse potest, sicut nec eis prodesse potest sententiae nostrae severitas; multum vero nobis obesset, si ob inutilem misericordiam contra Scripturam aut Patres pertinaciter aliquid defenderemus. Præterea quamvis cavendum sit Clericis, ne has scholæ opiniones in *Catechesibus* proponant, possunt tamen data occasione prudenter iisdem *priori* opinione uti contra matres, quæ ex negligentia foetus in utero suffocant, aut præmaturne effundunt: *posteriori*.

feriore autem, ut leniant earum dolorem, quæ proles sine Baptismo extinctas acerbius lugent; utraque enim vere probabilis est, & neutra certa. Quænam vero probabilior nobis videatur, si sperandum sit,

141. *Dico. Probabilius videtur, infantes sine Baptismo decedentes non puniri poena sensus.*

*Prob. I. SCRIPTURA, ubicunque mentionem facit ignis aterni seu poenæ sensus, manifeste loqui videtur de tali poena, quæ præsupponit peccatum actuale. Ejusmodi sunt omnes illi textus, qui contra nos afferuntur ab adversariis, & speciatim sententia Christi judicialis, qua nititur S. Augustinus Matth. 25. *Ite maledixisti in ignem æternum, qui paratus est diabolo & angelis ejus. Esurivi enim, & non dedistis mihi manducare: sitivi, & non dedistis mihi bibere &c.* Idem Apoc. 18. legitur: *Quantum se glorificavit & in deliciis fuit, tantum date illi tormentum & luctum.* Denique Isa. ult. & Marci 9. conjungitur vermis cum igne: *Vermis eorum non morietur, & ignis non extinguetur.* Omissiones enim culpabiles in 1mo, delectatio in 2do, morsus vermis etiam, id est, conscientia mali operis pungens & affligens in 3tio, sunt actualia peccata, aut ea supponunt. Ergo, cum infantes hujusmodi actualiter non peccaverint, poena peccati actualis, hoc est, poena sensus etiam illis tribuenda non est.*

Conf. I. Poena sensus pro infantibus non est afferenda sine aperta autoritate Scripturæ & SS. Patrum communi; quia de Deo, ut scriptura ait, est sentiendum in bonitate. Sed nec scripturæ autoritas est aperta, ut proxime notatum: nec traditio etiam Patrum est communis, cum alii prioribus repugnent; scilicet GREG. NAZ. Or. 40. in S. Baptisma; GREG. NYSS. Orat. de iis, qui mature abripiuntur, sub finem; Euthym. ex S. CHRYS. in Panoplia L. 2. c. 22.

Conf. 2. INNOCENTIUS III. C. Majores, de Baptismo §. sed adhuc, sic ait: Poena originalis peccati est carentia visionis Dei: actualis vero peccati poena est gehennæ perpetuæ cruciatus. Hic vero membrum primum debere intelligi exclusive, ita ut sensus sit, peccatum originale mereri solum illam carentiam: actuale autem mereri ulterius cruciatum gehennæ, patet tum ex oppositione inter-
utrum-

utrumque a Pontifice facta, tum ex ratione, quam ibidem urget. Loquitur enim hic de eo, qui simul peccato originali & mortali actuali habitualiter manente infectus est, in eoque negat posse remitti prius, manente posteriori.

Ex eo autem, quod remissio secundum *legem ordinariam* fiat per infusionem gratiæ justificantis, dantisque jns hæreditarium vitæ æternæ, infer, quod, si cui actuale mortale habenti remitteretur originale, haberet jus ad visionem Dei ob remissum per gratiam originale, & simul debitum ea carendi, æternumque gehennæ cruciatum patiendi propter actuale restans; quæ duo sibi adversari dicit verbis mox subjectis: *Unde, si dimitteretur alicui primum, altero non dimisso, talis non careret visione Dei propter originale dimissum, Et cruciaretur in gehenna perpetuo propter reatum criminis actualis. Sed hac tanquam incompatibilia se minime conveniunt; imo sibi mutuo adversantur.*

Prob. II. Deus neminem punit *pœna positiva sensus*, nisi propter culpam personalem & propria voluntate commissam; tum quia pœna physice propria, qualis est sensus, videtur tantum congruere culpæ *personali*, seu physice propria voluntate commissæ, ut servetur inter culpam & pœnam proportio: tum quia pœna sensus est quædam exprobratio realis & *personalis*, quæ similiter culpæ duntaxat personali & propriæ voluntatis perversitati deberi videtur: tum quia pœna sensus infligitur a Deo ad reparandum ordinem naturalem a culpa perversum: sola autem *personalis* culpa hunc violat; quia licet etiam originale peccatum supernaturalem ordinem, hoc est, conversionem ad Deum per donum gratiæ supernaturale sustulerit, in homine tamen non dissolvit ordinem naturalem. Patet autem *originale peccatum* nec personalem, nec physice propria voluntate commissam culpam esse; ergo.

Conf. 1. *Ecclesia* in imponenda pœna peccatis debita imitatur ordinem & modum præscriptum a Justitia Divina in delictorum punitione; sed nullam pœnam positivam aut satisfactionem pœnalem imponit pro peccato originali; ergo. *Conf. 2.* *Respublica* non solet aliquem plectere pœna positiva & sensibili propter habitualement carentiam virtutum ac pronitatem ad vitia; quamvis eos tanquam indignos rejiciat ab aliqua dignitate adipiscenda, qui virtutibus carent,

erent, & ad mala inclinant. Ergo infantes sine baptismo decedentes similiter julte repelluntur ab adeunda celesti beatitudine, non ita autem sensibili poena affici possidentur; quia propter originalem labem fere tantum habitualiter sunt averſi a Deo, & ad concupiscentiam contra rationem proni.

Objectiones.

142. *Obje. I.* Etiam parvuli comparebunt in judicio extremo; ut patet Matth. 25. v. 32. Ad Rom. 14. v. 10. 2. ad Cor. 5. v. 10. Apoc. 1. v. 7. sed in hoc judicio futuri sunt in sinistra, & judicabuntur. Ergo.

R. Nec major nec minor *de fide* videtur. Quod enim 1mo parvuli non sint comparituri, tenent Durandus & Albertus M. a Dionysio Carthus. relatus, & Cornelius a Lapide licet nobis contrarius, probabile habet. Nec huic opinioni obstant textus citati; tum quia vox *omnis* in scriptura usurpatur saepe pro parte longe majori, qualis est multitudo adultorum respectu infantium: tum quia hi textus intelligi possunt de adultis, ad quos etiam propositiones universales restrictas ipse contextus in tribus prioribus ostendit. De primo enim patet ex commemoratione operum misericordiae ibidem facta: de altero ex verbis subjunctis: *Itaque unusquisque nostrum pro se rationem reddet Deo*: de tertio ex ipso integre recitato: *Omnes nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.*

Neque 2do *fide* certum est, comparituros etiam in judicio infantes fore de numero judicandorum. Ad futuros enim duntaxat, ut videant judicis gloriam & judicium de aliis ferendum, censent Abulensis, Dion. Carthusianus, S. Thomas in 4. dist. 47. q. 1. a. 3. ad 3. & Suarez probabile dicit. Imo nec omnes adultos comparituros ut judicandos, sed aliquos tanquam iudices & supremi iudicis assessores manifestat promissum Christi Matth. 29. Apostolis datum.

3tio Multo minus *de fide* est parvulos in sinistra locandos & cum haedis, cujusmodi adulti reprobis ob spem, etiam, petulantiam & foetorem malorum operum vocantur,

tur, eadem sententia condemnandos. Quamvis enim ex fide noverimus regeneratos infantes participes cœlestis gloriæ, non regeneratos autem ab ea excludendos fore; non satis tamen ex Scriptura, Conciliis ac Patribus constat, eos futuros in sinistra, aut 2da sententiæ parte efficiendos.

Inst. 1. ex parabolis Matth. 3. v. 10. dicitur: Omnis arbor, quæ non facit fructum bonum, excidetur & in ignem mittetur. Et v. 12. Cujus ventilabrum in manu sua, & permundabit aream suam, & congregabit triticum suum in horreum, paleas autem comburet igni inextinguibili. Matth. 13. parabola de sagena missa in mare, & bonos ac malos pisces congregante sic concluditur v. 49. Sic erit in consummatione sæculi: exhibunt angeli & separabunt malos de medio justorum, & mittent eos in caminum ignis.

R. Has parabolas vel ipsa parabolarum ratio, vel S. Augustini etiam nobis oppositi explicatio ostendit non pertinere ad infantes. *Ima* enim de adultis loquitur, qui fructum facere cum possent, minime fecerunt. Nam arbores etiam ante unam vel alteram diem plantatæ in ignem non mittuntur, etiamsi fructum non ferant. *2da & 3tia* Juxta S. Aug. L. contr. Donatist. post collationem C. 4. & 10. nomine *area & sagena* intelligit Ecclesiam, atque hinc in illa positos & in hac inclusos tantum proponit fideles & baptizatos; unde ad infantes minime spectat, qui sine baptismo mortui in Ecclesiæ *area* aut *sagena* nunquam fuerunt.

Inst. 2. ex sententiis. Matth. 25. v. 21. legitur: Tunc dicet & his, qui a sinistris erunt: discedite a me maledicti in ignem æternum. In Apoc. 20. v. 15. Qui non est inventus in libro vitæ scriptus, missus est in stagnum ignis. Et in symbolo, quod S. Athanasio adscribitur, habetur: Omnes homines resurgere habent cum corporibus suis & reddituri sunt de factis propriis rationem: & qui bene egerunt, ibunt in vitam æternam; qui vero male, in ignem æternum.

R. Similiter. Quamvis enim judicium universale futurum, & adfuturos etiam parvulos cum adultis, fideles cum infidelibus, justos cum peccatoribus teneamus; non tamen probatur, aut eandem in omnibus formam judicii

dicii aut sententiam in omnes eandem ferendam vel servandam esse. Jam vero

In 1mo describitur forma judicii circa *adultos* & quidem *fideles* servandi, ut ex ipsis Evangelii verbis liquet; tum quia multitudo judicandorum comparatur gregi *ovium* & *hædorum* sub uno pastore; constat autem Ecclesiam, in qua boni & mali sunt, similem esse gregi ejusdem pastoris: tum quia mali vocantur *hædi*, quod de fidelibus intelligendum; cum infideles in scriptura dicantur *lupi* potius aut *canes*: tum quia ratio damnationis non affertur defectus fidei, sed omissio bonorum operum, qui vivæ fidei fructus esse debent. Atque sic etiam intellexit AUG. L. c. cont. Donatist. C. 4. L. de fide & op. C. 15. & in QQ. ad Dulcit. q. 1. Quamvis vero idem S. Doctor hunc locum serm. 14. de verb. Ap. retulerit etiam ad parvulos, hæc tamen extensio non colligitur ex textu sacro.

In 2do & 3tio sermonem de adultis esse, vel ipsa verba manifestant; in Apocalypsi enim præmittitur: *Et vidi mortuos magnos & pusillos stantes in conspectu throni; & libri aperti sunt: & alius liber apertus est, qui est vita: & judicati sunt mortui ex his, quæ scripta erant in libris, secundum opera ipsorum. . . . Et mors & infernus dederunt mortuos suos, qui in ipsis erant: & judicatum est de singulis secundum opera ipsorum.* Ubi ne per *pusillos* quis putet intelligendos infantes, facit tum illud, quod sequitur, *judicatos esse secundum opera ipsorum*: tum quia juxta interpretes recte hic indicantur, non ætate aut statura, sed dignitate & gradu inferiores.

Porro quænam forma judicii servanda sit & ferenda sententia in *parvulos*, aut *Ethnicos*, vel non erat necesse promulgari in Evangelio, quod ad solos fideles pertinet, & ab his unis creditur: vel satis in genere declaratum est Joan. 3. v. 5. *Nisi quis renatus fuerit ex aqua & Spiritu Sancto, non potest introire in regnum Dei.* Et v. 36. *Qui incredulus est filio, non videbit vitam.* Item ad Rom. 5. v. 16. *Judicium quidem ex uno in condemnationem.* Et v. 18. *Per unius delictum in omnes homines in condemnationem.*

Inst. 3. Ex modo dictis liquet, infantes ob peccatum originale esse *condemnandos*; *condemnatio* autem di-

N

cit

cit pœnas sensus; ergo. *Conf.* Apoc. 20. v. 6. dicitur: *Beatus, qui habet partem in resurrectione prima, in his secunda mors non habet potestatem.* C. 21. autem v. 8. legitur: *Pars illorum erit in stagno, ardenti igne & sulphure: quod est mors secunda.* Ast parvuli non habent partem in resurrectione prima: ergo in eis potestatem habebit mors secunda, per quam ex dictis intelligitur pœna sensus.

R. D. m. Condemnatio correspondens peccatis actualibus, & communiter sumpta dicit pœnas sensus C. correspondens tantum originalibus & proprie quidem non communiter sumpta, quia rarior de ea in sacris litteris fit mentio N. Infantes non regenerati vere dicuntur *damnari*, quia privantur omni beatitudine.

Ad Conf. R. Secundum superius dicta sermonem ibi esse de *adultis*. Esto autem, hunc locum ac similes intelligi posse de infantibus, utpote qui dici possunt iudicandi secundum *opera ipsorum*, non propria quidem voluntate, sed per Adamum facta, ac illos proin mittendos etiam in stagnum ignis; inde tamen eos *pœna sensibili* afficiendos necdum evincitur. Vel enim explicari potest, eos esse mittendos in locum, ubi est ignis, quin tamen ab eo inflammantur; quia pars huius loci ab igne sejuncta est: vel ab igne quidem eos esse detinendos, non tamen cruciandos; quia ignis infernalis non habet vim urendi, nisi ut *instrumentum divina justitiæ*, & propterea sicut alios magis, alios minus torquet, ita aliquos nihil lædere poterit.

Inst. 4. Conc. Florent. in litteris unionis statuit, *illorum animas, qui in actuali peccato mortali vel solo originali decedunt, mox in infernum descendere, pœnis tamen disparibus puniendas.* Sed infernus notat locum tormentorum sensibilibus, & pœnarum disparitas innuit duntaxat inæqualitatem intensivam pœnarum. Ergo.

R. Duriusculum est existimare, hac propositione a Concilio damnatam esse sententiam plurium Ss. *Patrum, Scholarum Principum, & omnium ferme illius temporis Theologorum.* Nec grave minus est asserere, Scholasticos prope omnes Concilii huius definitionem ab ea ad nostram usque ætatem aut non perspexisse, aut irreverenter neglexisse. Unde *N. m.* Nomine *enim inferni* exprimitur

CAP. IV DE POENA PARVUL. NON BAPTIZ. 195

tor aequè limbus infantium, ac Patrum ante Christi passionem defunctorum.

Atque hoc sensu in symbolo Apostolorum dicitur Christus *descendisse ad inferos*: Gen. 37. v. 35. Jacob mortem Josephi deplorans aiebat: *Descendam ad filium meum lugens in infernum*. Per poenarum disparitatem autem non indicatur hic parvulos quidem mitius, alios autem gravius igne torquendos; cum & hæc inter eos reperiat, qui actu peccaverunt: sed quod illi solum puniantur poena damni, alii vero poena damni simul & sensus; siquidem vox *dispar* non dicitur solum de inæqualibus in gradu, sed & de diversis in specie: ut cum homines & angeli disparis naturæ dicuntur.

143. *Obj. II.* Plures Ss. PATRES sunt contrarii, & S. Fulgentius etiam relatus in Can. *Firmissime*, de Consecr. Dist. 4. ait: *Firmissime crede, & nullatenus dubites, non solum homines ratione utentes, verum etiam parvulos, si sine Sacramento baptismi hoc de sæculo transceunt, ignis æterni supplicio esse puniendos*. Ergo ab illis non videtur esse dissentendum.

R. 1. Plures cum S. Thoma & Bonaventura negant, hos Ss. PATRES nobis reipsa esse contrarios, intelligendosque volunt, dum de igne loquuntur, de *pœna damni*; tum quia S. Augustinus, quem alii Patres hac in materia ducem secuti sunt, ipse Q. 9. in Iosue dicit, quamlibet pœnam significari posse *nomine ignis* juxta Scripturæ phrasin: tum quia allata ab illis argumenta plus non probant. Unde etiam Glossa in Can. *Nulla* de Consecr. Dist. 4. non aliam pœnam parvulis non regeneratis assignans, quam tenebras, h. e. privationem visionis Dei, subdit: *Et hæc carentia est pœna ignis, de qua intelligendus est Canon Firmissime, qui desumptus est ex Fulgentio*.

R. 2. Alii permixta PATRUM contrarietate volunt, quæ altera etiam est Doctoris Angelici & Seraphici responso, plus, quam vellent intelligi, a Patribus dictum, eumque loquendi modum usurpatum, ut detestabilem redderent ac extirparent *Pelagianorum* errorem, qui in parvulis nullum esse peccatum, nec aliquam eis pœnam debere asserabant. Præterea hæc PATRUM sententia limites opinionis non excessit, &, ut Estius notat, ab ipsis suis authoribus, excepto *Fulgentio*, nec tanquam fide tenenda

afferebatur, nec opposita velut hæretica damnabatur. Quare sine omni irreverentiæ nota ab his ad alios PATRES secessio fieri potest, & negari consequentia.

144. *Objic. III.* Parvuli sicut nascuntur, sic non baptizati in æternum manebunt *filiis iræ* divinæ. Sed ira divina nihil aliud est, quam decretum damnationis ad pœnam æternam; cum Deus exinde æternum ejusmodi parvulos tanquam inimicos suos odio habeat & tractet; ergo.

R. D. m. Ira divina nihil aliud est, quam decretum damnationis ad pœnam æternam vel negativam damni, vel positivam sensus T. vel C. Solum, aut necessario ad pœnam positivam sensus N. *Ira divina* respectu peccatorum personalium est decretum divinum privans eos beatitudine, & addicens pœnæ sensus: respectu reorum peccati tantum originalis est solum privans beatitudine. *Ad rationem D.* Deus parvulos tanquam inimicos odio habet & tractat illis infligendo pœnam sensus N. eos privando beatitudine C.

Inst. 1. Peccatum veniale actuale, licet levius originali, punitur tamen pœna sensus; ergo & originale; præsertim cum alias decedens cum originali & personali mortali non puniretur *gravius*, quam decedens cum solo personali mortali.

R. N. *Conf.* Quamvis originale non puniatur pœna sensus ex dict. *in thes.*, punitur tamen privatione conspectus divini, quæ de se major est omni alia pœna peccati venialis, quæ per se juxta Catholicos omnes ab æterna beatitudine non excludit. *Ad probationem R. D.* Non puniretur gravius quoad pœnam sensus, si nempe baptismum non contempsisset, aut culpabiliter neglexisset C. quoad pœnam damni *Subd.* Non gravius intensive N. extensive C. Pœna damni mortaliter intenditur, quando, ut hic fieret, *ex multiplici titulo* debetur; sicut excommunicatus propter plura peccata, quorum singulis statuta est hæc censura, intensive magis excommunicatus a S. Th. in 4. dist. 18. q. 2. a. 3. dicitur.

Inst. 2. Christus pro peccato originis expiando pœnam sensus gravissimam subiit; ergo hæc pœna originali est debita.

R. N. Conf. Christus non pro originali duntaxat, sed & pro actualibus culpis passus est, quibus poenam sensus deberi certum est. Caterum non passus est poenam peccatis directe debitam; cum nec poenam damni nec gehennæ sustinuerit: sed aliam subiit, quæ, quia ob dignitatem personæ patientis infiniti meriti fuerat, plenissimam & superabundantem satisfactionem præstabat.

Inst. 3. Parvuli post iudicii diem non habebunt corpora gloriosa, sed *passibilia*; ergo aliquid patientur, tum a mutatione rerum naturalium, tum ab igne, a quo alterum detinebuntur; in qua alligatione juxta probabilem Theologorum sententiam poena ignis infernalis consistit.

R. N. Conf. Licet corpora parvulorum futura sint *remote* & *in actu* imo *passibilia*, non tamen erunt proxime, seu actu ipso quidpiam patientur; tum quia post iudicium cessabit vicissitudo rerum naturalium: tum quia hæ non minus ac ignis agent ut instrumenta duntaxat divinæ iustitiæ; quæ cum non exigit punitionem parvulorum, nec horum corpora inde læduntur. Porro an *in limbo*, an in ipso igne futuri sint parvuli, ex s. d. definitur nequit. Ad hæc, quamvis concedatur detentionem damnatorum partialiter constituere penam sensus, si contraria sit, activa & afflictiva, poenæ tamen rationem non habebit in parvulis; quia est *mere negativa* proveniens a negatione concursus divini, sicut fuit in Patribus antiquis ante passionis dominicæ tempus in limbo detentis.

Inst. 4. Parvuli baptizati non solum videbunt Deum, sed etiam fruuntur bonis corporis, quæ *Beatorum dotes* appellantur. Ergo a contrario non baptizati præter privationem visionis divinæ afficiuntur poenis sensibilibus corporis. *Conf.* Idem *in hac vita* puniuntur poena sensus; cum sint obnoxii infinitis prope calamitatibus: ergo etiam in altera vita poenam sensus patientur.

R. N. Conf. Disp. Illi, qui per gratiam in baptismo acceptam constituuntur filii Dei & hæredes regni cælestis, habent jus etiam ad *dotes corporum*: hi vero ex hastenus dictis non incurrunt debitum ad poenas sensuum subeundas. Licet vero major sit liberalitas Dei in præmiando, quam severitas in puniendo, satis tamen magnum est malum, puniri poena damni parvulum ex alieno peccato.

Ad Conf. R. 1. cum Bellarm. D. A. Puniantur in hac vita pœna sensus per se N. per accidens C. Mors enim & alii corporales defectus, supposita amissione justitiæ originalis, sunt potius proprietates connaturales, quam pœnæ stricte dictæ. Cum, vero in altera vita passibilitas & mortalitas ex ordinatione divina, sit cessatura; ibi æquidem per accidens has pœnas patientur parvuli. R. 2. cum S. BONAV. N. Conf. Quia etsi temporaliter puniri pro peccato originali sit justum, non tamen sequitur, quod æternaliter.

145. *Observa.* Sententia hæctenus propugnata satis se discernit ab errore *Pelagianorum*, qui tria complectebatur: 1^{um}, parvulos non baptizatos carete omni peccato: 2^{dum}, sine baptismo eosdem decedentes ad nullam damnationem pertinere: 3^{tium}, quin vitam æternam obtinere, qua ad minimum & juxta communioem intellegere beatitudinem naturalem. Quantum autem a triplici hoc dogmate Doctores Catholici omnes abhorreant, nosque recesserimus, ex dictis liquet.

QUÆRES. An parvuli sine baptismo decedentes patiantur internum animi dolorem ob privationem beatitudinis?

146. *R.* Parvuli hujusmodi tristantur de privatione beatitudinis. *Prob. ex autoritate S. AUG.* qui L. 6. contr. Julian. C. 10. de his parvulis scribit: *Si hoc (separari a regno cœlorum) eis non erit malum, non ergo amabunt regnum Dei tot innocentes imagines Dei? si autem amabunt, quantum innocentes amare debent regnum ejus, a quo ad ipsius imaginem creantur, nihilne mali de hac separatione patientur?* L. 5. contr. eundem C. 8. ait, specialem pœnam futuram esse parvulis separari a consortio suorum Parentum; majorem igitur pœnam habebunt, ex quo separati fuerint a fine suo ultimo & patria cœlesti. Item L. de mor. Eccl. C. 3. & L. 3. contr. Julian. C. 12. asserit, parvulos *luctuoso puniendos exilio*; si autem exules lugent, necessario tristabuntur. Ejusdem sententiæ est FULGENT. GREG. M. &c.

Conf. Supra ostensum est, parvulos nulla felicitate aut quiete fruturos; sed si nullo prorsus dolore nullaque tristi-

tristitia corporis aut animi tangerentur, certe magna quiete fruerentur.

Prob. ex ratione. Tum quia naturale prorsus est dolere ob privationem boni nobis destinati vel debiti, quale pro parvulis est regnū cœlorum: tum quia parvuli cognoscent, amabunt & magni facient gloriam cœlestem; atque inde ejus privationem, hujusque causam non poterunt non agere ferre. *Conf.* Quia hactenus nulla solida ratio offerri potuit ab adversariis pro sua sententia.

Non enim tenet *1mo*, quod infantes nunquam habituri sint *cognitionem* dampni sustinendi; nam in die iudicii saltem statum suum cognoscent, & ut probabilius est, eidem iudicio assistentes videbunt, alios a peccato originali expiatis in cœlum evehi, se autem ab illo excludi ob idem peccatum. Cognitio autem beatitudinis tam parum vel requiritur vel desiderabitur in parvulis ad tristitiam, quam parum in *infidelibus adultis* ob peccata etiam personalia damnatis necessaria erit ad tristitiam concipiendam, aut deficiet.

Nec *2do*, quod parvuli non habuerint facultatem ad gloriam; *remotam* enim illis facultatem in Adamo, & hinc quoddam quasi jus ad gloriam nemo certe negabit.

Nec *3tio*, quod parvuli cognituri sint, se non propria sed *aliena culpa* illo bono excidisse; nam experientia docet, homines etiam de damno ex alterius culpa dato non minus, ac interdum multo magis dolere: aut lenire quidem illud dolorem potest, tristitiam tamen penitus non aufert.

Nec *4to*, quod cogitatio *damnationis*, quam evaserint parvuli, impediatur tristitiam orituram ex consideratione amissæ beatitudinis; hæc enim cogitatio temperare quidem, non impedire poterit tristitiam in eo, qui desiderat utrumque, & evadere malum & adipisci bonum; præsertim cum gloria cœlestis multo æstimabilius sit præ liberatione a tormentis inferni.

Nec *5to*, quod partim ex prudentia & *religione voluntatis parvulorum* se voluntati divinæ conformantium, partim ex *providentia Dei* suum concursum negantis accidat, ne illi tristitiam sentiant, aut ullum de amissa beatitudine dolorem; etenim præterquam quod hæc gra-

tis & sine fundamento dicuntur, *Imum* tristitiam similem nequidem impedit in animabus a purgatorio detentis, quantumlibet illæ videntur longe perfectius se divinæ ordinationi subicere: *2dum* vix credibile videtur; eoquod nihil sit, quod Deum munificum adeo ac liberalem fore persuadeat erga peccatores sibi invisos, iræ filios, & propter labem originalem damnatos.

Nec dicas: Parum nos constanter agere, qui hic auctoritatem S. *Augustini* appellemus, quem priori articulo negleximus: quin turpe esse, recedere nunc a S. *Greg. Nysseno*, cujus testimonium num. 141. laudatum in confirmationem nostræ sententiæ nuper adduximus.

Re. Magnam quidem S. *Augustini* auctoritatem esse, non tamen irrefragabilem: Item SS. Patrum testimonia nonnisi unanimia locum Theologicum præstare, alibi ostendemus; unde, si iidem inter se divisi sint, partem unam sine alterius vilipensione sectari licet, quæ gravioribus fundamentis nititur. Cujus rei ipse nobis S. Aug. documentum præbuit, dum ep. 19. ad Hier. ita scripsit: *Ego enim fateor Charitati tuæ, solis eis Scripturarum libris, qui jam canonici appellantur, didici hunc timorem honoremque deferre, ut nullum eorum auctorem scribendo aliquid errasse firmissime credam Alios autem ita lego, ut quantalibet sanctitate doctrinaque præpolleant, non ideo verum putem, quia ipsi ita senserunt, sed quia mihi vel per illos auctores Canonicos vel probabili ratione, quod a vero non abhorreat, persuadere potuerunt. Atque hoc ipsum in postremis quæstionibus circa S. Aug. observavimus. Porro vim verbis NYSSENI non facimus, si dicamus eum de mœstitia loqui, quæ non ex pœna damni, sed ex pœna sensus consequitur.*



DISPU.

DISPUTATIO IV.

De Gratia universim.

CAPUT I.

De Gratia & diversis Naturæ statibus.

ARTICULUS I.

Quid & quatuorplex sit Gratia Divina?

147. *Nota.* Gratiæ notio varie accipitur. Imo pro elegantia tum oris, tum sermonis; sic Prov. 31. v. 30. dicitur: *Fallax gratia & vana pulchritudo.* Luc. 4. v. 22. *Mirabantur in verbis gratia*, h. e. suavitatem ac vim verborum. 2do pro favore, amore vel benevolentia, qua quis alteri acceptus est; sic dicuntur *invenisse gratiam* Gen. 39. v. 4. *Joseph coram Domino suo*, & Luc. 1. v. 30. *Maria apud Deum.* 3tio pro gratitudine & gratiarum actione; sic 2. Reg. 2. v. 6. David ait: *Ego reddam gratiam, eoquod fecistis verbum istud.* Ad Coloss. 3. v. 16. *In gratia cantantes in cordibus vestris.* Sed hæ acceptiones sunt improprie. 4to pro dono gratuito, nec personæ nec naturæ debito; ad Rom. 4. v. 4. *Qui operatur, merces non imputatur secundum gratiam, sed secundum debitum.* Et c. 11. v. 6. *Si gratia, jam non ex operibus: alioquin gratia jam non est gratia.* Et de hac nobis sermo est, sumpta non pro quolibet dono gratuito, etiam ordinis duntaxat naturalis, sed magis propriæ pro dono supernaturali. Hinc

148. *Dico I.* Gratia Divina est donum supernaturale absolute indebitum, gratis concessum a Deo creaturæ rationali, pertinens aliquo modo ad vitam æternam. Ita fere Catholici omnes. Convenit autem hæc descriptio gratiæ omni, tum internæ; tum externæ; tum aliis quibuscunque; convenit etiam gratiæ soli, de qua hic disputamus.

Dicitur *donum*; quæ vox dilectionis divinæ erga hominem effectum significat.

Supernaturale; intellige tam philosophice, quam theologicè tale: ex quo capite excluduntur tum gratiæ naturalis ordinis, tum etiam ordinis supernaturalis, quæ ad Deum tanquam gratiæ & gloriæ auctorem relationem non dicunt.

Absolute indebitum; quibus vocibus excluditur quidem omne debitum naturæ & personæ naturaliter agentis; non tamen debitum naturæ ut elevata & personæ ex & cum gratia agentis: cuiusmodi debitum homo ex operibus in gratia factis habet ad gratiam aliam & visionem beatificam, quæ secundum S. Aug. gratia ex vel pro gratia vocantur. Dicuntur tamen & hæ dona absolute indebita, quia in his deveniendum est ad aliquam gratiam primam, quæ sit prorsus indebita.

Gratis concessum; quæ particula amovet etiam debitum ex parte dantis, cum Deus nulla lege absolute teneatur & obligetur ad gratiam conferendam; sicut priores removerunt debitum ex parte recipientis.

A Deo; ut indicetur causa principalis efficiens talis doni, de qua Ps. 83. v. 12. dicitur: *Gratiam Et gloriam dabit Dominus.*

Creatura rationali; angelo scilicet & homini, qui sunt subiectum gratiæ capax,

Pertinens aliquo modo ad vitam æternam; causa enim finalis gratiæ hic assignata non est finis tantum ultimus *vita æterna*, sed & intermedius & proximus, nempe *opus salutare*, meritum de congruo aut de condigno, *justificatio*, *augmentum gratiæ* &c., quæ de se & ex natura sua disponunt ad felicitatem supernaturalem.

149. *Observa.* Sicut a causa efficiente sive Deo gratiam appellavimus *Divinam*, ita plures a causa ejus meritoria illam vocant gratiam *Christi*, eamque distinguunt a gratia angelis & homini in statu innocentie atque ipsi Redemptori nostro data; unde & illam definiunt esse donum homini lapsa ex meritis Christi concessum. Ve-

rum

rum hoc ex sententia dependet, quam quis de motivo Incarnationis tenet.

150. *Dico II.* Gratia ratione finis dividitur in gratis datam & gratum facientem. *Gratis data* est donum supernaturale indebitum non in propriam recipientis, sed in aliorum salutem per se & primario ordinatum; sic autem dicitur vel per antonomasiam, cum de ea Christus differte entitiet Matth. 10. v. 8. *Gratis accepistis, gratis date:* vel per usurpationem generis pro specie ignobilior; nam gratia gratis data ignobilior a S. Th. 1. 2. q. 3. a. 5. dicitur, quia ex se hominem Deo immediate non coniungit, nec gratum reddit. *Gratum faciens* est donum simile ad propriam recipientis salutem per se & primario ordinatum; per hanc enim homo efficitur Deo acceptus vel dispositive vel formaliter.

Species gratiæ gratis data novem juxta communem Theologorum recensentur a S. Paulo 1. ad Cor. 12. his verbis: *Unicuique datur manifestatio spiritus ad utilitatem. Alii quidem per spiritum datur sermo sapientiæ; alii autem sermo scientiæ secundum eundem spiritum; alteri fides in eodem spiritu; alii gratia sanctorum in uno spiritu; alii operatio virtutum, alii prophetia, alii discretio spirituum, alii genera linguarum, alii interpretatio sermonum.* Ubi tres priores referuntur ad plenam rerum divinarum cognitionem: quatuor sequentes ad confirmandam doctrinam: duæ postremæ ad instructionem & doctrinæ expositionem; in quibus ternis habentur dotes & officia eorum, quibus gratia gratis data collata est, ut aliorum salutem docendo & persuadendo consulant.

Est autem *Sermo sapientiæ* specialis notitia & facultas ex altissimis fidei principiis eliciendi conclusiones.

Sermo scientiæ est specialis notitia & facultas mysteriorum fidei declarandi per adjumenta rerum humanarum & exempla.

Fides hic vel sumitur pro intelligentia insigni rerum divinarum, & tunc ordine priora dona præcedit: vel pro constanti fiducia in Deum, ad quidvis impetrandum & miracula patrandum, quæ vel supponit vel includit fidem Theologicam.

Gratia sanitatum est virtus curandi corporis, modo facultatem naturæ superante.

Operatio virtutum est facultas operandi alia miracula in fidei confirmationem.

Prophetia est gratia cognoscendi & prædicendi, quæ sunt a cognitione hominum remota.

Discretio spirituum est donum scrutandi corda, & distinguendi inter ea, quæ a Dei Spiritu aut a dæmone in via salutis agentur.

Gratia linguarum est peritia multiplicis idiomatis cum facultate expedita proferendi verba.

Interpretatio sermonum est gratia intelligendi abstrusos Verbi divini sensus, eosque secundum Dei revelantis mentem aliis declarandi.

151. *Dico III.* Gratia, nempe gratum faciens, ratione modi existendi dividitur 1mo. In increatam & creatam. *Increata* non dicitur tantum illa, quæ ex parte principii sumitur, uti est amor Dei erga homines æternus: sed quæ etiam ex parte subjecti attenditur & donum est, sed increatum, quemadmodum *missio Verbi* in carne, & *Spiritus S.* a Scriptura & Patribus vocatur. *Creatæ* est donum a Deo distinctum ac creatum.

2do. In externam & internam. *Externa* extrinsecus hominem afficit, uti est prædicatio Evangelii, institutio Sacramentorum; item incarnatio, passio, exemplum Christi &c. *Interna* in ipsa anima recipitur, qualis gratia sanctificans, habitus infusi, illustrationes Spiritus Sancti &c.

3tio. In gratiam intellectus & gratiam voluntatis. *Gratia intellectus* est interna mentis illustratio divinitus proponens intellectui vel verum supernaturale credendum, vel bonum supernaturale agendum. *Gratia voluntatis* est facta divinitus immediata motio, inclinatio, excitatio aut provocatio voluntatis ad aliquid supernaturale.

4to. In actualem & habitualem. *Actualis* est, quæ per modum actus seu motionis transeuntis conceditur. *Habitualis*, quæ confertur per modum habitus, seu qualitatis fixæ & permanentis. Hæc subdividitur in gratiam

sancti-

sanctificantem vel iustificantem, virtutes infusas & dona Spiritus sancti. *Sanctificans* dicitur illa gratia, qua homo fit iustus formaliter: *Virtus infusa* est, quæ naturæ viribus acquiri nequit, sed a solo Deo infunditur, estque vel theologica vel moralis: *Donum Spiritus Sancti* vocatur habitus supernaturalis, quo quis proprie disponitur, ut a S. Spiritu ad actionem quandam præstantissimam sibi utilem eliciendam moveatur.

Septem numerantur huiusmodi, quorum tria, scilicet *donum sapientia, intellectus & scientia* ad facultatem intelligendi, quatuor alia, nempe *donum consilii, pietatis, fortitudinis & timoris* ad voluntatem spectant.

152. *Dico IV.* Gratia, videlicet actualis, *ratione diversi respectus ad liberum consensum* dividitur imo in gratiam excitantem & adjuvantem, quarum mentionem facit TRID. Sess. 6. C. 6. AUG. L. 2. de pec. mer. Cap. 18. Item in gratiam operantem & cooperantem, quarum ex Apostolo meminit AUG. lib. de gr. & lib. arb. C. 7. Denique in gratiam prævenientem, comitantem & subsequenter, quas notat TRID. Sess. 6. C. 16.

Gratia excitans, operans & præveniens consistit tum in illustratione intellectus, tum in voluntatis motione, quas Deus in nobis, physice quidem, non tamen moraliter & libere agentibus, atque hinc sine nobis excitat, ut bene velimus & bene agamus.

Adjuvans, cooperans & comitans consistit in auxilio supernaturali, quo Deus nobiscum libere agentibus ad omnes & singulos actus supernaturales liberos concurrat & influit. Huc etiam ab aliis reducitur gratia *subsequens*; ab aliis autem constituitur in auxilio divino, quo ad opus externum perficiendum, & in bono proposito perseverandum indigemus.

2do. In gratiam sufficientem & efficacem. *Sufficiens* pure talis & ut efficaci opposita, est illa, quæ dat quidem posse operari, sed non ipsum operari, ex defectu nempe voluntatis illam habentis, non autem ex ipsius auxilii defectu. *Efficax* est, quæ dat posse simul & operari, suumque effectum semper certo & infallibiliter assequitur. Hinc vero subdividitur in efficacem ex se & ab intrinseco, & in efficacem ab extrinseco; quod si in cir-

cum-

cumstantiarum congruitate stet, gratia vocatur congrua: si in prævisione divina, efficax ab eventu dicitur.

ARTICULUS II.

Quid & quotuplex sit natura humana status?

153. **N**ota. Nomine *status* in Jure Civili significatur personæ conditio, prout est sui vel alterius juris: in Jure Canonico ratio vivendi cum certa quadam obligatione vel immobilitate: in Theologia morali vel idem significatur, vel modus existendi in peccato vel gratia: in Theologia Scholastica vocatur a Scoto *stabilis permanentia legis Divina Sapientia firmata*. Nominem *naturæ humanæ* intelligitur genus humanum secundum suam essentiam & facultates naturales. Per *essentiam* denotantur tum partes metaphysicæ, tum physicæ; per *facultates naturales* naturaliter debitæ & competentes potentia, tum internæ tum externæ, spirituales item & materiales.

154. **Dico.** Status *naturæ* est certa conditio totius generis humani, seu modus se habendi in ordine ad finem ultimum secundum Divinæ Providentiæ legem. Hinc *1mo* extrinsece connotat legem & ordinationem Dei ad finem ultimum: *2do* intrinsece importat vel accidentia & dispositiones, quibus homo ad eum finem consequendum jayatur: vel saltem circumstantias, quibus ab illius affectione impeditur. Multiplex discernitur: videlicet

Status naturæ puræ præter extrinsecum connotatum status naturæ universim descriptæ dicit duplicem carentiam, *1mam* peccati; quia homo in puris naturalibus creatus consideratur sine peccato: *2dam* gratiæ & donorum supernaturalium, atque etiam gratuitarum perfectionum; unde ejusmodi homo foret subjectus naturæ humanæ infirmitatibus, quibus nunc subjacemus, neque ordinaretur ad visionem Dei intuitivam & supernaturalem, sed solum abstractivam & naturalem.

Status naturæ integræ nihil differt a priori, nisi quod specialem perfectionem sive naturalem sive supernaturalem, sive ab intrinseco sive ab extrinseco habeat, quæ in perfecta subjectione appetitus sensitivi ad rationem consistit

ssit, ita ut pars inferior contra superiorem moveri, aut rationem prævenire non permittatur. Quamvis enim *donum integritatis* sæpius magis diffusum & uberius sumatur, in assignata tamen perfectione præcise consistit, quatenus *natura pura* integra opponitur.

Status naturæ elevatæ in eo superat naturam puram, quod dicat ordinationem ad beatitudinem supernaturalem; & consequenter gratias ac dona supernaturalia connotat, quæ ad eam disponunt aut requiruntur.

Status naturæ innocentis seu originalis iustitiæ præter donum integritatis & elevationis includit duo alia; *imū*, gratiam sanctificantem cum virtutibus infusis: *adū*, immunitatem a morte, morbis reliquisque vitæ humanæ infirmitatibus ac miseriis per auxilium supernaturale vel naturale.

Status naturæ lapsæ, prout præcise opponitur statibus naturæ puræ, integræ & elevatæ, importat naturam obnoxiam peccato & peccati pœnis: prout autem opponitur *iustitiæ originali*, & inductus est per peccatum Adami, dicit hominem reum culpæ, privatum gratia, subiectum rebellionis concupiscentiæ, morti cæterisque vitæ hujus miseriis, tanquam statutis peccato pœnis. His accedunt etiam habitus vitiosi ex frequentatione peccatorum vel propria vel aliena progenitorum contracti, aliaque, ex quibus difficultas opera honesta exercendi oritur.

Status naturæ reparatæ, nempe per Christum est, in quo per merita Christi liberamur a noxa peccati originalis cæterisque actualibus, restituimur gratiæ sanctificanti, & primævo illi juri ad æternam felicitatem; sic tamen, ut non omnia per peccatum Adami inflictæ vulnera sanentur, sed omnes fere pœnalitates in nobis remaneant ad exercitium virtutis.

155. *Observa.* Status tres priores nec unquam existerunt, nec nunc existunt: tres posteriores autem vel existerunt, vel existunt. Fuit enim Adamus in statu *iustitiæ originalis*: in statu naturæ lapsæ nascuntur omnes Adami posterii, & manent ante baptismum: demum in statu naturæ reparatæ sunt omnes homines per Christi merita redempti. Quæ quamvis apud Catholicos certa sint, disputatur tamen de statu iustitiæ originalis cum *hereticis*:

cis: cum iisdem est controversia de possibilitate status naturæ puræ: denique nec *Catholici* quidem consentiunt circa quæstionem: utrum natura lapsa debiliior sit, quam fuisset natura pura.

ARTICULUS III.

An Adamus in statu iustitiæ originalis fuerit conditus?

156. **N**ota. *Pelagius*, apud S. Aug. Lib. de pec. or. C. 13. sic ait: *Infantes, qui nascuntur, in eo statu sunt, in quo fuit Adam ante pravaricationem;* quibus verbis non tantum negavit peccatum originale, qui capitalis illius error est, sed negavit Adamo gratiam, eumque rebellionis concupiscentiæ, doloribus, morbis ipsique morti obnoxium statuit, cum nos sine gratia & illis miseriis subiecti nascamur; qua in opinione his etiam temporibus sectatores habet *Socinianos*. Duplex autem quæstio est: 1^{ma}, An Adamus habuerit unquam iustitiæ originalem? 2^{da}, An illam primo instanti acceperit, seu in statu iustitiæ originalis sit conditus seu creatus? Circa illam conspirant omnes *Catholici*: circa hanc teste *Suares* nonnulli etiam *Catholici* a communiore sententiâ abeunt.

157. *Dico I.* Adamus habuit iustitiæ originalem. Est de fide, ex *TRIDENT.* Sess. 5. Can. 1.

Prob. Iustitiæ originalis potissimum includit gratiam sanctificantem, subjectionem appetitus, immortalitatem corporis, & immunitatem a reliquis vitæ miseriis. Hæc vero omnia Adamo concessa fuerunt. Ergo. *Prob. min. p. 1^{ma}.* Eccl. 7. v. 30. dicitur: *Fecit Deus hominem rectum;* juxta Scripturæ phrasin autem nemo, nisi iustus & in gratia Dei constitutus dicitur simpliciter rectus, ut colligitur ex Cant. 1. v. 4. Job. 4. v. 7. Ps. 7. v. 11. Item ad Eph. 4. v. 23. *Renovamini spiritu mentis vestra, & induite novum hominem, qui secundum Deum creatus est in iustitiâ & sanctitate veritatis.* Unde S. Aug. L. de corr. & gr. c. 11. *Quid ergo, Adam non habuit gratiam? . . . Tunc ergo dederat homini Deus bonam voluntatem; in illa quippe sum fecerat rectum.*

Per

Per bonam vero voluntatem saepe ab Aug. intelligi charitatem alibi dicetur.

Prob. p. 2da. Ex S. PAULO ad Rom. 7. & TRID. Sess. 5. Can. 5. habetur, rebellionem concupiscentiæ in homine ortam esse ex peccato Adami; ergo ante peccatum non dabatur illa rebellio. Confirmat hoc S. AUG. L. 4. contr. Julian. Cap. ult. ita scribens: *Gratia Dei magna ibierat, ubi terrenum & animale corpus bestialem libidinem non habebat.* Et apertius Lib. 2. de pecc. mer. C. 22.

Prob. p. 3tia. Sap. 2. v. 23. dicitur: *Deus creavit hominem inexterminabilem . . . Invidia autem diaboli mors introivit in orbem terrarum.* Item ad Rom. 5. v. 12. *Per unum hominem peccatum intravit in mundum, & per peccatum mors.* Unde Conc. Carthag. A. 418. celebratum Can. 1. ita decernit: *Placuit . . . ut quicumque dicit, Adam primum hominem mortalem factum, ita, ut si peccaret, si non peccaret, moreretur in corpore, hoc est, de corpore exiret, non peccati merito, sed necessitate naturæ, anathema sit . . .* Cui consentit Araus. II. & Trid. Sess. 5. Can. 1. & S. Aug. L. 6. de Genes. ad Lit. C. 25.

Prob. p. 4ta. Ex Genes. 3., ubi & dolores partus Evæ, & labor ac fatigatio Adami tanquam poenæ peccati imponuntur; immunitatem autem ab his malis tum L. 5. contr. Jul. C. 5. tum maxime L. 14. de Civ. Dei C. 26. S. Aug. explicat: *Vivebat sine ulla egestate, ita semper vivere habens in potestate. Cibus aderat, ne esuriret; potus, ne sitiret; lignum vitæ, ne illum senectû dissolveret. Nihil corruptionis in corpore vel ex corpore ullas molestias ullis ejus sensibus ingerebat. Nullus intrinsecus morbus, nullus ictus metuebatur extrinsecus. Summa in carne sanitas, in anima tota tranquillitas. Sicut in paradiso nullus aestus aut frigus, ita in ejus habitatore nulla ex cupiditate vel timore accedebat bonæ voluntatis offensio &c.*

158. Dico II. Probabilius etiam Adam creatus est in justitia originali. *Prob.* ex iisdem argumentis, quæ allata sunt pro parte Ima asserti prioris; quo etiam pertinet textus ex L. Sap. cit. in prob. p. 3tia. *Conf.* S. Aug. passim asserit, Deum se erga primos parentes gessisse,

se, sicut se gessit erga Angelos. Sed hi creati sunt cum amore casto, h. e. gratia sanctificante, ut scribit L. 12. de Civ. C. 9. *Deus Angelos cum amore, quo illi adherent, creavit, simul in eis condens naturam Et largiens gratiam.* Ergo.

Objectiones.

159. *Obje. contr. 1m.* Vix intelligi potest, quare ratione Adam peccaverit, si tam perfectus, justus & innocens fuerit. *Conf. 1.* Textus *Geneseos* aliqui de morte Adami debent intelligi de morte animæ, non autem de morte corporis, ut illa verba Christi Matth. 8. & Luc. 9. *Sine mortuos sepelire mortuos.* *Conf. 2.* Plures PATRES dicunt Adamum ante peccatum non fuisse immortalem.

R. Intellecta libertate Adami, & gratia ejus, tanquam non necessitante, cognita concipi facile potest, qui peccare potuerit. *Ad Conf. 1.* De morte, cujus in *Genesi* mentio facta, S. AUG. L. 1. de pecc. mer. C. 2. Pelagianis respondet: *Quid ergo respondebunt, cum legitur, hoc Deum primo homini etiam post peccatum increpando Et damnando dixisse: Terra es, Et in terram ibis? neque enim secundum animam, sed, quod manifestum est, secundum corpus terra erat, Et morte ejusdem corporis erat iturus in terram.* *Ad Conf. 2.* R. PATRES solam voluisse, quod Adam non habuerit immortalitatem naturalem, neque etiam gratuitam illam, quæ gloriosis corporibus tribuitur.

160. *Obje. contr. 2d.* Ss. PATRES negant Adamum in primo creationis instanti jam fuisse iustitia originali donatum. Nam CYPR. epist. 74. ad Pompejum probaturus, quod sanctificatio per baptismum debeat tempore præcedere plenitudinem Spiritus S. obtinendam per Confirmationem, id ostendit ab exemplo Adami, de quo ait: *Ante enim Deus eum plasmavit, Et tunc insufflavit in faciem ejus flatum vitæ.* Similiter GREG. NYSS. Or. 1. in hæc verba: *Faciamus hominem ad imaginem Et similitudinem nostram,* dicit Adamum esse prius factum ad imaginem secundum naturalia, post ad similitudinem secundum supernaturalia.

R. N. Ass. *Ad Prob. D.* Dicitur Adamus ante plasmatus

spatus & prius ad imaginem secundum naturalia factus, quam insufflaretur, aut ad similitudinem secundum supernaturalia fieret, intelligendo utrobique prioritatem temporis N. Prioritatem tantum naturæ C. S. CYPRIANUS enim non facit vim in ordine temporis, sed declarat duntaxat ordinem præsuppositionis, seu distinctionem inter actiones, quarum una supponit effectum alterius. Neque distinctio quæcunque, olim ex NYSSENO inter imaginem & similitudinem a veteribus nonnullis asserta, temporis distantiam exigit.

Inst. Idem pluribus exponit S. AUG. Nam L. 13. de Civ. C. 24. dicit Adamum factum esse in animam viventem, non autem in Spiritum vivificantem, h. e. accepisse vitam rationalem, non autem gratiæ. Lib. 2. de Genesi autem C. 8. ait eundem non fuisse effectum spirituales, h. e. gratia donatum, nisi postquam in paradysum translatus fuit. L. de corr. & gr. C. 10. docet vitam Angelorum & hominum ita esse a Deo ordinatam, ut prius in ea ostenderet, quid posset eorum liberum arbitrium: deinde quid posset gratiæ beneficium.

R. In 1mo loco differentia hæc assignata est a S. Doctore tum ad ostendendum, quod per animam viventem in L. Genes. non intelligatur Spiritus S., ut sub initium Capitis legitur: tum ad explicandum, quod Spiritus vivificantis nomine non intelligatur gratia sanctificans, sed conditio corporis immortalis & gloriosi, ut ex eod. Cap. sub finem habetur.

2do loco spiritualis perfectio non sumitur pro sola justitia originali, sed pro omnimoda felicitate status innocentiae, qua Adam ante sui translationem in paradysum non est potitus.

3tio loco sane non spectatur Angelus & homo gratia destitutus, sed duntaxat non ornatus gratia perseverantia, quæ nunc homini prædestinato a Deo conceditur: quin, cum liberum arbitrium ad servandum salutariter præceptum haberi nequeat sine gratiæ adiutorio, sicut illud in textu allato diserte asseritur, sic hoc omnino ibidem supponitur.

QUÆRES: *An iustitia originalis homini sit naturalis?*

161. *Nota.* Catholicorum concurs ad hæc usque tempora sententia fuit negativa: affirmativam docuerunt *Lutherus* in C. 3. *Geneseos*, *Calvinus* L. 1. *Instit.* C. 15. *Bajus* in propositionibus pluribus damnatis, quarum in hac materia quasi compendium præfert propositio 26.: *Integritas primæ creationis non fuit indebita naturæ humanæ exaltatio, sed naturalis ejus conditio.* *Bajum* secutus est *Jansenius* L. 1. de statu nat. pur. C. 15. 16. 17. docens gratiam *Adami* fuisse sequelam creationis debitam naturæ sanæ & innocenti; in quo sectatores habet *Jansenianos* omnes, & inter hos *Quesnellum* præsertim propositionibus 35. & 37. in bulla *Unigenitus* damnatis. Contra quos

162. R. I. *Iustitia originalis, seu gratia sanctificans nullatenus potest dici naturalis aut homini debita: Patet ex propositionibus Baji damnatis 21. Humana natura sublimatio & exaltatio in consortium divinæ naturæ debita fuit integritati primæ conditionis; & proinde naturalis dicenda est, & non supernaturalis: item 23. & 24. Quesnelli 35. Gratia Adami est sequela creationis, & erat debita natura sanæ & integræ. 37. Gratia Adami, sanctificando illum in semetipso, erat illi proportionata &c.*

Prob. I. SCRIPTURA passim gratiam præcipue sanctificantem agnoscit tanquam beneficium naturam superans. Sic *Ps.* 8. v. 5. dicitur: *Quid est homo, quod memor es ejus, aut filius hominis, quia visitas eum? minuiisti eum paulo minus ab Angelis, gloria & honore coronasti eum, & constituisti eum super opera manuum tuarum.* 2. *Petr.* 1. v. 4. *Per quem maxima & pretiosa nobis promissa donavit, ut per hæc efficiamini divinæ consortes naturæ.* Et 1. *Joann.* 3. v. 1. *Videte, qualem charitatem dedit nobis Pater, ut filii Dei nominemur & simus.* *Conf.* Ex PATRIBUS *Cypr.* *Athanasio*, *Chrys.* *Greg. Naz.* *Ambr.* *Aug.* & aliis, quos referunt *Bellarmin.* L. de gr. primi hom. C. 6. & *Ripalda* T. 3. L. 1. Disp. 8. sect. 3. &c.

Prob.

Prob. II. Gratia proprie dicta est donum gratuitum excludens omne meritum; sed justitia originalis seu gratia sanctificans vera est gratia; ut Jans. L. 1. de statu nat. pur. C. ult. fatetur; ergo. *Item.* Possibilia sunt dona supernaturalia & stricte gratuita, & ejusmodi sunt illa, quæ hominem reddunt Dei filium, divinitatis consortem, & Deiformem. Sed Adam per originalem justitiam ad dignitatem talem evectus est, ut PATRES passim loquuntur. Ergo.

Conf. Nec Bajus nec Jansenius discrepant in hoc errore a *Luthero & Calvino*, ut tamen ostendere conantur. Hi enim non adeo insani erant, ut dicerent gratiam sanctificantem esse partem naturæ humanæ aut proprietatem inseparabilem; cum eam ab homine amissam faterentur. Ergo illi non possunt se ab his distinguere dicendo, gratiam sanctificantem pertinere ad integritatem & sanitatem naturæ; cum nec Hæretici illi aliter *naturale debitum* justitiæ originalis assertum explicare potuerint.

Nec obstant testimonia ex S. Augustino afferri solita. Nam imo dum L. II. de Civ. C. 9. & 17. L. 12. C. 1. & in Enchir. C. 11. privationem justitiæ originalis dixit *visum naturæ & privationem naturalium*; admisit quidem justitiam originalem esse homini naturalem latiori modo; non autem proprie & stricte, cum similiter L. de prædest. C. 5. dicat *habere fidem & charitatem esse naturæ hominum* etiam in statu naturæ lapsæ, alias vero L. 12. de Civ. C. 9. alibique manifeste distinguat naturam a gratia.

2do dum L. 1. de pecc. mer. C. 3. & in Enchir. C. 106. afferit beatitudinem æternam primo homini futuram fuisse *mercedem meriti*, nunc autem post peccatum nobis esse *donum gratiæ*; imprimis nec negavit fuisse concessam gratiam primo homini, nec ejus meritum fuisse futurum sine gratia, ut patet ex L. de corr. & gr. C. 11. *Neque ipsum Deus voluit esse sine gratia sua, quia liberum arbitrium ad malum sufficit, ad bonum autem parum est, nisi adjuvetur ab omnipotenti bona.* Et ex Enchir. loc. cit. *Sine gratia nec tunc ullum meritum esse potuisset.* Deinde post lapsum naturæ æternam vitam etiam docuit esse mercedem, ep. 105. ad Sixtum ita scribens: *Sicut merito peccati tanquam stipendium redditur mors; ita merito justitiæ tanquam stipendium vita æterna.* Denique singulares cau-

fa, cur post peccatum beatitudinem dixerit donum gratia, erant; tum quia major moraliter gratia exhibetur: tum quia vires physice majores requiruntur nunc ad beatitudinem consequendam.

3tio dum L. I, op. imperf. n. 29. 34. 59. docet æquitatem Dei non ferre, ut parvulo innocenti negetur *adoptio*, tanquam illi *debita*, loquitur ex suppositione naturæ elevatæ, in qua nullum est medium inter peccatum & sanctitatem seu adoptionem filiorum Dei: atque hinc arguit contra *Pelagianos*, parvulos, si peccatum non haberent, sine baptismo decedentes tanquam filios adoptivos possessuros hæreditatem cœlestem, baptismum etiam fore frustraneum.

163. R. II. Nec obedientia appetitus sensitivi ad rationem est naturalis homini & debita. Patet ex propositionibus Baji damnatis, 26. *Integritas primæ conditionis non fuit indebita naturæ humanæ exaltatio, sed naturalis ejus conditio.* 55. *Deus non potuisset ab initio creare talem hominem, qualis nunc nascitur; &c.*

Prob. Naturale est homini, ut *animal* est, concupiscere bonum sensibile: & naturale est eidem, ut *rationalis* est, concupiscere bonum spirituale. Sed si duo isti appetitus sibi ipsis relinquuntur, non potest non oriri lucta inter utrumque & rebellio appetitus sensitivi contra rationem; quia impossibile est, ut inter tot objecta delectabilia sensibus occurrentia non sint plura spirituali bono opposita, nec appetitus sensitivus in hæc bona feratur. Ergo hæc lucta & rebellio est naturalis, & obedientia indebita.

Conf. a priori. Si voluntas *suapte natura* posset sibi subdere appetitum sensitivum, id deberet facere vel impediendo, ne motus inordinati surgant, vel extinguendo eos, postquam surrexerint, vel etiam persistentes sopiendo, ne ad objecta vetita animum inclinent ac ferant. Sed nullo ex his modo potest voluntas id præstare virtute naturali, ut patet; ergo.

Conf. a posteriori. Rebellio universalis non est contracta post peccatum ex nativa & *directa* virtute peccati; quia sicut olim ex Adami peccato in specie tantum intemperantiæ commisso orta fuisset inclinatio ad omne genus

us objecti delictabilis, sic etiam de facto ex unico peccato specifico personali commissio illa inclinatio generalis: ugeretur & cresceret; quod falsitatis ab experientia convincitur. Ergo *indirecte* tantum ex virtute peccati, scilicet removen- te donum justitiæ originalis motus inordinatos frenantis: directe autem ex ipsa naturæ humanæ conditione oritur rebellio universalis. *Conf. ab auctoritate* S. AUGUSTINI, qui rebellionem eandem revocat ad amissionem gratiæ, & obedientiam tribuit speciali dono, ut patet ex L. 13. de Civ. C. 13. *Postquam præcepti transgressio facta est, gratia deferente divina, de suorum corporum nuditate confusi sunt.* Item L. 4. contr. Jul. & L. 3. de pecc. mer.

164. R. III. Nec mortalitas corporis, nec immunitas a vitæ miseriis fuit homini debita & naturalis. Patet ex propositionibus Baji damnatis 79.: *Immortalitas primi hominis non erat gratiæ beneficium, sed naturalis ejus conditio.* 72. *Omnes omnino. . . iustorum afflictiones sunt ultiones peccatorum ipsorum, unde Job & Martyres, quæ passi sunt, propter sua peccata passi sunt.* Item 26. & 73.

Prob. 1ma pars. Natura humana, quia corpore constat, componitur ex intrinsicis principiis jugiter adversum se colluctantibus, subjecta est continuæ passioni & reactioni ciborum ac potus, est alterabilis ab extrinsecis causis &c. Ergo, quia hæc omnia, seclusa speciali & miraculosa providentia, necessario inducunt mortem, sua- pte mortalis est. *Conf. ex* S. Aug. L. 13. de Civ. C. 20. *Qui status, immortalitatis, eis de ligno vitæ, quod in medio paradisi cum arbore vetita simul erat, mirabili Dei gratia præstabatur.* Et L. 1. de pecc. mer. C. 3., ubi statum immortalitatis primorum parentum comparat cum incorruptibilitate vestium & calceorum, quam Israelitæ in deserto experti sunt: item cum *Enochi & Eliæ* immunitate a morte; quorum neutrum ex natura rei, sed miraculoso Dei beneficio evenit.

Prob. 2da pars. Tum quia si homini non est debita immunitas a concupiscentiæ rebellionem & morte corporis, multo minus illi debetur immunitas a reliquis malis corporeis: tum quia natura humana ex propria conditione sensitiva est & corporea, adeoque obnoxia externis agen-

tium naturalium & liberorum impressionibus; hæ autem necessario nonnunquam sensibus molestiam inferunt.

Conf. Fundamentum contrarii erroris est, quod *hominis afflictio* non possit contingere sine peccati merito. Sed hoc esse falsum patet tum ex Scriptura & Patribus, qui docent plures alios, quam ultionis, fines haberi afflictionum a Deo etiam infantibus immisissarum; quales sunt *exercitatio justitiæ & meritum gloriæ*, quam homines in adulta ætate ex his molestiis haurire possunt: *utilitas obiectiva* tum ipsius patientis, tum aliorum hominum, quibus humanæ miseriæ consideratio prodesse potest: *adimpletio muneris causæ primæ, recta ordinatio & pulchritudo providentiæ* dispensantis omnia in pondere & mensura secundum singularem rerum naturas &c. Hos fines plerosque attigit S. Aug. L. 3. de lib. arb. C. 23. assertaque ibidem contra Manichæos sibi postmodum adhuc probari scripsit L. de dono persever. C. 12. & L. 1. Retract. C. 9.

Nec obstat contr. 1m. Quod Conc. Araus. II. Can. 2. dicat eum *injustitiam dare Deo*, qui putat, mortem non esse pœnam peccati, & Adamum moriturum fuisse, quamvis non peccaret. 2. Quod Conc. Carth. Can. 1. & S. Aug. L. 13. de Civ. C. 15. pronuntiet, *ipsam corporis mortem nobis non lege naturæ, sed merito inflictam esse peccati*. 3. Quod homo innata inclinatione expetat beatitudinem, hæc autem cum debeat esse æterna, pugnet cum morte.

Nam R. *ad 1mum*. Injustitia hæc non fundatur in jure naturali hominis innocentis ad immortalitatem corporis, sed in *gratuita Dei promissione* de illa conservanda homini non peccanti, utpote quæ jus qualecunque tribuit, ut durante conditione innocentie Deus non violet immunitatem a morte, homini innocenti promissam. Unde etiam patet, non ex conditione suæ naturæ, sed ex promisso Dei beneficio Adamum, si non peccasset, non fuisse moriturum.

Ad 2dum R. Conc. Araus. & Carthag. æque ac S. Augustini mens vera fuit, mortem *de facto* non ex lege naturæ, sed ex merito solo peccati contingere; quia quamvis homo ex natura sua sit mortalis, Deus legem naturalem dispensans stabiliverat, ut homo a morte immunis foret, dum per peccatum ab hoc beneficio non excideret.

Ad

Ad 3tium R. Homo naturali inclinatione expetit beatitudinem, sed naturali Dei providentia possibilem, consequenter anima a corpore separata, solum possidendam; unde immortalitatem corporis homini indebitam patet.

Nec obstat contr. 2dum. Quod, sit contra legem æternam Dei & ordinem universitatis, ut miseriæ homini accidant sine prævia culpa, ut docet S. Aug. L. 3. de lib. arb. C. 9. & L. 1. ibid. C. 6. ac in Ps. 38. & L. 7. Conf. C. 3. *R.* Hæc tantum tenere & asseri a S. Aug., si miseriæ humanæ sumantur ut poenæ & vindictæ *formaliter*, non autem si præcise spectentur ut afflictiones vel cruciatus.

2. Quod lædatur *divina providentia*, si homo absque culpa prematur jugo afflictionum temporalium, ut docet S. Aug. L. 9. de Civ. C. 13. L. 1. de lib. arb. C. 1. L. 3. ibid. C. 18. L. 4. contr. Jul. C. ult. & L. 1. op. imperf. contr. eund. fol. 50. *R.* Hæc asseri a S. Aug., dum loquitur vel de poena æterna, vel de afflictionibus *formaliter* poenalibus, vel de providentia præsentis, qua Deus mala corporea a prima hominis institutione gratuito ablegavit & ablegare decrevit, donec ea peccato mereremur.

3. Quod, si homo absque peccato cruciatur, violetur *justitia divina*, ut S. August. docet generatim L. 2. contr. Jul. C. 10. L. 6. C. 5. & passim L. 1. & 2. op. imperf.; speciatim vero L. 3. contr. Jul. C. 14. 5. 6. 9. Item L. de pecc. orig. C. 13. *R.* S. Aug. arguere hic contra *Pelagianos* ex supposito a se probato, quod parvuli ex prima conditione sua sint omnis mali corporei expertes, siquidem natura humana condita fuit sine subjectione ad corporales miseras; unde sic recte argumentabatur: Parvuli ex prima conditione & legibus ipsi annexis non possunt innocentes affligi absque injustitia Dei. Per te, *Juliane*, innocentes sunt, & plurimis tamen malis affliguntur; ergo eorum afflictio est injusta. Hoc vero argumentum contra nos non tenere ex ipso quæstionis statu patet.

4. Quod similiter sequatur, *clementiam divinam* destrui aut imminui; ut S. Aug. indicat Disp. 1. & 2. contr. Fortunat. L. 22. C. 2. contr. Faust. & in Ps. 134. *R.* Crudelitatem Deo impingere *Manichæos* his in locis docet S. Aug. ex multiplici ratione; tum quia illi inter miseras, quibus animas innocentes subjeci a Deo dicebant, numera-

bant peccatum: tum quia statuebant, animas a Deo destinatas æternis cruciatibus: tum quia causam immittendi miseras etiam humanas non revocabant ad Dei gloriam & animarum utilitatem, sed in vanam quandam cautionem mali Deo imminientis ex gente tenebrarum; ut proin Deus homines tantum, ut miseri essent, affligeret.

ARTICULUS IV.

An possibilis sit status naturæ puræ?

165. **N**ota I. Tres omnino in partes divisi sunt, qui de statu naturæ puræ aliquid enuntiarunt. *Ad 1am* pertinent *Pelagiani*, qui non tantum possibilem hunc statum, sed reipsa etiam existere ac extitisse docuerunt. Hunc vero errorem invicte repressit S. AUG. libris præsertim contra JULIANUM.

Ad 2dam spectant, qui eum nec extitisse unquam, nec possibilem statuunt. Inter hos *Luther.* in L. 3. Genes. dixit, iustitiam originalem homini tam naturalem esse, ac naturale est oculo, ut videat lumen. *Calvinus* L. 1. Instit. C. 15. §. 1. & L. 2. C. 1. §. 6. eandem repetit ex attributis Dei: similis sensus fuit *Baji* in pluribus propositionibus eade re damnatis; a quo non dissensit *Jansen.*, quamvis vocabula mutarit. Nec alia, quam quæ *Iprensis* præformavit, argumenta afferunt Catholici quidam Doctores, qui salva, quam Ecclesiæ debent, reverentia conantur statum memoratum inter impossibilia rejicere.

3tiam maximamque constant *reliqui Catholici*, existentiam quidem negantes, sed passim asserentes hujus status possibilitatem; quamvis nonnulla sit inter eos adhuc dissensio tum ex parte virium naturæ puræ, tum ex parte auxilii naturalis illi naturæ debiti.

166. **Dico.** Status *naturæ puræ* est possibilis, & nulla ex parte repugnat. Patet ex propositionibus *Baji* damnatis 21. 26. 55. 78. & 79. &c.

Prob. Possibilem esse statum *naturæ puræ* est creari posse hominem cum perfectione sua *essentiali* omnibusque facultatibus & accidentibus *connaturalibus*, atque concursu divinæ providentiæ naturaliter illis debito; ac

præ-

præterea sint *bono vel malo* naturæ superaddito, h. e. sine elevatione ad beatitudinem supernaturalem donisque supernaturalibus ex una parte, ex altera autem etiam sine peccato originali vel alio, pœnisque ei debitæ & præternaturalibus. Atqui hominem sic creari posse non repugnat; ergo.

Prob. min. Hominem sic creari non repugnat ex parte *status*; quia in eo habetur omne, quod ad naturam humanam pertinet; nihil adest turpe, inhonestum aut vitii; nihil deesset, nisi gratuitum & indebitum: nec ex parte *hominis*; quia capax est ex nativis & intrinsicis suis principiis non minus doloris & tristitiæ ac gaudii & voluptatis; absente gratia & elevatione non habet defectum alicujus debiti & naturalis; gauderet naturali suo judicio, libertate aliisque facultatibus, quibus posset se ipsum excolere & debitum finem assequi; nec ex parte *Dei*; quia non repugnat ulli divino attributo.

Conf. S. Aug. agens contra *Manichæos* & Deum liberaturus ab eorum blasphemia, qua illi creatorem tanquam auctorem mali vituperabant ob *ignorantiam* & difficultatem seu *concupiscentiam*, quibus subjicimur, quatuor supponit modos, quibus animæ produci & corporibus uniri possunt, quin Deus creator esset auctor peccati aut vituperandus. 1^{us} est, si ex anima peccatrice reliquæ omnes per traducem descenderent: 2^{us}, si ante peccatum præcedens singulæ animæ crearentur & unirentur corpori: 3^{ius}, si omnes animæ prius alibi existentes mitterentur ad informanda corpora: 4^{tus}, si ad eadem sponte sua delaberentur.

De 2^{do} modo ita loquitur S. Doctor L. 3. de lib. arb. C. 25. Si ergo altera anima talis esse cepit non solum ante peccatum, sed ante omnem vitam suam, qualis alia post vitam culpabilem facta est, non parvum bonum habet, unde creatori suo gratias agat; quia ipse ortus ejus & inchoatio quovis perfecto opere est melior. Non enim mediocria bona sunt, non solum, quod anima est, qua natura jam omne corpus præcedit; sed etiam quod facultatem habet, ut adjuvante creatore seipsam excolat, & pio studio possit omnes acquirere & capere virtutes: per quas & a difficultate cruciante & ab ignorantia cæcante liberetur. Quodsi ita est, non erit nascentibus animis

ignorant-

ignorantia & difficultas supplicium peccati, sed proficiendi admonitio & perfectionis exordium. Non enim ante omne meritum boni operis parum est accepisse naturale iudicium, quo sapientiam præponat errori & quietem difficultati, ut ad hæc non nascendo, sed studendo perveniat.

Constat autem hanc hypothefin 1. esse eandem cum statu naturæ puræ: 2. suppositam fuisse a S. Aug. tanquam possibilem, cum ea ad Manichæos refellendos eodem L. C. 21. & 22. utatur, illique vim magnam inesse alibi testetur: 3. nullatenus repugnare perfectionibus divinis; cum in ea haberet anima non parvum bonum, unde creatori suo gratias ageret; se ipsam excolere ac virtutes acquirere posset; & ignorantia ac difficultas non forent supplicium peccati, sed proficiendi admonitio & perfectionis exordium, quæ ipsa verba sunt S. Doctoris.

167. *Excipit JANSENIUS, & imo dicit, S. Augustinum retractasse, quæ scripserat loco laudato, cum ep. 28. ad Hier. de pœnis parvulorum, quarum præcipuæ sunt ignorantis & concupiscentiæ, hæc enuntiet: Ego quidem de pœnis parvulorum, quas in hac vita patiuntur, dixi aliquid in libris illis de libero arbitrio: quod quale sit, & cur mihi in ista, quam habemus in manibus, questione non sufficiat, indicabo.*

168. R. Alia omnia ex ipso S. AUG. discimus; nam L. I. *Retract. C. 9.* ait: *Etiamsi ignorantia & difficultas essent hominis primordia naturalia, nec sit culpandus, sed potius laudandus esset Deus, sicut in eodem libro 3tio (de lib. arb.) disputavimus.* Hoc ipsum repetit L. de dono persever. C. II.; utrobique tamen addit, hanc disputationem valere contra Manichæos, non autem contra Pelagianos, licet utrique peccatum originale negarent, sed ex diversis principiis. Contra illos enim, qui Deum auctorem omnium malorum faciebant, & auctoritatem quidem V. Testamenti negabant, Novi autem testimonia eludebant, agendum erat variis rationibus & hypothefibus, ex quibus efficeret Deum non esse auctorem mali, quamvis ignorantia & difficultas essent naturæ primordia: contra hos autem, qui ignorantiam, aliasque miseras naturæ primordia statuebant, ut eas negarent esse peccati pœnas, his armis uti non poterat, ideoque eos impugnat ex præsentibus

rerum

rerum statu ac ordine, atque ex Scripturis universis, quas *Pelagiani* admiserunt.

Unde ratio elucescit, quare verba superius relata ad Hier. scripserit; siquidem etiam ibidem unice contendit, quod, ubi dixerat *pœnas parvulorum* a Deo aliis bonis compensari, in statu præsentis intelligatur duntaxat de iis parvulis, qui vel martyrium pro Christo subeunt, vel baptismum obtinent.

2do. Hypothesin allatam esse diversam a statu *pura naturæ*; tum quia supponit peccatum, ut patet ex C. 19. & 23. ubi mentionem facit de peccato Adami: tum quia supponit gratiam, ut patet ex verbis: *adjuvante creatore seipsam excolat, Et pio studio possit omnes acquirere virtutes*; & ex doctrina ejusdem alibi sæpius data, quod concupiscentia & ignorantia nequeat vinci nisi gratia supernaturali.

R. N. aff. cum utraque ratione. Patet enim ex verbis relatis imo non supponi hic peccatum, cum dicatur: *non solum ante peccatum, sed ante omnem vitam suam*; Et, *ignorantia ac difficultas essent primordia naturalia, non supplicium peccati*. Quod igitur de peccato Adami refertur, non ad hanc, sed aliam hypothesin pertinet. Neque 2do supponi gratiam saltem *proprie* dictam & supernaturalem, ostendunt verba, quæ dicitur anima ejusmodi *accipere naturale judicium*, h. e. dictamen rationis, quo *sapientiam præponat errori Et quietem difficultati*. Hinc per *adjutorium creatoris, virtutes, & quarum mentio C. 22. fit, dilectionem ac beatitudinem* intelliguntur auxilia, virtutes, amor & beatitudo (nisi hæc postrema referantur ad *3tium modum*) non supernaturalis, sed naturalis tantum ordinis. Quæ vero S. AUG. alibi de victoria concupiscentiæ dicit, alibi examinabuntur, nec ad hypothesin hic propositam, sed ad statum naturæ præsentem pertinent.

3tio. Eandem hypothesin afferri, licet *falsa esset & impossibilis*, sicut eod. L. C. 16. in hypothesi falsa, quod necessitemur ad peccandum, contendit S. Aug. nihilominus Deum esse laudandum.

R. Hypothesis data nec falsa est *ex se*, ut supr. ostensum, nec *falsa & impossibilis* est æstimata a S. Doctore;

tum

tum quia hoc nonnisi temere asseritur : tum quia ex ante dictis constat, eam omni ex parte possibilem ab eodem esse admissam : tum quia si hæc hypothesis fuisset æstimata impossibilia ratione repugnantia, scilicet cum æquitate divina, nec potuisset dici Deus in ea non culpandus, sed laudandus, nec S. Augustinus expeditivisset se a difficultate *Manichæorum*, qui opponebant ignorantiam & difficultatem non posse nisi a malo principio oriri.

De alia hypothesis ex C. 16. allata discrimen est, quod hæc non tam hypothesis fuerit, sed *argumentum ad hominem* & dilemma conflatum ex hypothesis impossibili a Manichæis asserita; unde etiam absolute non asserit Deum in hac hypothesis esse laudandum, sed tantum concludit ex 2. principiis, quorum neutrum verum esse poterat, sed tamen alterutrum a *Manichæis* erat admittendum. Sic enim arguebat S. Aug.: In hypothesis naturalis necessitatis admissa vel homo vituperari potest & culpari ut peccator, vel non? si *primum*; in tantum erit peccator, in quantum se avertit a creatore, atque adeo tunc laudandus erit creator, a quo averti debet, qui vituperatur ut peccator: si *alterum*; jam homo non peccabit, & nihil erit, cur illius creator reprehendatur. In nostra vero hypothesis *absolute* & ex propria sententia affirmat Deum esse laudandum, neque id evincit ex falsis principiis, sed ex ipsa ignorantia ac difficultatis natura.

4to. Additur, S. Doctorem revincere *Manichæos* ex illorum hypothesis, nihilque diserte addere de gratia supernaturali, quia illi cum Manichæis non erat controversia de gratia, sed natura mali; quamvis cæteroquin illi certum fuerit, nec primum hominem nulla adversus se carnis pugna tentatum potuisse sine gratia in accepta justitia perseverare, ut liquet ex L. de don. persev. C. 12. n. 30. Et S. Thomas in Compend. Theol. C. 186. manifeste docet, non absque gratia Dei contineri posse inferiorem partem rationi rebellem.

5. *Inprimis* male dicitur hæc hypothesis fuisse propria *Manichæorum*; cum 3ta & 4ta hypothesis non minus eorum errori de malo rerum principio congruat, ac 2da; S. Aug. autem de omnibus 4tuor C. 21. dicat: *Harum quatuor de anima sententiarum... nullam temere affirmare oportebit.* Idem deinde non ex allata tantum ratione nullam facit mentionem gratiæ supernaturalis, sed quia exi-

stima-

stimabat non aliud auxilium nisi naturalis ordinis in ea hypothefi requiri, ut satis luculenter infinuat, dum animæ illi *naturale iudicium & facultatem* tribuit, qua seipsam excolat, & pio studio possit acquirere & capere virtutes.

Quod denique S. AUG. alibi requirat *supernaturalem gratiam* ad perseverandum, non officit præfenti systemati; tum quod in alio naturæ statu non tantum supernaturalis gratia quæcunque, sed plane singularis requiratur: tum quod hic non examinetur, quodnam auxilium postuletur ad statum *naturæ puræ* penitus consummandum, sed constituendum duntaxat in ejus ortu; unde S. Doctor C. 20. ait: *Quamquam enim in ignorantia & difficultate anima nata sit, non tamen permanendum in eo, quod nata est, aliqua necessitate comprimitur.* Posset autem in data hypothefi saltem ad perseverantiam admitti auxilium *philosophice* supernaturale & quoad modum.

Laudata D. THOMÆ autoritas *postremo* nihil quoque evincit, utpote de institutione Adami enuntians, cum nos de *naturæ puræ* loquamur: de qua manifesta sunt Doctoris Angelici pro nobis testimonia. Nam in 1. Dist. 31. q. 1. a. 2. ad 3. sic loquitur: *Poterat Deus a principio, quando hominem condidit, etiam alium hominem ex limo terræ formare, quem & in conditione sua naturæ relinqueret, ut scilicet mortalis & passibilis esset, & pugnam concupiscentiæ ad rationem sentiens; in quo nihil humanæ naturæ derogatur, quia hoc in naturæ principiis consequitur.* Statum autem naturæ hujus non involvere gratiam, patet ex ejusdem ANGELICI ratione, qua tum hic, tum alibi sæpius utitur, videlicet quod integritas & iustitia primi hominis non fuerit secundum naturam, sed supernaturale donum gratiæ.

Vide ibid. q. 1. a. 1. Item de malo q. 4. a. 1. Et in Summ. p. 1. q. 5. a. 1. Denique contra Gentes L. 4. C. 52., ubi hoc non ut verum duntaxat, sed ut certissimum secundum fidei doctrinam tradit.

Objectiones.

169. *Objic. I.* Homo creari nequit sine ordinatione ad finem ultimum; sed finis ultimus est *clara Dei visio*; quia extra hanc nihil est, quod hominem vere beatum red.

dere

dere possit, ut ait S. Aug. L. I. Conf. C. 1. *Fecisti nos ad te, & inquietum est cor nostrum, donec requiescat in te.* Ergo homo sine ordinatione ad claram Dei visionem, & hinc in statu naturæ puræ creari non potest.

R. D. M. Nequit creari sine ordinatione ad finem ultimum saltem naturalem C. Ad finem ultimam supernaturalem; consistentem in visione Dei & amore beatifico huic visioni proportionato N. Finis autem ultimus naturæ puræ conveniens est *beatitudo naturalis*, quæ quatuor partes sive conditiones complectitur: nempe 1. Quod homo post vitam innocenter actam habeat cognitionem Dei abstractivam in suo genere claram & perfectam, ex qua resultet amor Dei naturalis, etiam suo in genere perfectus. 2. Quod careat omni peccato; unde parvuli in originali decedentes nequidem naturali beatitudine fruuntur. 3. Quod excludatur omnis dolor, tristitia, anxietas &c. 4. Quod hæc beatitudo sit perpetua, & certitudinem possessori suo afferat.

Ad rationem R. similiter, nisi forte probabilius dicatur, S. Augustinum locutum esse de statu naturæ *elevata* moderno, in quo per fidem cognoscimus possibilem esse visionem Dei.

Inst. I. S. AUG. frequenter reprehendit *Pelagianos*, quod dicerent infantes nasci in statu naturæ puræ, & tamen excludi a *regno cælorum*, si morerentur sine baptismo; atque hinc docebat Dei visionem esse connaturaliter debitam creaturæ rationali.

R. D. Reprehendit *Pelagianos*, supponentes ordinationem parvulorum ad beatitudinem supernaturalem & peccati omnis absentiam, & eatenus statum naturæ puræ admittentes C. Absolutum ex omni parte statum naturæ nobiscum admittentes ac supponentes N. Urgebat sane argumentum S. Doctoris; cum enim *Pelagiani* parvulis ordinationem ad visionem Dei tribuerent, eo quod hos dicerent suscepto baptismo participes futuros regni cælorum: ipse vero eos convicisset, in ejusmodi ordine nec esse medium inter *peccatum* & *sanctitatem* seu adoptionem filiorum Dei, nec medium inter *cælestem beatitudinem* & *damnationem*; recte contra eosdem tum ex offensis tum ex concessis est argumentatus, qui admissa ordinatione ad

visio-

visionem Dei & parvulorum immunitate a peccatis, hos tamen excludi dicebant a regno cœlorum, & ulia pœna affici negabant. Quam vero nos ab his omnibus sumus longissime remoti, tam parum etiam nobis hac omnis argumentatio obest.

Inst. 2. Juxta S. AUG. Deus absque injustitiæ labe non posset creaturæ rationali *innocenti* regnum cœlorum denegare; ergo cum hoc in natura pura non ordinata ad supernaturalem beatitudinem faceret, hic status tanquam justitiæ divinæ repugnans non est possibilis.

R. N. Conf. Disparitas patet ex modo dictis; quia loquitur etiam hic S. AUG. de præsentī rerum statu & ex supposito naturæ ad finem *supernaturalem* gratuito ordinatæ. Hac autem facta suppositione clarum est, regnum cœlorum esse communem omnium hominum patriam, hæreditatem & patrimonium, atque hinc exclusionem ab eo regno habere se instar exilii & pœnæ gravioris, quam Deus justus nulli *innocenti* infligere potest; quod ipsum argumentum est, quod L. 3. contr. Jul. C. 12. & serm. 14. de verb. Ap. aperte urget. Sicut vero nullibi hæc contendit probare in statu naturæ quocunque, sic etiam in statu præsertim *natura pura*, quem nos ponimus, non tenent.

Inst. 3. *Pelagiani* statum naturæ puræ non tantum possibilem, sed existentem asseriebant: imo eum ab illis in scholas Catholicas invectum ait *Jansenius*; ergo male dicitur AUG. arguisse in hypothesi ordinationis supernaturalis; quia sic perpetuo laborasset vitio petitionis principii.

R. A Pelagianis statum naturæ puræ admissum non esse absolutum ex omni parte, sed tantum ex ea, quæ gratiam & peccatum adesse negabant. Cæterum inter plurimas a *Jansenio* in Scholasticos conjectas calumnias hæc etiam una est, quæ dixit puræ naturæ systema acceptum esse in scholas Catholicas a *Pelagio*. Præcipuum siquidem caput hujus systematis a Scholasticis recte ponitur in negata ordinatione ad finem *supernaturalem*; tum quia hæc asserta penitus negari non potest gratia, utpote medium unicum ad hunc finem requisitum; tum quia ea etiam posita potest saltem ad tempus abesse gratia, ut Theologi supponunt, qui Adamum in gratia conditum negant.

Porro non intervenisse in argumento S. AUG. *petitionem principii* constat; partim quia S. Doctor sapius ex
Scriptu-

Scriptura & traditione probaverat dari nunc ordinationem supernaturalem: partim quia Pelagiani eam admiserant, ut s. d. & habetur serm. 14. de verb. Apost. Qui autem vel probat, quod supponit, vel ab adversario concessum assumit, non laborat vitiq petitionis principii.

Inst. 4. Homo creati nequit sine ordinatione ad id, quod *naturaliter* appetit, ex S. Aug. L. 13. de Trin. C. 8. est beatitudo: vera autem & solida hominis beatitudo consistit in visione Dei; ergo.

R. D. 1^m. p. min. Id, quod homo naturaliter appetit, est beatitudo in communi C. est beatitudo in particulari, *subd.* quod appetit naturaliter, h. e. ad quod appetendum & desiderandum impellit ipsa natura hominem, supposita revelatione de vera & solida hominis beatitudine & ejus promissione C. h. e. ad quod impellit etiam non supposita hac revelatione & promissione N. S. Aug. l. c. C. 3. docet omnes homines *naturaliter* velle esse beatos. C. 4. inquit, unde existat de ipsa beatitudine tanta diversitas voluntatum. C. 6. respondet id esse ob pravitatem generis humani, *qua interdum eligitur, unde magis a beata vita receditur.* C. 7. infert necessariam esse *fidem*, quæ nobis veram beatitudinem in particulari & præseni scilicet statu proponat, nempe Dei visionem.

Inst. 5. Homo habet naturale desiderium videndi ipsam *substantiam Dei*, ut docet S. THOMAS maxime L. 3. contr. Gent. C. 50. & alibi sæpius; ergo habet appetitum innatum visionis beatificæ.

R. Habet naturale desiderium videndi substantiam Dei sub ratione causæ primæ, & quatenus præcise relucet in creaturis ut auctor naturæ, atque hinc etiam modo solis naturæ viribus congruente, seu per cognitionem abstractivam C. sub ratione objecti beatifici, & prout est auctor gloriæ, atque hinc visione intuitiva *subd.* habet hoc naturale desiderium modo supra exposito, posita revelatione & cognitione effectuum gratiæ & gloriæ C. his non suppositis, sed cognitis dumtaxat effectibus naturalibus a Deo præcise ut auctore naturæ procedentibus N. Sicut enim S. TH. generatim dixerat p. 1. q. 12. a. 1. *Inest homini naturale desiderium intuendi causam, cum intuetur effectum;* sic l. s. c. etiam loquitur speciatim de Deo: *Ex co-*

gnitia-

gnitione effectuum incitatur desiderium ad cognoscendum causam, non enim quiescit sciendi desiderium naturaliter omnibus substantiis intellectualibus inditum, nisi cognitis substantiis effectuum etiam substantiam causæ cognoscant. Per hoc igitur, quod substantia separata cognoscunt omnium rerum, quarum substantias vident, esse Deum causam; non quiescit naturale desiderium in ipsis, nisi etiam ipsius Dei substantiam videant.

Hinc vero sequitur male inferri, inesse homini appetitum innatum visionis beatifica; quia ANGELICUS manifeste loquitur de desiderio, quod cognitionem subsequitur, & sic de appetitu elicitō, cum e contra innatus nihil aliud sit, quam pondus quoddam & inclinatio naturæ sed potentia naturalis tendentis in bonum sibi conveniens absque prævia cognitione.

Inst. 6. Homo sola duce natura appetit videre Deum; tum quia *Platonici* ponebant beatitudinem hominis in fruitione Dei: tum quia *AUG.* ex eo maxime urget *Pelagianos* negantes parvulis non baptizatis regnum celorum, quia eorum anima sit *imago Dei*: & ex hac ipsa ratione *L. 4. C. 3.* dicit hominis naturam mereri gratiam Dei; ergo.

R. N. A. ad rat. Imam B. D. *Platonici* ponebant beatitudinem in fruitione Dei per cognitionem abstractivam *C.* per claram & intuitivam Dei visionem *subd.* aliqui sic ponebant id edocli ex sacris litteris & sic præsupposita revelatione divina *C.* solo naturæ lumine id consecuti *N.* *S. Aug.* *ibid.* *C. 11.* declarat se multis adduci, ut credat *Platonem* *Moyſis* libros legisse; in his autem, nempe *Exod. 33.* fit mentio visionis Dei intuitivæ. *Ad rat.* *2dam* & quidem *text.* 1. redit responsio data, nempe *S. Augustinum* recte hæc urgere contra *Pelagianos*, & ab exclusionem imaginis Dei a vita æterna probare in parvulis peccatum originale, cum illi faterentur vitam æternam nobis revelatam & promissam.

Ad text. 2. *R.* Per illud meritum naturæ ad gratiam intelligi duntaxat capacitatem, quam homo ut rationalis & *imago Dei* habet ad gratiam, non autem lapis, lignum aut pecus. En ipsa verba Augustini Julianum alloquentis: *Bonam dices hominum naturam, quæ talis gratiæ opitulationem meretur. Quod gratanter audirem, si hoc propterea, quia rationalis creatura est, diceris. Neque*

anim gratia Dei per J. C. D. N. lapidibus aut lignis pecoribusque præstatur, sed quia imago Dei est, meretur hanc gratiam: non tamen, ut ejus bona voluntas possit procedere præter gratiam, ne vel ipsam prior det, ut retribuat illi, ac sic gratia jam non sit gratia, dum non datur gratuita, sed redditur debita.

Inst. 7. Natura humana in puris naturalibus condita frustra ordinata foret ad beatitudinem naturalem; ergo. Prob. Ant. 1. Quia beatitudinem illam assequi non posset; cum S. Aug. L. 10. de Civ. C. 2. & 11. aperte pronuntiet neque sine gratia obtineri posse beatitudinem illam naturalem, quam Platonicæ statuebant in contemplatione Dei. 2. Quia beatitudo hæc in abstractiva solum cognitione consistens non haberet reliquas proprietates beatitudinis.

R. N. A. cum 1m. prob. Natura enim pura tum physice tum moraliter posset mereri beatitudinem naturalem per bona opera naturalia; ut mox dicitur. S. Augustinus loquitur de natura lapsa & peccato corrupta; nos autem de natura pura & innocente. Ad 2d. prob. N. ass. Nam non repugnat, ut intra latitudinem cognitionis abstractiva detur aliqua tam clara & perfecta, quæ per se moraliter saltem necessitet voluntatem ad inhærendum Deo per amorem ipsius naturalem; item quæ conjuncta cum speciali Dei protectione extrinseca peccatum omne & proximam peccandi potentiam excludat. Nec repugnat, ut Deus hominem in pura natura conditum post vitam innocentem actam transferat aliquem in locum, ubi illa cognitione & protectione perpetuo fruatur, ac una reddatur certus de hujus perpetuitate status.

Quibus positæ partes vel conditiones beatitudinis supra requisitæ adsunt. Neque timerenda hic est inquietudo aliqua ob carentiam beatitudinis perfectioris, quæ fruentur beati in cælo; vel enim naturaliter beatus hanc non suspicatur esse possibilem, vel certo judicat eam sibi non deberi: unde aut nullo aut inefficaci solum & conditionato ejus desiderio tenebitur, quod sicut se habet per modum simplicis cujusdam velleitatis, sic naturale gaudium & quietem non turbat.

Inst. 8. Dici nequit, quod homo eam solum consequatur in anima; cum totum nullum pro fine ultimo ha-

beat

beat bonum solius partis, sed totius: nec quod eam consequatur simul etiam *in corpore*; cum in corpore naturaliter obtineri nequeat beatitudo naturalis, eoquod ad corporis beatitudinem necessaria sit ejus resurrectio, quæ est supernaturalis, & hinc cum statu naturæ puræ concinnavi nequit.

R. Utrumque esse probabile. Qui *immum* tenent, contendunt resurrectionem esse propriæ & *strictæ supernaturalis*, ideoque homini in natura purâ prorsus indebitam: ad argum. vero respondent hoc esse intelligendum de toto *partes similes* habente, non autem de eo, quod unam partem mortalem, aliam immortalem complectitur, uti in homine accidit, cujus pars immortalis, scilicet anima, est nobilissima & toto præstantior. Rationem dant; quia finis naturalis totius hominis est naturalis beatitudo naturaliter obtinenda; sed naturaliter obtineri nequit nisi in sola anima, quæ una cognitionis & amoris Dei capax est; ergo.

Qui *adum* tuentur, dicunt resurrectionem corporum esse *minus strictæ supernaturalis*, h. e. *supernaturalem* quidem ex parte principii; quia nulla causa secunda naturaliter, sed solus Deus potest esse principium activum hujus resurrectionis: naturalem vero ex parte termini; quia resurrectio terminatur solum ad effectum intrinsece naturalem, nempe compositionem totius hominis & vitam naturalem. Quod autem hoc modo *supernaturale* est, non semper est supra naturæ exigentiam, ut patet in *creatione mundi*; imo potest esse secundum exigentiam, ut liquet in *creatione animæ rationalis* ad exigentiam materiæ dispositæ. Hoc posito dicunt resurrectionem corporum non esse supra, sed juxta exigentiam animæ rationalis tanquam formæ corporis in suo termino constitutæ, ideoque ipsi naturaliter debitam esse æque, ac ipsi beatitudo sua debetur. Porro huic opinioni non obest, quod sic immortalitas corporis foret debita naturæ puræ; nam quod hic conceditur, spectat ad statum termini.

170. *Obj. II.* Non potest creari homo sine notitiis & amore veritatis, sine amore justitiæ, sine amore ipsius Dei, quia hæc sunt media ad obtinendum finem ultimum hominis. Sed in statu naturæ puræ hi amores haberi nequeunt; tum quia S. AUG. variis in locis requirit gratiam

supernaturalem: tum quia distinctio duplicis amoris naturalis & supernaturalis juxta *Jansenium* conficta est.

Rz. AUGUSTINUS loquitur, ut solet, de virtutibus *æternæ vitæ* meritoriis, quas unas virtutum nomine censendas esse docet pluribus in locis & maxime L. 4. cont. Julian. C. 3. Fundamentum autem distinctionis inter amorem Dei *naturalem* & *supernaturalem* habetur ex ep. ad Rom. C. 1. v. 20 ubi Apostolus docet gentiles naturali rationi lumine *cognovisse* Deum: C. 2. v. 14. autem affirmat Gentiles, quæ legem non habebant, naturaliter *fecisse* ea, quæ legis erant. Adde, quod Paulus C. 1. v. 21. & seqq. dicat Gentiles *inexcusabiles* esse, eoquod cum cognovissent Deum, non sicut Deum glorificaverunt, aut gratias egerunt, sed *coluerunt* & servierunt creaturæ potius quam Creatori; juxta S. AUG. autem ep. 120. C. 18. *Pietas cultus Dei est, nec colitur ille nisi amando.* Item ex Araus. II. C. n. 25. & Trid. sess. 6. Can. 3. quæ dum definiunt *auxilium Spiritus S. ne* essarium esse ad diligendum Deum, non id absolute & ad diligendum quomodocunque dicunt, sed addunt: *sicut oportet ad salutem*, vel: *sicut oportet, ut justificationis gratia conferatur.* Hæc autem limitatio foret frustranea, nisi alius amor Dei possibilis foret. Unde a Pontificibus damnata est propositio Baji 34.

Inst. 1. Nequit homo creari sine facultate amandi Deum propter se, seu *amoris casti & recti*; sed talis nequit haberi sine magna & proprie dicta gratia, ut affirmat Aug. L. 5. contr. Jul. C. 3.; ergo. *Conf.* Capitalis *Pe. Iagjanorum* error fuerat posse amorem castum haberi naturæ viribus, & de hoc illos inter & Catholicos concertationem fuisse testatur Aug. L. de gr. & lib. arb. C. 18. at tamen L. de nat. & gr. C. 2. ait sine gratia Christi nihil recti facere etiam eos, qui fide Christi destituti naturaliter faciunt, quæ recta sunt.

Rz. Q. min. Amor castus & rectus supernaturalis ac meritorius vitæ æternæ haberi nequit sine gratia proprie dicta C. naturalis N. *Ad Conf. Rz.* Controversiani fuisse de charitate *supernaturali & meritoria*, ut vel ex ipsis locis objectis manifestum est. Apertius id ipsum declarat l. e. *Natura humani generis ex illius prævaricatoris carne procreata, si potest sibi sufficere ad implendam legem perficiendamque justitiam, de premio debet esse securæ, hæc est, de vitæ æternæ.*

Inst.

Inß. 2. Ipsi *gentiles Philosophi* agnoverunt amorem Dei in homine non posse nasci sine magno Dei beneficio & gratia; quam eorum sententiam approbavit Aug. L. 8. de Civ. C. 5. 9. 10. &c.; ergo.

R. *Philosophorum* sensus erat amorem illum ac Philosophiam aliaque id genus non posse haberi sine beneficio intra ordinem naturalem contento ac providentia quadam *speciali*; quæ tamen naturæ limites non excedat. Atque hæc responsio vel ipso Jansenio, qui objectionem movit, arbitro tenebit, cum idem L. 1. de statu nat. pur. C. 13. dicat *Philosophos ethnicos nihil omnino de elevatione naturæ ad statum supernaturalem dissimulasse aut cognovisse.* Unde & S. AUG. approbatio huc pertinet. Dum is ibidem alibique ait, gratiam ejusque suavitatem debere nobis dari, ut diligamus Deum; intelligit, ut diligamus *perfectius*, quam Philosophia doceat, aut natura possit: sicut de patientia aliisque virtutibus dicit L. 22. de Civ. C. 22.

Inß. 3. Secundum doctrinam S. Augustini plurimis in locis omnis creaturæ rationalis amor vel est *charitas*, h. e. amor Dei propter se diffusus in cordibus nostris per Spiritum S., vel *cupiditas*, h. e. amor, quo creatura rationalis vitiatur & corrumpitur; ergo nullus amor naturalis Dei propter se est possibilis.

R. S. Augustinum per *charitatem*, quam opponit *cupiditati* vitiosæ, non semper intelligere amorem Dei propter se & super omnia dilecti, sed amorem boni & honesti ut talis, quemadmodum ait L. 2. ad Bonif. C. 9. *Quid est boni cupiditas, nisi charitas?* Sufficiat interim damnata *Baji* propositio 38., cui consimiles sunt plures in *Quesnello* condemnatæ.

Inß. 4. Homini debetur de facto *gratia sufficiens* ad imp'endum præceptum supernaturale, & tamen juxta omnes hoc auxilium est supernaturale; ergo non est contra doni supernaturalis rationem, quod sit naturæ debitum.

R. D. *Gratia sufficiens* homini debetur debito fundato in natura rationali secundum se, vel in gratia minus proprie tali, qualis dicitur illa, qua creati sumus N. debito fundato in gratia priore strictè tali & naturæ omnino

indebita C. *Imus* sensus aperte coincidit cum sensu Lutheri, qui gratiam dixit naturæ debitam, ut lumen dehetur oculo: *2dus* est Catholicorum, juxta quos gratia sufficiens vel in se vel in prima sui origine semper est gratuita & naturæ prorsus indebita; cum debeat vel illi, in quo aliquod *meritum* ex gratia priore & indebita elicitum præcessit: vel homini justificato ad *perseverandum*, in quo justificatio & perseverantia sumit initium a gratia omnem naturæ exigentiam prævertente: vel illis omnibus, quibus eam Deus *promisit* & supernaturalium actuum exercitium præcepit, ubi hæc ipsa promissio & præcepti impositio magnum & gratuitum Dei beneficium est teste AUG.

Inst. 5. Sanctificatio est donum supernaturale, ut omnes admittunt: nec tamen sine injustitia subtrahi potest naturæ innocenti, ut sæpius supra ex S. AUG. est dictum. Sed quod *sine injustitia* alicui subtrahi nequit, est illi aliquo pacto debitum; ergo aliquid potest esse gratiæ donum & una naturæ debitum. *Conf.* Non adhaerere Deo etiam per supernaturalem dilectionem vitium est *contra naturam*, ut docet S. AUG. L. 12. de Civ. C. 1.; ergo.

B. D. 2d. p. aff. *Sanctificatio* non potest sine injustitia subtrahi naturæ innocenti in præsentī providentiā, ubi eam promiserat C. in alia quacunque N. Sicut Deus sanctificationem & jus ad gloriam Adamo gratis in prima sui creatione contulit, sic utrumque omnibus ejus posteris nullo peccato maculatis promisit. Hinc S. AUG. sæpe & optime contra *Julianum* intulit, vel parvulos sine baptismo decedentes in poenam alicujus peccati, & quidem originalis, cum actuale per ætatem committere nequiverint, sanctificatione & beatitudine privari: vel, si omni peccato careant, Deum adversus illos injuste agere, utpote qui fidem fallat, innocentibus neget, quod ipsis se daturum promiserat. Similis autem promissio ad statum *pura natura* non pertinet.

Ad Conf. D. A. Vitium est contra naturam præcise secundum se spectatam N. contra naturam ut ordinatam ad finem supernaturalem C. de postrema autem duntaxat loquitur S. AUG., quia de natura agit in *præsenti providentiā* constituta.

171. *Obj. III.* Repugnat hominem innocentem naturaliter obnoxium esse illis miseriis, quas modo non nisi in pœnam peccati patimur; sed in statu naturæ puræ homo esset obnoxius miseriis, ignorantiae, concupiscen-
tiae, morbis, morti &c., quas nos in pœnam peccati subimus; ergo.

R. N. M. Quæ aperte coincidit cum propositione *Baji* 55ta damnata. Nam si id, quod naturaliter debetur vel ex naturæ principiis sequitur, est *naturalis defectus*, qui ante culpam per donum gratuitum & indebitum fuit impeditus, facile intelligitur, quæ ratione hoc dono per culpam amisso naturalis defectus habeat *rationem pœnæ*; siquidem tunc culpa est causa moralis, cur idem defectus redeat in pœnam, qui ante per gratuitum & indebitum donum impediabatur. Sic si homini plebejo ad nobilitatem prius gratia principis evecto postea in justam secleris commissi vindictam nobilitatis insignia rursus demantur, *ignobilitas* ei incipit esse *pœna*, quæ antea fuit nascendi conditio, & sic naturaliter quodammodo debita. Simile etiam potest evenire in premio. Si enim vir genere nobilis in pœnam perduellionis annexes nobilitati honores amiserit, postea vero propter insigne aliquod meritum priori dignitati restituatur, jam incipiet illi esse *præmium*, quod olim fuerat jure generis hæreditario debitum.

Inst. I. Juxta S. Aug. L. 1. op. imperf. *Sub Deo justo miser esse quisquam, nisi mereatur, non potest*: Et L. 3. de lib. arb. C. 9. *Si peccatis animarum detractis, miseria perseverat, aut etiam peccata præcedit, recte deformari dicitur ordo atque administratio universitatis*: ergo hominem innocentem naturaliter miseriis obnoxium esse repugnat.

R. D. Conf. Ergo hominem innocentem repugnat esse obnoxium miseriis ut pœnalibus, seu quas patiatur in pœnam peccati C. miseriis ut defectibus præcise creaturæ limitationem ac conditionem naturaliter consequentibus N. Adde S. Aug. in Ps. 70. dicentem, a Deo, si is supremo suo dominio & *absoluta potentia* uti velit, sine cujusquam injuria damnari, h. e. affligi malis æterni peccatum non connotantibus posse etiam justum. Quin ipsa *peccandi potentia* sapius id testante S. Doctore magna miseria est, imo aliarum miserationum quodam modo radix; nec

Deus tamen injustus est, quod angelos & primum hominem cum hac potentia creaverit. Cur igitur foret injustus, si cum aliis illis defectibus crearet hominem?

Inst. 2. Philosophi quidam gentiles apud S. Aug. ex sola miseriæ consideratione peccatum aliquod prævium agnoverunt: ipse vero passim contra *Pelagianos* ex hujus vitæ miseriis peccati originalis existentiam colligit; ergo videtur esse intrinseca connexio inter peccatum & miseriæ humanas.

R. N. Conf. Certa peccati originalis existentis notitia, ut testis est L. 6. cont. Jul. C. 4. S. Augustinus, ex una fide haberi potest; unde vel Philosophi illi, qui teste eodem Ang. s. c. nonnullam fidei cognitionem habebant, ex principiis revelatis hanc illationem fecerunt, vel nonnisi *conjecturaliter* peccatum aliquod prævium agnovere. Usurpavit autem S. Aug. hoc quantumvis conjecturale argumentum ex Philosophorum cognitione contra *Julianum*, qui in sui erroris patrocinium vocaverat Philosophos. Idem vero hoc argumento ex miseriis contra eundem recte usus est, qui locutus fuit de miseriis in *præsenti statu* & facta hypothesi primi hominis in justitia originali conditi, ubi hæ miseriæ poenæ sunt peccati. Hanc porro hypothese contra *Pelagianos* fuisse probaverat præsertim in Libris de pecc. mer. & contra *Julianum*.

Inst. 3. Ex S. Aug. L. 1. ad Bonif. C. 15. nefas est de opere Dei erubescere. Sed ex eod. L. 1. de nupt. C. 22. de concupiscentia erubescit homo, & in statu naturæ puræ etiam erubesceret, cum nemo nisi impudentissimus non erubescat de inordinatis concupiscentiæ motibus, ut S. Aug. *Juliano* frequenter objicit; ergo.

R. D. M. Nefas est de opere Dei erubescere tanquam de defectu morali & formaliter culpabili C. tanquam de defectu physico & ad culpam non imputabili N. vel *subd.* in quantum is est opus Dei C. in quantum est opus hominis N. Inordinati concupiscentiæ motus secundum se sunt aliqua *erubescendi* materia, sicut sunt plures necessitates & aliqua officia, quibus satisfacere coram aliis quilibet honestus, licet sine peccato fiant, erubescit: si autem spectentur relative, non sunt nisi *materialiter* mali & denominative morales defectus, in statu quidem naturæ

lapsæ

lapſæ effectus peccati, in eodem autem & naturæ puræ principia & diſpoſitiones peccati. Cæterum licet *ipſa potentia concupiſcendi* ſit opus Dei ſicut potentia peccandi in creatura rationali, tamen motus concupiſcentiæ inordinati non ſunt opus Dei, ſed hominis, cum hi ut repugnantes rationi non habeant cauſam efficientem, ſed deficientem.

Inſt. 4. Juxta S. AUG. L. 4. cont. Julian. C. 14. languor & rebellio concupiſcentiæ per ſe mala eſt; cum hac vero in ſtatu naturæ puræ conderetur homo, utpote qui in hypotheſi illa S. AUG. ſuperius a nobis ſtatuta deberet ſe liberare a *difficultate cruciante*; ergo cum concupiſcentiam fatetur eſſe malam, negat autem eam eſſe a peccato, ſed vult eſſe a Deo, cum Manichæis facit Deum auctorem mali. *Conf.* S. AUG. non phyſicum duntaxat, ſed & *morale malum* dixit concupiſcentiam tum rebellem, licet ſine conſenſu voluntatis, tum indifferentem etiam ad voluptatem licitam vel illicitam; ut patet quoad 1^{um} ex L. 6. cont. Julian. C. 19. quoad 2^{dum} ex eod. C. 16.

R. D. S. AUG. fatetur concupiſcentiam eſſe malam moraliter & culpabiliter N. malam duntaxat phyſice aut denominative, ſed non formaliter moralem, & hinc inculpabiliter malam C. *Ad Conf.* Similiter ſub diſtinctione mali materialiter vel denominative moralis & formaliter & culpabiliter talis C. M. 1^{um} enim genus mali evincit tantum textus 1^{us}, uti verba: *Neque nulla eſt iniquitas*: ſatis arguunt, & alibi laudata S. Auguſt. doctrina certo declarat; in cujus confirmationem hæc habe ex L. 1. de nupt. & conc. C. 23. *Ipſa concupiſcentia non eſt peccatum in regeneratis, quando illi ad illicita opera non conſentitur.* Idem dicendum eſſe de 2^{do}, poſtrema textus verba docent.

Certe mirum eſt *Jansenium* tanta contentione impoſſibilitatem naturæ puræ ex relatis principiis urgere, cum tamen vi authoritatis S. Auguſtini coactus L. 3. de ſtatu nat. pur. C. 18. fateatur potuiſſe *hominem innocentem* concupiſcentiæ obnoxium a Deo creari, dummodo ſimul ipſi daretur auxilium, quo concupiſcentiam vincere poſſet. Unde jam non eſt audiendus amplius, dum negat *hominem* a Deo condi poſſe cum concupiſcentia, ſicut is nequit condi cum *habitu vitioſo*; præterquam enim, quod habitus vitio-

vitiosus per se & unice inclinatus ad malum, concupiscentia autem tantum per accidens, eoquod hæc ex natura operis sit tantum inclinatio ad bonum sensibile corpori proportionatum, oriatur autem ex imperfectione naturali hominis, qui plus afficitur sensibilibus, quam spiritualibus, quod ea inclinatio mentem a spiritualibus avertat; Janse- nii testimonium vim hujus argumenti enervat.

Inst. 5. Saltem concupiscentia rebellis non fuisset utilis ad ullum bonum, imo tanquam perpetuus ad peccatum stimulus fuisset valde noxia; ergo dari nequit in statu naturæ puræ. *Conf.* Hæc concupiscentia intulisset *moralement impotentiam* servandi legem naturalem saltem diu & constanter; ratio enim, cur homo in natura lapsa diu & constanter servare legem nequeat sine gratia, assignatur a Theologis concupiscentia: in statu autem naturæ puræ nulla gratia locum habet; ergo.

R. N. A. Aliquoties jam ex Apg. dictum est concupiscentiam in hoc statu fore *prosciendi admonitionem* & *perfectionis exordium*; addimus ex eodem, non superbiendi commonitionem: *Dum pugnatur adversus eam, periculorum suorum animus admonetur, ne securus instetur.* *Ad Conf. D.* In hoc statu locum non habet gratia ordinis theologicæ supernaturalis C. ordinis naturalis N.

Inst. 6. Quodcumque in hoc statu admittatur auxilium, vel fuit debitum, vel non? si *imam*; ergo gratis dici nequit: si *2dum*; ergo poterit Deus illud negare, & sic hominem naturæ puræ relinquere in impotentia morali servandi legem & necessitate peccandi.

R. Auxilium *sufficiens*, quo homo possit servare legem in statu puræ naturæ, est *debitum* debito vel fundato in ipsa natura vel in perfectionibus divinis, atque hinc est gratia tantum ex gratia ordinis naturalis, scilicet ex supposito, quod natura pura & innocens creetur a Deo; cum ejusmodi naturæ videatur absolute debitum *auxilium naturalis ordinis*, quo possit moraliter per aliquod tempus legem creatoris sui servare, ne scilicet necessitate moraliter ineluctabili incurrat peccatum & sine sua culpa æternam damnationem, quod infinita sapientiæ & bonitati repugnat.

Auxilium vero *efficax*, seu quo legem *actu* impleat, licet naturalis ordinis, est favor specialis & prorsus *indebitus*;

bitus; quia concessio auxilio sufficiente jam non potest peccatum & damnatio refundi in Deum, sed in hominem, qui eo auxilio uti potuisset, ac debuisset. Hinc vero explicatur, quomodo homo ejusmodi haberet potentiam moralem *inchoatam*, tanquam sibi naturaliter debitam, servandam diu & constanter legem naturalem: quia si homo per aliquod tempus, quantum moraliter potest, faciat, Deus negare non potest alterius ordinis naturalis auxilia.

ARTICULUS V.

An natura lapsa debilior sit ad operandum bonum morale naturalis ordinis, quam esset natura pura?

172. *Dico L.* Homo in statu naturæ lapsæ vi solius peccati originalis non est factus *intrinsece* debilior ad bonum morale ordinis naturalis, quam esset in statu naturæ puræ. *Prob. I.* Nec assignari potest, quid homini vel ex corporis aut animæ substantiæ, vel ex utriusque sit alterutrius potentie naturali, vel ex aliqua forma substantiali aut accidentali, quæ naturæ humanæ connaturaliter debebatur, *detrahitum* sit, homoque nunc non habeat, & natura pura foret habitura. Et plerique jam concedunt diminutionem hanc non esse factam per *additionem* habitus vel qualitatis morbidæ; cum neque generentur ab aliquo actu, neque vel per se vel per accidens a Deo infundantur. *Conf.* Ex *removente prohibens* non sequitur effectus major vel minor, quam ex ipsa natura nullo prohibente sequeretur; sed *peccatum originale* solum removet id, quod in primo parente erat prohibens inordinatos motus concupiscentiæ aliasque infirmitates humanas, h. e. *justitiam originalem*: Ergo ex peccato originali nec major debilitas nec minor facultas intrinseca sequitur ad morale bonum, quam esset in natura pura nullo peccato infecta.

Prob. II. Juxta S. Aug. L. 1. Retract. C. 9. in natura pura potuit dari tanta difficultas ad bonum, quanta vi peccati originalis nunc datur in natura lapsæ. Ergo major facilitas non erat naturaliter debita naturæ puræ & innocenti: atque hinc vires naturaliter debitæ per peccatum originale non sunt diminutæ. *Conf.* ex S. Th. p. 1. q. 95, a. 1. in ☉.

173. *Dico II.* Homo in statu naturæ lapsæ vi peccati originalis factus est *extrinsece* debilior ad bonum morale ordinis naturalis, quam foret in statu puræ naturæ. *Prob.* Homini in statu naturæ lapsæ seclusa gratia Christi moraliter est impossibilis observantia totius legis naturalis: homini autem in statu naturæ puræ ea est moraliter possibilis; ergo cum hoc non proveniat ab intrinseco, oritur ab extrinseco, & natura lapsa extrinsece debilior est, quam foret natura pura.

Major autem difficultas ad bonum & naturæ debilitas dupliciter potest provenire ab extrinseco: *imo* quidem spectando causas extrinsecas impediētes facultatem operandi bene, aut præbentes occasionem operandi male, *mundum* scilicet & *damonem*; quatenus nempe objecta concupiscentiam irritantia, exempla pravorum, morum perversitas & similia, item tentationes & infestationes copiosiora aut vehementiora sunt.

2do. Spectando *providentiam Dei* & auxiliorum dispensationem, quatenus hæc vel parciora sunt vel non ita congrua & valentia ad difficultatem superandam. Itaque adjutorium extrinsecum, ex cujus defectu natura sit extrinsece debilior, consistit in *speciali Dei protectione*. Hæc vero ex parte Dei est actus liber divinæ voluntatis, quo Deus decernit remove causas illas extrinsecas, vel negare illis concursum, ne tentationes & incitamenta ad malum prorsus aut saltem vehementiora oriantur: quod si vero hæc quandoque permittat, simul ex parte intellectus & voluntatis tribuat æquipondium, nempe cognitionem naturalem motivi vehementer inclinantis ad resistantiam & naturalem hujus resistantiæ vel boni honesti amorem.

Objectiones.

174. *Objic. I.* Conc. TRID. Sess. 5. Can. 1. ait, *totum Adamum per illam pravariationis offensam secundum corpus & animam in deterius fuisse commutatum.* Conc. ARAUS. II. Can. 25. & TRID. Sess. 6. C. 1. docent liberum arbitrium peccato originali fuisse *viribus attenuatum & inclinatum.* COELESTIN. I. in ep. ad Episcopos Galliz determinans, quid contra hæreticos a Catholicis tenendum sit, affirmat in pravariatione Adæ omnes homines *naturalem possibilitatem & innocentiam perdidisse, & neminem*

nem de profundo illius ruinæ per liberum arbitrium posse consurgere; ergo facta est mutatio intrinseca.

R. CONCILIA & PONTIFEX in assertis non instituerunt comparisonem inter naturam lapsam & puram, sed inter lapsam & integram; quod colligitur tum ex occasione certaminis *Pelagianos* inter & *Catholicos*, quorum primi cum infirmitates vitæ humanæ statuebant esse naturæ primordia, postremi contenderunt primum hominem habuisse iustitiam originalem, eaque per peccatum amissa infirmitates illas evenisse tanquam peccati pœnas: tum ex S. AUG., qui voluntatem integram L. I. de pec. mer. C. 37. vocat *mentis valentiam*, & L. II. de Genesi ad lit. eandem dicit *posse naturæ ac possibilitatem naturalem*; quem sensum illa CONCILIA & loquendi etiam modum PONTIFEX retinuerunt. Unde per commutationem in deterius, per attenuationem & inclinationem virum, per naturalis possibilitatis perditionem, si *intrinseca* spectentur, nihil intelligitur aliud, quam jactura donorum naturam integram & *originaliter* iustam constituentium, non autem extinctio aut læsio virum *naturaliter* debitum.

Inst. 1. Homo per peccatum originale *spoliatus est gratuitis & vulneratus est in naturalibus*, ut habet axioma Theologicum; ergo natura lapsa etiam intrinsece est debilior.

R. D. A. Vulneratus est *in naturalibus* comparate ad naturam integram, quantum nempe vires sanas & integras homo ante peccatum originale habuerat C. comparate ad naturam puram, quantum nempe natura lapsa aliquid amisisset intrinsece, quod naturæ puræ connaturaliter erat debitum N. Homo enim recte dicitur *vulneratus in naturalibus*, quia ob ignorantie, malitiæ, concupiscentiæ & infirmitatis pœnas ex peccati originalis merito intellectui, voluntati & utrique appetitui sensitivo illatis debilior est, quam fuerit in statu naturæ integræ; ut explicat S. THOM. I. 2. q. 85. a. 3., ubi cum dicit hominem destitutum esse *ordine proprio, quo naturaliter ordinatur ad virtutem*, non sumit ordinem proprium secundum se & physice spectatum, & in quantum est ex intrinsecis naturæ principiis, sed secundum *perfectionem*, quam habuit in statu naturæ integræ ex dono iustitiæ originalis.

Inst. 2.

Inst. 2. Vistor ille Luc. 10., & hinc etiam natura lapsa, est *semivivus relictus*. Hoc autem in nostra sententia explicari nequit.

R. N. min. Natura enim lapsa vix ac ne vix quidem habet amplius *dimidium* illius vitæ, qua fruebatur natura integra, etsi natura lapsa nihil perdiderit de vita & viribus naturalibus. Sane ob *mortalitatem corporis*, quæ non est major in natura lapsa, quam esse posset in natura pura, dicitur nihilominus homo vulneratus in naturalibus & semivivus relictus; occur igitur idem de ignorantia, concupiscentiæ fomite, aliisque defectibus dici nequeat?

Inst. 3. Spoliari gratuitis in hoc axioma idem est, ac amittere bona naturæ indebita; ergo vulnerari in naturalibus idem erit, ac amittere aliquod bonum naturæ debitum.

R. N. Conf. Disp. est, quia *imūm* intelligi non potest nisi de amissione boni indebiti, cum solum bonum gratuitum sit naturæ indebitum: at *adūm* potest duobus modis contingere vel cogitari: *imprimis* per amissionem boni naturæ debiti, vel saltem per aliquam ejus diminutionem; *deinde* per amissionem boni naturæ quidem indebiti, sed tamen antea habiti & vires ejus naturales perfectientis in ordine etiam ad bonum naturale. Priore modo vulneratam esse naturam negamus, postremo concedimus: addimus etiam naturam debilitatam esse ob amissionem extrinseci.

Inst. 4. Homo in statu *natura pura* nequit dici vulneratus in naturalibus ac semivivus relictus; ergo hoc plus dicit, quam hominem tantum carere donis justitiæ originalis vel naturæ integræ.

R. N. Conf. Ideo enim homo in *natura pura* nequit dici vulneratus & semivivus relictus, quia vulneratio naturæ est dissolutio ordinis, qui prius inter vires superiores & inferiores fuerat; & quia metaphora etiam semivivi relictī non importat carentiam vitæ vel vigoris *simpliciter*, sed amissionem vitæ vel vigoris præhabiti. Cum itaque ille ordo, vita & vigor, qui in Adamo fuit, non præsupponatur ad naturam puram, quamvis hæc æque debilis esset quoad *vires intrinsecas*, ac est natura lapsa, ho-

mo

mo in illa nequit dici vulneratus & semivivus relictus, sed debilis & ad summum semivivus creatus. Cæterum quamvis vulneratio in naturalibus non indicet quid distinctum a spoliatioe gratuitorum naturæ integræ donatorum, non frustra tamen in axioma additur; quia *apte explicat*, quomodo & quam male hæc gratuitorum spoliatio naturam afficiat, ita ut per eam dicatur vulnus accepisse in natura; siquidem illa dona ex pacto & promissione Divina erant naturæ antecederent unita, & quodam jure naturalibus ejus facultatibus tum quoad se, tum quoad usum propria: ictu autem peccati exinde fiat *separata*, quæ separatio vel divisio dicitur vulnus adinstar vulneris corporalis, quo partes antea continuæ ac unitæ a partibus separantur.

175. *Obj. II.* Si homo in natura pura conditus peccaret, immueretur ejus inclinatio naturalis ad bonum; ergo & hoc accidit in natura lapsa per *peccatum originale*, & datur intrinseca debilitas major. *Conf.* Per originale natura est averfa a fine ultimo etiam *naturali*; ergo necessario est debilior ad bonum etiam naturale; quia bonitas actuum moralium pendet præcipue ex fine ultimo.

R. Pejor omnino in hoc casu foret *natura pura* conditio non ex aliis tantum hujus status capitibus, sed quia *actuale peccatum* est conversio ad creaturas, & relinquit speciem inchoativam habitus vitiosi; quorum neutrum ex originali peccato qua tali habetur; unde *N. Conf. Ad Conf. T. vel C. A. N. Conf.* Quia averfio præcise a fine ultimo non est aliqua *forma physica* residens in Adæ posteris, nec privatio perfectionis naturalis: sed solum moralis quædam habitudo & denominatio, reddens quidem subjectum Deo invisum, at nihil post se relinquens in natura, ratione cujus naturalis ejus perfectio dici possit imminuta.

Inst. Ex variis naturæ affectionibus intrinsecis aperte prodit se major debilitas naturæ lapsæ. Nam 1. *Rebellio concupiscentiæ regnat* de facto in carne peccati: non regnaret in statu naturæ puræ.

2. *Concupiscentia in homine lapsa juxta probabilem D. Thomæ est materiale peccati originalis*; ex eo autem sequi videtur, quod habeat aliquid plus, quam in natura pura, scilicet majorem reluctantiam contra rationem, & majorem inclinationem ad bonum sensibile rationi contrarium.

3. Homo in statu naturæ puræ ex sibi debitis posset mereri apud Deum *præmium naturale*; hoc vero non posset homo lapsus.

4. Nihil obest, quominus natura lapsa amittat inclinationem naturalem ad bonum; tum quia eandem etiam connaturalem amittunt *damnati*: tum quia *beati* amittunt etiam potentiam peccandi, quantumvis connaturalem.

R. N. Aff. Ad prob. 1m. C. A. Sub propria vocum significatione, N. Conf. quæ inferri posset. *Rebellio* proprie est vis subditi aggredientis aliquid contrarium principi: hinc cum in natura lapsa insurgat concupiscentia contra rationem, cui in statu innocentie fuit subiecta & mansisset subdita in nobis, nisi originale peccatum intercessisset, recte dicitur *rebellare*: non ita in natura pura ob rationem contrariam.

Ad 2d. T. supp. N. seq. Concupiscentia quoad esse physicum & reale nihil habet nunc, quod non haberet in natura pura: habet quidem plus quoad *esse morale*, nempe privationem ordinationis præhabitæ inter vires inferiores ac superiores, cum S. THOMAS formale originalis peccati statuat in pri atione gratiæ & iustitiæ originalis; per hoc tamen, quod concupiscentiæ in natura pura deest, nihil amittit naturalium virium, aut accipit naturalis nocummenti concupiscentia in homine lapso.

Ad 3t. D. conf. Ergo debilior est natura lapsa quam pura ad merendum C. ad honeste præcise agendum, abstractendo a ratione meriti N. *Meritum* passim requirit, ut obsequium præstetur saltem a non inimico; hoc vero in natura lapsa, præscindendo a redemptore, non haberetur; quod ipsum tamen non pertinet ad aliquod intrinsecum, sed ad extrinsecam indignitatem.

Ad 4t. N. Aff. Ad prob. Disp. est. Imo in *damnatis* inclinatio ad bonum extinguitur ratione obstinationis, quæ involvit actualem deordinationem peccati, conjungiturque cum supplicio æterno sine spe veniæ; non autem eousque *connaturalis* homini est inclinatio in bonum, ut comprimi non possit per actualem a bono averfionem, præsertim ubi non est spes conjunctionis possibilis. 2do potestas peccandi est ita connaturalis creaturæ, ut non sit impeditiva majoris boni & finis ultimi, qui cum componi nequeat

nequeat cum hac potentia, debet per hanc posse tolli. Aliter res habet cum inclinatione & potentia ad bonum comparate ad peccatum originale respectu naturæ, quæ adhuc in via est. Cum enim illa homini aliunde sit *connaturalis*: peccatum autem originale secundum se ei non opponatur, nec etiam adsit aliquid cum ipsa impossibile; non est, cur debeat dici ablata vel imminuta saltem quoad habitudinem intrinsecam.

CAPUT II.

De variis circa gratiam erroribus.

Cum in disputationibus de gratia potissimum circa ejus *necessitatem, existentiam & agendi modum* versemur, res nobis maxime est cum Pelagianis, Semi-Pelagianis, Luthero, Calvino, Bajo, Jansenio & Quesnello, utpote qui ea in materia ab orthodoxa doctrina plurimum aberrarunt.

ARTICULUS I.

Quinam fuerint Auctores, Debellores & Errores Hæresis Pelagiana circa gratiam?

176. Dico I. *Auctor* fuit PELAGIUS, natione Britannus seu Anglus, professione monachus, ingenio fortissimo, celerrimo & acutissimo præcellens, moribus etiam pietatis laudem consecutus, & scriptis clarus, quorum præcipua sunt Liber unus de natura, Libri 4. de libero arbitrio, Libri 13. expositionum in omnes Pauli epistolas, Libellus fidei ad Innocentium, & variæ ad varios epistolæ. Errores suos præformatos ab Origene, Rufino, & Theodoro Mopsuest. Romæ spargere coepit circa annum Christi 405. ea eloquentia & calliditate, ut plures etiam probos ac litteratos falleret, sibi que adjungeret, artibus non unis ac fraudibus tum in disseminando, tum in defendendo usus.

Propugnatores hæreseos & Discipuli Pelagii præcipui fuerunt: CELESTIUS natione, ut conjicitur, Campanus, vitam monasticam professus & post presbyter, acerrimi ingenii homo, Pelagio vafritie non inferior, super-

rior etiam audacia, & actione potius, quam scriptis clarus:

JULIANUS in Apulia natus, tum ob patris memoriam tum ob egregiam, quam adolescens præ se ferebat, indolem S. Augustino primum charus, ad Eclanensem Episcopatum Junior provectus, acer ingenio, sermone eloquens, virtutis specie nomen etiam magnum adeptus, sed Episcopatu post susceptam Pelagii hæresin pulsus; contra fidem Catholicam & S. Augustinum multa scripsit, præsertim Libros 4. contra L. 1. S. Aug. de nuptiis, & Libros octo contra libros sex S. Doctoris Juliano oppositos.

ANNIANUS natione Italus, ordine Diaconus, latinæ & græcæ linguæ peritissimus, Pelagio plurimum utilis ad emundandam sermonis in eo barbariem, S. Augustini contemptor mordax in homiliarum quarundam S. Chrysostomi edita ab eo versione latina, & S. Hieronymi oppugnator, cujus ad Ctesiphontem epistolæ aliquot libros opposuit.

177. Dico II. Debellatores Pelagianæ hæreseos dicuntur vel Patres in conciliis congregati, vel Patres singuli dogmatica scripta opposcentes, vel summi Pontifices constitutionum decreta edentes.

CONCILIA in causa Pelagianorum congregata sunt 24.

I. Carthagine an. 412. Præside Aurelio, ubi Celestius anathemate damnatus appellavit sedem Apostolicam.

II. Hierosolymis an. 415. Præside Joanne Hierosol., qui cum Pelagii patronus esset, tanquam iudex rejectus, & causa ad Innocentium I. Pont. max. delata fuit.

III. Diospoli, in Civitate Palæstinæ, sub finem ejusd. an. 415. Præside Eulogio Cæsariens., ubi Pelagius objecta ab Erote & Lazaro hæreseos capita ancipiti responsione exposuit, & Patribus illudit, hinc errore facti ab iis Catholicis pronuntiatus.

IV. Carthagine an. 416. Præside Aurelio.

V. Milevi in Numidia circa finem Octobr. ejusd. an. Præside Sylvano; ab utroque Pelagius & Celestius ut hæreseos auctores delati sunt ad Innocentium P. M.

VI. Carthagine sub finem ejusd. an. 416. Præside Aurelio, ubi eadem delatio repetita fuit.

VII.

CAP. II. DE ERRORIBUS PELAGIAN. 245.

VII. Romæ in Januar. an. 417. sub Innocentio. Damnata hic fuit hæresis Pelagiana cum suis auctoribus & sectatoribus.

VIII. Constantinopoli eod. anno Præside Attico contra Celestium.

IX. Antiochiæ anno eod. Præside Theodoro contra Pelagium.

X. Romæ circa initium Septemb. ejusd. an. 417. sub Zosimo P. M. ubi comparuit Celestius, allata est Pelagii epistola & fidei professio.

XI. Carthagine ineunte Novembri ejusd. anni, ubi Innocentii damnatio, sub anni initium in Pelagium Celestiumque lat., est acceptata, & litteræ ad Zosimum de causa eorundem HH. datæ fuerunt.

XII. Romæ circa medium Aprilis an. 418. sub Zosimo, ubi detecta Pelagii ac Celestii tum hæresi tum fraude, uterque repetita auctoritate damnatus est.

XIII. Carthagine Cal. Maji ejusd. anni Aurelio vocante convenerunt ex omnibus Africæ provinciis Episcopi, unde & Africanum dictum est. Hic Pelagiana hæresis rursus anathematizata, & Canones octo, in priore Synodo Carthagenensi conditi, sunt promulgati.

XIV. Carthagine medio Junii an. ejusdem similis conventus est coactus, & hinc Africanum Concilium posterius nuncupatus.

XV. Iterum Carthagine in autumno an. 418., ubi epistolæ Zosimi & damnatio Pelagianorum communi plausu excepta fuerunt. Dicitur & hoc Concilium Africanum nempe 3tium.

XVI. Etiam Carthagine an. 419. Præside Aurelio, quod nomen quoque Africani 4ti habet, & plures Canones edidisse refertur, qui in Codice Afric. Ecclesiæ notantur.

XVII. In Cilicia an. 423. adversus Julianum.

XVIII. Cpoli an. 424. in causa Episcoporum ex Italia ejectorum propter hæresin Pelagianam.

XIX. Romæ an. 425. sub Cœlestino I. P. M.

XX. Carthagine hoc vel priore anno præside Aurelio in causa Leporii, qui prius favens libellum satisfactionis dedit.

XXI. In Gallia anno & loco incerto, a quo missi Germanus Antissiodorensis & Lupus Trecentis Episcopiad Pelagianos in Anglia debellandos.

XXII. Verolamii in Anglia an. 429., ubi duo illi Galliæ Episcopi Pelagianos convicerunt.

XXIII. Romæ an. 431. sub Cœlestino P. M., quod fuit quasi præparatio Concilii generalis.

XXIV. Ephesi an. 431. Conc. generale contra Nestorium & Celestianos, quo nomine dicebantur a Celestio, qui alias audiebant Pelagiani a Pelagio.

PATRES, qui grassanti Pelagianæ hæresi scripta dogmatica opposuerunt, potissimi fuerunt S. Hieronymus, Augustinus, Orosius, Sixtus & Marius Mercator. Primo tribuitur, quod primus in aciem contra Pelagianos prodierit: secundo, quod eo præcipue duce bellum contra eos feliciter fuerit confectum. Unde posterioris hujus, nempe S. AUGUSTINI, opera contra *Pelagianos* scripta breviter recensere juvat; omissis tamen libris, quibus eorum errores, antequam vulgarentur, jam præfocasse censeri potest, quales erant Libri tres *de libero arbitrio*, Liber unus *de duabus animabus*, Libri duo *de diversis quæstionibus ad Simplicianum*. Sunt autem secundum seriem chronologicam sequentia.

ANNO 412. Libri 3. ad Fl. Marcellinum *de peccatorum meritis & remissione*, in quibus peccati originalis existentiam & baptismi parvulorum necessitatem demonstrat: Pelagium adhuc commendat, eoquod ejus vita etiamnum a pluribus commendaretur. Item Liber un. ad eund. Marcellinum *de spiritu & littera*, in quo impeccantiam Pelagianorum oppugnat, & hominem sine gratia, præter legem necessaria, ad justitiam pervenire posse negat. Data etiam est hoc anno epistola 120. ad Honoratum, novos hæreticos exagitans.

ANNO 413. sermo 14. de Verbis Apostoli, quo Pelagianos perstringit.

ANNO

CAP. II. DE ERRORIBUS PELAGIAN. 247

ANNO 414. epistola 89. ad Hilarium contra Pelagianos in Sicilia commorantes.

ANNO 415. Liber un. *de natura & gratia* contra Pelagii librum de natura priore anno editum, quem tacito adhuc nomine refutat, & quid de natura, quid de gratia certum sit, edocet. Item Liber un. *de Perfectione iustitiæ* adversus definitiones Celestii, quam per solas naturæ vires possibilem, & ex gratia etiam in præsentii vitæ futuram negat. Ejus non meminit in LL. Retract., quia, cum ad Eutropium & Paulam scriptus sit, videtur ad seriem epistolarum pertinere. Scriptæ etiam hoc anno sunt epistolæ 28. & 29. ad Hieronymum, in quibus de origine animarum, & de loco Jacobi: qui offenderit in uno &c. tractatur.

AN. 416. Epistolæ 252. ad Joan. Hieros. 94. ad Hilarium Narbon. 92. ad Innocentium, quibus damnatio Pelagii in Conc. Carthaginensi & Milevitana narratur.

AN. 417. Liber un. *de gestis Pelagii vel Palæstinis*, ubi de Synodo Palæstina, calliditate Pelagii & Chartula defensionis ab hoc ad Augustinum missa agit, simulque ostendit ipsam hæresin damnatam fuisse, licet ejus auctor fraude damnationem evaserit. *Idem* sermo 2. de Verb. Apost., in quo causam Pelagianorum Sedis Apostolicæ judicio finitam docet. Adde epistolas 143. ad Julianum, 57. ad Dardanum, 106. ad Paulinum contra Pelagianos scriptas,

AN. 418. Libri 2, alter *de gratia Christi*, alter *de peccato originali*; in quorum 1mo Pelagii artes & fucum circa gratiæ confessionem aperit & refellit: in 2do de peccato Adæ, nuptiis, libidine & effectibus baptismi tractans damnatam in Celestio Pelagii doctrinam vincit. Item epistolæ 105. ad Sixtum postea P. M. & 157. ad Optatum, quarum illa compendium quasi Catholicæ doctrinæ contra Pelagianos refert, hæc veto circa originem animarum versatur.

AN. 419. Liber primus ad Valerium Comit. *de nuptiis & concupiscentiis*, in quo de nuptiarum bono, concupiscentia ac pudore accurate agit. Item Libri 4. *de anima & ejus origine*, quibus tum Manichæi, tum Pelagiani in iis, quæ ad ignorantiam & difficultatem spectant, confutantur.

AN. 420. Liber *secundus de nuptiis & concupiscentia*, in quo depelluntur argumenta, quæ ex Libris Juliani contra priorem S. Augustini de nuptiis & concupiscentia librum excerpta illi fuerant transmissa. Item Libri 4. ad Bonifacium P. M. *contra duas epistolas Pelagianorum*, in quibus Catholica dogmata de reatu originali & gratia Christi contra Pelagianorum cavillationes vindicantur. Ad eundem annum pertinet epistola 107. ad Vitalem, in qua necessitas & gratuitas gratiæ adstruitur.

AN. 421. vel sub initium sequentis, *Libri sex contra Julianum*, quibus illius libros quatuor, quorum excerpta in L. 2. de nupt. & conc. refutaverat, penitus excutit & refellit. Item *Enchiridion* ad Laurentium, sive Liber un. *de fide, spe & charitate*, in quo plura contra Pelagianos extant argumenta.

AN. 424. Liber un. ad Valentinum & Monachos Adrumetinos *de gratia & libero arbitrio*, in quibus concordiam gratiæ & liberi arbitrii exponit, & controversias apud illos ortas, nonnullis nempe contendentibus, gratia ad pietatis opera absolute necessaria, de libertate actum esse, S. Augustinus componere satagit.

AN. 425. Liber un. ad eosdem *de correptione & gratia*, in quo ostenditur nec gratia prohiberi correptionem, nec correptione negari gratiam, & discrimen gratiæ ante & post lapsum exponitur.

AN. 426. & 427. Libri duo *Retractionum*, in quibus libros a se scriptos recenset, partim corrigit, partim confirmat, & dicta contra hæreticos explicat & urget.

AN. 428. vel 429. Liber un. *de prædestinatione Sanctorum* & un. *de dono perseverantiæ* ad SS. Prosperum & Hilarium, quorum epistolis de Semi-Pelagianorum erroribus certior factus fuit S. Doctor. Hos autem in iis debellat, probatque, non solum incrementum, sed ipsum etiam fidei initium ac perseverantiam esse donum Dei.

ANNIS iisdem vel 430. Libri 6. contra Julianum, dicti vulgo *opus imperfectum*, quia S. Aug. morte occupatus relinquere hoc opus imperfectum coactus est, utote an. 430. 5to Calend. Septemb. mortuus. In eo respondet ad libros octo a Juliano contra librum 2dum Augusti-

gustinianum de nuptiis & concupiscentia editos, quorum sex priores refutantur per sex a Doctore jam confectos, duo posteriores autem ob mortis interventum responsione caruerunt.

PONTIFICES SUMMI, præter alios posteriores, omnes Pelagianæ hæresi cœvi eandem damnaverunt, de quibus GELASIUS P. M. ep. ad Honorium Dalmatiæ Ep. ita scribit: *An forte nescitis, hanc hæresin ab Apostolica dudum Sede per beatæ memoriæ Innocentium, ac deinde Zosimum, Bonifacium, Cælestinum, Sixtum, Leonem continuis & incessabilibus sententiis fuisse prostratam?* De his porro observandum

1mo, INNOCENTIUM inter Pontifices Max. fuisse primum, qui Pelagianam hæresin damnaverit, ejusque auctoribus & sectatoribus dixerit anathema, datis ad Patres Concilii Carthaginepsis & Milevitani litteris.

2do, ZOSIMI in Pelagianos sententiam promulgatam esse per epistolam, quæ *Tractoria* vocatur, eratque prolixa, integram causam Pelagianam complexa, ad omnes Christiani orbis Episcopos directæ, ut huic nempe formulæ singuli subscriberent; quod etiam ab omnibus est præstitum, exceptis cum duce *Juliano* Episcopis octodecim, qui cum interposita appellatione ad Oecumenicum Concilium provocassent, excommunicati, depositi, & e civitatibus suis expulsi fuerunt.

3tio, a COELESTINO in scripta ad Galliæ Episcopos epistola laudatum & a sinistra suspicionis rumore liberum semper habitum esse S. Augustinum. Huic annexa leguntur *decem decreta*, nomine auctoritatum præteritorum sedis Apostolicæ Episcoporum vulgata, quæ eidem COELESTINO adscribuntur a plurimis, a Petro Crabbo autem Sirmondo & aliis abjudicantur.

178. Dico III. Errores Pelagianorum *universim* ad tria capita referuntur: 1. Gratiam Dei secundum merita, solius naturæ seu liberi arbitrii viribus facta, dari. 2. Hominem per easdem arbitrii vires posse divina omnia implere mandata, & sine omni peccato vivere, adeoque gratiam Dei necessariam non esse, ut homo legem servare & a peccatis abstinere possit; sed solum per eam fieri, ut facilius hæc homo possit. 3. peccatum primi parentis ip-

fi, non posteris nocuisse, seu non dari in nobis originale peccatum. Recensuit hæc S. Augustinus L. 3. ad Bonif. C. 8. Et L. de don. Persev. C. 2.

179. *Dico IV.* Errores Pelagianorum *speciatim* & *circa gratiam* colligi possunt ex systemate PELAGII, quod tres partes complectitur. *1ma* est ejus distinctio inter *possibilitatem*, *voluntatem* & *actionem*, de qua S. Aug. L. de gr. Christi C. 3. Quamvis enim *Catholici* etiam & *Concilia* hæc tria in homine etiam distinguant, & liberum arbitrium seu possibilitatem faciendi bonum vel malum fateantur esse a creatore Deo: negant tamen arbitrium illud se solo & sine gratia posse facere bonum, aut sine ea volitionem & actionem bonam a libero arbitrio procedere.

2da est ejus distinctio inter *possibilitatem* & *adjutorium possibilitatis*, ubi per illam solam intellexit naturam; per adjutorium autem indicavit legem ac doctrinam, revelationem, exemplum Christi, remissionem peccatorum, & ad summum interiorem intellectus illustrationem.

3tia est adjecta ab eo gratiæ duplex conditio. Quæcunque enim possibilitatis adjutorium Pelagius admitteret, *Imo* negabat illud esse *gratuitum*. *2do* negabat esse *simpliciter necessarium*, sed tantum *ad facilius* exegit. De utroque testatur S. AUG. L. de gr. Christi C. 26. & 31.

180. *Observa* varios Pelagianæ hæresis *status*: *1mus* fuit velut *Ethnicismus*, in quo nulla gratiæ facta mentione, Pelagiani naturam hominis sufficere dicebant ad bene agendum, vitandam peccatum, vincendas passiones & beatitudinem consequendam. *2dus* fuit velut *Semi Ethnicismus*, in quo naturam ipsam tanquam gratiam agnoscere & prædicare cœperunt. *3tius* fuit velut *Judaismus*, in quo aliud genus gratiæ, nempe legem seu doctrinam divinam, exempla Christi, & remissionem peccatorum admiserunt. Atque hi 3. status ponuntur fuisse ante latam a Zosimo sententiam: post eam vero & ab anno 418. successit major ex opinione *Jansenii* mutatio dogmatis Pelagiani. Hinc juxta eam *4tus* fuit *Semi-Christianismus*, in quo concesserunt quidem veram gratiam etiam voluntatis, quæ nempe faciat velle & operari, sed tantum ad perficiendum bonum, non autem inchoandum, adjectis simul duabus conditionibus gratiam evertentibus.

181. *Dico V. Fundamenta hæresis Pelagianæ tria colliguntur ex scriptis SS. Patrum adversus Pelagianos. 1m. & principale, quod existimarent Pelagiani necessitatem gratiæ ad bene operandum repugnare libero arbitrio & inducere fatum. Docemur id ex S. Augustino de gestis Pelag. C. 35.*

2dum, quod Deus non præcipiat, nec præcipere possit impossibilia; unde, cum homo secundum se sit capax legis & præcepti, statuebant, eundem etiam secundum se posse implere præcepta a Deo imposita, ac proinde gratiam ad ea implenda non esse simpliciter necessariam. Habetur id ex ipsa Pelagii ep. ad Demetriad. C. 4. 16. & 18.

3tium, quod aliæ videretur Deus acceptor personarum, si gratiam suam unis negaret, aliis concederet, nullis eorum præcedentibus meritis; propter quod Pelagius censuit gratiam Dei secundum merita nostra dari, ut ex erroribus in Conc. Diospolitano damnatis L. de gest. Pel. C. II. & L. de hæresib. hæ. 88. liquet.

His tamen fundamentis quantumlibet positis haud gravate PELAGIUS admisit *adjutorium legis ac doctrina*, exemplum item Christi & adminicula. Cum enim hæc omnia non nisi ad intellectum pertineant & solam suscitent cognitionem illius, quod faciendum vel omittendum est; in ejus systemate remanebat tota facultas *voluntatis & liberi arbitrii nativi* sufficiens sibi vis ad bonum, quod lex ostenderit, licet in actum exire non posset, nisi cognitio præcessisset, non quidem defectu potestatis, sed solius illuminationis.

QUÆRES I. *An & qualem gratiam illustrationis interioris tandem admiserit Pelagius?*

182. R. I. Pelagius admisit interiorem gratiam, qua intellectus intime a Deo illustratur. *Prob. S. Aug. de Pelagio L. de gr. Christi C. 41. ipsas quoque, inquit, orationes ad nihil aliud adhibendas opinatur, nisi ut nobis doctrina etiam divina revelatione aperiatur, non ut adjuvetur mens hominis, ut id, quod faciendum didicerit, etiam dilectione & actione perficiat.* His autem manifeste designatur præter legis doctrinam exteriorem & revelationis propositionem vera & interna illustratio; quia

quia, qui orat, jam lege & revelatione pravia instructus est, & aliam adhuc doctrinam utique petit. *Conf. S. Augustinus, dum ibidem C. 28 recitasset hæc Pelagii verba: Ut quod per liberum homines facere jubentur arbitrium, facilius possint implere per gratiam, subjungit: Tollere facilius, & non solum plenus, verum etiam sanus est sensus.*

Nec dicas: S. AUGUST. hæc & similia omnia ferme semper revocat ad legem & doctrinam, ut vel ex uno C. 7. de gr. Chr. manifestum est.

R. D. Revocat ad legem, quatenus hæc omnia tantum manifestant Dei voluntatem, non autem vim agendi libero nostro arbitrio suppeditant, quod ipsum duntaxat lex & doctrina facit C. quatenus hæc omnia habeant se omnino exterius ut lex, vel forsitan mere ex parte objecti, ut potest esse doctrina & revelatio N. Primum sensum fuisse genuinum S. Aug., probat. tota disputatio laudati libri, & verba ex eod. C. 10. huc referenda: *In legemque & doctrinam futura gloria atque premiorum promittitur magnitudo: ad doctrinam pertinet etiam, quod sapientia revelatur.*

183. *R. II.* PELAGIUS illustrationis gratiam, quam admisit, simul duplici errore sædavit, Imo volens nos eam promereri per naturæ vires: 2do putans eam non esse simpliciter necessariam, sed tantum ad operandum facilius. *Prob. ex dictis n. 179. Conf. S. Aug.-L. de hæresib. C. 88. de Pelagio scribens dicit: Contendunt gratiam Dei . . secundum merita nostra dari.* Exin colligunt nonnulli gratiam illustrationis hæc duplici proprietate vitiatam non esse veram illustrationem supernaturalem, quæ intellectum elevet ad actus similes eliciendos: adeoque gratiam hanc a Pelagianis admissam referri posse ad illustrationem, quidem in ra intellectum existentem, sed tamen ex parte objecti, quod tantum proponit & ostendit, se tenentem.

Nec dicas I. PELAGIUS anathematizavit eos, qui gratiam Dei & adjutorium non ad singulos actus dari opinantur, & illud putant in libero arbitrio esse, vel in lege Dei ac doctrina, ut AUG. docet L. de gest. Pel. C. 14. Ergo admisit gratiam illustrationis interiorē a lege scilicet distinctam ut necessariam. *R. D. conf. ut necessariam simpliciter N. ut necessariam ad facilius observanda præcepta*

cepta & operandum C. S. Aug. ex Pelagii doctrina L. de heres. exposita colligens observat: *Dicendo utique ut facilius possint, voluit credi, etiamsi difficilius, tamen posse homines sine gratia divina facere iussa.*

2. S. AUG. alibi sapius & L. de gr. Chr. C. 47. unum adversus Pelagianos contendit, ut non solum fateantur adjuvari a Deo possibilitatem per mentis illuminationem, verum etiam voluntatem & actionem per subministratio- nem Spiritus S.; hoc enim concessio, *Nihil, inquit, de ad- jutorio gratiæ Dei, quantum arbitror, inter nos con- troversia relinquetur.* Ergo Pelagius in nullo dissensit ab Aug. circa illustrationem internam.

R. D. A. dixit nihil futurum controversiæ de adju- torio Dei, quantum præcise pertinet ad substantiam vel genus gratiæ C. quantum spectat ad conditiones vel pro- prietates gratiæ N. Gratia Christi propria & completa quoad substantiam quasi complectebatur duo genera auxilio- rum interiorum, unum ex parte *intellectus*, alterum ex parte *voluntatis*; primo itaque concessio a Pelagio exige- bat AUG., ut & alterum admitteret, & sic quoad hoc nul- la futura erat controversia. Sed eadem gratia esse tialiter etiam requirebat tanquam præcata propria, ut esset *gra- tuita*, & daret *simpliciter* posse vel potentiam, actus sa- lutare eliciendi. Atque has non minus urgebat S. AUG. dari a PELAGIO gratiæ concessæ, ac illud voluntatis adju- torium.

QUÆRES II. *An Pelagiani admiserint tandem gratiam inspirationis, seu auxilium internum vo- luntatis?*

184. R. I. Nec PELAGIUS, nec CELESTIUS admise- runt gratiam interiorum voluntatis. Prob. de PELAGIO. S. Aug. de universa Pelagii doctrina L. de gr. Chr. C. 5. sic enuntiat: *Scire quippe debemus, quod nec voluntatem nostram, nec actionem divino adjuvari credit auxilio; sed solam possibilitatem voluntatis atque operis, quam so- lam ex his tribus nos habere affirmat ex Deo; tanquam hoc infirmum sit, quod Deus ipse posuit in natura: cate- ra vero duo, quæ nostra esse voluit, ita sint firma & for- tia & sibi sufficientia, ut nullo indigeant ejus auxilio: & ideo non adjuvet, ut velimus, non adjuvet, ut agamus,*
sed

sed tantummodo adjuvet, ut velle & agere valeamus.
Idem iudicavit S. Aug. de scriptis Pelagii singulis, ad quod hic provocavit.

Prob. de CELESTIO. Testatur S. Aug. L. de gr. Chr. C. 30. *Nam ut de Celestii opusculi interim taceam, vel libellis ejus, quos iudiciis Ecclesiasticis allegavit, quae vobis omnia cum aliis, quas necessarias existimavimus, litteris mittenda curavimus; quibus omnibus diligenter inspectis possitis advertere non cum ponere Dei gratiam, qua juvamus vel ad declinandum a malo, vel ad faciendum bonum, nisi in lege ac doctrina.*

Nec dicas 1. Pelagius ultro concedebat possibilitatem boni, seu potestatem bene agendi esse a Deo, & simul etiam adiutorium possibilitatis, ut constat ex C. 3. & 4. L. de gr. Chr. Sed adiutorium istud vera est & interna voluntatis gratia; ergo. 2. Pelagius admisit interiorum illustrationis gratiam; agnovit pariter ex illa illustratione oriri quosdam voluntatis motus indeliberatos; Sed hi motus sunt ipsissima voluntatis gratia; ergo.

R. ad 1. N. m. Præter hætenus dicta id liquet ex L. de gr. Chr. C. 41. ubi S. Aug. de Pelagianis ait: *Nulum auxilium gratiae credunt, quæ naturæ possibilitas adjuvatur, nisi in lege & doctrina.* Ad 2. R. D. 2d. p. M. Agnovit motus indeliberatos mere naturales ex ipsa scilicet voluntate proficientes occasione illustrationis intellectus C. motus supernaturales N. vel *subd.* qui a divina gratia proprie, immediate & efficienter in ipsa voluntate excitati promanant N. qui & quatenus metaphorice, mediate & objective, ratione scilicet objecti supernaturaliter propositi, dicuntur supernaturales C.

185. R. II. Nec Pelagiani reliqui etiam post damnationem hæreseos a Zosimo latam admiserunt interiorum voluntatis gratiam. *Prob. universim* de PELAGIANIS ex L. de hæresibus, quem S. AUG. scripsit post libros Retractationum, ut patet, tum quod ejus recensio nulla fiat in his libris, tum quod id ipsum testatur epistola ad *Quodvultdeum* huic libro præfixa; unde & Lovanienses operum S. AUG. editores in Tomi 6. initio notant, eam vel postremum, vel inter postremos esse scriptum.

Prob.

Prob. speciatim de JULIANO. Quamvis concedamus, hunc pluribus loquendi formulis visum fuisse declinare ad *semipelagianismum*, tamen non minus ille, ac ante Pelagius, variatione verborum qualicunque potuit duntaxat facere fucum, & revera nec recedere a Pelagiano systemate, nec aliam gratiam admittere, quam quæ per revelationem sapientiæ & mentis illuminationem, non vero per virtutis subministrationem operetur. Atque hoc etiam evenisse probabilius persuadet tum JULIANI ingenium acre ac tortuosum: tum Augustini in ep. ad *Quodvultdeum* C. 88. testimonium, quod Juliano & reliquis Pelagianis injuriosum ac calumnia plenum foret, si illi reipsa mutassent de gratia voluntatis sententiam: tum quod S. Aug. Juliano æque ac aliis post an. 418. eundem errorem, quem antea tenuerant, objiciat & oppugnet.

Nec dicas: S. Aug. in posterioribus suis libris docet imo, Julianum admisisse gratiam, qua *in ipso opere homo adjuvetur*; patet ex L. 4. contr. Jul. C. 3. L. 1. ad Bonif. C. 18. &c.

2do. Eundem & reliquos Pelagianos convictos agnovisse gratiam, per quam *bene operamur*, per quam *lex impletur*, & *natura liberatur*, per quam fit, ut *peccatum non dominetur*; liquet ex L. de gr. & lib. arb. C. 14.

3tio. De iisdem testatur unicum eorum effugium jam esse, quod dicant gratiam præcedere *merita naturæ*; ut loca modo indicata docent; aut eo etiam desistere, ut dicant Dei gratiam esse *adjutricem ad facilius faciendum*, ut habetur in serm. 13. de verb. Apost. C. 11. & 12. Unde etiam S. Doctor totus est in debellandis duntaxat his effugiis Pelagianorum, tum in LL. ad Bonif. & de gr. ac lib. arb., tum in illo sermone.

4to. Recensens L. de don. persever. C. 2. ea, quæ contra Pelagianos Catholica tenet Ecclesia, nihil circa gratiam commemorat, quam quod ipsa *necessaria* sit & *gratuita*; ergo non obscure indicat, eos tunc recte sensitse circa substantiam gratiæ, & sic internum voluntatis auxilium admisisse.

R. Cum & *Jansenius* & reliqui Doctores, qui nobis hic contrariantur, admittant plerique a Pelagio non fuisse admissam gratiam voluntatis, inde manifesta contra illos

illos potest formari instantia. Nam & hic æque energice, ac Julianus & reliqui Pelagiani, dixerat *Deum operari in nobis velle; quod bonum, dum revelatione sapientiæ in desiderium Dei stupentem suscitatur voluntatem*, quin tamen his formulis veram actionis gratiam fateretur. Nec minus ille etiam dilabebatur ad duo illa effugia, & S. Aug. jam in libris suis prioribus hæc præcludere laboraverat; & tamen inferri hinc aliquid contra communem, quam nobiscum tenent sententiam, non patiuntur adversarii.

Unde ad 1m. & 2dum R. Admissam esse gratiam, qua Spiritu S. interius illuminante illustratur intellectus, atque sic *mediate* juvetur homo in opere, lex impleatur, natura liberetur, peccatum non dominetur: non vero talem, quæ subministrat virtutis & *immediata* efficacia ipsam voluntatem & actionem juvet intime atque perficiat.

Ad 3tium R. Pelagianos hic & suum ingenium & communem hæreticorum morem observasse, ut jam huc jam illuc dilabi conarentur: S. Doctorem autem pro suo ardore & copia fecisse, ne locum elabendi ullum pateretur. Cæterum labor ille in asserenda *necessitate* & *gratuitate* gratiæ conferebat quoque plurimum ad ipsam gratiæ naturam & substantiam evincendam; atque hinc posteriorem quæstionem quasi concessam, & ideo omissam esse, nullatenus dici potest.

Ad 4tium R. *similiter*. Quod vero in L. de *don. persever.* referre omisit, quia id materia quæstionis non exigebat, retulit tamen luculenter tum post ætatem hujus libri in L. de hæres., tum paulo ante in L. de gr. & lib. arb. ubi C. II. *Quid est ergo, inquit, quod vanissimi homines & perversissimi Pelagiani legem dicunt esse gratiam, qua juvamus ad non peccandum.*

QUÆRES III. *An Pelagiani admiserint gratiam habitualem?*

186. R. I. Si verba Pelagianorum spectentur, *certum* videtur, ab illis agnitam & admissam esse gratiam habitualem. Prob. JULIANUS apud S. Aug. L. I. contr. eundem C. 6. sic ait: *Hæc de causa etiam infantes baptizamus, cum non sint coinquinati peccato, ut eis addatur*

in sanctitas, justitia, adoptio, hereditas, fraternitas Christi, ut ejus membra sint.

Conf. Ex effectibus, quos Pelagiani gratiæ Christi a se receptæ tribuerunt. Ii autem sunt 1. Absterſio peccatorum; sic Julianus apud S. Aug. L. 2. op. imperf. Gratia irifusa ſemel uno virtutis ſuæ compendio atque impetu diverſa delet crimina. 2. Inſtauratio & Innovatio naturæ; ſic Julian. apud Aug. L. 3. contr. eund. C. 3. Gratia Chriſti, quos fecerat condendo bonos, facit innovando meliores. Et Pelagius ad Demetriad. Inſtaurati per gratiam Chriſti & in meliorem hominem renati ſumus. 3. Regeneratio; ſic Julian. apud Aug. L. 5. C. 10. & Pelagius apud Aug. L. de hæref. C. 88. ſimiliter de regeneratione per baptiſmum loquuntur.

4. Juſtificatione & ſanctificatione; ſic enim Julian. apud S. Aug. L. 2. op. imperf. Ideo ait Apoſtolus, ex multis delictis in juſtificationem; id eſt, ex multis delictis liberator homines ad gloriam perducit juſtificationis indulgentiæ. Pelagius vero in Comment. ad C. 5. ep. ad Rom. et ad C. 5. ep. 2. ad Cor. idem ait. 5. Adoptio & hereditas; ſic enim Pelagianos S. Aug. L. 2. ad Bonif. C. 6. compellat: Regenerationis lavacro adoptari ex filiis hominum in filios Dei non negatis, imo etiam prædicatis. 6. Inſuſio vel collatio virtutum: Sic Julianus apud S. Aug. L. 1. op. imperf. ait: Hanc baptiſmatis gratiam locupletem ſpiritalibus donis credimus, quæ multis optimæ muneribus ac reverenda virtutibus, pro infirmitatum generibus & humanorum ſtatuum diverſitatibus, una tam remediorum collatrice, quam munerum virtute medicatur.

187. R. II. Si artes & ſubdola Pelagianorum explicationes attendantur, incertum videtur, an gratiam habitualemente admiferint. Ratio eſt; Quia ſicut variæ & energice loquendi formulæ, quibus videbantur aſſerere adiutorium voluntatis, erant compoſitæ ad ſuum Catholicis faciendum, nihilque reiſſa præter legem, doctrinam, revelationem & internam illuſtrationem concedebant: ita totus etiam ille verborum apparatus ex ſimili arte videtur eſſe profeſtus, nec gratiam habitualemente in ſenſu Catholico aſſerere. Probabiliter enim opinari licet, Pelagianos tantum intellexiſſe remiſſionem evenire per ſimplicem externam peccatorum condonationem: ſanctificationem,

R

rege-

regenerationem & adoptionem similiter per externum favorem Dei ad regnum destinantis; sicut sola Principis voluntate quis ad regni dignitates destinari potest, quin aliqua illi virtus interna communicetur: *virtutum etiam colationem*, cum hæ sint illa ipsa gratiæ opera & munia, fieri & explicari per extrinsecam condonationem vel favorem.

Fundamentum hujus assertionis præbet S. Augustinus, qui I. de remissione peccatorum sensum Pelagianum sic explicat L. 6. contr. Julian. C. 23. eundem alloquens: *Tu a vestro dogmate non recedis, quo putatis gratiam Dei per J. C. D. N. sic in sola peccatorum remissione versari, ut non adjuvet ad vitanda peccata & desideria vincenda carnalia, diffundendo charitatem in cordibus nostris per Sp. S., qui ab illo datus est nobis.* 2. De infrauratione & regeneratione similiter loquitur S. Aug., L. de gr. Ch. C. 38.

3. De justificatione & sanctificatione ad eundem sensum pertinet S. Augustini effatum, ex L. de gr. Ch. C. 30. *Istam gratiam, qua justificamur, id est, qua charitas Dei diffunditur in cordibus nostris per Sp. S., qui datus est nobis, in Pelagii & Celestii scriptis nusquam eos inveni, quemadmodum confitenda est, confiteri.*

4. De virtutibus ac nominatim de fide nihil præbant: Sed hanc gratiam locupletem spiritualibus donis credimus, qua multis opima muneribus ac reverenda virtutibus &c., vel ipso Jansenio hic adversario iudice intelligi possunt de gratia baptismi intransitive sumpta, id est, de baptismo, qui vires habeat ad multos effectus præstandos ratione & modo nuper assignatis. Adhæc S. Aug. L. 6. contr. Julian. C. 3. ubi eatenus parvulos tantum ex eorum sententia dicit fideles, quatenus per alios credunt. *Velit, nolitis, inquit, parvulos credere confitemini in Christum per corda & ora gestantium.*

ARTICULUS II.

Quinam primi fuerint Semipelagiani, eorumque Debellatores & Errores?

188. *Nota.* Semipelagiani eo nomine appellati, quod multa Pelagianorum dogmata ejurantes aliquam tamen

tamen retinuerint, dimidiato quasi errore ea secuti, in quibus teste Prospero non mediocris pestilentia fibræ nutritur. Dicti etiam sunt *Reliquia Pelagianorum*, quod ex eorum cineribus excitati partem aliquam erroris jam prostrati superstitem facerent: dicti item *Massilienses* ab urbe Massiliensi in Gallia, in qua Semipelagiani existerant, de quorum erroribus S. Prosper & Hilarius ad S. Augustinum retulerunt.

189. *Dico I.* Inter Semipelagianorum principes numerantur *Joannes Cassianus*, natione Gallus, vitam monasticam primum in Palæstina & Ægypti cœnobiis professus, dein Diaconus a S. Joanne Chrysost. ordinatus, post ejus obitum Massiliensis Presbyter factus, in extructo Massiliæ Cœnobio subsistens. *Collatoris* nomen nactus est, ob scriptos de Institutis Monachorum Ægypti commentarios & Patrum Collationes, in quarum 13tia præsertim Semipelagianos errores diserte docuit.

Faustus natione Britannus, primum Cœnobii Lirinenfis Abbas, post Rejenfis in Gallia Episcopus, errorum a Joanne Cassiano haustorum propugnator acerrimus, post an. 475. *Libros 2.* de gratia & libero arbitrio edidit, in quibus Massiliensium dogmata & calumnias contra S. Augustinum, ejusque præsertim librum de prædestinatione instauravit.

Vincentius, de quo inter eruditos est controversia, secundum Norisium & Nat. Alexandrum est ille, qui Tullius natus, Cœnobii Lirinenfis in Provincia Monachus & Abbas scripsit *commonitorium duplex* adversus hæreticos, & hinc ab iisdem Vincentianarum, numero sexdecim, objectionum auctor habetur, atque in ipso Commonitorio teste & per cuniculos S. Augustinum ac ejus discipulos impugnasse perhibetur, ante annum 450. mortuus. His secundum communioem addendus venit

Gennadius Massiliensis Presbyter, cujus animus factioni Semipelagianæ addictus ex libro colligitur, quem de *Viris illustribus* anno circiter 490. conscripsit.

Præter hos in Semipelagiano errore se aliquando versatum fatetur S. AUG. L. de prædest. sanct. C. 3., & hinc quasdam propositiones Expositionum in epist. ad Roman. ante Episcopatum scriptarum in LL. *Retract. emendat.*

In eundem errorem prolapsi fuerant *Vitalis* quidam Carthaginensis & nonnulli *Monachi Adrumetini*, quorum tamen primum revocavit S. Aug., ut ex ejus epist. 107. liquet: postremos autem idem etiam statim corripuit. *Severum Sulpitium* Semipelagianum putavit Hieronius; sed edidit pro eo apologiam Guibertus Abbas Gemblacensis, & ex Chronologia eum vindicavit Labbeus: S. *Honoratum* Massiliens. Ep. in similem suspicionem deduxit Norisius, sed ab eadem liberavit eum Nat. Alexander: Jansenius denique S. *Joannem Chrysostr.*, S. *Hieronymum* aliosque nonnullos Patres, maxime Græcos eadem fuligine aspersit, quam injuriam deterferunt plures tum Scholastici, tum Historici.

190. *Dico II.* Præter S. Augustinum, qui delatum ad se Semipelagianismum Libris *de prædestin. sanctorum* & *de dono perseverantia* impugnavit, contra Gallos Lugdunensis & Arelatensis Provinciæ in novam sectam circa an. 428. coeuntes tum Patres, tum Pontifices, tum Concilia decertarunt, & hæresin tandem contriverunt.

Inter PATRES referuntur S. Prosper Aquitanus, & Hilarius, qui cum priore Semipelagianos ad S. Augustinum detulit, S. Fulgentius Ruspens. Ep., S. Cæsarius Arelatensis, Joannes Maxentius & Petrus Diaconus; quorum tamen primus ut tempore, sic & ardore & victoria fuit S. Prosper. Nam eam in rem jam A. 429. scripsit *epistolam ad Ruffinum*: A. 432. exagitavit Joan. Cassianum Libro contra Collatorem scripto, A. 434. respondit *ad Capitula 15. Gallorum* calumniantium: edidit *Responsiones ad excerpta Genuensium*, in quibus difficultates quasdam in S. Augustini libris inventas Camillus & Theodorus Genuenses Presbyteri proposuerant: adjecit etiam *Responsiones ad Capitula objectionum Vincentianarum*. Sub hæc tempora ex simili occasione scripsit *Epigrammata* plurima & celeberrimum *Carmen de ingratis*.

Inter PONTIFICES locum præcipuum habet *Celestinus I.*, qui A. 432. data ad Gallicanos Episcopos epistola S. Augustini doctrinam contra Semipelagianorum calumnias vindicavit; quod idem præstitit *Gelasius I.* in epist. ad Pícenos A. 494. Concilium ante Synodum Valentinam Imperante Lothario A. 840. celebratam, & præter Valentinam a Cæsario Arelatensi A. 529. indictam celeberrimum

in

in hac materia est Araucanum II. eod. A. 529. a. 14. Episcopis habitum, quod 25. Canonibus ex Augustini scriptis ad verbum expressis a Felice Rom. Pontifice ad Concilium transmissis errores Semipelagianorum damnavit, altero mox anno 530. a Bonifacio II. P. M. data ad Cæsarium Arelat. epistola confirmatum; atque sic aliis per orbem Episcopis silentibus facta est decisio, *quam non sequi nemini permissum erat*, ut ipsemet Quesnellus in Libro, cui titulus: *Traditio Ecclesiæ Romanæ*, loquitur.

Ab hoc tempore *Semipelagiani* haberi hæretici ceperunt, cum antea Catholici nominis honore non exciderint, ut ex S. Augustini & Prosperi operibus constat, qui illos etiamnum *Fratres & dilectores suos, Catholicos, Concorporatos suos & participes gratiæ Christi*, imo *Sanctos* compellabant. Hinc liquet, cur non obstantibus erroribus suis, se scilicet viventibus necdum ab Ecclesiâ damnatis, *Joannes Cassianus* a S. Greg. M. L. 6. ep. 12. dicatur Sanctus, ejusque memoria Massiliæ colatur die 23. Junii: cur *Fausti* nomen sacris Gallicanæ Ecclesiæ Fastis sit adscriptum: cur auctoritas Commonitorii a *Vincentio Lirinensi* scripti, ejusque tradita ibidem de Traditionibus & Patrum usu doctrina non debeat rejici ab Heterodoxis; præsertim cum in his fidei regulis hic scriptor nec a S. Augustino, nec ab aliis Patribus, nec ab Ecclesiæ doctrina dissentiat.

191. *Dico III. Semipelagiani* de peccato originali & necessitate gratiæ Christi ad illius remissionem ac justitiam & salutem recte senserunt: Capitalis autem illorum error fuit, *initium* aliquod fidei, justitiæ ac salutis esse a nobis. Quippe in *fide* Semipelagiani distinguebant tria: *initium*, *augmentum* & *perseverantiam*. *Initium fidei* dicebant complecti 1. fidem, quæ quam aliqui intelligunt actum fidei inchoatæ & pium credulitatis affectum, alii fidem & actum perfectum. Hæc quia vel sola externa prædicatione Evangelii excitari poterat, a Semipelagianis non reponebatur in numero bonorum operum; 2. desiderium salutis inde ortum: 3. orationem ac implorationem opis & benignitatis divinæ.

Hæc omnia ex *solis viribus naturæ* haberi statuerunt, ad id explicandum, teste Hilario in sua ad S. Aug. epistola, hac usi *similitudine*: *Ægrotus*, inquiebant, non

advocaret medicum, nisi præcederet bona de ec-
tio, h. e. humana credulitas, qua credit eum po-
sanare: & tamen neque bona hæc de peritia & b-
medici existimatio, nec vocatio illius, nec fa-
ipsum consequendæ desiderium partem in opere
ullam habent, utpote quæ adscribenda est pot-
industriæ & medicamentorum virtuti. Per a-
fidei intelligebant ipsum opus bonum, quo puta-
augeri, atque hinc illud nonnunquam fidei inc-
vocabant. *Perseverantia fidei* autem complect-
fidem, quam ipsa etiam opera bona diu, constan-
finem saltem perducta. De *initio boni operis* a-
ac de fidei initio loquebantur.

Discrimen enim ponebant inter bonorum
initium & inter eorum voluntatem, desiderium
tum; quia initium boni operis est operis boni a-
ercitium quantumvis tenue ac imperfectum, si-
fidei est fidei actus imperfectus: sed velle, desid-
niti ad opus bonum non est bonum opus: sicut
desiderare & adniti ad sanitatem est sanitas.

Hinc in *Semipelagianorum* sententia hic o-
occurbat. *1mus* actus erat *actus fidei*, que-
creditur, quem sola præcedebat Evangelii au-
quia vero non tantum ministerio Evangelicæ pr-
poterat excitari in homine affectus ad bonum,
per exhortationes & comminationes humanas,
nunquam in scriptis Semipelagianorum hujus ad-
buli mentio dissimulatur. *2dus* erat *simplex v-*
complacentia in sanitate acquirenda, naturali-
ad fidem sequens, qua homo infirmitatem su-
Christi sanari posse credebatur. *3tius* erat *desider-*
tis, quod ex illis præcedentibus naturaliter
4tus erat iners quidam surgendi *conatus* ex des-
tatis similiter exortus. Hunc vero cum vires f-
bilitatæ non sequerentur, accedebat *5tus*, qui
exclamabat, petebat, quærebat, pulsabat, & d-
bi porrigi postulabat.

Denique his naturalibus actibus prægr-
jam ad incipiendum & perficiendum virtutis op-
ria tanquam *merces* retribuebatur a Deo, qua
gratis dari incredulis & otiosis Semipelagiani in-

Patent hæc ex S. Aug. S. Prosp. Hilar. &c. infr. referendis.

192. *Dico IV. Fundamentum* hujus erroris erat idem, quod principale Pelagianorum; unde Prosp. in sua ep. ad S. Aug. observavit, quod egregiis viris, Massiliensibus, *spiritus Pelagianæ impietatis illudat*. Putabant nempe penitus sublatam fore *libertatem humanam*, nisi a peccato Adami superesse id naturali arbitrio diceretur, ut medicum saltem, in quo crederet, posset secorsere, & ad salutem ipsius ope dein procurandam ægrota voluntate suspirare; hoc enim sublato nec in nostra libertate quidquam reliquum esse, ut salvari possimus, & Deum *persanarum*, non voluntatum, *acceptorem* fore causabantur, si quos vellet, immerentes vocaret ad fidem. Patet hoc ex Cassiani Collat. 13. c. 12.

193. *Dico V.* Ex hoc errore & fundamento plures errores alii Semipelagianorum pullulabant.

Imus erat circa *perseverantiam* sanctorum in bona. Hanc voluntate efficaci quibusdam a Deo donari, aliis non donari, admittere recusabant: sed sicut Adamo datum fuit adjutorium, quo poterat perseverare, si vellet, ipsaque perseverantia fuit arbitrio ipsius relicta; ita & nunc nobiscum agi putabant, ut omnibus hominibus, qui fidem *naturæ conatu* amplecti & Dei medentis auxilium implorare vellent, huic merito gratia retribueretur, qua perseverare possent, ipsa interim perseverantia ipsorum arbitrio relicta. Proponit hoc Hilar. in ep. ad S. Aug.

2dus erat, Deum paratum esse *indifferenter* sua omnibus dona communicare, sed expectare solummodo *conatum naturæ*, nec ante, quam vocatum accurrere, atque hinc creaturam vi naturali promereri & arripere gratiam, Sic Prosp. testatur in ep. ad S. August. Unde patet, hæresin Semipelagianorum non stetisse in eo, quod admitterent dogma Catholicum de *gratia sufficiente* omnibus parata; sed quod hanc ex merito naturali, & quidem non sine illo dari assererent.

3tius erat, Deum *æque velle* omnes homines salvos fieri, si ipsi conatu naturali velint. Hunc sensum Prosp. ibid. immediate ante designaverat. Hic vero orthodoxa quidem est propositio illa: *Deus vult omnes salvos fieri,*

si ipsi velint, modo hæc salutis voluntas in prævenientem refundatur, nec libero arbitrio viribus quærenti tribuatur.

Similiter Deum velle omnes homines *generali voluntate*, & quidem proprie tali, boni, &, quantum ex parte ipsius est, perfecti Catholicum est: sed Deum singulari voluntate proposito nolle *prædestinatorum salutem* maiorem quam aliis, id Semipelagianum; quod Prosper Carm. de ingratis c. 13.

4^{tu}s erat, simili ratione *Christum* pro omnibus esse *mortuum*, & a redemptione sanguinis beneficio ejusdem neminem esse exceptum, sed esse participes. Sensum hunc iterum exposuit ep. cit. Ubi non est *semipelagianum* dicere, omnibus omnino hominibus mortuum esse adscribere; asserentem enim id propositionem Jansenii Pontifices; sed hæresis erat in hoc, quod *semipelagiani* Christum esse mortuum, ut iis tantum gratiam vitamque æternam largiretur, qui hæretico fidei naturalis merito impetrarent.

5^{tu}s erat circa *prædestinationem*. In electionum vocationem secundum propositum electionem gratuitam admittebant semipelagiani principium *discretionis* fidelis ab infideli non a gratia fidei naturalis merito petendum putabant. Interrogarentur, cur his potius nationibus *Evangelium*, vel his potius hominibus daretur, respondebant, quod aliis nationibus vel hominibus, ceteros merita præcessissent prædicationem vel respondebant id factum propter *præscientiam* & primæ voluntatis, quæ in his potius, quam in aliis, erat. 3. Cum urgerentur exemplis *parvulorum* aliqui baptismo initiati, alii sine eo infantes, & sic discretionis causa non potuerit esse etiam meritorum diversitas futura; responderunt, errando, hunc baptizari, istum negligi, quod merita naturalia, quæ habiturus fuisset, si ætatem pervenisset, prævisa a Deo fuerint. De singulis testantur Ss. Prosper & Hilarius S. Aug.

Ad hunc errorem non pertinere sententiam plurimum Theologorum, tum *gratuitam prædestinationem* negantium, tum asserentium *scientiam mediam*, vel ex uno NATALE ALEX. colligi potest, cujus testimonium minus potest esse suspectum, quo magis ipse sua in opinione a gemina illa sententia recedit. Hic enim ubi postremum hunc errorem retulisset ad Sæcul. V. c. 3. art. 8. hæc monet: *Cavendum, ne recentioribus quibusdam Theologis, qui prædestinationem electorum ad gloriam intuitu meritorium (nempe supernaturalium) a Deo fieri contendunt, Et scientiam quamdam mediam propugnant, semipelagiani erroris nota inuratur; quod imprudenter Et temere novi quidam auctores fecerunt, vel semipelagianorum dogmatum ignari, vel studio partium in transversum acti. Magnum enim est discrimen, quantum ad hoc utrumque dogma inter Semipelagianos ac illos Theologos. Nullam enim vero prædestinationem gratuitam Semipelagiani admittebant, nedum ad gloriam, sed nec ad gratiam: electionem scilicet ad gloriam merito operum (intellige, in naturalibus initiis fundatorum) tribuebant, electionem ad gratiam merito fidei, h. e. naturalis. Theologi vero laudati prædestinationem ad gratiam omnino gratuitam profitentur: solam electionem ad gloriam intuitu meritorum (scilicet supernaturalium) fieri volunt.*

Post pauca in propriam opinionem additis pergit: *Quod spectat ad scientiam illam, qua media nuncupatur, non in hoc fuerunt hæretici Semipelagiani, quod eam admiserint ac propugnarint; sed quod ex præscientia meritorum vel peccatorum, qua nusquam essent futura, Deum hominum sortes definire assererent, Et alios prædestinare ad gloriam, alios damnare ad pœnam: idque etiam locum habere in parvulis. At recentiores illi Theologi longe sunt ab istius erroris flagitio. Quod enim propugnant scientiæ mediæ genus circa merita vel peccata sub conditione, qua nusquam ponenda sint, futura non ita versatur, ut Deus in prædestinationis Et reprobationis negotio rationem eorum aliquam habeat.*

194. Obserua. Theologi quidam periti in duas generatim classes Semipelagianos distribui posse putant. In laxiores, qui a Pelagii placitis non minus declinantes asserbant non solum voluntatem credendi vel initium fidei,

sed initium etiam bonorum operum esse a gratia: & in strictiores, qui a Pelagio lones solo sibi reservato initio fidei vel pio affectu cætera omnia gratiæ adscribebant. men postrema classis fuisse communis Sem omnibus; cum omnes videantur asseruisse p interioris gratiæ necessitatem ad quodvis op perficiendum, vel etiam incipiendum. Coll S. AUG., qui de Semipelagianorum opinionibu ro & Hilario plenissime instructus *universim* d gianis L. de prædest. sanct. C. 1. id pronuntia

QUÆRES: *An Semipelagiani omnes gratiæ int venientis necessitatem ad initium fidei stanter negaverint?*

195. Nota. JANSENIUS duplici Semipel classe L. 7. de Hæres. Pel. C. 2. supposita, nempe L. 8. C. 6. scribit: *Itaque Massiliensibus & Augustini doctrina quam diligentissim ta certum esse & indubitatum esse debere sentio, filiensis præter prædicationem & naturam, v & internam atque actualem gratiam ad ipsa dem, quam humanæ voluntatis adscribunt v cessariam esse fateantur. Et infra addit: In h prie Massiliensium error situs est, quod aliqui libertati reliquum putant; quo sicut Adam, poterat perseveranter operari bonum; ita lapsu tem credere posset, si vellet, neuter tamen abs ris gratiæ adjutorio; cujus usus vel abusus v in uniuscujusque arbitrio ac potestate. Contr*

196. R. I. Omnes Semipelagiani consta runt ad initium fidei necessitatem gratiæ interi illustrationis simul & inspirationis.

Prob. I. Ex ipsis SEMIPELAGIANIS. V thaginensis sententia liquet ex ep. 107. S Aug undem, ubi S. Aug.: *Quomodo dicis*, inquit, *deo dicere, ut credamus in Deum & Evangel amus, non esse donum Dei, sed hoc esse nobis est, ex propria voluntate, quam nobis in n non operatus est ipse. S. AUG. errorem saum tea cum Semipelagianis communem habebat, L. de prædest. sanct. C. 3. Errabam putans f*

in Deum credimus, non esse donum Dei, sed a nobis esse in nobis Neque fidem putabam gratia Dei proveniri, nisi quia credere non possemus, si non precederet præconium veritatis. Ut autem predicato nobis Evangelio consentiremus, nostrum esse proprium & nobis esse ex nobis arbitrabar. Cassianus de fide Centurionis Evangelici sic Coll. 12. C. 14. loquitur: Non enim illam fidem, quam ei Dominus spirabat, sed illam, quam vocatus semel atque illuminatus a Domino per arbitrii libertatem poterat exhibere, experiri voluit divina iustitia. Similia refert C. 8. 11. 12. 15. Faustus autem L. 1. de lib. arb. C. 17.

Nec Dicas 1. Cassianus Collat. 3. item 13. C. 3. fatetur dari hominibus a Deo inspirationem quandam immissam in cor nostrum, & statuit, non solum actuum, verum etiam cogitationum bonarum ex Deo esse principium. 2. Gennadius L. de Eccl. dogmat. C. 19. Manet itaque, inquit, ad quærendam salutem arbitrii libertas, sed admonente prius Deo & invitante ad salutem, ut agat occasione salutis, hoc est, inspiratione . . .

R. ad 1m. Præterquam quod JANSENIUS fateatur, Cassianum non admisisse reipsa gratiam ad initium fidei; vel inspiratio a Cassiano sumitur pro sola doctrina externa, ut exempla de Abrahamo & B. Antonio ibidem allata persuadent: vel pro gratia tali, quæ aliquando immititur a Deo, non autem semper, ut Collat. 3. C. 13. 14. & 19. explicat; unde propriam inspirationis gratiam ab eo intellectam non fuisse apparet. Quod alterum textum attinet, constat ex eo, Cassianum subinde more Catholico locutum, sed inconstantem fuisse, uti S. Prosp. in L. contra Collatorem expendens Collationem 13tiam ostendit, & hinc Cassianum exagitat.

Ad 2d. R. Nat. Alexander probabilius existimat librum hunc a Gennadio ex hæresi Semi-Pelagiana resipiscente fuisse scriptum, eoquod eundem GELASIO P. M., qui Cassiani & Fausti libros censura notaverat, transmittere non esset ausus: atque hinc verba allata in sensum Catholicum explicat. In cujus confirmationem accedit, librum hunc ab Hadriano I. in ep. ad Carolum M. cum ipsius Gennadii elogio, quem Sanctum appellat, fuisse missum. Alii negant nomine inspirationis a Gennadio intellectam gra-

gratiam interiorem, cum ea dicatur duntaxat
tis, & verba: *admonente Deo & invitante*, so
rium in lege & doctrina positum sonent. Ut
tur nostræ potestatis, non autem divini m
quod acquiescamus inspirationi, Semipelag
profertur.

Prob. II. Ex Semipelagianorum op
bus. Hilarius in sua ad Aug. epist. quod
quit, crede & salvus eris: unum horum ex
aliud offerri; ut propter id, quod exigitur,
fuerit, id, quod offertur, deinceps tribua
consequens putant, exhibendam ab eo fidem,
ræ id voluntate creatoris concessum est. Sim
Prosper in sua ad S. Aug. epistola, quæ alia
mus. S. August. etiam Semipelagianorum co
rorem confutaturus L. de præd. sanct. C
Prius itaque fidem, qua christiani sumus,
esse debemus ostendere. Et postea: *Attendan*
ba ista perpendant, qui putant ex nobis esse f
& ex Deo esse fidei supplementum.

Nec dicas. Contrarium videntur illi i
Nam 1. HILARIUS ibidem dicit: *Cæterum*
pus vel incipiendum, nedum perficiendum,
bi sufficere posse consentiunt. 2. S. PROSPER ib
siderant se gratiam Dei, quam comitem, ne
humanorum volunt esse meritorum, etiam ill
bus subdere, quas ab ea secundum suam pha
negant esse præventas. 3. S. AUG. ait:
isti Fratres nostri, ut præveniri voluntates h
gratia fateantur,

R. N. Aff. Ad 1. & 3. R. Aliud jux
gianos fuisse initium fidei, aliud initium bon
2d. R. Doctrinam Semipelagianorum fuisse
sit meritum, quo mereremur gratiam, aliud
æternam meremur. Imum dicebant fidem n
fidei initium supr. explicatum: 2dum opera b
tiæ, quæ & quorum operatricem voluntatem
bant a Deo præveniri. Distinxerunt inter gra
lem, h. e. initium fidei, seu meritum natur
gratiam salvantem, h. e. gratiam operum l
justitiæ.

Unde constat, quare in loco nobis objecto Semipelagiani negent gratiam Dei esse *præviā humanorum meritorum*, & tamen non negent *voluntates a gratia esse præventas*. Non enim hic pugnantia loquuntur; quod si fecissent, S. PROSPER non omisisset vitium contradictionis objicere: sed præviā fidei initio gratiam negant, quæ præveniri voluntatem in operis boni etiam initio affirmant. Constat præterea, quomodo gratiam etiam *illæ voluntatibus subderent*, quas ab ea *secundum suam phantasiā* non negabant præventas; dicebant enim internam gratiam, quā in Christo renascimur, & præveniuntur opera iustitiæ, merito *naturalis fidei & initialis*, h. e. creationis, gratiæ ope acquiri, & secundum hunc erroneum ac hæreticum sensum subdebant gratiam veram nostris voluntatibus.

Prob. III. Ex DAMNATIONIBUS Semipelagianismi. Conc. Arausicanum II. damnans dogmata Semipelagianorum Can. 5. Apostolicis dogmatibus dicit adversari, qui *sicut augmentum, ita etiam initium fidei ipsumque credulitatis affectum non per gratiæ donum, sed nobis naturaliter inesse dicit*. Similia sunt, quæ Can. 4. 6. 7. & 25. damnantur. His adde sententias Bonifacii II. illud Concilium confirmantis. Denique quartam propositionem e quinque Jansenianis damnatam ceu *falsam & hæreticam*.

Nec dicas 1. Semipelagiani non solum negabant donum Dei esse initium fidei, sed etiam *finalem perseverantiam*: sed ad finalem perseverantiam non denegabant gratiæ indifferenter præmoventis necessitatem; ergo nec eam negabant ad initium fidei.

R., D. M. Eatenus etiam negabant finalem perseverantiam esse donum Dei, quatenus negabant prævenientem Dei gratiam interiorem dari ad perseverandum; sicut negabant hanc gratiam dari ad credendum N. quatenus *voluntatem perseverandi* negabant esse partem gratiæ, & volebant ita effectum esse *naturæ*, ut hæc voluntas etiam ipsam gratiam præveniret, utpote cujus piis conatibus ac desiderii ista gratia a Deo tribueretur C.

Nec dicas 2. Idem teste HILARIO moleste ferebant discrimen traditum ab Augustino inter gratiam collatam *Adæ*, sine qua per liberum arbitrium perseverare non poterat, & gratiam nunc *prædestinatis* præparatam, quæ per-

verantia ipsa donatur; & in hoc solo volebant a primo homine distare omnium naturam, ut illum integris viribus voluntatis juvaret gratia volentem, sine qua perseverare non poterat: hos autem amissis & perditis viribus credentes tantum, non solum erigat prostratos, verum etiam suffulciat ambulantes. Si ergo Semipelagiani non denegabant in Adam adjutorium sine quo ad omnia opera salutaria & volendum, neque illud negabant in hominibus lapsus ad fidem & credendum.

R. 1. Semipelagiani hoc diferimen moleste ferebant ex non intellecta S. Augustini sententia. Putabant enim *perseverantia donum*, quo nunc prædestinati perseverant, esse gratias actuales, sicut erant illæ Adamo datæ, sine quibus perseverare non poterat; cum tamen S. Doctor *perseverantia donum* constituerit in speciali Dei providentia & misericordia erga prædestinatos, qua eorum vitæ seriem inter tot pericula tentationum, & bonarum malarumque actionum vicissitudines ita moderatur & gubernat, ut non finat eos finire hanc vitam, cum sunt impii, sed tunc rapiat, cum sunt pii, ut infra ex S. Aug. præsertim L. de prædest. sanct. exponemus.

R. 2. Falsum esse, quod objectio supponit, Semipelagianos nempe admisisse in Adamo gratiam actualem *prævenientem*, sine qua in bono, in quo creatus erat rectus, perseverare non poterat. Admiserunt quidem, Adamo datam fuisse gratiam actualem *adjuvantem*, qua in fide & iustitia permanere, vel ab ea deficere posset, si vellet: sed vellem permanere in fide & iustitia poterat juxta ipsos Adam incipere solis naturæ viribus. Nos autem in hoc solo distare ab Adamo contendeabant, quod *fidem* tantum, non autem *opera iustitia*, viribus solius naturæ incipere possemus; quod ipsum manifeste indicant verba Hilarii objecta. Porro observandum, voluntatem aliam esse *operatricem*, quæ boni initium & hinc bonum jam inchoatum est: aliam *præambulam tantum*, quæ dispositio duntaxat ad bonum ac ejus desiderium est, non autem bonum nequidem inchoatum.

Nec dicas 3. pro Jansenii propositione damnata:
 1. Primam ejus partem esse quæstionem *facti*, quæ proprie fidem non spectet: & hinc hæreseos notam in eam non cadere. 2. Eam quidem jure damnatam, sed ideo, quia
 in-

indefinita est, & de Semipelagianis omnibus loquitur: cum tamen aliqui gratiæ interioris prævenientis necessitatem ad singulos actus, etiam ad initium fidei, non admisserint. 3. Eandem partem primam merito fuisse damnatam, quamvis *Semipelagiani* gratiam interiorem ad fidei initium admisserint, sed ex eo, quia gratiam propriæ & vere prævenientem non admitterebant; cum gratia ex sensu *Semipelagianorum* ad nutum voluntatis se accommodans ipsique serviens, voluntatem reipsa non præveniat.

R. Audiendus hic iterum videtur *Nat. Alexander* loc supr. cit. *Sed de isto Semipelagianæ hæresis capite in Dissertationibus uberius agam contra Jansenium, Franciscum Macedo Minorem, Gonetum nostrum & alios, qui nulla habita ratione Propositionis quartæ in Constitutione Innocentii X. damnatæ, temere asserunt Semipelagianos gratiam aliquam internam ad initium fidei admisisse.* Et vero quanta temeritate id agant, patet ex his ipsis exceptionibus.

Ad 1m. R. Inprimis nota falsitatis saltem in eam cadit; ergo qui primam partem veram putant, quam Rom. Pontifices & cum iis Ecclesia falsam declarent, & ut talem damnant, hos errare & cæcutire contendunt; quod factum a temeritate saltem excusari nequit. Deinde quæstio hæc, quid de initio fidei senserint Semipelagiani, sic est facti, ut ius involvat in damnata propositione. Si enim prima pars, quam facti vocant, quod scilicet *Semipelagiani admisserint prævenientis gratia interioris necessitatem ad initium fidei*, vera sit; secunda, quæ juris est, per errorem a Pontificibus damnata est ut hæretica. Nam si quis admisserit primum, neque in eo constituat eorum hæresin, sequitur, Semipelagianos in eo tantum fuisse hæreticos, quod vellent eam gratiam talem esse, cui posset humana voluntas resistere vel obtemperare; & Pontifices errasse in quæstione juris, hanc partem 2dam hæreseos damnantes.

Ad 2d. R. Et sensus Jansenii & sensus Pontificiæ Constitutionis huic exceptioni repugnat. Imum quidem; quia *Jansenius*, in cujus sensu damnata est propositio, duas Semipelagianorum classes distinguens, de una earum solum asserit, ipsos prævenientis gratiæ necessitatem ad fidei initium admisisse; ergo de his, de quibus Jansen-

Janſenius aſſerit, negant *Pontifices*. 2dam vero; quia *Pontifex* 2dam propoſitionis partem damnans declarat, nullos Semipelagianos fuiſſe hæreticos in eo, quod gratiam vellent eſſe talem, cui poſſet reſiſti vel obtemperari; ergo ſenſus ejus quoad *Imam* partem eſt, nullos Semipelagianos gratiæ prævenientis neceſſitatem ad fidei initium admiſiſſe; cum unum ex altero neceſſario ſe qui proxime dictum ſit.

Ad 3t. R. Vanitas exceptionis ex ipſa propoſitione damnata dilueſcit. Cum enim *Pontifex* dicat, Semipelagianos non fuiſſe hæreticos, quod vellent talem eſſe gratiam, cui voluntas poſſet obtemperare conſenſu & reſiſtere diſſenſu; hoc ipſo patet, quod eos non damnaverit ut hæreticos, quod non admiſerint gratiam per ſe efficacem, quam quidam proprie & vere prævenientem nominant; ut ipſe *Nat. Alexander*, quantumvis gratiæ per ſe efficaciæ patronus, in diſſert. 4. ſæc. V. reſpondet.

197. *R. II. Theoph. Raynaudo, Petavio*, aliisque non videtur negandum, a Semipelagianis ad fidei initium admiſſam eſſe gratiam *illustrationis*; idque ex variis textibus Ss. Proſperi & Auguſtini; ſed ab aliis forſan reſponderi poſteſt, hæc omnia probare duntaxat admiſſam a Semipelagianis gratiam *illustrationis* ad opus bonum: minime autem ad fidei initium; utpote inter quod & illud ſtatuebatur juxta dicta diſcrimen, & fides a ratione boni operis diſcernebatur.

A R T I C U L U S III.

Quinam fuerint Auctores, Debellores & Errores Recentiorum Sectarum circa Gratiā?

198. *Nota.* Joannes WICLEFFUS natione Anglus, vehementis ingenii & ambitionis homo, Eccleſiæ de Lutheworth in Lincolnienſi Diœceſi Rector, uti a præfectura Cantuarienſis Collegii docendique Theologiæ munere ob contrariam ipſi conſuetudinem & juſ erat rejectus, præterea etiam ſpe Wigornienſis Episcopatus exciderat, ad turbandam Eccleſiam ſe convertit, ſparſis ſcilicet an. 1375. erroribus variis dogmata de Deo, Chriſto, Sacramentis, Eccleſiæ, membris ejus ac ordinibus & libero arbi-

arbitrio concernentibus, quos Thomas Waldensis maxime ex libro ejus, *Triologus* inscripto & aliunde collegit.

Concilia contra eundem tum Romæ tum in Anglia & Gregor. XI. P. M. hæresin hanc in exordio statim opprimere laborarunt: tandem vero confecerunt Synod. Constantiensis Sess. 8. & Martinus V. edita Bulla. Damnatorum dogmatum similitudo & singulare studium, quod *Lutherus* in *Wicleffo* & *Joanne Huf* ejus discipulo defendendo tum alibi tum in Theſibus Lipsiæ contra Eckium propositis impendit, fundamentum præbet, cur *Wicleffus* a pluribus sectarum recentiorum Patriarcha dicatur. Quoniam vero ejus errores quæstiones de gratia minus attingunt, eosdem etiam hic referre aut de illo uberius agere superſedemus.

199. *Dico I.* Sectarum, quæ a sæculis aliquot prope innumeræ emerſerunt, auctores vel præformatores præcipui sunt Martinus Lutherus & Joannes Calvinus.

LUTHERUS natione Saxo, natus A. 1483. Islebii in Comitatu Mansfeldensi, Litteris humanioribus Magdæburgi & Iſenaci, Philosophiæ studiis Erfordiæ absolutis & deguſtata per annum Jurisprudentia inopino socii fulmine isti fato exterritus Ordinem Erem. S. Augustini ibidem A. 1504. suscipit. Aliquot annis post Wittenbergam studiorum causa missus, subin Romam digressus, redux deinde ibidem in Academia, quam Dux Saxonix nuper exerebat, Theologiæ Doctor & Professor creatur.

Hic ex occasione Jubilæi & Indulgentiarum a LEONE X. P. M. concessarum, quarum promulgationem Albertus Archiepiſcopus Moguntinus *Tezelio* Dominicano commiserat, contra indulgentias & earum præcones A. 1517. debacchari cœpit. In alios exinde errores prolapsus, cum nec scripta contraria nec disputationes habitæ nec pontificii legati adhortationes eum reducerent, *damnationem* primum 41. propositionum A. 1520., deinde excommunicationem & hæretici stigma A. 1521. a LEONE X. tulit.

Inde efferatior factus nihil omisit, quod ad *devastandam Ecclesiam* facere posset, editis voluminibus pluribus, e quibus præter errores morum ejus characteres superbiam, ambitionem, impudentiam, scurrilitatem, irreverentiam in Principes, propensum ad seditiones concitandas

S

tandas

tandes animum, impudicitiam & impietatem factis alibi comprobata haurire licet. Vestem sacram, quam hactenus retinuerat, A. 1524. exuit. Sequenti anno *Catharinam de Bore* raptam e Monasterio monialem uxorem dedit, A. 1546. demum mortuus.

Sectarios Hæresiarcha iste numeravit plurimos, quorum præcipuos hic nominasse duntaxat sufficiat: Andream nempe *Carolostadium*, Huldricum *Zwinglium*, Joannem *Oecolampadium*, Philippum *Melanchtonem*, Martinum *Bucerum*, Gasparem *Schwensfeldium*, Joannem *Agricolam*, Andream *Osiandrum*, Joannem *Brentium*, Mathiam *Flacum Illyricum*, Franciscum *Stancharum* &c., qui ipsi subinde in varias sectas abierunt. Ea vero ad tres potissimum revocantur.

1ma est Lutheranorum *rigidiorum* pura Lutheri dogmata sectantium, quorum facile princeps fuit Illyricus, Centuriarum Magdeburgensium præcipuus editor. *2da* est *molliorum* Lutheranorum, h.e. eorum, qui Confessionem Augustanam, ubi non nihil emollita fuerunt Lutheri placita, sectari se protestantur. Continet hæc Confessio 28. articulos, exarata a Melanchtone, qui & Apologiam postmodum pro ea edidit, & a Germaniæ Principibus Protestantibus A. 1530. in Comitibus Augustæ Vindelicorum habitis CAROLO V. Imp. oblata; unde & horum dux Melanchton dicitur. *3tia* est *Sacramentariorum*, qui a doctrina Lutheri circa Eucharistiam digressi profitentur in ea Corpus Christi non esse nisi in signo. Horum antesignanus Carolostadius, cui sese adjunxerunt Zwinglius & Oecolampadius, & *Calvini* hæresin præformarunt.

CALVINUS natione Picardus, natus Novioduni A. 1509. Humanioribus & Philosophicis disciplinis Parisiis imbutus primum ad Jurisprudentiam Aureliæ & Avaris Biturigum animum applicuerat, dein ad Theologiam ad discendam animatus novæ doctrinæ, qua jam a cognato Petro Roberto Olivetano afflatus erat, principia postremo in loco hausit a Melchiore Wolmaro, iisdem max uberius tinctus Lutetiæ, ibidem cum *Lutheranis* & *Zwinglianis* ac præsertim Nicolao Copo familiaritate inita.

Quæstionem de *dogmatibus* hic imminentem subterfugiens Basileam primum, post Engolismam se contulit; unde rursus decedens Basileæ Institutiones suas edidit,

dit, A. 1536. Genevæ Concionatoris & Theologiæ Professoris spartam adeptus. Dissidio autem inter ipsum & Symmistas, Genevenses item & Bernenses orto pulsus urbe proripuit se Argentoratum A. 1538., ubi & suadente Bucero uxorem duxit.

Revocatus subin A. 1541. Genevam omnem sectæ suæ disciplinam constituit probante senatu, legesque præscripsit, a quibus postea discedere nec ipsis Ministris, nec Civibus liceret. Reliquum vitæ tempus ibidem motibus adversis nonnunquam agitatus in dilatanda sua hæresi & variis scriptis edendis strenuus, sed arrogantia, impudentia, crudelitate & impietate infamis contrivit, A. 1564. defunctus. Famosum & exitiosum *Institutionis* opus ex Melanchtonis præsertim, Oecolampadii ac Brentii libris magnam partem confarcinatum, sed methodo nova & purioris latinitatis elegantia adornatum delineare cœpit Epigolismæ, edidit A. 1535. Basileæ, auxit A. 1539. Argentorati.

Calviniana itidem *factio* in plures sectas scissa fuit, quarum tres sunt præcipuæ: 1ma eorum, qui Calvinum ad amissum sequuntur, quales sunt Genevenses: Reformati in Gallia & Palatinatû, plerique etiam in Belgio & Helvetia: Puritani item in Anglia & Scotia, a quibus parum discrepant Independentes & presbyteriani ibidem, quibus admodum favit Oliverius Cromwellus Regni Protector nuncupatus.

2da *Anglo-Calvinianorum*, qui nec meri Lutherani nec, Calviniani adherent congeriei errorum, quos Crammerus Lutheranus & Regina Elisabeth Calvinismo favens schismati Henrici VIII. addiderunt, servatis semper nonnullis ad Hierarchiam pertinentibus; unde & dicti sunt Episcopales, ac a Presbyterianis differunt, dum agnoscunt Episcopos non solum ordine, sed & jurisdictione Presbyteris jure divino superiores.

3tia *Arminianorum*; sic dicti a Jacobo Arminio Ministro Amstelodamensi, postea ad docendam Theologiam in Academia Lugduni Batavorum evocato, qui plura dogmata de gratia, libero arbitrio, justificatione, perseverantia, prædestinatione & peccato originali emollivit, & communia sectæ Calvinianæ placita disputationibus convulsit. Huic cum se opponeret Calvinii adorator & vin-

dex Franciscus Gommarus ejusdem Academiae Professor, scissa est in partes primum Academia, tum tota Batavia, & demum Nationalis Synodus de utriusque partis dogmatibus Dordraci A. 1618. habita, quæ sequenti anno contra Arminianos pronuntiavit sententiam. Dicti sunt iidem ob dogmata sua Calvinistæ *molles*, ob libellos supplices ordinibus Hollandiæ & Frisiæ porrectos *Remonstrantes*; cum pars illis opposita a Duce suo *Gommarista*, a doctrina Calviniani *rigidi*, a libellis oppositis *Contraremonstrantes* vocantur.

Addunt quidam *4tam Piscatorianorum*, qui nomen a Joanne Piscatore Argentinenſi, Calvinianæ Theologiæ in Gymnasio Herbornenſi Professore acceperunt. Is ad A. 1600. Scholarum reformationem meditatus in dogmatibus pluribus a reliqua Calviniana secta diſſenſit, censuram ideo aliorum paſſus, qui ejus opiniones tanquam hæreſes rejecerunt, quidam etiam ut hæreticum anathemate damnandum pronuntiaverunt.

200. *Dico II.* Debellatorum utriusque hæreſis nomine intelligi poſſunt: 1. DOCTORES ſinguli, qui hæreſis dogmatibus vel ſcriptis libris, vel habitis diſputationibus, vel ſuſceptis cum adverſa parte colloquiis ſe ſtrenue ac fortiter oppoſuerunt. 2. UNIVERSITATES promeritam erroribus cenſuram affigentes: 3. SYNODI Diœceſanæ aut Nationales ſententiam enuntiantes: 4. PONTIFICES deſinientes & TRIDENT. Concilium Generale tum cogentes, tum moderantes, tum confirmanſes; quorum ſingularis notitia ex hiſtoria Eccleſiaſtica ſæculi XVI. petenda eſt.

201. *Dico III.* Ex ERRORIBUS prope innumeris, quos Hæreſiarcha uterque de omnibus ferme dogmatibus profudit, eos duntaxat breviter recenſemus, qui liberum arbitrium & gratiam ſpectant. Eorum *1mus* eſt *liberum arbitrium* poſt Adam lapſum eſſe figmentum & titulum ſine re. Ita Luth. in aſſertione ſuorum articulorum ad Leon. X. art. 36. Et Calvin. in Antidoto Tridentini ad Can. 5. Seſſ. 6.

2dus, vel explicatio potius prioris eſt liberum arbitrium hominis eatenus admitti, quatenus voluntas hominis libera eſt a *coactione*, non tamen a neceſſitate. Ita Luth. L. de ſervo arbitrio: & Calv. L. 2. in Pighium &c.

3^{mus}.

3^{tius} est hominem lapsum non posse resistere gratiæ, si velit, adeoque *necessitari absolute* sive ad bonum, si gratiam habeat, sive ad malum, si ea careat. Ita Luth. L. de serv. arb. Clarius Calvinus L. 2. Inst. C. 3. §. 10. de gratia sic loquitur: *Voluntatem movet, non qualiter multis sæculis traditum & creditum: ut nostræ postea sit electionis motioni aut obtemperare, aut refragari. Talem fuisse hominis adhuc stantis conditionem concedimus, ut potuerit ad alterutram partem inclinare: sed cum suo exemplo docuerit, quam miserum sit liberum arbitrium, nisi Deus in nobis & velit, & possit: quid fiet nobis, si ad eum modulum suam gratiam nobis impertitur?*

4^{tus} est hominis voluntatem sub gratiæ impulsu habere se *mere passive* instar trunci, stipitis alteriusve inanimis, uti Lutherus in Operation. in Psalmos Ps. 5. in digressionem de spe loquitur. Hujus porro erroris sensus non fuit, quod voluntas in opere bono plane iners & otiosa sit, & nullatenus nequidem *vitaliter* se moveat. Contrarium enim patet ex verbis LUTHERI de serv. arb. *Neccessario dico, non coacte: h. e. homo cum vacat spiritu Dei, non quidem violentia, velut raptus obtonso collo, nolens facit malum, sed sponte & lubenti voluntate facit.* Genuinum hunc etiam CALVINI sensum intelligere licet tum ex L. 2. Instit. C. 5. §. 14., tum ex L. 3. contr. Pighium, maxime vero ex L. 5. contr. eundem, ubi hominem, inquit, *sic quidem docemus agi Dei gratia, ut simul tamen agat: sic tamen ipsum agere, ut penes Dei spiritum tota sit, asmetneat actionis efficacia.*

Eodem sensu errorem intellexerunt Card. Osius, Bellarm., Stapleton, aliique controversiarum scriptores; atque hinc etiam Concilium Trident. Lutheranorum & Calvinistarum errorem referens ac damnans sic habet: *Ita ut tangente Deo cor hominis per Spiritus S. illuminationem neque homo ipse nihil omnino agat, inspirationem illam recipiens, quippe qui & illam abjicere potest &c.* Ubi PP. Tridentini hominem se non *mere passive* habere probant ex eo, quia libere agit, & inspirationem ita recipit, ut illam abjicere possit. Idem repetitur in Can. 4. Sess. 6.

5^{tus} est nullam defacto dari gratiam sufficientem, quæ simul non sit *efficax*. De hoc errore ita Lutherus L. de serv. arb.: *Humana voluntas in medio posita est con-*

jumentum. Si infederit Satan, vult & vadit, quo vult Satan: si infederit Deus, vult & vadit, quo vult Deus. Et Calvinus L. 2. Instit. C. 3. §. 10. Medium, quem Sophistæ imaginantur, motum, cui obsequi, vel quem repellere liberum sit, aperte excludi videmus, ubi assertitur efficax ad perseverandum constantia. Item alias docet motum Spiritus S. sic esse efficacem, ut fidem semper gignat.

Denique *6tus* est præcepta Dei homini esse impossibilia, nec posse ab homine per gratiam impleri. Ita Lutherus in Resp. ad Dialogum Sylvestri: *Pessime facis, quod negas Salvatorem impossibilia jussisse: plus quam pessime facis, quod hoc falsitatem audes appellare: non possumus in hac vita mandata Dei implere.* Calvinus etiam L. 2. Instit. C. 7. §. 5. *Quod autem impossibilem legis observationem diximus, id est paucis verbis explicandum simul & confirmandum. . . . Et.*

ARTICULUS IV.

Quæ sit Bajanismi historia, quod systema, quæ in illum lata sententia?

202. **N**ota. Michael Bajus, sive de Bay natione Belgæ, natus A. 1513. Melini in territorio Atheni, Presbyter secularis, laurea doctorali A. 1550. in Facultate sacra Lovaniensi donatus, anno altero eadem in Academia Regius sacrarum litterarum Professor institutus fuit: vir ingenii nimium prædientis & scientiæ suæ æstimator immodicus; id quod Ruaro Tappero Bajiolum Magistro ansam dicendi dedit, se ab hoc juvene nonnisi schisma expectare.

Non vanum fuisse præsagium eventus docuit; initum enim cum Joanne Hesselio paris conditionis & animi Professore Lovaniensi amicitia a suscepto mox docendi munere nova disseminare cœpit: quod studium nec ipse nec ejus puer laudatus socius Tridenti dedidicerunt, quorsum incunte anno 1563. ad ultimas tres Concilii sessiones Commendoni consilio delegati a Rege Catholico fuerunt, ut legatorum solertia ibidem conciliarentur. Rejctis tamen postremo erroribus diem extremum obiit A. 1589.

203. Dico I. *Exordium Bajanismi* in A. 1551. incidit, quo Professor publicus novas & erroneas doctrinas tum voce, tum scriptis proferre cœpit, *Ruardo Tappero* sub A. 1552. ex Conc. Trid. reduce strenue cum *Raveſſheimio*, *Ridthovio* & *Cunero* Theologis Lovaniensibus illi obſiſtentibus. Bajana Doctrina nihilominus adhærentibus multis, ac e sua etiam sacra familia quibusdam duo Fratrum Minorum Guardiani selectos inde octodecim articulos ad Parisiensem Facultatem judicii ferendi causa A. 1560. miserunt, quæ eodem adhuc anno 27. Junii lata censura illos confixit, & erroris aut hæreseos notavit. Quæ tamen nihil permotus BAJUS non modo perrexit ruere, quo cœperat, sed partes etiam suas multum auxerat; illis nempe Doctoribus, quos nominavi, aut facto functis aut e scholis ad Episcopales sedes evectis jam ipse antiquissimus Academix relictus & auctoritate apud Juniores prævalens.

Unde partibus hinc inde non sine animorum æstu contendentibus A. 1561. PIUS IV. P. M. silentium imposuit. Id vero cum minime teneret BAJUS cum æſſeclis, redux a Tridentino varia in lucem opera edens; novis diffidiis recrudescentibus, censuras etiam suas contra *Joannis Hesselii* & *Michaelis Baji* propositiones plures strinxerunt A. 1566. Academix Complutensis, Salmanticensis & variæ in Italia, donec tandem de pluribus articulis Romanæ Sedi denuntiatis inde judicium veniret. Itaque

Progressus & exitus causæ Bajanæ cœpit A. 1567., quo PIUS V. P. M. Kal. Octobr. Bullam articulos doctrinæ Bajanæ nomine Baji tacito sub variis censuris damnantem, quæ incipit: *Ex omnibus afflictionibus*, emisit. Hanc jussu Cardin. *Granvellani* tum Romæ commorantis, Maximilianus Morillonius, Præpositus Arienſis & illius Archiepiscopi Mechliniensis Vicarius Generalis eod. A. die 23. Decembr. prælegit Facultati Lovaniensi: Doctoribus omnibus obsequium pollicitis unus BAJUS reluctans a *Morillonio* frustra eum ad saniora reducere conato non quidem tum fuit urſus; quod hic fuerit monitus omnia cum suavitate ac prudentia agere: ille vero altero mox anno apologiam suarum opinionum ad Pontificem mittendam adornavit.

Expensis his literis apologeticis. PONTIFEX rursus BAJUM ad damnatos articulos ejurandos cohortatus Brevi

ad eundem dato A. 1569. confirmans priora scripsit: *Qua super hoc ipso jam decreveramus, eadem de integro decernenda statuendaque esse judicamus.* Hic tandem post tergiversationes nonnullas cessasse Bajum & ejurasse propositiones omnes damnatas notant Acta Facultatis Lovaniensis, idemque A. 1570., quo Nationalis Belgii Synodus *Pianam Bullam* solemniter acceperat, & nova in Scholis Lovaniens. promulgatio facta est, una cum reliquis DD. confirmasse; quanquam id alii negent, refellantque tum ex historia Bajanismi Brevi a Decano Capituli Mechliniensis edita, tum ex ipsis Facultatis Actis ad A. 1571., ubi narratur BAJUM aliquando in Facultate auditum esse, cum diceret: *Quod pro illis articulis deberemus forsitán mori potius, quam eos damnare.* Certe eventus probavit minus sinceram saltem aut inconstantem fuisse eam obedientiam, cum 12mo post illam Bullam anno res eodem, si non pejore, loco fuerit; unde

GREGOR. XIII. PII successor 4to Calend. Febr. A. 1579. nova Constitutione, quæ incipit: *Provisionis nostra*, edita præcedentem confirmavit, ac Franciscum Toletum suum e Soc. Jesu Theologum misit, qui coram BAJUM ad revocanda perperam dicta omni conatu pertraheret. Is vero A. 1580. jussit Bullam in frequentissimo totius Academiæ conventu recitari: tum ad BAJUM conversus petiit ex eo, an agnosceret in Bulla multos ipsius articulos damnari, & quidem in sensu ab eo intento? Affirmante Bajo rogavit, an eosdem aliosque in Bulla contentos & recitados damnet? ille, *damno*, inquit, *secundum Bulla ipsius intentionem Et sicut Bulla damnat*; quod ipsum postea solemniter ad Pontificem Max. scripto confirmavit. Eadem vox fuit Theologiæ Doctorum, Licentiorum, Baccalanreorum & Studiosorum Lovaniensium, qui uno ore conclamabant: *Articulos damnamus, Bullam reverenter suscipimus, atque obedientiam pollicemur.*

Porro ne malum aliquando revivisceret, Joannes Bonhami, Vercellensis Episcopus & per utramque Germaniam Nuntius Apostolicus Facultatem Lovaniensem rogavit & urisit, ut doctrinam, quam posteros suos sequi deberet, BAJI damnatis articulis opponeret. Explevit vota Facultas, & formulam doctrinæ deinceps tenendæ concepit illa quidem, & tum Nuntio, tum per eum *Ducena Facultati* communicavit; suppressam tamen eandem fuisse col-

colligere licet tum ex *Steyartio* Lovan. Theologo in Theol. Morali, tum ex causa, quæ *Lessium* inter & *Lovan. Facultatem* BAJO etiamnum vivente orta est, de qua forsan alibi.

204. *Dico II. Systema errorum BAJI* a quibusdam ad tria generatim capita, nempe quæ spectant statum vel naturæ innocentis, vel lapsæ, vel separatae, revocatur: ab aliis paulo distinctius ad 8. capita speciatim refertur; quorum singula breviter recensebimus.

I. Est circa *Gratiam Angelorum & primi hominis*. De hac, cum in L. de prima hominis iustitia statuisset, nullam creaturam rationalem creari posse sine ordinatione ad intuitivam Dei visionem, asseruit 1mo. *Gratiam sanctificantem*, annexaque illi dona fuisse debita naturæ innocentis & naturalia, atque hinc non esse stricte gratuita & supernaturalia; quo spectant septem articuli in Bulla damnati, nempe 9. 21. 23. 24. 26. 55. 79. 2do. Simili ratione *immunitatem ab omni malo* homini innocenti debitam & naturalem prædicavit iisdem & articulo 78.

II. Est circa *merita operum*. Et quidem in *statu innocenti* merita omnia ponebat mere humana & naturalia, adeo ut nec merita, nec merces primi hominis & Angelorum fuerint, aut essent gratia: ut enunciat artic. 1. 3. 4. 5. 6. 7. 9. 11. In *statu* autem *quocunque* asserabat quodlibet opus bonum ex natura sua esse meritorium vitæ æternæ; sic enuntiant propp. 2. 4. 11. 12. 13. 15. 17. Atque hinc negabat aliquid meritorii operi accedere ex adoptione aut gratia; ut patet ex propp. 17. 18. 19. 62.

III. Est circa *liberum arbitrium & ejus vires*. Quoniam in BAJI sententia primus homo peccando omnibus gratiæ donis, quæ secundum ipsum naturalia adjumenta ad vitandum peccatum & bonum operandum erant, prorsus privabatur, atque hinc cujuslibet boni incapax & solius capax iniquitatis effectus erat; consequenter statuit 1mo. Liberum arbitrium hominis lapsi sine gratia nonnisi ad peccandum valere; ita loquitur in propp. 27. 28. 29. 30. 2do. Quidquid ex homine gratia destituto procedit, & ipsam etiam infidelitatem negativam esse peccatum; sic habetur in artic. 22. 25. 68. 3tio. Non dari aliquem actum liberi arbitrii moraliter tantum bonum; ut constat ex artic. 34. 36. 37. 65. 4to. Statuit liberum arbitrium

arbitrium & libertatem in immunitate a coactione, non autem exclusionem necessitatis; ita legitur in propp. 39. 41. 66.

IV. Est circa *peccatum personale*. De hoc ex iactis circa liberum arbitrium fundamentis docet *1mo*. Ad peccatum non requiri libertatem a necessitate; ita in artic. 46. & 67. *2do*. Peccatorem in omnibus actionibus suis peccare, quod est argumentum articulorum 35. & 40.; ubi tamen notandum, nomine peccatoris non intelligi a Bajo præcise eum, qui gratia sanctificante caret, sed eum, qui pondum elicit charitatis actum, quo deponeret affectum peccati. *3tio*. Concupiscentiæ indeliberatos quoque motus in non renatis, vel etiam in renatis, sed postea in peccatum mortale lapsis verum esse ac proprie dictum peccatum, quod ipsis imputatur sine respectu etiam ad voluntatem Adami, a qua originem sumpsit concupiscentiæ; quia in sententia Baji hæc concupiscentia illis voluntaria est voluntate habituali, & habitualiter dominatur, quatenus non habent contrariam voluntatem: secundum eundem vero concupiscentiæ indeliberati motus sunt veræ legis: *Non concupisces*, inobedientiæ.

Excipit tamen iustos, quibus contra concupiscentiæ motus certantibus & non consentientibus non imputatur in peccatum, utpote apud quos concupiscentia non dominatur actu vel habitu. *Ratio & pars asserti 1ma* desumitur ex propp. 48. 49. & 74. *2da* ex propp. 50. 51. & 76. *3tia* sive exceptio ex prop. 75. *4ta* denique statuit nullum esse peccatum ex natura sua veniale, sed omne mereri poenam æternam; quæ verba sunt proposit. 20mæ, & partem etiam 2dæ constituunt.

V. Est circa *peccatum originale*. Hujus naturam eum L. de pecc. orig. statuisset in *concupiscentia* seu inclinatione ad bonum sensibile contra rationis præscriptum: transfusionem autem & communicationem nihil habere singulare ab aliorum peccatorum communicatione docuisset; *Imo* ponit hoc principium, *sceleris nempe cujuslibet naturam esse, ut ex sese & propria vi ac independentem a pacto vel ordinatione divina auctorem suam ipsiusque posteris eo modo inquinare & inficere possit, quo infecit prima transgressio*; hujus compendium sunt propp. 52. & 53.

2do. Peccatum originale in posteris peccatum esse sine

ne relatione ad voluntatem Adami, ut ait prop. 47. Quia vero concupiscentia est peccatum originale, concupiscentia autem voluntate habituali voluntaria est, nisi quis habeat voluntatem contrariam; hinc docet 3tio. Peccatum originale habitualiter dominari parvulo, quia non gerit contrarium voluntatis arbitrium, quæ phrasis est prop. 48. Ex eodem capite addit 4to. Fieri, ut parvulus non renatus Deum actualiter odio habeat, blasphemet, ejusque legi repugnet, in prop. 49. 5to. Denique afflictiones & mors tum justorum omnium, tum B. Virginis dicuntur ultiones peccati vel originalis vel actualis in prop. 72. & 73.

VI. Est circa *charitatem* & *impletionem legis*. De prima docet 1mo. Non dari amorem bonum nisi charitatem theologicam; ita asserit prop. 34. 2do. Non esse alios amores nisi vel charitatem theolog. vel cupiditatem vitiosam; ita prop. 38. 3tio. Actum charitatis etiam intensive perfectæ, sed tamen non dominantis, h. e. affectum cupiditatis habitualem non expellentis posse stare cum peccato & reatu æternæ damnationis ac sine remissione peccatorum; ut liquet ex propp. 31. 32. 33. 70. 71.

De altera docet 1mo. Deum præcepisse homini impossibilia; habetur in prop. 54. 2do. Legem non posse impleri nisi per charitatis theolog. actum; ita legitur in propp. 16. & 61. 3tio. Quamdiu aliquid concupiscentiæ carnalis in diligente est, eum non facere præceptum: *Diliges Dominum Deum tuum ex toto corde tuo*; quæ sunt verba prop. 76.

VII. Est circa *justificationem* & *Sacramentorum effectum*. De prima docet 1mo. Hominem formaliter fieri justum bonis operibus & legis obedientia, non autem gratia aliqua animæ infusa; ut loquuntur propp. 42. & 69. 2do. Hinc etiam rejicit distinctionem tum justitiæ, tum vivificationis, quæ per gratiam habetur, propp. 54. & 64. 3tio. Tamen sicut de charitate dixerat, sic justificationem veram haberi posse sine remissione peccatorum aut incremento virtutum, propp. 43. & 44.

De altera vero, quis 1mo tantum distinguit in peccato, actum scilicet & reatum poenæ, omittitque reatum culpæ, ut liquet ex prop. 56. Hinc 2do in Sacramentis Baptismi & Pœnitentiæ docet hominem non vivificari

ministerio Sacerdotis, nec reatum culpæ dimitti, sed poenæ reatum duntaxat tolli, patet ex propp. 57. & 58.

VIII. Est circa *solutionem poenæ temporalis*. Hanc negat fieri sive per eleemosynas & pietatis opera juxt. prop. 59. sive per satisfactiones laboriosas iustorum juxt. prop. 77. sive per passionem Sanctorum in indulgentiis communicatas juxt. prop. 60.; sed asserit proprie nonnisi meritis Christi & Sanguinis divini pretio adscribendas juxt. prop. 10. & alias modo laudatas.

205. Dico III. *Fundamentum errorum omnium* statuitur a Tournely in illo axioma, ad quod prop. 38. spectat: *Non sunt nisi duo amores*: aut charitas virtus theologica, quæ Deum diligit tanquam finem ultimum, quæque primo præcipitur Decalogi præcepto; aut vitiosa cupiditas, quæ creaturæ inhæret tanquam fini ultimo absque ullo ad Deum respectu, atque tota lege prohibetur.

Cæterum *universim* de Bajano systemate enuntiarum non absque manifestatione potest, *Pelagianismi*, nec non *Lutheranismi* & *Calvinismi* absurda dogmata, licet subinde emollita, in omni ea congerie alternare, & adeo manifeste a Tridentino damnatos, aut aliunde apertos errores ibidem occurrere, ut, nisi plurimam partem in ipsis Bajæ libris clare expressi legerentur, vix credi posse videretur, eos traditos fuisse a viro catholice professionis, & eo, qui ipse Concilio Trident. interfuit.

Libri autem a Bajo editi numerantur, 2. de meritis operum: 1. de prima hominis iustitia: 2. de virtutibus impiorum: 1. de libero hominis arbitrio: 3. de charitate, iustitia & justificatione: 1. de peccato originis: unum de sacrificio; cum Tractatibus quatuor de Sacramentis in genere, de forma baptismi, de indulgentiis, de oratione pro defunctis.

206. Dico IV. De *sententia in Bajanismum* per geminam Bullam pontificiam lata, sive de ipsarum Bullarum argumento & forma quædam observanda veniunt. Et quidem de *propositionibus damnatis* 1mo. Eas continuata serie & sine characteribus numeralibus in Bullis editis fuisse lectas; unde alii prop. 76., alii 80., plerique 79. recensent.

2do. Nonnullas propositiones continere plures partes

tes, de quibus dubitari potest, an illæ quoad partes omnes, an quoad unam duntaxat, & quamnam damnentur; cujus exempla afferunt in 35. & 74. propositione.

3tio. Aliquas propositiones non agnitas fuisse tanquam suas a Bajo, nempe 35. & 40.: plures vero non reperiri in ejus operibus, nempe 55. 64. 65. 67. 68. 73. 74. 78. & 79. Additæ tamen sunt & cum aliis Bajanis damnatæ; tum quia a Bajanzæ factionis hominibus præsertim *Hesselio* tunc temporis docebantur: tum quia vel verbo in Scholarum disputationibus, vel in privatis discipulorum MStis fuerunt a Bajo traditæ.

4to. Quasdam Bajanæ continere non solum doctrinam, sed etiam contrariæ censuræ sententiæ, qualis v. g. est hæc 28. *Pelagianus est error dicere, quod liberum arbitrium valet ad ullum peccatum vitandum*: plures vero esse, quæ solum doctrinam contineant, qualis v. g. est illa 20. *Nullum est peccatum ex natura sua veniale, sed omne peccatum meretur penam æternam*.

De ipsa damnatione propositionum 1mo. Propositionum censuras & notas numerari in Bulla sex, nempe *hæreticas, erroneas, suspectas, scandalosas, temerarias, in pias aures offensionem mittentes*, de quarum legitimo sensu consule Tract. de Fide.

2do. Damnationem propositionum respectu Notarum singulis convenientium fuisse *indeterminatam* & generalem, & ut ajunt, *in globo*. Non enim omnes Notæ in singulas assertiones cadunt, sed cum proportionem accommoda; quare additur *respective*. Hac ratione etiam articuli *Wicleffi* & *Hussi* a Concilio Constantiensi Sess. 8. & 15., item articuli *Lutheri* a LEONE X., & alii ab aliis Pontificibus damnati fuerunt: & satis quidem clare, quamvis non omni cum claritate & evidentia, venenum propositionum etiam singularum ostendi solet. Quæ porro Nota unicuique propositioni *Baji* determinate conveniat, declarat *Ripalda* Tom. 3. de Ente supernaturali.

3tio. Nullam contentarum in Bulla propositionum esse, quæ excipiat ab aliqua censura & nota ex sex supradictis; cum illa post omnes propositos articulos a Pontifice immediate subjuncta relatio: *Quas quidem sententias &c.*, & illa alia universalis: *Quacunque super his verbo*
scri-

scriptoque emissa, omnes universim propositiones prius in Bulla memoratas sine exceptione complectatur.

QUÆRES I. *An Bajanae propositiones omnes notentur propter doctrinam, an aliquæ propter solam contrariæ sententiæ censuram?*

207. *Nota.* Pius V. post relatas in sua Bulla propositiones BAJI continuo hæc subjicit: *Quas quidem sententias stricto coram nobis examine ponderatas, quanquam nonnullæ aliquo pacto sustineri possent, in rigore & proprio verborum sensu ab assertoribus intento hæreticas, erroneas &c. damnamus, circumscribimus & abolemus.* Occasione hujus interjectionis: *quanquam nonnullæ &c.* non tantum Bajani, sed & alii Auctores celebres existimant, si non omnes, saltem aliquas propositiones censuram contrariæ sententiæ continentes esse damnatas duntaxat ratione *modi*, seu propter hanc censuram, non autem ratione *dicti*, seu propter doctrinam. Alii e contra quamvis concedant propositiones quasdam in aliquo sensu sustineri posse, negant tamen eas in *sensu proprio verborum* ab assertoribus intento probabiles esse, & hinc quoad doctrinam non fuisse damnata. Cum his

208. *R.* Probabilius videtur omnes propositiones notatas esse *propter doctrinam*. Ratio est, tum quia Pontifex damnando *sententias* intellexit doctrinam; siquidem & sententiarum nomine communiter ipsa propositionis doctrina venit, & alias pontificia damnatio confunderetur, si de aliis propositionibus doctrinam, de aliis solam censuram excepta doctrina rejectam interpretari liceret: tum quia Pontifex, licet insinuaverit nonnullas propositiones *aliquo pacto* sustineri posse, tamen eas non damnat propter assertoris audaciam ac censuram, sed quia in *rigore & proprio verborum sensu* ab assertoribus intento erroneas &c. censet: tum quia nonnullæ etiam propositiones earum, quæ *aliquo pacto* sustineri possunt, nullam continent censuram, quales sunt propositiones 27. 55. &c.; ergo.

Conf. I. *Censura illa* propositionibus a BAJO & ejus sociis appictæ vel sunt duntaxat prohibita a Pontifice potestate *directiva* morum tanquam contrariæ charitati & paci fidelium, vel potestate *definitiva* veræ & sanæ doctrinæ tanquam contrariæ integritati religionis.

ligionis & fidei. Si *imam*; ergo non potuissent a Pontifice damnari tanquam dignæ censura theologica & falsæ; sed solum fuisset prohibita censuratio, uti accidit jam sæpius, ac maxime in causa de auxiliis gratiæ Dominicanos inter & Jesuitas agitata.

Si *2dum*; ergo hoc ipso falsitas etiam propositionis Bajana & non tantum censura emergit; cum *damnatio* sit declaratio & pronuntiatio falsitatis sententiæ; ex qua sequitur nos non solum exterius, sed etiam interius debere propositioni damnatæ dissentire, ut patet in propositionibus jansenii damnatis; cum e contrario *sola prohibitio* non sit declaratio falsitatis sententiæ, sed interdum obligationis cohibendi illam propter vitanda mala paci & bono fidelium nociva, quæ vel ex sententia, vel censura nascuntur. Ex quo ruit *1mum* fundamentum adversæ partis: videlicet quod moris sit in Ecclesia infames notas a DD. receptis opinionibus subinde infictas interdicere.

Conf. II. Nullus est ex omnibus Baji articulis, cujus vitium & falsitas, etiam abstrahendo a *notis*, non deprehendi aut probari possit; uti fecerunt Doctores Lovanienses ad postulationem *Morillonii*; Universitas Duacensis in Declar. edita A. 1649. sub hoc titulo: *Veritas & æquitas censura Pii V.*, in qua doctrina singularum propositionum per antitheses Estii & Sylvii refelluntur: Et qui ante hanc declarationem Libros duos adversus articulos olim a Pro V. & GREG. XIII. & novissime ab URBANO VIII. PP. damnatos edidit Joann. Martinez de Ripalda S. J. sub nomine appendicis ad disputationes de Ente supernaturali, & Tomi tertii. Unde & vanitas fundamenti 2di cognosci potest; scilicet quod plures BAJI propositiones sint probabiles & inter Cathol. DD. receptæ opiniones.

QUÆRES II. *Quid de famoso commate in Bulla Piana sit tenendum?*

209. *Nota I.* Verba Bullæ quoad interpunctionem ab aliis sic referuntur: *Quas quidem sententias stricto coram notis examine ponderatas, quanquam earum nonnulla aliquo pacto sustineri possent in rigore & proprio verborum sensu ab assertoribus intento, hæreticas, erroneas &c. damnamus.* In aliis vero exemplaribus sic leguntur:

tur : *quanquam earum nonnulla aliquo pacto in rigore & proprio verborum sensu ab assertoribus intento sustineri possent.* Postremam lectionem non esse germanam patet tum ex repugnantia reliquorum exemplarium omnium tum ex evidenti diremptione litis, cui sub hac formula probabilis quidem locus esse potuerat.

Lis enim erat : an in lectione priorē comma (,) subijciendum sit vocibus : *sustineri possent*, adeo ut sensus sit sententias in rigore & proprio verborum sensu ab assertoribus intento damnari tanquam hæreticas, erroneas &c. quamvis aliquo pacto, seu alio in sensu sustineri possent an vero subijciendum sit voci : *intento*, ut hic factum videmus; adeo ut sensus sit damnari has propositiones, licet in rigore & proprio verborum sensu ab assertoribus intento sustineri queant, h. e. veræ sint?

Porro quemadmodum postrema hæc lectio & signorum interpositio BAJUS & Bajanis eatenus favet, quatenus eorum opiniones nihil probabilitatis per damnationem PIANAM amitterent; sic eandem BAJUS statim usurpavit contra MORILLONUM; ideo se Bullæ subscribere non posse causatus, quod Pontifex diceret sententias has *aliquo pacto sustineri posse in rigore & proprio verborum sensu ab assertoribus intento.*

Quamvis vero postea de pontificiæ damnationis sensu melius a TOLETO edoctus subscriberet propositionum damnationi, eundem tamen cavillum acrius repetierunt BAJANI, & variato commatis loco adulteratam clamaverunt Bullam, ut a Jacobo FANSONIO Doctore Lovan. Baji primæ discipulo; dein Collega A. 1618. in scholis publicè factum legimus. Id ipsum urserunt paulo clamorosi quidam Lovanienses Doctores, ubi *liber Fansenii*, eoque plures propositiones a PIO V. & GREG. XIII. damnatas contineret, ab URBANO VIII. fuit prohibitus; atque hanc occasionem Joannem SINNICHIUM Lovaniensem Romam miserunt, URBANI Bullam recipere nolentes & eam subreptitiam prætexentes. Neque a tricus in hoc commate facienda etiam hoc sæculo desisterunt quidam, ut ex historiis controversiarum de divinæ gratiæ auxiliis Auctore ELEUTHERIO & LIVINO de MAYER patet.

216. *Nota II. Styli Romani esse, ut duo singularum Pontificiarum Bullarum manuscripta Romæ fiant: alterum autographum interpunctis & commatibus distinctum, quod in Archivis S. Officii deponitur: alterum continua serie, nullo commate adjecto, scriptum, quod in Regesto Summi Pontificis notatur, ex quo & secundum fidem Regesti, ac proinde sine punctis, describuntur exemplaria Bullarum, quæ conceduntur aut ad Provincias mittuntur, nisi aliter expresse mandetur. Porro Bulla Piana quinque extant exemplaria celebriora.*

1um sine punctis juxta morem proxime memoratum habuit Morillonius A. 1567. 2dum commissum est A. 1580. Toletus, ob litem de commate a Bajo jam motam interpunctis distinctum. Neutrum tamen transformari aut exscribi a Lovaniensibus permiserunt vel Morillonius vel Toletus. 3tium ad interventionem Toleti GREGORIUS XIII. concessit Bajo eodem adhuc A. 1580.; sed quod nullo commate distinctum fuisse, patet ex ejus editione per Facultatem Lovaniensem curata, & confessione Bajatorum, præcipue Macarii Havermanns.

4tum fuit Romæ A. 1642. cum interpunctionibus excusum, in quo comma post verba: sustineri possent, omittitur. Sed error hic ex incuria typographi ortus ille est, de quo loquitur URBANUS VIII. in Brevis ad Archiepiscopum Mechliniensem, & hinc illius jussu festitutum fuit comma in editione Colonensi. 5tum est Romæ A. 1644. eodem URBANO jubente editum & a sacra Congregatione Sinnichio traditum & consignatum cum mandato Apostolico, ut huic exemplari fides adhiberetur. In hoc autem legitur comma post voces: sustineri possent. Ex his

211. *R. I. Ipso facto famosum comma in Bulla Piana additum fuit post voces: sustineri possent; adeoque nulla BAJI propositio in proprio verborum sensu ab assertoribus intento sustineri potest. Prob. I. Ex exemplari Toletii, quod teste Ripalda Romæ impressum habet genuinam comma, dividens verba illa Bullæ: aliquo pacto sustineri possent, a sequentibus: in rigore & proprio verborum sensu ab assertoribus intento. II. Exemplari Romano jussu URBANI A. 1644. impresso, & authenticis consignato, ubi idem commati locus datus perspicitur. III. Ex ipso*

ipſa Pii V. Autographo in Archivis S. Officii cuſt
quo idem comma & eodem l co vidiffe ſe A. 16
Octobr. teſtatur Cardinalis de Lugo.

Nec obſtat 1. Quod Granvellanus in epiſt
Nov. 1567. ad Morillonium ſcripta dicat, Bajana
poſitionum aliquas, *tameſi in rigore aliquo ſenſu*
poſſint, ut excuſentur, pios tamen leſtores offen

R. Equidem poſſunt aliqua poſitiones
ſenſu aliquo exponi, ut excuſentur, qualis eſt v.
Deus non potuiſſet ab initio talem creare homin
lis nunc naſcitur; ſi enim quiſpiam hanc addat
nem, *id eſt, cum peccata originis*; fatebuntur o
poſitionem ſic expoſitam habere ſenſum Catholic
cut vero hunc ſenſum damnare nunquam Pontifi
dit, ſic etiam ſenſus is Baji vel aſſertoris Bajani
Unde patet, qua ratione dixerit Granvellanus ali
poſitiones *in rigore ſenſu aliquo* exponi poſſe, ut
tur; nempe ſenſu peregrino & alieno, non vero
toribus intento.

Nec 2. Quod Morillonius in ep. die 20.
1569. ad Granvellanium data narret, quod Baji
ſante, cauſanteque in Diplomate Pontificio ſcrip
nonnullas poſitiones defendi poſſe in proprio
ſenſu, ipſe nihil repoſuerit; unde inferunt ſibi
aſſenſiſſe exceptioni Morillonium.

R. Silentium hoc alii melius tribuunt M
prudentiæ, ob timorem Schiſmatis, &, ne ex
Baji animus irritaretur acerbius, ad tempus con
preſertim cum ex Bullæ exemplari ſibi tranſmiſſo
nullis interpolationibus diſtincto, BAJUM mani
vincere non poſſet. Unde ſatis habuit Morillon
gere BAJUM ad ejurandas poſitiones *juxta a*
cenſuram & mentem ſanctitatis ſuæ; quod & a
ſtitum Morillonius ibidem ſcribit. Caterum ha
vim non habent poſt damnationem URBANI & ſer
la Piana clare diſtinctum.

212. R. II. Jure etiam famoſum comma
moratas voces in Bulla Piana additum fuit. Rati
quia illa verba: *Quamquam nonnullæ aliqua pa*
neri poſſent, per illa adverſativa aliquo pacto o
bent ſequentibus: *in rigore & proprio verboru*

cum alia non sint, quibus opponantur. II. Quia si in rigore & proprio verborum sensu ab assertoribus intento aliqua sententia BAJI sustineri possent, immerito Pontifex eas damnasset; cum nulla fere sit Catholica sententia, quæ in sensu improprio & ab assertoribus extorto damnabilis non sit. III. Quia hac expositione admissa nulla BAJI propositio foret, quam non liceret impune defendere; cum nulla in Bulla definiatur determinate, quæ in rigore & proprio verborum sensu sustineri non possit.

Ad quid ergo & damnatio Pontificia, & particula exceptiva *nonnulla*? Hinc vero constat vanitas illius asserti, quod ob duplicem interpunctionem, alteram post vocem *possent*, alteram post vocem *intento* in Bulla additam, adhuc sensus maneat obscurus.

ARTICULUS V.

Quenam sit Jansenismi historia, quod systema, quæ in illum lata sententia?

213. **N**ota I. Causa Bajana finita videri poterat rescriptis Roma Pontificum sententiis; sed error finitus non fuit, multis adhuc in Belgio & Gallia Baji discipulis aut sectatoribus relictis. Hos inter fuit Cornelius JANSENIUS, alius ab ejusdem etiam pronomini Jansenio, Gandavensi Episcopo, Hulstii in Flandria nato, & Commentarii in Concordiam ac totam historiam Evangelicam auctore optime Catholico. Is natione Batavus, natus est anno 1585. loco exiguo, Accoy dicto, in territorio Leerdamensi. Ultrajesti humanioribus litteris excultus, Lovanii Philosophiæ ac Theologiæ operam dedit, Magistro usus Jacobo Jansonio. A. 1604. Parisios abiens, exceptus est a Joanne du Verger de Havrane, famoso Abbate Sancti Cyrano, in cujus amicitiam Lovanii jam se insinuaverat.

Hujus commendatione per aliquod tempus ibidem filiorum Consilarii Regii Parisiensis moderatorem domesticum egit: inde Bajonam cum eodem decedens, Collegioque Principali recens erecto Director datus, una cum illo in novum systema circa gratiam adumbrandum per annos duodecim incubuit. Lovanium A. 1617. reversus Doctorali laurea donatur, Collegio S. Pulcheriæ præficitur, a

Philippo III. Hispaniarum Rege etiam A. 1630. S. Litterarum professor renunciatur. Interea temporis ter legatione in Hispanias ad Regem nomine Academiae perfunctus, occasione libri, quem *Martem gallicum* inscripsit, a se editi ad insulas Iprenses A. 1635. promotus, tertio ab inauguratione anno die scilicet 6. Maji A. 1638. lue, quæ Ipras invaserat, extinguitur.

Ut vitæ ejus Synopsis testatur, præditus erat ingenio acerrimo, judicio gavissimo, memoria capacissima, in rebus semel susceptis magnanimus, in pervolvendis S. Augustini operibus assiduus, cujus libros universos decies; illos vero, quibus Pelagiana hæresis confutatur, facile trigies perlegisse memoratur. Abbas autem a S. Germano familiariter JANSENIO usus hanc illi notam figit: *Sandè dicere possum & coram Deo, me non vidisse hominem magis superbum, qui se unum ita æstimaret, reliquos omnes contemneret.*

214. Nota II. Præter alia ejus scripta famosum est opus, cui titulus præfigitur: *Cornelii Jansenii Episcopi Iprensis Augustinus*. Volumen est grandius in tres tomos distinctum. *Imus* complectitur libros octo de hæresi Pelagiana: *2dus* librum unum de Ratione & auctoritate in rebus Theologicis; unum de gratia primi hominis & Angelorum; libros quatuor de statu naturæ lapsæ; libros tres de statu naturæ puræ. *3tius* in duas partes distribuitur: in prima continentur libri decem de gratia Christi Salvatoris, qui sunt finis & scopus totius operis: in altera unicus continetur liber, quem vocat Parallelum erroris Massiliensis & opinionis quorundam Recentiorum. Operis hujus prima rudimenta formavit JANSENIUS Besonæ, elaboravit Lovanii, absolvit Ipris, postquam viginti annos in eo efformando posuisset: edendi vero curam commisit Capellano suo Reginaldo Lamæo, re prius communicanda cum Liberto Fromondo & Henrico Caleno.

Conctos suos libros, & hoc præsertim opus non tantum in libro proæmiali & epilogo protestatus est se submittere Apostolicæ Sedis judicio, sed & testamentum suum vix media hora ante mortem dictatum his verbis concludit: *Sentio aliquid (in dicto opere) difficulter mutari posse. Si tamen Romana Sedes aliquid mutari velit, sum obediens filius, & illius Ecclesiæ, in qua semper vixi,*
usque

usque ad hunc lectum mortis obediens sum. Ita mea suprema voluntas est. Unde nec JANSENIUS, sicut nec olim BAJUS, dici hæreticus potest, licet ejus liber post mortem sit damnatus : & Jansenii sectatores habent obedientiæ exemplum, quod a magistro suo discant & imitentur.

215. Dico I. *Historica* Jansenismi synopsis ex sequentibus epochis commode perspicui & teneri potest.

Epocha I. Ut primum *Augustinus* JANSENI A. 1640. typis Lovaniensibus fuit editus, ingentes in Belgio motus excitari cœperunt, *Calvinistis* idem quasi triumphum agentibus ob errorem suum de libero arbitrio & gratia novo hujus libri systemate confirmatum ; *Catholicis* autem pluribus atque e Societate nostra theses publicas contra nova dogmata opponentibus, JANSENI e contrario sequacibus pro libro ejusque doctrina defensionem suscipientibus. Rumore ejusmodi fuscitatus URBANUS VIII., cum novi hujus operis editione fervente singula folia recens impressa Romam ad examen jam missa fuerant, 4. Maji 1641. solemnî Constitutione, quæ incipit : *In eminenti*, librum proscrispsit, eoquod in eo multæ ex propositionibus, nempe Bajanis, damnatis continerentur.

Hujus vim declinaturi JANSENI sectarii, evulgare cœperunt Bullam esse subreptitiam, & Jeseitarum fœtum, qui ad doctrinam *Molina* tuendam fraude Pontificem circumvenerint. Hoc subterfugium præclusurus PONTIFEX ad Belgii Governatorem, Archi-Episcopos ac Universitates datis A. 1643. litteris urfit debitam Bullæ obedientiam, A. 1644. autem Joanni *Sinnichio* & Cornelio *Pape* Lovan. Doctoribus Romam missis exemplar illud *Pianæ* Bullæ, de quo s. d., tradi curavit, & formulam, cui Lovanienses subscriberent, transmissit.

His tamen, & tum Regis Catholici imperio, tum Universitatis Parisiensis censura septem Jansenii propositionum, quæ præter *quinque famosas propositiones* ad aliam materiam spectabant, non obstantibus, virus serpebat indies in Belgio quidem latius, & in Gallias etiam diffundebar. Unde A. 1649. oblata Facultati sacre Parisiensis sunt propositiones quædam damnandæ : ab hac vero cognitione causæ ad Episcoporum judicium perlata, horum octoginta quinque A. 1650. ad INNOCENTIUM X. di-

rexerunt epistolam, in qua JANSENII quinque propositiones famosas denuntiavit, solemnem de illis sententiam Apostolicæ Sedis rogantes.

Epocha II. Postulationis gravitate permotus PONTIFEX instituit Congregationem selectorum quinque Cardinalium & tredecim Consultorum, qui has propositiones, ad quas præcipua libri Janseniani doctrina revocatur, per duos & amplius annos habitis triginta sex congregationibus, quarum decadi postremæ INNOCENTIUS ipse præfedit, accurate examinerunt, admissis etiam ad causam propositionum defendendam *Ludovico de Saint Amour*, & aliis Jansenii sectatoribus. Completo examine Pontifex definitivam in propositiones sententiam censuramque tulit, edita 31. Maji A. 1653. solemni Constitutione, cujus initium est: *Cum occasione impressionis libri.*

Eam Galliæ Episcopi cum gratiarum actione susceperunt, Rex Christianissimus Edicto publico servandam imperavit, & orbis fere universus unanimi consensu acceptavit, solis *Jansenistis* varios cavillos suæ obstinationi & inobedientiæ prætextentibus. Causabantur enim 1mo, propositiones has in libro JANSENII non contineri: 2do, in sensu JANSENII non fuisse condemnatas: in cujus confirmationem addebant 3tio, Pontificem quidem in quæstione *juris*, an scilicet aliqua propositio sit hæretica, posse dici infallibilem: sed in quæstione *facti*: an scilicet propositiones illæ damnatæ sint in sensu ab auctore intento, non esse adeo infallibilem, quin de ejus definitione dubitari prudenter queat; sed ad summum *reverenti silentio* obediendum, servata libertate aliter interius sentiendi.

Epocha III. Novis his Jansenianorum molitionibus occurruri Galli Antistites in Comitibus A. 1654. utrique subterfugio contrarium decreverunt: *Facultas Parisiensis* eadem adhuc & aliam de gratia, quæ iusto ad vincendam tentationem sufficeret, deficiente docere ausum *Antonium Arnaldum* gravi censura A. 1655. perstrinxit, & pertinacem e numero Doctorum expunxit: INNOCENTIUS X. Brevi A. 1654. dato, & Alexander VII. Constitutione 16. Octobr. A. 1656 quæ incipit: *Ad Sanctam B. Petri Sedem*, edita declararunt ac definierunt: quinque propositiones ex libro *Cornelii Jansenii* excerptas, ac in sensu ab eodem Cornelio intento damnatas fuisse.

Ad cujus definitionis ampliozem fructum habendum, & Jansenistas detegendos, praeuatis rursus & petentibus Galliae Episcopis, idem Alexander A. 1664. die 15. Febr. Constitutionem edidit, quae incipit: *Regimini Apostolici*, & qua formularum fidei ab omnibus posthac praestandae praescripsit, cujus hic erit tenor: Ego N. Constitutioni Apostolicae Innocentii X. datae die 31. Maji 1653. Et Constitutioni Alexandri VII. datae die 16. Octobris 1656. Summorum Pontificum me subjecio: Et quinque propositiones ex Cornelii Jansenii libro, cui nomen AUGUSTINUS, excerptas Et in sensu ab eodem Auctore intento, prout illas per dictas Constitutiones Sedes Apostolica damnauit, sincero animo rejicio ac damno Et ita juro, sic me Deus adjuuet, Et haec Sancta Dei Evangelia.

Epocha IV. Cum Pontificiae Constitutioni Regiae etiam Auctoritas in Galliis accederet, gravissimis in refractarios statutis poenis, scissa est in partes factio Janseniana. Rigidiores enim negabant ejusmodi formulae subscribi posse, & ad evadendas poenas hinc sibi imminentes in Hollandiam secesserunt: Molliores perjurium subscribendo formulae non timuerunt; in quam rem varia effugia excogitauerunt, ut sensu Jansenii mente retento, verbis tamen & calamis ejus propositiones abjurare possent.

Inter Galliae Episcopos autem, qui & formulae subscripserant, & a suis subscribi curabant, soli quatuor, nempe Alethanus, Bellovacensis, Andegavensis, & Amiensis in suis pro subscriptione formularii mandatis factum a jure sic distinxerunt, ut assererent, quaestioni juris internum fidei assensum deberi; pro facto autem, quo damnatae propositiones libro Jansenii tribuuntur, solam exigi posse silentii reverentiam. Haec Episcoporum decreta die 20. Julii ejusdem anni rescidit Rex Christianissimus, & contra dictos Episcopos Romae causa judicialis parabatur; sed orta primum contentione de numero Judicum, secundum Galliae jura in causis contra Episcopos requisitorum, quae triennio agitata fuit, res haesit suspensa: deinde autem interuentu mediatorum Archi-Episcopi Semonenfis, Episcopi Catalaunensis, ac maxime Episcopi Laudunensis, Caesaris d' Estrées, postea Cardinalis eo perducta est, ut omissa ac insufficiente iudicata priori subscriptione nova praestaretur Et imperaretur a quatuor Episcopis,

pis, qua sine ulla restrictione quinque propositiones in sensu Jansenii damnarentur.

Quod cum ab illis præstitum fuisse Romam significatum fuit, CLEMENS IX. datus ALEXANDRO demortuo Successor, eisdem benevolentiam & pacem restituit A. 1669. die 19. Januar., quia didicisset, inquit, ipsos tandem meliora consilia secutos, *juxta præscriptum Litterarum Apostolicarum...* sincere subscripsisse & subscribi fecisse formulario.

Epocha V. Unde extincta videbatur controversia, inde acerbius recrudit in Galliis. Hanc enim Episcoporum reconciliationem *Janseniani* in suas partes detorque-re conati sunt, passim asserendo, in nova horum quatuor subscriptione, prout in *actis verbalibus* Synodorum Dioecesanarum continebatur, insertam fuisse distinctionem facti a jure & limitationem de religioso silentio; hinc autem concludendo, rescissam a CLEMENTE IX. fuisse legem de intimo, puro ac simplici subscribentis obsequio & consensu præstando, & approbatum sufficere religiosum silentium; cum hic Pontifex illis Episcopis, suas subscriptiones ad *religiosum silentium* limitantibus, pacem dederit.

Ad hos ac alios similes cavillos in Belgio præcludendos, cum Episcopis ibidem A. 1692. visum fuisset aliquid addere *formulae Alexandrinae*, de hac autem additione Libertus Hennebel nonnullorum Lovaniensium nomine querelas ad INNOCENTIUM XII. P. M. detulisset; Pontifex dato A. 1694. ad Belgas brevi imposuit omnibus silentium de interpretatione formularii, & ipsarum etiam propositionum Jansenii, quas *in sensu obvio, quem verba ipsa præferunt*, damnandas decernit; unde jam rursus reformatam ALEXANDRI VII. Bullam clamaverunt Janseniani, quia INNOC. XII. omissa illa questione: an sensus obvius sit a JANSENIO intentus, contentus fuit, si in obvio sensu propositiones damnarentur. Sed postremam cavillationem dissipavit non multo post idem INNOCENTIUS missa in Belgium A. 1696. Apostolico Brevi: utramque penitus sustulit CLEMENS XI. Bulla A. 1705. edita, de qua proxime.

Epocha VI. Hactenus *Janseniani* pro suis erroribus ac effugiis pugnabant editis libellis plurimis quasi singuli; sub finem vero sæculi prioris res accidit, quæ eorum

eorum plures una in publicum educeret. Prodiit enim tunc libellus quidam auctore Anonymo sub inscriptione: *Casus Conscientiæ*; In eo Clericus inducitur, cui Sacramentalis absolutio negata fuerat, ex eo, quod declarasset se quidem revera quinque propositiones simpliciter & absolute damnare quoad *ius*, seu doctrinam in iis expressam; nihilominus quantum ad *quæstionem facti*, seu attributionem illarum libro Jansenii, existimare se, sufficere religiosum silentium. *Casu hoc Conscientiæ* pluribus Doctoribus Parisiensibus proposito, eorum quadraginta resolutione 20. Jul. A. 1701. facta responderunt, illi Clerico, sic de JANSENII libro sentienti, absolutionem denegandam non fuisse.

Decisio hæc vulgata motus magnos concitavit, plurimis contra eam pugnantibus, Doctoribus autem, qui hæc definiverant, ob sententiam suam typis datam commotis, & vario nomine *reverentiale silentium* excusare conantibus. Re Romam delata, Resolutionem Brevis tribus CLEMENS XI. sub initium A. 1703 damnavit, quod idem Card. de NOALLER Archiep. Paris. & præstitit, & effecit, ut Doctores omnes illi quadraginta, revocata priori sua sententia resipuerint, uno excepto, qui ob contumaciam suam ex albo Doctorum fuit expunctus.

Denique ad sedandas aliquando controversias omnes, rogatus a Christianissimo & Catholico Regibus Pontifex CLEMENS XI. Constitutionem solemnem, quæ incipit: *Vineam Domini*, die 16. Jul. A. 1705. edidit, qua, postquam Constitutiones Innocentii X. & ALEXANDRI VII. confirmasset ac renovasset, Brevia CLEMENTIS IX. & INNOCENTII XII. a pravis Jansenianorum exceptionibus vindicasset, doctrinam in *Casu conscientiæ* expressam variis notis severe perstrinxit & damnavit. Hæc porro Constitutione ab universa Ecclesia acceptata, & a Clero etiam Gallicano in generalibus Comitibus A. 1705. habitis solemniter suscepta, causa Janseniana finita fuit. *Utinam Et error aliquando finiatur!*

216. Dico II. *Systema* JANSENII ostendunt quinque ejus propositiones sæpius damnata & earundem principia ac fundamentum.

Propositiones Jansenii sunt

T 3

I. Ali.

I. *Aliqua Dei præcep̃ta a hominibus justis volentibus & conantibus secundum præsentem, quas habent, vires sunt impossibilia: deest quoque illis gratia, qua possibilia fiant.* Habetur apud Jansenium L. 3. de gr. Chr. C. 13.

II. *Interiori gratiæ in statu naturæ lapsæ nunquam restituitur.* Sæpius repetita legitur in Libris Jansenii de gratia Chr., maxime L. 2. C. 24. 25. 27. 32. &c.

III. *Ad merendum & demerendum in statu naturæ lapsæ non requiritur in homine libertas a necessitate, sed sufficit libertas a coactione.* Extat in L. 4. de stat. nat. lapsæ C. 24. L. 6. de gr. Chr. C. 4. & L. 8. C. 19. &c.

IV. *Semipelagiani admittebant prævenientis gratiæ interioris necessitatem ad singulos actus, etiam ad initium fidei: & in hoc erant hæretici, quod vellent eam gratiam talem esse, cui posset humana voluntas resistere vel obtemperare.* Pars ima invenitur L. 7. de Pel. hæ. C. ult. & L. 8. ib. C. 8. &c. 2da eod. L. 8. C. 8. & L. 2. de gr. Chr. C. 15. alibique.

V. *Semipelagianum est dicere, Christum pro omnibus mortuum esse aut sanguinem fudisse.* Legitur L. 3. de gr. Christi, cujus C. 21. totum eo spectat.

Principia Systematis Janseniani sunt I. *Voluntas humana per peccatum primi hominis liberum amisit arbitrium, h. e. vim sese flectendi pro suo nutu ad opposita.* Hoc sæpius, sed maxime L. 2. de gr. Chr. C. 3. & 12. inculcat Jansenius. II. *Loco liberi arbitrii duplex successit delectatio: terrena scilicet, quæ ad malum; & celestis, quæ ad bonum impellit.* Patet id ex Jansenii L. 2. de gr. Chr. C. 3. L. 5. & 7. C. 3. III. *Delectationes hæ agunt per gradus in invicem; ita ut superior semper vincat inferiorem.* Ita Jansen. L. 8. de gr. Chr. C. 2. & 6. IV. *Voluntas non solum semper, sed & necessario sequitur majoris delectationis impulsus.* Liqueat ex loco proxime cit. & illo S. Augustini a Jansenio toties decantato: *Secundum id operemur necessum est, quod amplius nos delectat.* V. *Necessitas hæc non est absoluta, sed relativa, h. e., in præsentibus circumstantiis, seu dominante ad unum delectatione, voluntas non potest hic & nunc aliter agere; licet possit in aliis circumstantiis, si nempe aut ista delectatio imminueretur, aut opposita augeretur.* Im-

mem-

membr. explicationis legitur L. 2. de gr. Chr. C. 4. &c. 2dum vero L. 2. de gr. Chr. C. 17. L. 3. C. 13. &c.

Fundamentum denique totius systematis Janseniani in delectatione superiore seu *relative victrici* consistit. Li-quet id tum ex ipso Jansenio, qui L. 7. de gr. Chr. C. 6. de superiore delectatione loquens: *hoc est*, inquit: *vera & genuina Basis doctrinae celestis Doctoris*, nempe S. Augustini . . . *huius veluti cardini innititur, eoque sub- tracto eam tueri impossibile est*; quibus similia repetit L. de gr. primi hominis & Angelorum C. 17. &c. tum ex demonstratione, quam *Tournely* methodo geometrica ad deducendas ex hoc fonte ac radice propositiones Jansenianas adornat. Ponit enim hæc ex Jansenio sup. cit.

Axiomata. 1m. Omnis voluntatis virtus sese flecten- di & determinandi sive ad bonum sive ad malum oritur in presenti statu a *delectationibus*. 2d. Vis agendi delectatio- num *relativa* est, seu repetitur a superioritate in gradi- bus, adeo ut delectatio gradibus superior etiam dicenda sit superior viribus: ac proinde delectatio superior inferiorem necessario vincit; inferior autem non habet satis virium, nec vim agendi *relative proportionatam* superiori debel- landæ.

Theoremata. 1m. Gratiæ victrix Jansenii, seu su- perior delectatio celestis necessitat ad *tonum*. *Prob.* Ex axioma 1mo voluntas nunc omnes vires suas sive ad bo- num sive ad malum habet a delectationibus: ex 2do autem delectatio inferior non habet vires sufficientes vincendæ delectationi superiori, imo ab illa necessario vincitur; ergo.

2d. Concupiscentia victrix, seu delectatio terrena superior necessitat ad malum. *Probat*ur simili ratione, qua theorema prius. 3t. nulla datur gratia vere & pure sufficiens: seu omnis gratia vere sufficiens reipsa est *relati- ve victrix & efficax*. *Prob.* Gratiæ delectatio vel est supe- rior delectatione concupiscentiæ, vel inferior. Si *pri- mum*; necessario rapit plenum ac perfectum voluntatis consensum juxta theor. 1mum; sicque pure sufficiens non est, sed efficax: si *secundum*; non habet satis virium ad debellandam superiorem concupiscentiam juxta axioma 2d. sicque non erit vere sufficiens. Ex his tanquam

Corollaria deducuntur Jansenii propositiones I. A-liqua Dei præcepta hominibus iustis volentibus &c. *Prob.*

Man-

Mandata iis sunt impossibilia secundum præsentēs, quæ habent, vires, quibus deest gratia vere sufficiens. Atqui iustis nonnunquam, tametsi velint & conentur, deest gratia vere sufficiens; quia iusti illi quandoque peccant, adeoque carent gratia efficaci: distincta autem gratia sufficiens ab efficaci non datur ex theor. 3tio; ergo.

II. *Interiori gratia in statu natura lapsa nunquam resistitur.* Prob. Resistere gratiæ est eam frustrari effectu, quem possit habere iis in circumstantiis, in quibus datur; ut alibi probatum est & probabitur. Atqui huiusmodi effectu gratia privari nequit. Vel enim est superior; & tunc necessario habet effectum ex theor. Imo: vel est inferior; necessariq; carebit effectu, videlicet reluctante concupiscentia superiore, quæ voluntatem ad malum necessitat ex theor. 2do, vel est æqualis; tunc alternante, ut ait Jansenius, *delectationum fluctu in medio remanebit*, nec voluntas ex defectu superioris delectationis ad unam partem se inclinare potest; ergo.

III. *Ad merendum vel demerendum non requiritur libertas a necessitate &c.* Prob. Homo in statu natura lapsa per superiorem gratiæ delectationem necessitatur ad bonum, & per superiorem concupiscentiæ delectationem ad malum ex theor. Imo & 2do. Atqui homo operando bonum meretur, operando malum demeretur; ergo necessitatur ad merendum; & sic ad id non requiritur libertas a necessitate; & sic de demerito loquendum.

IV. *Semipelagiani . . . in hoc erant hæretici, quod vellent eam gratiam esse &c.* Prob. Semipelagiani in hoc erant hæretici, quod negarent veram gratiam Christi. Porro nulla est vera gratia Christi, nisi sit vere sufficiens; nulla est vere sufficiens, nisi sit efficax, ex theor. 3tio; nulla efficax, nisi necessitet ex theor. Imo. Sequitur ergo Semipelagianos in eo fuisse hæreticos, quod assererent gratiam esse talem, cui voluntas possit resistere vel obtemperare.

V. *Semipelagianum est dicere Christum pro omnibus mortuum, &c.* Prob. ex Corollario præcedente Semipelagianum est asserere veram Christi gratiam esse talem, cui voluntas possit resistere vel obtemperare. Sed qui asserunt Christum mortuum pro omnibus, ii necessario admit-

mittunt tales Christi gratias; cum, qui damnantur, gratie Christi resistent. Ergo.

217. *Dico III. Sententia contra Jansenii librum & dogmata, ac Jansenistarum effugia a Summis Pontificibus lata fuerunt Bullis ac Brevibus;*

URBANUS VIII. In Bulla, *In eminenti*, librum Jansenii proscribens hanc addit rationem: *Eo quod ex diligenti ac matura ejusdem libri lectione compertum fuerit, in eodem libro multas ex propositionibus a predecessoribus nostris damnatas contineri, & magno cum Catholicorum scandalo & auctoritatis Sanctae Sedis contemptu, contra praefatas damnationes & prohibitiones defendi.*

INNOCENTIUS X. In Bulla, *Cum occasione impressionis libri*, §. 4to sententiam de singulis Jansenii propositionibus enuntiat his verbis: *Primam praedictarum propositionum* "Aliqua Dei praecepta hominibus justis volentibus & conantibus, secundum praesentes, quos habent vires, sunt impossibilia; deest quoque illis gratia, qua possibilia fiant, temerariam, impiam, blasphemam, anathemate damnatam, & haeticam declaramus & uti talem damnamus.

Secundam "Interiori gratiae in statu naturae lapsae nunquam resistitur, haeticam declaramus, & uti talem damnamus.

Tertiam "ad merendum & demerendum in statu naturae lapsae non requiritur in homine libertas a necessitate, sed sufficit libertas a coactione, haeticam declaramus, & uti talem damnamus.

Quartam "Semipelagiani admittebant praevientis gratiae interioris necessitatem ad singulos actus, etiam ad initium fidei, & in hoc erant haetici, quod vellent eam gratiam talem esse, cui posset humana voluntas resistere vel obtemperare, falsam & haeticam declaramus, & uti talem damnamus.

Quintam "Semipelagianum est dicere, Christum pro omnibus omnino hominibus mortuum esse, aut sanguinem fudisse, falsam, temerariam, scandalosam, & intellectam eo sensu, ut Christus pro salute duntaxat praedestinatorum mortuus sit: impiam, blasphemam, contumeliosam.

meliosam, Divina pietati derogantem, Et hæreticam declaramus, Et uti talem damnamus.

Mandat deinde PONTIFEX omnibus Christi fidelibus, se de dictis propositionibus sentire, docere, prædicare aliter præsumant, sub censuris Et pænis contra hæreticos Et eorum fautores: Præcepto de eadem re Præsulibus & Inquisitoribus dato, tandem concludit: *Non intendentes tamen per hanc declarationem Et definitionem, super prædictis quinque propositionibus factam, approbare ullatenus alias opiniones, quæ continentur in prædicto libro Cornelii Jansenii.*

ALEXANDER VII. In Bulla, *Cum ad Sanctam B. Petri Sedem*, effugia Jansenianorum ex Actorum sub Innocentio X., quibus ipse præsens aderat, refellens & ejusdem Constitutionem confirmans ac innovans, hæc postea addit: *Quinque illas propositiones ex libro præmemorati Cornelii Jansenii Episcopi Iprensis, cui titulus est: Augustinus: excerptas, ac in sensu ab eodem Cornelio Jansenio intento damnatas fuisse definimus Et declaramus, ac uti tales, iniusta scilicet eadem singulis nota, quæ in prædicta declaratione Et definitione unicuique illarum sigillatim inuritur, iterum damnamus.*

CLEMENS XI. tandem in Bulla, *Vineam Domini Sabaoth*, occursum reliquis Jansenianorum usurpatis subterfugiis, fraudibus & cavillationibus, de iis sic conqueritur, quod inquieti homines variis distinctionibus, seu potius effugiis ad circumventionem erroris excogitatis Ecclesiam turbent.

Deinde innovat atque confirmat Constitutiones LYNNOC. X. & ALEX. VII., quibus, qualis obedientia sit exhibenda, & qua mente formulario sit subscribendum, ita declarans, *Ut omnes, inquit, Catholica Ecclesia filii Ecclesiam ipsam audire, non tacendo solum (nam Et impij in tenebris conticescunt) sed interius obsequendo, quæ vera est orthodoxi hominis obedientia, candiscant.* Tum decernit, obedientiam, quæ præinsertis Apostolicis Constitutionibus debetur, obsequioso illo silentio minime satisfieri: sed damnatum in quinque præfatis propositionibus Janseniani libri sensum, quem illarum verba præferunt, ut præfertur, ab omnibus Christi fidelibus, ut pariter, non ore solum, sed Et corde rejici ac damnari debere,

tere, nec alia mente, animo, aut credulitate supradictæ formulæ subscribi licite posse.

Denique CLEMENTIS IX. mentem exponens, eos severe perstringit, qui ejusdem Brevia in sui erroris patrocinium advocare præsumunt: *Perinde ac si, inquit, memoratus Clemens prædecessor, qui eisdem suis litteris se Innoc. X. & Alex. VII. prædecessorum Constitutionibus firmissime tñhære, ne a dictis quatuor Episcopis veram & totalem obedientiam, adeoque formula a præfato Alexandro editæ, sincere per eos subscribi voluisse declaravit, aliquam in tam gravi negotio exceptionem seu restrictionem, quam nullam prorsus se nunquam admissurum fuisse protestatus fuit, reipsa admisisset.*

218. *Observe.* Equidem integrum JANSENII opus, teste Boffuet, recte dicitur contineri in quinque propositionibus famosis; ex recitatis tamen num. pr. URBANI verbis & conclusione Bullæ Innocentianæ non leve argumentum extat; plures etiam errores in eo libro haberi: atque hinc Stephanus de Champs S. J. in suo de Hæresi Janseniana, ab Apostolica Sede merito proscripta, opere duos adhuc errores de necessitate peccandi & ignorantia invincibili addit, vel enucleatius proponit. Opus hoc eximium in tres libros dispescitur, quorum 1mo Jansenius hæreticorum *plagiarius* proponitur: 2do Jansenius cum hæreticis *damnatus* evincitur: 3tio Jansenius hæreticorum exemplo S. Augustini Patrumque *corruptor* demonstratur; quæ tria Auctor ille ita probavit, ut, quantumvis Jansenistæ alijs lingua calamoque prompti innumeros prope ediderint libellos apologeticos, illud tamen opus nullus adhuc eorum impugnandum, necdum refutandum suscepit.

Plures etiam numerari possent errores, si, quæ falsa dogmata ex *Jansenii doctrina* ejus sectarii desumpta postmodum sparserunt, addere liberet. Certe propositiones triginta & una, quas ALEXANDER VIII. die 7. Decem. br. A. 1690. confixit, facile quis Jansenianæ doctrinæ corollaria dixerit, cum pleræque a Jansenistis vel assumptæ vel effusæ fuerint. Ut quis tamen *Jansenista* nuncupari debeat aut queat, non cujuscunque Janseniani erroris defensio aut adoptatio sufficit; prohibuit enim INNOC. XII. in Brevi A. 1694. ad quosdam Belgii Episcopos directo, *ne ulla ratione quemquam vaga ista accusatione & invidioso nomi-*

nomine Jansenismi traduci aut nuncupari sinant, nisi prius suspectum esse legitime constiterit, aliquam ex his (quinque Jansenii) propositionibus docuisse aut tenuisse.

QUÆRES I. *Quinam sint sensus veri ac legitimi, alieni & extranei Janseniarum propositionum: quique illis aut ambigue aut certo oppositi & orthodoxi?*

219. *Nota I.* Duodecim diebus ante condemnationem Innocentianam propositionum Jansenii oblatus est INNOCENTIO X. a Jansenii defensoribus libellus supplex hoc signatus titulo: *Brevissima quinque propositionum in varios sensus distinctio: qui vulgo libellus vel scriptum trium columnarum appellatur.* 1ma columna sive ordo exhibet sensum Calvinii, qui propositionibus maligne affingi posset, quem tamen legitime sumpta non habent: 2da seu media proponit juxta Jansenianos sensum S. Augustini, quem tanquam verum, germanum ac legitimum ipsi intellexerunt & defendendum putarunt. 3ta non continet nisi propositiones quinque accusatis propositionibus contrarias, ut ab adversariis, nempe Jesuitis & aliis Molinæ sequacibus, defenduntur.

Improbaverat quidem jam ante D. de Saint Beuve columna 1ma inscriptionem, prævidens hac declaratione præclusum iri aditum ad defendendum sensum Jansenii, cum vero Pontifex post propositiones Jansenii, utique in sensu vero ac legitimo Jansenii, non autem alieno & extraneo, qui illis maligne affingi posset, damnasset: Janseniani tamen inaudita hucusque & priori sententiæ contradicente distinctione sensum Calvinii dixerunt strictum, rigorosum & naturalem; sensum autem, quem S. Augustino tribuerunt, retentis vocibus appellarunt verum, germanum & legitimum.

Non minor eorum fraus fuit in designandis sensibus oppositis damnatarum propositionum. Cum enim Conventuarum, postea Tornacensis, Episcopus jussus a Christianissimo Rege viam A. 1663 inquireret, litem inter Theologos componendi, oblatis sunt 3. doctrinales articuli a DD. de la Lane & Girard, cæterorum Jansenistarum nomine, subscripti, cum declaratione, his suam doctrinam damnatis oppositam contineri, seque paratos esse in omni-
bus

bus S. Sedi obtemperare, quidquid de illis decerneretur. Hi s. Convennarum Episcopo ALEXANDRO VII. P. M. transmissi fuerunt, quamvis specietenus a Doctrina Thomistica non admodum abhorrerent, atque hinc a pluribus Thomistis essent approbati; tamen cum Roma per Henricum de la Motte Rhedonensem Episcopum moneretur, caveret sibi ab insidiis Jansenistarum, sperantium hac ratione a Sede Apostolica sententiam, qua prior elidatur; exquisitis desuper Qualificatorum S. Officii sententiis & habita quaque Cardinalium Congregatione, judicatum fuit, nihil esse respondendum de his *articulis ambiguis* & quasi adornatis ad eliciendum responsum aliquod, quo Janseniani contra Constitutiones abuterentur.

220. *Nota II.* Hastenus relata non spectant ad vanas Jansenianorum cavillationes & triumphos, inde inaniter desumptos, retundendos; hoc enim a *Tournely* aliisque anti-Jansenianis abunde prælitum legi potest: sed ut occasionem duntaxat & locum designemus, unde varii propositionum sensus desumantur. *Verum* enim & *legitimum* aperiemus ex ipsis Jansenii libris supr. num. 216. laudatis, & scripto trium columnarum; *Alienum* & *extraneum* ex eodem scripto trium columnarum tantum afferemus; *Ambigue oppositum* dant articuli quinque, quos P. Fontaine in Bullæ *Unigenitus* Theologice propugnatae prolegomenis c. 8. fallaces & cum doctrina Jansenii consentientes ostendit: denique *orthodoxe oppositum* desumimus ex contradictorio propositionis damnatae & veritate Catholica e contrario a Pontificibus definita, quem plurimis Ss. Patrum, præcipue autem S. AUGUSTINI & DIVI THOMÆ testimoniis confirmatum dedit *Tournely* in Synopsi Historica Jansenismi.

222. B. I. Propositionis Jansenianæ 1mæ sensus *verus* & *legitimus* est *ex doctrina Jansenii*: Aliqua Dei mandata iustis, qui divina transgrediuntur mandata, volentibus & conantibus secundum præsentia, quas habent ex gratia parva vires, sunt impossibilia comparate ac relative ad eorum majorem hic & nunc titillantem concupiscentiam; deest quoque illis gratia sive actionis, qua possibilia fiant immediate, sive orationis, qua possibilia fiant mediate. Unde conatus illi & volitiones, de quibus propositione 1ma mentio fit, sunt tantum effectus gratiæ parvæ orationis, sed quæ ipsa hic & nunc sufficiens non est

ad orandum, sicut oportet. Similia habentur in scripto *trium columnarum*.

Sensus alienus est: Mandata Dei impossibilia sunt omnibus iustis, quamcunque voluntatem habeant & quemcunque conatum adhibeant: quamvis in se habeant omnes vires, quas confert gratia maxima & efficacissima: & ipsis per totam vitam semper deficit gratia, qua possint etiam tantum unum præceptum adimplere sine peccato.

Sensus orthodoxe oppositus est: Iustis volentibus & conantibus secundum præsentem, quas habent ex gratia vires, mandata Dei non esse impossibilia, nec deesse illis saltem *gratiam orationis*, qua possint uberius impetrare auxilium, ut mandata hic & nunc implere valeant: seu, quod idem est, iustos urgente præcepto ea instructos esse gratia, qua *relative* ad actualem hic & nunc sollicitantem concupiscentiam voluntas illorum potest illam superare & observare mandatum; aut ad utrumque præstandum necessarium Dei auxilium implorare & impetrare.

223. R. II. Propositionis 2dæ *sensus verus & legitimus* est ex *Doctrina Jansenii*: Nullam dari in præfenti statu interiorem Christi gratiam, quæ privetur eo effectu, quem habere potest *relative* ad concupiscentiam hic & nunc oppositam. Si enim cupiditas sit inferior; gratia est victrix, & plenum ac perfectum opus producit: si cupiditas sit superior; gratia quidem non est victrix, neque producit effectum plenum, ad quem ex sese propriaque natura absolute ordinatur; sed tamen inprimis proprie loquendo illi non resistitur; quia in doctrina JANSENII *relative* ad cupiditatem maiorem oppositam effectum plenum consequi non potest, & hinc sub illo respectu illi proprie non resistitur: deinde vere adhuc est efficax, quia gratia in his circumstantiis inefficaces adhuc & imperfectos ad bonum motus excitabit, seu, ut Jansenius loquitur, animus in solis desideriis inefficacibus hærebit.

Ex scripto trium columnarum: Gratia Christi ad singulos pietatis actus proxime necessaria nunquam resistitur: hoc est, nunquam frustratur illa eo effectu, ad quem a Deo proxime datur.

Sensus alienus est: Interiori gratia efficaci in statu naturæ lapsæ nunquam resistitur; quia voluntas hominis se

se habet pure passive respectu gratiæ efficacis, & sicut res inanimata nihil facit, neque cooperatur, neque consentit libere.

Sensus *orthodoxe oppositus* est: In statu naturæ lapsæ quamlibet gratiam actuale[m] interiorē voluntatis, non eum *omnem semper effectum* sortiri, quem intendit Deus spectatis subjecti circumstantiis, & quem voluntati permittit operari gradus concurrentis ac oppositæ actu delectationis terrenæ. Quamvis enim gratia *Thomistice* etiam sufficiens illustrando intellectum & movendo voluntatem sit efficax, tamen est efficax duntaxat respectu actus indeliberati; non autem deliberati sive perfecti sive imperfecti, de quo quæstio hic est.

224. R. III. Propositionis 3tæ sensus *verus & legitimus* est ex doctrina Jansenii: Ad merendum & demerendum in statu naturæ lapsæ non requiri immunitatem a necessitate saltem *simplici, voluntaria, mutabili ac relativa*; sed sufficere libertatem a coactione, seu ut homo hic & nunc voluntarie, & non coacte agat. Ad quem sensum intelligendum notanda est doctrinæ Jansenianæ circa libertatem æconomia, ex Tract. de Act. Hum. num. 215.

Sensus *alienus* est: Ad merendum & demerendum in statu naturæ lapsæ non requiritur in homine libertas exempta a necessitate naturali, etiam illa, quæ datur in motibus indeliberatis; sed sufficit, ut homo sit liber a coactione.

Sensus *orthodoxe oppositus* est: Ad merendum & demerendum in statu naturæ lapsæ, præter immunitatem a coactione, requiri immunitatem ab *omni necessitate* etiam simplici voluntaria, mutabili ac relativa; proindeque voluntarium, si sit necessarium, non esse liberum ea libertate, quæ sufficiat ad demeritum vel demeritum præsentis vitæ; seu requiri libertatem, quæ excludat illam voluntatis ad unam determinationem, quæ a delectationis relative superioris ineluctabiliter prævenientis & invincibiliter flagentis virtute profiscitur.

225. R. IV. Propositionis 4tæ sensus *verus ac legitimus* est ex doctrina Jansenii: Semipelagiani admiserunt prævenientis gratiæ interioris necessitatem etiam ad initium fidei; & in hoc erant hæretici, quod reje[n]ta gratia Christi

efficaci, h. e. delectatione cœlesti superiori voluntatem necessitate insuperabili & indeclinabili determinante, vellent gratiam Christi esse talem, cui relative ad actualem hic & nunc titillantem concupiscentiam posset humana voluntas obtemperare vel resistere. Eundem sensum scriptum *triumcolum.* indicat.

Sensus *alienus* est: Gratia Jesu Christi præveniens est talis, ut liberum arbitrium hominis, motum & excitatum per illam, non possit resistere, quamvis vellet. Alio modo asserere est loqui cum Semipelagianis.

Sensus *orthodoxe oppositus* est: Semipelagiani non admittebant prævenientis gratiæ interioris necessitatem ad singulos actus, etiam ad initium fidei; & in hoc non fuissent hæretici, si etiam eam admisissent, quod voluissent eam gratiam talem esse; cui etiam relative sumptæ humana voluntas hic & nunc posset resistere vel obtemperare.

226. R. V. Propositionis 5tæ sensus *verus & legitimus* est ex doctrina *Jansenii*: Christus non est mortuus ea intentione, ut aliis quam prædestinatis promeretur gratias *vere & relative* sufficientes ad obtinendam salutem; & mortem Christi cum hac intentione extendere ad omnes omnino homines, Semipelagianum est.

Sensus *alienus* est: Jesus Christus mortuus est solum pro prædestinatis, ita ut nemo, nisi ipsi soli, recipiant veram fidem & justitiam per merita mortis Christi.

Sensus *orthodoxe oppositus* est: Imo falsum, temerarium ac scandalosum est dicere, Semipelagianum esse, asserere, quod Christus ea intentione mortuus sit, ut omnibus hominibus promeretur gratias, quibus salutem vere ac relative possint obtinere. 2do impium, blasphemum & hæreticum est, asserere Christum pro æterna solum prædestinatorum salute sanguinem fudisse, ita ut omnibus reprobis negata sint auxilia ad salutem hic & nunc obtinendam vere sufficientia.

QUÆRES II. *An Pontifices ab initio, & constanter damnaverint famosas quinque propositiones in sensu a Jansenio intento?*

227. Nota. Quæstio præsens potissimum versatur circa Innocentium X. Alexandrum VII. & Innocentium XII. Plu-

Primum enim Jansenistarum, post latam ab INN. CENTIO X. Constitutionem, effugium fuit, damnatas esse 5. propositiones in se ac independentes a sensu Jansenii.

Alterum ex facto ALEXANDRI VII. extorquere conati sunt. Cum enim is, propositis per Conveneram Episcopum quinqué articulis doctrinalibus, dato ad Episcopos Gallicæ Brevi scriberet: *Illud autem non mediocri gaudio animum nostrum perfudit, quod litteris ex Gallia recens allatis accepimus, illorum indies crescere numerum, qui recta sapiunt, præfatis constitutionibus se subjicientes. . . . Is fuit egregius sane laborum vestrorum fructus, ut multi, iique cæterorum nomine primarii, exemplo vestro, consilio & opera ad saniores doctrinam inducti, ea, quæ par est, ut credimus, animi demissione sese paratissimos exhibuerint ad illa omnia præstanda, quæ ipsis a sede Apostolica præscribentur.* Janseniani continuo jactarunt, ab ALEX. VII. probatos fuisse memoratos quinqué articulos, quos ambigue oppositos supra retulimus; atque hinc a sensu Jansenii propositionum damnatarum digressionem esse factam.

Postremum desumunt ex Brevis INNOCENTII XII A. 1694. in Belgium misso, in quo cum imponeretur silentium super interpretatione formularii, & præscriberetur, propositiones damnatas rejiciendas esse *in sensu obvio*, gloriari cœperunt Jansenistæ, sensum Jansenii damnationi non amplius fuisse propositum; cum *obvius sensus* sit ille, quem verba cuique statim offerunt in ea significatione, quam rãta sunt ex hominum institutione, quin ad sensum & doctrinam veram ac legitimam auctoris necesse sit advertere.

228. R. I. INNOCENTIUS X. propositiones damnavit in sensu a Jansenio intento. *Prob.* Innocentius damnavit propositiones in *sensu Jansenii*, & sua damnatione proprium ac naturalem Jansenii sensum est assecutus; ergo. *Prob. Im. p. ant. Imo.* Quia Innocentius, cum in sua Bulla clausulam illam num. 217. recitatam: *Non intendentes* &c. addidit, & hinc quinqué propositiones ab aliis opinionibus, quæ in libro Jansenii continentur, distinxit; manifeste indicavit, quinqué propositiones similiter in eodem libro contineri, & ut ejusdem libri opiniones damnari.

2do. Quia idem in Brevi ad Galliarum Episcopos die 29. Septembr. A. 1654. dato de sua Constitutione inquit: *Per quam damnavimus in quinque propositionibus Cornelii Jansenii doctrinam ejus libro contentam, cui titulus AUGUSTINUS.*

3tio. Quia eo sensu ab Innocentio propositiones damnatae sunt, quo fuerunt *delatae*, utrinque *impugnatae* & *propugnatae*, atque a Romanis Censoribus *discussae*; sed haec omnia contigerunt in sensu Jansenii, ut constat ex historia Jansenismi apud *Tournely*; ergo.

Prob. 2d. p. ant. 1mo. Quia INNOCENTIUS non damnavit propositiones in *sensu alieno* aut distorto; sed in sensu proprio & naturali, ut fatentur ipsi Jansenistae, & eorum defensio propositionum ac *scriptum Trium columnarum* probant. Atqui proprius & naturalis propositionum sensus ipsissimus est sensus totius libri Jansenii, ut patet ex propositionum in Jansenii libro extantia, & totius systematis data superius notitia; ergo.

2do. Si errasset INNOCENTIUS & ejus damnationem sequens Ecclesia; ergo vel ex defectu *attentionis*, vel ex defectu *intelligentiae*, vel ex defectu *sinceritatis*: nihil horum dici potest, attendendo ad historiam damnationis & Ecclesiae infallibilitatem; ergo.

3tio. Si doctrina Jansenii sit orthodoxa, & ejus legitimum sensum INNOCENTIUS non est assecutus, ergo Jansenismus nihil est, nisi *merum phantasma*; atqui hoc dici nequit sine injuria tum Pontificum plurimorum, tum Episcoporum per universum prope orbem, tum Ecclesiae, qui centum prope annis repetitis anathematibus damnaverunt Jansenii doctrinam; ergo.

Conf. utraque pars. Quia ALEXANDER VII. in sua Constitutione A. 1656. Innocentius XII. in Brevibus A. 1694. & 1696. Clemens XI. in Constitutione A. 1705. eundem naturalem sensum tum propositionum, tum libri Jansenii esse declaraverunt & damnaverunt.

Nec dicas 1. Quod INNOCENT. X. Sorbonicis, pro defensione Jansenii Romam profectis, aliquoties declaravit, nolle se omnino, ut de *Jansenio* mentio fieret. 2. Noluit fieri de Jansenio mentionem quoad *personam*; cum is in pace Ecclesiae & cum facta suorum librorum submissione

sione Romanæ sedi decessisset: neque quoad *librum* aut absolvendum, utpote qui jam ab URBANO VIII damnatus erat; aut ab erroribus repurgandum, quod Janseniani desiderabant. Cæterum *Jansenii* mentionem factam ab eo fuisse constat vel ex Bullæ initio: *Cum occasione impressionis libri, cui titulus: Augustinus Cornelii Jansenii Ep. Iprensis, inter alias ejus opiniones orta fuerit, præsertim in Galliis, controversia super quinque ex illis &c.*

Nec 2. Quod idem non constituat novum jus & censuram; cum in Constitutione dicat, primam propositionem jam anathemate damnatam fuisse, scilicet a Tridentino in sensu Calvinii & Lutheri; atque hinc verbo: *declaramus*, utatur in damnandis propositionibus. R. N. *aff. ad rat. 1m.* R. Cum Pontifex damnavit, sive dicatur cum *Calvino* impossibilitatem observandi præcepta oriri ex labæ concupiscentiæ omnibus justorum operibus adhærente, sive dicatur cum *Bajo & Jansenio* eam nasci ex majore vi delectationis terrenæ. Inde vero constat, quomodo propositio hæc jam anathemate damnata dici potuerit, & quomodo etiam damnata sit in sensu Jansenii; præsertim quia diversitas utriusque propositionis *Calvinianæ & Jansenianæ* patet ex trium columnarum scripto.

Ad rat. 2d. R. Adhibitam recte fuisse vocem: *declaramus*; quia Ecclesia non constituit nova fidei dogmata vel articulos, sed tantum, quæ in Verbo Dei scripto vel tradito habentur, declarat & fidelibus credenda proponit.

Nec 3. Quod Episcopi Galliæ in sua ad Pontificem hunc epistola scripserint, motus illos occasione propositionum ortos *sedari oportuisse auctoritate Concilii Tridentini*; hoc autem tantum pertinet ad hæresin Calvinii vel Lutheri. R. 1. Idem addiderunt, hos motus *sedari oportuisse auctoritate Bullæ Urbani*; quæ Jansenium ob resuscitados Baji articulos damnavit. R. 2. Jansenii propositiones etiam prædamnatæ fuisse in Luthero & Calvino, quarum cum horum doctrina consonantiam videre licet, si vacat, in Libro P. de *Champs.* supr. laudato.

Nec 4. Quod Card. Spada Jansenii defensoribus dixerit, propositiones in Congregationibus considerari præcise secundum *se ipsas*, abstrahendo a sensu unius vel alterius. R. Per id indicavit, excludi tantum sensum *Calvini*, & sensum gratiæ efficacis ad mentem *Thomistarum* vel

Molina, quos sensus distingui debere contendebant Janseniani; non autem sensum Jansenii.

Nec 5. Quod Vincentius *de Pretis* in suo suffragio de Ima propositione asserat, eam propositam fuisse in abstracto; ac idem de omnibus propositionibus testetur *Waddinghus* in sua Relatione. R. 1. Similiter, ut ad priorem objectionem responsum est.

R. 2. Testimonium magis authenticum audire licet ex Bulla ALEX. VII. ubi hic Pontifex, antea Card. Chigi-
us dictus sic causam enarrat: *Cum autem, sicut accepimus, nonnulli iniquitatis filii prædictas quinque propositiones vel in libro prædicto ejusdem Cornelii Jansenii non reperiri, sed fidei & pro arbitrio compositas esse; vel non in sensu ab eodem intento damnatas fuisse, asserere magno cum Christi fidelium scandalo non reformident; Nos, qui omnia, quæ hac in re gesta sunt, sufficienter & attente perspeximus, utpote qui ejusdem Innocentii prædecessoris nostri jussu, dum adhuc in minoribus constituti Cardinalis munere fungeremur, omnibus illis congressibus interfuimus, in quibus Apostolica auctoritate eadem causa discussa est, ea profecto diligentia, qua major desiderari non posset &c. Ubi demum confirmata & innovata INNOCENTII Constitutione sententiam subjungit num. 217. recitatam.*

Nec 6. Quod Constitutio INNOCENTII lata sit nullo respectu ad varios sensus in scripto trium columnarum distinctos habito, neque assignatus sit sensus, in quem censura caderet. R. In sensum obvium & naturalem, qui erat ipsissimus Jansenii sensus, latam fuisse censuram ex hæcenus dictis abunde liquet. Unde distinctionis sensuum in scripto trium columnarum merito ratio habita non fuit; tum quia in eodem non erat reipsa nisi unicus sensus propositionum, scilicet ordine 2dus, quandoquidem erat tantum maligne affectus; 3tius vero ex systemate Jansenii doctrinæ penitus opposito desumptus: tum quia sine respectu ad hanc distinctionem obtinuerunt Janseniani, quod prætere potèrant, nempe gratiam à se efficacem mansisse illæsam: tum quia de illo sensu, quem forte distinxisset & designasset PONTIFEX, Janseniani tamen quæfiverunt adhuc, num in Jansenio reperiretur; unde materia tamen cavillationum illis subtracta non fuisset.

229. R. II. ALEXANDER VII. non approbavit quinque articulos doctrinales, atque hioc a damnatione propositionum in sensu a Jansenio intento non discessit. Ratio est, quia pro contrario nullum adest fundamentum. Nam imo ALEXANDER præsumi nulla ratione potest approbasse eos articulos, quos ut fallaces & ad dolum compositos tum ex alienis monitis, tum ex Qualificatorum & Cardinalium instituto examine noverat, ut num. 219. dictum. 2do. In Brevi ac litteris nec mentionem quidem ullam eorum articulorum facit. 3tio Ibidem respondet duntaxat ad epistolas Episcoporum Galliarum, qui de articulis illis nihil retulerant, non autem ad litteras Convennarum Episcopi.

4to. Dum in eodem Brevi significat se gaudere, quod crescat numerus eorum, qui recta sapiunt, Et ad saniorum doctrinam inducuntur; loquitur de iis, quos per aliorum, quam Convennarum Episcopi, litteras intellexerat, ad doctrinam orthodoxam accessisse: aut si fabricatores quinque articulorum etiam intelligit, eatenus eos laudat, quatenus in Instrumento articulis addito profitebantur Janseniam, se esse paratos Constitutionibus Apostolicis eam reverentiam Et observantiam, quam Sedis Apostolica Majestas Et summa auctoritas exigit, impendere; eaque alia omnia præstituros, quæ ab ipsis Summus Pontifex exigere voluerit.

230. R. III. INNOC. XII. in suis Brevibus nihil remisit a damnatione propositionum in sensu a Jansenio intento. Prob. De Brevi A 1694. edito. In eo sic loquitur: *Præcipimus, ut quemadmodum ii, qui ad juramentum adigendi sunt, illud præstare debeant sine sine ulla distinctione, restrictione, seu expositione, damnando eas propositiones, ex libro Jansenii excerptas, in sensu obvio, quem ipsum Et verba præferunt, prout sensum illum damnarunt Summi Pontifices prædecessores nostri, damnatumque haberi voluerunt a Christi fidelibus.* Unde constat sensum obviu propositionum, quem Pontifex hic damnat, esse illum ipsum, quem damnaverunt INNOC. X. & ALEX. VII., atque hinc a Jansenio intentum,

Quod vero addat: *Ceterum ad præcavendas omnes diffidiorum causas nos quoscunque alios sensus formularii, præter eum, quem ipsius verba exhibent, offerri vel usur-*

U 5

pari,

pari, aut de his disputari interdiximus & prohibuimus, ac super ejusdem formularii interpretatione, sicut & prædictarum propositionum, in alios sensus præter eum, quem ipsa verba per se exhibent, perpetuum silentium imposuimus; hoc, inquam, jure optimo fecit; quia ad privatos Episcopos non pertinet, formulam a sede Apostolica præscriptam immutare, demendo quidpiam vel addendo; ut quidam Episcopi Belgæ fecerant, qui a jurantibus exigebant, ut formulario adderent, I. non tantum in reverentiam constitutionum Apostolicarum, sed etiam in veritatem earum: 2. non tantum in veritatem eorum, quæ in prædictis constitutionibus spectant ad quæstionem juris, sed etiam in veritatem ejus, quod spectat ad quæstionem facti ab Alex. VII. definiti se jurare.

Prob. 2. De Brevi A. 1696. ad eosdem Belgii Episcopos dato, quo Jansenistis omnem effugii locum præcludit, ita scribens: Non sine admiratione intelligimus, nonnullos istis in Diæcesibus reperiri, qui verbis & calamo ausi fuerint affirmare, supradicto nostro Brevis alteratam seu reformatam esse Constitutionem Alex. VII. A. 1656. editam, nec non Formularium ab ipsomet promulgatum; cum dicto Brevis utrumque specificè confirmetur, & omnino intenderimus & intendamus iisdem adherere, & nequaquam finire, ut aliquid addatur vel dematur a prædicto formulario &c.

QUÆRES III. *An quæstio facti, quo sensu damnata sint propositiones, sit ejusmodi, in qua decidenda Ecclesia non sit infallibilis?*

231. Nota. Supra jam observatum fuit, præcipuum Jansenianorum effugium fuisse asserentium, Pontificem & Ecclesiam erravisse in quæstione facti circa sensum propositionum. Ad quod tum perspicuum, tum occidendum distinguere debent varii generis facta.

1. Enim aliqua sunt immediate a Deo revelata, ut sunt Incarnatio, institutio Sacramentorum &c., quæ simul sunt dogmata fidei.

2. Alia sunt facta mere *historica & personalia*, quæ scilicet præcise rei gestæ veritatem aut personæ cujusdam statum, internum animi sensum, crimen &c. concernunt; quale est, quod Jansenius Episcopus Iprensis conscripserit librum,

librum, cui titulus est *Augustinus*, hæc verba & sententia in libro contineantur, hunc sensum internum habuerit, dum hæc scriberet.

3. Alia sunt *facta dogmatica*, quæ scilicet præter factum involvunt jus, seu dogma verum aut falsum; ad quod pertinet quæstio illa: An auctor, qui conscripsit librum, cui titulus *Augustinus*, docuerit hæresin?

Jam vero dum quæritur, an Pontifex vel Ecclesia sit infallibilis in *quæstione facti*, non quæritur de factis *1^{mi} generis*; quia certum est etiam apud Jansenianos, Ecclesiam ob infallibilem Spiritus S. assistentiam errare non posse in discernendis sive dogmatibus: neque quæritur de factis *2^{di} generis*; quia etiam apud Anti-Jansenianos certum est Ecclesiam, quæ circa ejusmodi facta fert judicium vel in sensum vel in hominum fallibilibus testimoniis fundatum, esse errori obnoxiam.

Atque hinc Ecclesia non definit, sed, dum *de libris* judicat, potius supponit, hunc vel illum librum esse hujus vel illius auctoris, sub cujus nomine circumfertur; Item non decernit de sensu, quem auctor in mente habuit; quamvis enim *sensus auctoris internus* ex verbis, quibus utitur, merito præsumi possit, nisi quis auctorem vel inficitæ vel mendacii aut fraudis insimulare velit; tamen, quia de internis & occultis non judicat, nihil etiam de *interno & personali* sensu definit.

Quæritur itaque duntaxat de factis *3^{ti} generis*, in quibus tamen adhuc distinguendum quidpiam restat. Potest enim fieri quæstio de sensu *externo & litterali* alicujus propositionis separatim & *in se spectatæ*; sed sicut hic nudum jus & dogma spectat, sic etiam circa illum, fatentibus Jansenianis, Ecclesia errare non potest: atque hinc de eo etiam non quæritur. Sed & quæstio potest moveri de sensu *externo & litterali* propositionis *relative* ad totam doctrinam & systema auctoris; quæ est de facto dogmatico, seu tali, quod jus simul & factum complectitur. Dum enim quæritur, an sensus propositionis orthodoxus sit, an hæreticus? *jus* seu *dogma* attingitur: dum quæritur, an sensus ille ab auctore expressus sit in libro, spectata tota ejus cæronomia & doctrina? *factum* innuitur. Arque de hoc postremo versatur præsens controversia, quam ta-

men

men delibabimus duntaxat, cum ejus pertractatio ad materiam de Fide pertineat.

Quæritur itaque, an Ecclesia judicio *certo & infallibili* statuere possit, sensum unius vel plurium propositionum, prout sensus hic eruitur ex doctrina vel libro alicujus auctoris, verum esse & orthodoxum, aut e contrario falsum & heterodoxum: ac proinde an Ecclesia errare poterit in damnandis propositionibus Jansenii, earumque sensu?

232. R. Ecclesia in decidendis quæstionibus *facti dogmatici*, atque hinc in definiendo hæretico propositionum Jansenii sensu, non potest falli. *Ratio* unica hic interim sufficiat. Ecclesia ipso *usu ac praxi* semper supposuit, datam sibi a Christo esse auctoritatem judicandi de sensu librorum, & fideles sub anathemate adstringendi, ut huic judicio internum præberent mentis assensum; ergo judicium Ecclesiæ de sensu librorum vel propositionum, prout in libris exprimuntur, certum est & infallibile. *Conseq.* tum ex se patet, tum probatur a Bellarm. L. 3. de Eccl. milit. C. 14.

Prob. Ant. 1mo. Conc. NICÆNUM damnavit librum Arii, quem *Thaliam* inscripserat, & anathema non tantum in errorem, sed etiam Arii personam pronuntiavit: neque *Eusebium* Nicomediensem & *Theognem* Nicænum ante ad communionem admisit, quam & errori & personæ anathema dixissent, & sic facto dogmatico subscripserunt.

2do. Conc. EPHESINUM, examinatis *Nestorii* epistolis & sermonibus, errorem ipsius & personam damnavit, atque Joannem Antiochenum aliosque Nestorii patronos, licet dogmatibus Concilii jam consensissent, ad pacem & unionem prius non suscepit, quam damnationem Nestorii ratam habuissent, damnando scilicet sensum ab illo intentum.

3tio. Conc. generale V. non tantum libros *Origenis* damnavit, sed exegit anathematizari *Tria Capitula*, id est, ut loquuntur Patres in Concilio, *Theodorum impium Mopsuestenum cum nefandis ejus conscriptis, & quæ impie Theodoretus conscripsit, & impiam epistolam, quæ dicitur Ibae, & defensores eorum.*

4to. Conc. CONSTANTIENSIS Sess. ult. præscripsit formulam, juxta quam examinari debeant, qui suspecti sunt de erroribus: Interrogentur, *utrum credant, teneant, asserant, Joannem Wicleff de Anglia, Joannem Husa de Bohemia, Et Hieronymum de Praga fuisse hæreticos, Et pro hæreticis nominandos ac deputandos, Et libros Et doctrinas eorum fuisse Et esse perverfos, propter quos Et quas Et eorum pertinacias per sacrum Concilium Constantiense pro hæreticis sunt condemnati?*

Hic porro adverte, *fidem internam* a Conciliis nominatis fuisse exactam tantum circa hoc, quod illi, contra quos agebant, perversum sensum exprefferint in suis libris ac scriptis. Quia tamen constabat, ejusmodi *libros* ac scripta ab illis auctoribus emanasse, & præterea ex sensu verborum externo & litterali prudenter præsumitur sensus auctoris internus & personalis; ideo Ecclesia jure illos damnavit tanquam *hæreticos*, quamvis ipsius judicium de auctore libri & sensu interno non habeat infallibilitatem ex promissione Christi & Spiritus S. assistentia, sed nitebatur solum partim notorietate facti aut testimoniis humanis, partim præsumptione legitima, mentem auctoris fuisse verbis conformem; ex quibus postremis capitibus judex etiam Civilis suam sententiam in personam vel factum edicit. Aliarum probationes, tum objectionum solutiones v. in Tr. de *Principiis Theol.*

QUÆRES IV. Quid sentiendum de Pace Clementis IX.?

233. R. Data quatuor Episcopis a CLEMENTE IX. pax non probat, *silentium obsequiosum* sufficere pro facto Jansenii; adeoque is Pontifex nunquam aliquid Jansenianis in damnando sensu propositionum concessit. *Prob. I.* CLEMENS IX. non cognovit factam fuisse a quatuor Episcopis distinctionem juris a facto; quia reipsa existimavit, ab illis pure & simpliciter subscriptum fuisse formulario: at liquet.

Imo ex ipsius CLEMENTIS Brevibus, in quorum altero dato ad Regem die 29. Septembr. 1668. scribit se *in pura Et simplici subscriptione formularii agnovisse quatuor Episcoporum obedientiam Et obsequium*: in altero autem ad Episcopos die 19. Jan. A. 1669. dato præter alia sic loquitur: *Cum tamen nova Et gravia isthinc accepimus documen-*

cumenta vera Et totalis obedientia vestra, qua Et formulario sincere subscripsistis, damnatis absque ulla exceptione aut restrictione quinque propositionibus, in omnibus sensibus, in quibus a Sede Apostolica damnata fuerunt . . . tribuere vobis volumus hoc paterna benevolentia nostra argumentum. 2do ex Bullæ CLEMENTIS XI. verbis ultimo num. 217. recitatis.

Prob. II. CLEMENS IX. pro sua prudentia non potuit suspicari, quatuor Episcopos distinxisse jus a facto; cum omnia scripta Romam de hoc negotio missa nihil ejusmodi meminerint: ut liquet imo ex litteris Regis Christianissimi, quarum argumentum ex Brevis responsorio s. c. manifestum est.

2do ex litteris Episcoporum medistorum A. 1668. Romam missis, quibus declarant quatuor illos Episcopos optima fide egisse, damnassee propositiones cum omni sinceritate, absque ulla prorsus exceptione seu restrictione, Et in eo omni sensu, quo sunt ab Ecclesia damnata.

3tio ex litteris ipsorum quatuor Episcoporum A. 1668. die 1. Sept. datis, quibus protestentur, nova subscriptione se imitatos esse formam disciplinæ Gallicanorum Episcoporum; & quamvis hoc ipsis fuerit arduum ac difficile opus, quod in ipsos malevolorum vocalas excire posset, tamen id a se libenter susceptum, quia id erat sanctæ Sedi honorificum, ipsique gratius.

Denique 4to ex testimonio publico eorundem Episcoporum syngraphis munito, quod ab eis exegit postea Clemens IX., dum a quibusdam eorum subscriptio suspecta nihilominus haberetur. In eo autem postulabatur, fidem facerent, se sincere prorsus Et ad sensum in Constitutionibus Innoc. X. Et Alex. VII. expressum formulæ subscripsisse, utque eidem subscriberetur, curasse.

Nec dicas 1. Episcopus Catalaun. declaravit CLEMENTI IX., quod 4. Episcopi in sua subscriptione quæstioni juris simplicem & perfectam, quæstioni autem facti eam deferant obedientiam, quæ juxta Cardin. & T. T. Baronium, Bellarm. Richel. Pallav. Petav. & Sirmondum sufficiat ex eo, quod nihil dicatur, scribatur aut doceatur contrarium: sed hæc est obsequiosum duntaxat silentium; ergo PAPA agnovit factam in subscriptione 4. Episcoporum distinctionem inter jus & factum. Nam

Ex. I.

R. 1. Agnovit PAPA tum ex 1. parte Declarationis, quod 4. Episcopi pure ac simpliciter damnaverint doctrinam Jansenii in omni sensu ab Ecclesia damnato; tum ex novo & publico 4. Episcoporum testimonio, quod uti exegit Papa, sic illi Romam miserunt his verbis: *se sincere prorsus & ad sensum in Constitutionibus Innoc. X. & Alex. VII. expressum formula subscripsisse.* Ac idcirco PAPA acquievit, interim dissimulans circa *Factum*: tum quod nosset, nihil de Facto definitum fuisse ab Innoc. X. & Alex. VII.; tum quod crederet, per Factum juxta relationem Rospigliosi Cardin. solum intelligi factum aut personale aut grammaticale. Hinc

R. 2. Quod tum temporis Romæ & in Gallia nomine Facti intellectum fuerit vel mere personale, h. e. sensus internus & personalis Jansenii, vel mere grammaticale, h. e. 5. propositionum totidem verbis contentia in libro Jansenii: patet 1. ex Relatione Rospigliosi n. 153. . . . *prima, quæstio, quam illius occulta mens & cogitatio fuisset, quibusque signate verbis 5. propp. ille, Jansenius, expressisset. Hac quæstio intra facti limites se tenet, quam doctiores propterea negant definitionibus fidei divine subiectam.* 2. Ex epistolis Cleri Gallicani de A. 1654. & 1656. ad Innoc. X. & Alex. VII., in quibus observant Jansenianos ad Facti quæstionem, h. e. ut ipsi exponunt, *ad tricas syllabarum conatos fuisse controversiam deducere.*

R. 3. Ex ipsis Jansenianis, qui sæpenumero pontificiam definitionem ad hanc Facti speciem extendendam esse contendunt; *Pascalius* ep. 17. *Quesnellus*, sive auctor *Præf. Apolog.* pag. 86. & 87. Auctor *Apologia* panegyreos Jansenianæ pag. 12., quin & laudatus a Quesnello P. *Librius* de Jesu, Carmelita Rom. in Colleg. de propag. in Opere: *Controversia dogmatica adversus hæreses.*

R. 4. Nec propterea sequitur, ut male infert Quesnellus, *divisionem* Declarationis Episc. Catal. esse mancam, eoquod unum membrum, scilicet 2dum de sensu Libri Jansenii, in 1mo membro de omni sensu ab Ecclesia damnato contineatur. Nam membrum 2dum de 5. propositionum attributione libro Jansenii potuit ex dictis cum fundamento intelligi vel de sensu personali, vel de grammaticali. Imo ne contra *leges divisionis* unum membrum alte-

alterum includeret, debuit Catalaunensis in 1mo loqui de sensu *naturali*, qui est ille præcipue, unice ac nominatim damnatus; & in 2do non loqui de eodem, sed de *personali* vel *grammaticali*.

Nec Dicas 2. Episcopus Catal. in III. Parte Declarationis affirmat, quod subscriptio 4. Episcoporum quoad Factum omnino sit conformis illorum in *Actis Verbalibus* subscriptioni: sed de hac constat, quod facto etiam *doctrinali* solum exhibeat obsequiosum silentium; ergo PONTIFEX non potuit dissimulare quæstionem Facti, ceu mere personalem aut grammaticalem; maxime cum *Acta Verbalia* omnibus nota & perspecta, a Papa & ejus in Galliis Nuntio, Bargellino ignorari non poterant. Nam

R. 1. PAPA ad concedendam pacem motus non fuit ex sola Declaratione Episc. Catal., sed etiam ex epistola HARLÆI, in qua diserte asseritur, 4. *Episcopos damnas* 5. *propositiones in sensu Jansenii*, & quia hic Illustriss. Præsul miratur, Jansenianos hucusque tandem progressos; hos non tantum obsequiosum silentium antehac semper præstitum, sed assensum mentis Facto Dogmatico præstitisse, manifeste sequitur. Adde Relationem Rospigliosi, quæ n. 163. ita habet: *Visum fuisse Pontifici, ex Declaratione Episc. Catal., ex legitima fide, quam 4. Episcopi fecerant Nuntio, sua in sancienda adjectis nominibus formula sinceritatis; eque luculentis D. Lionai & Archi-Episcopi Rothom., aliorumque testimoniis argumentum constari longe usquequaque validius contrario quovis rumore, quem de Actis Verbalibus incerti libelli & privata dissipaverant littera.*

R. 2. Falsum, quod CLEMENS IX. rumore Roman delato de *Actis Verbalibus* ante Pacem non reclamaverit; siquidem teste Rospigliosi n. 161. Pacem cum 4. Episcopis interea suspenderit, obfirmatus, eam nunquam concedere, si asseruissent se nolle pro hæreticis agnoscere 5. *propositiones in sensu Jansenii, quemadmodum ab Apostolice Sede fuerant damnata.* Si vero post Pacem nec Clemens seu IX., seu X., nec Innoc. XI. reclamerint contra *Acta Verbalia* etiam publicata cum plurimorum Subscriptionibus, ratio est, quia vel ignorabant, vel rumorem & factam delationem vilipendebant, eoquod Romæ haberent 4. Episcoporum subscriptiones propriis manibus signatas, uti

uti & aliorum Episcoporum, in quibus nonnisi sinceritas, perfecta obedientia, & condemnatio 5. propositionum in omni sensu ab Ecclesia damnato.

R. 3. Demum inter Declarationem 4. Episcoporum, & *Acta Verbalia* multiplex discrimen est: 1. In his damnant 5. propositiones in eo omni sensu, quem damnat Ecclesia, sed mox excipiunt sensum illum, quem vocant *doctrinam Ss. Aug. & Thom. de gratia efficaci per se*, quippe in phrasi janseniana ipsummet sensum jansenii de gratia relative per gradus necessario victrici. 2. In his Factum, cui defertur obsequiosum silentium, non vocatur Factum simpliciter, uti in declaratione, sed *Factum contentum in Formulario*, quod vero non est personale, sed dogmaticum, scil. attributio sensus hæretici 5. propositionum Libro Jansenii. 3. In Verbalibus Episcopi Alettensis legitur, quod non habetur in Declaratione: *neminem vi solius auctoritatis judiciorum Ecclesiæ teneri ad assensum circa facta, quæ respiciunt sensum auctorum aut eorum Librorum*: in hoc autem uno stat totum systema silentii obsequiosi.

Nec dicas 3. HARLÆUS in epist. ad Rospihl., quæ velut commentarium est prædictæ Declarationis, asserit, 4. Episcopos damnare 5. propositiones Jansenii, sed *tacito Janseniani sensus nomine*; ergo eas non damnarunt in omni sensu ab Ecclesia damnato.

R. Non negat HARLÆUS, 4. Episcopos damnare 5. propositiones in sensu Libri Jansenii, quia & ipse, uti Catalaunensis, testatur, quod absque ulla exceptione aut restrictione eas damnent in omni sensu, quo ab Ecclesia damnantur. Insuper autem *instar miraculi* habet, eam subscriptionem, utpote *quam ab ipsis necdum obtinere potuerit Ecclesia*; at miraculum certe non erat illa nova subscriptio cum distinctione juris & facti, jamdum centies, ut ait Quesnellus Tom. II. Relat. de Pace Clem. IX. pag. 518. oblata, semperque rejecta. Solum proin asserit, 4. Episcopos in Actis Verbalibus non agnovisse *Jansenium* tanquam hæreticum, nec 5. propositiones *ceu totidem verbis* contentas in Libro Jansenii; uti & in illa epist. quædam generatim dicta de censura LL., exponenda sunt de factis personalibus, aut dogmaticis *fide divina* credendis.

Mirum sane, quod HARLÆI epistolam aperta fronte sibi adversantem Janseniani objiciant; & HARLÆI quidem, quem omnes, ac præprimis PAPA, probe noverant, semper alienum fuisse a partibus Jansenianorum, & subscripsisse Comitiis de A. 1660. 1661. &c., in quibus diserte statutum legitur, unumquemque teneri, intus & ex animo damnare 5. propositiones in sensu Jansenii. Ac tandem quomodo PAPA sibi in animum inducere potuisset, sinceram ac perfectam secundum *omnem sensum* vocari eam subscriptionem, quæ facta fuisset cum exceptione hujus præcise sensus, qui *specificè* exprimitur ac damnatur in Formula: propter quem damnandum unice instructum fuerat Formularium: & quem sensum, qui subscribit Formula, sincero animo damnare se atque rejicere, interposito solemnî juramento, publice testatur?

Nec dicas 4. Quatuor Episcopi subscripserunt, non sicut *Gallicani Episcopi*, sed sicut *multi Gallicani Episcopi*, nempe ii, qui jus a facto dogmatico distinxerant, inter quos sunt 19. illi Præsules, de quibus testatur tum Catalaunensis, tum ipsi illi 19. Præsules in sua ad Clem. IX. epist., quod idem sentiant cum 4. illis quoad sua *Mandata* circa subscriptionem: sed 4. Episcopi in his Mandatis aperte distinxerant inter jus & factum dogmaticum, pro quo non aliud, quam silentium religiosum exigebant; ergo.

R. *Ad* 1. Falsum, quod in epist. 4. Episcoporum Romæ missa legatur, non simpliciter, sicut *Gallicani Episcopi*, sed tantum, sicut *multi Episcopi*; tum quia in Regesto Nuntii, Borgellini, asservatum ejus epist. apographum non habet *multi*: tum quia aliud exemplar, quod de scriptum tenent DD. de saint sulpice juxta prædictum apographum, eam vocem pariter non habet. Porro ipse Jansenianus *Apologet. Præf.* auctor pag. 57. post multa hinc & inde prolata, tandem haud obscure declarat, vocem *multi* prætermittam fuisse in eo Exemplari, quod Romam missum fuerat. Demum si etiam inserta fuisset, aliud PAPA exin non potuisset concludere, quam 4. Episcopos aliis Episcopis consensisse, ad sensum epistolæ, in qua Episcopus Laudun. d' Etrées ad Clem. IX. de 4. Episcopis scribit: *nova, nec non sincera subscriptione aliis Episcopis consentiunt.*

R. ad 2. Non hic agitur de eo, ut generaliter sciatur, quem sensum habere possit epistola 19. Episcoporum, sed quo sensu Papa eam intellexerit: si enim de *assensu mentis* eam intellexit, res pro nobis decisa est: si de silentio tantum obsequioso, evidens est, quod epistolam sic intellectam damnaverit, declarans in suis Brevibus, quod nunquam admissurus fuisset 4. Episcoporum subscriptionem, nisi fuisset pura, simplex & sine omni restrictione, prout testatur Rospi gliosus, de sui Patris mente optime instructus. *Nec obstat*, quod CLEMENS IX. nusquam expresse eam 19. Epp. epistolam damnaverit; siquidem ad damnationem doctrinae non requiratur, ut omnes libri nominatim, in quibus ea doctrina continetur, proscribantur; sed sufficiat, eam *universim* condemnari.

Præterea illa epistola non tam aperte loquitur de silentio obsequioso, ac prætenditur; & CLEMENS prudenter sibi poterat persuadere, quod distinctio inter jus & factum cadat super factum *personale & grammaticale*: tum quia 19. Episcopi Formulario subscripserunt pure ac simpliciter, & sine omni restrictione: tum quia idem sunt, subscribere damnationi doctrinae libri Jansenii, & subscribere Formulario sine restrictione. Utramque rationem confirmat Mr. de Gondrin Archi-Ep. Senon., qui primus fuit inter illos 19. Episcopos: is autem A. 1656. in Conventu Cleri edixit, *credere se obligatum in conscientia, ad subscribendum Bullæ Innoc. X. quoad damnationem 5. propositionum Jansenii in ejus libro contentarum*. Idem sensit adhuc A. 1661. 8. Jun. in Decreto quodam pronuntians, quod *5. propositiones sint hæreticae in sensu Jansenii, Et quod hic sensus non sit sensus Augustini*. Idem sensit A. 1663. subscribens epistolæ 19. Episcoporum, quia priora sensa non revocavit. Idem ergo dicendum de reliquis 18. Episcopis, qui Senonensi uniebantur in subscriptione ejusdem epistolæ, ac pariter Formulatio pure & simpliciter subscripserant.

Adde, quod 19. Episcopi tantum excluderint *fidem divinam*, non item humanam Ecclesiasticam, de qua loquitur Perefixius Archi-Ep. Paris., uti testatur Episcopus Pontiensis, unus de illis 19. Episcopis, in epist. ad Episc. Camerac. *Injuriosum dicit, quod dicerentur in subscriptione Formularii rejecisse omnem credulitatem circa factum Jansenii, siquidem alia ipsis intentio non fuit,*

quam excludere necessitatem fidei divinæ decisionibus Ecclesia præstandæ circa facta non revelata: Et cum Perefixe in suo Mandato, ante nostram epistolam ad Papam Et Regem, perscriberet, Facto Jansenii non deteri aliam fidem, quam humanam Ecclesiasticam: neque nos, neque 4. Episcopi vel verbo uno in nostris scriptis contradiximus Perefixio.

Nec dicas 5. Si CLEMENS IX. non approbavit silentium respectuosum circa Factum Dogmaticum, explicari non potest, in quo Pax illa Clementis IX. consistat. Nam R. N. seq. Et quidem

1. CLEMENS IX. 4. Episcopos non adegit ad expressam revocationem suorum decretorum in suis Diocesisibus. Id testatur Rospigliosus, quod Bargellinus Romam scribens ad secretum concilium nuntiaverit, videri parcendum 4. Episcopis circa expressam abolitionem Decretorum, Et urgentem duntaxat subscriptionem Formularii; & D. Lionæus spem fecerit, finiendi hoc medio totam causam; Romæ vero rescriptum fuerit, ut allaboret uterque, pacem restituere, posthabito retractationis consilio. Idem testatur Cardinalis d' E. rées in Congreg. quadam coram Pontifice 1693. 4. Jun. habita, qui se illorum omnium, quæ tunc gesta fuerant, testem optimum asserbat.

2. Concessit PAPA 4. Episcopis Formularii subscriptionem cum explicatione magis diffusa, ad 3. quæstiones, quæ moveri poterant circa 5. propositionum attributionem Libro Jansenii: videlicet 1ma, an 5. propositiones totidem verbis aut expressis aut æquivalentibus contineantur in Libro Jansenii? 2da, an sensus naturalis 5. propositionum sit sensus internus Jansenii? 3tia, an sensus naturalis 5. propositionum sit sensus naturalis Libri Jansenii? Cum enim Romæ & in Galliis quæstio 3tia haberetur ceu quæstio Juris, sed 1ma & 2da ceu quæstiones Facti: cumque Rospigliosus, post explicatam declarationem Catalaunenſis, CLEMENTI retulisset, quod 4. Episcopi decisioni apostolicæ quoad Factum deferant obedientiam respectus ad mentem & sensum Cardin. & TT., Formulario autem pure, simpliciter, & sine quacunque restrictione subscripserint, damnantes doctrinam Jansenii in omni sensu, quem damnat Ecclesia: PAPA, teste eodem Rospigl. & Harlæo tum Archi-Ep. Paris., existimavit, sibi esse dissimulandum circa alia puncta. . . .

3. PAPA, non obstante quodam rumore de subscriptione minus sincera, a 4. Episcopis exigere noluit, ut Romam mittant *Acta Verbalia*; contentus interim perquisitione sui Nuntii, attestatione Episcopi Catalaunensis, litteris aliorum Episcoporum, ac denum novo & publico 4. Episcoporum testimonio de sincera subscriptione propriis syngraphis munito.

Nec dicas 6. Edictum Regium de anno 1676. In castris prope Ninovam Flandrorum datum ait, quod PAPA condescenderit cum Episcopis Formulario subscribentibus: sed ille *condescensus* seu indulgentia Papæ non respicit Factum personale aut grammaticale, circa quod semper fuit licitum, pro libitu opinari; ergo Factum dogmaticum. Unde *Arnaldus* Episc. Andegav. annis 8 post pacem Clementis decretum edidit, in quo liberrime asserit, hanc pacem fundari in distinctione Juris & Facti, eamque turbari ab eo, qui exigat subscriptionem quoad doctrinæ damnatæ attributionem Libro Jansenii; dein verò prohibet sub-pœna suspensionis ipso facto incurrendæ subscriptionem Formularii sine distinctione Juris & Facti, aut sub alia obedientia, quam respectuosi silentii. Nam

R. 1. Dictum satis, quod ille condescensus Papæ intelligendus sit de tolerantia, qua permisit PAPA, 4 Episcopos subscribere *cum expositione diffusa*, permittendo duntaxat silentium obsequiosum pro Facto, in mente Clementis IX. personali aut grammaticali. Esto autem semper licitum fuisse, de ejusmodi Facto pro libitu opinari, non idem liberum fuit, inter subscribendum inserere distinctionem ac explicationem: hæc quippe ratio subscribendi haud parum periculosa foret, cum ex ea non pauci sensum Jansenii censuræ subducere tentarent; prout reipsa contigit tempore Arnaldi Andegav.; isque ut præcaveretur abusus, latum fuit illud Edictum Regium.

R. 2. Si decretum Arnaldi veritate nitebatur; ut quid communis adversus illud exorta contradictio est? scilicet aliud pacis Clementinæ fundamentum noverat Francia, quam illud Arnaldinum. Et quam imprudenter Janseniani allegant illud Edictum Regium, in quo contra Jansenii defensores clare asseritur, Arnaldum Episcopum per suum Decretum manifestam erga Regias ordinationes inobedientiam exhibuisse, *cum conari suum Decretum tueri*

per fundamentum falsum, perniciosum & periculosum, adeo prohibendo subscriptionem Formularii cum attributione doctrinae damnatae Libro Jansenii, quo tamen modo faciendam ordinaverant Conventus Cleri, Bulla PP. litterae patentes Regis & edictum consilii Regii . . . scilicet, ut pace illa, quam pro libitu suo interpretatur, manifeste abuteretur, ad abolendum in sua diœcesi Formulare, & subscriptionem juxta Constitutiones Apostolicas receptas, acceptatas & publicatas per Regnum.

R. 3. *Qua tamen condescendentia Papa (verba sunt Edicti Regii) non est revocatio Bullae, qua praescribit Formularii sub juramento subscriptionem sine facta mentione ejus interpretationis, Fuisse autem ipsum hoc Edictum revocatio Bullae Alex. VII., si permisisset ac approbasset silentium obsequiosum. Tandem ipsi Jansenii Defensores subscriptionem cum diffusa explicatione concessam fuisse fatentur, in favorem scrupuli quorundam particularium; hic vero scrupulus jam nunc sublatus est, cum permixtum sit, in subscriptione Formularii notare, quod fide divina non credas Ecclesiae infallibilitatem circa sensum aut personalem aut grammaticalem.*

Nec dicas 7. Arnaldus, quamvis suum Decretum non revocasset, tamen ab illustriss. Peregrino receptus est in pacem Ecclesiae, item Moniales Portus Regii, D. Dorat Curatus &c. Idem vero Arnaldus jamdum octogenarius, & ex illis 4. Episcopis solus ipse superstes apud INNOC. XI. conquestus est de falsis rumoribus, quos velit Papa refellere; utpote quos ipse cum 3. aliis Episcopis pie defunctis traducatur, quod dolosa subscriptione CLEMENTEM IX. circumvenerint; cum tamen tempore CLEMENTIS IX. juxta TT. & Consultores, quorum aliquos adhuc superstites dignetur sua Sanctitas interrogare, plus non meriti a 4. Episcopis postulatum, quam obsequium mentis circa dogma, & obsequiosum silentium circa factum dogmaticum. At sicut INNOC. XI., & nihil respondit Arn. Ido, qui si falsum dixisset, quod quidem de Antistite maxime nominis & morti proximo credi haud potest, Papa scire non debuisset.

R. 1. Silentium INNOCENTII XI. non tam veritatem, quam falsitatem manifestat eorum, quae in Arnaldi epistola referebantur; quam si non confutavi: Roma, prudentis oeconomiae id fuit; ne scilicet pax & tranquillitas Eccle-

Ecclesiæ Gallicanæ, quæ a tot & tam diuturnis discordiis aliquantum respirabat, continuo turbaretur, responsum commodiori occasione reservatum est.

4. 2. Tametsi non asseramus, illis 4. Episcopis fuisse animum fraudulenta Formularii subscriptione circumvenienti sedem Apost.; tamen vel ex eo, quod ipsis, teste D. Valloni in quad. epist., *difficilis & ardua* fuerit subscriptio, subveritis, ne Clemens IX. eam cen puram ac simplicem agnosceret; atque idipsum, quod timebant, re ipsa contigerit; sat clare evincitur, quod ex subscriptione 4. Episcoporum Romam missa PAPA non agnoverit, nec prudenter suspicari potuerit illam circa jus & factum distinctionem, utpote cum qua non stat simplex & pura subscriptio.

234. *Observa I.* Ubi de Pace vel Transactione Publica agitur, publicis duntaxat instrumentis, quæ Pacis conditiones enuntiant, fides adhibenda est; quidquid sit de obscuris & ambiguis quibusvis aliis actis, & privata iudicis, contrahentium, pacificatoris ac paciscentium sententia; alioqui enim nihil in Republica, nihil in Ecclesia ratum foret ac fixum, omniaque fœdera, pacta & contractus narent, ac corruerent. Sed Brevia Apostolica de Pace CLEMENTIS IX. edicunt omnia, quod 4. Episcopi pure & simpliciter subscripserint, atque ideo unice recepti in communionem Ecclesiæ; quin & ipse CLEMENS IX. in Brevi Reconciliationis ad 4. Episcopos dato, disertis verbis testatur, se non aliis conditionibus pacem & communionem ipsis restituere, quam quia solemniter significassent, se juxta præscriptum Apostolicarum Constitutionum *sincere subscripserisse & subscribi fecisse Formulario Alex. VII.*; ergo, cum non obstantibus Actis Verbalibus, aut privata quacunque sententia, agendique ratione, semper tota lex viguit de pura & simplici subscriptione, nec contra diplomata Pontificia unquam reclamarunt 4. Episcopi, nec conquesti, quod suæ subscriptionis verba a Sede Apost. perperam intellecta aut exposita fuerint; evidens est, quod CLEMENS XI. ex illorum subscriptione nullam agnoverit limitationem aut restrictionem.

Demum siquid ex declaratione Catalaunensis, atque ex omnibus aliis scriptis in causa 4. Episcoporum editis inferri possit; id, credo, erit, quod pleraque sint *obscura*

& *ambigua*; prout in Jansenii Defensoribus semper deprehensum, & ab ipsis Jansenianis reprehensum fuit; tum a *Quesnello* non semel conquesso, quod res suo nomine non compelleretur, tum a *Gerberonto*, qui hanc scribendi agendique rationem bonæ fidei, justitiæ, sinceritati & candoxi Christiano adversam Jansenianis exprobravit.

235. *Observa II.* Permissio etiam, agnovisse CLEMENTEM IX., quod 4. Episcopi inter jus & factum distinxerint: nihil inde evincitur in gratiam *silentii obsequiosi*. Nam 1. CLEMENS IX. privatis Brevibus approbando illam 4. Episcoporum distinctionem, non potuit infringere ALEXANDRI VII. publicam ac solemnem legem puræ ac simplicis subscriptionis, ab Episcopis acceptatam, auctoritate Regia munitam. 2. Quod Clemens IX. privata auctoritate potuit contra constitutionem Alex. VII., hoc ipsum certe potuit CLEMENS XI. solemnî Constitutione contra privata Brevia CLEMENTIS IX.; sed in Bulla, *vineam Domini*, quæ ipsis fatentibus Jansenianis est judicium Ecclesiæ irretractabile, lex Alex. VII. jubetur ex integro servari; ergo. Demum pro invictissimo argumento sunt testimonia ipsorum & insigniorum *Jansenistarum*, qui familiaribus ad amicos litteris & colloquiis confessi sunt, nihil plane certi ex dicta CLEMENTIS IX. pace colligi posse: videlicet D. Valloni, Romæ Jansenianorum actor, in epist. ad Quesnellum 2. Jun. A. 1696.; in alia ad eundem mense Jul. ejusd. anni; idem in epist. 27. Mart. 1700. &c. Vide *Tournely* hic.

ARTICULUS VI.

Quanam sit Quesnellismi historia, quod systema, quæ in illum lata sententia?

236. *Nota I.* QUESNELLISMI nomine nihil aliud intelligimus, quam *Bajanismum* ac *Jansenismum* tum accessione aliorum errorum auctum, tum majori pertinacia & Ecclesiæ contemptu defensum. Appellatur a Paschasio QUESNELLO, qui natione Gallus, patria Parisinus natus est A. 1634. Is in Parisiensi Universitate Artium Studiis A. 1653. confectis, & cursu Theologico in Sorbona absoluto, A. 1653. nomen dedit Congregationi Presbyterorum Oratorii a Card. Berullo in Galliis institutæ. Sa-

cer-

cerdotio A. 1659. init alius totum se dedit libris conscribendis, inter quos A. 1673. edidit opera S. Leonis Papæ una cum scholiis & dissertationibus, quæ Romæ A. 1676. graviter prohibita fuerunt.

Ea prohibitionē irritatus, cum ex decreto in Comitibus generalibus Oratorii Gallicani A. 1678. edito jubetur una cum cæteris formulam adversus *Bajum & Jansenium* subscribere, renuit, neque Regis etiam imperio ad sanio rem mentem revocari potuit. Quare Parisiis excedere coactus, Aureliam se primum recepit: post, A. scilicet 1685. pœnarum metu Galliis desertis in Belgium se contulit Bruxellas.

Hic cum *Arnaldo* factionis Jansenianæ duce latitans, per novem annos, si paucos menses excipias, quibus ambo Delphos in Hollandia, inde in Leodiensem tractum declinandi periculi causa secesserant, commoratus auxiliarem calamum ad spargenda pro Jansenismo Opuscula, libellos & Tractatus præbuit: ab anno autem 1694., quo *Arnaldus* decessit, Janseniani agminis jam factus Antesignanus, ibidem totus incubuit ad subruendos pestilentissimis scriptis tum Ecclesiasticorum, tum Politicorum Magistratum pro veritate Catholica conatus.

A. 1703. cum Gabriele Gerberon O. S. B. Congreg. S. Mauri quidem presbytero, sed ob Jansenianam hæresin in Belgium etiam profugo detecto, captus, & per trimesse in carcere Ecclesiastico detentus fuit. Hoc postmodum Jansenianorum ope effracto, elapsus in Hollandiam decessit, ibique asylo securus ac tectus usque ad mortem suam infinita prope scripta pro se & Janseniana hæresi spargere in publicum perrexerit. Obiit renovata ante vitæ exitum *appellatione ad æcumenicum Concilium*, & in erroribus pertinax, gravissimis censuris Pontificiis irretitus Amstelodami die 2. Dec. A. 1719. ætatis 85.

Characterem vitæ ipsius præbent criminationis capita, propter quæ rite probata & in *Causa Quesnelliana* seu *Motivo juris pro Procuratore Curie Ecclesiasticæ Mechliniensis Actore contra Paschasium Quesnellum citatum & fugitivum* &c. uberius deducta, HUBERTUS a Præcipiano Mechlinensis Archi-Episcopus in eum tanquam Bajanismi & Jansenismi, aliorumque excessuum convictum A. 1704. tulit sententiam.

Sunt autem hæc præcipua 1. Quod formulæ a Congregatione Oratorii ad rejiciendam hæresin Jansenianam injunctæ subscribere recusarit, & Gallia deserta in Belgio Catholico, quamvis presbyter, sub veste laica latuerit.

2. Quod ibidem & in vicinia excitatis turbis, commoverit Presbyteros contra Episcopos proprios, & Clerum Batavicum adversus S. Pontificem.

3. Quod Baji dogmata renovarit, laudaritque operum ejus novam editionem.

4. Quod hæresin Jansenianam propugnaverit, & scriptis suis passim inseruerit.

5. Quod Pontificiis decretis in Causa Jansenii latis liberaliter detraxerit.

6. Quod scripserit esse sacrilegum & Ecclesiæ injuriosum, exigere subscriptionem formulæ Alexand. VII.

7. Quod adhæserit factioni Jansenianæ Ecclesiæ & Principibus rebelli, illam post Arnaldi obitum rexit.

8. Quod in litteris factionem concernentibus passim usus fuerit cifra fictorum nominum.

9. Quod scripserit & ab intimis suis receperit litteras utrique Magistratui graviter obtestantes.

10. Quod reimprimi & distrahi curaverit scripta a Pontificibus prohibita, & ediderit similia scripta anonyma plurima.

11. Quod præparaverit compilationem 156. opusculorum, a nata hæresi Janseniana editorum, quorum etiam plurima a Sede Apostolica fuerunt damnata.

12. Quod secreto administraverit Arnaldo ultima Sacramenta, Item ausus fuerit in ædibus suis privata sua auctoritate erigere oratorium domesticum, & in eo dicere sacrum.

237. *Nota II.* Inter plurimas QUESNELLI scriptiones nominatissimus est liber anonymus, Gallico idioma-
te impressus hoc titulo: *Novum Testamentum cum reflectionibus seu observationibus moralibus, vel: Epitome doctrinæ Moralis Evangelii*; ex quo centum propositiones & una, postmodum damnata, extractæ sunt. In eo persci-

ciendo & penitus absolvendo QUESNELLO 22. annos impendit, in textu versionem Gallicam Montensem, alias jam proscriptam & prohibitam, in reflexionibus autem *Bajum*, *Jansenium* & *Richerium*, cujus systema de potestate Ecclesiastica & politica jam sæculo decimo sexto reprobatum fuerat, secutus.

Prima hujus libri editio adornata fuit A. 1671. a QUESNELLO in Galliis adhuc degente: complectebatur quatuor duntaxat Evangelia cum brevioribus quibusdam reflexionibus moralibus: constabat unico volumine in 12., approbata erat a Felice *Vialard* Ep. Catalaunensi. In hac reperiuntur quinque tantum propositiones, nempe 12. 13. 30. 62. & 65. ex propositionibus 101. postea damnatis.

Altera facta est A. 1687. Complectebatur præter 4. Evangelia etiam reliquos N. T. libros cum observationibus moralibus: constabat tribus brevioribus voluminibus in 12. In ea præter quinque prioris editionis extant quadraginta octo propositiones ex damnatis.

Tertia absoluta est A. 1693., & erat idem, quod editionis 2dæ, opus, sed variis & gravioribus a QUESNELLO amplificatum additamentis: prodit Parisiis quatuor jam & grandioribus in 8 distinctum tomis. In hac & sequentibus editionibus omnes & singulæ deprehenduntur 101. propositiones damnatæ.

De his porro editionibus adhuc notandum 1^{ma} editiones A. 1693. 1694. & 1699. esse eas, e quibus damnatæ propositiones de verbo ad verbum extractæ sunt. 2^{da} Antonium de *Noailles* tunc Episcopum Catalaunensem, postea Cardinalem & Archi-Episcopum Parisiensem, dato pastoralis documento A. 1695. approbasse editionem ejusdem libri A. eodem factam, postquam postulasset, ut in editione A. 1693. leviores quædam correctiones & nonnullæ verborum mitigationes fierent: editionem autem A. 1699. ex occurrentibus quibusdam causis non probasse, quamvis novo Pastoralis illam probare instituisse videbatur.

238. *Dico I. Historica* Quesnellismi synopsis (quam ab A. 1693., ubi liber QUESNELLI perfectus tandem ac penitus absolutus fuit, repetendam censuimus) ex sequentibus epochis potissimum intelligi potest.

Epo-

Epocha I. Novum Testamentum cum observationibus QUESNELLI, quod vel ob exiguam suam molem vel ob minorem errorum numerum, præsertim alio Catholicorum animos avocantibus Jansenianis turbis, illæsum aut certe dissimulatum manibus fidelium terebatur, notari statim cœpit, ubi editionibus semel ac iterum jam repetitis novisque adjectionibus grandius, ac postremis curis ad perfectionem elaboratum prodiit A. 1693. Ab eo enim tempore sicut illud opus a *Jansenistis* celebrari laudibus, sic a Catholicis versutiarum Jansenianarum magis gnaris virus sub sermonis elegantia & pietatis specie delitescens detegi & notari cœpit. Et quidem D. *Fromageau* Doctor Sorbon. mox A. 1694. ex eo propositiones 199. erroneas & censura dignas collegit. De pluribus aliis Quesnelliani factus aut improbatoribus aut censoribus vel ipsi Jansenianarum partium Coryphæi D. du *Vaucel* & D. *Willart* suis in epistolis A. 1697. datis queruntur & testantur.

Sub hæc vero tempora, inclinantis nempe sæculi prioris & exordientis postremi, partim reprobarunt, partim legi prohibuerunt *Archi-Episcopi* Lugdunensis, Viennensis & Narbonensis, nec non *Episcopi* Ambianensis, Massiliensis, Valentini, Biterrensis, Castrensis, Lexovienensis, Meldensis, qui erat celeberrimus Bossuetius, & alii. Demum ubi in Belgio contra QUESNELLUM profugum & contumacem causa agi cœpit, Gallia apertius in partes scissa est, majore quidem & saniore parte illum ut *Jansenismi* innovatorem, & ejus librum damnandum censente: aliquibus & auctorem & librum ab omni erroris labe purgare conantibus,

His dissidiis excitus CLEMENS XI. P. M. examini accurato subjecit memoratum librum, eumque edito die 13. Jul. A. 1708. decreto in forma Brevis, quod incipit: *Universi Domini gregis*, legi prohibuit, & sub pœna excommunicationis ipso facto incurrendæ amplius imprimi vetuit, & ne simplices deinceps deciperentur, eundem flammis publice tradi mandavit.

Epocha II. Cardinalis Noallius libri damnatione, quem antea approbaverat, vehementer jam commotus, cum legeret commune mandatum *Lucionensis* & *Rupiliensis* Episcoporum A. 1710. & pastorale meritum A. sequenti a *Vapincensi* Episcopo promulgatum, queis præ-

fatum

fatum opus confutarunt & proscrisperunt, accedentibus Quesnellistarum cavillationibus magis irritatus hæc mandata tanquam supposititia, præscriptis olim erroribus faventia, & ab inimicis Episcopatus laxiorisque moralis defensoribus elaborata A. 1711. damnavit. Contra hanc damnationem cum priores Episcopi suas querelas ad Ludov. XII. Regem Christianissimum deferrent, Quesnellistæ autem libri damnationem sine designatis erroribus ægrius ferrent, Rex consentiente etiam & postulante Noallio a Pontifice novum examen & distinctiorem sententiam de libro petiit.

Postulationi huic deferens CLEMENS XI. integro biennii spatio renovari examen curavit, & habitis etiam coram se pluribus S. Officii Congregationibus ex plurium Cardinalium & Episcoporum votis tulit tandem sententiam solemniori forma, edita nempe 8. Septemb. A. 1713. Constitutione, quæ incipit : *Unigenitus Dei Filius*, quæ centum & unam propositiones ex Novo Testamento cum reflexionibus moralibus QUESNELLI edit. A. 1693. 1694. 1699. verbotenus excerptas, ipsumque librum damnat sub variis censuræ notis.

Epocha III. Constitutionis hujus adventum in Gallias prævertens Card. Noallius edicto, sed generalibus terminis concepto, damnavit librum QUESNELLI. Transmissa vero ad Regem Bulla variæ de ejus acceptatione difficultates exortæ sunt; ubi enim in Comitibus Cleri Gallicani A. 1714. habitis Duce Card. Armando de Rohan quadraginta Præsules præsentis hanc Bullam omnino acceptarent, octo alii Duce Card. Noallio, primum sua suffragia reticuerunt: deinde autem obtenderunt circa nonnullas e damnatis propositionibus aliquid difficultatis occurrere, cujus elucidationem a S. Pontifice requirendam censerent.

Rex majori & saniori Præsulum parti subscribens, edictum pro Bullæ observatione expediri jussit; Præsules addiderunt Pastorale mandatum de eadem acceptatione & observantia ad omnes Galliarum Episcopos, quorum plerique omnes Constitutionem susceperunt & promulgarunt gravissimis hanc in rem editis mandatis, quorum exemplum inter reliquas Universitates etiam secuta est A. 1714. Parisiensis. His tamen adeo non acquieverunt Episcopi illi detre-

detrectatores, ut potius eorum aliqui edicta contra Constitutionem suis Diœcesibus emisserint.

Quin post LUDOVICI XIV. fata, Duce Aurelianensi Regni habenas moderante, eo refractariorum processit audacia, ut A. 1717. quatuor Episcopi, nempe Mirapicensis, de la Broue; Montispeffulanus, Colbert de Croissi; Boloniensis, de l'Angle, Senecensis de Soanen instrumentum publicum ediderint interjecta a se appellationis a Constitutione *Unigenitus* ad Concilium Oecumenicum libere ac legitime celebrandum; quo in facinore sectatores habuerunt postmodum Card. Noallium aliosque Episcopos duodecim una cum privatis quibusdam ex diverso statu, ac tribus Facultatibus Theologicis, inter quas Parisiensis falsum esse declaravit, a se nuper Constitutionem fuisse acceptatam.

Epœcha IV. Audax ejusmodi molitio non displicuit duntaxat Regni gubernatori, & Regi LUDOVICO XV. sub suscepta gubernationis exordium, sed auctoritatem etiam Ecclesiasticam ex omni parte contrariam sensit. Præterquam enim quod aliarum Regionum omnium Præsules ac universitates pro acceptatione Constitutionis Pontificiæ starent; appellationes illæ A. 1718. & a Gallicanis Præsulibus, & a CLEMENTE XI. reprobata & confixa fuerunt: quod idem ab iisdem Præsulibus & Clementis Successore INNOCENTIO XIII. actum est A. 1722. contra litteras septem Episcoporum appellantium Schismaticas & hæretico spiritu plenas.

His Constitutionis sæpius memoratæ confirmationibus accesserunt, præter decreta plura Regis Christianissimi Bullam hanc tanquam *legem non Ecclesiæ* minus quam *Regni* sui subditis proponentis, Concilium sub S. P. BENEDICTO XIII. A. 1725. Romæ a Cardinalibus omnibus, Episcopis suburbicariis & aliis pluribus celebratum: & aliud Provinciale mense Octobri ejusdem anni Avenionæ Præsulibus Comitatus Avenionensis conflatum, in quibus Bulla *Unigenitus* debitis laudibus celebrata, ipsiusque observantia & obedientia commendata, & rursus imperata fuit.

Quibus tamen adeo fracta non fuit *Quesnelliistarum* pertinacia, ut potius libris ac scriptis ab hac factione schismaticis & refractariis sic tanquam diluvio Gallia & Belgium

gium oppleretur. Inter Episcopos autem ejusmodi emi-
nuit pertinacia D. de Soanen *Ep. Senecensis*, quam ille
tum factis contestatus est sapius, ubi, quotquot a Janse-
nistis ex Hollandia ad eum dirigebantur, solo Episcopi in
Protestantium regionibus intrusi testimonio contentus, ad
Sacros Ordines publice admittibat: tum scriptis etiam me-
morizæ prodidit, ubi edita A. 1726. Instructione pastoralis
vexillum Schismatis & rebellionis contra Ecclesiam repro-
bata Constitutione *Unig.* apertius extulit.

Epocha V. Tam noxiæ ad exemplum machinationi
occursum *Archiepiscopus Ebreduensis* Petrus de Tencin,
modo S. R. E. Cardinalis & Archiep. Lugdunensis, an-
nunte Rege Christianissimo Episcopos Comprovinciales,
inter quos & *Senecensis*, ad Concilium Provinciale evoca-
vit, quod 16. Aug. A. 1727. Ebredui initium habuit.
In eodem comparens *Ep. Senecensis*, postquam ante pro-
testatus esset, se illud Concilium nec suæ personæ, nec suo-
rum scriptorum judicem agnoscere, rogatus, num Pasto-
rale illud documentum, quo damnaverat formularium
ALEX. VII. & Bullas *Vineam Domini* ac *Unigenitus*
CLEM. XI., nec non librum *Moralium Reflexionum* QUES-
NELLI probaverat, tanquam suum agnosceret, id verbis
& scriptis est professus, seque illius defensionem suscipere
declaravit, donec convinceretur, errores in eo reperi.

PATRIBUS damnationem illius Instructionis Pastora-
lis meditantibus *Senecensis* objecit rursus suam protestatio-
nem, & Præsules omnes ac singulos ob certas & distinctas
causas scripto expositas recusavit judices, quin tamen cau-
sarum probationes palam adducere vellet. Sub hæc AN-
TISTITES congregati, ne quid ad duritiem hominis emol-
liendam omitterent, ex vicinis quinque Provinciis accer-
sivere Episcopos decem, nulla a *Senecensi* notatos exce-
ptione; quibus ubi omnia Concilii gesta communicata fuis-
sent, cognitio causæ denique suscepta est.

Interim per tres septimanas laboratum fuit in Epi-
scopo *Senecensi* ad sanio rem frugem reducendo; sed cum
nihil proficeretur, trina monitio canonica facta est: hæc
quoque effectu suo frustrata, unanimi Patrum consensu ipsa
quidem Instructio pastoralis confixa est tanquam *temeraria*,
scandalosa, *seditiosa*, *Ecclesia*, *Episcopis & Auctoritati*
Regia injuriosa, *Schismatica*, *hæretico spiritu plena*,
erro.

erroribus referta ac hæreses fovens: De persona autem fuit pronuntiatum, ut dictus Episcopus sit & maneat suspensus ab omni officio & jurisdictione Episcopali, & ab omni exercitio Ordinis tum Episcopalis, tum Sacerdotalis.

In cujus vim Synodus omnes a *Senecensi* illo Episcopo constitutos officiales Ecclesiasticos exauctoravit, elegitque in locum suspensi & interdicti Episcopi ad Diocelin *Senecensem* regendam Dominum de Saleon, nunc *Viennensem* Archiepiscopum. Acta hujus Concilii omnia *BENEDICTUS XIII.* Brevi die 27. Decembr. A. 1727. dato plenissime confirmavit, & Rex Christianissimus sua auctoritate munivit.

Epocha VI. Dum *Concilium* hoc universa Catholica Ecclesiæ acclamatione susciperetur, & ex omnibus fere Europæ provinciis Præsules litteris vel decretis illud laudarent; uni *Quesnellista* refractarii in illud surrexerunt ope Parlamenti Parisiensis. Hujus enim Advocati seu Causidici quinquaginta synodi acta infirmare, & omnes errores in ea damnatos tueri conati sunt, edita in hanc rem famosa Consultatione ab illis die 30. Octobr. A. 1727. subscripta. His accesserunt e numero appellantium *Episcopi duodecim*, qui biduo ante data ad Regem epistola patrocinium *Senecensis* & oppugnationem Concilii susceperunt.

Verum nec Rex, nec Gallicani etiam Episcopi veritati & justitiæ defuerunt, qui tum sententia Ecclesiastica, tum Edicto Regio utrumque & Consultationem & Epistolam diluerunt, rejecerunt & prohibuerunt. Subsecuta est A. 1728. a Card. *Noallio* interjectæ olim appellationis consans ad mortem usque revocatio, puraque ac simplex ab eodem Constitutionis *Unigenitus* acceptatio. Editum quoque est A. 1729., & sequentibus annis sæpe confirmatum Sacræ Facultatis Parisiensis Decretum super acceptatione ejusdem Constitutionis, & punitionis in refractarios, qui exclusionem e sinu suo ipso facto incurrerent; quod exemplum Facultas artium Parisiensis decennio post, nempe A. 1739. secuta est sub Receptoratu Academico *Armandi Principis de Rohan-Ventadour*, nunc Episcopi *Argentoratensis* & S. R. E. Cardinalis.

Epocha VII. Hæc inter novam suæ factioni speciem confirmationis *Quesnellista* a fictis miraculis aucupati sunt. Jactabant enim prodigia quædam, quæ in Cœmeterio S. Medar-

Medardi Parisiis ad sepulchrum Diaconi cujusdam, nomine *Paris*, in Appellatione constantis & cum sanctitatis fama defuncti, ad ejus invocationem fierent. Eorum vero miraculorum triplex classis erat. 1^a compledebatur nudas convulsiones, sed membrorum distensiones aut contractiones absque prævia vel subsequuta curatione; 2^a curationes convulsionibus annexas, h. e. quæ fuerint causæ vel effectus convulsionum: 3^a sanationes morborum absque præviis aut subsequens convulsionibus factas.

Sed suscepto tandem *prodigiorum istorum examini* præter alios Gallicanos Antistites D. de Vintimille, suffectus Noallio Archiep. Parisiensi, eadem mandatis Pastoralibus A. 1731. & 1735. ostendit & juridice declaravit, nec vera, nec certa, nec *divina* censeri posse *miracula*; sed ficta, dubia, absorta & ab omni fide prorsus abhorrentia; unaque acta plurium Parochorum ac scripta edita alia partim omni fide destituta, partim variis notis confixa damnavit.

Hoc ipsum egit CLEMENS XII. P. M. contra libellum, *Vita Domini Paris* inscriptum, & mandatum de simili miraculo Antistiodorensis Episcopi; quorum illud A. 1731., hoc A. 1734. gravibus censuris confixit: REX vero Christianissimus ad scenicas istas & scandalosas miraculorum exhibitiones proscribendas Coemeterium S. Medardi claudi A. 1733. jussit. Atque ex hac synopsi apertum est, quæ fuerint hætenus fraudes & diverticula non minus, quam pervicacia *Quesnellianæ factionis*, quæ etsi compressa multum sit, necdum tamen eam in Gallia penitus extinctam dolent Catholici omnes, & ne etiam in alias orbis partes occultas doctrinæ damnatæ fibras vel radices illa emittat exoptant.

239. Dico II. *Systema errorum* Quesnelli in Bula *Unigenitus* damnatorum universim reducitur ad tria capita. 1^{um} est de gratia, ad quod spectant propositiones 43. priores: 2^{um} est de virtutibus theologicis ac timore gehennæ, iisque vel oppositis vel annexis; ad quod referuntur 28. propositiones sequentes: 3^{ium} est de Ecclesia & Ecclesiæ disciplina; ad quod 30. postremæ propositiones spectant. Qui singulas propositiones accurate perscrutari legere cupit, adeat Duce Vincentio Ludovico Gotti opusculum Mediolani A. 1723. impressum, vel Tomum

2dum Trutinæ Theologicæ Auctore Dominic. Vivâ, vel Constitutionem *Unigenitus* a Jacobo Spreng vindicatam, vel eandem Theologicè propugnatam a P. Fontaine.

I. *Circa gratiam* QUESNELLUS imp Adami gratiam facit naturalem & non gratuitam, neque merita producentem, quæ Deo tribuantur, propp. 34. & 35.

2do. Hanc inter & datam nobis gratiam discrimen statuit, quod nobis ea non sit intrinseca, neque intrinsece nos sanctificet, propp. 36. & 37.

3tio. Omnem & veram gratiam, Christi docet semper esse efficacem, cui resisti nequeat, nec in hominis potestate sit, recusare assensum, propp. 9. 10. 11. 14. 15. 16. 17. 18. 19. 20. 21. & sub aliis phrasibus in propp. 22. 23. 24. 25.

4to. Sine gratia efficaci negat in homine omnem potentiam ad quodcunque opus bonum, propp. 1. 2. 3. 4.

5to. Sine eadem addit hominem nihil posse neque habere, nisi malum, propp. 1. 5. 38. 39. 40. 41. 42.

6to. Denegat Infidelibus omnibus & peccatoribus gratiam; his quidem ante peccatorum remissionem, illis vero ante fidem, propp. 26. 27. 28. 29.; quamvis baptismi gratiæ vim tribuat, reddendi homines impeccabiles, prop. 43.

7mo. Inficiatur Judæis in lege veteri datam esse gratiam, & Christianos gratia efficaci carentes Fœderi antiquo annumerat, propp. 6. 7. 8.

8vo. Titulum Salvatoris tribuit Christo respectu prædestinatorum duntaxat, propp. 30. 31. 32. 33. Item propp. 12. & 13.

II. *Circa Virtutes Theologicas, timorem, iisque vel opposita vel annexa docet* 1mo. Præter Dei amorem benevolum & supernaturalem, alium amorem omnem esse malum, propp. 44. 45. 46. 48. 49.

Hinc 2do negat fidem operari aut esse sine charitate, prop. 51. & 52.: negat spem esse in Deo, ubi non est amor Dei, prop. 57.: negat veram legis obedientiam, si sit sine charitate, prop. 47.: negat sine charitate orationem haberi aut esse fructuosam, propp. 50. & 54.: negat
sine

sine charitate meritum dari, aut esse Christianum, aut coronari, propp. 53. 55. & 56. : negat denique Deum esse aut religionem, ubi non est charitas, prop. 58.

3tio. Timorem supplicii vel pœnæ non excludit tantum a salutarium operum numero, sed infamat variis nominibus, propp. 60. 61. 62. 63. 64. 65. 66. 67.

4to. Præter fidem & preces, charitate scilicet formatas, nullam virtutem aliam ad salutem exigit, prop. 68. Et ita in fide laudat Dei beneficium, ut destruat hominis meritum, prop. 69.

5to. Peccatoris tamen orationem tanquam novum peccatum rejicit, prop. 59.; omnem autem afflictionem homini vel ad puniendum peccatum vel ad purificandum a peccato servire docet, prop. 70.

6to. Denique concedit homini, ut sibi ad sui conservationem dispenset a lege omni, prop. 71.

III. *Circa Ecclesiam & Ecclesiæ disciplinam.* Et quidem circa priorem partem docet imo. Ecclesiam constare & constare ex unis iustis & electis, propp. 72. 73. 74. 75. 76. 77. 78. 2do. Ecclesiæ per primos pastores auctoritatem excommunicandi non tribuit, nisi ex consensu totius corporis saltem præsumpto, prop. 90. 3tio. Ecclesiæ modernæ seditiose & schismaticæ affingit dominatum in fidem fidelium & ignorantiam veritatis juxta primam partem propositionis 94. & 95.

Circa alteram imo vult licitam cuilibet etiam rudi & ignoranti lectionem Scripturæ sacræ propp. 79. 80. 81. 82. 83. 84. 85. 2do. Usus Sacrificii ita jubet institui, ut populus omnes orationes dicat cum Sacerdote, prop. 86.; peccatores vero excludantur ab eo audiendo, prop. 89. 3tio. Modum administrandi Sacramenti Pœnitentiæ præscribit severissimum, & vult differri absolutionem ante satisfactionem pœnitentis præstitam, propp. 87. & 88. 4to. Probat contemni censuras & excommunicationem, dum quis sibi imaginatur, se injuste esse censuratum, propp. 91. 92. & 93. 5to. Dum, sensu ad Jansenianæ factionis facta accommodato, proponit supremorum Magistratum præventionem obstinatam ac persecutionem injustam tam in personas, quam scripta suorum, planissimam ad seditiones & Schismata viam sperit, propp. 94. 95. 96. 97. 98.

99. 100. Denique 6to prop. 101. rite intellecta, ubi monet vitari iuramenta non necessaria, respicit unice iuramentum ex formulario Alex. VII. præstandum.

240. Dico III. *Fundamentum Quesnellismi* con-
quiescit in tribus principiis, quæ correspondent tribus ca-
pitibus, in quæ sicut articulos damnatos, sic etiam omnem
QUESNELLI doctrinam divisimus; quod enim supra de Jan-
senii libro dictum est, ejus compendium quasi in quinque
damnatis propositionibus exhiberi; id etiam hic dici potest,
nempe 101. propositiones QUESNELLI damnatas totum
complecti opus Reflexionum moralium cæterasque ejus elu-
cubrations. Est autem respectu *capitis Imi* circa *gratiam*

I. *Principium*: Duplex in præsentī statu naturæ
lesæ est *delectatio indeliberata*: altera *coelestis* ad bonum,
altera *terrena* ad malum; quarum altera præponderante
voluntas movetur ac rapitur ad id, ad quod delectatio pro-
pendet. In hoc Quesnellus Jansenium sequitur, eum cen-
ties in suis *memorialibus & apologeticis* tuetur, & cum
eo præpostere usurpat celeberrima S. Augustini verba:
Quod amplius nos delectat, secundum id operemur, necesse
est. Atque hinc in plurimis Quesnelli articulis 43. prio-
ribus aperte proferuntur propositiones Jansenii damnatæ,
præsertim 2da & 5ta.

II. *Principium*, quod pertinet ad alterum de *vir-*
tutibus Theologicis &c. caput, est: Nullus *amor medius*
est inter supernaturalem *Charitatem*, qua Deus gratis &
propter se diligitur, ac inter vitiosam *cupiditatem*. Ex
hoc enim tanquam corollaria fluunt, quæcunque de fide,
spe, oratione, obedientia, timore aliisque sine charitate
inutilibus, imo vitiosis edixit QUESNELLUS; secutus in eo
Ducem *Bajum*, qui idem principium, articulo 44. inter
101. propositum, exhibuerat in prop. 38. a Pontificibus
Pio V. Greg. XIII. & Urb. VIII. damnata.

Jansenius quidem eundem errorem sæpius, maxi-
me L. 5. de gr. Chr. C. 6. docuerat; cum tamen eundem
non penitus in materia de charitate cum QUESNELLO con-
sentire ostenderit P. Fontaine ad art. 44. in Const. Unig.
Theologicæ propugnata, in hoc puncto Ducis partes *Bajo*
potius, quam *Jansenio* tribuendas putamus. Cæterum si
altius ascendere libeat, utriusque magistrum deprehende-
mus

mus Calvinum, qui in Antidoto ad Sess. 6. Can. 25. *Dei iudicio*, inquit, *nihil est sincerum, nihil probum, nisi quod ex perfecto ejus amore manat.* Et ad Can. 31. *Cum ingenuam a filiis suis obedientiam requirat Deus, servile ejusmodi obsequium (nempe spe cœlestis retributionis præstitum) non repudiabit modo, sed procul etiam rejiciet.*

III. *Principium*, ad 3tium de Ecclesia caput spectans est illud pronuntiatum: *Ecclesia auctoritatem excommunicandi habet, ut eam exerceat per primos Pastores de consensu saltem præsumpto totius corporis.* Quamvis enim hoc radicis locum non habeat, ex qua, quod de Ecclesia ipsa & ejus disciplina erronee effutit, deducatur; id tamen si valeat, habebit QUESNELLUS, quo damnationes Ecclesiæ & censuras omnes circa suas propositiones omnes earumque assertores eludat. Desumptum autem illud est ex damnato Edmundi Richerii Doctoris Sorbonici libello A. 1611. edito *de Ecclesiastica & Politica Potestate.* Quas enim is eo in libro contentas propositiones contra Sanctam Sedem Apostolicam contumeliosiores in palinodia posteriore retractavit, earum ad præsentem materiam spectantes numerantur hæ quinque:

1ma, Christus, suam fundando Ecclesiam, prius, immediatius & essentialius claves seu jurisdictionem totius dedit Ecclesiæ, quam Petro & aliis Apostolis.

2da, Tota jurisdictio Ecclesiastica primo, proprie & essentialiter Ecclesiæ convenit: Romano autem Pontifici atque aliis Episcopis instrumentaliter, ministerialiter & quoad executionem tantum, sicut facultas videnti oculo competit.

3tia, Christus non tam Petro uni, quam unitati infallibilem clavium potestatem detulit.

4ta, Status Ecclesiæ ab ejusdem regimine distinguitur; status enim monarchicus est &c. Regimen vero Aristocraticum &c., quia omnium optimum & naturæ convenientissimum.

5ta, Petrus claves jurisdictionis accepit a Christo Domino, non pro se, sed pro Ecclesia & nomine totius Ecclesiæ; non ut pastor œcumenicus & princeps, sed ut minister tantum & executor decretorum Ecclesiæ. Quanquam, cum ipse Richerius in damnatione harum

propositionum profiteatur, earum dogma ex putridis *Calvini, Lutheri & Hussi* fontibus a se fuisse hausta, abunde liquet, quosnam prædicti principii auctores primos laudare conveniat.

241. *Dico IV. Sententia contra Quesnellismum* lata ex condemnatione Reflexionum moralium in N. T. Pontificia, & aliis circa eandem tum Conciliorum, tum Pontificum sub diversa ratione confirmationibus perspicitur.

I. *Condemnatio Libri Reflexionum moralium* imo a CLEM. XI. in Brevis 13. Jul. A. 1708. his verbis pronuntiat: *Sacrum ipsum N. T. textum exhibet damnabiliter, nec sine ausu temerario vitiatum, Et alteri versioni Gallicæ, dudum a fel. rec. Clemente Papa IX. prædecessore nostro per quasdam suas in simili forma Brevis die 20. April. 1668. expeditas litteras damnatæ, in multis conformem, a vulgata vero editione, qua tot sæculorum usu in Ecclesia probata est, atque ab orthodoxis omnibus pro authentica haberi debet, multipliciter discrepantem Et aberrantem: notas insuper Et observationes continet, habentes quidem speciem pietatis, sed ad virtutem ejus abnegandam subdole deducentes, in quibus passim occurrunt doctrina Et propositiones seditiosæ, temerariæ, perniciosæ, erroneæ, alias damnatæ, Et Jansenianam hæresin manifeste sapienter.*

2da in Constitutione *Unigenitus* die 8. Sept. A. 1713. ab eod. CLEM. XI. edita. In ea Pontifex de doctrina libri Quesnelliani sic post Bullæ exordium enuntiat: *Et quidem ad ipsam ingruentis mali causam provida nostra considerationis intuitum convertentes, perspicue novimus hujusmodi libri perniciem ideo potissimum progredi Et invalescere, quod eadem intus lateat, Et velut improba sanies non nisi sc̃to ulcere foras erumpat; cum Liber ipse primo aspectu legentes specie quadam pietatis illiciat; molliti enim sunt sermones ejus super oleum, sed ipsi sunt jacula; Et quidem intento arcu ita ad nocendum parata, ut sagittent in obscuro rectos corde. Nihil propterea opportunius aut salutarius præstari a nobis posse arbitrati sumus, quam si fallacem libri doctrinam generatim solummodo a nobis hæcenus (nempe in Brevis A. 1708.) indicatam, pluribus singillatim ex eo*

excerptis propositionibus distinctius Et apertius explicaremus, atque universis Christi fidelibus noxia rixariorum semina e medio tritici, quo tegebantur, educta velut ob oculos exponeremus. Ita nimirum denudatis Et quasi in propatulo positis, non uno quidem aut altero, sed plurimis gravissimisque tum pridem damnatis, tum etiam nove adinventis erroribus, plane confidimus benedicente Domino fore, ut omnes tandem aperta jam manifesta que veritati cedere compellantur.

Enarratis deinde sollicitationibus ad ferendam sententiam factis, & 101. propositionibus recitatis ita proseguitur: Omnes Et singulas propositiones praeinsertas, tanquam falsas, captiosas, male sonantes, piarum aurium offensivas, scandalosas, perniciosas, temerarias, Ecclesiae Et ejus praxi injuriosas, neque in Ecclesiam solum, sed etiam in Potestates saeculi contumeliosas, seditiosas, impias, blasphemias, suspectas de haeresi, ac haeresin ipsam sapientes, nec non haereticis Et haeresibus ac etiam schismati faventes, erroneas, haeresi proximas, pluries damnatas, ac demum etiam haereticas, varia que haereses Et potissimum illas, quae in famosis Jansenii propositionibus Et quidem in eo sensu, in quo haec damnata fuerunt, acceptis continentur, manifeste innovantes, respective hac nostra perpetuo valitura Constitutione declaramus, damnamus Et reprobamus.

Porro infra de aliis libri propositionibus subjicit: Caterum per expressam praefatarum propositionum reprobationem alia in eodem libro contenta nullatenus approbare intendimus, cum praesertim in decursu examinis complures alias in eo deprehenderimus propositiones, illis, quae ut supra damnatae fuerunt, consimiles Et affines, iidemque erroribus imbutas, nec sane paucas &c.

II. Confirmatio tum hujus Constitutionis, tum factae per eam condemnationis, reperitur imprimis in plurimis ad hanc usque aetatem nostram Pontificum summorum Declarationibus ac Brevibus. INNOCENTIUS XIII. quidem decreto Romae die 8. Jan. 1722. promulgato Constitutionem Unig. amplissime confirmavit, contrariamque illi epistolam a septem Galliae Episcopis anno prior ad se datam meritis censuris confixit & damnavit, tanquam continentem multas propositiones Episcopis Catholicis, praesertim

Gallicanis, memoria Clementis XI., Apostolica Sedi injurias omnino, schismaticas & hæretico spiritu plenas.

BENEDICTUS XIII. autem idem luculentius præstitit in Synodo Romana sub suo præsidio celebrata, & Ebre-dunensi *plenissime* a se confirmata. Ejusdem generis specimina videre licet in Brevibus **CLEMENTIS XII.**, altæto A. 1731. in signum suæ benevolentiae ac paternæ chatitatis ad Facultatem Sacram Parisiensem dato, altero, quo A. 1734. mandatum Antissiodorensis Episcopi confixit.

Perspectum denique est adeo **BENEDICTI XIV.**, qui munus Apostolicum tanta cum laude gessit, studium singulare ad doctrinæ fideique puritatem tuendam, ut eam in rem non unas tantum aut alteras litteras, sed integrum jam Decretorum præclarissimorum Tomum publicis typis evulgatum adducere liceat.

Præterea vero confirmatio eadem extat in Conciliis supra jam nominatis. ROMANUM enim tit. 1. C. 2. ad rem nostram his verbis utitur: Cum ad fidei Catholica professionem integre inviolatæque retinendam & custodiendam necessarium summopere sit, ut succrescentes per hæc recentia tempora circa eandem fidem errores, a Sede Apostolica damnatos, fideles omnes vigilantî studio præcaveant & abominentur; idcirco ab omnibus Episcopis & animarum Pastoribus tota, ut hætenus, sollicitudine curandum est, ut Constitutio a s. m. Clemente XI. edita, quæ incipit: Unigenitus, ab omnibus cujuscunque conditionis & gradus, omnimoda ac debita obedientia & executione observetur &c.

AVENIONENSE ad Romani exemplum similia urget & tit. 2. *Serio invigiletur, inquit, ne quis e Provincia Clero ad sacros ordines, ad beneficia, maxime curam animarum habentia, & ad sacrorum quorumcunque administrationem admittatur, quin de ejus sincera supradicta Bulla Unig. acceptatione, de debita & omnimoda obedientia legitimis, pro Episcoporum conscientia & judicio, constiterit argumentis.*

EBREDUNENSE demum sess. 5. hoc de dicta Bulla promulgavit Decretum: *Constitutio Unigenitus, quæ centum & una Quæsnelli propositiones damnata sunt, cui suffragata est universalis Ecclesia, est dogmaticum, definitivum*

uum & irretractabile iudicium illius Ecclesiæ, de qua divino ore dictum est; Porta inferi non prævalerunt adversus eam. Si quis igitur eidem Constitutioni corde & animo non acquiescit, aut veram & sinceram obedientiam non præstat, inter eos habeatur, qui circa fidem naufragaverunt, &c. Provocatio vero a dicta Constitutione ibidem declaratur ipso jure irrita, scandalosa, schismatica, jam damnatis erroribus favens, Sedi Apostolica & Ecclesiæ injuriosa.

Huc etiam referri possunt Comitæ Generalia Cleri Gallicani, in quibus Præsulorum numerus nonnunquam centenario accessit, vel eum exæquavit; quorum ingentes pro Bullæ confirmatione & damnatione Quesnellismi labores sæpe posteritas debitis laudibus semper prosequetur.

Tandem & postremo latissime diffusa est per universam Ecclesiam utraque confirmatio. Liquet id ex luculentis omnium ferme orbis Catholici Metropolitanorum testificationibus, quibus diserte declarant, se suosque Suffraganeos dictæ Constitutioni UNIGENITUS constanter adherere; eamque pro recta ac sancta lege tenere, cui omnes fideles integrum mentis obsequium exhibere tenentur. Documenta hæc asservantur in Regia Bibliotheca Parisina, edi vero curavit Card. & Archiepiscopus Mechliniensis in volumine gallice inscripto: Testimonia Ecclesiæ universalis in favorem Bullæ UNIGENITUS. Ex eo pro Germaniæ Ecclesiis hæc retulisse sufficiat.

Archiepisc. & Elector MOGUNTINUS ad Card. de Bissy ita 14. Mart. 1718. scribit: *Certam facio Eminentiæ vestram, quod Constitutio Unig. jam ante annos aliquot in mea Archidiocesi non minus, ac in meo Episcopatu Bambergensi fuerit promulgata; quodque utrobique secundum omnes partes ab omnibus tanquam doctrina Ecclesiæ suscepta sit ea obedientia, qua S. Sedi debetur. Neque aliter sentire Episcopos, Suffraganeos mea Metropolis, novi.*

Archiep. & Elector TREVIRENSIS in Mandato 22. Jun. 1717. reprobatur uti Ecclesiæ & pacis perturbatoris eos, qui a Clementina Bulla ad futurum Concilium provocant; ac specialiter declarat, neminem posthac ad ullum admissum iri ministerium Ecclesiasticum, nisi declaraverit, se dictam Bullam ea, qua par est, integritate & devotione recipi.

recipere, ejusque tenorem quoad omnia sequi, nec eadem in minimo directe vel indirecte contraire velle.

Archiep. & Elector COLONIENSIS, qui una erat Leodiensis ac Ratisbonensis Episcopus, solemniter Mandato die 29. Jan. 1715. Constitutionem Unig. promulgavit, eosque nomine Catholico indignos pronuntiat, qui debitam dictæ Constitutioni obedientiam detrectent.

Archiep. SALISBURGENSIS, Germaniæ Primas, epistola ad Card. de Bissy die 21. Oct. A. 1717. *Certissimum est, inquit, quod Episcopi mei Comprovinciales ad meum exemplum Constitutionem UNIG. assint & habeant tanquam acquissimam, illique profundissima cum veneratione adhaereant.*

His addi meretur recentius testimonium, nempe acceptationis formula A. 1740. ab Episcopo & Capitulo LEODIENSI præscripta, cujus hic est tenor: *Ego accepto pure, nude & simpliciter absque ulla restrictione, ne quidem mentali, Constitutionem sel. rec. Clementis Papa XI. quæ incipit: Unigenitus, tanquam legem dogmaticam Ecclesiæ & regulam fidei, condemnoque centum unam propositiones ex libro vulgo Reflexiones Morales extractas in omnibus sensibus ac qualificationibus, sub quibus prædicta Constitutio illas condemnavit. Et ita jure. Sic me Deus adjuvet, & hac sancta Dei Evangelia.*

ARTICULUS VII.

An Constitutio UNIGENITUS sit sententia & definitio dogmatica; an lex tantum & regula disciplinæ vel æconomia?

242. **N**ota. Inter dogmaticam definitionem & meram legem disciplinæ id discriminis intercedit, quod illa *credendum* aliquid *proscribendumve* proponat, judicium universale ad omnes Ecclesias & fideles directum inviolabiliter ferat, non meras voces, sed doctrinam pro objecto habeat, præterea etiam a legitimo superiore debito modo feratur; cui quidam accedere exigunt consensum Ecclesiæ. Hæc vero intelligitur, si vel ex illis requisitis aliquid desideretur, vel maxime, si sententia ad *usum duntaxat*

taxat *doctrina* vel propositionis pertineat, adeo, ut censura tantum sit propter abusum vel periculum dissensionis, aliarumque turbarum, quod si abesset, etiam ipsa doctrina, quæ in se vera ac bona est, rursus defendi posset.

Porro duplex est *Quesnellistarum* circa hanc materiam sententia vel potius aberratio. Ima *Rigidiorum*, qui Bullam *Unig.* fatentur esse definitionem dogmaticam, sed simul tanquam iniquam, malevolam & falsam impugnant. 2da *Molliorum*, qui quidem eam Bullam accipiunt, sed ut meram disciplinæ legem, cui proinde interior mentis assensus non sit necessario tribuendus; quod ipsum nihil aliud est, quam decretum Pontificium exterius quidem suscipere, interius vero & reipsa explodere.

Priorum errorem hic non oppugnamus, utpote ad quod requireretur, singularum propositionum condemnatarum falsitatem aut virus ostendere, quod Auctores num. 239. laudati jam perfecerunt. *Posteriorum* vero tum errorem, tum erroris fundamentum breviter delibabimus, quod in eo stat: Constitutioni prædictæ non convenire characterem iudicii dogmatici, quia in ea propositiones damnantur duntaxat *in globo* sub censuris variis *respective*, atque hinc nullum dogma distincte definiatur, nullusque error clare proscribatur; id quod tamen tanquam essentiale quid in quocunque veri nominis dogmatico iudicio desiderari prætendunt.

243. R. I. Bulla *Unig.* non est mera disciplinæ vel œconomix lex, sed proprie dicta *dogmatica definitio*. Ratio est; quia habet omnes conditiones ad dogmaticum iudicium requisitas.

Imo Enim proponit aliquid *proscribendum*, ut patet tum ex scopo, quem Pontifex in Bulla post exordium proponit, & num. 241. recitavimus: tum ex ipsis notis & qualificationibus 101. propositionum, quas ibidem protulimus. Præterea proponit etiam aliquid *credendum*, nempe nullam esse ex damnatis propositionibus, quæ non mereatur saltem aliquam e censuræ notis, quæ in Bulla exprimentur: & vicissim nullam ex assignatis censuris esse, quæ ad minimum alicui propositioni non competat.

2do. Fert iudicium *universale* ad omnes directum; ut probat vel ipsa Bullæ inscriptio: *Universis Christi Fidelibus*; & verba iudicati: *Mandantes omnibus utriusque sexus Christi Fidelibus*, &c. Porro inviolabile ferri iudicium testatur tum illud comma: *hac nostra perpetuo valitura Constitutione*; tum ipse scopus & materia in superiore conditione proposita.

3tio. Habet pro objecto non verba, sed *dogma & doctrinam*; ut ex sola inspectione propositionum damnterum manifestum est, & conceditur ab ipsis Quesnellianis; è quibus olim Card. Noallius approbationem 12 articulorum à BENEDICTO XIII. postulans, rem hic agi dicebat de necessitate fidei in mediatorem Christum: de Christi morte ac Dei voluntate pro salute omnium: de necessitate, potentia ac gratuita dispensatione Salvatoris Jesu: quidque de regulis observandis in administratione Sacramenti Pœnitentiæ sentiendum sit, tenendumve.

4to. Latum est a legitimo Superiore, nempe Summo Pontifice, & quidem debito modo, scilicet, ut Pontifex in Bulla loquitur: *Hinc adspirante Domino ejusque celesti ope confisi salutare opus sedulo diligenterque, ut rei magnitudo postulabat, aggressi sumus; ac plurimas ex prædicto libro juxta supra recensitas respectivè editiones, fideliter extractas & tum Gallico, tum Latino idiomate expressas propositiones a compluribus in Sacra Theologia Magistris, primo quidem coram duobus ex Ven. Fratribus nostris S. R. E. Cardinalibus accurate discuti: deinde vero coram nobis, adhibito etiam aliorum plurium Cardinalium consilio, quam maxima diligentia ac maturitate, singularum insuper propositionum cum ipsomet libri textu exactissime facta collatione, pluries iteratis Congregationibus expendi & examinari mandavimus.*

Subjunctis posthac propositionibus ita profecquitur: *Auditis itaque tum voce, tum scripto nobis exhibitis prætorum Cardinalium aliorumque Theologorum suffragiis, divinique inprimis luminis, privatis ad eum finem publicisque etiam indictis precibus, implorato præsidio &c.*

5to. Sortita est Constitutio *Ecclesiæ consensus*; utpote quam secundum dicta n. 241. tanquam dogmaticam definitionem agnoverunt & prædicarunt præprimis Summi Pontificis: omnes Clementem XI. subsecuti, Synodi Romana,

mana, Avenionensis & Ebreduyensis ea de re habita, *Gallicani Prasules* variis in Comitibus & Mandatis Pastoralibus, quorum Collectio impressa est Parisiis A. 1715., denique Orbis Catholici *Metropolitani* cum suis expressis aut tacite consentientibus Suffraganeis, accedentibus insuper plerisque sacris Facultatibus.

244. R. II. Bullæ *Unig.* non deest Character definitionis dogmaticæ ex eo, quod contra Quesnelli propositiones lata fuerint censura, ut ajunt, *in globo.* *Ratio* est; quia hic defectus nec est juris, nec facti.

Non est defectus *juris*; quia per ejusmodi censuram in globo inprimis propositiones omnes constat esse rejiciendas: deinde intelligitur, nullam esse censuram, quæ alicui saltem propositioni non conveniat. Unde postremo, quamvis vi Bullæ & condemnationis distingui nequeat, quænam nota cuilibet ex damnatis propositionibus debeat, tamen id *Theologorum* studio & industria facile cognosci potest: & nullatenus ad rationem dogmatici judicii necesse est, ut applicationem qualificat onum ulterius determinet; quemadmodum ex dictis num. pr. constat, atque ex eo, quod non summa claritas & individualis quæsi determinatio in condemnationibus requiratur.

Nec est defectus *facti*. Quia consuetudinis Ecclesiasticæ est similis condemnatio; ut patet ex decretis Concilii Constantiensis adversus *Wicleffum* & *Hussum*, ex Bulla Leonis X. adversus *Lutherum*, ex Constitutionibus Pii V. Gregorii XIII. & Urbani VIII. adversus *Bajum* & *Jansenium*, ex Bulla Innocentii XI. adversus *Molinum*, ex Decreto Innoc. XII. adversus librum Gallicum, cui titulus: *Maxima vel axiomata Sanctorum*. Jam vero si hanc Ecclesiæ praxin probent, si improbent Quesnelliani, causa cadunt. Si enim probant, uti reipsa plures faciunt; cur eidem se opponunt in Bulla *Unigenitus*? Si improbant, Sectariorum partes æque ac arma capiunt; nam & *Lutherus* eadem exceptione usus fuit contra censuras Leonis X., & Apostata *Antonius de Dominis*, ac Paulus Sarpi, qui se *Petrum Suavem* dixit, communi nomine *Fra Paolo* vocatus, contra Conc. Trid.; sed & eorum temeritate, & imi quidem *Eckius* in opusculo disputationis Lipsiensis, aliorum vero Pallavicinus in historia Conc. Tridentini L. 1. C. 21. castigarunt & exploserunt.

Ob-

Objectiones.

245. *Obj. 1.* Judicium Dogmaticum, seu Regula Fidei debet fidelibus proponere dogmata & fidei articulos, quibus assentiri omnes teneantur sub anathemate; alias habendi, sicut ethnicus & publicanus: sed Bulla UNIGENITUS non proponit articulos fidei, nec imponit obligationem, assentiendi sub anathemate & nota hæreses; ergo non est Judicium Dogmaticum, seu Regula Fidei.

R. 1. D. M. Regula Fidei, quæ est talis in *sensu stricto*, debet proponere articulos fidei *C. M.* quæ est talis in *sensu minus stricto* *N. M.* Hæc pro suo objecto duntaxat respicit doctrinam sanam, sive ab omni censura & nota Theologica immunem, & cum fidei integritate ac conservatione connexam. Illa vero, cujus nomine præcipue venit *Symbolum*, aut *Professio fidei*, pro objecto tantum habet veritatem revelatam, & solum continet articulos fidei. Utramque hunc in sensum Archi Episcopus Senonensis exposuit jamdum anno 1752. in epist. ad Consiliarium Senatus Parisiensis.

R. 2. Quamvis Ecclesia quoad ejusmodi Regulam Fidei in *sensu minus stricto*, ab omni etiam errore immunitis sit propter infallibilem assistentiam Spiritus S.; tamen intra objecti sui ambitum continet veritatem quamcunque, licet a Deo non sit pronuntiata; cui quamvis sincerus mentis ac cordis assensus debeat, non tamen *fidei* assensus: cum ad doctrinæ sanitatem non spectet credendi necessitas, sed sufficiat simplex a censuris theologicis immunitas. Hinc, qui ei refragatur, dicitur inobediens, rebellis, aut schismaticus, non vero *hæreticus*.

R. 3. Centum una propositiones varii generis sub diversis censuris ac notis *respective* tantum damnantur; unde sequitur: contradictorias illis oppositas ad varium quoque genus pertinere: eas non magis declarari veras, quam censurarum sensus ac notio exigit; vi hujus declarationis non unam potius præ alia propositionem determinari: plures inter illas ex alio, quam *fidei* argumento deponi, nec esse revelatas: denique nullam velut divine fide credendam determinate proponi.

Equidem ex his conficitur, Bullam, UNIGENITUS, non esse Fidei Regulam in *sensu stricto*; est tamen judicium

cium

eum dogmaticum, quod *servit ad dirigendos fideles in ordine fidei*, prout Cardinales, Archiepiscopi & Episcopi Parisiis A. 1728. congregati pronuntiarunt de judiciis Ecclesie, qualificationes tantum *respectivas* continentibus.

Inst. I. Bulla Dogmatica & quæcunque Fidei Regula, sicut exigit assensum determinatum, ita debet habere *objectum fixum ac determinatum*: sed Bulla, UNIGENITUS, nihil plane determinat circa suum objectum, siquidem non figatur cuivis propositioni qualificatio, ut proinde, quæ uni tantum scandalosa sit aut temeraria, alteri omnino hæretica videri possit; ergo nullo vero sensu est Regula Fidei.

R. I. Si Bulla, UNIGENITUS, nihil deciderat, cur dixit Quesnellus, quod illa *unico ictu prostrigaverit centum Et unam capitales veritates Religionis*? Hinc D. M. Bulla Dogmatica debet habere objectum fixum ac determinatum, semper ac necessario, quantum ad peculiarem notarum attributionem, quæ singulis propositionibus sigillatim applicentur N. M. quantum ad perversitatem propositionum, ita ut Bulla declaret, eas non esse orthodoxas C. M. Censuræ *in globo* id saltem fixum habent ac determinatum, quod Ecclesia velit nos certos fieri, & quod credit, ad fidem tuendam satis esse; scilicet propositiones, quas dampnat, *perniciosas esse, si doceantur; periculosas, si credantur; ideoque non posse ab ullo Catholico defendi*; unde per talem Ecclesie definitionem fixum manet, propositiones damnatas esse rejiciendas, utpote cum ex ipsis quædam sint *hæreticæ, quædam erroneæ, quædam scandalosæ* . . . & in id fertur assensus auctoritati debitus. Quænam vero singulis censuræ note conveniat, *Doctoribus* inquirendum & assignandum relinquitur, donec ab Ecclesia id fuerit specialius determinatum. Ovis sane, si essent rationales, sufficeret hujusmodi monitio Pastoris: quidni fidelium vulgo satis esse possit, ut sicut illæ a venenatis herbis, ita hi a noxia doctrina sese abstineant?

R. 2. De æquitate censurarum *in globo* vide num. 244. Accedit, quod Sæc. XIII. primum ceperit Quillielmus Paris. Episc. adhibere censuram, ut vocant, *compositam & absolutam*, damnans 10. propositiones velut erroneas: & ejus successor Stephanus plures Articulos tanquam erroneos & malefonantes. Adde etiam consuetudinem Cleri Gallicani: inter multas enim illius censuras una duntaxat reper-

reperitur A. 1700., qua pro singulis propositionibus singulas qualificationes determinet. Eundem morem passim tenuit Sacra Facultas Paris. præsertim A. 1277. 1382. 1514. &c. Et sane doctissimus BOSSUETUS generales ejusmodi censuras adversus CAMERACENSEM tuetur, ceu utilissimas in Ecclesia, tum ad primum ictum, quo suo in ortu feriantur errores; tum non raro ad extremum, quo perimantur, juxta exigentiam circumstantiarum & graduum obstinationis in eorundem assertoribus. Certum denique, quod ante Lutherum nullus hominum huic methodo censurandi unquam contradixerit; præclare autem Paulo Sarpio contra Bullam Leonis X. excipienti, quod contenta in illa censuræ generales augerent incertitudines, *Et redderent causam adhuc magis dubiam*, respondit PALLAVICINUS Hist. l. I. c. 21. *An ad hoc, ut quis pellatur urbe, necessarium fuerit, eum declarari tanquam hostem? vel tanquam peste evidenter infectum? an sufficeret declaratio, quod sit suspectus de prava machinatione, vel de morbo contagioso? . . . Sufficere, quod omnes propositiones in Bulla Leonis X. damnatæ sint perniciosæ in docendo, & periculose in credendo.*

His omnino concordat S. AUG. L. de Hæres. multum, inquit, *adjuvat cor fidele, nosse, quid credendum non sit, etiamsi disputandi facultate id refutare non possit . . . Quid contra ista sentiat Ecclesia Catholica, superfluo quaritur, cum propter hoc scire sufficiat, eam contra ista sentire, nec aliquid horum in fidem quenquam debere recipere.* Ubi quamvis AUG. de Hæresibus differat; tamen ejus ratio ex actæ quadrat in condemnationes etiam generales, respectivas ac indeterminatas.

R. 3. Certum est, vi Bullæ, UNIGENITUS, mandari duntaxat fidelibus, ne de damnatis propositionibus sentire, docere, prædicare aliter præsumant, quam in eadem Bulla continetur; eos autem, qui unam ex illis aut plures docuerit, defenderit, vel disputative tractarit, ecclesiasticis præcise censuris in jure statutis subjici. Inde rursus sequitur: prohiberi quidem præter externam repugnantiam *disensum* etiam internum; expressum vero mentis *assensum* non item, multo minus *fidei* actum imperari: præcepto qualicumque tacito satisfieri, interius judicando, propositiones omnes merito damnatas, & singulas aliquam mereri notam, unumque ex notis convenire alicui damnatarum :

tarum: refractarios esse quidem obnoxios pœnis ecclesiasticis, non tamen anathematizari, nec sigillatim separari a communione fidelium. Ex his recte inferitur, at plus tamen non sequitur, quam quod Bullæ, UNIGENITUS, desit character & effectus Regulæ Fidei in *sensu stricto*.

Inst. 2. Si Constitutio, UNIGENITUS, esset iudicium Ecclesiæ dogmaticum, certe BENEDICTUS XIV. eam sic compellasset in sua Encyclica de A. 1756. ad Clerum Gall., quæ incipit, *Ex omnibus Christiani orbis*: sed eam solum compellavit Constitutionem Apostolicam; & sicut CLEMENS XI. & BENEDICTUS XIII. nonnisi sinceram venerationem & debitam obedientiam pro ea depoposcit, non autem assensum mentis; ergo.

R. 1. N. seq. Nam necessitas non fuit, illud enuntiandi: tum quia a Galliæ Episcopis BENEDICTUS desuper non fuit consultus: tum quia Gallicani Præsules in eo omnes consenserant, quod Bulla sit iudicium Ecclesiæ dogmaticum, solum discrepantes in modo, quo ejusdem executio orgeatur contra refractarios; prout innunt verba BENEDICTI XIV. in cit. Encycl. *Neque enim, sit, ullam inter vos dissensionem vigere comperimus, quoad canonicas regulas & principia; sed scissuras tantummodo esse inter vos in deligendis statuendisquæ mediis, quibus utendum necessario est: ut eadem communia principia in usum deducantur.*

R. 2. Summi Pontifices non solent suas Bullas compellare iudicia Ecclesiæ, sed *Constitutiones Apostolicas*, ut ne videantur ad illarum vim requirere consensum Ecclesiæ, aut ab Ecclesiâ suam mutuari auctoritatem, quam velint Successores Principis Apostolorum immediate, uti Petrus, a Christo habent. Nihil ergo ea de re in Encyclica BENEDICTI XIV. aut negatum, aut affirmatum est.

R. 3. Hoc ipso, quod summi PP. edicant, tantum esse in Ecclesiâ Dei auctoritatem Apostolicæ Constitutionis, quæ incipit, UNIGENITUS, ut *sinceram venerationem, perfectam & omnimodam obedientiam* sibi vindicet, & nemo fidelium possit absque salutis æternæ discrimine ullo modo refragari; apertissimum est, quod mentis etiam obsequium exigant, cum alias obedientia non foret *omnimoda*, & quodam modo eidem impune refragari quis posset. Adde, quod BENEDICTUS XIII. Bullam, UNIGENITUS,

tus, *Fidei Regulam* compellaverit in *Cont. Romana* 1725. præfite S. Pontifice celebrato, cui aderant 30 Cardinales, 8 Archi-Episcopi, 40 Episcopi, Abbates plurimi, & 33 Procuratores Cardinalium, Episcoporum &c.

Inst. 3. BENEDICTUS XIV. tum temporis commode potuit, imo debuit veritatem explicitam prædicare; tum quia Rex Galliarum eodem anno negavit, Bullam, UNIGENITUS, esse *Fidei Regulam*; tum quia silentium adeo imposuit Episcopis Galliarum circa eandem; ergo cum BENEDICTUS in sua Encyclica pariter reticuit compellationem *Regulæ Fidei*, consensit in ejusmodi negationem.

R. 1. *Tr. A. N. C.* Nam quod LUDOVICUS XV. in Regia Declaratione eodem anno aliquot mensibus seruit præstitit, ejusmodi compellationem Bullæ inhibendo; hoc jam A. 1731, inconsulto Pontifice, fecerat, nulloque documento constat, hac super re consensum Pontificis postea fuisse postulatam. Potuit vero hoc Regis qualescunque factum dissimulare Pontifex; tum quia Rex Constitutionem, UNIGENITUS, constanter profitebatur ac venerabatur tanquam *judicium Dogmaticum* Pontificis & Ecclesiæ; & quidem in articulo Imo suæ Declarationis omnibus subditis diserte præcipiens, exhibere venerationem, illamque subjectionem, quæ huic Constitutioni propria est, ac debetur; item provocans ad litteras patentes, omnesque Declarationes in favorem illius Constitutionis Apost. antehac emissas, in quibus illa jam ut Lex, jam ut *judicium Ecclesiæ universalis dogmaticum* nominatur, proponitur, acceptatur: tum quia Rex solum negavit esse, aut potius prohibuit dici *Fidei Regulam* in *sensu stricto*, qualem in *sensu minus stricto* compellaverat BENEDICTUS XIII. De Lege Silentiarie vide *infra*.

R. 2. Quod autoritas Regia eandem Constitutionem agnoverit, seu *Regni pariter & Ecclesiæ Legem*, patet imprimis ex Edictis A. 1720. 1730. . . . Idem constat de Clero Gallicano: nam in Comitibus A. 1723. 1726. 1730. renovata ac firmata Bullæ acceptatio, eaque agnita fuit seu vera *Regni pariter ac Ecclesiæ Lex*. In Conc. Ebre-dunensi 15 Gallicani Præsules unanimi consensu declararunt, Constitutionem, UNIGENITUS, *dogmaticum esse & irretractabile Ecclesiæ judicium*, quod Concilium a BENED. XIII. diserte confirmatum, Regioque diplomate munitum fuit,

‘Sacræ

Sacra Facultas Paris. splendido Decreto A. 1729 die II. Decembr. agnoscit & amplectitur *Constitutionem*, UNIGENITUS, *tanquam universalis Ecclesiæ judicium dogmaticum.*

246. *Obj. II. Concilium Romanum sub BENED. XIII. fuit Concilium Papæ, & Acta Concilii fuerunt interpolata, atque voces illæ: quamque nos uti ejusmodi Fidei Regulam agnoscimus, fraudulenter insertæ; id quod notum jam Romæ, notum in magna parte Italiæ, atque in Galliis etiam haud ignotum est. Inde est, quod in Tract. de Grat. a Tournelio A. 1748. edito omissæ fuerint prædictæ voces; & jure quidem: cum in Conc. Rom. fere nihil legatur de hæresi, aut de erroribus in fide; ergo.*

R. 1. Si, cum de auctoritate Conciliorum agitur, ejusmodi annotationes adstruere licitum foret, nullius Concilii auctoritas sat firma foret; cum eodem jure de unoquoque dici posset, vel quod fuerit Concilium Papæ, & ipsi adhærentium, vel quod iste *canon*, aut saltem istud *vocabulum* malitiose intrusum fuerit. Deinde si ista verba, quæ tantopere adversariis Bullæ UNIG. displicent, non essent ipsius Concilii verba, sed forte ab iis, qui imprimendæ Bullæ curam gerebant, intrusa; dicant nobis isti Critici, quo pacto fieri potuerit, ut neque vigilantissimus æque ac doctissimus Pontifex BENED. XIII., neque unus aliquis e tot Cardinalibus, Archi-Episcopis, Episcopis, Theologis, qui interfuerunt, in fraudem gravis adeo momenti insurrexerit; sed omnes acquieverint, ac si vocabulum istud, tantæ litis initium, non observaverint in Bulla, quæ sub eorum oculis impressa fuit typis, aut penitus observatione sua indignum existimaverint.

R. 2. N. A. Vix enim aliquot menses acto Concilio præterierant, cum rumor iste de intruso per fraudem vocabulo Roma in Gallias allatus est. Exhorruerunt rei indignitate commoti inter Catholicos ferventiores, cum viderent, tam latam aperiri viam ad eludendas quascunque Conciliares definitiones. Quapropter certius aliquid ut resciret Archi-Episcopus Ebredunensis, egregius ille Constitutionis contra Episcopum Senecensem assertor, ad Papam ipsam, BENEDICTUM XIII. scripsit, qui respondit in hæc verba: *Quod attinet ad alteram partem epistolæ tuæ ad me missæ, ubi de rumore loqueris, qui ad te per-*

venerit de Decreto ultimi Concilii Romani, nemo prudens adhibere fidem poterit illis, qui falso scribunt de cap. 2. tit. 1. ea, quæ ipsi aut credunt, aut credi ab aliis velent. Vera illa sunt, quæ ibi impressa vel scripta a nobis, Et a cunctis Patribus invenies. Unde miramur valde, ista ratione in controversiam vocari tam manifestam Et tam canonicam Sanctionem; ita in epist. sua manuscripta, 8. Octobr. 1726. BENEDICTUS XIII.

Adde, quod Archi-Episcopus eam Papæ responsionem suæ Pastoralis Instructioni mense Augusto 1731. typis vulgatæ inseruerit pag. 8. Et quomodo fieri potuit, ut facta tam solenni a Pontifice ipso protestatione calumnias tam clare detectas quis innovaret? Insuper Romæ adhuc habetur Diarium istius Concilii manuscriptum, non vero a Molinista, in quo apertissime relucet, istam formulam non intrusam fuisse, neque a Cardin. *Fini*, neque ab alio quopiam instigantibus Molinistis, sed a Concilio sanctam. Adhuc notum erat per totam Romam, quod BENEDICTUS XIV., cum sibi ex Castello S. Angeli afferri jusserrat Acta hujus Concilii, omnia in eis alia ac diversa invenerit, quam quæ *Anonymus*, tanti Pontificis nomine abutens, temere affirmat.

R. 3. Itaque falluntur certe, aut fallunt hujusce falsificationis assertores, non absque injuria tum Cardinalis, ejus indulgentia; tum Religiosorum, quorum opera dicitur perfecta hæc perfidia. Quandoquidem nuper imperatum ab auctoritate Suprema *Examen Actorum* docuit, has voces non tantum suo loco congruentes, & primis jam scriptis innexas; sed etiam post Scriptorum in Concilio lectionem publicam, frustra dissentientibus paucis, approbatas fuisse a reliquis, & jussas retineri. Non igitur ex *Eusebio Eraniste*, qui falsam hanc querelam pag. 116. multis exaggerat, sed ex authenticis ac publicis monumentis, quæ prostant Romæ in Archivii summi Pontificis, rei veritas & asserti falsitas depromenda est. Quod vero in *Tournelio* ex jam voces prætermittantur, id factum caute, quia Rex Galliarum jamdum A. 1731. 22. Julii prohibuerat compellationem *Regula Fidei*, scilicet in sensu stricto, ac si, ut ait, *esset symbolum Et professio fidei*; cum hæc sit expressio non necessaria, Et quæ illo tempore occasionem dederit contentionibus, æque periculosis ac inutilibus.

R. 4.

R. 4. Falsum, quod in *Conc. Romano* actum sit nihil de fide, aut hæresi; nam ex num. 241. Decretum depromptum ex Sessione habita in Basilica S. Petri ita habet: *Cum ad professionem fidei Catholica integre inviolateque retinendam & custodiendam necessarium summopere sit, ut succrescentes per hæc recentia tempora circa eandem fidem errores a Sede Apost. damnatos . . . ubi de fide, de hæresi, de erroribus contra eandem fidem, & quidem per hæc recentiora tempora, nimirum grassantis Quesnellismi, qui simul erat proterva Bajanismi, Richerismi & Jansenismi instauratio.*

Inst. 1. Ex Actis Conc. Ebredunensis a Pontifice & a Rege approbati æque parum evincitur, quod Bulla, UNIGENITUS, sit iudicium Ecclesiæ dogmaticum, cui sub peccato mortali etiam mentis ac cordis debeatur obsequium: nam *Episcopus Senecensis*, tametsi dicatur a Concilio fuisse depositus; tamen ex more recepto in Ecclesia non fuit privatus *communione laica*, quæ solis excommunicatis negabatur; cum ergo, quamvis Bullæ ceu iudicio dogmatico non subscriberet ex animo, perceptione laicæ Eucharistiæ gauderet, manifestum est, ejus contumaciam non fuisse graviter peccaminosam.

R. 1. Nomen *Communions*, uti nunc apud nos, ita olim non raro strictius sumebatur, pro publica in rebus divinis & S. Synaxi communicatione. Sicut autem olim aliter Episcopi, aliter Presbyteri & Clerici, aliter Laici Sacramenta, preces & vitæ communis consuetudinem obibant; ita invaluit diversa communicatio, alia *Sacerdotalis* seu Episcoporum, alia *Ecclesiastica*, quæ Clericorum, alia *Laica*, quæ sancti populi esset. Laice communicare, h. e. Laicorum more vivere, ritu laico Sacramenta percipere, privilegiis Clericalibus non participare, quamvis sit laico gloria; tamen Clerico dedecus & ceu poena fuit infligta; fere sicut Trevirensis commoratio homini Trevirensi domus, homini Alexandrino, v. g. S. ATHANASIO exilium fuit. Hæc poena *communions laicæ* habuit suos gradus ita, ut qui præcise depositus desineret esse Clericus, redigeretur quidem in ordinem Laicorum, non tamen Sacramentis privaretur: *Excommunicatus* præcise excluderetur ab Eucharistiæ perceptione, non vero ad laicos amandaretur: *Utraque poena* affectus amitteret cum dignitate ordinis etiam usum Sacramentorum. Ita ZONA-

nas, aliique post illum Commentatores in *Can. Apost.* exponunt.

R. 2. Jansenistæ uti fallunt, quod dicant Senecensi Episcopo permissam fuisse *communione laicam*, sicque vere orthodoxum fuisse, quamvis contra Bullam, UNIGENITUS, contumacem: cum perlostratis Synodi Actis nihil de communione laica inveniatur, ne nomen quidem, aut huic æquivalens; ita falluntur, quod credant, ex more Ecclesiæ recepto Clericos duntaxat *depositos*, si excommunicati non fuerint, adhuc gaudere communione laica: nam 1. maligne hic usurpant communionem laicam sine certo discrimine, cum tamen ex dictis possit esse vel diminuta, vel plena & perfecta. 2. Falsum est, quod Clericis *depositis* hoc ipso & perpetuo concessa sit communio laica cum jure percipiendi Eucharistiam conjuncta, quia juxta can. 7. & 8. Concilii Aurel. III, in iudicis sententia exprimi debuisset communionis permissio, utpote beneficium, ne omnibus quidem laicis ad pœnitentiam redactis concessum. 3. Plures in prioribus sæculis Clerici solum *depositi*, quin expresse fuerint segregati vel excommunicati, nequaquam Eucharistiæ participes fuere.

Sic a Conc. Ephesino depositionis poena in NESTORIUM statuta his verbis: *Igitur Dominus noster J. C., quem suis ille blasphemis vocibus impetivit, per S. hanc Synodum eundem Nestorium Episcopali dignitate privatum, & ab universo Sacerdotum consortio & cœtu alienum esse definit.* Neque aliud quid præter ista legitur in epist. ad eum missa: *Agnosce te propter impias prædicationes tuas, & adversum Canones contumaciam 22. die Junii præsentis juxta Ecclesiasticarum sanctionum decreta, a S. Synodo depositum, atque ab omni ecclesiastico gradu alienum esse.* Concilium Chalc. in condemnatione DIOSCORI ait contra ejus sequaces: *qui fidem diversam fabricare fuerint ausi, depositi sint ab Episcopatu, si sint Episcopi: a Clericatu, si Clerici fuerint.* Sic Concilium Gen. V. præmissis anathematismis ait: *Siquis contrarius fuerit contra hæc, quæ pie disposuimus, vel tradere, vel docere vel scribere, siquidem Episcopus vel Clericus sit, iste tanquam aliena a Sacerdotibus & statu Ecclesiastico faciens denudabitur Episcopatu vel Clericatu; si autem monachus vel laicus, anathematizabitur.* Ita Conc. Gen. V. & Conc. Provinc.

In-

Infero: vel ergo *Nestorius*, *Dioscorus*, aliique *Monothelitarum*, & similium Hæreticorum Episcopi ac Clerici admittebantur ad communionem laicam omnimodam, & participationem Eucharistiæ? cur autem ipsi Jansenistæ judicio opposito eandem delegant *Calvinianis*, *Lutheranis*, aliisque Sectariis. Vel illi non admittebantur? ergo non erat moris, dare communionem laicam Clericis *depositis*; sed ea ceu beneficium debuit exprimi, cum ipsa subiecti indignitas, & contumax aut peccato, aut errori *adhæsi* per se Sacramenti perceptionem prohiberet.

Inst. 2. Senecensis Episcopus nequidem fuit depositus in Conc. Ebredun., sed tantum *suspensus*; ergo laica communio eo minus ei fuit denegata. Ad hæc aliud Episcopi Senec. delictum non reperies, siue in sententia Concilii, siue in Brevi Apost. eandem confirmante, quam inobedientiæ circa subscriptionem Formularii, acceptationem Bullæ, UNIGENITUS, & faciendam prohibitionem lectionis LL. Quesnelli; adeo ut nihil, quod est fidei, unquam negarit; aut quod est contra fidem, asseruerit.

R. Maligne hic silent Janseniani de sententia Concilii adversus *doctrinam* Episcopi Senecensis: quamvis enim PP. Ebredunenses nec depositionis, nec excommunicationis sententiam expresse tulerint; tamen multis & apertis signis enim Eucharistia indignum declararunt, damnando ejus *doctrinam*, ut *schismatico*, *hæretico spiritu plenam*, *erroribus refertam ac hæreses foventem*, in censura Instructionis Pastoralis; comparando eum cum *navfragantibus in fide*; ejus vitam *hæreticorum more conspurcatam* perstringendo, in suis ad reliquos Episcopos Encyclicis; nolendo communicare cum illo, qui dum audeat interesse *Hymno Ambr.* post Synodum finitam, ob minacem totius vultus stuporem in Episcopis observatum, discessit e templo.

Cur autem PP. Ebredunenses Episcopum Senec. nec deposuerint, nec expresse separaverint, *ratio* est: quia nec *juste* id poterant, cum decernat Concilium TRID., causas criminales majores contra Episcopos ab ipso tantum summo Pontifice cognosci ac terminari debere: nec *prudenter*, ne suam sententiam infirmarent, & salutis operæ fructum perderent, cum Reo & Damnato Romam provocante, Pontifex sententiam condemnatoriam, utpote

juri contrariam ac sibi præjudiciosam, confirmare nollet; vel suppressa silentio, cum damnatione, tum provocatio-
ne, Senecensis audacior insurgeret. totiusque Concilii ap-
paratus penitus labefactaretur. Verum hisce nostris tem-
poribus nec facultas, nec justitia, nec prudens ratio de-
est Episcopis Gallie, refractarios subditos segregandi, uti
probant novissimi in Galliis circa Bullas & Sacramenta
eventus.

Accessit autem ad sententiam CONCILII EBRED. con-
firmatio Pontificia, & vindex Regis auctoritas; ergo re-
ipsa, licet non expresse ac nominatim, fuit excommuni-
catus.

Inst. 3. Episcopus Senecensis fuit acerrimus defen-
sor 12 *Articulorum*, qui complectebantur doctrinæ Chri-
stianæ 12 capita, juxta plerosque per Bullam, UNIGENI-
TUS, violata; ergo cum 12 illi articuli sint probe catho-
lici, mirum sane est, tum quod Sedes Apost. eos, quam-
vis a Card. Noallio propositos, noluerit approbare, tum
quod propterea Senec. Episcopi doctrina fuerit condem-
nata.

R. I. Ex litteris ad Bened. XIII. A. 1725. directis
a Cardinalibus Gallicanis & ab Archi-Episcopo Mechlini-
ensi aperte colligitur, quod ex 12 illis articulis alii ad
ipsam Constitutionem nullatenus pertinere dignoscantur:
alii certum & a nemine impugnatum dogma exprimunt;
alii liberis, & in utramque partem in scholis agitari so-
litis opinionibus obstant & vim faciunt: alii propter ar-
gumentum invidiam in medium adduci non possunt obique
periculo novarum disputationum; alii denique verbis in-
definitis ac negativis expressi, propter nimiam termina-
rum extensionem, absolute in se falsi sunt & errori obno-
xii. Itaque prudenter recusata a BENED. XIII. illorum
approbatio, præsertim cum illorum auctores Bullam, UNI-
GENITUS, per hosce articulos explicare intenderent. Si-
milis de causa HORMISDAS P. nunquam adduci potuit, ut
approbaret in se ceteroquin veram propositionem: *Unus
de Trinitate crucifixus est Christus*, eoquod a suspectis
Eutychianismi proponeretur approbanda; Hinc scite no-
tat S. LEO M. Novatores omnibus nostris factis & dictis
insidiantur, ut si ullam illis vel tenuem occasionem demus,

nos Nestoriano (jam Bajano, Janseniano, Quesnelliano) sensus etiam congruere mentiantur.

R. 2. Universim contra *explicationes*, ad Bullæ acceptionem a Quesnellianis prærequiritas, facit hoc dilemma: vel enim hujusmodi *explicationes* exhibebunt *sensum Bullæ naturalem*? & rejicientur, nisi novæ accedant elucidationes, prout rejecta fuit ipsa Constitutio; & istæ iterum simili de causa explodentur, ut nullus detur *explicationum* finis. Vel non exhibebunt *sensum naturalem*, sed aliquid ab eo diversum: & clamabunt refractarii, quod jam a Sede Apost. deseratur Constitutio veluti vitiosa, quod sensui obvio substituatur alius sensus, & per consequens, quod Sedes Ap. sibi non constet, quod variaverit &c.

Inst. 4. Card. NOALLIUS, quamvis non retractasset sua Decreta pro Libro Quesnelli, atque a Bulla, UNIGENITUS, appellasset ad Synodum œcum.; tamen decessit in pace & communione Ecclesiæ; ergo nec Senec. Episcopus ab ea excludendus fuit.

R. N. *Supp. A.* Quippe NOALLIUS in edito Pastoralis Mandato II. Octobr. A. 1728, Bullam, UNIGENITUS, pure ac simpliciter acceptat, simul revocans suam Instructionem Pastoralem de A. 1719, ceteraque omnia prædictæ Bullæ adversa, quæ sub ejus nomine vulgata fuerant, his verbis: *Idcirco coram Deo, Et invocato Dei sanctissimo Nomine, cum sincerissima submissione ac reverentia accepta Constitutionem, UNIGENITUS; damnaque Et Librum Reflexionum Moralem, Et propositiones 101 inde extractas, eodem modo atque sub iisdem qualificationibus, sub quibus Papa illas condemnavit. Insuper autem moneo cunctos fideles utriusque sexus, qui sunt de mea Diacesi, neutiquam licitum esse, sentire contrarium iis, quæ per prædictam Constitutionem sunt definita. Paucis interjectis: atque ut probatissima omnibus sit sinceritas submissionis nostræ erga S. Sedem; hisce toto corde ac spiritu revoco non tantum Instructionem de A. 1619. die 14. Jan., sed Et illud omne, quod meo nomine publicatum unquam fuit, præsentis huius acceptionis meæ contrarium.*

Inst. 5. Notabilis pars Ecclesiae vel plane rejicit Balam, UNIGENITUS; vel eam non acceptat ceu dogmaticam; ergo & Senecensis impune id facere potuit. *Prob. A.* Ex ingenti numero Appellantium.

R. I. N. A. Factio Quesnellistarum Appellantium, quam ipfimet Ecclesiam parvam nominant, audienda non est contra Ecclesiam summi Pontificis & omnium Episcoporum. Nimirum Roma venerunt Rescripta, quibus pars Ecclesiae notabilis jam ultra 48. annos adharet, ita ut vix unus hodie sit Galliae Episcopus, qui refragetur; ceteris per orbem vel expresse, vel tacite consentientibus: id quod sufficit, quia teste AUG. epist. 55. ad Januar. Ecclesia Dei, quae sunt contra fidem vel bonam vitam, nec approbat, nec tacet, nec facit; unde Doctiss. BOSSUETUS: quocumque modo fiat, ut Ecclesia consentiat, transacta plane res est. Hanc adeo regulam tenet cum Petro Aurelio, Scriptore Quesnellianis minime suspecto Tom. I. pag. 98., ipsemet Quesnellus de Trad. Eccl. Rom. Tom. I. pag. 217.; ergo causa finita est, non obstante tantillo sese opponentium numero, qui relate ad numerum millesuplo majorem jure pro nihilo habetur: sicut ille numerus Arianorum, Macedonianorum, Nestorianorum, Apollinistarum, Eutychianorum &c.

R. 2. Si hæc oblectio, & novum de infallibilitate Ecclesiae systema La Bordii Quesnellistæ quicquam valeret, vi cujus scilicet nihil per consequentiam ex verbo Dei deducibile, ceu veritas revelata definiri possit: Laicis etiam & Clericis inferioris ordinis competat votum definitivum, iisdemque subjaceant Concilii etiam oecumenici definitiones quoad revisionem, reformationem & confirmationem; spatiosa pateret via ad Spiritum privatum, & ad Ecclesiam invisibilem, h. e. nullam.

Inst. 6. Ipsi Præsules Gallicani non acceptarunt Bullam, UNIGENITUS, nisi sub certa *instruptione* ac *explicatione*, nec sine aliquo in acceptando *discrepantia*; ergo nec ab aliis simplex ac omnimodæ obedientia exigenda debet.

R. N. A. Pastoralis enim Instructio primum die 1. Febr. A. 1714. prodiit; ergo nondum extabat, cum facta est acceptatio, 23. Jan. A. 1714.; prout diserte testantur Acta Comitiorum A. 1714. Equidem cum acceptarent Epi-

Episcopi, simul statuerunt, Instructionis Pastoralis exemplum subinde conficiendum esse, ut *adversus malignas malevolorum interpretationes suos praevenirent*: non vero ut Constitutioni Apost. aliquam restrictionem afferrent. Mirum, quod adversarii non potius reflectant ad ingentem illam *non acceptantium* dissensionem, tum circa repudiationem Bullæ, tum circa ipsam pastorem Conitiorum de A. 1714, Instructionem, tum circa Bullas ideo contra Bajum & Jansenium editas. Nonne *mitiores* alii, alii *rigidiores* Jansenii asseclæ sunt? Nonne plerimi cum Quesnello assidere non verentur, damnatas 101 propositiones esse totidem *Catholicas veritates*, dum alii scitere plerasque, aut saltem favere *Jansenianis erroribus*, fateantur? Nonne alii Bullam vocitant *horrendum mandatum*, quo tota Religio aperte concutitur: aliis vero ea nonnisi obsecratione in *abusibus* locum dare videtur? Nonne de Appellantibus alii contendunt, Bullam *quacunq; data explicatione* non posse recipi: alii contestantur, se ad eam cum explicationibus recipiendam *paratos* esse? ut proin valeat hic contra Quesnellianos illud S. AUG. effatum Serm. 4. de Script. contr. Donat. *Videte illos, qui se ab unitate praeiderunt, in quot frustra divisi sint*; cui præclare consonat BOSSUETUS in I. Mand. *circa promissa Ecclesia*, num. 19. Excusso semel salubri auctoritatis Ecclesie jugo, necesse est, inquit, perpetuas & interminabiles nasci scissuras ac dissensiones.

Inst. 7. Legi Ecclesie non debetur assensus mentis, sed sufficit obsequiosum duntaxat silentium, id quod ex *Constituto* VIGILII P. manifestum est: sed Constitutio, UNIGENITUS, est lex Ecclesie; ergo cum plerique Appellantes hoc ei silentium deferant, satisfacere consendi sunt.

R. D. M. Legi Ecclesie mere disciplinari vel oeconomicæ, item circa factum mere personale aut grammaticale *C. M.* Legi seu iudicio Ecclesie dogmatico, quod cum fide connectitur *N. M.* Adhæc non tam præcipitur assensus internus per actum mentis positivum præstandus, nisi jurata subscriptio cordis & manus consensionem exigit; sed potius prohibetur dissensus internus. Porro dispar ratio est inter potestatem *Legislativam*, quæ ex se non dicit infallibilitatem; & sententiæ Judicis ac mandati Principis, quantumvis fallibili, nihilominus parendum est: atque inter *Ecclesie judicia*, quæ circa fidem, & circa ea, quæ spe-

spectant ad integritatem fidel, ex promissa Spiritus S. assentia sept infallibilia, ac proin irrefractabilia. Demum præcise per obsequiosum silentium obtinetur finis Legi, non item finis *Ecclesia* circa Facta Dogmatica sine assensu interno, aut saltem sine excluso dissensu interno; prout abunde constat ex innumeris triceis ac tergiversationibus Jansenistarum. Adde, quod *Constitutum* VIGILII P. non fuerit Factum dogmaticum, sed mera prohibitio ex prudenti œconomia.

Inst. 8. Decreta Sedis Apost. circa Ritus *Sinenses* & *Malabaricos* non exigunt assensum mentis, quamvis sub excommunicatione adigerent Missionarios ad eos ritus habendos pro superstitionis, & ad obedientiam Decretis præstandam sub juramento; ergo nec Bulla, UNIGENITUS. Adhæc Bullæ Pontificum multoties variarunt in hisce Ritibus: quidni circa Bullam, UNIGENITUS, immutatio fieri possit a successoribus Clementis XI.?

R. I. Circa RITUS SINESSES, h. e. ceremonias, quæ Sinenses ad *Confucium* Philosophum, & Majores suos honorandos uti consueverant, multis annis curam Sedis Apost. ad se traxerunt dissidia Missionariorum. Aliis visum, idque Romam delatum, eos ritus esse superstitionis: id ipsum judicante S. Congregatione de propag. Fide: & Innoc. X. ad dictæ Congregationis preces sub pœna Excomm. eosdem prohibuit. Aliis visum, & Romam priter relatum, aliquos Sinensium ritus esse mere civiles ac politicos, quales officii gratia viventi Magistro, viro eximio, ac progenitoribus congruunt, & quidem sine ulla prostratione, prece, oblatione, libamine; non in templo, aut æde dicata, sed in aula, in domo, in schola exhibit: judicavit Congregatio S. Inquisit., illos esse permittendos; & utrumque Decretum observari voluit ALEX. VII., cum non sint contraria: cum responsum sit secundum diversas expositiones Rituum Sinensium.

Exortis novis turbis CLEMENS XI. tum per *Tournonium*, tum per novam Constitutionem sub pœnis canonicis prohibuit omnes Ritus superstitionis, permittendo tamen aliqua a scandalo, quovis ministerio, & superstitionis actibus semota, v. g. *præsentiam* mere naturalem ad ritus gentilium, *Tabellas* progenitorum solo defuncti nomine inscriptas, adjectaque a latere christiana declaratione.

tione de pietate erga defunctos consanguineos &c. Videri poterat causa finita per tam solemnem Constitutionem Apost., nisi *Mediobarbus* per Litteras Pastorales zelo & charitate plenas fallaciter induxisset omnes Episcopos, Vicarios Apost., & Missionarios, ut crederent pleraque esse permessa, quæ tamen ceu plena superstitione tam sæpe & tam graviter fuerant interdicta. Has vero *Mediobarbi* permissiones iterato discussas INNOC. XII. cassas declaravit & irritas, earumque praxin damnavit. Idem præstitit BENED. XIV., omnibus item Archi-Episcopis, Episcopis, Vicariis Apost. & Missionariis tam Sæcularibus, quam Regularibus cujuscunque ordinis gravissime prohibens, atque Superioribus præcipiens, ut contumaces in Europam revocent, pro delicti gravitate puniendos; addita insuper nova juramenti formula ab omnibus Missionariis Indicis nuncupanda.

R. 2. Circa RITUS MALABARICOS editum a *Tournonio* Indiarum & Sinarum Visitatore Decretum, quo inter alia præcipitur, ut in Baptismo adhibeantur *Sacramentalia*, signanter *sal*, *saliva* & *insufflationes*. Hoc Decretum approbat CLEMENS XI. sub clausula, donec aliter a Sede Apost. provisum fuerit. Sparso rumore falso, nonnulla *Decreti Tournoniani* puncta fuisse revocata, id CLEMENS negavit; item habita sub INNOC. XIII., finitaque sub BENED. XIII. speciali Congregatione, illud Decretum *Tournonii* approbatum est, & confirmatum. Cum vero Indiarum Episcopi & Missionarii negarent, eam confirmationem sibi innotuisse, CLEMENS XII. post novum examen novum ad illos Mandatum direxit, in quo ad mentem S. Officii dispensat circa *salivam* & *insufflationes*, circa quas ingens apud Indos horror fuit, ad decennium; interim vero, ut populum Ecclesiæ ceremoniis assuefaciant, præcipit.

Idem PONTIFEX, cum quidam causarentur, non posse ritus Indorum huic præscripto conformari, sub gravibus poenis & juramento exacto Decreti executionem imperavit. Postea vero Missionarii contestati sunt, se inique accusatos fuisse, atque a BENED. XIV. onus juramenti & metum censurarum deprecati, dispensationis circa *salivam* & *insufflationes* prorogationem petierunt. PAPA juramentum & intentatas censuras non sustulit, dispensationem tamen circa *salivam* prorogata pro caso necessitatis itidem ad

ad decennium, ita ut hoc elapso spes nulla superfit ulterio-
ris prerogationis.

R. 3. Quis vero ex his non manifeste intelligit, nul-
lam hic quaestionem aut decisionem circa *dogma* aliquod
intervenisse: Decreta Pontificia non fuisse penitus abso-
luta, sed *restricta* saepe ad certum tempus, varias circum-
stantias, idque pro diversa relatione *facti*: neque Pontifi-
ces, neque Ss. Congregationes sibi invicem repugnasse,
cum INNOC. X., CLEMENS XI., XII. & BENED. XIV. Ri-
tus *Sinehes* proscripserint, quales revera plenissimi super-
stitutione, & a P. *Joann. B. Morales* expositi fuerant; ALEX.
VII. autem illos tantum permiserit, quos pure civiles ac
politicos esse P. *Martinius* exposuerat. Atque ita Ponti-
fices omnino conciliaverat A. 1669. Congregatio S. Inqui-
sit., jubens observari utrumque Decretum, tum S. Con-
gregationis de propag. 1645, tum Congregationis S. In-
quis. 1656, etiam pro diversitate rerum, quae fuerant in du-
biis expositae, aliqua ratione ab invicem diversum; atque
hoc Decretum CLEMENS IX. A. 1669. comprobavit. Circa
Bullam, UNIGENITUS, omnia longe aliter se habent, sive
ipsam Bullam, sive materiam & objectum Bullae, sive co-
gnitionem causae, sive executionem Bullae, ejusdemque
acceptationem, atque alias circumstantias spectes. Vide
BENEDICTI XIV. sapientissimas Constitutiones, alteram de
A. 1742. 9. Aug. *Ex quo singulari*; alteram de A. 1744.
12. Sept. *Omnium sollicitudinum*.

247. *Obj. III.* Censura 101 propositionum in Bulla,
UNIGENITUS, est illegitima, utpote indeterminata & vaga;
ergo & ipsa Bulla non meretur nomen ac honorem judi-
cii Ecclesiae Dogmatici. *Prob. A.* Illegitima est sententia
judicis, quae diversorum criminum reos decernit *indeter-*
minate plectendos, alios gladio, alios furca, alios rota,
alios rogo; item in LL. civ. sententia, quae indiget leute-
ratione, interim suspenditur; imo pro nulla habetur sen-
tentia, quae *vage* praecipit haeredi, solvere aliqua ex frau-
dibus, aliqua ex usuris debita &c. ergo a pari.

R. N. C. *Disp. esp.* Sententia judicis fertur ad exe-
cutionem realem ac individuaalem; ergo determinari de-
bent singulae personae, & pro his singulae poenae. Ecclesia
autem damando propositiones *in globo* intendit, doctri-
nam falsam & noxiam arcere a fidelibus, qui sine obtine-
tur,

tur, tametsi non singulas censuras determines pro singulis propositionibus. Idem est de aliis: quia iustitia commutativa sicut respicit æqualitatem realem, ita & individua a parte rei, quibus ea reddenda sunt debita; sufficit autem ad finem Ecclesiæ libros & propositiones noxias damnantis, quod nulla sit censura, quæ non conveniat uni ex 101. propositionibus; & nulla propositio, cui non correspondeat una ex omnibus illis censuris.

Inst. 1. Inter tot *Quesnelli* propositiones damnatas ne una quidem determinari potest, quæ sit certo erronea aut hæretica; si vero etiam inter illas plures sint erroneæ, hæreticæ & scandalosæ, ut quid liber *Quesnelli* per 40 annos generalem quandam habuit approbationem, & a fidelibus plerisque non tantum innoxio, sed magno spiritus profectu legabatur, imo iustificatus etiam a BOSSUETO?

R. ad 1. Necesse non est, uti multoties dictum, ad legitimam censuram, sigillatim determinare, quæ cuivis propositioni conveniat nota; siquis tamen in Libro *Quesnelli*, ad instaurandum tum *Bajanismum*, tum *Janseuismum* aperte composito, legat propositiones ejusmodi, v.g. 29. *Extra Ecclesiam nulla conceditur gratia*: 59. *Oratio impiorum est novum peccatum*: 13. *Quando Deus animam tangit interiorius gratiæ suæ manu, nulla voluntas humana ei resistit* . . . is totidem prope verbis in *Calvino*, Bajo & *Janzenio* prædamnatas deprehendit tanquam erroneas & hæreticas; præsertim cum 13^{ta} *Quesnelli* plane eadem sit cum 2^{da} *Janseu*: *interiori gratiæ nunquam resistitur*.

R. ad 2. Liber *Reflexionum Moralium* a *Quesnello* primum editus A. 1671., sed unico breviori volumine in-12. Idem opus editum fufius, tribus tomis in-12. A. 1687., qui tamen brevissimas in Evangelia explicationes complexi, plerasque damnatas necdum continebant, neque Auctoris systema adeo inculcabant; ac proin ipsomet *Quesnello* teste *libellum* duntaxat conficiebant, nec erant nisi *adumbratio* *Reflexionum Moralium* A. 1693. editarum. A prima ergo ad secundam anni 16, a secunda ad tertiam Operis editionem 6 anni subducendi sunt. Ubi vero A. 1693. editio prodiiit plus duplo major, licet politioris sermonis & affectatæ pietatis fuco plena, continuo tamen ceu exitiosum opus habitum a D. *Fromageou*, qui A. 1694. prope-

propositiones 199. velut erroneas & censura dignas inde collegit: *Archi-Episcopus Turen.* A. 1698., *Episcopus Carnot.* A. 1699. contra illud ceu opus summe perniciosum insurrexere: posthac *Archi-Episcopi* quam plurimi lectionem illius Libri fidelibus interdixerunt, *Episcopi* vero omnes, qui A. 1714. *Bullam, UNIGENITUS,* acceptare recusarunt, uno excepto *Misrapiscensi* eundem *Mandatis Pastoralibus* prohibuerunt & damnarunt. His clamoribus excitus *CLEMENS XI.* A. 1698. per Breve *Apost. Librum* ferit anathemate, & quatuor post annos ad preces *LUDOVICI M.* per *Bullam, UNIGENITUS.*

R. ad 3. *BOSSUETUS* *Quesnelli* doctrinæ semper ad-versabatur: nam 1. de observationibus *Quesnelli* dixerat, esse perniciosas, apertos *Jansenii* errores iis contineri, nec eos debere legi ab iis, qui christianam pietatem profiterentur. Ita *D. le Pelletier Paris.* curiæ præfectus, atque *Episcopi Lucion. & Rupell.* testantur; quin & ipsimet *Quesnelliani*, *Abbas Dambes* aut *Couët* in epist. ad *BOSSUETUM* *Episc.* A. 1700.; & *Willardus* eod. A. in epist. ad *Quesnellum* idem fatentur. 2. Cum *Quesnellistæ* magnum *BOSSUETI* nomen, quo Liber videretur innocuus, interponere tentabant; annuit is quidem sub conditione, si correctis 120. propositionibus, aliæ duriores in benignum sensum exponerentur. At vero, ubi novam editionem A. 1699. sine ulla correctione curarent *Quesnelliani*, *BOSSUETUS* *Monitum* a se elaboratum recusavit præmittere *Libro Rel. Mor.*, hujus tamen *Moniti* exemplar nacti *Quesnellistæ*, illud pluribus post mortem *Bossueti* annis ediderunt sub infido nomine, *Justificationis Reflexionum Moralium.*

Inst. 2. Ex damnatione propositionis 91.: *Excommunicationis injustæ* metus nunquam debet nos impedire ab implendo debito nostro: nunquam eximus ab Ecclesia, etiam quando hominum nequitia videmur ab ea expulsi, quando Deo, *Jesu Christo*, atque ipsi Ecclesiæ per charitatem affixi sumus: deduci facile possunt plures consecrationes Regni & Regum *Galliæ* juribus præjudiciorum; unde in ipsi Regii *Diplomatis* relatione in *Acta* supremæ curiæ *Paris* inserta est exceptio, seu clausula; ergo.

R. 1. *N. A.* Nam nonnisi distorte ac maligne interpretet. Nihil autem simile sequi, Jaculentissime demonstrat illud

illud eximium documentum Præfalonæ Gallic. de A. 1714. Propositio autem iuste fuit damnata: 1. quia est *indefinita* negans & in materia doctrinali, adeoque complectitur officium, non tantum ex jure nat. & div. præstandum, sed & officium non essentialia ac dispensabile: sic vero *scandaloso* est, & auctoritati Ecclesiæ injuriola, juxta receptum axioma juris: sententia injusta, si modo nulla non est, timenda est & servanda. 2. *Schismatica* est ac *perniciosa*, quia juxta Quesnellum suum & suorum debitum atque officium nihil aliud est, quam retinere ac defendere Baji ac Jansenii doctrinam velut Augustinianam, quamvis a Sede Apost. proscriptam; id quod manifestum est ex libris Arnaldi, Gerberonii & Quesnelli contra Decreta Rom. Pontificum. 3. Satis hoc unum: Quesnellus in causa Quesnelliana pag. 140. inter varia officia computat *arctam*, ut ait, *obligationem*, non subscribendi Formulario, tametsi subscriptio sub pœna excommunicationis præcepta sit; & pag. 198. scribit, *esse sacrilegum & toti Ecclesiæ injuriosum, exigere subscriptionem & juramentum Facti Janseniani, quod Formulario ALEXANDRI VII continetur.*

R. 2. Clausula illa Senatus Paris. non est proprie *restrictiva* aut limitativa, sed mere explicativa, & provida cautio contra pravas illationes adversus sensum genuinum Constitutionis; id quod ipsi etiam Præsules Galliæ A. 1714. fecerant. Si enim foret restrictio proprie talis, excluderetur sensus aliquis genuinus Bullæ, qui non est, metum injustæ Excommunicationis debere nos impedire ab implendis officiis *immutabilibus & invariabilibus*, qualia sunt officia Legis Naturalis & Divinæ, cultus Dei, fides debita Principi ac Patriæ &c. Quod sine gravissima Pontificis ac Episcoporum injuria dici non potest. Ac demum quam cariosa essent principia libertatis Ecclesiæ Gallicanæ ac Regiæ Independentiæ, nisi fundamento solidiore niterentur, quam propositione condemnata?

Inst. 3. Doctrina Quesnelli de Excommunicatione innititur auctoritati tum INNOCENTII III., qui cap. a nobis, de sent. Excomm. *judicium Dei, inquit, veritati, quam non fallit, nec fallitur, semper innititur; judicium autem Ecclesiæ nonnunquam opinionem sequitur, quam & fallere saepe contingit, & falli*; tum S. AUGUSTINI L. de ver. Relig. c. 6., ubi iisdem prope verbis adstruit Quesnelli sententiam; ergo.

R. ad 1. Quam infide ac inscite huc a Jansenistis trahatur INNOCENTIUS, vel liquet inde, quod eo loci Papa explicite loquatur de sententia Excommunicationis, quam dependenter a *factis* duntaxat *personalibus* ferri nemo nescit; adeoque præpostere plane sit progressus ab illis factis, in quibus errorem irrepere, facile est: vel ad facta dogmatica, in quibus Ecclesiæ infallibilitas tam solide, quam copiose demonstratur: vel ad sententiam INNOCENTII & Ecclesiæ indefinitam de quacunque Excommunicatione, ipsaque potestate excommunicandi.

R. ad 2. Sententia S. AUGUSTINI, longe alium sensum facit, ut patet ex contextu & scopo S. Doctoris. Vide Tract. de Princip. ubi de *Membris Ecclesiæ*.

Inst. 4. Qui Bullam rejiciunt, propositiones in Bulla damnatas non defendunt, nisi in *sensu catholico*. Quod autem jure Bullam rejiciant, exinde colligitur, quia inimici Ecclesiæ ex Bulla, UNIGENITUS, nullius erroris convinci possunt; ergo.

R. ad 1. N. A. Sed plerique refractarii, præsertim qui dirigunt seditionem, illas defendunt in *sensu auctoris*, Quesnelli, qui ipse illas defendit in *sensu Jansenii*. Dein non solum per hoc, quod propositiones damnatæ defendantur in *sensu hæretico*, peccatur contra obedientiam Ecclesiæ debitam; sed etiam per hoc, quod Leges Ecclesiasticæ præcise latæ pro conservatione fidei, atque ex motivo, præservandi oves Christi a pascuis noxiis ac periculosis, proterve violentur. Alioqui cuivis liberum erit, seditiose abjicere tot decisiones legittimas contra Hussum, Wicklessum, Lutherum, Bajam, Molinosum & Plicita Sanctorum, si ea subtilitate polleat, ut eas intelligere atque explicare velit in *sensu catholico*.

R. ad 2. N. A. Nam error est, resistantia erga potestatem & irrefragabilem Ecclesiæ auctoritatem a Christo promissam, quo omnes, aut fere omnes Episcopos cum Capite Ecclesiæ unitos posse approbare, imo actu approbasse dicant Bullam *funestam fidei*; itaque sicut omnia judicia Ecclesiæ reddunt inutilia atque incerta, ita omnes hæreses vel damnatas vel damnandas contegunt & approbant. Error est, quod Quesnellistæ nunquam 5. propositionibus Jansenii damnatis eum sensum tribuent, quem illis tribuit Ecclesia. Equidem asseverant, se credere, quod

quod e. g. homo possit resistere, ac saepe etiam resistat interiori gratiæ: sed in sensu prorsus contrario ad sensum Ecclesiæ, quia non credunt, per eam gratiam, quæ caret effectu, ab homine posse impleri præcepta, spectatis circumstantiis, in quibus reperitur, & diversis gradibus concupiscentiæ, qua premitur, & viribus, quas habet; & sic de aliis.

Ita quippe auctor operis: *Memoire sur les refus des sacramens*: instruit refractarios, ut dicant, a se credi omnes veritates ab Ecclesia definitas, & condemnari omnes errores ab Ecclesia damnatos; sed altum sileant de *propositionibus Quesnelli*, quas falso & contra evidentiæ facti supponunt, non esse damnatas: de *Libro Jansenii*, cujus sensui tenaciter inhaerent: de *Formulario*, quo tacite excluditur professio eorum fidei; idque non obstantibus omnibus Decretis & sententiis Ecclesiæ.

248. *Obj. IV.* Encyclica seu *Breve Apost. BENEDICTI XIV.* super Bullam, UNIGENITUS, huic tanquam iudicio dogmatico derogat in multis: nam pleraque *Parlamenta* illud *Breve Apost.* repudiarunt, 1. eo quod repugnet *Legi Silentariæ* a Rege circa prædictam Bullam impositæ: 2. quia indirecte eo tendit, ut definitiones Rom. Pontificum habeantur pro Regula Fidei & morum, independentes a libera, uniformi, & conciliari acceptione Ecclesiæ: 3. quia docet, Bullæ UNIG. neminem posse *absque salutis æternæ discrimine*, ullo modo refragari; item jubet, publice ac notorie refractariis denegare Sacramenta, etiam in articulo mortis; cum vero Bulla UNIG. semetipsam haberi pro regula fidei mandet, idem erit obligari ad acceptionem *Brevis Apost.*, ac obligari ad habendam Bullam UNIG. pro regula fidei, ac contra sentientes pro Schismaticis & Hæreticis.

R. ad 1. Rex Galliæ nunquam silentium imposuit Episcopis circa substantiam, sed tantum circa *modum & qualificationem* Bullæ, dum alii eam dixerunt Regulam Fidei, alii negarunt. Imo ne hanc quidem qualificationem, *in sensu minus stricto*, vetat Episcopis, si modo contrarium sentientes nullo actu solenni & publico damnent seu hæreticos ac schismaticos notorios, atque a Sacramentis arceant; *prohibemus*, ait Rex, *nequis alium provocet, vel aggrediatur injuriosis terminis Novatoris, Jansenista, Semi-Pelagiani, Schismatici, Hæretici . . . & hoc qui-*

dem ad aliquod tantum tempus; imo in declaratione de anno 1720. silentium duntaxat imposuit in annum unicum. Secus autem facientes Episcopi considerabantur ceu violatores Legis Silentiarie ita, ut poneretur causa appellationis *de abusu*, ac recursus ad Parlamentum.

Re. ad 2. Encyclica Papæ intendit præcise, ad preces Regis Galliarum & Præsulum Gallicanorum præscribere *Regulam* circa deneganda refractariis adversus Bullam UNIG. Sacramenta; abstrahens interim ab omnibus Bullæ *qualificationibus*, scilicet vel quod sit regula fidei, vel iudicium dogmaticum universalis Ecclesiæ circa objectum pertinens ad regulam fidei, vel lex tantum Ecclesiæ & status. Hujus rei causam vide num. 245.

Re. ad 3. BENEDICTUS XIV. recte negavit Sacramenta publice ac notorie refractariis: non quod Bullam UNIG. non acceptarent tanquam regulam fidei in *sensu stricto*; sed quia temerarie recusarent, se conformare iudicio Pontificum & fere omnium Episcoporum in questione *facti doctrinalis*, quo judicant, considerato toto nexu doctrinæ Quesnellianæ; revera in ea contineri propositiones hæreticas & schismaticas, manifeste tendentes ad renovationem Jansenismi & Bajanismi; atque hinc dicit, *non fore tutos, sed maximo salutis suæ discrimine* . . .

Inst. 1. Regula in Brevi Apost. præscripta quoad *imam* partem videtur iniqua, quia refractarios notorios sola nocoreitate facti privat S. Viatico; idque 1. contra apertam S. AUGUSTINI doctrinam, qui serm. 351. *nos vero, ait, a communione prohibere quemquam non possumus . . . nisi aut sponte confessum, aut aliquo sive seculari, sive Ecclesiastico iudicio nominatum atque convictum.* 2. Contra exemplum Christi, qui judæ porrexit S. Eucharistiam. 3. Contra communem regulam: non posse quemquam privari S. communione, nisi fuerit declaratus pro excommunicato.

Re. ad 1. Si *notoreitas facti* sufficit ad denegandum S. Viaticum concubinario publico, qui adhuc in articulo mortis secum detinet concubinam: cur ea non sufficiat ad publice ac notorie refragantem Constitutioni Apost., & nec in morte resipiscentem, eodem privandum? S. AUG. ibidem, ut probat contextus, exhortatur peccatores prolapsos in casum pro *penitentia publica* reservatam, ut licet

licet crimen convincenter per testes probari non possit, semetipsos in ordinem poenitentium sistant Ministro Ecclesie. Cum tamen populus videret quosdam, quos noverat talium criminum reos, accedere ad S. communionem, S. AUG. se excusando dicit, sibi ea crimina aut non fuisse denunciata, aut ea a denuntiantibus non fuisse rite probata.

Jam vero neutrum genus peccatorum, sive quos S. AUG. solus cognoscebat, quin cognoscerentur a populo; sive quos non cognoscebat AUG., cognoscebantur autem ab aliis, at sine denuntiatione facta Episcopo, comprehendatur in classe peccatorum publicorum ac noteriorum notoreitate facti; adeoque ad denegandam ipsis communionem (quam quidem nonnulli aliter intelligi volunt a S. AUG. hic, quam de Eucharistia) necessaria erat aut confessio propria, aut convictio judicialis. Addit nempe S. AUG. serm. 351. de poenit. *Quis enim sibi utrumque audeat assumere, ut cuiquam ipse sit accusator & iudex?* Aliibi S. AUG. pro sufficienti causa agnoscit notoreitatem facti, ut serm. 392. ad conjug. a communione se cohibeant, qui sciunt, quia novi peccata ipsorum, ne de cancellis projiciantur: quorum autem nescio, hos coram Deo convenia.

R. ad 2. Non est omnino certum, quod Christus Judæ porrexerit S. Eucharistiam; de quo plures Ss. Patres & Interpretes ambigunt. Si certum: docet ANGELICUS, Judam non fuisse peccatorem publicum 3. p. q. 81. a. 2. ad 2. De publico autem peccatore docet cum S. CHRYS. & aliis: *Si novus Judas corpus Jesu Christi petat, prohibe illum.* Quippe ministri Ecclesie duntaxat dispensatores mysteriorum sunt, & ut fideles inveniantur, sanctum dare canibus non licet.

R. ad 3. N. quod sit communis regula: quæ fuit objectio Parlamenti Burdegalensis in epist. ad Regem; verum cui Cancellarius D. Dageffau abunde satisfecit dicens: *Autores prædictæ epistolæ non satis penetrarunt principia hujus materiæ: videntur enim confundere velle duas res valde diversas, nempe recusationem administrandi Sacramenta iis, quos Ministri judicant indispositos, & penam excommunicationis. Excommunicatio quidem privat Sacramentis, sed non omnis privatio Sacramentorum est excommunicatio . . .*

Inf. 2. Iniquum est, ejusmodi refractariis in morte denegare S. Eucharistiam, quæ *viventibus* fuit concessa: iniquum, pro peccatoribus publicis habere presbyteros virtuosos, Doctores celebres, Virgines pias: iniquum, nequicquam cedere, aut de rigore velle remittere, ut evitetur schisma, & pax adeo desiderata procuretur; ergo.

R. ad 1. N. supp. Nam complures, præsertim Moniales fuerunt jussu privatæ Sacramentis, tam in vita, quam in morte, quia earum renitentia erat publica in illarum communitate; sicut indignitas peccatoris publici est cognita in suis ædibus, ubi negatur ipsi viaticum. Imo si notoreitas delicti supponatur esse æqualis tam in templo, quam in domo, dubitandum non est, quod peccatori publico ad S. Mensam accedenti deneganda a parocho sit Eucharistia. Hic vero casus non est ita frequens, ut quis visa multitudine audientium Missam, vel communicantium, præsertim Parisiis, ubi vix sciuntur nomina præsentium in templo, agnoscat, quinam sint publici peccatores.

R. ad 2. N. A. Non enim in sola morum honestate virtutes christiani hominis omnes consistunt; hinc *Tertullianus* factus Montanista, quamvis conservaret morum puritatem, quæ ipsum in censum Doctorum virtute & scientia illustrium evexerat; tamen tota hæc apparentia sanctitatis non impediabat, quin S. HIER. 1. contr. Helvid. diceret: *de Tertulliano nihil amplius dico, quam Ecclesia hominem non fuisse.* Bossuetus Protestantibus pietatem & charitatem suorum objicientibus docte respondit, eam pietatem tantis encomiis evectam, nisi submissio erga Ecclesiam jungatur comes, reipsa nihil aliud esse, quam *subtilem ac periculosam hypocrisin*, cum modus bene credendi sit fundamentum bonæ vitæ.

R. ad 3. Ministri Ecclesiæ nequicquam cedere possunt de *juribus sacris*, cum non sint propria, sed Christi & Ecclesiæ jura. Non hic agitur de personali emolumento Ministri, sed de reverentia Corporei & Sanguini Jesu Christi debita, cujus profanationem publicam & scandalosam impedire tenentur. Pax *hujus mundi* solum fundatur in commodis temporalibus & humanis, quorum causa nonnunquam triumphus ceditur errori, & opprimitur veritas; sed pax *Ecclesiæ*, quæ est pax *Dei*, non reperitur,

nisi

nisi in submissione integra ac perfecta ad judicia Ecclesiæ pro fidei puritate & integritate edita: in reverentia Ministris & tremendis eorum functionibus nomine Christi exercitis debita: nec non in zelo potestatis sæcularis, Ecclesiam protegendæ. Hæc est pax, pro qua firmanda ac restituenda apprehendit Ecclesia arma justitiæ 1. Cor. 4. *ad humiliandam omnem altitudinem extollentem se adversus scientiam Dei.* Si nihilominus seditionem foveant perveraces, audiant S. CHRYS. *Non est homo, qui ligat, sed Christus, qui nobis dedit hanc ligandi potestatem . . . adveniet tempus judicii, quod doceat rebelles, quid sint vincula ecclesiastica, quam potentia & formidanda.*

Inst. 3. Iniquum est, saltem in principiis Ecclesiæ Gallicanæ, habere pro excommunicatis necdum *judicialiter* declaratos: sed hoc ipsum Breve illud Apost. BENED. XIV. aperte adstruit; ergo.

R. N. M. Nam hæc MARTINI V. concessio, quamvis, ut *Dumont & Collet* testantur, non reperiatur in Concordatis initis cum Natione Gallica; tamen habetur in Concordatis initis cum Natione Germanica. Dein Concordata cum utraque Natione fuerunt inita solum ad quinquennium, nec de illorum innovatione constat. Præterea, si tunc temporis licuit REGI cum MARTINO V. nomine totius Nationis Gallicæ per suos Legatos, saltem ex consensu Nationis tacito ac præsumpto inire Concordata; cur idem non liceat eorum Successoribus? si vero id licet, consequitur, hunc tacitum Nationis consensum a Parliamentis non posse sine Regiæ Majestatis dehonoratione revocari vel irritari, nisi id petat evidens & magna Regni necessitas, qualis in præsentī casu non datur. Nam BENEDICTUS XIV. in suo Brevi Apost. Nationi Gallicæ totum, quod potuit, indulgit, ut patet ex dictis supra. Demum hæc *via moderationis atque excusationis*, quam ostendit, Episcopis insinuat, dum scribit, notoreitatem criminis, quæ ab interna dispositione dependet, certioribus ac gravioribus probationibus indigere.

Inst. 4. Breve illud Apost. quoad *2dam* sui partem videtur aut plane inefficax ac inutile, quia vix unquam effectum habuit vel habebit, aut indignum etiam: tum quia, si adsint graves præsumptiones & urgentia indicia non acceptationis Bullæ UNIG., ea saltem domesticis co-

gnita erunt: tunc quia, ubi sunt ejusmodi graves presumptiones, non licet impendere absolutionem Sacramentalem; ergo & Eucharistia non sine scandalo & injuria porrigitur.

R. N. A. Nam 1. Breve Apost. saltem fuit promulgatum & receptum in Galliis, seu idonea jussaque regula urgendi executionem, seu acceptationem Bullæ, **UNIGENITUS**. Si quando autem effectu careat, aut non rite, aut plane non applicata; id se habet per accidens ad mentem sapientissimi Pontificis, qui sicut vi prædictæ regulæ, quantum fieri potuit, liberalitatis refractariis indulgit plerimum, ita *rigoris*, quantum necesse erat, minimum exeruit.

2. Domestici, ubi vident tali moribundo porrigi S. Viaticum, poterunt cogitare, vel quod fuerint decepti circa suas presumptiones & indicia, vel quod moribundus alias refractarius egerit poenitentiam; quippe charitas non cogitat malum, quin & omnia in bonam partem interpretatur.

3. Judicium Sacramentalis *absolutionis* est quid privatum & occultum: sed porrectio vel denegatio S. Viatici est quid publicum; cum ergo per indicia quantumvis gravia non fiat certo reus, habet jus uti ad famam publicam, ita ad Viaticum publice porrigendum: quod si privatum & in occulto peteretur, paris foret conditionis cum *absolutione* Sacramentali.

249. **Obj. V.** Ut Bulla, **UNIGENITUS**, vere sit dogmaticum Ecclesiæ universalis judicium, præcedere debet examen Episcoporum diligens ac maturum, & ne laedatur Libertas Gallicana, in Provinciali aut Nationali Synodo: requiritur unanimitas & uniformitas in acceptatione: acceptatio sit libera, & promulgatio sollemnis, utraque autem universalis, oportet. Sed ista deficiunt, quia Gallicani Præsules *leviter* duntaxat Bullam examinarunt, & Episcopi extra Galliam *caco modo* eam receperunt: plerique Episcopi obstitērunt, atque etiamnum obfistunt: in Galliis res tota Regis autoritate & terroribus peracta est: demum CAROLUS VI. eam noluit in suis Provinciis promulgari; ergo.

R. I. Si valet argumentum, nutabunt omnes omnino Bullæ contra *Lutherum, Bajum, Jansenium, Me-*

Molinofum, etiam intra Conc. œcumenicum; ac proin cuivis fidei, prout infert Collet Ss. Theol. Doctor & Professor Paris., licebit dogmaticis Concilii TRID. Decretis reluctari, & ab ea Synodo, in qua Præfulum ultra-montanis placitis addictorum numerus prævaluit, ad aliud vere œcumenicum appellare Concilium, in quo Episcoporum dictis placitis adversantium numerus vinceret.

§. 2. Quidquid sit de *examine* Episcoporum, cui querelæ instar omnium satisfacit locupletissimum Patriarchæ Ulyssipponensis ad Episc. Nemauf. testimonium 28. Sept. 1717., quo postquam omnia ceu totidem insignes calumnias explosit; id confirmat, ait, *effatum apud Gallos tristissimum: nemo Jansenistis mendacior.* Quidquid de *juribus* ac *privilegiis* Cleri Gallicani, quæ sane melius perspecta fuere Regibus, Episcopis & Clero Galliarum; hoc statimus indubitatum: legem publica & legitima auctoritate latam, firmam ac inconcussam ex se esse debere, nec privato cuivis, ut illam infirmet, fas esse inquirere in *examen*, *modum*, & *motivum*, quo lata est; præsertim cum promissa Ecclesiæ a Christo facta perpetua sint & absoluta, ita ut certo tenendum sit, semper omnes necessarias condiciones fuisse adhibitas, quoties lata est, aut acceptata a corpore primorum Pastorum definitio.

§. 3. Ad *unanimitatem* sufficit multo major primorum Pastorum multitudo adhærens Capiti Ecclesiæ, juxta *Vincentii Lirin.* Commonit. c. 38. Alioquin legitime non fuerint acceptata, tum ZOSIMI Decretum, cui 19. Episcopi cum suo Duce Juliano provocantes ad gen. Concilium: tum EPHESINI CONCILII statuta, quæ præeunte Joanne Antioch. 30. Episcopi: tum CONC. CHALCEDONENSIS definitiones, quæ multis plures resisterunt. Numquid plusquam 10. Præsules Gallicani quondam Calvidi partes adjuverant? *Uniformitas* alia non requiritur, quam communis consensus circa acceptationis substantiam: quotquot autem Episcopi Bullam acceptarunt, professi sunt omnes, sicut circa Constitutionem adversus Librum de Molinos & de Placitis Ss., ita in Bulla, UNIG., sese doctrinam Ecclesiæ agnoscere, se illam cum obsequio & reverentia acceptare, se Librum Quesnelli & extractas 151. propositiones eodem modo proscribere, ac cum iisdem qualificationibus, quibus a Summo Pontifice damnatæ sunt. Quodcumque ergo occurrit discrimen acceptationis,

id spectat solas *formalitates*, varias pro variis locorum & temporum circumstantiis.

R. 4. Uti acceptata, sic promulgata fuit constitutio, UNIGENITUS, in Ecclesia Romana, omnium reliquarum Matre & Magistra: in Ecclesiis totius Italia: in tota Gallia, ubi orta est controversia: demum ab universi fere orbis Metropolitanis, de quibus vide n. 241. Quamvis autem CAROLUS VI. noluerit suis in Provinciis fieri promulgationem Bullæ, UNIGENITUS, solennem per Nuntium Apost.; facta tamen est huic æquipollens promulgatio per omnes Germaniæ & Belgii Academiæ, eidemque fere omnes orbis Episcopi & DD. sine ulla oppositione in suis Lucubrationibus, Synodis, Epistolis omnimodam venerationem ac obedientiam deferebant.

Inst. I. Si Bulla, UNIGENITUS, est iudicium Ecclesiæ dogmaticum; ergo iniqua esset appellatio ad Concilium: atqui non est iniqua; tum quia innumeri sunt Appellantes, & inter hos non pauci etiam Episcopi; tum quia appellationem hanc Deus videtur comprobare tot prodigiis, & sanitatum operationibus ad tumultum D. Paris, qui appellationi immortalis est; ergo.

R. N. m. De *appellatione* a iudicio Ecclesiæ dogmatico ad Concilium Generale, vide num. seq. & Tract. de Princip. Perro convocare Concilium adversus mala quotidie emergentia, non esset medium decens providentiam Divinam, nec infirmitati humanæ conveniens, nec afflictis rebus Ecclesiæ accommodatum, quis non statim, non semper & ubique medela præsto esset. Deraum nunquam Appellantium Episcoporum numerus (quidquid sit de inferioris conditionis refractariis) tantus fuit, quantus ille Appellantium Hæreticorum in causa Pelagii, qui cum suo Duce Juliano novendecim erant, cum appellantes in Galliis Præsules nunquam plures, quam sexdecim fuerint; & hodie vix ullus sit.

Quantum ad *Prodigia*: extremum hoc effugium, & causæ deploratæ, nostro præsertim ævo, miserrimum præsidium est, ex hoc multiplici capite: omnes namque omnium sæculorum Hæretici in sui erroris & fidei sanctitatis patrocinium eminentia miracula jugiter jactitarunt: & D. Paris ad mortem usque doctrinæ Jansenianæ pertinaciter addictus, in æquissimam Formulæ Legem furiose debacchatus, cum Archi-Episcopo Ultrajectensi notorie

in-

intruso, schismatico, & nominatim excommunicato, arcta communione junctus, gloriatus tanquam de præclaro facinore, quod perdiu, exceptis diebus Festis & Dominicis, abstinuerit ab ingressu Ecclesiæ, & per biennium, etiam in Paschate, prætermiserit S. Communionem. Asserta Diacono S. Medardi, D. *Paris miracula*, post maturam ad juris præscriptum discussionem, declarata & rejecta sunt tanquam ficta, absorta, temere & contra Leges evulgata, caracteribus legitimis plane destituta, ab omni propterea fide abhorrentia, Deo indigna, & diabolica potius virtuti adscribenda.

Acta item ~~Vindicta~~ Appellantium de iis miraculis, seu *evidenter probatis*, ab Archi-Episcopo Paris. solenni mandato pronuntiata, ipso jure radiotus irrita, seu rem, seu formam spectes, omnino vitiosa, multis titulis abusiva, informis, inutilia &c. Ac demum ut Rex Christianissimus firmaret Archi-Episcopi Paris. sancita, & scandalum penitus aboleret, Cæmèterium S. Medardi solennibus Edictis claudi imperavit.

His adde, quod in pari concursu *prodigiorum & auctoritatis*, cujus est quævis miracula recognoscere ac approbare; Ecclesiæ auctoritati miracula cedere debeant tanquam columnæ & firmamento veritatis ita, ut qui eam non audit, sit *sicut ethnicus & publicanus*; vide hic TRID. Sess. 25. de Invocat. Ss. Adde Emin. Card. Lambertini, postea BENEDICTI XIV. opus pereruditum de Canonizatione Ss., ubi Tom. IV. c. 7. de vita D. PARIS ita habet: *totus & universus libelli, Vie de Paris, contextus eo unice collimabat, ut homo Apost. Sedi refragans, schismaticus, hæreticus, acerrimus impugnator Constitutionis, qua incipit, UNIGENITUS, pertinax Jansenistarum assensu, falsis ipsi attributis miraculis imaginem solidæ virtutis & sanctitatis præ se ferret. Sancte ergo & prudentissime Episcopi Gallicani abstinuerunt a sumendis informationibus juridicis; & sancte ac prudentissime insano, scandaloso & temerario cultui obstiterunt.*

Demum quæ insania, nostris temporibus, quæ impietas & irreligio vera etiam miracula arrodit, exploditque, ab iis hominibus, qui supra tot Pontifices, Archi-Episcopos, Episcopos & DD. sapere volunt, obtrudi scenica convulsionum & crucifixionum prodigia, verius figmentum mendacii & scandalis plenissima?

Inst.

Inst. 2. Nullo argumento solido clare evinci potest, quod Bulla, UNIGENITUS, sit universalis Ecclesiae Lex & Definitio dogmatica; ergo.

R. N. A. Vide num. 243. Adde, quod Archiepiscopus Parisiensis *de Beaumont*, quem jure dixeris avi nostri Chrysostomum; Tournely, Couet, & alii plerique Galli vere orthodoxi ita ratiocinentur:

Ea constitutio habenda est *dogmatica* Ecclesiae definitio, quam uti talem constanter praedicant Summi Pontifices, Cardinales, Synodi eade re habitae, Gallicani Praesules variis in Comitibus & Mandatis Pastoralibus, denique orbis catholici Metropolitae, suis expresse aut tacite consentientibus Suffraganeis: plaudentibus insuper tam domesticis, quam exteris sacris Facultatibus. Atqui ex dictis Bulla, UNIGENITUS, non ut mera disciplinae lex, sed ut *dogmatica* definitio, a Summis Pontificibus, Cardinalibus, Synodis, Praesulibus agnita fuit ac declarata, suffragantibus tum domesticis, tum extraneis Academiis, ergo.

Quae solidissima ratiocinatio siquem nihil admodum moveat; metuendum sane cum sapientissimo aequae ac Sanctissimo *Archi-Praesule Parisiensi* in sua Instruct. Past. de A. 1757., ne in Ecclesia, quae semper sollicita pro conservanda unitate, puritate ac integritate fidei, errorem sub quovis simulationis fuce aut larva testum nunquam tolerat; ne, inquam, amor novitatis, gustus singularitatis, vitium obstinationis agat praecipitem in *falsam* illam *scientiam*, quae tempore S. Pauli nonnullis causa erat *excidendi circa fidem*. I. Tim. VI. 21.

250. *Observa.* Ex dictis sequitur *nullas & irritas* esse appellationes ab hac dogmatica definitione Pontificis & Ecclesiae universalis ad Generale Concilium. Praeterea *illicitas* eas ostendunt Prohibitiones & Decreta Pii II. & Martini V. *Inutiles* denique probant tum experientia, qua novimus vel ejusmodi haereticorum exceptionibus nihil esse ab Ecclesia concessum, ut s. d. de *Juliano & aliis Pelagianis*; vel Ecclesiae etiam indulgentia quoad hanc rem Haereticis data nihil esse profectum; ut de *Lutheranis & Calvinistis* constat: tum *ratio*.

Quem

Quem enim in finem cogatur Concilium? An, ut certi aliquid statuatur de dogmate? sed sicut *Bajani & Janseniani* de Baji & Jansenii propositionibus fatentur, eas, prout jacent, damnatas esse; sic etiam *Quesnelli* de Ducis sui articulis negare non possunt. An ut a Concilio definiatur, sitne Baji, Jansenii & Quesnelli sensus hæreticus? Sed si Ecclesia in definiendis *factis dogmaticis* non est infallibilis, nec erit Concilium generale; cum auctoritas Ecclesiæ congregatæ in Concilio major non sit, quam Ecclesiæ extra Concilium dispersæ quidem, sed cum Capite suo aliquid communicato consilio decernentis.

Unde *appellationes* ejusmodi nihil aliud esse deteguntur, ac tergiversationes & subterfugia, quæ interim declinetur judicium Ecclesiæ, dum, quod his temporibus difficillimum est, confietur *generale Concilium*, id ipsum postea variis exceptionibus extenuandum. Vide Tract. de *Princ. Theol.*

DISPUTATIO V.

De Gratia Actuali.

CAPUT I.

De Natura Gratiæ Actualis.

ARTICULUS I.

An recte a quibusdam assignetur notio universalis gratiæ actualis?

251. **N**ota. Triplex est de gratia actuali sententia; 1^{ma} est QUESNELLI, quam exprimit prop. 19. *Dei gratia nihil aliud est, quam ejus omnipotens voluntas: hæc est idea, quam Deus nobis tradidit in omnibus suis scripturis.* In eundem sensum loquitur propp. 10. 11. & aliis pluribus. 2^{da} est ARNALDI tom. 7. ep. 598. ad D. du Vaucel, ubi asserit gratiam esse ipsam actionem deliberatam creaturæ. 3^{ta} est *Alvarexii*, *Lemos*, aliorumque vulgo Thomistarum, qui negant universim, gratiam esse vel

vel actum deliberatum & liberum, vel indeliberatum & vitalem duntaxat creaturæ rationalis; sed statuunt eam esse aliquid actibus hujusmodi prævium, eorumque causam, quam in *mortua aliqua qualitate* eaque duplici reponunt, quarum altera sit imo præveniens, qua efficiatur actus indeliberatus, & pertinens ad gratiam sufficientem: altera 2do præveniens, seu adveniens post actum imum constitutum, qua voluntas physice prædeturpinetur ad actus deliberatos, constituens gratiam efficacem.

252. *Dico I.* Gratia actualis nullo legitimo sensu potest dici Dei *omnipotens voluntas*. *Prob.* Gratia a Theologis spectatur vel *in seipsa* præcise, vel ex parte *principii*, vel ex parte *termini*; sed sub nullo respectu sensu legitimo dici potest omnipotens Dei voluntas: ergo. *Min.* quoad 1m. & 3tiam partem liquet; quia gratia in *se ipsa* præcise sumpta distincta sumitur a principio, quod est Dei voluntas: ex parte termini autem accepta non est nisi motus voluntatis creatæ. Quoad 2dam partem *prob.* 1. Quamvis voluntas Dei omnipotens esset *principium* gratiæ, tamen nec Scriptura, Concilia aut Patres gratiam vocant Dei omnipotentem voluntatem: nec Theologie aut Philosophice loquendo principium seu causa gratiæ dicitur gratia.

2. Quamvis gratia ex parte principii posset dici voluntas Dei, tamen non nisi erronee dicitur voluntas *omnipotens*, seu sub notione omnipotentis. Nam sub hac idea proponitur talis efficacia voluntatis divinæ, cui nunquam resistitur, nec resisti potest; sed talis idea convenire gratiæ actuali nequit, utpote cui voluntas humana resistere potest & sæpius resistit, ut ex Scriptura, Concilijs & Patribus liquet, atque ex damnatione prop. Quesnellianæ hujus eruitur; ergo.

3. Gratia ex constanti Ecclesiæ idiomate sonat illustrationem, visionem, suasionem *in intellectu*, aut inspirationem amoris, suavitatem, dulcedinem, voluptatem sanctam, concupiscentiam boni & delectationem coelestem *in voluntate*; sed hoc falsum esset, si Dei gratia *nihil aliud* foret, quam voluntas Dei omnipotens; ergo.

253. *Dico II.* Gratia actualis non est ipse actus creaturæ *deliberatus*. *Prob. I.* Actus deliberatus est consensus liber vocationi divinæ præstitus; sed hic non est gratia;

tia; tum quia est effectus gratiæ tanquam causæ: tum quia gratiæ natura est talis, cui possit homo non consentire; quod fieri non posset, si gratia esset ipse consensus: cum implicet in terminis esse simul consensum & dissensum, atque hinc gratiæ, quæ consensus sit, posse dissentire.

2. Ex *Conciliis & Patribus* manifeste constar, ab iis supponi gratiam excitantem esse distinctam a libera voluntatis actione; hinc TRID. sess. 6. Cap. 5. docet, hominem per gratiam excitantem motum, eidem gratiæ libere assentiendo, se disponere ad justificationem: & S. AUG. constanter contra *Pelagianos* gratiam proponit tanquam præparationem & inspirationem voluntatis, negat autem ipsam esse bonam voluntatem.

Hæc assertio tamen non impedit, quominus communiori sententia dicatur, *actus etiam deliberatos & efficaces* voluntatis subinde esse auxilia gratiæ ad alios actus salutare. Auxilium enim gratiæ ad salutariter operandum est donum supernaturale movens ad ita operandum salutariter; sed actus etiam deliberati sæpe sunt dona supernaturalia, ut patet passim ex S. Augustino & Trid. sess. 6. Cap. 16. ubi dicitur: *Tanta est Dei erga homines bonitas, ut eorum velit esse merita, quæ sunt ipsius dona*: præterea aliunde possunt movere ad actus alios salutare; quia actus charitatis juvat ad actus cæteros: & si affectus inefficax movere potest, a fortiori movebit sæpe actus deliberatus & efficax.

254. Dico III. Gratia actualis non consistit in qualitate aliqua mortua. *Prob.* Nec in Script., nec in *Clinis* aut *Ss. Patribus*, unde tota de *gratiæ auxiliis* doctrina ad nos dimanavit, expressum aut sufficienter judicatum est, aliquam qualitatem ejusmodi esse, aut referri ad auxilium gratiæ; officio enim id ostendendi & probandi necdum ab ullo Thomista est satisfactum. Ergo.

Conf. CONCILIA & PATRES videntur potius qualitatem ejusmodi a notione gratiæ rejicere. Trid. Sess. 6. C. 5. postquam dixisset, *exordium justificationis in adultis a Dei gratia præveniente, hoc est, ab ejus vocatione sumendum esse*; hanc vocationem deinde explicat per *illuminationem & inspirationem*, quarum illam esse cognitionem, hanc vero actum vitalem voluntatis exinde constat, quod dicatur, *per Spiritus sancti illuminationem*

cor

cor hominis a Deo tangi. S. Aug. autem L. 2. de pecc. mer. & rem. C. 19. sic loquitur: *Cum autem ab illo (Deo) illius adiutorium deprecamur ad faciendam perficiendamque iustitiam, quid aliud deprecamur, quam ut aperiat, quod latebat, & juave fiat, quod non delectabat; ubi similiter per Imum indicatur cogitatio intellectus, & per adum vitalis affectio voluntatis.* Jam vero exordium justificationis non fieret a vocatione, & aliud quid deberemus deprecari, si gratia primo præveniens aut etiam efficax staret in qualitate prævia & causa actuum indeliberatorum & deliberatorum.

Objectiones.

255. *Obje. contr. Imum cum Quesnellianis.* Ad Rom. 14. v. 4. dicitur: *Tu quis es, qui iudicas alienum servum? Domino suo stat, aut cadit. Stabit autem; potens est enim Deus statuere illum.* Ad Ephes. autem I. v. II. *In quo etiam nos sorte vocati sumus, prædestinati secundum propositum ejus, qui operatur omnia secundum consilium voluntatis suæ.* Ergo. *Conf. S. Aug. in ep. ad Vitalem statuit Deum ipsos persecutores ad se ipsum omnipotentissima facilitate convertere, ac volentes ex nolentibus facere.* Et L. de corr. & gr. C. 14. ait, *Deum sine dubio habere humanorum cordium, quo placuerit, inclinandorum omnipotentissimam potestatem.* Ergo.

R. N. Conf. Agnoscimus enim quidem, quod Deus possit illum, qui peccando cecidit, pristino statui restituere; non ideo tamen gratia nihil aliud est, quam *omnipotens Dei voluntas*: neque singulæ gratiæ sunt omnipotentes aut efficaces. Item voluntas quidem Dei absoluta, de qua textus alter utpote *ad prædestinatos* pertinens loquitur, effectum sortitur semper; sed cum aliud sit efficax Dei consilium dandi gratiam, aliud efficax obtinendi effectum gratiæ, neque hoc postremum in Deo semper sit: iterum nihil ex hoc textu pro objectione sequitur.

Ad Conf. rursus N. Conf. Quia rursus ex his textibus non sequitur, omnem gratiam esse efficacem, nullam sufficientem tantum, & cui reipsa dissentiat; quæ sequela ut quidem propria est *Calvini, Jansenii & Quesnelli doctrina*, sic *S. Augustino contraria*, ut alibi ostendetur.

256. *Obje.*

256. *Objic. contr. 3tium.* Gratia præveniens est pulsatio cordis juxta illud Apoc. 3. v. 20. *Ecce sto ad ostium, & pulso.* Sed pulsatio procedit effective a solo pulsante, non autem ab eo, ejus ostium pulsatur; ergo. *Conf.* Ibidem etiam pulsatio & vox separatur ab auditione, dum additur: *Si quis audierit vocem meam & aperuerit januam, intrabo ad illum &c.* Sed sola auditio est actus vitalis: vox autem & pulsatio est quid illam præcedens; ergo.

Re. D. M. Est pulsatio materialis. inanimata, sensusque mentis nostræ non perceptibilis N. spiritualis, animata seu vitalis, & hinc sensu mentis nostræ perceptibilis C. Hæc sicut sola creaturæ rationali convenit, ita secundum PP. & CC. formaliter fit per cogitationes *intellectus* & affectiones *voluntatis*; quia tamen Deus earum causa *principalis* physica & unica moralis est, ille per eas dicitur pulsare, creatura rationalis autem pulsari.

Ad Conf. D. M. Pulsatio & vox distinguitur ab auditione, si hæc sumatur pro actu deliberato seu consensu libero voluntatis C. si auditio sumatur pro actu indeliberato seu gratia excitante N. Vocem & locutionem Dei in nobis non esse qualitatem vel monitionem mortuam, sed spiritualem & vitalem, liquet tum ex Ps. 48. v. 9. ubi dicitur: *Audiam, quid loquatur in me Dominus*; quod ridicule diceretur, si locutio hæc nullo sensu mentis percipi posset, & hinc non esset vitalis: tum quia hanc vocem non tantum audiunt illi, qui januam sui cordis Deo pulsanti aperiunt, ut habetur in textu Apoc. cit.; sed illi etiam, qui januam cordis claudunt & obdurant, juxta Ps. 94. v. 8. *Hodie si vocem Domini audieritis, nolite obdurare corda vestra.* Inde autem sequitur Dei vocem talem esse debere, quæ mentis auribus audiri possit, & auditus nos non determinet infallibiliter ad aperiendum; vox autem ejusmodi nonnisi in actibus vitalibus indeliberatis statui potest.

Inst. I. Joann. 6. v. 44. dicit Christus: *Nemo potest venire ad me, nisi Pater, qui misit me, traxerit eum.* Et S. AUG. L. I. ad Bonif. C. 19. sic loquitur: *Non ait: duxerit; ut illis aliquo modo intelligamus procedere voluntatem. Quis trahitur, si jam volebas? Et tamen nemo venit, nisi velit: trahitur ergo miris modis, ut velit.*

B b

ab

ab illo, qui novit intus in ipsis hominum cordibus operari, ut volentes ex nolentibus fiant. Ergo juxta Aug. aliud est duci, aliud trahi; sed homines ducuntur actibus vitalibus; ergo trahuntur per gratiam non vitalem.

Item S. Paul. ad Rom. 8. enuntiat: *Quicumque Spiritu Dei aguntur, hi sunt filii Dei*; in quæ verba S. Aug. L. de gest. Pel. C. 2. dicit: *quoniam plus est agi, quam regi*. Sed per actus vitales homo regitur ad salutem; ergo per aliquid distinctum & non vitale agitur.

R. Per actus vitales intellectus & voluntatis omnia præstari, eosque ducere, regere, agere, trahere, & si quid aliud est, quod de gratia excitante vel efficaci dicitur. Homines enim non aguntur aut trahuntur ut lapides, bruta aut servi ligati, sed ut loquitur S. Th. in C. 6. Joann. Lect. 5. *Multipliciter trahit Pater ad filium, persuadendo, alliciendo, admirabili delectatione & amore veritatis*. Unde idem S. Doctor, interiorum instinctum divinæ operationis explicans usurpat semper actiones vitales, nempe *revelationem doctrinæ* in C. 15. Joann. Lect. 5. *motum spiritus S. revelantis & præcipientis* in C. 2. ad Galat. *vocationem interiorum* in 4. Dist. 17. q. 1. a. 1. &c.

Sensus vero S. AUG. apertus est ex scopo, quem intendit; & materia, in qua versatur; utpote qui contra Pelagianos hic probabat non præcedere gratiam voluntatem naturalem meritoriam gratiæ, sed ipsam etiam velle haberi per gratiam. Cæterum dum S. AUG. postrema verba sic concludit: *Spiritu sapientiæ, non viribus propriæ voluntatis reguntur & aguntur filii Dei*; ostendit eadem ratione, hoc est, per actus vitales, non autem qualitatem mortuam agi homines; sicut per eosdem, non autem hanc, ex adversariorum confessione reguntur.

Inst. 2. Supernaturalis illustratio & affectio voluntatis indiget principio supernaturali, physico, & intrinseco animæ; quia potentiæ *connaturalius* agunt per principium intrinsecum; quæ ratio est, qua existentia habituum supernaturalium & luminis gloriæ stabiliri solet.

Conf. Actio vel operatio Dei non est adjuvantis ad vitalem actum eliciendum, nec est realiter eadem cum actu vitali nostro, nec cum nostra actione; tum quia actio Dei est causa nostri actus vel actionis: tum quia Deus alius nostra

nostra actione juvaret nos ad nostram actionem, quod vel ridiculum, vel contradictorium est. Atqui *vocatio, illuminatio* &c. est operatio Dei nos adjuvantis ad actum vitalem eliciendum; ergo.

R. D. *prob.* Potentia connaturalius agunt per principium intrinsecum, si agunt permanenter & per modum status habitualis supernaturalis C. si agent transienter & sub ratione purae elevationis indebitae N. D. *sp.* est; quia in 1mo casu potentiae imitantur modum operandi naturae, quae ad sibi connaturalia permanenter se habet, & ideo etiam desiderat requisita ad operandum intrinseca, atque huc pertinent exempla in objectione allata. In 2do autem cum potentiae non operentur per modum naturae, sed *elevationis* duntaxat indebitae; non magis connaturale est, operationem fieri per principia intrinseca, quam extrinseca. Sicut enim nihil exigit potentiam elevari, sic nec exigit determinata elevationis principia.

Ad Conf. R. N. M. *rat.* 1m. D. Actio Dei immanens, h. e. decretum liberum, quo Deus vult actum vitalem in nobis producere, est causa nostri actus & actionis C. actio Dei transiens seu extrinseca *subd.* principiati-ve sumpta C. terminative vel modaliter sumpta N. Ad 2dam D. *seq.* Alias nostra actione formaliter ut nostra juvaret nos ad nostram actionem N. nostra actione sumpta formaliter ut Dei actione T. Dixi: *Transfert*; quia *proprie loquendo* non adjuvamus a Deo nisi ad illos actus, quos ipsi proprie agimus, nempe quos excitati libere facimus: actus autem vitales indeliberati & gratiae pure excitantis ac primo praeventientis, qui non sunt a nobis libere operantibus, proprie nostri non sunt; ideoque rectius secundum CC. & PP. simpliciter dicitur Deus in nobis eos *sine nobis* facere, quam ad eos faciendos nos juvare.

Inst. 3. Ex Apost. 2. ad Cor. C. 3. *Non sumus sufficientes cogitare aliquid ex nobis quasi ex nobis, sed sufficientia nostra ex Deo est.* Atqui haec sufficientia nostra non est cogitatio nostra; ergo est gratia distincta & cogitationem praeventiens.

R. 1. D. m. *subf.* Atqui haec sufficientia nostra non est cogitatio nostra respectu actuum indeliberatorum C. respectu actuum deliberatorum *subd.* non est sufficientia adaequata

C. inadequata & partialis **N.** Sufficientis nostra ad quoscunque actus salutare est ex Deo: aliter tamen ad actus *indeliberatos*, quam ad *deliberatos*; ad priores enim sufficientia non potest dari per actus indeliberatos, cum alias fieret progressus in infinitum; ad posteriores tamen dari potest per actus indeliberatos, nempe supernaturales cogitationes & affectiones, quæ proprie ex Deo, non autem ex nobis sunt, & partialiter saltem sufficientiam præstant ad meritorie agendum per actus deliberatos, ad quos excitant.

R. 2. T. m. D. conf. Est gratia distincta & cogitationem præveniens, per aliquid intrinsecum, qualitatem mortuum vel motionem prædeterminantem **N.** per aliquid extrinsecum, nempe assistentiam Dei vel Spiritus Sancti, quæ causa gratiæ creatæ seu gratiæ auxilium extrinsecum dici potest, cum ipse actus indeliberatus sit gratia formaliter talis, creatæ & intrinsecæ **C.** Unde patet qualitatem aliam mortuum ad negotium gratiæ perficiendum non esse necessariam, sed superfluum.

Inst. 4. PATRES ex adducto testimonio probant, insufficientiam ad salutariter operandum suppleri per gratiam distinctam & internam; ergo cum idem testimonium valeat pro pia illuminatione seu gratiæ excitante, probat similiter insufficientiam ad illam suppleri per similem gratiam intrinsecam.

R. D. Probant hoc **PATRES**, ex præsuppositione rationis certæ scilicet naturalis **C.** sine ea suppositione **N.** Nempe quia vel *absolute*, vel saltem *connaturaliter* voluntas tanquam potentia rationalis non potest agere, nisi intrinsece illuminata & excitata; hanc intrinsecam illuminationem merito supponunt, & hinc, dum ex verbis **APOSTOLI** exigunt gratiam ad salutariter operandum, recte etiam ad id postulant gratiam *internam*. Quod si nec hæc, nec ulla ratio similis occurreret, sed pari ratione voluntas posset juvari tam pure extrinsece, quam intrinsece; testimonium **Apostoli** etiam non probaret necessitatem gratiæ internæ ad salutariter volendum. Jam vero cum hæc ratio non teneat pro hoc, ut fiat ab intra illuminatio vel inspiratio supernaturalis, nec aliunde alia ratio probet; etiam **APOSTOLI** verba non faciunt pro auxilio *intrinseco* tanquam necessario ad producendas gratias excitantes.

ARTICULUS II.

Quanam sit natura gratia excitantis?

257. **D**ico I. Gratia excitans theologice sumpta formaliter stat in duplici actione vitali creaturæ rationalis, nempe *sancta cogitatione* circa objectum aut veritatem pertinentem ad salutem, quæ dicitur *illustratio*; & *pia affectio* ad actus salutares, quæ dicitur *inspiratio*. Prob. 1. quoad *illustrationem*. 2. ad Cor. 4. v. 6. dicitur: *Ipse illuxit in cordibus nostris ad illuminationem scientiæ claritatis Dei*. Et ad Eph. 1. v. 17. *Deus det vobis spiritum sapientiæ & revelationis in agnitione ejus; illuminatos oculos cordis vestri, ut sciatis*. &c.

II. Quoad *inspiracionem*. Pl. 20. v. 4. *Prævenisti eum in benedictionibus dulcedinis tuæ*. Et Joann. 6. v. 44. *Nemo potest venire ad me, nisi Pater, qui misit me, traxerit eum*.

III. Quoad *utramque*. Conc. Milevit. h. e. Afric. Can. 4. definit, utrumque esse donum Dei, & *scire, quid facere debemus, & diligere, ut faciamus*. Similiter S. Aug. L. 2. de pecc. mer. & rem. C. 17. vocat gratiam Dei, quæ *innotescit, quod latibat, & suave fit, quod non delectabat*. Quibus consonant dicta Aug. & Trid. n. 117. citata; Item Araus. II. Can. 5. 6. 7. ubi excitans nunc *illuminatio, nunc inspiratio* appellatur.

Conf. Gratia excitans theologice talis præter illustrationem debet habere adjunctam inspirationem, ut patet ex controversia S. Augustini cum Pelagio, a quo etiam postrema confessio exigebatur. Unde CELESTINUS I. ep. I. ad Episcopos Galliarum de gratia ait: *Præparatur voluntas a Domino, & ut boni aliquid agant, paternis inspirationibus suorum ipse tangit corda fidelium*. Conc. SENONENSE Decr. 15. de voluntate humana ait, eam *interiori quodam & occulto secretioris inspirationis afflatu contactam sese convertere ad Deum*. Trid. sess. 6. Can. 3. definit, *sine præveniente Spiritus S. inspiratione hominem credere, sperare, diligere aut pariter non posse, sicut oportet, ut ei justificationis gratia conferatur*.

258. Dico II. Sancta cogitatio & pia affectio ejusmodi sunt actus *indeliberati*, hoc est, vitaliter quidem & physice,

physice, non autem libere, a nobis producti, & entitative *supernaturales*. *Prob. 1m. p.* Hi actus a *TRIN.* scilicet 6. C. 5. & 6. dicuntur gratia *præveniens* & *antecedens*, nostram scilicet liberam operationem: dicuntur ab *Araus.* II. C. n. 20. *fieri in homine, sed non ab homine*, nempe humano modo ac libere: dicuntur ab *Aug. L. de corr. & gr. fieri sine nobis*, similiter libere operantibus; ergo.

Prob. 2d. p. Gratia excitans, quæ a *CC. & PP.* requiritur indiscriminatim ad actus salutare, vocatur *illuminatio Sp. Sancti: inspiratio, infusio & operatio* ejusdem: *vocatio alta, secreta, occulta, & profunda ordinationis*: gratia, quæ a Deo diffunditur in cordibus nostris, quæ fit *in nobis sine nobis*, quam Deus solus operatur in homine; ut patet ex Conciliis adhuc laudatis & *S. Aug.* S. d. hæc prædicata non conveniunt actui entitative naturali, ut per se patet, & adversarii cum suis sequacibus concedunt respectu actuum salutarium virtutis infusa; ergo.

Conf. Natura de se insufficiens elevatur per gratias excitantes, & potens fit ad actus salutare efficiendos; ut patet tum ex ratione, cur dentur a Deo hæc gratia; tum ex controversia *S. AUGUSTINI* cum *Pelagio*: tum ex natura ordinis, qui intercedit inter actum excitantem & ab excitatione proveniente. Atqui per actus seu gratias entitative naturales natura id obtinere nequit; ergo.

Objectiones.

259. *Objic. contr. 1m.* Juxta *CC.* laudata gratia excitantes sunt a Deo *in homine sine homine*; sed si essent actiones vitales physice ab homine productæ, hoc esset falsum; ergo.

R. D. m. Hoc esset falsum in eo sensu, quo *CC.* dicunt gratiam fieri sine homine *N.* in alio sensu a Concilio non intento *C.* Particula *sine nobis* vel homine, potest excludere triplicem hominis cooperationem, nempe meritoriam, liberam, & physicam. Jam vero 1mo certum est ex mente Conciliorum contra Pelagianos, gratias *prævenientes* & *prævenientes* fieri sine cooperatione hominis *meritoria*, & etiam libera seu propria sui ipsius, & propriis viribus determinatione. 2do certum etiam est, gratias *fieri in homine*, ut ait *Araus.*, *qua non facit homo neque*

dem *physice*; qualia sunt gratia sanctificans, habitus virtutum per se infusi, aliaque id generis dona. Sed & 3^{io} certum est, multa dici fieri sine homine, quæ tamen ipse homo *physice* producit; Sic enim Apostolus ad Rom. 7. loquens de motibus concupiscentiæ indeliberatis ait: *Si, quod nolo malum, illud facio; jam non ego operor illud, sed, quod habitat in me, peccatum.* Et Christus de responsionibus datis vel dandis ab Apostolis in confessione fidei Matth. 10. v. 20. *Non vos estis, inquit, qui loquimini; sed spiritus Patris vestri, qui loquitur in vobis.*

Porro a CC. & PP. excludi tantum operationem hominis *meritoriam* ac *liberam*, non vere *physicam* in gratiis excitantibus, patet ex *scopo*, qui erat, declarare hominem per suas naturales operationes non mereri vitam æternam aut primam gratiam, neque initium salutis in hominem, sed in solum Deum esse redendum; quod utrumque, etiam admissa operatione hominis *physica* tantum, saluum & verum manet.

Inst. 1. Si gratia excitans esset actio a nobis & Deo *physice* producta, sequeretur 1^{mo}, male dixisse Prophetam: *Auxilium meum a Domino.* 2^{do}, initium salutis non esse a solo Deo, sed etiam ab homine, contra Conc. Araus. II. Can. 25.

R. N. 1^{ra} *seq.* Tum quia auxilium, *ut auxilium*, est a solo Deo; licet, ut actus vitalis est, sit etiam ab homine: tum quia a solo Deo est *moraliter*, libere & determinative, quamvis *physice* & *materialiter* sit ab homine. In illis autem, quæ Deus in nobis facit nobis non libere, sed *necessario* concurrentibus, proprie loquendo nos non dicimur agere & esse causæ, sed agi & esse instrumenta; unde Dei misericordiæ soli tribuuntur, & nulla in nobis metipsis gloriatio esse potest. 2^{da} *seq. N.* similiter. Nam initium salutis *radicaliter* & *simpliciter* primum est sola Dei voluntas, a qua auxilium procedit: *formaliter* autem & cum addito primum, seu initium salutis nobis *intrinsicum* est gratia actualis interna, quæ a solo Deo libere & determinative procedit.

Inst. 2. Saltem gratia excitans non constituitur partialiter per *piam affectionem* voluntatis. Nam posita illustratione intellectus ex natura rei sequitur excitatio & motio voluntatis; tum quia ex propositione objecti necessa-

rio resultat aliquis motus in voluntate: tum quia obiectum non aliter agit in voluntatem, quam per speciem intellectui immissam, unde sola immutatio intellectus sufficit ad movendam voluntatem.

R. D. A. Sequitur ex natura rei motio voluntatis supernaturalis N. naturalis *subd.* aliquoties, si nempe vividissime proponitur bonum vel malum C. semper & necessario N. Nempe sicut supernaturalis illuminatio requiritur, ut sanetur ignorantia intellectus nostri circa salutaria caligantis; ita requiritur supernaturalis inspiratio, ut sanetur infirmitas voluntatis. Unde S. AUG. L. 1. ad Simplic: *Quæst. 2. quærit: Quis animo amplectitur, quodcum non delectat? quis habet potestatem, ut vel occurrat, quod cum delectare possit; vel delectet, quod occurrerit? cum ergo nos ea delectant, quibus proficiamus ad Deum, inspirat hoc & præbet gratia Dei.* Ex his Bælio liquet ad rationem 1am: 2da vero nihil aliud probat, quam obiectum non agere nisi mediante cognitione. Quod vel semper moveat, aut etiam motionem supernaturalem inferat, minime demonstrat.

Inst. 3. Si pia affectiva partialiter constituat gratiam excitantem, ergo excitatio voluntatis vel est eadem cum excitatione intellectus, vel gratia moraliter nova & distincta ab illustratione? non primum; quia Pelagius illustrationem admittens hoc ipso etiam admisisset gratiam inspirationis, quod falsum est ex dict.; & ubicunque esset illustratio intellectus, haberetur etiam motio voluntatis, quod falsum probat experientia: non 2dum; quia hoc & sine fundamento, & contra communem tum Patrum, tum Theologorum asseritur. Ergo.

R. N. Fundamentum pro hac veritate præbent argumenta num. 257. allata, & separabilitas illustrationis ab inspiratione, de qua testatur S. Aug. in Pl. 118. Conc. 8. *Sæpe quid sit agendum, videmus, nec agimus, quia non delectat, ut agamus. Prævolat intellectus, & tarde sequitur, & aliquando non sequitur humanus atque infirmus affectus.* Adde locum ad Simplic, proxime recitatum, & L. 2. de pecc. mer. C. 17. & 19. Quod de communi sententia adjectum est, scribit alius, se quævisse eam, sed nondum reperisse. Certe S. Tb. eam negat ubicunque, ubi docet affectum ad beatitudinem in communi esse necessarium quoad speciem.

260. *Objec. contr. 2d.* Vocatio Dei ad actus salutares sæpe est *entitative naturalis*, ut præter experientiam propriam docet S. Aug., qui L. 83. QQ. q. 68. cognitionem naturalem, quam habebat *Pharao* de beneficiis a Josepho præstitis, nominat vocationem, qua Deus illum excitabat ad misericordiam Israelitis exhibendam; L. de sp. & lit. C. 34. dicit Deum *facere, ut velimus, exhortationibus & visorum suasionibus*; epist. 150. refert, quod sermonibus Xenocratis quidam gentilis, *Polemo*, fuerit a vitiis revocatus; cui concinit S. Prosp. L. contr. Collatorem C. 14. docens, Deum trahere homines *contemplatione elementorum & rerum gestarum cognitione*. Quin S. Aug. L. de don. persev. C. 14. addit, *habere quosdam in ipso ingenio divinum naturaliter munus intelligentiæ, quo moveantur ad fidem, si congrua suis mentibus vel audiant verba, vel signa conspiciant.*

R. 1. Illæ cogitationes nonnunquam sunt *incongruæ*, ut in Pharaone accidit: nonnunquam sunt mere *speculativæ*, quales sunt contemplationes elementorum &c.; quæ quidem cognitiones juxta adversarios non sunt gratiæ Dei specialis; ergo ineffaciter ex allatis arguitur. **R. 2.** Non negamus, quod cogitatio naturalis congrua, & beneficia etiam externa sunt aliqua Dei gratia *in sensu latiore*; id vero inficiamur, quod hæc gratia sufficiat ad actus salutares, nisi illis accedat gratia interior alia, & quidem supernaturalis ac proprie dicta. Vel ergo in prædictis casibus dabatur hominibus illis potestas ad actus salutares, vel non? si *2dum*; nihil probant contra nos, licet gratia fuerit naturalis: si *1um*; debuit illis conferri occultior aliqua & supernaturalis gratia.

Inst. 1. Non potest fieri actus honestus sine gratia theologica; sed potest fieri sine gratia entitative supernaturali; ergo gratia theologica non debet esse entitative supernaturalis. *Maj. prob.* Joann. 15. dicitur: *Sine me nihil potestis facere.* Et 2. ad Cor. 3. *Non quod simus sufficientes cogitare aliquid ex nobis quasi ex nobis.* Item S. August. serm. 13. de verb. Ap. *Si adjutorium, inquit, Sp. Sancti defuerit, nihil prorsus agere boni poteris.*

R. Textus illos agere de actibus non tantum honestis, sed etiam *salutaribus*, atque hinc intrinsece supernaturali.

turalibus: sed præter hos dantur actus honesti alii, nihil conferentes ad salutem.

Inst. 2. Conc. Arauf. II. Can. 22. definit: *Nemo habet de suo, nisi mendacium & peccatum.* Et S. Aug. L. 3. ad Bonif. C. 8. ac L. de sp. & lit. C. 3. scribit: *liberum arbitrium nihil nisi ad peccandum valet, si lateat veritatis via.*

R. Utramque propositionem in sensu CONCILII & S. AUGUSTINI esse verissimam, quamvis in sensu *Baji & Quesselli* fuerit damnata; eoquod ille vellet esse peccatum, quidquid sine charitate fieret: hic autem sine gratia efficaci dari potestatem recte operendi negaret. Sensus vero CONCILII erat: *Nemo habet de suo*, h. e. sibi soli vel potissimum sibi tribuere non potest, nisi *mendacium & peccatum*; quia cætera bona sunt & Deo potissimum tribuenda, qui hominem gratia sua vel naturali, vel supernaturali excreat & adjuvat, ut operetur honeste.

Sensus autem S. AUG. potest esse triplex. *1us*, modo explicatus: *2dus*: liberum arbitrium nihil valet ad salutare quidpiam, sed tantum ad malum; quæ propositio, quamvis absolute sumpta concedi non debeat, cum possint dari alia opera, scilicet naturaliter honesta; tamen in subarrata materia manet vera, cum de operibus naturaliter honestis nulla S. Augustino disputatio erat cum Pelagio, sed tantum de necessitate gratiæ ad salutem; ubi hic asserbat liberum arbitrium sibi sufficere ad salutem, ille negabat; contendens etiam id mere sufficere ad peccandum & amittendam salutem; atque hinc tota comparatio inter hæc duo extrema, *peccatum & actum salutarem*, versabatur: *3tius* sensus est *moralis*; ut enim de crudeli dici solet, cum nihil præter sanguinem cogitare; de avaro, cum nihil scire, aut querere præter pecuniam & bona terrena; sic *Pelagio* plus iusto potestatem liberi arbitrii ad opera salutaria exaggeranti S. AUG. merito opponit, liberum arbitrium ex se nihil posse, nisi peccare; quæ loquendi formula non negatur, quod alia simpliciter possit; sed quod homo sibi relictus vix possit aliud, quam peccatum.

Inst. 3. Pro actibus honestis naturalibus & *gratis* agimus, maxime pro actu aliquo heroico, vel victoria gravis tentationis.

Ora.

Oratio æque ac gratiarum actio fieri omnino potest etiam pro beneficiis quibuscunque ac mere naturalibus. Quod actus hereticos attinet, illi propter difficultatem & victoriam tentationum aliquando salutariter fiunt, & tunc requiritur gratia theologica: nonnunquam fiunt ex vanitate, vel per actum vitii oppositi: subinde fieri poterunt per actum naturalem honestum, si difficultas nec magna sit, nec diuturna.

Inst. 4. Omnes actus intellectus & voluntatis entitative supernaturales saltem in homine iusto procedunt ab aliqua virtute infusa; sed nulla est assignabilis, a qua actus illi indeliberati proveniant; ergo.

R. N. m. Illustrationes enim referri possunt ad dona Spiritus Sancti; inter quæ donum intellectus specialiter dirigit nostrum intellectum, ut supernaturalia mysteria credat, vel amanda convenienter apprehendat: donum scientiæ & sapientiæ æstimationem de propositis odio vel amore dignis suppeditat: donum consilii præstat de illis iudicium practicum & infert. Pia affectiones similiter revocantur ad virtutes infusas voluntati proprias; nempe vel ad spem, si sint desideria imperfecta salutis: vel ad charitatem, si sint imperfecta affectio ad Deum ipsum vel bonum divinum: vel ad alias virtutes morales, ad quarum vel proprias rationes formales afficiunt, vel exercitium inclinant voluntatem.

QUÆRES. *In quibusnam actibus intellectus & voluntatis consistat gratia excitans?*

261. R. I. Illustratio intellectus habetur maxime per iudicium; imò haberi potest per apprehensionem suavisam. Prob. 1^m. p. Quod vel nullus actus intellectus, vel maxime iudicium excitare intellectum & movere voluntatem queat, patet 1. ex naturalibus, ubi iudicium præcipue dirigit voluntatem: 2. ex Patribus & Conciliis, qui excitationem explicant per cognitiones, revelationes, suasiones, exhortationes &c., quæ maxime fiunt per iudicia. Prob. 2^d. p. Hoc enim non repugnat ex prædicato supernaturalitatis; quia ejusmodi apprehensio potest esse naturæ omnino indebita, & per se conducere ad salutem; neque ex prædicato excitationis; quia vel mediate vel immediate potest allicere intellectum, præsertim si admittatur appre-

apprehensio *suasiva*, h. e. talis, quæ proponit convenientiam objecti, licet nihil de eo determinet iudicio absoluto.

262. B. II. Inspiratio plerumque est *affectio simplex* & indeliberata; potest tamen actus etiam deliberatus & efficax voluntatis esse gratia excitans ad alios actus salutare. *Prob. 1m. p.* Gratia excitans fit a Deo in nobis sine nobis, ut moveamur ad salutariter operandum. *1mum* autem potissimum pertinet ad affectionem simplicem & indeliberatam: *2dum* porro eidem etiam convenit; cum pia affectio plurimum juret ad salutariter deliberandum & decernendum. *Ergo:*

Prob. 2d. p. ex d. num. 1552. Quibus accedant, quæ S. AUG. scribit L. de gn. & lib. arb. c. 16. *Certum est, nos servare mandata, si volumus; sed quia preparatur voluntas a Domino, ab illo petendum est, ut tantum velimus, quantum sufficit, ut volendo faciamus. Certum est, nos velle, cum volumus; sed ille facit, ut velimus bonum, de quo dictum est: Deus operatur in nobis & velle & perficere. Certum est, nos facere, cum facimus; sed ille facit, ut faciamus, præbendo vires efficacissimas voluntati.* Nempe si præcipitur aliquid difficile, v. g. martyrium pati, a Deo petendum est, ut velimus pati mortem, vel ita pati, ut reipsa ea volitio patiendi sit efficax; ergo volitio efficax & efficacissima ac deliberata juxta S. AUG. est gratia ad ponendos alios actus salutare.

Similia habet C. 17. de volitione indeliberata, quam *voluntatem parvam & invalidam* vocat; & de deliberata quam dicit *majorem & robustam*. Quod porro actus deliberatus non sit sine nobis, impedit quidem, quominus sit gratia *primo* excitans, non autem excitans simpliciter; cum sit donum Dei, & plurimum moveat ad alios actus salutare.

263. B. III. Non omnis inspiratio vel gratia voluntatis semper est formaliter amor, multo minus *charitas* proprie dicta. Est contra Jansenii discipulos. *Prob. 1m. p.* Timor & odium sæpe sunt gratia voluntatis, ut patet ex TAIN. sess. 14. C. 4. Sed ista non sunt formaliter amor; tum quia nomine amoris intelligitur inclinatio propensio versus aliquod objectum; nomine autem timoris venit fuga & aversio ab objecto: tum quia nec formaliter sunt concupiscentia, nec charitas, cum juxta

Trid. procedant a gratia & Spiritu S. nondum inhabitante, sed movente. Ergo.

Conf. S. Th. 1. 2. q. 25. a. 2. & q. 26. a. 1. ad 2., cum retulisset ex S. Aug. L. 14. de Civ. c. 7. hæc verba: Amor inhians habere, quod amatur, cupiditas est; id autem habens eoque favens, latitia; Et fugiens, quod ei adversatur, timor est; idque, si acciderit, sentiens, tristitia est; sit illa esse exponenda non formaliter ac essentialiter, sed causaliter; quod ipsum 2. 2. q. 17. a. 8. & q. 19. a. 9. alibique repetit, asserens, omnes animi motiones ab amore pendere, eique esse relativas ac subordinatas. Unde ab adversariis actus voluntatis averfantis male dicitur amor objecti cum cognitione alterius objecti, quod primo contrarium est; quia quævis ex his profluat actus voluntatis averfantis, atque hinc illa possint dici causa: tamen nequeunt dici ipsa natura hujus actus; cum posito illo amore & posita etiam cognitione contrarietatis necdum intelligatur formaliter, neque etiam sæpe habeatur odium vel aversio voluntatis.

Prob. 2d. p. Eodem argumento de timore & odio, quo probata est prior pars; & urgeri potest in aliis actibus, fidei scilicet, spei, aliisque, quibus peccatores ad justificationem juxta TRID. test. 6. C. 6. disponuntur; de his enim constat, eos non esse formaliter charitatem, cum præcedant initium dilectionis Dei. Conf. Si gratia nihil aliud esset, quam charitas proprie dicta, aut ejus inspiratio, nullum Christianæ pietatis opus posset fieri sine charitate; cum ad opera veræ & Christianæ pietatis gratia sit necessaria. Atqui hæc sequela tanquam sæpius in QUESNELLO aliisque damnata admitti nequit, ut etiam probabitur; ergo. Sed de his, una & objectionibus alibi uberius.

264. Observa. Probabilius videtur asserendus moræ. His duntaxat influxus gratiæ excitantis. Prob. Tum quia huic favent CC. & PP., qui gratiam excitantem explicant per vocationem, suasionem, tractionem eamque moralem, quam S. AUG. paritate ovīs ramo viridi ostenso tractæ proponit: tum quia actus vitalis supernaturalis, qualis ex d. est gratia excitans, non influit physice in alios actus vitales, sic ut nec hoc respectu actuum naturalium ex communiore in Philosophia admittitur: tum quia nec merita aut sanguis Christi, nec Sacramenta, aliæque similia in Theologico

gicis ex communi systemate conceduntur, prestare effectum suum *physice*, qui iis in Scriptura & Conciliis tribuitur.

ARTICULUS III.

Quenam sit natura gratia adjuvantis?

265. **N**ota. Consentiunt TT., quod in omni actu salu-
lari interveniant principium supernaturale,
omnipotentia Dei, & realis actio, qua actus salutaris ab
omnibus suis principiis activis indivisibiliter pendet. Gra-
tia *adjuvans* recte dicitur consistere in actione, qua Deus
ut specialis gratiae auctor actum salutarem nobiscum libere
operantibus *physice* producit; unde & in Scriptura *noster*
adjutor dicitur. Gratia *præveniens* sumpta *inadequate*,
prout præcise & formaliter excitat & allicit hominem per
sanctas cognitiones & pias affectiones, est distincta a gra-
tia adjuvante: cum illa sæpe, hæc vero nunquam sit sine
actuali hominis cooperatione, & teste AUG. L. 2. de pecc.
mer. c. 5. *adjuvari non possit, nisi qui ipse aliquid agat*.
De sumpta *adquate*, prout complectitur totum actum
primum ad salutariter operandum, hic quaeritur 1. an di-
stinguatur entitative a gratia adjuvante? 2. an gratia adju-
vans & cooperans qua talis possit esse præveniens? 3. quid
sit gratia adjuvans in homine iusto, quid in peccatore aut
infideli?

266. **Dico I.** Gratia adjuvans entitative non distin-
tur a gratia excitante *adquate* & *principiative* sumpta.
Prob. I. ex SCRIPTURA. Apost. I. ad Cor. 15. v. 10. ait:
*Gratia Dei in me vacua non fuit, sed abundantius omni-
bus laboravi; non ego autem, sed gratia Dei mecum*.
2. ad Cor. 6. v. 7. *Exhortamur, inquit, ne in vacuum*
gratiam Dei recipiatis. In his autem textibus loqui Apo-
stolum de *gratia adjuvante* certum est; non loqui autem
de gratia distincta ab excitante, ostenditur: Loquitur de
gratia, quæ semel recepta potest reddi vacua ab operatio-
ne; ideo enim gloriatur in Domino, quod illam gratiam
non receperit in vacuum, & hortatur alios, ne illam in
vacuum recipiant: quæ duo frustranea essent, si illa gratia
semel recepta non posset esse vacua. Sed hoc unice con-
venit *gratia excitanti* seu *constituenti* actum primum
cum

cum juxta adversarios gratia post actum primum præveniens & prædeterminans actum secundum semel habita vacua esse nequeat. Ergo.

II. TRID. Sess. 6. C. 5. dicit, homines per excitantem & adjuvantem gratiam, eidem gratia libere assentiendo & cooperando disponi ad justificationem; ergo ex Tridentino eadem est gratia excitans & adjuvans; quia si distinctæ forent, non diceret: eidem gratia; sed gratiis iisdem.

III. S. Aug. serm. 13. de verb. Apost. inquit: *Spiritus Dei, qui te agit, agentibus adiutor est*; Spiritus autem agens est gratia excitans, & Spiritus adiutor gratia adjuvans; ergo. Et L. de gr. & lib. arb. C. 17. *Ille facit, ut faciamus, præbendo vires efficacissimas voluntati*; sed gratia præbens vires est gratia excitans, actum primum constituens: gratia faciens, ut faciamus, est gratia adjuvans; ergo. Conf. Virtus efficiens in actu secundo actum naturalem est illa ipsa virtus, quæ constituebat potestatem actus primi: ergo virtus in actu secundo efficiens actum supernaturalem est etiam illa ipsa, quæ constituebat potestatem actus primi.

267. Dico II. Gratia adjuvans & cooperans qua talis non potest esse gratia præveniens nostram operationem. Prob. Ss. PATRES, explicantes munus & officium gratiæ adjuvantis, tribuunt illi prædicata, quæ significant simplicem comitantiam, quæque supponant gratiam ut excitantem prævenire: S. AUG. in Enchir. C. 32. sic loquitur: *Propterea dictum non volentis neque currentis, sed miserentis est Dei, ut totum Deo detur, qui hominis voluntatem bonam præparat adjuvandam & adjuvat præparatam. . . Nolentem prævenit, ut velit; volentem subsequitur* (scilicet negative, h. e. non antecedendo) *ne frustra velit*. Similia refert L. de grat. & lib. arb. c. 17. & c. 32.

Dixi: *Præveniens operationem nostram*; Nam & gratia etiam ut adjuvans prævenit merita natura; qui communis est sensus Ss. Patrum contra Pelagianos de necessitate gratiæ prævenientis agentium: 1. prævenit nostram justificationem; quia ad eam disponit.

268. Dico III. In homine iusto, gratis præveniente ad actus supernaturales excitato, gratia adjuvans physice est

est habitus virtutis supernaturalis per se infusa, influens in effectum seu actum salutarem. *Ratio est:* Quia ejusmodi habitus habet se adinstar naturæ respectu actuum supernaturalium: sicut ergo naturalis agendi vis est principium actionis supernaturalis, sic etiam habitus supernaturalis est principium actionis supernaturalis.

Nec obstat, quod habitus sint aliquid *permanens*, gratia autem adjuvans juxta CC. & PP. non sit auxilium *permanens*. Nam quamvis habitus supernaturales quoad se spectati sint complementum stabile, dans animæ simpliciter posse, h. e. facultatem & virtutem supernaturaliter operandi tunc, quando ipsa congrue excitata decernit supernaturaliter operari: tamen spectati quoad *actualem influxum*, & prout connotant speciale decretum ac concursus Dei in ordine supernaturali specialem, non sunt aliquid *permanens*, sed quid *transiens* dici possunt.

269. Dico II. In homine *habitibus supernaturalibus carente* principium gratiæ adjuvantis est Deus ipse, vel Spiritus S. specialiter assistens, & defectum alterius principii intrinseci in genere causæ efficientis per se immediate supplens. *Ratio est:* Quia hic modus juvandi potentiam naturalem ex se insufficientem *inprimis* est possibilis; ut patet ex dictis de visione beatifica & intuitiva Dei; *Deinde* est necessarius; cum enim hic assignandum sit aliquod principium supernaturale physice activum: neque intrinsecum ullum reperiatur, ad Deum recurrendum est: *Denique* non est contra ordinariam Dei providentiam, sed eidem potius maxime consentaneus; quia ad Deum tanquam *causam universalem & primam* in quolibet ordine spectat supplere defectum causarum secundarum, si ipsis desit virtus intrinseca ad connaturaliter operandum, & maxime si nondum sunt capaces hujus virtutis, sed ad illam per operationes alias minus perfectas tendunt; ut in nostro casu contingit.

Nec dicas 1mo. Dei potentia non potest supplere defectum piæ illustrationis & inspirationis; ergo nec defectum habituum supernaturalium.

2do. Ad providentiam Dei pertinet dare causis secundis virtutem intrinsecam, quæ operentur; ergo.

3o. *Ad 1um.* *Disparitas est:* Cum gratia excitans formaliter consistat in cogitatione & affectione voluntatis vitali,

vitali, in hac ratione seu genere *causæ formalis* suppleri a Deo nequit; quia vero gratia adjuvans principium præcise *physice effectivum* actus supernaturalis est, & hic intelligitur; Deus potest supplere hanc causalitatem physice effectivam habituum, utpote quæ illi conveniens, imo divinæ ejus omnipotentiae propria est. *Ad 2dum R.* Antecedens verissimum esse imò in actionibus naturalibus, 2do etiam in supernaturalibus tunc, quando homo in statu supernaturali *perfecto*, scilicet gratiæ justificantis, est & operatur; non item, quando est in statu imperfecto aut non justitiæ, aut etiam injustitiæ.

270. *Observa.* Adjutorium gratiæ adjuvantis non est *tota ratio* agendi; sed voluntas per illud elevata etiam cum illo concurrit tanquam *concausa* ad actus salutes liberos. Patet ex SCRIPT. I. ad Cor. c. 15. v. 10. *Abundantius*, inquit, *omnibus laboravi: non ego autem, sed gratia Dei mecum.* Sed si Paulus ipse non esset operatus cum gratia adjuvante, dicere nequivisset, non ego, scilicet solus, nec gratia sola, sed gratia mecum. *Ex TRID.* Sess. 6. Can. 4. *Siquis dixerit, liberum hominis arbitrium a Deo motum & excitatum nihil cooperari assentiendo Deo excitanti atque vocanti, sed velut inanime quoddam nihil omnino agere, mereque passive se habere; anathema sit.* Hoc ipso vero non physicum duntaxat, sed & liberum voluntatis influxum stabiliri, satis intelligitur ex Sectariorum sensu alibi declarato. *Ex S. AUG.* quæ serm. 13. de verb. Apost. jam aliquoties cit. sic ait: *Dicit mihi aliquis: ergo agimur, non agimus. Respondeo: imò & agis, & ageris. Et tunc bene agis, si a bono agaris: Spiritus enim Dei, qui te agit, agentibus adjutor est: ipsum nomen adjutoris præscribit tibi, quia & tu ipse aliquid agis &c.*

Videlicet actui nostro saluari non minus essentialia est esse entitative *vitali* ac *liberum*, quam esse entitative *supernaturalem*; Ergo sicut entitativam supernaturalitatem non potest accipere proprie ab anima, quamvis congrue excitata, sed a gratia eam adjuvante; sic entitativam etiam vitalitatem & libertatem non potest accipere a gratia adjuvante, quæ non est principium vitale, sed a potentia vitali animæ per gratiam elevata, illiusque libera tendentia.

ARTICULUS IV.

*Quodnam sit discrimen inter gratiam naturæ integræ
& naturæ lapsæ?*

271. **D**ico I. Differentia utriusque gratiæ præcipue nititur doctrina S. AUG., quam proposuit Libro de *Corruptione & gratia*.

Cum enim S. Doctor ante exarationem hujus libri defendisset, liberum arbitrium nec destrui prædicatione gratiæ, nec e contrario gratiam prædicatione liberi arbitrii, quamvis inculcaret, quidquid per gratiam & liberum arbitrium fieret, id non homini, sed Deo simpliciter adscribendum, juxta illud: *Non est volentis neque currentis, sed miserationis Dei*; Monachus quidam Adrumetinus novam difficultatem movit asseruitque, ex prædicatione talis gratiæ, cujus dono & bona opera, & perseverantiam accipimus, sequi, quod nemo corripi debeat, si mandata non observet; sed orandum esse duntaxat, ut, quod faciendum Deus præcipit, id homini, ut faciat, divino munere largiatur.

Hanc difficultatem ut solveret, scripsit AUGUSTINUS memoratum librum, cujus scopus est ostendere, & Deum per gratiam nobis donare opera bona & perseverantiam, & tamen recte *corripi* eos, qui nec bene operantur, nec perseverant; atque hinc & fidem de gratiæ dono, & *orationem & corruptionem* retinenda esse tanquam amica, quæ Monachus ille repugnare invicem arbitrabatur. Porro in hujus argumenti pertractatione multa tum de gratiæ auxilio, tum de dono perseverantiæ comparate jam ad naturam *integram*, jam ad naturam *lapsam* profert, unde discrimen inter utriusque naturæ gratias statuatur. Præcipuas in hanc rem propositiones ex libri hujus C. 11. & 12. excerptas subjicimus.

Propositio I. Gratiæ adjutorium etiam naturæ integræ necessarium erat. Sic enim S. Aug. C. 11. *Quoniam liberum arbitrium ad malum sufficit, ad bonum autem parum est, nisi adjuvetur ab omnipotenti bono. Et post: Tunc dederat homini Deus bonam voluntatem; in illa quippe eum fecerat, qui fecerat rectum. Dederat & adjutorium, sine quo in ea non posset permanere, si vellet. Conf.* Ex constanti S. Doctoris doctrina
de

CAP. I. DE GRATIA NAT. LAPSE ET INTEG. 403

de necessitate gratiæ, pro qua sufficiat textus ex L. de nat. & gr. C. 20. *Sicut oculus plenissime sanus, nisi candore lucis adjutus, non potest cernere; sic homo etiam perfectissime justificatus, nisi æterna luce justitiæ divinitus adjuvetur, non potest recte vivere.*

Prop. II. Gratia naturæ integræ erat alia, ac naturæ lapsæ. Sic Aug. C. 11. Quid ergo? Adam non habuit gratiam? Imo vero habuit magnam, sed disparem... Ille non opus habebat eo adjutorio, quod implorant isti (Sancti in hac vita) cum dicunt &c.

Prop. III. Gratia naturæ lapsæ est potentior & major, quam illa integræ. Sic S. Aug. C. 11. Proinde etsi non interim latiore nunc, veruntamen potentiore gratia indigent isti. Item: Hac prima est gratia, qua data est primo Adam: sed hac potentior est in secundo Adam... Nec illa quidem parva erat Hac autem tanto major est &c.

Prop. IV. Gratia naturæ integræ præstabat potentiam faciendi bonum & perseverandi: illa autem naturæ lapsæ etiam ipsam velle & perseverare. Sic Aug. C. 11. Prima est enim, qua fit, ut habeat homo justitiam, si velit: secunda ergo plus potest, qua etiam fit, ut velit; Et tantum velit, tantoque ardore diligat, ut carnis voluntatem contraria concupiscentem voluntate spiritus vincat &c. Item: Est quippe in nobis per hanc Dei gratiam in bono recipiendo Et perseveranter tenendo, non solum posse, quod volumus; sed etiam velle, quod possumus. Quod non fuit in homine primo; unum enim horum in illo fuit, alterum non fuit. Namque . . . acceperat posse, si vellet; sed non habuit velle quod posset; nam si habuisset, perseverasset.

Prop. V. Gratia in natura integræ erat penes & per liberum arbitrium: in lapsa autem per donum gratiæ. Sic Aug. C. 11. Istam gratiam non habuit homo primus, qua nunquam vellet esse malus: sed sane habuit, in qua si permanere vellet, nunquam malus esset, Et sine qua etiam cum libero arbitrio bonus esse non posset, sed eam tamen per liberum arbitrium deserere posset. Nec ipsum ergo Deus esse voluit sine sua gratia, quam reliquit in ejus libero arbitrio.

Prop. VI Gratia pro utraque natura notio & officium intelligenda sunt ex duplici adjutorio, sine quo non, & quo; de quibus S. Aug. C. 12. ita scribit: Itemque ipsa adjutoria distinguenda sunt. Aliud est enim adjutorium, sine quo aliquid non fit; & aliud est adjutorium, quo aliquid fit. Nam sine alimentis non possumus vivere; nec tamen cum adfuerint alimenta, eis fit, ut vivat, qui mori voluerit. Ergo adjutorium alimentorum est, sine quo non fit, ut vivamus. At vero beatitudo, quam non habet homo, cum data fuerit, continuo fit beatus. . . . Primo itaque homini, qui in eo bono, quo factus fuerat rectus, acceperat posse non peccare, posse non mori, posse ipsum bonum non deserere, datum est adjutorium perseverantiae, non quo fieret, ut perseveraret; sed sine quo per liberum arbitrium perseverare non posset. Nunc vero sanctis in regnum Dei predestinatis non tale adjutorium perseverantiae datur, sed tale, ut eis perseverantia ipsa donetur; non solum ut sine isto dono perseverantes esse non possint, verum etiam ut per hoc donum nonnisi perseverantes sint. Atque ex his propositionibus satis apparet, sermonem hic esse de duplici gratia, Actionis & Perseverantiae; imo ad hanc ibidem omnia referti.

272. Dico II. Ex HH. erroribus & TT. opinionibus variae sententiarum classes circa discrimen gratiae pro utraque natura emergunt, quarum praecipuas hic recensemus.

1ma Classis est eorum, qui desumunt discrimen ab entitate gratiae. Juxta hos Adamo ad bene agendum & perseverandum nulla alia opus erat gratia, quam habitualis; & hinc in statu naturae integrae nulla praeveniens gratia nequidem illustrationis, seu pro intellectu necessaria fuit.

2da est eorum, qui discrimen repetunt a viribus gratiae. Ad horum numerum pertinent 1. *Lutherus & Calvinus*, juxta quos gratia sanitatis erat talis, cui voluntas innocens & sana posset assentiri vel resistere: medicinalis autem erat ejusmodi, quae infirmam hominis lapsi voluntatem necessitet; ut ex L. de serv. arb. & L. 2. Instit. C. 5. liquet.

2. *Jansenius* cum plerisque sequacibus, qui L. de gr. primi hom. C. 14. alibique adjutorium sine quo non dicit esse quamcunque gratiam etiam voluntatis, cui he-

mo

mo ex indifferentia arbitrii potest ass- vel dissentire; unde colligitur adiutorium *quo* esse gratiam, cui voluntas non potest dissentire potentia saltem relativa. Præterea L. 2. de gr. Chr. C. I. 4. 17. & alibi sapius docet gratiam libero arbitrio permissam, seu adiutorium *sine quo non*, datam fuisse Adamo innocenti & Angelis: nunc autem homini lapsa ita necessarium esse adiutorium *quo*, ut sine illo nullum bonum velle possit & operari.

3^{ta} est eorum, qui discrimen accersunt a *necessitate gratiæ efficacis*. Hi enim asserta gratia tum intellectus, tum voluntatis utrique naturæ necessaria, statuunt præter gratiam sufficientem in natura integra non fuisse necessitatem gratiæ efficacis, quam tamen pro statu naturæ lapsæ assignant.

4^{ta} est eorum, qui *prædeterminationem physicam* pro utroque statu requirunt ex Dei in creaturas dominio & causæ primæ ratione. Inter hos alii discrimen in sola gratia sufficiente collocant, quam in statu innocentie sola illustratione, in statu præsentis illustratione simul & affectione perfectam existimant: alii a prædeterminatione derivant, quam nunc magis virtuosam, ac tunc fuerat, esse censent.

5^{ta} est eorum, qui gratiam *extrinsece* duntaxat *efficacem* vel congruam admittunt. Horum plerique in hoc conveniunt: ad primum actum bonum, quo *Angeli & Adam* dicuntur se disposuisse ad gratiam sanctificantem, necessariam fuisse gratiam intellectus una & voluntatis, sicut eadem gratia requiritur nunc pro nobis ad actus salutare: verum ubi natura innocens jam evecta erat ad esse supernaturale per gratiam habitualem, ad reliquos actus salutare non indiguisse *Adamum & Angelos* gratia præveniente alia, quam gratia intellectus seu illustratione, eaque sive efficaci sive inefficaci; adeoque discrimen in eo versari, quod homo in natura integra potuerit recte operari præcedente sola mentis illustratione: in natura autem lapsa non possit, nisi accedente etiam gratia voluntatem præveniente & movente.

ARTICULUS V.

Quid sit Adjutorium quo, & sine quo non, ad mentem S. Augustini?

273. **N**ota I. Adjutorium quo, & sine quo non, ejusque discrimen JANSENIUS vocat *clavim* in scripta S. Augustini, *filum* in labyrintho ejus scriptorum, *fundamentum* & *basin* doctrinæ de gratia, quam S. AUG. non prius, quam in fine vitæ luculentissime declaraverit. Verum *gratis* omnino hæc asserit Jansenius, cum S. Augustinus hanc distinctionem semel tantum, & post devictos jam Pelagianos, paucis verbis, ac velut obiter strictimque tradiderit; nec sine *injuria* tum S. AUGUSTINI, acis 20 annis pro vera gratiæ & libertatis intelligentia contra Pelagianos disputans vel stolide ac ignoranter, vel invidie aut parum prudenter se gessisset: tum Ss. Pontificum INNOCENTII & ZOSIMI, nec non omnium Catholicorum, quod illi quæstiones de gratia definierint, & hi definitas susceperint ante scriptum de Corr. & Grat. Librum, ignorantes unicam vere doctrinæ *clavem*, *filum* & *basin*: tum Ss. Patrum & TT. ante Calvinum, ejusque plagiarium Jansenium, utp. in quorum scriptis nihil occurrat de *adjutorio quo*, pro gratia necessitante accepto.

274. **N**ota II. Inter TT. etiam orthodoxos non satis convenit, quid nomine utriusque adjutorii intellexerit S. AUGUSTINUS. Alii per adjutorium *sine quo* unice intellectam volunt gratiam habitualement: alii solam gratiam intellectus: alii gratiam versatilem voluntatis: alii demum habitualement gratiam, & simul cœlestem intellectus illustrationem. Circa adjutorium *quo* plerique existimant, illud exponendum esse de actuali gratia efficaci, qua Deus ipsam perseverandi voluntatem in Sanctis infallibiliter operatur: alii de ipsamet formali perseverantia id intelligunt: alii utroque sensu illud accipiunt, tum pro dono, tum pro adjutorio speciali perseverantiæ, ac simul pro gratia vel congrua, vel ex se efficaci ad salutem iter operandum infallibiliter. Certum autem, quod Catholicorum nemo aut hoc aut illud adstruat a S. AUG. assertum in sensu *Calvini* aut *Jansenii*.

275. **N**ota III. S. AUG. nomine adjutorii *quo*, & *sine quo non* præcipue expressit perseverantiam *theologicam* sum-

sumptam, h. e. permanentiam in gratia sanctificante finalem, vel sine libera cooperatione hominis, e. g. in parvulis & aliis statim post justificationem morientibus, vel cum cooperatione, e. g. in Angelis bonis, & jam in plerisque Sanctis adultis. Hæc perseverantia *adæquate* sumpta, prout includit omnia ex parte causæ, mediorum & effectus, diciturque Dei providentiam & misericordiam erga prædestinatos specialem, qua illos rapit ex hac vita, dum sunt in gratia sanctificante, dici potest *gratia perseverantia*. Sumpta *inadæquate* dici potest vel *donum perseverantia*, si scilicet *passive & formaliter* spectetur pro statu gratiæ sanctificantis in illo instanti, quod cuilibet ultimum est vitæ: vel *adjutorium perseverantia*, si spectetur *active & causaliter* pro auxilio prævenientis gratiæ actualis, quod alicui datur ad perseverandum, h. e. ad conservandam vel recuperandam in ultimo vitæ instanti gratiam sanctificantem.

276. Dico I. S. AUG. per adjutorium quo, & sine quo, non intellexit gratias duntaxat actuales. *Prob. S. AUG.* in L. de Corr. & grat. perpetuo loquitur de dono seu gratia perseverantiæ: hoc autem donum non est gratia duntaxat actualis, ut patet in parvulis & adultis prædestinatis, statim post justificationem, sæpe in somno, in delirio, aut casu quodam inopinato extinctis; ergo. *Conf.* Gratia actualesstantur in hac vita, dantur omnibus hominibus, & per liberum arbitrium iis consentitur: sed juxta S. AUG. per adjutorium quo fit, ut non per lib. arbitrium perseveretur, scilicet, *quo fit, Et per quod nonnisi perseverantes sint ita*, ut perseverantia, si data sit, æque parum amitti possit, ac ipsa beatitudo; datur nunc solis prædestinatis, ait enim: *hæc de his loquor, qui prædestinati sunt*; datur, *cum venerit finis*; ergo. Ita L. de don. persever. c. 6. . . . L. de corr. & grat. c. 8. &c.

Quamvis autem in adultis donum perseverantiæ includat *gratias actuales*, tanquam media ad salutem necessariâ, tamen in iis solis non consistit; cum multi copiosissimis gratiis acceptis, vitæque diu sanctissime actæ, in fine deficiant, quando alii post vitam diu flagitiose actam in fine resipiscunt. S. AUG. *ibid.*

277. Dico II. S. AUG. utriusque discrimen non statuit in eo, quod adjutorium *sine quo* tantum fuerit auxilium

lium sufficiens pro statu naturæ integræ: adiutorium quo fit auxilium efficax solum pro natura lapsa.

Prob. S. AUG. discrimen generale posuit in eo, quod in statu naturæ integræ tantum fuerit adiutorium *sine quo*, in statu naturæ lapsæ adiutorium *quo*; sed per adiutorium *sine quo* nequit intelligi gratia tantum sufficiens, quod etiam datur in statu naturæ lapsæ: nec per adiutorium *quo* gratia efficax, tum quia Ss. Angeli perseverarunt, utique per gratiam efficacem, quæ ibi habetur juxta S. AUG., ubi locus debetur dicto Apostoli: *quis te discernit?* tum quia juxta eundem AUG. Adam, si perseverasset, per eandem gratiam perseverasset, per quam Angeli; Adam vero non perseverasset sine gratia adjuvante, juxta Arauc. II. can. 19. adjuvans autem gratia certe efficax est.

Conf. Auxilium efficax & sufficiens sunt ex omnium sententia gratiæ actuales: atqui ex dictis adiutorium *quo*, & *sine quo* juxta S. AUG. vel plane non sunt, vel non sunt solæ gratiæ actuales; ergo.

278. Dico III. S. AUG. quantum ad *auxilia actionis* per adiutorium *sine quo* pro statu naturæ integræ intellexit adiutorium intellectus cum gratia habituali: per adiutorium *quo* pro statu naturæ lapsæ adiutorium seu illustrationem intellectus, simul & gratiam inspirationis voluntatem efficientem.

Prob. Imo. S. AUG. ubi gratiam voluntatis exprimit, usurpat voces: *Spiritus charitatis, inspiratio dilectionis, bona voluntas, boni cupiditas, suavitas, delectatio, cordis voluptas*: at ubi loquitur de gratia Adami & Angelorum, tantum adhibet nomina *luminis, lucis*, aliaque illustrationem exprimentia, L. de nat. & grat. c. 27. . . L. 2. de pecc. mer. c. 8. . . . L. de gestis Pelag. c. 3. & c.; ergo. *Conf.* Talis juxta S. AUG. naturæ integræ fuit concessa gratia, cui conveniat, ut non per eam, sed per liberum arbitrium Angeli operati sint, & perseverarint; Adam vero potuerit operari & perseverare, ex ista prop. AUG.; ergo. Nam quod fit cum sola gratia intellectus, debet potius tribui libertati, quam gratiæ illi, quæ est voluntati extrinseca, nec influens in ejus actionem, nec robur addens.

Prob. 2do. Juxta S. AUG. in homine gratia habituali & illustratione divina instructio necessaria est gratia voluntatis ad vincendos *concupiscentiæ motus* a bono remotione.

moventes: sed certum est, nullos fuisse in Adamo concupiscentiæ motus, shave obstacula; ergo. *Consi. Pelagiani* solam admiserunt gratiam illustrationis; & S. AUG. affirmat, verum fore dogma *Pelagianorum*, si natura non esset lasa, sed innocens; L. de nat. & grat. c. 43.; ergo.

279. Dico IV. Systema S. AUG. circa Perseverantiam complectitur sub nomine adjutorii quo, & sine quo non, tam donum, quam adjutorium perseverantiæ.

Prob. S. AUG. ex dictis n. 276. Perseverantiæ ejusmodi tribuit prædicata, quæ plerumque conveniunt dono perseverantiæ, & quandoque adjutorio perseverantiæ, juxta utriusque notionem ex n. 275.; ergo. Sane pluribus adjutoriis c. 12. tribuit prædicata, quæ non conveniunt statui gratiæ sanctificantis cum ultimo vitæ termino conjunctæ, ut cum dicit: *major libertas est necessaria adversus tot & tantas tentationes dono perseverantiæ munita. . . Adam terrente nullo non stetit: isti autem non dico terrente mundo, sed sciviente, ne starent, steterunt in fide. . . . Ac per hoc nec de ipsa perseverantiæ boni voluit Deus Sanctos suos in suis viribus, sed in ipso gloriari, qui eis non solum dat adjutorium, quale primo homini dedit, sine quo non possint perseverare, si velint; sed in eis etiam operatur & velle; ut quoniam non perseverabunt, nisi & possint & velint, perseverandi eis possibilitas, & voluntas divinæ gratiæ largitate donetur.*

Triplex autem discrimen ex mente S. AUG. datur inter donum perseverantiæ pro utroque statu: 1. Quod perseverantia in hoc statu pendeat a morte felici, in illo ab actione salutari, L. de Corr. & grat. c. 12. 2. Quod in illo relicta fuerit libero arbitrio, jam vero pendeat a sola Dei misericordia, cum pendeat a morte felici, quæ in manu unius Dei est. 3. Quod perseverantia Ss. Angelis fuerit merces meriti, utp. ex lib. arbitrio profecta, jam vero prædestinatis sit donum gratiæ, ob mortem ex unius Dei arbitrio pendentem.

Discrimen, quod inter adjutoria perseverantiæ pro utroque statu, seu inter auxilium quo, & sine quo non perseveratur, statuit S. AUG., potest explicari tum juxta num. 278. de gratia illustrationis & inspirationis; tum ex eo, quod adjutorium, quo perseveratur in statu naturæ lapsæ, detur scientiæ mediâ non tantum prælucente, sed

etiam dirigente, h. e. ideo datur, quia futurum est efficax, & non daretur, si prævium fuisset inefficax futurum; adiutorium autem *sine quo non* perseveratur in statu integritatis, collatum fuerit scientia medica duntaxat prælucente, ita, ut non obstante prævisione de ejusdem inefficacia aliud non daretur.

Objectiones.

280. *Obje. contr. III. C. Arauf. S. Fulg. & S. Bern.* dicunt, unam esse gratiam opera am in homine lapso, ut surgeret, & in Angelo stante, ne caderet; ergo ex parte gratiæ ipsius nullum est discrimen. *Conf. Juxta S. Aug.* gratia medicinalis est *major & potentior*, quam gratia sanitatis; ergo discrimen tantum est quoad majus & minus, non vero quoad substantiam vel operationem.

R. *D. A.* Dicunt esse unam eandemque gratiam in genere, & spectando præcise rationem doni supernaturalis indebiti C. in specie, ac spectando rationes singulares N. Discrimen autem specificum intercedere debere patet ex s. d. *Ad Conf. N. vel D. conf.* Discrimen tantum est quoad majus vel minus intra idem genus C. intra eandem speciem N. Conceditur sane ab omnibus specifica differentia inter gratiam intellectus & gratiam voluntatis, & tamen S. Aug. L. de gr. Chr. C. 29. de iis sic scribit: *Utrumque Dei donum est; sed unum majus, alterum minus.*

Inst. I. Angeli, qui perseverarunt, ampliori adiutorio fuerunt instructi, ut ait Aug. L. 12. de Civ. C. 9. *Illi amplius adjuti, ad eam beatitudinis plenitudinem, unde se nunquam casuros certissimi fierent, pervenerunt; sed per hoc amplius adiutorium intelligi debet gratia voluntatis; ergo.*

R. *D. M.* Amplius adjuti sunt adiutorio patriæ ac termini, seu ipsa beatitudine in præmium perseverantiæ concessa, qua pervenerunt ad plenitudinem beatitudinis seu certitudinem de perpetuitate C. adiutorio viæ seu auxilio actuali *subd.* ampliore adiutorio illustrationis vel in se, vel in ratione alterius T. ampliore adiutorio motionem voluntatis præstante ac subministrante illi vires N. Dixi: *Transseat*; quia reipsa loquitur hic S. Doctor de ipsa *perseverantia seu beatitudine*, non autem de adiutorio ad perse-

CAP. I. DE ADJUT. QUO, ET SINE QUO. 411

severandum; ut patet tum ex contextu, tum ex scopo, quem sibi proposuerat, quemque L. II. de Genes. C. 17. & L. de Corr. & gr. C. 10. semel ac iterum proposita quaestione indicaverat.

Inst. 2. S. Aug. E.L. de Civ. & corr. ac gr. passim tribuit Angelis & Adamo gratiam, quæ *efficeret velle, & operaretur bonam voluntatem*; sed his etiam verbis indicat in natura lapsa gratiam voluntatis; ergo.

R. D. M. Tribuit illis hanc gratiam ad primam voluntatem bonam seu actus primos, quibus se disposuerunt ad gratiam sanctificantem C. ad voluntatis bonæ continuationem & actus subsequentes N. De priori gratia S. Aug. loqui patet ex ipsius verbis L. 12. de Civ. C. 9. *Non est dubium, quin ab eo facta sit bona voluntas, a quo & ipsi facti sunt. . . Et istam quis fecerat, nisi ille, qui eos cum bona voluntate, id est, cum amore casto, quo illi adhererent, creavit.*

Inst. 3. Idem L. 14. de Civ. C. 13. hæc habet: *Si voluntas Adami in amore superioris immutabilis boni, a quo illustrabatur, ut videret, & accendebatur, ut amaret, stabilis permaneret; non inde ad sibi placendum averteretur, & ex hoc intenebresceret & frigeret.*

R. similiter. Verba enim hæc, quæ necessario in *Jansenii* etiam systemate emollienda sunt, nihil aliud exigunt, quam *intellectum* Adami fuisse illustratum, & *voluntatem* accensam ad amandum immutabile bonum, qui fuit primus actus & dispositio ad gratiam sanctificantem, quin etiam ad perseverandum in hoc amore, & sic ad actus subsequentes hic requiratur utraque gratia: quamvis enim hic Evæ credulitas serpentis sermoni præstita opponatur *illustrationi*, & Adami obsequentia erga uxorem *obedientiæ* erga Deum, tamen hæc oppositio non debet terminari immediate ad illustrationem & accensionem formaliter ac in se spectatam, sed mediate ac effective in amore scilicet primo sumptam: unde & alii textum explicant non de illustratione & accensione, quæ amorem Dei præcedat & ad illum provocet; sed de *amore ipso*, a quo primi parentes illustrabantur & accendebantur ad reliqua recte videnda & amanda.

Inst.

Inst. 4. Si gratia voluntatis non fuisset data natura integra, actus ejus boni non possent dici salutare; ergo.

R. N. seq. Et quidem quoad *1^{um}*, licet absit gratia voluntatem excitans, adest tamen gratia *adjuvans*, nempe habitus supernaturalis per modum principii influens in actum, cujus nomine etiam hic venit natura & liberum arbitrium, per quod Angelos stetit, & Adam permanere potuisse sapius jam dictum est. *Natura enim, libertas naturalis, & liberum arbitrium* hic non usurpantur ab Augustino in vulgari sensu. *Oppositum ad omnem gratiam supernaturalem; sed pro natura integra, libertate ac libero arbitrio secundum statum priorem* creationis donis supernaturalibus ornatum, & tantum oppositum ad gratiam auxiliantem pie affectionis. Hoc enim sensu C. ARAUS. II. Can. 21. dixit naturam per Adam esse perditam; AUG. epist. 107. Naturam ipsam in semet ipso perdidit primus Adam; & L. 1. retr. C. 15. *Proprie natura dicitur, in qua sine vitio creati sumus.*

Inst. 5. Juxta S. AUG. gratia naturæ integræ tribuebat Adami voluntati posse seu potentiam agendi; sed gratia illustrationis non tribuit voluntati posse, cum in eam non influat; ergo. *Conf.* Homo justus in statu præsentis, quantumvis nulla concupiscentia pulsatus, sine piæ affectionis gratia non potest bene operari; ergo nec id potuit in statu priori.

R. D. m. Illustrationis gratia sola non tribuit voluntati posse C. conjuncta cum gratia habituali aliisque donis, quibus instructam diximus naturam integram N. *Ad Conf. N. conf. Disp.* est 1. quia in homine quamvis justificato remanet semper concupiscentia, quæ in actus etiam vehementiores prorumperet, nisi gratiæ prævenientis ope cohiberetur: ea vero non fuit in natura integra. 2. In homine lapsa voluntas vel ex peccato originali, vel aliunde habet difficultatem magnam ad bonum supernaturale, quæ superari debet per prævenientem & confortantem gratiam: eam non habebit voluntas naturæ integræ recta a Deo creata,

Inst. 6. Quamvis in statu innocentie nulla esset ignorantia intellectus, tamen requirebatur illustrationis do-

donum; ergo quamvis ibidem non fuerit *concupiscentia* motus, requirebatur donum inspirationis.

R. 1. *D. supp. Ant.* Nulla erat in Adamo ignorantia habitualis C. actualis *subd.* beneficio gratiæ intellectus, singulis in occasionibus suggerentis, quid agendum foret C. seclusa hac gratia N.

R. 2. *N. conf. Disp.* est 1. Seclusa gratia intellectus fuisset in Adamo *ignorantia actualis* rerum hic & nunc agendarum: seclusa autem gratia voluntatis actuali in eo non fuisset futura *concupiscentia actualis*, utpote quæ non est mera privatio celestis motionis, sicut similis ignorantia est mera privatio cognitionis, sed illi contrarie opponitur. 2. Gratia *illustrationis* requiritur essentialiter ad actum salutarem, cum aliter suppleri non possit: non ita requiritur gratia *inspirationis*, cum præsentem illustrationem liberum arbitrium sanum & se ipsum movere, & per principium habituum supernaturalium operari salutariter poterit.

Inst. 7. Ad indeliberatam illustrationem intellectus necessario sequitur indeliberatus motus in voluntate; ergo vel neutra, vel utraque gratia etiam in natura integra est admittenda.

R. *D. A.* Sequitur indeliberatus in voluntate motus nunc & in præsentis statu T. in statu integritatis sequebatur N. Sicut in *naturalibus* aut ad malum nullus voluntatis motus prævertebat rationem in statu integritatis, sic non est fundamentum id afferendi de *supernaturalibus*. Præterea ejusmodi motus indeliberatus vera gratia voluntatis, eam scilicet adjuvans & corroborans, dici non posset.

281. *Objic. I. contr. IV.* Juxta S. AUG. in statu naturæ integræ fuit tantum adiutorium *sine quo non*, non autem adiutorium *quo*. Sed hoc in allato systemate non tenet; ergo. *Prob. min.* In allato systemate Adamus & Angeli habuerunt gratiam efficacem, utrique quidem ad actus primos salutes, postremi, etiam sancti ad perseverandum; sed gratia efficax est adiutorium *quo*, sicut adiutorium *sine quo non* est gratia sufficiens; ergo.

R. *N. min. Ad prob. D. M.* Adamus & Angeli habuerunt gratiam efficacem materialiter sumptam, seu quæ
talis

talis est C. formaliter sumptam, seu qua talem N. D. etiam *Im. part. min.* Gratia efficax materialiter, seu qua talis est adjutorium quo N. efficax formaliter & qua talis C. *2dam partem* vero Nego; quia in phrasi Augustiniana adjutorium *sine quo non* non tantum est gratia sufficiens, sed etiam gratia efficax materialiter & qua talis, nempe qua datur scientia media duntaxat prælucens, non autem dirigente, h. e. qua quidem prævidetur efficax futura, non tamen ideo datur, quia prævifa est efficax, quæque nondaretur, nisi efficax futura prævideretur.

Inst. 1. Adjutorium quo est auxilium, quo fit, ut aliquis usque in finem perseveret: sed Angeli sancti habuerunt auxilium, quo factum est, ut perseverarent; quia gratiæ efficacis ope perseverarunt: ergo.

R. D. M. Adjutorium quo est auxilium, quo quomodocunque fit, vel quo præcise adjuvante, aut *cum quo* fit, ut aliquis perseveret N. est auxilium, quo efficiente, aut *per quod* fit, ut &c. C. Nempe adjutorium quo duo dicit, unum ex parte *Dei*, scilicet quod ab eo detur cum tali determinatione, ut si adjutorium idem fuisset prævisum futurum inefficax, loco illius daretur aliud prævisum efficax: alterum ex parte *auxilii*, nimirum quod adæquate sumptum includat motionem voluntatis; ex hoc enim utroque capite prærogativam habet auxilii efficientis & talis, *per quod* fit, ut perseveretur: cum ex ejus defectu, quamvis reipsa sit efficax, tantum adjuvans dicatur & tale, *cum quo* fit, ut perseveretur; quia perseverantia in concursu talis auxilii ex formula loquendi Augustiniana habetur *per liberum arbitrium*.

Inst. 2. Adjutorium quo est tale auxilium, vi cujus discretio pertinet ad Deum, juxta illud Pauli: *Quis te discernit?* Atqui gratia efficax sanctorum Angelorum erat tale auxilium, vi cujus discretio Angelorum pertinebat ad Deum; quia etiam locus iste Apostoli obtinebat apud Angelos: ergo.

R. D. M. Adjutorium quo est auxilium, vi cujus quoad effectum præcise spectati discretio pertinet ad Deum N. vi cujus quoad dantis affectum & quoad auxilii entitatem spectati pertinet discretio ad Deum C. M. & distincta *min. N. conf.* Deus discrevit Angelos bonos a malis per hoc, quod

quod illis dederit auxilium, cum quo erant perseveraturi; his vero dederit auxilium, cum quo non erant perseveraturi: non etiam per hoc, quod *speciali affectu* illorum potius, quam horum perseverantiam voluerit, aut præter illustrationem, concesserit *affectionem* quoque *voluntatis*; cum juxta AUG. utrisque dederit auxilium perseverantiae *sine quo non* ita, ut perseverandi & non perseverandi voluntatem libero eorum committeret arbitrio.

Econtrario *sanctis nunc prædestinatis* utrumque præstat, eosque discernit a reprobis non per hoc duntaxat, quod illis det auxilium, cum quo perseverantes erunt; sed per id quoque, quod det ideo, quia cum hoc nonnisi perseveraturi sunt, daturus aliud, si cum isto defecturi viderentur: *reprobis* vero det auxilium, cum quo minime perseveraturi sunt, quamvis cum illo proxima vel remota perseverandi potentia ipsis tribuatur.

Inst. 3. Nullum est fundamentum hujus asserti de scientia media prælucente ac dirigente; ergo. R. N. A. Nam 1. hac explicatione eripitur S. AUGUSTINUS *Luthero, Calvino & Jansenio*, tum quia negatur necessitas gratiæ necessitantis, tum quia asseritur libertas indifferentiæ. 2. Quia hac ratione datur discrimen gratiæ utriusque status, tum ex ipsa *entitate* gratiæ, cum gratia illustrationis differat ab inspiratione; tum ex gratiæ respectu *ad Deum*, qui hic, non ibi, dirigitur a scientia med.; tum ex gratiæ respectu ad naturas, sanam aliam, aliam infirmam. 3. Quia hac ratione ostenditur, quod S. AUG. doctrina optime cohæreat, & omnia gratiæ discrimina pro utroque statu rite explicentur.

Inst. 4. TRID. sess. 6. Can. 22. *Siquis dixerit, inquit, justificatum vel sine speciali auxilio Dei in accepta justitia perseverare posse, vel cum eo non posse, anathema sit.* Similia colliguntur ex Araus. II. Can. 10. ex S. AUG. in Enchir. C. 107. L. 2. de Civ. C. 9. & L. 14. C. 27. Ergo & perseverantia sanctorum Angelorum fuit specialis gratia; ac consequenter adjutorium quo. *Conf.* Angeli sancti, qui perseverarunt, amplius adjuti sunt, quam reprobi, qui ceciderunt, juxta S. AUG. L. 12. de Civ. C. 9. ergo acceperunt adjutorium quo.

R. D. A. Sine speciali auxilio non potest perseverari in natura lapsa C. non potuit in natura integra N. Cer-

Certe S. Angustinus ab Angelis sanctis perseveratum dicit *per liberum arbitrium*, non autem per gratiæ donum. *Disparitas* est, quia in natura integra non erat opus *favore speciali*, sive ratione mortis tempore status gratiæ, sive ratione infirmitatis naturæ aut difficultatis; quæ tum perseverantiæ, tum exercitio boni in statu naturæ lapsæ necessitatem imponunt specialis favoris.

Ad Conf. R. 1. ut responsum est num. 280. R. 2. D. M. Angeli sancti sunt amplius adjuti in actu secundo C. in actu primo N. Angelos sanctos amplius in *actu secundo* adjuutos fuisse inde constat, quod nemo in actu secundo adjuvetur, nisi ipse agat: neque quispiam salutari-ter operetur, nisi Deus cooperetur. Cum ergo *Angeli sancti* sponte operati sint illum actum, ex quo pendebat ipsorum a statu viæ ad statum termini h. e. æternam beatitudinem transitus; habuerunt auxilium gratiæ in *actu secundo* physice adjuvantis & cooperantis, quod Angeli mali, quia eundem actum ponere neglexerunt, sua culpa non habuere; quamvis ex Dei liberalitate perinde ac Angeli sancti illud habuerint in actu primo, & si voluissent, etiam in actu secundo habuissent.

282. *Objic. II.* Neque in systemate *gratiæ congruæ* possunt explicari omnia dogmata & discrimina, quæ S. AUG. edidit de gratia perseverantiæ in utroque statu; ergo nostra explicatio non est præferenda aliis. *Prob.* Juxta S. AUG., si Adam perseverasset, ut potuit, perseverasset sub eodem auxilio, sub quo non perseveravit. Sed defacto illud auxilium non erat *congruum* seu datum sub scientia media perseverantiæ cum tali auxilio; ergo etiam, si perseverasset, non fuisset auxilium congruum vel datum sub scientia media perseverantiæ futuræ; consequenter gratia efficax in Adamo non fuisset data scientia media prælucente.

R. N. A. *Ad prob. D. M.* Perseverasset sub eodem auxilio entitative sumpto, & secundum quod dicit ipsam virtutem auxiliandi C. sub eodem auxilio etiam respective sumpto, & secundum quod extrinsece dicit præscientiam Dei mediam N. Sicut Catholicæ scholæ omnes fateri tenentur, peccatorem, qui violat præceptum, potuisse sub eodem auxilio illud servare, quamvis defacto non fuerit congruum,

gruum, sed tamen potuisset esse congruum, si voluisset eadem cooperari: sic idem enuntiamus de auxilio Adæ d. to.

Inst. 1. Juxta S. AUG. Adamus ad perseverandum non opus habuit eo auxilio, quo nunc indigent sancti ad vitam æternam prædestinati. Sed hoc in systemate *gratia congrua* est falsum; nam prædestinati nunc indigent tantum gratia congrua, eaque habita consequenter impossibile est, ut non perseverent: atqui etiam Adamus opus tantum habuerat *gratia congrua*, ut perseveraret, eaque habita infallibiliter perseverasset; ergo falsum est, quod non habuerit opus eo auxilio, quo nunc indigent prædestinati.

R. N. vel D. M. Prædestinati nunc indigent tantum gratia congrua ejusdem speciei cum congrua in statu naturæ integræ N. Diversæ speciei C. *Diversitas utriusque gratia* stat in eo: 1. quod in natura integra sit tantum gratia excitans intellectum: in lapsa autem etiam excitans voluntatem; unde est differentia entitatis. 2. Quod in natura integra supponat naturæ sanitatem ac integritatem: in lapsa autem difficultatem emolliat, infirmitatem roboret & vires addat; unde est differentia virium vel saltem tendentiæ intrinsicæ ad effectus singulares præstandos. 3. Quod in natura integra gratia congrua detur, etiam dada, si non esset congrua futura: in lapsa autem sic confertur, ut loco illius alia daretur, si efficax non futura prævideretur; unde est differentia specialis favoris pro statu præsentis. Atque ex hoc *triplici discrimine* manifestum est, in qua ratione gratiæ præsentis status *potentior* sit gratia, quæ congrua fuit in natura integræ.

Inst. 2. Duo singularia discrimina alia a S. AUG. gratiæ assignata per gratiam congruam minus commode explicanter. 1^{um}, quod Angeli sancti perseveraverint per *liberum arbitrium*, prædestinati nunc perseverent per *gratiam*, quia habent gratiam congruam; ergo si etiam Angeli sancti *gratiam congruam* habuissent, per gratiam, & non per liberum arbitrium perseverassent.

2^{dum}, Quod sanctis naturæ lapsæ detur tale adiutorium gratiæ, quo *indeclinabiliter & insuperabiliter* eorum voluntates aguntur, ut illo adiutorio accepto perseverantes esse invictissime velint. Hoc autem etiam de Angelis bonis dicendum erat in nostro systemate, ubi *indeclinabilitas, insuperabilitas & invictissima ratio* in eo potissimum

simum fundatur, quod gratia a Deo detur sub infallibili scientia media de secuturo effectu; ergo.

R. *ad 1m. B. min.* Ideo sancti nunc per gratiam perseverant, quia habent gratiam congruam, quam reipsa habere non permittitur eorum libero arbitrio C. quia simpliciter habent gratiam congruam N. Quamvis *sancti naturæ lapsæ* libere consentiant gratiæ congruæ, tamen si præviderentur illi gratiæ non consensuri, Deus illis aliam conferret, cum qua bene operaturi præviderentur, & hac ratione gratia congrua ipsorum arbitrio non relicta dicitur: quia vero ex opposito Deus non dedisset *Angelis sanctis* gratiam aliam, si, quam prævidit congruam, prævidisset cum consensu non conjungendam; hinc sub hac ratione eorum arbitrio gratia relicta dicitur.

Ad 2dum R. 1. Locum illum AUG. intelligendum esse de perseverantiæ gratia *adæquate* sumpta, ut satis ex contextu patet. R. 2. N. *conf.* S. AUG. enim nullibi negat, quod etiam indeclinabiliter perseveraverint sancti Angeli, sed tantum, quod perseverasset Adam, *si vellet*; nunc autem sanctis detur, ut invictissime velint, nempe per gratiam inspirationis, quæ non erat in natura integra. R. 3. D. & *suppleo rationem min.* Quod quomodocunque detur gratia sub infallibili scientia media N. quod sic detur, ut loco illius daretur alia, si hæc prævisa fuisset effectum non habitura C.

283. *Observe. Prædeterminatio physica nec videtur posse intelligi per solum adjutorium quo*, ita ut tantum detur in statu naturæ lapsæ; quia tum essentialis cujuslibet causæ 2dæ a causa 1ma dependentis, tum infallibilitas div. cognitionis circa actus nostros liberos, ex quo duplici fundamento prædeterminatio dicitur necessaria in statu naturæ lapsæ, etiam locum habent in statu naturæ integræ. Nec per adjutorium quo, simul & *finè quo non*, ita, ut prædeterminatio tam fuerit data Angelis perseverantibus, quam nunc datur prædestinatis; patet ex propp. S. AUG. num. 271.; videlicet Adamus integer alio adjutorio opus habuit, ac nunc Sancti: Sancti in hac vita indigent majore & potentiore auxilio, quam indiguerit Adamus: Si Adam perseverasset, perseverasset cum eodem auxilio, cum quo cecidit: Angeli Ss. perseverarunt per lib. arbitrium, Sancti hujus vitæ per donum gratiæ. At singula hæc discrimina a S. AUG. totidem verbis asserta non
sub-

subsistunt, si utrique statui ad perseverandum necessaria sit *prædeterminatio*.

CAPUT II.

De Necessitate Gratiae Actualis.

ARTICULUS I.

An homo solis naturæ viribus possit mereri aut impetrare gratiam, vel ad eandem se disponere?

284. **D**ico I. Homo solis naturæ viribus nequit de condigno aut congruo mereri gratiam. Est *de fide*.

Prob. I. Ex sententia universæ Ecclesiæ gratia actualis prima est omnino indebita & gratuita, ad Rom. 11. v. 6. *Si autem gratia jam non ex operibus: alioq. in gratia jam non est gratia.* Ergo excludit sine discrimine omne meritum sive congruum, sive condignum. II. Ex eadem sententia nullum gratiæ justitiæve, pietatis aut salutis initium tribui potest facultati naturæ, sed Deo, Deique gratiæ supernaturali, ad Rom. 3. v. 20. *Ex operibus legis non justificabitur omnis caro.* Et v. 24. *Justificati gratis per gratiam ipsius.* Item 1. ad Cor. 4. v. 7. *Quis est, qui te discernit?* Ad Philipp. 2. v. 13. *Deus est, qui operatur in nobis velle & perficere pro bona voluntate.*

III. Similiter dogma Ecclesiæ est, liberum arbitrium non posse sine gratia aliquid salutare seu conducens ad salutem agere; juxta illud Christi Joann. 15. v. 5. *Sine me nihil potestis facere.* Et Joann. 6. v. 44. *Nemo potest venire ad me, nisi Pater meus traxerit illum.* Item 1. ad Cor. 4. v. 7. *f. cit. Quid habes, quod non accepisti?* Et ad Rom. 11. v. 35. *Quis prior dedit illi, & retribuitur ei?* IV. Nullum opus meretur præmium, quod est supra omnem connexionem transcendentem naturæ operantis; quia etiam meritum congruum sine connexionem ad præmium concipi nequit. Sed quælibet gratia actualis, tanquam *donum supernaturale*, est supra omnem connexionem transcendentem naturæ rationalis suis viribus operantis: ergo quælibet gratia est supra meritum qualecunque naturæ rationalis suis viribus operantis.

385. *Dico II. Homo nequit impetrare gratiam, aut ad eam se disponere per orationem naturalem. Prob. Ad Rom. 8. v. 26. dicitur: Quid oremus, sicut oportet, nescimus, sed Spiritus postulat pro nobis (vel ut S. Aug. cum aliis legit) interpellat gemitibus inenarrabilibus. In quem locum idem in ep. 105. Dictum est, scribit, interpellat; quia interpellare nos facit, nobisque interpellandi & gemendi inspirat affectum. Et Joann. 15. v. 7. Si manseritis in me, & verba mea in vobis manserint, quodcunque petieritis, fiet vobis. Ergo omnis oratio conducing ad salutem jam ipsa prius sit per gratiam saltem actualem, estque supernaturalis. Unde Conc. Araf. Can. 3. Si quis, inquit, ad invocationem humanam gratiam Dei dicit posse conferri, non autem ipsam gratiam facere, ut invocetur a nobis, contradicit Esaia Prophetæ, vel Apostolo &c. His accedunt PATRES Ambrosius, Chrysost. Aug., Prosper &c. quos vide apud Ripalda L. 1. Disp. 19.*

Confir. Quia oratio, prout etiam est impetratio disjuncta a merito, daret initium salutis nostræ libero arbitrio: esset opus conducing ad salutem sine gratia: haberet connexionem ad aliquid supernaturale transcendentalis; quæ omnia falsa sunt.

286. *Dico III. Nequit homo solis naturæ viribus se positive disponere ad gratiam. Prob. I. Ejusmodi dispositio positiva dicitur, quæ per modum causæ moralis vel conditionis habet intrinsecam connexionem cum dono: sed non est connexa cum gratia ratione ipsius gratiæ, quasi hæc exigeret dispositionem: quia misericordia Dei dat etiam gratiam maxime indispositis, juxta illud Isa. 65. v. 1. Invenerunt, qui non quæsierunt me. . . . Expandi manus meas tota die ad populum incredulum, qui graditur in via non bona post cogitationes suas; quod S. Aug. L. 1. contra duas Epist. Pelag. C. 19. & L. de gr. ac lib. arb. C. 6. probat, expendens hanc Dei gratiam invocatione Pauli, eandemque in se cognoscit L. 4. 5. & 7. Confess. per plura capita. Neque est connexa ratione sui, quasi ipsa posita exigeret collationem gratiæ; quia nihil naturale exigit supernaturale.*

II. Dispositio nequit dici causa moralis gratiæ; cum sic evaderet causa meritoria sup. rejecta: neque etiam conditio. Nam opera naturalia vel essent conditio impertinens?

nens? & sic nihil connecterentur cum gratia: vel essent conditio conducing ad gratiam? ergo eam Deus expectaret, aut non expectaret ad gratiam conferendam. Si *primum*; sententia hæc repetit ex parte errorem ab Arausico damnatum Can. 4. Si *2dum*; ergo nec stricta conditio est, nec quomodo conducat ad salutem, ostenditur.

Conf. PATRES æque ac CONCILIA non videbantur sibi satis cavisse a Semipelagianis, nisi asserendo, naturam ante omne auxilium gratiæ nihil posse præter peccatum & mendacium, ut liquet ex AUG. L. 2. de pecc. mer. C. 18. L. 4. contr. Julian. C. 3. alibique; ex PROSP. ad Capit. Gallorum C. 6.; ex ARAUS. Can. 22. Ergo facultati nature nulla dispositio positiva ad gratiam ex eorum sensu concedenda est.

287. *Dico IV.* Potest homo solis naturæ viribus se disponere ad gratiam *negative*; idque vel *removendo prohibens*, scilicet peccatum, seu potius evitando majorem indignitatem ex peccato orituram; cum peccatum strictè non prohibeat, aut absterreat Deum a danda gratia, qui etiam peccatoribus dat gratiam sæpe abundantiorē juxta illud ad Rom. 5. *Ubi autem abundavit delictum, superabundavit gratia*: vel ponendo aliquod facilitans exercitium salutarium operum, nempe actus & opera virtutum naturalium, a quibus vel excluduntur habitus vitiosi, vel nascuntur habitus virtutum acquisiti.

Ratio est, quia *inprimis* hujusmodi remotio prohibentis, aut positio facilitantis potest dici dispositio qualiscunque & aptitudo seu capacitas, vel minor ineptitudo seu incapacitas aut indignitas: *Deinde* quia hæc remotio ac positio supponitur hic ex infra dicendis viribus hominis naturalibus possibilis: *Denique* quia nihil hic asseritur, quod in prioribus rejecimus; nec aliunde etiam aliquid obstat; unde & secundum sensum a nobis positum assertio non habet adversarios.

Objectiones.

288. *Obje. I. contr. 1mum.* SCRIPTURA sæpe innuit opera naturalia præcedere gratiam vel tanquam meritum, vel tanquam dispositionem; ergo. *Ant.* patet I. ex Zachar. 1. *Convertimini ad me, & convertar ad vos.*

2. ex Prov. 16. *Homini est animam præparare, & Domini gubernare linguam.* 3. ex ep. ad Rom. 7. *Velle quidem mihi adjacet, perficere autem non invenio.* 4. ex 2. Paral. 15. *Dominus votiscum, quia fuistis cum eo: si quasi-ritis eum, invenietis &c.* Quo pertinet etiam dictum Christi Luc. 11. *Petite, & dabitur vobis: quærite, & invenietis &c.*

R. N. A. Quia SCRIPTURA his textibus duntaxat docet præter gratiam excitantem requiri adjuvantem, vel præter gratias actuum internorum dari uberiores ad actus externos & arduos perficiendos. *Ad prob. 1m.* **R.** cum S. AUG. L. de gr. & lib. arb. C. 5. Etiam dicitur Psal. 79. *Deus virtutum converte nos.* Et Ps. 84. *Converte nos Deus salutaris noster &c.* Ergo quod convertimur ad Deum, est donum Dei. Item venire ad Christum quid est, nisi ad eum credendo converti, & tamen Christus Joann. 6. *Nemo, inquit, potest venire ad me, nisi fuerit ei datum a Patre meo.*

Ad 2d. **R.** cum eodem L. 2. contr. duas ep. Pel. C. 9. Quomodo ergo Christus dicit: *Sine me nihil potestis facere?* Et Apostolus: *Non sumus sufficientes aliquid cogitare ex nobis, si homo suis viribus potest præparare animam?* non enim sine cogitatione potest esse animæ præparatio. Et C. 8. *Ecce Dominus admonet, inquit, ut præparem voluntatem; & tamen, ut hoc faciat homo, adjuvat Deus.*

Ad 3t. **R.** cum eodem ex Apostolo: *Deus est, qui operatur in vobis velle & perficere pro bona voluntate.* Unde L. de prædest. Ss. C. 2. *Sicut, inquit, nemo sufficit ad incipiendum vel perficiendum quodcumque opus bonum; unde in omni opere bono & incipiendo & perficiendo sufficientia nostra ex Deo est; ita nemo sibi sufficit ad incipiendam fidem, sed sufficientia nostra ex Deo est.*

Ad 4t. **R.** ex eodem ad prius ex L. de gr. & lib. arb. l. c. Quomodo quasiivit Paulus, aut quæ merita bona habuit, ut gratiam inveniret? Ipse dicit: *Non sum dignus vocari Apostolus, quia persecutus sum Ecclesiam.* Et statim addit: *Gratia autem Dei sum id, quod sum.* Ad posterius vero ex L. de don. persever. C. 23. *Donum Dei est, quod veraciter clamamus ad Deum, & ita petimus, quarimus, pulsamus &c.*

Inf.

Inst. 1. Christus in parabola Matth. 25. docet gratias distribui secundum propriam virtutem, h. e., opera naturalia virtutum moralium: *Uni dedit quinque talenta, alii autem duo, alii vero unum, unicuique secundum propriam virtutem; ergo.*

R. Hanc parabolam plures explicationes admittere, quin ad meritum naturale gratiarum descendatur. Interpretum enim plerique volunt illud *secundum propriam virtutem* additum esse ad explendam narrationem parabola ex hominum consuetudine desumptam, non vero ad aliquid Deo gratiarum distributori applicandum. Alii in sensu *Talentorum* explanando varia commentantur, atque per ea vel intelligunt dona naturalia secundum meritum vel capacitatem naturae distributa: vel gratias gratis datas, quae ad sui ministerium perfectum nonnunquam naturae virtutem & aptitudinem praesupponunt: vel gratiam justificantem, quae juxta meritum supernaturale dispensatur: vel gratiam actualem, de cujus distributione varii etiam varia systemata formant.

Inst. 2. Zachaeus meruit recipere Christum, antequam crederet: Latro in cruce invenit gratiam: Cornelius Centurio vocatus est ad fidem propter praecedens meritum, quod ex fide non erat, neque supernaturale. Ergo.

R. N. A. Credidit enim *Latro*, ut docet S. AUG. L. de Anima: Neque, ut loquitur idem Doctor L. de praedest. Ss. C. 7. *Cornelius* sine aliqua fide donabat & orabat; quomodo enim invocabat, in quem non crediderat &c. Idem de iisdem & *Zachaeo* testatur ARAUS. post Can. 25. his verbis: *Unde manifestissime credendum est, quod Es illius latronis, quem Dominus ad paradisi patriam revocavit; Es Cornelii Centurionis, ad quem Angelus Domini missus est; Es Zachai, qui ipsum Dominum suscipere meruit, illa tam admirabilis fides non fuit de natura, sed divinae gratiae largitate donata.* Porro neque illis occasio credendi deerat, ut de Zachaeo & latrone, qui Christi miraculis praesentes aderant, liquet: de Cornelio autem etiam statui potest, utpote qui inter Judaeos diu agebat. Cum vero de hoc S. Aug. enuntiet illud: *non sine aliqua fide*; forte is nondum habuit fidem satis explicitam in Christum, licet de eodem audiverit: habebat ta-

men implicitam in Christum, & explicitam Dei remuneratoris; unde orabat dirigī ulterius, & duci in viam salutis.

289. *Obj. II.* Sancti PATRES plures nobis adversantur, imo asserendo, voluntatem incipere, & a se prius, quod suum est, offerre, ut Deus suam illi gratiam largiatur; 2do negando, Deum praevenire sua gratia voluntates nostras.

R. SS. PATRES, ut jam olim observavit Aug. L. de Prædest. Ss. C. 14., ante *hæresis Pelagiana* ortum scribentes non tam in defendenda gratia, quam propugnando contra *Marcionitas, Manichæos & alios HH.* libero arbitrio laboraverunt; unde factum, quod subinde non accurate omnino de gratia præveniente inquerentur, neque semper a *Semipelagianorum* errore abessent, quemadmodum ipsi Aug. sub prima tempora acciderat: quin tamen ex eo aut eorum sanctitati, aut fidei macula adhæret. Quoniam tamen Coelestinus in ep. ad Gallos, & Conc. Arausicanum doctrinam orthodoxam laudant tanquam acceptam ab Ecclesiæ Patribus; & Augustinus etiam l. cit. contendit, mentem Patrum nunquam fuisse a veritate Catholica alienam.

Inst. I. S. CHRYSOSTOMUS in *Imum* sensum hom. 27. in Genes. *Tanta est erga nos, ait, Dei misericordia; nam ubi viderit voluntatis nostra firmum propositum, non tardat, neque differt, sed accelerat.* Hom. 42. autem hæc habet: *Abraham non per fidem a Parentibus acceptam, sed per scientiam a natura inditam, Et a seipso in magnum pervenit virtutis fastigium. At forte dicent aliqui, quod vir ille multam a Deo gratiam consecutus sit. Fateor ita esse Et ego: verum nisi primum Et ipse, quod suum erat, fecisset, non tantam a Domino obtinisset. Eapropter non solum hæc vide, sed in unoquoque diligenter attende, quomodo primum in omnibus virtutis sua judicium exhibuerit, atque sic divinum meruerit præsidium.*

Pro 2do sensu sic loquitur hom. 17. in Joann. ad illa verba: Conversus Jesus & videns eos sequentes &c. *Hinc admoneri possumus, Deum suis in nos beneficiis nostras non praevenire voluntates, sed a nobis incipiendum esse.* Et hom. 12. in ep. ad Hebr. initio mor. doctrinæ: *Oportet nos eligere primum, quæ bona sunt, Et tunc ipse Deus,*
qua

quæ sua sunt, introducit. Non antecedit nostras voluntates, ne laedatur liberum arbitrium: cum autem elegerimus, multam tunc nobis affert auxiliationem.

R. S. CHRYS. vindicatus est a pluribus, imo afferendo plurimas ex ejus scriptis sententias, quibus manifeste docet & gratiæ ad omne opus meritorium necessitatem, & perfectam gratuitatem, ut videre est apud Ripald. L. 1. disp. 17. sect. II. 2do elucidando objecta ex eo testimonia. Cum his sigillatim

R. ad 1m. text. illud voluntatis firmum propositum non esse voluntatis sibi ipsi tantum relicta, sed gratia Dei præventæ; quia paulo ante præmiserat: *Prius enim Dominus benefacit & nostram naturam ad se allicit . . . tantum magno fervore accedamus, & superna gratiæ innitiamur.*

Ad 2dum R. per illa verba: *a se ipso, scientiam a natura inditam, quod suum erat &c.* non intelligi solas vires naturales, sed excludi duntaxat legem scriptam, prædicationem Evangelii, & illam ubertatem gratiæ, quæ datur post passionem Christi; nam & hoc testimoniū innuit initium, & nunc dici solet, quod Patriarcharum tempore ante Moysen vignerit lex naturæ: non eo tamen sensu, ac si gratia & fides ad salutem necessaria non fuisset.

Ad 3tium R. In eadem homilia dum exponit illud: ut diligatis invicem, sicut ego dilexi vos, sic ait: *Non enim vestris meritis præcedentibus debitum persolvi, sed ego in.epi;* unde in loco objecto non excluduntur gratiæ quasi ordinariæ & communes omnibus, aut prævenientes, sed extraordinariæ & uberiores, aut augmentum gratiæ, vel gratia sanctificans.

Ad 4tum R. Ibidem S. Doctor sic loquitur: *Etiamsi curras, etiamsi studium ponas, ne tuum esse existimes, quod recte gestum est.* Et hom. 28. in eandem epistolam ad ea verba: *Aspicientes in Authorem fidei, hæc refert: Ipse nobis fidem infundit . . . Ipse nobis initium imposuit, ipse etiam finem imponet.* Quare id suadere duntaxat intendit, quod Deus exigit liberam nostram cooperationem cum gratiis primis aut prioribus, ut det alias & majores, ac donum perseverantiæ.

Inst. 2. Semipelagiani, contra quos Patres & Concilia supr. laudata præcipue egerunt, operibus naturalibus tribuebant meritum *condignum*; ergo a PP. & CC. non fuit reprobatum meritum *congruum*; id quod inde etiam probatur, quia VV. Scholasticorum multi meritum *congruum* naturæ non denegarunt, id minime ausuri, si ita sensissent olim *Semipelagiani*, & aliter fuisset definitum.

R. Quamvis *Semipelagiani* non raro posuerint opera naturalia esse condigna mercede gratiæ supernaturalis, tamen eadem etiam sæpe dixerunt non condigna, & hinc admiserunt aut meritum congruum, aut a condignitate vel congruitate præscindens, ut liquet ex CASSIANO Collat. 13. C. 12. de Institut. C. 14. *Dicimus petitionem & pulsationem & inquisitionem non esse condignam, nisi misericordia Dei id; quod petimus, dederit.* Similia referuntur a FAUSTO L. I. de gr. & lib. arb. C. 17. Colligitur vero hoc ulterius ex ratione, cur naturalibus operibus tribuerent meritum, quæ erat, ut posset dari causa, cur unus eligatur, alter relinquitur; ad quod sufficiebat quodcunque meritum: Item ex doctrina Patrum & Conciliorum *Semipelagianos* oppugnantium, qui omnem rationem meriti tam congrui, quam condigni naturæ negarunt.

Ad id, quod de TT. *Catholicis* additur, *R.* varios modos apud benigniores vetustatis censores & auctores la- gere est, quibus illi dato quodam discrimine a *Semipelagianismo* liberentur.

Inst. 3. Nisi detur meritum naturale gratiæ, duplex sequitur absurdum. *1um*, Deum esse acceptorem personarum; quia non attendit naturæ meritum, ut uni det potius, quam alteri: *2dum*, tolli liberum arbitrium & potestatem adipiscendi salutem; quia non est in libera facultate medium necessarium ad salutem.

R. N. seq. cum S. AUG. qui ad *1um* L. 2. contra duas ep. Pel. C. 7. *Non est, inquit, acceptio personarum, ubi non est iniquitas: non est iniquitas, ubi non donat, cui vult, sed neminem fraudat; scilicet quæ non negat, quod debet, sed cui vult, donat, quod non debet.* Sicut & Matth. 20. Paterfamilias dixit operario murmuranti: *Amice! non facio tibi injuriam Et.*
Nempe

Nempe gratia Dei est donum indebitum homini & meritis humanis; atque hinc eam Deus ex iustitia dare non tenetur: nec *acceptio personarum* locum habet, si uni det, non alteri, aut uni plus det, quam alteri. Deus tamen dare vult omnibus: quomodo autem distribuat, est altitudo divitiarum sapientiæ & scientiæ Dei.

Ad 2dum respondet S. AUG. L. de sp. & lit. C. 30. *Liberum ergo arbitrium evacuamus per gratiam? Absit: sed magis liberum arbitrium statuimus; neque enim lex impletur, nisi libero arbitrio: sed per legem cognitio peccati: per fidem impetratio gratia contra peccatum: per gratiam sanatio animæ a vitio peccati: per sanitatem animæ libertas arbitrii: per liberum arbitrium iustitiæ dilectio: per iustitiæ dilectionem legis operatio.* C. 31. docet, quod per gratiam accipiamus potestatem credendi &c. ac subdit: *Sed cum potestas datur, non utique necessitas imponitur.* Igitur juxta S. AUG. sine gratia non possumus, cum gratia possumus, & libere volumus.

Porro duplex hic distinguenda est *necessitas*: una necessitas causæ necessario inferentis effectum; & hanc olim Pelagius, postea Hæretici & Novatores nostræ ætatis volebant a S. AUG. assertam, eoquod posita gratis præveniente necessario sequatur opus, quod gratia suadet. Sed quamvis ille falsus sit L. de gr. Chr. C. 47. difficultatem in hujus quæstionis expositione, negavit tamen illud assumptum. Altera est necessitas causæ ad effectum *ut finem*, quia sine illa causa effectus non habetur; & hanc præcipue opposuit Pelagius cum suis reliquiis libero arbitrio: sed & eandem libertati nihil ob stare docuit S. AUG. pluribus, quæ breviter complexum est Conc. Senonense Can. 15., dum inquit: *Neque tamen tanta gratia necessitas libero præjudicat arbitrio; cum ipsa semper sit in promptu, neque momentum quidem prætereat, in quo Deus non stet ad osium Et pulset, cui si quis aperuerit januam, intrabit ad illam.*

QUÆRES

QUÆRES. *Quomodo axioma illud: Facienti, quod est in se, Deus non denegat gratiam; sit intelligendum?*

290. R. Probabilius videtur, axioma hoc intelligendum esse tantum de faciente per vires gratiæ, quod est in se. Hæc assertio quoad dictum est certissima, & a Theologorum Catholicorum nemine improbatur; quia, cum Deus sincere & serio velit homines salvos fieri, facientibus, quod in se est, sive cooperantibus gratiæ supernaturali debet *ulteriorem gratiam sufficientem* conferre; cum alias non posset serio velle, si non daret medium necessariam, quod ab alio, quam Deo, haberi nequit.

Quin ab omnibus etiam admittitur, quod Deus cooperantibus gratiæ actuali, ac ultimo se disponentibus ad gratiam *habitualement* & justificantem, eam non denegat, sed infallibiliter conferat; tum quia Deus bene operantibus promissit vitam æternam; ergo etiam gratiam sanctificantem, quæ est vitæ æternæ radix: tum quia Deus ex *alio axioma* in ordine gratiæ accomodat se naturæ; ergo cum in naturalibus post ultimam dispositionem statim introduceatur forma, & cooperatio cum gratia actuali sit ultima ad gratiam habitualement dispositio, hæc etiam illa posita statim succedit. Quoad modum vero assertio hæc

Prob. I. Ex commodis hujus sententiæ. Nam imò in hoc systemate perfecte defenditur *gratuitas* gratiæ, ejusque donatio unice refunditur in solam Dei voluntatem, juxta illud Prosperi L. I. de vocatione Gent. C. 18. *Omni- bus ergo hominibus causa percipiendæ gratiæ voluntas Dei est, apud quam ratio electionis est abscondita.* 2do. Pro dignitate commendatur sollicita Dei *providentia* præveniens omnes homines, illisque parans gratiam sufficientem, eamque supernaturalem. 3tio. Retinetur doctrinæ *pariformitas*, atque sicut ad gratiam justificantem non requiruntur, aut sufficiunt opera naturæ præambula, sic nec ad fidei gratiam aut alterius operis ardui. 4to. Securius cavetur periculum *Semipelagianismi*; quia hic nulla ratione cognoscitur misericordia Dei conferri vigilantibus, petentibus, orantibus, aut quærentibus sine gratiæ auxilio: nullo modo dicitur Deus expectare voluntatem humanam: plane nihil conducere ad salutem intelliguntur opera naturalia.

Prob.

Prob. II. Ex incommotis sententiæ oppositæ. Præter illa enim modo indicata imò minus definiri potest, quam & quot opera naturalia facienti ex viribus naturæ, quod in se est, ponenda sint? an eodem momento, quo agit, an deinceps gratia detur? quæ conferatur gratia, ad opus arduum, an ad fidem? &c. 2do illa opera facientis, quod suum est, naturalia minus accuratè vocantur dispositio negativa; tum quia hujus nomen operibus indifferentibus, licet remouentibus peccatum, negatur: tum quia operibus naturaliter bonis conceditur non tantum ratio minoris indignitatis, sed aliqua condignitas.

3tio. Minus probabiliter peccatum supponitur esse prohibens gratiam. Quamvis enim id verum concedatur in ordine ad gratiam specialem aut efficacem, in quem sensum explicatur illud Pauli I. ad Timoth. I. Misericordiam consecutus sum, quia ignorans feci; respective tamen ad gratiam sufficientem & dabilem connaturaliter locum non habet in statu naturæ lapsæ & una reparatæ, ubi CHRISTUS venit peccatores salvos facere: & homo quidem propter peccata damnatur ad pœnam, propter non usum gratiæ autem non salvatur.

4to. Minus communiter jam statuuntur auxilia remote sufficientia esse tantum ordinis intrinsece naturalis; cum communior doceat eas stare in illustrationibus & inspirationibus supernaturalibus, quibus infideles v. g. non quidem immediate ad perfectam & explicitam mysteriorum supernaturalium fidem, sed ad supernaturale saltem aliquod veræ religionis ac beatitudinis desiderium, aut actum alium excitantur, qui tanquam dispositio aut inchoamentum conducit ad fidem, potestque dici fides late dicta; siquidem juxta hanc doctrinam clarius & facilius percipiuntur S. Scripturæ effata de voluntate salvandi omnes, de morte Christi pro omnibus, aliisque ejusmodi veritatibus: servatur major ac debita gratiæ acceptio: Patrum & Conciliorum phrasis ac sensus communior retinetur.

ARTICULUS II.

An & qualis gratia necessaria sit ad actus supernaturales?

291. **D**ico I. Ad omnes actus salutes, h. e. qui juxta S. AUG. vel ad pietatem & veram justitiam, cui merces

merces æterna debetur, spectant, ut sunt ex CC. Araus. & Trid. credere, sperare, diligere, pœnitere, sicut oportet, ut homini justificationis gratia conferatur; etiam ad *initium fidei & pium credulitatis affectum* requiritur auxilium gratiæ interioris & supernaturalis. Est de fide, & definitum tum a PONTIFICIBUS, tum a CONCILIIS, maxime a Carthaginensi A. 418. contra Pelagianos, & Araus. II. A. 529. contra Massilienses congregatis, quorum Canones dogmaticos universa veneratur Ecclesia; quibus accedit auctoritas Tridentini, quod Sess. 6. Can. 3. definit: *Si quis dixerit, sine præveniente Spiritus Sancti inspiratione atque ejus adjutorio hominem credere, sperare, diligere aut pœnitere posse, sicut oportet, ut ei justificationis gratia conferatur; anathema sit.*

Probatur ex SCRIPTURA, quæ innumeris locis, præsertim si ad mentem Patrum & Conciliorum intelligantur, bonam voluntatem & actionem nostram, ipsamque fidem attribuit gratiæ divinæ. Speciatim vero de Fide ad Philipp. 1. v. 24. *Vobis donatum est pro Christo, non solum ut credatis in eum, sed ut etiam pro illo patiamini.* Et ad Ephes. 2. v. 8. *Gratia salvati estis per fidem, Et hoc non ex vobis, Dei enim donum est; non ex operibus, ut ne quis gloriatur.* Item 1. ad Cor. 7. v. 25. *Misericordiam consecutus sum a Domino, ut sim fidelis.* De pia affectione ad Philipp. 1. v. 6. *Qui cepit in vobis opus bonum, perficiet usque in diem Christi Jesu.* Et C. 2. v. 13. *Deus est, qui operatur in vobis Et velle Et perficere pro bona voluntate.* Item ad Rom. 9. v. 16. *Non est volentis, neque currentis, sed miserationis est Dei.* Ex his manifeste apparet, omnia Pelagianorum aut Massiliensium effugia esse præclusa, quæ vel a gratiæ varia acceptione, vel a distinctione in opus perfectum & initium operis, vel a potentia saltem simpliciter tali, licet minus facili quærentur.

Conf. I. Auctoritate PATRUM, ac præsertim S. Aug., qui viginti annorum indefessis laboribus & libris plusquam triginta orthodoxam de Divina gratia doctrinam sanctissime discussit, ejusque necessitatem tum contra Pelagianos, tum contra Massilienses invictissime demonstravit; unde merito COELESTINUS Papa, alique post illum ejus quod hunc articulum dogmata prædicarunt, ANAVA autem Concilium suis Canonibus inseruit.

II. RA-

II. *RATIONE Theologica.* Salus vitæ æternæ est supernaturalis; ergo etiam *actus*, qui ad eam conducunt, debent esse supernaturales; quia inter finem & media debet dari proportio. Item Fides, iustitia vera, & adoptio filiorum Dei est gratia Dei: si autem gratia, jam non est *ex operibus*; quia opera humana nec proportionem, nec ullam connexionem habent ad donum vel præmium supernaturale: exigitur tamen a nobis fides, spes, charitas, & bona opera; ergo exiguntur opera, non humana, sed divina, sive per specialem *Dei gratiam* facta.

292. *Dico II.* Ad quemlibet actum salutarem etiam *in iusto* requiritur gratia actualis, qua excitetur ad agendum. *Prob. I. Ex SCRIPTURA.* Joann. 15. CHRISTUS se viti, & discipulos palmiti confert, & TRID. Sess. 6. de iustif. C. 16. sic docet: *Cum enim ille ipse Christus Jesus tanquam caput in membra, & tanquam vitis in palmitet, in ipsos iustificatos jugiter virtutem influat, qua virtus bona eorum opera semper antecedit, & comitatur, & subsequitur, & sine qua nullo pacto Deo grata & meritoria esse possent &c.* Ex quibus verbis liquet 1. Quod ad opera salutaria quæcunque requiratur gratia Christi. 2. Quod Concilium non loquatur de gratia habituali, cum verba: *Christus in ipsos iustificatos virtutem jugiter influit*, denotent auxilium actuale. 3. Quod loquatur etiam de actuali excitante; cum gratia, quæ præcise est adjuvans, non possit dici *antecedens*.

II. *Ex CONCILIIS.* Tridentinum mox relatum est, & Araus. II. etiam clarius & frequentius eandem veritatem exponit Can. 9. 20. & 25. *Nullum posse credere, amare, & operari, sicut oportet, nisi cum gratia & misericordia Divina præveniat . . . In omni opere bono non incipimus, sed ipse nobis inspirat.* Quæ omnia sicut ad singulos actus necessitatem gratiæ prævenientis enuntiant, sic de iustorum etiam operibus vera esse oportet.

III. *Ex PATRIBUS*, quorum duos duntaxat, sed clarissime loquentes audire juvat. Ita enim S. HIERON. in C. 24. Isa. scribit: *Ut ostendat nos Dei semper auxilio indigere, & nequaquam posse sufficere, quod datum est, nisi quotidie Dei admonitione renovetur.* Et S. AUG. L. de nat. & gr. C. 26. *Sicut oculus corporis etiam plenissime sanus, nisi candore lucis adjutus, non potest videre; sic homo*

homo etiam perfectissime justificatus, nisi aterna luce iustitia divinitus adjuvetur, recte non potest vivere. Vid. sup. dicta ex Enchir. C. 32. & L. I. ad Simplic. q. 2.

IV. *Ex RATIONE.* Ea autem duplex præprimis est, & utraque ex S. Aug. desumpta. *1ma* est; quia iustus saepe vel voluntarie distrahitur; ergo, ut redeat ad negotium salutis, indiget admonitione & excitatione Dei. Ita nempe Aug. L. de Spir. & Lit. *Nemo habet in potestate, quod ei veniat in mentem &c.* Item: *In omnibus misericordia eius prævenit nos.* Et L. 83. QQ. q. 68. *Neque velle quisquam potest, nisi admonitus . . . Et si quisquam sibi tribuat, quod vocatus venit, non sibi potest tribuere, quod vocatus est.* *2da* est: Quia ex S. Aug. L. de prædest. Ss. C. 2. L. de bono persever. C. 8. *prius est cogitare, quam credere velle, aut operari.* Sed sancta cogitatio est gratia Dei; ergo.

293. *Dico III.* In statu naturæ lapsæ probabilius ad actus salutares non solum *illustratio*, sed etiam *affectio* supernaturalis est necessaria.

Prob. I. Ex CONCILIIS. Carthaginense in responso ad epist. Zosimi sic scribit: *Præparatur voluntas a Domino, Et ut boni aliquid agant, paternis inspirationibus suorum ipse tangit corda fidelium.* Araus. Can. 7. definit, *nil boni, quod ad salutem pertineat, fieri posse absque illuminatione Et inspiratione Spiritus Sancti;* quibus adde verba Tridentini Can. 3. num. 291. Sed inspiratio vel unice, vel saltem proprie ac præcipue significat actum voluntatis ac piam affectionem; ergo.

II. *Ex S. AUG.* qui ubi necessitatem gratiæ explicat, usurpat passim voces, quæ voluntatis motum sonant. Præterea disertis ille verbis sæpius necessitatem *delectationis* in voluntate contra Pelagium inculcat; sic e. g. illud Joann. 6. *Nemo potest venire ad me &c.* Tract. 26. in Joann. exponens, per tractionem maxime designat voluntatis affectionem, dum inquit: *Trahitur ad Christum, qui delectatur veritate, delectatur iustitia, delectatur beatitudine, delectatur sempiterna vita &c.*

III. *Ex RATIONE;* quia voluntas hominis modo non ignorantia tantum, sed *infirmirate* etiam impeditur: cum autem utraque sanari debeat per gratiam excitantem, ut homo deliberate operetur secundum dicta S. Aug. L. 2. de

de pecc. mer. C. 17., & D. Thomas I. 2. q. 109. a. 1. ad 3. statuatur, naturam humanam magis esse corruptam per peccatum, quantum ad *appetitum boni*, quam quantum ad cognitionem veri; sequitur, quod voluntas per supernaturalem affectionem debeat sanari, inclinari & juvari, ut deliberatam actionem salutarem ponat.

Dixi 1. *In statu naturæ lapsæ*; cur enim in statu naturæ integræ præveniens gratia voluntatis necessaria non fuerit, dictum est supra. Dixi 2. *Probabilius est necessaria*; sunt enim Auctores graves, qui saltem absolute loquendo, negant necessitatem gratiæ excitantis, quæ immediate afficiat voluntatem, voluntque eam sufficienter excitari posse per gratiam intellectus.

Objectiones.

294. *Objic. contr. 1m.* Actus salutes in hac providentia elevatæ naturæ nobis præcipiuntur; ergo non debent superare nostras vires; cum alias Deus præciperet homini impossibilia. *Conf.* Deus liberrime & prorsus *gratuito* confert gratiam: ergo potest illam non conferre. Dato casu, quo non confert, actus salutis non erit in potestate hominis, & præceptum de actu salutari erit impossibile.

R. D. C. Actus supernaturales non debent superare vires nostras adjutas per gratiam C. pure ac nude in se spectatas N. Quod est impossibile per *naturam*, fit possibile per *gratiam*, quam Deus liberaliter offert & confert; unde actum salutarem præcipiendo nihil impossibile præcipit.

Ad Conf. D. Conf. Deus potest gratiam non conferre absolute loquendo C. facta suppositione, quod præcipiat, aut suadeat actum salutarem N. Quamvis in hac hypothese, ne impossibilia præcipiat, Deus necessario det gratiam; tamen *gratuito* illam confert, quia non datur intuitu meritorum naturalium, aut ad exigentiam rei cujusdam naturalis; sed præcisè propter gratuitum decretum, quo Deus statuit hominem elevare ad finem supernaturalem, atque ad eum obtinendum præcipere actum salutarem. Præterea confert etiam *liberrime*; quia hoc decretum sicut est liberrimum, sic & gratia ab eo dependens absolute loquendo Deo liberrima est. *Necessitas* vero illa *consequens*

ad decretum Dei non tollit rationem gratiæ, sed duntaxat præstat, ut sit gratia ex gratia.

295. *Obje. contr. 2d.* In Conc. ARAUS. Can. 25. duo definiuntur, ex quibus apparet, ad actus salutares hominis iusti non requiri, nisi auxilium gratiæ cooperantis seu adjuvantis. Imum: Hoc etiam secundum fidem Catholicam credimus, quod accepta per baptismum gratia omnes baptizati Christo auxiliante & cooperante, quod ad salutem pertinet, possint & debeant, si fideliter laborare voluerint, adimplere. 2dum. Hoc ipsum etiam salubriter profitemur & credimus, quod in omni opere bono nos non incipimus, & postea per misericordiam Dei adjuvamus; sed ipse nobis fidem & amorem sui prius inspirat, ut & baptismi sacramenta fideliter requiramus, & post baptismum cum illius adiutorio, quæ sibi sunt placita, adimplere possimus. Ergo.

R. N. Aff. Cujus falsitas ex ejusdem Concilii Canonibus num. 292 & 293. recitatis elucet. Sed & ipsi textus objecti verba quædam continent, quibus gratia actualis excitans indicatur necessaria; Nam in Imo per verba, *Christo auxiliante & cooperante*, præter cooperantem seu adjuvantem, gratia alia, nempe excitans asseritur: in 2do autem observanda veniunt verba, *in omni opere bono nos non incipimus, & postea adjuvamus*, quæ clare prævenientem gratiam enuntiant. Accedit, dogmata ARAUSICANI desumpta esse ex doctrina S. AUGUSTINI, qui plenissime nostram sententiam profitetur.

Inst. 1. Gratia solum requiritur propter supernaturalitatem effectus, sed ad hanc sufficit habitus infusus homini iusto; ergo. *Conf.* Voluntas cum solo concursu generali potest actus naturales elicere sine alia excitatione: ergo & voluntas habitu supernaturali instructa sine aliqua excitatione poterit elicere actus *supernaturales*; quia voluntas sic instructa æque potens est ad agendum supernaturaliter, ac voluntas cum concursu generali ad naturaliter agendum.

R. D. m. Sufficit habitus ex supposito, quod influat C. sufficit, & potest etiam influere, nisi excitetur N. Voluntas sufficit ad hoc, ut sequatur actus amoris, si amet; non tamen amare potest, nisi præcedat *cognitio*; similiter ergo

ergo requiritur excitatio, ut justus evigilet & attendat, se ipsum & habitus applicando ad operationem.

Ad Conf. T. A. Quia & hic excitatio saltem per cognitionem requiritur; *N. Conf. Et prob.* ex modo dictis. Quod enim justus operetur actus salutare potius, quam malos, ad quos etiam potentiam habet, ab excitatione provenit, hæc vero tribui non potest, nisi misericordie divinæ; quæ alia, quæ naturalia sunt, non possunt excitare hominem ad actum supernaturalem.

Inf. 2. Axioma est: *habituibus utimur, cum volumus*; ergo justus absque novo auxilio potest, quando voluerit, cum solis habitibus operari. *Conf. 1.* Habitus infusus supplet defectum excitationis, inclinando per se ipsum ad actus salutare; ergo non requiritur excitatio. 2. Ex dictis Principium physicum cogitationum & motuum indeliberatorum in justo sunt habitus infusi; ergo hi soli sufficiunt.

R. D. A. Cum volumus voluntate sufficiente & proportionata C. volitione alia N. Vis habituum etiam non est proxime sufficiens, nisi applicetur per actus vitales ad actus deliberatos, vel a solo Deo ad actus indeliberatos. *Ad Conf. 1. R. N. A.* Quia habitus movet ad actus mediis aliis actibus indeliberatis tum cognitionis, tum affectionis, quos majores & frequentiores ad actus salutare Deus justis concedit ad præsentiam & exigentiam habitus infusi.

Ad Conf. 2. D. Conf. Habitus soli sufficient, si applicentur a Deo & determinentur ad actus indeliberatos C. sine hac applicatione aut determinatione N. Habitus, maxime infusi, habent se per modum *potentia* ad agendum *indifferentis*; unde, quamvis sint principium physice prædictivum, etiam actuum supernaturalium indeliberatorum, tamen eorum determinatio requiritur.

296. *Obje. contr. 3t.* Sæpe fiunt actus salutare absque ulla *delectatione voluntatis*, imo cum ariditate affectu; ergo non requiritur delectatio piæ affectionis.

R. D. A. Fiunt absque delectatione sensibili C. absque ulla spiritali N. Etiam in ipsa pugna & sui ipsius victoria, quantumvis nature violenta, intervenit aliqua *spiritalis delectatio* in obediendo Deo; atque hæc delectatio

Statio est, quam *Mystici* dicunt devotionem substantialem aut rationalem, quæ in promptitudine animi ad placendum Deo consistit, cum spirituali quadam complacentia inde resultante. De hac loquebatur Apostolus ad Rom. 7. v. 22. *Condelector legi Dei secundum interiorem hominem; video autem aliam legem in membris meis repugnantem legi mentis meæ.* Similiter S. Aug. hanc delectationem explicat in Ps. 118. Conc. 8. ad illa verba: *Concupivit anima mea desiderare justificationes tuas.*

Inst. 1. Posita illustratione supernaturali clare objectum representante, vel voluntas *immediate* potest prorumpere in actum deliberatum; & sic non requiritur pia affectio indeliberata: vel potest sequi *connaturaliter* complacentia quadam indeliberata, qua incitatur voluntas ad idem objectum actu etiam deliberato amplectendum; & sic non requiritur delectatio a Deo infusa.

R. N. 1m. p. Ant. Sicut enim *intellectus* nequit procedere ad actum iudicii deliberatum, quin præcesserit actus imperfectus apprehensionis; ita, licet non tanta necessitate, non potest *voluntas* deliberate amplecti objectum, quin prius aliquo actu imperfecto com- vel displicentia moveatur erga illud: quod quidem quoad operationes supernaturales est magis necessarium in natura lapsa, quæ ob *corruptionem* & *infirmi- tatem* non movetur ad supernaturalia deliberate amplectenda, nisi prius a Deo moveatur aliqua affectione indeliberata. *Ad 2d. p. Ant. R.* Vel illa complacentia *connaturaliter* sequens ex illustratione supernaturali est supernaturalis, vel naturalis? si *1mum*; habetur intentum: si *2dum*; ergo naturali tribuitur aliqua connexio aut aptitudo positiva ad supernaturale, quod alibi negatum est.

Inst. 2. Concilia nomine *Inspirationis* intelligunt etiam *Illuminationem*, ut patet ex TRID. Sess. 6. C. 5. dum dicitur: *Ut tangente Deo cor hominis per Spiritus Sancti illuminationem, neque homo ipse nihil omnino agat, inspirationem illam recipiens; ubi inspiratio illa vocatur ea gratia, quæ ante dicebatur illuminatio.* Item ex Can. 3. supra recitato, ubi inspirationis nomen pro gratia excitante universum usurpatur; ergo CONCILIA non efficiunt.

R. Non

R. Non ex unis CONCILIIS, sed S. AUG. etiam, cuius verbis locuta sunt Concilia, pugnavimus; liquet autem non *inspirationem solam* ab illo fuisse adhibitam, sed tot tamque diserta vocabula, quæ nulla expositione detorqueri aut tergiversatione eludi possunt. Caterum equidem verum est, nomen *inspirationis* etiam convenire *illuminationi*, quatenus & hæc, seu cogitatio sancta, ab extrinseco scilicet a Deo infusa vel inspirata dicitur; minus tamen verum videtur, a TRID. per inspirationem intellectam fuisse illuminationem tantum; tum quia alias juxta Tridentinum regulariter & connaturaliter cum illustratione intellectus non esset conjuncta motio indeliberata voluntatis, ut tamen *Adversarii* fatentur: tum quia alias pertractatio & definitio Concilii esset manca circa naturam gratiæ prævenientis, ac penitus excluderetur pia affectio a negotio justificationis; quæ dici nequeunt.

ARTICULUS III.

An Gratia sit necessaria ad cognoscendum verum?

297. **D**ico I. Homo etiam lapsus potest absque gratia cognoscere quasdam veritates *naturales* tum speculativas, tum practicas. *Prob. 1^a pars.* Veritates maxime sublimes sunt illæ de existentia Dei Conditoris rerum universalium, & immortalitate animæ: sed utramque ab homine & lapso & etiam naturaliter attingi posse in Theologia alibi, ac in Philosophia argumentis gravissimis ostenditur: ergo. *Conf.* Licet peccato Adæ vulnus ignorantie infictum sit intellectui humano; certum tamen est, rationis lumen non esse extinctum, quo veritatem perspicere valeamus: & S. Aug. L. I. ad Simplic. q. 2. docet: *Honestas & utiles disciplinas comparari ante gratiam salutarem.* Item licet dæmones careant omni gratia supernaturali, magna tamen pollent naturalium scientiarum notitiis, & ex miraculis Christi illius etiam Divinitatem cognoverunt, ut ex eorum clamoribus colligitur Matth. 8. v. 39. & Luc. 4. v. 41.

Prob. 2^a pars. S. PAULUS ad Rom. C. I. cum dixisset Philosophos gentiles ex creaturis pervenisse ad cognitionem Dei & veritatem practicam de eo colendo; notat eos esse *inexcusabiles*, quia *tum cognovissent Deum, non sicut Deum glorificaverunt.* S. AUG. de illo principio:

Ee 3

quod

quod tibi non vis fieri, alteri ne feceris, scribit in Psal. 57., *hoc ignorare nemo permissus est.* De furti autem malitia hæc habet L. 2. Conf. C. 4. *Furtum punit lex tua Domine, Et lex scripta in cordibus hominum, quam nec ipsa delet iniquitas.* Conf. Etiam post lapsum verum est de homine illud Psalm. 4. v. 7. *Signatum est super nos lumen vultus tui Domine.* Unde S. Aug. L. de sp. & lit. C. 18. *Non usque adeo, inquit, in anima humana imago Dei terrenorum affectuum labe detrita est, ut nulla in ea velut extrema lineamenta remanserint.*

298. Dico II. Idem tamen sine auxilio speciali nequit eas cognoscere omnes *collective*, imo probabilius nec *distributive*. *Prob. 1^a pars.* Ex angusta admodum mentis humanæ capacitate, vitæ brevitate, veritatum multitudine, infinitis vitæ hujus officiis & aliis impedimentis, præsertim ignorantia, *quam ex justa damnatione*, ut asserit S. Aug. pluribus locis, *patitur omnis homo ab exordio natiuitatis suæ.* Conf. verbis Eccli C. 8. v. ult. *Et intellexi, quod omnium operum Dei nullam possit homo inuenire rationem eorum, quæ sunt sub sole: Et quanto plus laborauerit ad querendum, tanto minus inueniet; etiamsi dixerit sapiens se nosse, non poterit reperire.*

Prob. 2^a pars tum ex iisdem prope rationibus: tum quia multæ sunt veritates difficiles adeo & abstrusæ, ut post summam in veritate indaganda diligentiam viri etiam doctissimi eas penetrare non potuerint; & hinc constans inter eos de illis dissidium fuerit.

299. Dico III. Ad cognitionem *veritatum supernaturalium* salutarem requiritur gratia revelationis & internæ etiam illustrationis. *Pars 1^ama* constat ex notione entis supernaturalis; cum hæc veritates non sint cognoscibiles *per se*, utpote quarum objecta, sicut excedunt quoddam entitatem naturæ vires, sic & earum cognoscibilitas superat easdem; neque etiam cognosci possunt *per aliud*; quia hoc nec potest esse causa vel effectus, utpote itidem supernaturalia; neque indicia naturalia, qualia nulla dantur. *Pars 2^ada* ample probata est contra Pelagianos eorumque reliquias num. 291.

300. *Obserua I.* Ss. Patres, AUG. GREG. &c. duntaxat negant, quod homo sine gratia possit cognoscere veritates supernaturales, aut pertinentes ad opera salutaria;

aut

aut quod sola cognitione naturali possit pertingere ad mysteria supern., aut cogitationem sanctam. APOST. 1. Cor. 4. 7. non agit de scientia hum., sed de fide & aliis gratiæ donis efficacibus; attamen de scientiis etiam speculativis gloriari haud possumus, tum quia sine gratia infleat, nec discernunt inter bonum & malum: tum quia non sine naturali illustratione & Dei concursu comparantur. In ADAMO & SALOMONE quoad cognitionem perfectam naturalium, specialem Dei favorem intervenisse, ex eodem constat, ex quo novimus eorum scientiam. ANGELORUM capacitas certo major, at limitata tamen est; unde incertum, quid & quantum collective cognoscere queant. In statu *natura puræ*, tametsi non fuissent errores positivi, multæ tamen fuissent ignorantia negativæ neque homo ejusmodi novisset omnia.

301. *Observa II.* Posita Revelatione, potest homo sine gratiæ-assentiri veritatibus supernaturalibus, assensu fidei natural. Nam mysteria fidei nostræ sunt maxime & *evidenter credibilia*: ergo nulla videtur esse causa, cur intellectus sibi relictus iis assentiri nequeat, qui etiam probabilibus assentitur; præsertim cum *hæretici* aliqua fidei mysteria negantes, aliis assentiantur, quin fundamentum sit dicendi, illis præter gratiam Revelationis aliud auxilium gratiæ concedi. Ad hæc datur *actus naturalis*, qui idem objectum materiale & formale fidei divinæ habere queat; ut patet in *dæmonibus*, quibus dum Deus subinde locutus est, ut accidit Jobi 1., illi assentiri poterant actu naturali iis, quæ a Deo dicebantur, propter ipsius testimonium: imo re ipsa *Dæmones credunt & contremiscunt*, ut testatur Jac. 2. v. 19. S. AUG. autem L. de Præd. Sanct. non ob factam præcise hanc distinctionem fidei in perfectam & imperfectam *Semi-Pelagianos* impugnât: sed quia fidem imperfectam dicebant esse meritoriam, & principium fidei perfectæ ac supernaturalis.

ARTICULUS IV.

An gratia sit necessaria ad actus moraliter tantum bonos.

302. *Nota I.* *Wiclaff.* & *Joannes Hufs* asseruerunt, ex una gratiæ sanctificantis seu habitualis absentia
 Ee 4 omnia

omnia opera peccatoris coinquinari; quem errorem adeo susceperunt *Lutherus & Calvinus*, ut etiam dicerent omnia Justorum opera peccata esse, etsi illis non imputentur. *Bajus* sine charitate perfecta, *Jansenius* sine charitate saltem imperfecta opera facta dicit peccata. Alii negant ab ullo fieri posse opus etiam *moraliter bonum*, nisi habeat fidem explicitam in Christum, aut supernaturalem saltem Dei cognitionem; adeoque infidelis actionem omnem peccati damnant. Porro docuit *Bajus* hominem sine Dei adiutorio nonnisi ad peccandum valere, adeoque opus *moraliter bonum* ex omni parte non posse perfici sine gratia supernaturali & proprie dicta: qua in re habuit sectatorem *Jansenium* L. 3. de statu Nat. Laps. C. 15.; imo & aliquos ex Doctoribus Catholicis. Huic positioni communitur contradicunt TT. *Catholici*, statuuntque per solas naturæ vires opus morale bonum ordinis moralis fieri posse.

303. *Nota II.* In omni opere *moraliter bono* duo semper juxta S. AUG. L. 4. contr. Julian. C. 3. spectanda sunt, officium scilicet & finis. *Officiū* seu materia operis juxta eundem est id, quod est faciendum: *Finis* est id, propter quod faciendum est. Ille vero est duplex, nempe vel *finis operis*, seu intrinsecus, ad quem actio ex sese, seu ex natura sua ordinatur; qualis in eleemosyna est sublevatio pauperis: vel *finis operantis*, seu extrinsecus, quem agens pro suo arbitrio sibi proponit, bonum vel malum. Quidam *simpliciter* dicunt, actionem omnem infidelis esse peccatum: alii vero fatentur quidem actionem infidelis posse esse bonam tum ex officio, tum ex *fine proximo* seu operis; volunt autem infidelem semper peccare ex defectu *finis* remoti seu operantis, non ideo quidem semper, quasi habeat finem intrinsece malum; sed quia non refert actionem ad Deum, ut oportet. Vid. Tract. de Act. Hum.

304. *Dico I.* Gratia *sanctificans* non est necessaria ad omne opus moraliter bonum. *Prob. ex SCRIPTURA*, quæ pluribus locis monet peccatores, ut agant pœnitentiam, se convertant ad Deum, peccata eleemosynis redimant; & laudat actiones peccatorum v. g. Publicani in templo se humiliantis; quæ fieri non possent, si opera peccatorum omnia essent peccata: CONCILIIIS, Constantiensi, quod Sess. 15. damnavit hunc Joannis Hufi articulum 16.: *Divisio immediata humanorum operum est, quod sint vel vir-*

virtuosa, vel vitiosa; quia si homo est vitiosus, & agit quidquam, tunc agit vitiose; si est virtuosus, & agit quidquam, tunc agit virtuose. TRID. Sess. 6. Can. 7. sic pronuntiat: *Siquis dixerit, opera omnia, quæ ante justificationem fiunt, quacunque ratione facta sint, vera esse peccata . . . anathema sit.* PONTIFICUM, qui damnarunt propositionem Baji 35. *Omne, quod agit peccator vel servus peccati, peccatum est.* Et 40. *In omnibus suis actibus peccator servit dominanti cupiditati.* Item propositionem Quesnelli 38. *Peccator non est liber nisi ad malum sine gratia liberatoris.*

Prob. ex RATIONE. Quia peccator fidelis sine gratia sanctificante, licet non sine actuali, potest elicere aliquos actus salutes & intrinsece supernaturales; ergo a fortiori potest producere aliquos in ordine naturali moraliter bonos. *Ant.* iterum constat ex TRID. Sess. 6. C. 5. & 6, ac ex eo, quod alias, qui semel peccavit, non amplius posset se ad Deum convertere & a peccato resurgere; sed quanto magis niteretur per actus salutes se præparare ad justificationem, tanto magis offenderet Deum & peccatis se implicaret.

305. *Dico II.* Nec gratia fidei necessaria est ad quodvis opus ex omni parte moraliter bonum. Constat ex damnatis Baji 25ta, Quesnelli 42da, & 8va ab ALEX. VII., quæ, sicut illæ de opere infidelium, de ipso infideli operante enuntiat.

Prob. ex SCRIPTURA. Quia nec hæc mala opera laudat, nec Deus remuneratur: scriptura autem laudavit & Deus remuneratus est quædam opera infidelium; ergo.

Min. patet 1. in *obstetricibus Ægyptiis* pueros Hebræos servantibus, de quibus Exod. 1. legitur: *Benefecit Deus obstetricibus; & quia timuerunt obstetrices Deum, edificavit eis domos.* Unde quamvis illæ postea mentitæ fuerant, tamen S. AUG. L. contr. mendacium C. 15. hæc de illis enuntiat: *Non est in eis remunerata fallacia, sed benevolentia; benignitas mentis, non iniquitas mentientis.* 2. in *Rahab*, exploratores Judæorum occultante, & ideo a communi civium Jerichuntinorum excidio servata, ut ex Jos. 2. ac 6. constat; quæ tamen tum temporis etiam juxta S. THOM. in C. 1. Matth. adhuc idololatra fuerat. 3. In *Nabuchodonosore* ob bellum contra Tyrios gestum

pro mercede ex Dei jussu terra Ægypti donato, ut Ezech. 29. perhibetur; unde S. Hier. ad hunc locum: *Ex eo, inquit, quod Nabuchodonosor accepit mercedem boni operis, intelligimus etiam Ethnicos, si quid boni fecerint, non obique mercede Dei judicio præteriri.*

Conf. Ex illo APOSTOLI ad Rom. 2. v. 14. *Gentes, quæ legem non habent, naturaliter ea, quæ legis sunt, faciunt.* Quamvis autem hoc loco abusi sint Pelagiani ad nimium extollendas liberi arbitrii vires, & hinc S. AUG. L. 4. contr. Julian. C. 3. illum de gentibus ad Christi fidem conversis exposuerit; tamen non minus probabiliter, quin verbis Apostoli congruentius, intelligitur de gentibus nondum gratiam consecutis, ut plerique PP. omnes apud Suar. L. 1. de gr. C. 8. exposuerunt; quam explicationem S. AUG. ipse L. de sp. & lit. C. 27. & 28. defendit ut hypothesein, quæ veram omnino & Catholicam doctrinam contineat. Hinc, qui cum Jansenio L. 4. de hæz. Pel. C. 8. communem expositionem ad Pelagianum errorem pertinere dicunt, repetunt propositionem Baji damnatam 22. *Cum Pelagius sentiunt, qui textum Apostoli ad Rom. 2. Gentes, quæ legem &c. intelligunt de gentibus fidei gratiam non habentibus.*

Prob. ex Ss. PP. Apud Suar. Ripald. & alios; item ex RATIONE. *Ima est; Quia infideles etiam in statu suæ infidelitatis non minus, ac peccatores fideles in statu peccati, tenentur servare præcepta legis naturalis, eaque transgrediendo peccant; ergo in illo statu ea debent servare posse; cum nemini imputetur in culpam & poenam, cujus observantia ipsi est impossibilis: ergo debent ea observando saltem posse operari non male; quia & hoc lex naturalis imperat: ergo, cum lex etiam imperet moraliter bonum, illud præstandi potentiam habere debent.* 2da est; quia *conditiones* ad opus ex omni parte moraliter bonum sunt, 1. ut ipsum opus ex objecto sit bonum; 2. ut finis intrinsecus sit honestus & regulæ morum conformis; 3. ut in finem extrinsecum malum non feratur; 4. ut hic & nunc non sit prohibitum quacunque de causa. Sed infidelis potest has omnes *conditiones* in aliquo opere servare; ergo.

Ex his proin recte inferitur: potest homo per *sola naturæ vires* & absque ulla gratia supernaturali exercere actum

actum aliquem moraliter bonum, saltem quando nulla in oppositum urget gravis tentatio; tum quia nec ex ratione ostendi potest necessitas gratiæ supernaturalis ad actum honestum ordinis naturalis. Tum ex ratione duplici, quam ultimo attulimus: tum ex demonstratis propositionibus, & quidem Baji 27. *Liberum arbitrium sine adiutorio Dei non nisi ad peccandum valet.* Quesnelli 40. *Sine gratia nihil amare possumus, nisi ad nostram condemnationem;* 39. &c. tum ex S. Aug. qui L. 1. de nupt. & concup. C. 3. ait, *liberum arbitrium parum valere ad bonum,* & similiter L. de perf. just. C. 2. in resp. ad 3iam Celestii objectionem docet, *illud parum esse ad non peccandum.*

Objectiones.

306. *Objic. contr. Imum.* Matth. 7. dicitur; *Non potest arbor mala bonos fructus facere; sed per arborem malam intelligitur peccator, per fructus bonos opera bona; ergo.*

R. D. M. Arbor formaliter & ut mala non potest facere fructus bonos C. materialiter & quæ mala N. Dum peccator non agit ut peccator, potest utique opera honesta facere, imo cum gratia actuali etiam salutaria, ut liquet ex Trid. cit.; sicut justus peccare venialiter potest, juxta illud: *septies in die cadit justus*, quamvis in eadem parabola dicatur: *Non potest arbor bona malos fructus facere.*

Inst. 1. Etiam peccatorum opera, quæ videntur bona, Deo displicent, aut saltem non probantur, ut patet ex Prov. 15. *Victima impiorum abominabile;* Deq; & ex Joann. 9. ubi dicitur: *Deus peccatores non audit.* Ergo ne moraliter quidem bona sunt,

R. N. Ass. Ad 1m. text. R. Victimæ non fuisse Deo abominabiles ex statu præcise offerentium, sed ex pravò eorum fine, quem actualiter adungebant Judæi, dum eorum multi Sacrificia legis offerebant ex inani spe ac impia præsumptione, omnia sibi fore licita, modo ritus hos externos & alias Mosaica legis ceremonias observarent; quod ipsum Deus Isa. 1. illis exprobrat, & postea, quomodo sibi sacrificandum grandemque sit, præscribit.

Ad

Ad 2d. text. R. 1. Cum S. Aug. L. 2. contr. epist. Parmeniani D. dicitur hoc a Christo vel Evangelista N. a cæco nato, cæu homine necdum lumine fidei Christianæ, neque a Deo specialiter illustrato C. Non autem quælibet verba loquentium in scriptura sunt verbum Dei; alias & verbum Dei foret non dari Deum, cum scriptura dicat: *Dixit impius in corde suo: non est Deus.*

R. 2. D. Deus non audit peccatores in eo sensu, quem intelligebat hæc verba proferens C. absolute & simpliciter N. Cum cæcus a Christo visum miraculo recepisset, & Pharisei Salvatorem nihilominus tanquam impostorem & blasphemum calumniarentur; ille famam Christi defendendam suscepit, dicendo: *scimus, quia Deus peccatores non audit*, scilicet ad patranda miracula; quod verissimum est, cum Deus ad peccatoris preces miracula patrare non solet.

Inst. 2. S. Aug. L. 9. de Trin. C. 7. & 8. alibique sapius docet, quidquid fit ab homine, *vel fieri ex charitate, vel ex cupiditate.* L. de gr. & lib. arb. C. 18. autem: *Præcepta charitatis, inquit, tanta & talia sunt, ut quidquid se putaverit homo bene facere, si fiat sine charitate, nullo modo fiat bene.* Sed quidquid peccator facit in statu peccati, facit sine charitate: ergo.

R. D. Fit ex cupiditate vel charitate stricte sumpta pro amore benevolentie Dei N. vel ex charitate late sumpta pro quolibet motu, vel amore iustitie aut honestatis C. v. num. 170.

Inst. 3. Quoad 2d. eadem est Ratio quorundam; sed quia, ut probat Suarez L. 1. de gr. C. 5., fere certum est loqui hic S. Aug. de charitate stricte sumpta, cum S. Th. 2. 2. q. 47. a. 7. ad 3. **R. D.** Nihil fit bene sine charitate, si fiat sine charitate contrarie, h. e. si fiat cum ordine ad motivum vel finem vel circumstantiam, quæ repugnat charitati C. si fiat sine charitate negative, h. e. si quidem non fiat ex influxu, motivo, vel imperio charitatis, nec tamen cum ordine ad aliquid charitati contrarium N. vel *subd.* nihil fit bene moraliter vel etiam quocunque modo salutariter N. proxime salutariter ad justificationem vel per modum meriti condigni C. vel T.

Ubique S. Aug. docet, *sine charitate* nihil fieri bene, non loquitur de bonitate mere naturali & morali,
ut

ut patet ex dictis: neque etiam loquitur de bonitate quacun- que supernaturali & salutari; cum ex iisdem constet, dari opera salutaria hominis impii, quæ per se ad justificationem non sufficiant, quamvis remote disponant: sed loquitur vel de *bonitate salutari*, quæ habeat se per modum dispositionis proximæ ad justificationem; quia charitas actualis vel est necessaria *in re* ad justificationem peccatoris extra sacramentum, vel saltem *in voto* & animi præparatione, si justificatio fiat per sacramentum: vel loquitur de bonitate salutari, quæ se habeat per modum meriti condigni vitæ æternæ; quia charitas habitualis vel est indistincta a gratia sanctificante, vel quidem distincta, sed inseparabilis, adeoque sicut sine hac non sit opus condignum vitæ æternæ, sic neque sine illa.

Atque hunc sensum a S. AUG. intendi, patet ex eo, quod in omnibus operibus, ubi gratiæ necessitatem contra *Pelagianos* ad opera bona defendit, expresse profiteatur, a se illa tantum opera intelligi, per quæ homo ad æternam vitam regnumque Dei perducì possit. Unde colligitur, quotiescunque idem docet voluntatem sine charitate esse dicendam *cupiditatem*, neque bonam ullam voluntatem sine ea haberi, eum loqui de *charitate habituali*, sine qua in præsentì providentiâ voluntas est necessario habitualiter mala, cum inter statum gratiæ & peccati non detur medium. Similiter cum dicit sine charitate nullam esse *virtutem veram*, per hanc intelligit virtutem simpliciter perfectam in ordine ad finem supernaturalem, h. e. gratia sanctificante seu charitate formatam; cum aliæ virtutes, eoquod sint informes, neque meritum vitæ æternæ contineant, non virtutes simpliciter, sed secundum quid vocari soleant.

307. *Objic. contr. 2dum.* SCRIPTURA omnia infidelium opera videtur habere tanquam mala; ad Rom. 14. *Omne, quod non est ex fide, peccatum est*; quem locum S. AUG. L. 4. contr. Julian. C. 3. de fide proprie dicta intelligit, ac inde probat, omnia infidelium opera esse peccata. Et ad Titum 1. *Omnia munda mundis: coinquinatis autem & infidelibus nihil est mundum, sed inquinata sunt eorum & mens & conscientia.* Tandem ad Hebr. C. II. *Sine fide impossibile est placere Deo.*

R. N. Ass. ad 1m. R. Textum hunc non de fide theologica, sed de *dictamine conscientia* practico, uti context-

textus ipse probat, exponunt Ss. PP. & TT. communiter cum C. Lateran. IV. Can. 41. *Quoniam omne, quod non est ex fide, peccatum est, Synodali iudicio definimus, ut nulla valeat absque bona fide præscriptio tam canonica, quam civilis.* Si tamen cum S. AUG. & PROSPERO intelligatur de *fide theologica*, eundem cum S. Th. 2. 2 q. 10. a. 4. & q. 23. a. 7. *expl.* Quod non est ex fide theologica positive & contrarie, h. e. quod sit contra fidem, sive ex animo infidelitatis, peccatum est C. quod non est ex fide negative, h. e., quod sit absente tantum fide *subd.* peccatum est ut plurimum, quia scilicet infidelis sapissime agit ex motivo infidelitatis C. semper, quasi nullo prorsus motivo honesto posset unquam ad agendum moveri N.

Ad 2d. B. Apostolum intelligendum esse de immundis & infidelibus *formaliter* talibus, non autem materialiter talibus; cum & hoc modo debeant sumi mundi, ut illis dicantur omnia esse munda.

Ad 3t. D. Sine fide &c., ita ut intelligatur, nullam personam aut operantem placere Deo posse sine fide, imo nec sine gratia iustificante seu gratuito faciente C. ita ut intelligatur nec opus aliquod sine fide posse placere Deo *subd.* non posse placere Deo in ordine ad meritum gloriæ vel veram iustitiam consequendam C. in ordine ad præmium temporale huius vitæ N. Contrarium enim probant exempla num. 305. allata aliæque plura.

Inst. 1. S. AUG., quem in hoc sequuntur Ss. Prospet & Fulgent., imo. L. 1. de nupt. C. 3. & 4. &c. totus est in eo, ut ostendat, virtutes *infidelium* non esse *veras* virtutes: 2do. Ibidem contendit omnia opera infidelium esse *peccata*, quia non sunt ex fide. 3tio. *Fidem* esse unicam directricem intentionis, quæ opera faciat bona, ut in Pl. 31. commentatur. 4to. L. 3. ad Bonif. C. 8. & L. de sp. ac lit. C. 3. definit liberam arbitrium nonnisi *ad peccandum* valere, *si lateat via veritatis*, h. e. gratia fidei absit.

B. N. Aff. Ad 1m. B. D. Ut ostendat virtutes infidelium non esse *veras* in eo sensu, quo *veras* virtutes esse dicebat Julianus C. in sensu nostræ conclusionis N. *Julianus* quidem statuebat 1. opera esse simpliciter bona, quæ essent ex officio bona, licet ex pravo fine fierent. 2. Virtutes gentilium esse simpliciter *veras*, iisque illos simpli-

ter

citer & absolute constitui bonos aut justos. 3. Has gentiliū virtutes nec exiguas esse, nec infrequentes. 4. Doccebat, vel ex ejus doctrina certe inferebat Augustinus, eas virtutes meritorias esse regni cœlorum. 5. Argumentis S. Augustini pressus virtutes infidelium concessit esse steriles.

S. AUG. in his omnibus contradixit; quin & absurditatis & contradictionis *Julianum* convincebat: si enim virtutes non essent ex omni parte perfectæ; non tantum *steriles*, sed prorsus falsas ac vitia dicendas arguebat: Si vero perfectæ forent, illisque vera iustitia compararetur, contendebat easdem non esse *steriles* ad vitam æternam. Atque hæc quidem in libris contra *Julianum*; quibus similia præmiserat L. de nupt. & concup., unde lis ipsi cum *Juliano* orta fuit. Nam & hic infidelium conjugatorum actus plerumque malos dicit ob finem perversum, qui non *negative* duntaxat, sed *contrarie* ad cultum Dei non pertinebat.

Ad 2d. N. D. Contendebat opera infidelium omnia, h. e. pleraque esse peccata, utpote ex fine pravo facta C. omnia absolute & sine exceptione, etiam illa, quæ ex honesto fine fiebant *subd.* contendebat esse peccata, h. e. non esse opera veræ iustitiæ, quæ operantem Deo gratum reddant C. esse peccata vere, proprie & formaliter talia N. Controversia principalis S. AUG. inter & *Julianum* versabatur in eo: an virtutes infidelium sint veræ virtutes ac simpliciter, h. e. more Theologico & Christiano sumptæ, quæ scilicet hominem Deo acceptum constituent & ad vitam æternam promerendam conferant? atque hoc esse negavit Aug., tum quia opera ex officio tantum bona & ex fine pravo facta sunt proprie peccata: tum quia facta ex fine quidem bono, sed *sine fide* non faciunt hominem Deo gratum; cum sine fide impossibile sit placere Deo.

Quæstio *incidens* & ex laude Romanorum heroum ac Gentilium Philosophis a *Juliano* data fuerat hæc: an eorum opera ex officio bona fuerint profecta ex fine bono? Ad hanc, ut ex L. de sp. & lit. cit. constat, Aug. dicebat, *vix* talia inveniri, & sic non nisi rara ac paucâ esse. Quare, cum parum reputetur pro nihilo, & hæc quæstio extra scopum controversiæ principalis versabatur, S. AUG. subinde offerebat contra *Julianum* simpliciter, omnia infidelium opera esse peccata.

Ad

Ad 3t. R. D. Fides dirigit intentionem ad finem & opus supernaturale C. naturale seu moraliter bonum N. S. Th. 2. 2. q. 10. a. 4. ad 2. S. AUG. sic explicat: Fides dirigit intentionem respectu ultimi finis supernaturalis, sed lumen etiam naturalis rationis potest dirigere intentionem respectu alicujus boni connaturalis. Hinc dum S. AUG. opera ante fidem vocat magnas vires & cursum celerissimum; sed extra viam, apparet illa agnosci ut bona, sed ad meritum vitæ æternæ omnino sterilia. Ad 4t. R. Idem dictum S. AUG., uti & sententiam C. Arabici, qua definitur neminem habere de suo nisi mendacium & peccatum, vide n. 269.

Inst. 2. Siquid opus esset ex omni parte bonum, foret illud, quod suscipitur ex amore honestatis; atqui ejusmodi actio non est bona juxta S. AUG., qui L. 10. de Civ. C. 25. Licet a quibusdam, inquit, tunc veræ & honestæ putentur esse virtutes, cum ad seipsas referantur, nec propter aliud expetuntur; etiam tunc inflatæ & superbae sunt, & ideo non virtutes, sed vitia judicanda sunt. Ergo.

R. N. min. Ad text. S. AUG. D. virtutes inflatæ & superbae sunt, si referantur ad se ipsas, h. e. si appetantur, ut conferatur animo decor continentiae v. g. aut probitatis, qui scilicet humanæ gloriæ deserviat C. h. e. si appetantur propter ingentiam rationem honestatis subd. si hæc honestas habeatur pro fine ultimo, ut Stoici faciebant C. si tanquam finis ordinabilis ad Deum, qui est omnis honestatis fons, principium & regula N. Tunc enim favet nobis potius S. Doctor; præcipue L. 83. QQ. q. 30.

Inst. 3. Quamvis speculative probabile sit, hominem posse se convertere ad honestatem virtutis, & sic implicite ad Deum, practice tamen nunquam se ad illam convertit absque philautia, ut ait S. AUG. L. 4. contr. Julian. C. 3. scribens: Nihil est in creaturis, quod attinet ad institutarum divinitus merita naturarum, naturali mente præstantius. Unde fit consequens, ut mens bono magis sibi placeat, magisque se ipsa delectet, quam qualibet alia creatura.

R. N. Aff. Quod distinctione hac aptum est ad eludendam damnationem articuli Bojani 27mi s. c. Ad text. R. ex contextu liquet, his verbis doceri duntaxat facile

facile quidem & frequenter hominibus etiam justis, non tamen semper & in actione omni evenire in hac mortali vita, ut concupiscentia mala ac superbia sollicitet animum, & eum vincat. His adde, quod quamvis intra res creatas nihil sit, quod homo præ se magis amet, tamen Deus sit, in quem naturaliter feratur.

Inst. 4. Si possemus bonum naturalis ordinis præstare, possumus pariter servare *legem naturæ* ac Deum diligere: & consequenter potiri vita æterna; cum Matth. 19. dicatur: *si vis ad vitam ingredi serva mandata.* Hoc vero concessio statuenda erit pro ejusmodi hominibus vita æterna diversa a regno cælorum, ut S. AUG. sapius cit. contr. *Julian.* declarat. *Conf.* Voluntas hominis lapsi magis est propensa ad *malum*, quam ad *bonum*. Sed hac propensione majore ad malum stante, nequit sine gratia exire in opus moraliter bonum; ergo.

R. *Transmissa* Imo *Seq. N. 2dam.* Ad consequendam *vitam æternam* non sufficit observatio mandatorum quæcunque & naturalis, sed salutaris; quam postremam cum *Julianus* solis naturæ viribus haberi posse vellet, recte quidem S. AUG. commemoratum absurdum intulit contra *Julianum*; in nos vero id minime quadrat. *Ad Conf. concessa Maj.* Præsertim si præter originale peccatum insit etiam homini habitus vitiosus; *N. min.* quia stante etiam tali propensione, nisi hæc supponitur esse tentatio valde gravis, homo non tantum *physice*, sed & *moraliter* indifferens est sine gratia supernaturali, & potest assentiri bono honesto opposito.

Inst. 5. Homo nunc est ad *finem supernaturalem* elevatus: ergo ut per quemvis actum inhonestum recedit ab hoc fine, ita per quemvis actum honestum ad eundem accedit; tum quia a ias deterioris conditionis homo esset respectu operationis bonæ: tum quia assignari nequit, ad quæ opera detur vel requiratur gratia. Sed sine gratia homo nequit accedere ad finem supernaturalem: ergo.

R. *N. Conf.* Sicut enim homini non debetur *elevatio* ad finem supernaturalem; sic etiam ea supposita non debetur ipsi *potentia*, qua possit per singulos actus positive converti ad finem supernaturalem; quod quidem de peccatoribus maxime *infidelibus* facile omnes concedunt: respectu *fidelium* autem nonnulli putant dari semper ho-

FF

mini

mini libertatem cum præparatione necessariorum talem, ut homo semper possit ponere vel actum malum, vel actum naturaliter tantum honestum, vel actum supernaturalem; quæ opinio videtur carere sufficienti fundamento; præsertim cum in sententia supernaturalitatem a motivo desumentium possit sæpe in actione occurrere motivum duntaxat naturale; in aliorum autem systemate non statuatur adesse gratiam prævenientem in omnibus prorsus actionibus etiam præcepto positivo non subjectis.

Unde *ad prob. R. T.* Quia per hanc inæqualitatem, in aliquo indebito fundatam, ac præterea propter peccatum originale aliquo modo debitam, nulla homini fit injuria. *Ad Prob. 2. R. N.* Daratur enim gratia ad ea opera, ad quæ requiritur; ejusmodi autem sunt tum opera salutaria & vitæ æternæ meritoria, tum actus difficiliore etiam naturales duntaxat, ut mox dicetur. Cæterum gratiarum distributionem definire nostrum non est. Quis enim *agnovit sensum Domini, aut quis consiliarius ejus fuit?*

ARTICULUS V.

An Gratia sit necessaria ad servandam legem naturalem?

308. **N**ota. Quæstio proposita circa hominem duntaxat in statu *natura lapsæ* movetur; de homine enim in statu *natura integra* Theologi communiter cum S. Th. 1. 2. q. 109. a. 4. & 8. sentiunt, eum facile quovis longo tempore totam legem naturalem sine speciali gratiæ auxilio servare potuisse: quid vero de *natura pura* dici queat, dictum est n. 34. & 38. Porro supponimus hic tantquam certa, vel superius jam expedita: 1. Legem naturalem actus supernaturales etiam præcipientem non posse impleri *sine gratia*; quia hæc ad illos actus necessaria est: 2. Nec etiam legem pure naturalem sine gratia observari posse *quoad modum*, seu ut hæc observatio conducat ad salutem; cum actus salutaris sine gratia haberi nequeat: 3. Dari sine speciali gratiæ auxilio in homine potentiam *moraalem* æque ac *physicam*, ut brevissimo aliquo tempore observet præcepta legis naturalis tunc temporis occurrentia affirmativa, nec ullum ex negantibus transgrediatur, modo absit gravis tentatio in contrarium.

309. *Dico I.* Tota lex naturalis sine gratia potest *potentia physica* h. e. secundum requisita ex natura rei ad hoc, ut actus poni possit, diu ab homine lapsa servari secundum *substantiam*, h. e. secundum ea, quæ pertinent ad bonitatem moralem. *Prob.* Tota lex naturalis secundum substantiam considerata non superat in præsentis statu vim humanæ voluntatis: ergo sine gratia potest *potentia physica* servari secundum substantiam, & quidem diu, cum non uno tempore occurrat tota præceptorum collectio simul observanda. *Ant. Prob.* Ut tota lex vel collectio præceptorum non superet vim humanæ voluntatis, satis est, quod observatis seorsim præceptis pluribus, nihil minuatur humana voluntas secundum virtutem physicam; hæc non minuitur; ergo.

310. *Dico II.* Nequit tamen *potentia morali*, h. e. sine magna difficultate, ab eodem ita servari longo tempore, quin nunquam intra idem tempus peccet legis præceptum non observando. *Prob. Authoritate I. SCRIPTURÆ.* S. Paulus ad Rom. 7. cum v. 23. dixisset: *Video aliam legem in membris meis repugnantem legi mentis meæ, & captivantem me in lege peccati, quæ est in membris meis*, mox v. 24. ingemiscens & quærens (subjungit: *In felix ego homo, quis me liberabit de corpore mortis hujus?* tandem v. 25. sibi ipsi respondet: *Gratia Dei per Jesum Christum Dominum Nostrum.* Ex hoc autem constat inprimis, sicut per legem membrorum intelligitur *concupiscentia*, sic per legem mentis intelligi *legem naturalem* menti insculptam: deinde hanc legem naturalem impleri non potuisse a PAULO *sine gratia*: denique idem tenere respectu omnium hominum; quia ratio impotentia, quam agnoscit, nempe fomes peccati seu concupiscentia, est omnibus communis, & in plerisque longe maior.

2. CONCILIORUM. Carthagen. II. in epist. Synod. ad INNOC. I., quæ est 90. inter epistolas S. Augustini, damnat Pelagianos, quod dicerent liberum arbitrium absque Dei gratia implere posse legem, *sive naturaliter in corde scriptam, sive in litteris datam.* Carthagenense IV. seu, ut alii laudant, Milevit. II. Can. 5. anathema dicit illis, qui dixerint, quod *etsi gratia non daretur, non quidem facile, sed tamen possemus etiam sine illa divina implere mandata.*

3. PATRUM, præsertim S. Augustini, qui in L. de sp. & lit., ubi totus est, ut ostendat legem sine gratia servari non posse, statim C. 1. sic inquit: *Qua lege fidei credidit, nullo modo posse suæ infirmitati ad implenda ea, quæ lex factorum jubet, nisi divina gratia subveniri.* Negari autem hic tantum potentiam moralem de tota lege patet ex L. 1. de pecc. mer. C. ult. & L. 2. C. 3.

Prop. II. RATIONE. Ex parte observandorum habetur magna difficultas; ex parte observantium naturalis quædam reluctantia; ergo. Sane in nostro casu omnia præcepta naturalia sunt observatu quoad se valde difficilia, & rebellio appetitus refugit, aut ad contraria sollicitat; quæ si etiam non urgeret, voluntas ratione suæ mobilitatis ac inconstantia, atque ad delectabilia propensionis totas suas vires ad agendum non esset semper adhibitura, ut proxime S. AUG. l. c. testatur. *Conf.* Quia voluntas absque speciali auxilio nequit superare gravem tentationem, quæ intra longum tempus sine speciali protectione Dei extrinseca non abest.

Objectiones.

3II. *Obj. contr. 1m.* Impotentia proprie physica est, quæ habetur ex infirmitate aut defectu virium: sed natura sine gratia ad observandam legem est infirma, & habet defectum virium; ut patet ex S. AUG., qui L. de perf. just. ad rat. 1m. sic respondet: *In tantum enim sana non est, in quantum id, quod faciendum est, aut cæcitate non videt, aut infirmitate non implet, dum caro concupiscit adversus spiritum.* Et S. TH., dum I. 2. q. 109. art. 4. negat, hominem posse implere præcepta sine gratia sanante: imo art. 2. negat hominem totum sibi con-naturale bonum agere, ita quod in nullo deficiat.

R. D. M. Impotentia proprie physica est, quæ habetur ex infirmitate & defectu virium absolute sumptarum & simpliciter necessariarum C. quæ habetur ex defectu virium tantum respective sumptarum, neque necessariarum simpliciter N. Natura lapsa equidem non est sana, sed lapsa & infirma, si sumatur respective ad naturam integram, neque, ut illa, vires sanas ac robustas habet, atque hinc virium defectum habet; ut d. e. n. 174. & seqq.; sed easdem requiri ad potentiam physicam observandæ legis

gis naturalis habendam, negatum est tum ibid., tum in præcedentibus.

Hinc ex allatis testimoniis nihil efficitur contra *potentiam physicam*; tum quia S. AUG. impotentiam repetit duntaxat a resistantia appetitus inferioris; quæ facit tantum moralem impotentiam: tum quia uterque loquitur de infirmitate respective ad *statum integrum*; quod manifeste etiam patet in locis ex D. Thoma objectis, ubi utrobique prius de natura integra resolvit, illi adesse potentiam; quæ cum non physica tantum, sed & moralis fuerit, sequitur ab eodem naturæ corruptæ negatam solum fuisse moralem potentiam, non physicam quoque. Adde, quod S. DOCTOR per *gratiam sanantem* intelligat sanctificantem, quam propter duo requirit, nempe ut natura corrupta sanetur, & ut bonum ordinis supernaturalis, quod condigne meritorium est, operetur.

Inst. 1. S. AUG. l. c. comparat infirmitatem voluntatis cum *vitiato pede* ejus, qui claudicat; & S. HIER. L. 3. contr. Pelagian. hominis impotentiam ad non peccandum exæquat cum impotentia ad *non ægrotandum*: ergo asserunt impotentiam vere physicam.

R. N. *Conf.* Comparatio enim non est *quoad omnia*; alias sicut claudus necessario claudicat & ubique, sic & homo sine gratia peccaret necessario & semper, quod nec Adversarii hic nostri volunt, nec intendit etiam S. AUG., utpote qui ibid. resp. 3tia dicit *parum esse*, non autem *nihil posse*, voluntatem ad non peccandum. Stat ergo comparatio duntaxat in eo, quod sicut claudum esse est aliqua impotentia, qua non potest homo non claudicare; ita humanæ voluntati sua sit imbecillitas, ex qua non possit non peccare *sape*, nisi adjuvet gratia; ad quod non est necesse, ut hæc, sicut illa, sit impotentia physica. Eadem explicatio facilius etiam adhibetur comparationi *Hieronymiana*.

Inst. 2. Si homo non habet impotentiam physicam; ergo gratia solum requiritur ad legem facilius & non simpliciter observandam: consequens est Pelagianum: ergo.

R. N. M. Nam 1. gratia non desinet esse *absolute necessaria* tum ad legem naturalem, imperantem obsequium præceptis *supernaturalibus*; tum ad præcepta naturalia

quoad modum observanda; quod utrumque inficiabantur Pelagiani. 2. Erit semper necessaria ad implenda etiam præcepta naturalia quoad *substantiam*; quia admittitur impotentia moralis, qua posita moraliter loquendo præcepta servari nequeunt. 3. Quamvis hæc moralis impotentia confundi possit cum maxima difficultate; tamen ubi intercedit, infallibiter futurum est, ut actus non fiat: unde plus dicit, quam *difficilius*.

312. *Objic. I. contr. 2d.* Præcepta omnia legis naturalis sunt naturalia, & hinc viribus liberi arbitrii naturalibus proportionata: ergo & per eandem moraliter possunt servari. *Conf.* Deuter. 30. postquam præmisisset Moyses mentionem omnium præceptorum & legis, v. 11. *Mandatum hoc*, ait, *quod ego præcipio tibi hodie, non est supra te, neque procul positum*: ergo lex tota naturalis facile ac moraliter servari potest.

R. D. A. *seq.* Sunt proportionata, quantum ad ordinem C. quantum ad potentiam & vires *subd.* quantum ad potentiam tum physicam, tum moralem sunt proportionata viribus integris adhuc & sanis, quales habuerat Adamus C. quantum ad utramque potentiam sunt proportionata viribus infirmis ac debilitatis certe per peccatum Adami, quibus tantum restat potentia *physica*, nisi juvetur gratia N.

Ad Conf. D. Conf. Potest lex naturalis tota servari facile & moraliter per auxilium gratiæ C. sine eo N. Loquitur enim hic MOYSES non de naturali duntaxat, sed & de scripta, ut ex præcedente versu patet, ad quam pertinere gratiam & ipsi Adversarii concedunt, quamque gratiam nemo eorum negaverit adfuisse Judæis, ac ipse Moyses non obscure promiserat, dum eod. Cap. v. 6. prædixit: *Circumcidet Dominus Deus tuus cor tuum, & cor seminis tui, ut diligas Dominum Deum tuum &c.*

Inst. I. S. CHRYS. Hom. 5. in ep. ad Rom. ad hæc verba: Gentes, quæ legem non habent, naturaliter ea, quæ legis sunt, faciunt; sic inquit: *Gentiles admiratione digni sunt, quod nec lege scripta ipsis opus fuerit, & tamen omnia, quæ legis erant, præstiterint.* Ergo.

R. D. A. Gentiles omnia, quæ legis erant, præstiterunt hoc sensu, quod alii alia præcepta impleverint C.
hoc

hoc sensu, quod singuli omnia impleverint N. Unde & Apostolus videtur attente non dixisse: Gentes naturaliter legem faciunt, sed: *ea, quæ legis sunt*; cum econtra paulo ante scripssit, *factores legis*, nempe totius, *justificari*, quod sine gratia non fit.

Inst. 2. S. TH. in 2. dist. 28. a. 2. & 3. expresse docet, hominem non tantum singula, sed & omnia peccata mortalia vitare, & omnia legis naturalis præcepta, quantum ad *substantiam* actus, sive ad hoc, quod directe cadit sub præceptum, implere posse. Ergo.

R. ut supra, S. THOMAS hic loci naturæ tribuere duntaxat potentiam *physicam*, non vero moralem, quem admodum & in SUMMA moralem tantum negasse diximus; atque hinc non necesse cum aliis putamus, juniorem Doctorem cum seniore committere. Eodem sensu explicari possunt Durandus, Scotus, Gabriel alique antiquiores, quibus eadem sententia passim tribuitur.

Inst. 3. Quod *moraliter* tantum est impossibile, non est simpliciter impossibile, sed solum *difficile*: ergo fieri potest, ut quandoque oppositum contingat. Sed hoc posito sequitur gratiam non esse ita necessariam, ut in ejus defectu nequeat lex observari per longum tempus, quin homo peccet; ergo. *Conf.* Homo ex victoria aliquot difficultatum circa unum aut plura præcepta fit promptior & acquirit *habitum*, quo facile operetur: ergo collectio præceptorum nihil facit ad impotentiam moralem.

R. D. A. Quod moraliter latius est tantum impossibile, non est &c. C. quod moraliter strictius est impossibile, adeo, ut per vires physicas absolute fieri nequeat C. non est simpliciter intra genus impossibilitatis moralis impossibile, adeo nempe, ut quamvis ad oppositum non defuit potentia *physica*, tamen res tot affecta sit difficultatibus, ut nunquam de facto fiat N. Unde negatur conseq., & sic fundamentum ruit subsumpti, de quo etiam num. 311. dictum est.

Ad Conf. R. D. A. Fit promptior circa actus ejusdem speciei, & circa eosdem etiam acquirit habitum C. circa actus diversæ speciei N. Jam vero præceptorum diversorum diversi sunt actus, adeoque obtemperans uni vel alteri præcepto non acquirit promptitudinem vel *habitum* pro

observanda tota lege. Præterea voluntatis inconstantia & ad delectabile propensio intra longum tempus prævalebit habitui non admodum radicato, nisi gratia juvetur.

Inst. 4. Datur potentia moralis ad omnia præcepta distributive servanda: ergo & ad omnia collective. *Conf.* Quæ sunt moraliter impossibilia, nequeunt *voveri*, aut a superiore *positive imperari*: ergo nec lege naturali ea præcipi possunt; maxime quia ad peccandum requiritur libertas & potentia etiam moralis.

R. D. A. Datur potentia moralis observandi præcepta distributive omni, tò distributive sumendo proprie & implendo collectionem N. sumendo improprie vel potius singulariter teorsum ac divisive, seu connotando unum vel alterum indeterminate tamen sumptum non observari, atque hinc collectionem non impleri C.

Ad Conf. R. Transm. Ant. de impossibilitate morali indeterminata N. *Conf. Disp.* est: quia *lex naturalis* est circa intrinsece mala, quæ a Deo necessario prohibentur, neque possunt fieri licita per hoc, quod in illis indeterminate vitandis occurrat difficultas moraliter insuperabilis. Quæ vero *positive* prohibentur, non prohibentur necessario, sed a libera voluntate Legislatoris dependent, qui pro sua prudentia non censetur velle obligare in iis circumstantiis, ubi occurrit difficultas rationabilis & moraliter invincibilis. Eadem fere ratio est de materia *voti*, dum hæc libera est; quia esset nimia præsumptio de propriis viribus; unde nec Deus similia vota acceptat, si forte fiant, nisi in particularibus casibus voluntatem vovendi simulque fiduciam consequendi auxilii ad votum moraliter implendum inspiraverit.

Ad Prob. R. D. requiritur potentia moralis excludens necessitatem determinatam C. indeterminatam N. vel *subd.* Superandam tamen vel viribus propriis vel gratia auxilio N. neutro modo superabilem C. Atque hinc etiam oritur discrimen inter Legislatorem *Deum* seu per dictamen naturæ, seu per positivum præceptum aliquid præcipientem, & Legislatorem *humanum* ac *votentem*; cum ille vires aliunde suppeditare possit, hic vero minime.

313 *Objic. II.* Auxilium speciale seu gratia a nobis ad implendam diu naturalem legem requisita nec potest dici entitative *naturalis*, ut patet: nec *supernaturalis*, quia nequit

nequit determinari, an sit gratia tantum actualis, eaque detur fidelibus tantum, vel etiam infidelibus; an sit habitualis, eaque sic nonnisi iustis communicetur?

R. 1. *Ex decreto Dei & lege divina, per Scripturas, CC., & PP. nobis manifestata, requiritur gratia imitative supernaturalis.* **R. 2.** Probabile est, auxilium supernaturale ad vitanda diu peccata contra legem naturalem non dari, nisi credentibus & fidelibus: quia gratia in fide fundata non datur, ordinarie saltem & regulariter, nisi habenti fidem: sed auxilium necessarium ad servandam diu legem naturalem est gratia in fide fundata: ergo. *Min. prob. 1.* Ex verbis Apostoli ad Rom. 3. v. 27. *Ubi est gloriatio tua? exclusa est: per quam legem? factorum? non, sed per legem fidei.* Quibus insinuat, Judæo non esse gloriandum de legis observantia, eoquod hanc habeat ex fide; ut explicat S. Aug. L. de sp. & lit. C. 11. **2.** Ex epist. Synod. Carth. II. s. c., in qua PP. contra Pelagianos docent auxilium, quo liberum arbitrium fit vere liberum, dum a dominatu carnalium concupiscentiarum liberatur, esse gratiam Dei, & impetrari per fidem, quia est in Christo Jesu. **3.** Quia ex CONCILIIS & PATRIBUS constat gratiam ad legem servandam non dari, nisi propter merita Christi: sed quæ datur gratia propter merita Christi, saltem lege ordinaria non datur, nisi mediante fide Christi exvel implicita: ergo.

R. 3. Probabile etiam est, simile auxilium ad eundem finem non dari, nisi iustis, adeoque hoc sensu gratiam habitualemente necessariam ad legem diu servandam. Ita D. TH. I. 2. q. 109. a. 4. & 8. ac colligitur tum ex ep. Synod. laudata, quæ dicit per gratiam, qua Christiani sumus, nos liberari a dominatu illo concupiscentiæ: tum ex Carthag. IV. itidem cit., quod Can. 3. definit: *Item placuit, ut quicumque dixerit, in qua justificamur per Jesum, gratiam C. D. N. ad solam remissionem valere, qua jam commissa sunt, non etiam ad adiutorium, ut non committantur; anathema sit.* Gratia autem, qua justificamur, & non committuntur peccata, habitualis est: peccata vero non committuntur observando omnia præcepta. S. AUG. ep. 95. cum aliis Episcopis scribit, liberum arbitrium non esse satis ad non peccandum, nisi juvetur per gratiam: hanc vero negat esse legem, ut Pelagius

intellectam voluit, sed *gratiam*, qua *justificamur* ab *iniquitate* & *salvamus* ab *infirmirate*.

Inst. 1. CC. & PP. tantum intelligendi videntur vel de observatione legis etiam ad actus *supernaturales* obligantis, vel de observatione *meritoria*; quia eorum mens duntaxat fuerat contradicere Pelagio, ejusque in his capitibus duntaxat versanti hæresi.

R. N. utr. part. Ant. Ratio *1mi* est, tum quia *Apostolus* implorans gratiam eam maxime petit ad vincendam concupiscentiæ rebellionem, quæ potissimum repugnat legi pure naturali: tum quia *CC. & PP.* *indefinite* loquentes de necessitate gratiæ ad observandam legem nequeunt intelligi de actibus supernaturalibus tantum, utpote rarioribus & nonnisi pauca præcepta vel unicum naturale connotantibus. Ratio *2di* est; tum quia iidem in suis sententiis de observanda lege nullibi addunt illam limitationem, *sicut oportet*, alias frequenter adhiberi solitam circa actus moraliter bonos; ergo signum est, quod voluerint legem sine gratia simpliciter observari non posse: tum quia illi etiam alibi dicunt liberum arbitrium *parum*, aut *fere nihil* valere ad prosequendum bonum & vitandum malum; unde si sensissent illud valere moraliter ad legem diu non salutariter observandam, non jam parum, sed plurimum tribuerent libero arbitrio.

Ad prob. R. Equidem *Pelagii* hæresis in binis illis capitibus versabatur; sed ea posita a fortiori dicere is potuit aut debuit tum phycas, tum morales vires soli naturæ inesse ad observantiam mere naturalem, nihilque conferentem ad veram justitiam ac vitam æternam. Unde sicut *CC. & PP.* hæresin clare & expresse damnarunt; sic corollarium ejus necessarium ab illis adeo *generaliter* loquentibus repudiatum fuisse, probabilius colligi posse existimamus.

Inst. 2. Ex universali eorum loquendi formulæque posset inferri non dari potentiam phycam in homine, sicut nos colligimus impotentiam moralem; præsertim cum æquali ratione requirant gratiam ad observandam legem, ut exigunt ad actus salutes.

R. Disp. est; quia iidem etiam termini accipiendi sunt diversimode pro materiæ occurrentis diversitate: actus
autem

autem salutares tanquam supernaturales *ex ipsa rei natura* & notione supernaturalitatis exigunt gratiæ principium effectivum; cum gratia non tanquam principium physicum, sed duntaxat morale, neque ex ipsa rei natura, sed lege divina & ordinatione tantum requiratur ad observantiam legis. Quin licet Deus *in moderna providentia* semper daret gratiam supernaturalem ad legem etiam mere naturalem observandam per modum principii physici, quo fieret observatio salutaris; tamen id non foret ex ipsa rei natura, sed ex unica Dei voluntate & *libera ordinatione*, quæ absolutam gratiæ necessitatem ad observantiam præcise naturalem non infert.

Inst. 3. Si gratia fidei vel habitualis sit probabiliter necessaria ad observandam diu legem; ergo inprimis diu implens legem vel non peccans certo posset colligere se esse justum: deinde infidelis vel peccator non habebit auxilia sufficientia, eritque moraliter necessitatus ad peccandum. Utraque sequela non est admittenda: ergo.

R. N. *im. seq.* Quia aliud est non habere peccati seu legis violatæ conscientiam, aliud non peccare & implere legem, juxta illud I. ad Cor. 4. v. 4. *Nihil mihi conscius sum, sed non in hoc justificatus sum.* Et Ps. 18. v. 17. *Delicta quis intelligit? ab occultis meis munda me.* Præterea si quis etiam novisset se præcepta diu implevisse, certus tamen esse non posset de sua justitia, cum nostra de necessitate gratiæ habitualis sententia limites *probabilitatis* non excedat; tum quia allatas probationes forsan de gratia *actuali* quis explicare posset: tum quia dici posset, ea, quæ ad gratiam habitualement pertinent, ostendere duntaxat, illa data præstari auxilia *commodiora*, licet ea absente sufficientia non desint. *Ad 2d. seq.* R. D. Peccator & infidelis non habebit auxilia sufficientia immediata T. ob modo dicta. Non habebit mediata N. sed de hoc infra.

QUÆRES I. *An gratia necessaria sit ad amandum Deum super omnia?*

314. *Nota.* Inter actus moraliter bonos præcipuus est amor Dei, sicut inter præcepta etiam naturæ primum & maximum de hoc amore. Amor hic alius est concupiscentiæ, quo quis diligit Deum ut sibi bonum: alius benevolentiae, quo diligit Deum ut in se bonum; hic vel *imperfectus* est, quo quidem quis amat Deum, ejus bonitatem

tatem ac omnes perfectiones propter Deum, quin tamen vi hujus actus sit paratus ad omnia Dei praecepta servanda, seque ac omnia referat in Deum: vel *Perfectus*, vi cujus etiam omnia referuntur ad Deum, ac Deus praefertur omnibus, voluntasque parata est per absolutum propositum res potius ceteras relinquere, quam Deum, vel quam peccare graviter. Atque hic amor tum *efficax*, tum *super omnia* dicitur, ac rursus dividitur in affectivum & effectivum, seu obedientialem.

Affectivus potest consistere in unico actu etiam non perseverante, quo Deus summe amatur cum proposito ei placendi in omnibus, & vitandi, quae illi graviter displicere possunt; & hic etiam actualis vocatur: *Effectivus* est, qui diu perseverat, importatque actualement Dei praeceptorum observationem; hic habitualis vocatur a nonnullis, non quod in solo habitu stet, sed quod vel per sui iterationem, vel per effectus ejus virtute elicitos perseveret,

315. R. I. Sine gratia homo nequit moraliter amare Deum efficaciter & super omnia amore *effectivo*. Ratio; quia homo nequit observare totam legem moraliter sine gratia, nec sine gratia vincere tentationes graves, quae in diuturna legis observantia & amore Dei omnibus creaturarum illecebris *actualiter* & *effective* propositi occurrunt.

Nec Dicas I. Voluntas potest naturaliter ferri in omne id, quod *intellectus* practice judicat esse prosequendum, sed intellectus semper practice judicat etiam ad longum tempus & occurrente quantumvis tentatione gravi esse amandum Deum; ergo. 2. Non minus difficile est homini *assentiri* mysterio Ss. Trinitatis aliisque fidei mysteriis, ac diligere Deum ut autorem naturae super omnia; ergo si illud potest intellectus supposita revelatione sine gratia, etiam hoc poterit voluntas. 3. Angelus & homo in statu *natura integra*, imo etiam in statu natura pure potuissent moraliter Deum diligere *effective* super omnia; ergo & homo lapsus id poterit.

R. ad I. D. M. Voluntas potest naturaliter ferri in omne id &c. potentia physica C. potentia morali *sub*, & illud cognitum sit facilis assentionis C. sin minus N. Deus tanquam bonum *spirituale* & minus clare in hac vita cognitum in primis non ita afficit voluntatem: deinde hic
propter

propter suam *inconstantiam* & propensionem ad sensibilia minus potens est ad legem totam obsoevandam: denique *gravis tentatio* appetitum sensibilem per se reluctanter fortius incitat; quæ omnia simul sumpta, cum seorsim etiam sufficient, multo magis moralem potentiam elidunt.

Ad 2. R. T. A. N. Conf. Disp. est; quia, licet quis hæc credat, tamen hoc ipso non tenetur observare omnia præcepta, cum fides stare possit cum peccato actuali: secus est de dilectione Dei effectiva. Cæterum si homo post revelationem graviter tentaretur ad dissensum, etiam moraliter solis naturæ viribus assentiri non posset.

Ad 3. Disp. est; quia in statu naturæ integræ & puræ id asseritur ratione *protectionis extrinsecæ*, & ob promptum auxilium Dei sive supernaturale, sive naturale uberius ac frequentius; hæc desunt, aut debita saltem non sunt naturæ lapsæ, quam ideo debiliorem extrinsece saltem statui mus.

316. R. II. Potest tamen moraliter sine supernaturali gratia amare Deum efficaciter & super omnia amore *affectivo*. *Prob.* Homo naturaliter cognoscere potest Deum esse summum bonum, & idcirco super alia omnia esse amandum: ergo potest Deum sic cognitum naturaliter amare super omnia. *Conf. prob.* tum quia inter Deum ut rebus omnibus creatis præferendum negari nequit *proportio* objecti & potentiae; tum quia facile potest contingere, quod tum temporis nullæ occurrant tentationes, neque alia objecta ulla voluntatem ultro ad Deum anhelantem retardent: tum quia ad amorem Dei affectivum super omnia non requiritur, ut qui ita amat, secundum præsentia, quas habet, vires possit implere, quod præceptum est; sed sufficit, quod amor sit sincerus & æstimate tantus, quantum exigi potest, includatque saltem virtuale propositum servandi mandata per eas vires, quæ ad ea sunt necessaria, ubi & quando hæ fuerint concessæ.

Conf. Amor Dei *super omnia* est actus homini per se valde connaturalis; ut constat ex dictis de natura pura: præterea natura lapsa non est intrinsece facta debilior, quam fuisset natura pura, ut ibidem ostendimus: denique nihil impedit, quominus per aliquod brevissimum tempus absint ea, quæ extrinsecam debilitatem naturæ lapsæ addunt; ergo.

Næ

Nec dicas 1. Conc. Araus. II. Can. 25. docet: *Prorsus donum Dei est diligere Deum*. Ibidem autem 1. per particulam *prorsus* includitur omnis dilectio: 2. impotentiam amandi non refert in *supernaturalitatem*, sed in liberi arbitrii infirmitatem per peccatum contractam: 3. ante peccatum Adæ jam fuit impotentia supernaturaliter amandi sine gratia; unde post peccatum contracta videtur impotentia naturaliter Deum amandi sine gratia.

R. Contrarium fundamentum nobis præbet illa limitatio adjecta: *sicut oportuit*; Item, quod similiter hic loquatur de amore Dei, ut de actu bono, *operari propter Deum, quod bonum est*: quorum *imūm* ex sæpe dictis probat sermonem esse de amore supernaturali, seq̃ ut TRID. exponit, de *meritorio* justificationis: alterum vero illos doctrinæ non coherentis arguit, qui admissa possibilitate actus moraliter boni ex hoc Canone negant possibilem amorem affectivum Dei naturalem. Præterea notandum, *gratiam* hic vocari *misericiordiam*; nam gratia naturæ integræ dicitur *gratia sanitatis* ob naturam tum sanam, integram & nullius curationis egentem; item *ex pura liberalitate*, quia erat quidem naturæ indebita, illa tamen non erat gratia positive indigna: econtrario gratia naturæ lapsæ dicitur *medicinalis*, quia per eam sanatur natura vulnerata, inclinata & attenuata per amissionem donorum, integritatem & justitiam originalem constituentium; item *ex pura misericordia*; quia natura lapsa etiam positive indigna est gratia.

His suppositis *ad prob. 1m. R. D.* includitur omnis amor supernaturalis, ut limitatio, *sicut oportuit*, explicat C. etiam naturalis N. *Ad 2d. prob. D.* Non refert in supernaturalitatem, quæ habeatur a gratia sanitatis & puræ liberalitatis C. quæ habeatur a gratia medicinali & misericordiæ N. Etiam *alteram partem D.* Refert in liberi arbitrii infirmitatem consistentem in jactura donorum integritatis & innocentiae originalis C. consistentem in diminutione intrinseca virium naturaliter debitarum N. *Ad 3t. prob. D.* Ante lapsum Adæ fuit impotentia agendi supernaturaliter sine gratia sanitatis & liberalitatis C. sine gratia medicinali & misericordiæ N. A. & Conf.

Nec dicas 2. Per actum amoris Dei super omnia, ut passim PP. dicunt, homo *disponitur ad justificationem*; unde

unde & hic amor etiam dicitur amor amicitiae. & reddit hominem Deo amicum ac justum: sed hæc fieri nequeunt sine gratia; ergo. Item per amorem Dei etiam naturalem homo *converteretur* ad Deum; ergo.

R. D. M. Per naturalem actum amoris disponitur homo ad justificationem N. Per supernaturalem C. Amor enim amicitiae præcise ex eo dicitur, quia *gratis & bene. vole* amatur Deus: per naturalem autem Dei amorem non oritur amicitia, nec Deus redamat naturaliter duntaxat amantem, nec eum etiam amor naturalis facit justum; quia hic potest stare cum peccato actuali. Item converteretur ad Deum actualiter & tantum naturaliter, quod non sufficit ad impetrandam peccatorum remissionem C. habitualiter, quod debet fieri per gratiae infusionem, vel supernaturaliter aut meritorie N. *Amor* quidem *naturalis* Dei excludit actum odii vel alium, quo homo actualiter se a Deo avertit; non vero meretur remissionem peccatorum, aut ea prius commissa delet.

Nec dicas 3. Mandatum de amore Dei est maximum; & ipse amor est difficillimus, quia juxta APOSTOLUM est *plenitudo & perfectio legis*: ergo si actus multo minus præstantes nequeunt sine gratia eligi, nec amor Dei poterit.

R. Ant. omnino intelligendum esse de amore *effectivo*, ut ipsa verba Apostoli manifeste docent. Actus autem minus præstantes sæpe elici naturaliter non posse ob difficultates graves circumstantes, non ratione *objecti*; cum ergo a nobis supponantur abesse hic difficultates circumstantiarum, ac objectum amoris affectivi ex supposito satis cognitum maxime amabile sit & præponatur, argumentum non est a minore ad majus, nihilque evincit.

Nec dicas 4. Amor Dei effectivus naturaliter non datur, quia vi illius homo debet reddi dispositus ad servandam *totam legem* & vincendas *quaslibet tentationes*: sed vi amoris affectivi debet homo etiam ita esse dispositus; ergo.

R. D. M. Quia debet reddi dispositus ad servandam legem actu urgentem & vincendas tentationes præsentis ac reipsa sollicitantes C. ad legem pro circumstantiis futuris modo obligaturam, & tentationes forsan occurruras
aut

aut potentes occurrere N. Opposite D. m. & N. Conf. Sane efficacia effectiva multo major esse debet, quam affectiva, quia longe difficilior est *executio operis*, quam ejus propositum etiam serium: quando enim quis proponit bonum arduum, quin tamen jam debeat exequi, aut adit tentatio urgens; tunc vivide repræsentatur bonum ponendum, languide autem & obscure difficultas: in *actuali* autem *executione & tentatione* reipsa jam incumbente vividius repræsentantur difficultates, quibus clara repræsentatio boni impeditur, terretur ac perturbatur intellectus, voluntas ad fugam impellitur, nisi sancta cogitatio & inspiratio utrique potentie consulat.

Nec dicas 5. Amor Dei etiam affectivus debet inprimis includere *odium* rerum omnium legi divinæ adversantium; ergo si hunc amorem possit elicere, poterit etiam totam legem servare; deinde debet habere *propositum* omnia subeundi potius, quam Deum offendere; sed actum ejusmodi *heroicum* nequit homo naturaliter elicere, qui ne unicum quidem tentationem gravem potest superare absque gratiæ auxilio. Ergo.

R. Et quidem *ad 1m. p. D. Conf.* Poterit servare totam legem adæquate, quod fieret, si diu & constanter servaret N. inadæquate, h. e. brevissimo tempore, pro quo durat actus amoris Dei, poterit nullum præceptum violare C. *Ad 2d part. R. D. M.* Debet habere propositum formaliter & implicite ad omnia se extendens N. virtualiter tantum & explicite C. Sicut ad *amorem Dei super omnia* etiam supernaturalem non requiritur, ut fiat actualis comparatio Dei cum creaturis singulis, sed sufficit, ut amor in Deum feratur tanquam in bonum summum ac infinitum juxta generalem conceptum & æstimationem amanti; sic etiam *propositum* omnia potius subeundi non debet repræsentare animo omnes, quæ in observanda lege occurrere possent, difficultates formaliter explicite & quasi singillatim, sed sufficit, ut quis vi propositi nihil excipientis paratus sit ad Deum nunquam graviter offendendum, ita ut non possit stante hoc actu graviter peccare.

Primum si requireretur, utique amor actus heroicus foret; cum autem alterum pro amore sufficiat, neque absens aliqua difficultas æque intellectum & voluntatem afficiat, ut præsens; patet, cur tentationem unicum gravem

vem vinci non posse dicamus sine gratis, & tamen natura moraliter possibilem permittamus actum amoris, qui propositum includit contra cumulum difficultatum, sed nec presentium, nec explicite & clare representatarum.

Nec dicas 6. Præsumptio est velle, vel proponere aliquid facere, quod quis propriis viribus exequi nequit; unde S. Aug. serm. 124. de temp. S. Petrum huius peccati arguit, cum diceret: *Etiam si oportuerit me mori tecum, non te negabo.* Sed certum est, nos propriis viribus non posse observare totam legem, & omnes tentationes vincere: ergo nec sine præsumptione posset elici amor Dei affectivus naturalis, si quidem eliceretur.

R. Præsumptio est proponere aliquid propriis viribus facere, quod quis propriis viribus exequi nequit C. proponere eo modo & per eas vires facere, quo & per quas aliquid fieri potest N. *Primus* proponendi modus tribuitur S. PETRO ab Aug., & recte *præsumptio* dicitur: alter vero & præsumptione & alio defectu caret; cum, qui suis viribus hostem superare nequit, possit tamen velle efficaciter hostem vincere per suos, aut Principis fœdere juncti milites, tempore & loco non defuturos. Quare si quis etiam proponat superare tentationes, & observare legem eo modo & viribus, quibus hæc perfici possunt, *præsumptionis* notam non incurrit, præsertim si sciet, gratiam nunquam defuturam in his præstandis, quæ vires naturæ excedunt. Ejusmodi autem *propositum* fieri etiam posse patet in exemplo, quo quis dono miracula patrandi ornatus per actum naturalem diceret: volo patrare miracula.

QUÆRÆ II. An gratia sit necessaria ad vincendas tentationes?

317. *Nota I.* Tentationes contra legem sunt; quia vel revocant ab actibus *præceptis*, uti est timor mortis avocans a consistenda fide; vel impellunt ad actus *prohibitos*, ut concupiscentiæ motus allicientes ad fornicationem. Oriuntur vel ab *appetitu inferiori*, quem sequitur phantasia & intellectus sensibilia aut allicientia aut deterrentia vivide proponens; vel ab *objectis extrinsecis* sive veris, sive apparentibus phantasiam concitantibus; vel a *Dæmone* aliove principio extraneo species aut passiones sic concitan-

do, ut intellectus ad iudicium sensibilibus conforme, & voluntas ad consensum sollicitetur. Potest autem vis tentationis esse adeo vehemens, ut absorbeat vel perturbet rationis iudicium; quo casu, quia homo non manet liber atque in ordine ad bene operandum moraliter, de tentatione huiusmodi quaestio non agitur.

Communius tamen tentatio relinquens imperturbatum rationis iudicium potest esse vel gravis, vel levis: *gravis* autem non tantum respective ad hoc vel illud subiectum, sed absolute etiam est vel ex duratione diuturna, vel ex intensiōe, vel ex ipso habitu & consuetudine prava; *simpliciter* tamen *gravis* communiter intelligitur esse illa, quae tum intensive ob vehementiam passionis, quam in appetitu sensitivo excitat, tum extensive ob notabilem moram temporis, quo eadem tentatio durat, gravis dicitur: totidem ex adverso modis potest tentatio esse *levis*, seu ad vincendum facilis.

318. *Nota II.* Triplex potest esse victoria seu ratio superandi tentationes: Ima *vitiosa*, ubi quis tentationem ad peccatum vincit alio peccato: ut si quis avaritiam vincat ex vana gloria. 2da *meritoria* & supernaturalis, ubi quis ex motivo charitatis salutaris & cum merito respectu vitae aeternae superat tentationem. 3tia *praeclara honesta* & naturaliter moralis, seu propter motivum naturalis honestatis. Jam vero de Ima & 2da victoria hic sermonem non esse patet ex terminis; de una 3tia controversia agitur.

319. *R. I.* Homo lapsus sine gratia nequit moraliter vincere tentationes graves. *Prob.* Quia tum SCRIPTURA, tum CC. & PP. de necessitate gratiae ad vincendas tentationes universaliter loquuntur, nullem excipiendo, ut liquet I. ex Psal. 17. v. 30. *In te eripiar*, ait, *a tentatione*. Et Ps. 29. v. 9. *Avertisti faciem tuam a me, & factus sum conturbatus*. Sap. 8. v. 21. *Scivi, quoniam aliter non possem esse continens, nisi Deus det*. Ad Rom. 8. v. 37. *In his omnibus superamus propter eum* (juxta graecam ratione constructionis cum genitivo: *ὅτι τὸ ἀγαπήσαντος ἡμᾶς, per eum*) qui dilexit nos. Matth. 6., ubi v. 13. jubemur a Christo orare Deum: *Et ne nos inducas in tentationem*.

2. Ex Conc. Palæst. Can. II. *Quando contra tentatio-*

tationes & concupiscentias dimicamus, quamvis & illic propriam habemus voluntatem, non tamen ex illa, sed ex adiutorio Dei nostra provenit victoria. Arauf. II. Can. 9. Divini muneris est, cum & recte cogitamus, & pedes nostros a falsitate & injustitia continemus.

3. Ex Epist. INNOCENTII I. ad Synod. Carthaginensem: Nisi magnis precibus gratia in nos implorata desciendat, nequaquam terrenæ labis & mundani corporis vincere conemur errores, cum pares nos ad resistendum non liberum arbitrium, sed Dei solum facere possit auxilium. Et COELESTINI ad Episcopos Galliarum: Nemo, etiam baptismatis gratia renovatus, idoneus est ad vincendas carnis concupiscentias, nisi per quotidianum adiutorium Dei perseverantiam bonæ conversationis acceperit.

4. Ex PATRIBUS. CHRYSOST. hom. 25. in I. ad Cor. ad illa verba: „Tentatio vos non apprehendat, nisi humana.“ Sunt ergo, inquit, tentationes, quas sufferre non possumus; & quam illæ? omnes, ut semel dicam: possibilitas enim in divino nutu est. AMBROS. in Pl. 43. Quis est tam fortis, ut nequaquam in tentationem moveatur, nisi Dominus ei adiutor assistat. HIER. L. 2. adv. Pelag. ad illa Christi verba: „Quid dormitis? surgite & orate, ne intretis in tentationem:“ Sic urget Pelagianos: Debitis juxta vos dicere: quid dormitis? surgite & resistite; liberum enim habetis arbitrium, & semel vobis concessa a Domino potestate, nullius alterius indigetis auxilio. AUG. denique pluribus in locis, maxime autem L. de perfect. Justit. C. ult. idem pronuntiat.

Infero: Ergo certum videtur, illos saltem intelligendos esse de omnibus & singulis tentationibus gravibus; nam quamvis CC. & PP. ut plurimum loquantur de victoria salutari & meritoria vitæ æternæ, tamen ex sup. d. patet, necessitatem gratiæ ab illis fundatam esse in liberi arbitrii infirmitate, quod nihil aut parum valere volebant ad servandam legem & tentationes vincendas: valeret autem illud sane multum, si vel unam tentationem simpliciter gravem superare posset.

His adde: 1. *Appetitus sensitivus*, utpote cujus objecta, quia præsentia & frequentius usurpata, nos magis

efficiunt, importunius allicit, sive se solo, sive accedente etiam demonis instigatione. 2. *Intellectus*, cujus inclinatio est ferre iudicium secundum dispositionem appetitus sensitivi, precedenti huius appetitus vehementi estimatione & affectu, in idem objectum sensibile trahitur; adeoque & *voluntas*, si non necessario, saltem infallibiliter sequitur, adeoque propter hæc impedimenta est quædam *moralis impotentia*.

Nec dicas 1. *Concupiscentia* est sub nostra potestate juxta illud Genes. 4. v. 7. *Sub te erit appetitus tuus*. Ergo non est impossibilitas, sed tantum difficultas ei resistendi; ut innuit S. ANSELM. Quin & saltem in casu moraliter possibilis esse videtur victoria tentationis; siquis jam sæpius vicit tentationes *leves*, & hinc contraxit habitum vincendi.

R. 1. D. m. *Concupiscentia* est sub nostra potestate physica C. morali, si gravis sit tentatio *subd.* supposita gratia C. sine illa N. R. 2. D. *Conf.* Ergo tantum est difficultas, sed tanta, quæ semper impediatur actum C. non tanta N. Utraque quidem potest dici impotentia moralis, nempe vel late, vel stricte sumpta: nos postremam asserimus. R. 3. D. Acquiritur habitus & facultas ad victoriam similem & æque facilem T. ad victoriam tentationis gravioris N.

Nec dicas 2. Posita quacunq; tentatione gravi non perturbativa rationis iudicium, homo consentiendo *peccat* per se loquendo graviter, si sit materia gravis: ergo debet etiam *moraliter* posse resistere tentationi; quia impotentia moralis saltem determinata obest libero arbitrio, & excusat a peccato.

R. D. *Conf.* Debet simpliciter moraliter posse resistere N. secundum quid moraliter C. Potentia moralis *secundum quid* talis resistendi tentationi etiam determinatæ habetur tum per potentiam physicam liberæ voluntatis, tum per gratiæ auxilium paratum ad supplendum, quod viribus propriis naturæ moraliter impossibile est. Quin, si illa moralis potentia per auxilium illud gratiæ etiam deest, & consequenter non est proxima; non deest tamen gratia excitans ad *orandum*; pro uberiore & requisito gratiæ auxilio, & sic potentia moralis saltem remota & mediata præsto est, quæ una cum potentia physica sufficit ad præstandam libertatem in ordine ad peccatum.

Nec

Nec dicas 3. Legimus Romanos aliosque aut *infideles* aut *hæreticos* subinde superasse mortem, quæ sicut ex Philosopho rerum omnium est maxime terribilis, sic ejus tentatio gravissima est. Hæc victoria non potest dici semper fuisse *vitiosa*, tum quia non omnes infidelium virtutes sunt vitia: tum quia honestas objecti videtur idem præstare posse, quod conceditur vanæ gloriæ aut alteri pravo fini: neque potest referri ad gratiæ auxilium; tum quia hoc illis ad timorem mortis superandum datum fuisse gratis dicitur: tum quia dici non potest, an illud fuerit supernaturale vel naturale: ergo debet asseri propriis naturæ viribus.

R. Victoriæ vel vitiosæ fuisse, vel per auxilium speciale evenisse. Ita S. AUG. L. de Patientia, ex cujus C. 17. desumptus est Conc. Araus. Can. 17. *Fortitudinem gentilium mundana cupiditas, fortitudinem Christianorum Dei charitas facit.* Hujus rationem S. Doctor ibid. dat his verbis: *Cupiditas mundi initium habet ex arbitrio voluntatis, progressum ex jucunditate voluptatis, firmamentum ex vinculo consuetudinis: charitas autem Dei diffusa est in cordibus &c.* Demum ubi C. 26. & 27. posuisset, Schismaticum pro fide Christi perferentem supplicia, subjungit: *Proinde sicut negandum non est, hoc etiam esse donum Dei: ita intelligendum est, alia esse Dei dona filiorum illius Jerusalem.* Denique C. 28. vocat illud donum, non *hæredum*, sed *exhæredatorum*, illud comparans cum muneribus, quæ Abraham largitus est filiis concubinæ.

Unde N. m. Ad 1m. p. prob. 1m. N. seq. Quia licet in tentationibus gravibus victoria concedatur *vitiosa*; non tamen sequitur quamcunque actionem vana gloria aut pravo fine vitiatam fuisse, aut id etiam intelligendum de tentatione levi. *Ad Prob. 2d. Disp.* est: quia motiva *sensibilia*, utpote præsentia, magis nota ac usurpata, & naturæ corruptæ magis blandientia ac practice proposita fortius alliciunt, quam honesta ex diversa ratione velut speculative tantam proposita, ut in quotidianis mercatorum, militum, aliorumque exemplis patet.

Ad 2d. part. N. utr. prob. Fundamentum enim habemus ex autoritate S. AUG., ex quo & discimus hoc auxilium, tametsi ordinis *proprie supernaturalis* non sit, communem tamen excedere naturæ cursum, atque ad specialem

cialem providentiam pertinere. Unde Suarezio L. I. de Grat. C. 27. præunte dici potest, illam Dei legem de dando auxilio supernaturali ad vincendas tentationes graves non esse omnino indispensabilem, præsertim circa infideles.

Nec dicas 4. Hæretici sicut pro suo errore, ita pro aliqua veritate Catholica, quam retinent, nonnunquam leguntur imperterriti obiisse mortem, & sic vicisse gravem tentationem. Sed sine gratia mortui sunt pro suo errore; ergo & pro veritate Catholica.

R. Similiter vel distingui potest inter hæreticos formaliter ac materialiter tales. De hæretico enim formaliter tali non improbabiliter dicitur, illum utrobique moriturum non ob motivum fidei proprium, sed ob aliud humanum, ac præcipue proprii iudicii pertinaciam; cujus a posteriori signum est, quod errori suo æque ac veritati cuidam Catholicæ adhæret. Si autem hæreticus materialiter talis similem victoriam obtinet, vel illa refundenda est in donum naturalis ordinis proxime explicatum: vel forte cum quibusdam dici potest, quod Deus foret eum illuminaturus atque ad fidem veram perducturus, qui præcise ex motivo revelationis divinæ per ignorantiam invincibilem falso apprehensæ, piaque erga Deum affectione in tali casu vellet mortem oppetere.

320. & II. Potest tamen moraliter sine gratia vincere tentationes leves. *Prob.* Quod naturaliter fieri potest, data ad illud facultate morali, hoc etiam potest fieri moraliter positis *levibus impedimentis*; ut patet tum in causis naturalibus seu physicis, tum in liberis aut moralibus: sed potest fieri aliquod bonum naturaliter honestum, & moraliter observari aliquod præceptum, si gravis tentatio non obsistat; ut hucusque probatum & propugnatum fuit: Ergo & illud fieri naturaliter poterit, levi duntaxat tentatione occurrente. *Conf.* ex propp. *Baji* 29. & 30. Item ex S. AUG. L. I. de pecc. mer. c. 22.

Nec dicas 1. Argumenta nostra partim probare, indefinite tentationum victoriam esse a Deo: partim ostendere etiam leviores tentationes vinci non posse, nisi per gratiam: partim extendi etiam ad tentationes simpliciter leves.

Ex. ad

R. *ad part. 1.* Id verum esse, non quod levior aliqua tentatio vinci nequeat; sed quia nec possunt sine gratia vinci tentationes omnes, nec ullæ etiam graves. *Ad 2.* Id intelligendum esse vel de tentationibus, quæ quidem reipsa graves sunt, sed dicuntur tantum leviores, si conferantur cum multo gravioribus: vel de tentationibus quidem intensive levioribus, sed gravioribus extensive, seu quæ sua durnitate graves evadunt. *Ad 3.* Si quæ autoritas gratiam requirat ad omnes omnino tentationes vincendas; vel ex ratione allata, vel ex contextu, vel ex scopo & adversariorum errore etiam apparet, sermonem esse de victoria *meritoria* ac conferente ad salutem.

Nec dicas 2. Quod jubeamur orare & gratias agere pro victoria etiam levissimarum tentationum; quod ipsum etiam præstant pii ac timorati.

R. Etiam jubemur petere a Deo *panem quotidianum*: oramus cum Davide ps. 121. *Fiat pax in virtute tua, & abundantia* &c.: gratias denique agimus pro pluviiis tempore opportuno; peracto feliciter naturali opere, depulsione morbi &c., quæ tamen omnia naturaliter fieri nemo negaverit. Unde *oratio & gratiarum actio* non denotat per se auxilium supernaturale, sed proportionatum operi. Cæterum utraque respicit gratiæ donum, si tentationum victoria valeat ad salutem: vel graves tentationes superandæ sint, vel leves ex se ob circumstantias quascunque graves evadant.

Nec dicas 3. Quod divinæ protectionis sit, ne leves tentationes fiant nobis graves.

R. Nec tentatio ratione sui exigit continuo esse *gravis*, nec ratione concupiscentiæ statim invalescit & a principio est vehemens, nec a dæmone ubique summa tentantur, cum inter ejus stratagemata S. Greg. L. 3. mor. C. 16. numeret, nonnunquam tentare levius, ut repente facilius irrumpat inopinatus; unde saltem ex ipsa rerum natura tentationes leves non pertinent ad gratiam divinæ protectionis. Quanquam vero cum S. Aug. L. 2. Conf. C. 7. & L. 50. homiliarum hom. 23. præsertionem a gravioribus tentationibus & permissionem leviorum duntaxat recte tribuamus benevolæ Dei providentiæ; tamen, quamdiu tentationes leves sunt, superari *naturaliter* poterunt.

Nec dicas 4. Quod justus non resistat, nec resistere possit tentationi levi sine gratia, quippe cujus victoria est meritoria; unde sequi videtur neque alium sine gratia resistere, aut resistere posse.

R. Quamvis in nullo casu homo tentationi resisteret nisi per gratiam, id tamen non fieret ex defectu virtutum; sed ex abundantia divinæ liberalitatis; ad quam ostendendam Deus per gratiam præsto esse vellet. Deinde aliud est potentia victoriæ, aliud illius meritum: hoc enim est a statu amicitiae cum Deo, vel a comprincipio effectivo supernaturali; illa a naturali virtute sufficiente, utpote quæ absolute potest esse separata a ratione meriti.

QUÆRES III. *An gratia sit necessaria ad omnia omnino peccata vitanda?*

321. *Nota.* Suppono 1mo, nec hominem posse in hoc statu naturæ lapsæ per solas naturæ vires vitare omnia peccata mortalia, neque ex lege Dei ordinaria unquam futurum, ut quis per longum tempus ea declinet sine gratia sanctificante. 2do. Hominem etiam peccatorem posse potentia physici vitare peccata venialia collective sumpta; instructum vero ordinariis gratiæ auxiliis saltem abstinere posse a venialibus distributive sumptis, hoc est, singulis in particulari & successive tantum ac seorsim spectatis. 3tio. Hominem justum ex speciali gratiæ privilegio posse etiam moraliter tota vita per longum tempus durante devitare omnia venialia collective sumpta, hoc est, tum omnia omnino, quod aliqui vocant collective simul, tum hæc & illa, & sic d. inceptis ad se invicem, & ad totum comparata, quod dicunt collective distributive; id quod diserte proficitur S. AUG. L. 2. de pecc. mer. C. 6. Ac L. de gr. Chr. C. 48. Quæstio itaque jam olim Pelagium & Celestium inter ac S. AUG. agitata, est: an & hoc moraliter possibile sit homini sine speciali gratiæ divinæ privilegio? Ad quam cum unanimi Catholicorum

322. R. Sine speciali privilegio homo moraliter nequit per longum tempus vitare omnia peccata venialia. *Prob.* 1. Ex universali SCRIPTURÆ pronuntiatione, 2. Paral. 6. v. 36. *Non est homo, qui non peccet.* Ecclæ. 7. v. 21. *Non est homo justus in terra, qui faciat b. num, & non peccet.* Jacob 3. v. 2. *In multis offendimus omnes,*

2. Ex

2. Ex Orationis Dominica illa parte: *Dimitte nobis debita nostra; de qua TRID. sess. 6. c. 11. ait: Iustus illa vox est & humilis & verax: S. AUG. vero L. 2. de pec. mer. C. 7. Prophetia cum diceret: Dixi, pronuntiabo adversus me delictum meum Domino, & tu dimisisti impietatem cordis mei; continuo subjunxit: Pro hac orabit ad te omnis Sanctus in tempore opportuno. Non ergo omnis peccator, sed omnis Sanctus. Unde Carthag. IV. Can. 6. de eodem textu, Quisquis, inquit, sic accipiendum putaverit, ut dicat, propter humilitatem oportere dici, nos habere peccatum, non quia vere ita est; anathema sit.*

3. Ex TRADITIONE, cujus præ cæteris testes sunt S. HIER. contr. Pelag. *Quamdiu ille finis adveniat, & corruptivum hoc atque mortale incorruptione ac immortalitate mutetur, necesse est nos subjacere peccato, non natura & conditionis, ut tu calumniaris, vitio; sed fragilitate & mutatione voluntatis humana, quæ per momenta variatur, quia Deus solus est immutabilis. Et S. AUG. L. 2. de don. persev. c. 2. Tria sunt, inquit, quæ maxime adversus Pelagianos defendit Ecclesia; quarum unum est; in quantacunque justitia sine qualibuscunque peccatis in hoc corruptibili corpore neminem vivere. Atque hoc præcipue S. Doctor data opera probat L. de perf. just. & L. 2. de pecc. mer., ubi & singillatim versat omnia argumenta opposita Pelagianorum. Unde TRID. sess. 6. Can. 23. sic definit: Si quis dixerit hominem semel justificatum . . . posse in tota vita peccata omnia, etiam venialia, vitare, nisi ex speciali Dei privilegio, quemadmodum de Beata Virgine tenet Ecclesia; anathema sit.*

Conf. Ex multiplici radice hujus impotentiae, uti sunt 1. *Concupiscentia fomes seu propensus ad sensibilia appetitus, usum rationis prævertens:* 2. *judicii imperfectio, quod nec honesti præstantiam, nec sensualis inhonestatem semper perfecte advertit, voluntatiq; proponit.* 3. *Connaturalis mutabilitas liberi arbitrii & voluntatis inconstantia:* 4. *Resistentia labor & nata inde defatigatio, qua fit, ut quis v. g. resistendo sæpius tentationibus carnis valde molestis incidat in impatientiam aut pusillanimitatem. Jam vero nisi per singulare privilegium vel harum causarum concursus impediatur, vel extraordinaria*

illustratione ac inspiratione frænetur appetitus, admoneatur intellectus, stabiliatur voluntas, ac restaurentur vires, oritur necessitas venialiter peccandi, utpote ad quod sufficit semiplena advertentia ac libertas, imperfectaque deliveratio; sicut ob similes causas in humana societate *neque esse Christus Matth. 18. dixit, ut veniant scandala.*

Nec dicas 1. De multis SCRIPTURA testatur, quod in hac vita fuerint perfecti. Sic de JOBO legitur C. 1. *Non est illi homo similis super terram, sine querela, justus, verus Dei cultor, abstinens se ab omni opere malo.* De ZACHARIA & ELISABETH LUC. 1. *Erant autem justi ambo, incedentes in omnibus mandatis & justificationibus Domini sine querela.*

R. Juxta S. AUG. L. 4. ad Bonif. C. 10. duplex est perfectio hominis: alia *Patria*, ubi homo peccatis amplius obnoxius non est, neque adhibetur medicina; alia *via*, cujus pars est, ut *justus sit accusator sui*, & oret sibi debita dimitti, & spiritualia vulnera remediis curet. Unde ex eodem in L. de pec. mer. singillatim etiam R. *ad 1m.* Laudari JOBUM non absolute & ob perfectionem omnimodam, sed comparative & præ aliis, qui tum erant in terra. *Ad 2d.* R. Similiter commendari eos ab operatione simulationis & hypocrisis vacua, atque observantia legum, ita, ut nemo de eorum vita querendi rationem haberet; quæ tamen non impediverint, quominus ZACHARIAS Sacerdotii officio perfungens etiam pro suis delictis hostias obtulerit.

Nec dicas 2. 1. Joann. 3. dicitur: *Omnis, qui ex Deo natus est, peccatum non facit, quia semen ejus in ipso manet; & non potest peccare, quoniam ex Deo natus est.* Sed homo justus ex Deo natus est per gratiam; & Christus Matth. 5. monet: *Estote ergo vos perfecti, sicut Pater vester cælestis perfectus est; Et Paulus ad Philipp. 3. Quicumque perfecti sumus, hoc sentiamus.* Ergo & perfectio seu vitatio peccati possibilis est, & supponitur haberi etiam in hac vita.

R. D. M. Non peccat, nec peccare potest, in quantum gratia spirituali regeneratur, & est nova creatura in Christo C. qui regeneratus est & manens etiam nova creatura, vi tamen nativitatis suæ antiquæ non peccat vel
pec-

peccare potest *subd.* mortaliter C. venialiter N. Observat præterea S. Doctor Apostoli hujus testimonia invicem pugnare non posse D. etiam *Conf.* Ergo perfectio in uno genere, quale est charitatis & dilectionis inimicorum, de quo loquitur Christus, possibilis est & supponitur adesse C. perfectio in omni genere etiam in hac vita est & potest esse *subd.* quantum ad profectum, ut nempe quotidie proficiamus C. quantum ad plenam possessionem N. Sicut enim lex, *non concupisces*, data nobis est juxta S. Aug. *non quod hic valeamus, sed ad quod proficiendo tendamus*; sic & mandatum: *estote perfecti*, in hac vita omni ex parte non impletur.

Nec dicas 3. Oramus quotidie ex institutione Christi: *Fiat voluntas tua sicut in celo & in terra; & Ecclesiæ: Dirige sensus, sermones & actus nostros, ut ad nullum declinemus peccatum.* Ergo. *Nec conf.* Sequeretur ex nostra sententia 1. Homines esse excusabiles, qui peccant venialiter. 2. Nec in statu naturæ puræ fuisse potentiam moralem vitandi peccata venialia. 3. Valida non esse vota de vitandis venialibus.

R. Per neutram orationem petimus *privilegium illud speciale*, sed gratiam sufficientem ac uberiores ad faciendam Dei voluntatem; vitanda peccata mortalia, venialia deliberata, ac frequentia indeliberata. Atque hæc etiam per preces quo præstantiores, eo uberior obtinetur; quamvis, quamdiu intra ordinem communis auxilii est, non præstet, ut nos nunquam peccemus.

Ad Conf. N. 1m. seq. Quia non est impotentia physica, sed *moralis* duntaxat, eaque *indeterminata*, ac determinate semper cum aliqua semideliberata saltem negligentia conjuncta. *Ad 2d. R. C.* quia natura pura non integra similes in se radices habet ex d. s. Inde tamen Deus autor peccati dici non posset, quia hoc *per accidens* se haberet ad Dei intentionem, & libere adhuc ab homine fieret. *Ad 3t. R. D.* Vota non esse valida de vitandis venialibus deliberatis N. etiam indeliberatis C. *Disp.* est; quia primum est moraliter possibile, non vero secundum; cum vero votum non det vires morales, nec potest obligare ad id, quod eas excedit, & fit occasio lapsus.

Nec dicas 4. Non potest dari necessitas *physica* licet vaga & indeterminata ad peccandum; quia alias formaliter

ter non peccaretur, ut liquet in conscientia *perplexa*: ergo nec moralis; quia sicut physica, sic etiam hæc fieret determinata.

R. N. *conf. Disp.* Quia necessitas *physica* est intrinseca ac antecedens; & quamvis vaga foret, homo tamen vi illius non esset liber ad utrumque peccatum actu vitandum: adeoque non peccaret formaliter, ut patet in exemplo *perplexi* allato: e contrario necessitas moralis vaga, quamvis fundetur in volubilitate voluntatis, non est tamen intrinseca & antecedens, sed extrinseca duntaxat ac illativa, & relinquit libertatem solum imperfectam ad singula distributive & determinate vitanda, adeoque unum ex his committendo formaliter saltem venialiter peccatur.

323. *Observe I.* Ab universali hac assertionem præter Christum excipitur B. V. MARIA, ut liquet tum ex Can. C. Tridentini, tum ex loco S. Augustini ex L. de nat. & gr. C. 36. aliisque Patribus universim eam a peccatis excipientibus.

Neque huic privilegio obstat 1. quod potuerit orare orationem Dominicam etiam quoad illam petitionem: *Dimitte nobis debita nostra*; nam & hoc orare potuit in primis nomine totius Ecclesiæ; & juxta aliquos etiam pro se, quatenus dimissa dicuntur debita, quæ liberalitate divina non contrahuntur.

Nec 2. Quod videatur esse arguenda alicujus *negligentia*, dum ea inscia remansit puer JESUS in Jerusalem. Nam negligentiam culpabilem non intervenisse ostendit opinio, utriusque prudenti nixa fundamento, qua existimabant illum esse in comitatu, scilicet cognatorum & notorum, inter quos eum postea requirebant: Sicut enim Christus suos parentes latere voluerat, quod in his, quæ Patris ejus coelestis erant, eum tum jam temporis oporteret esse, sic & iis etiam nihil debita sollicitudinis omittentibus potuit & voluit ad hunc finem se clam ab illis subducere, aut petita ab eis devotionis aut negotiorum causa tardantibus venia adeundi cognatos, his postea relictis redire ad templum.

Nec 3. Quod S. Chrys. quem Theophyl. & Euthym. sequuntur, hom. 20. in Joann. putet B. VIRGINEM ex quadam

dam *ostentatione* petiisse miraculum fieri in Nuptiis Cana, eamque reprehendi illis verbis: quid mihi & tibi mulier? Nam S. Th. p. 3. q. 27. a. 4. ad 3. notat in his verbis Chrysostomi excessum, atque hinc Cyrillus, Bernard. alii- que PP. volunt petiitum fuisse miraculum ex necessitate, charitate ac pietate; unde nec illa verba Christi reprehen- sionem veram continent, ut ostendunt Aug. Beda & ipse Chrysost. Videtur tamen tum hic, tum alibi, ubi Matth. 12. foris stans mater quærebat ei loqui, reprehendere; si- ve quod aliis videri poterat ex *inanis gloriæ* motu Mater petiisse; siue ut ostenderet, quod sicut parentes in operi- bus Theandricis nihil habebant juris, ita nec eorum affe- ctibus aut desiderijs, sed Deo tantum & charitati illa sint tribuenda.

Nec 4. Quod juxta S. Hieron. Deo soli reservata sit *perpetuitas impeccantia*. Nam præterquam quod idem S. Doctor in pl. 77. tribuat, B. VIRGINEM nunquam fuisse in tenebris, sed semper in luce; negat illi duntaxat im- peccantiam, quæ talis est ex natura, non autem partici- patam, ac ex privilegio: inter hanc vero & illam ac con- firmationem in gratia habetur id discriminis, quod impec- cantia etiam Christi ex natura fundetur in indecentia, quæ foret in Deo, si peccatum permetteret, aut relinqueret naturam cum naturali inclinatione ad peccatum; confir- matio autem in gratia excludat sola mortalia.

324. *Observe II.* Pro eodem privilegio alijs tri- buendo simile fundamentum non habetur. Nam quamvis pro S. JOANNE Baptista stet illud testimonium Christi Matth. 11. *Inter natos mulierum non surrexit major Joanne Baptista*; tamen videtur comparatio solum esse insti- tuta cum Prophetis V. T., ut indicat illa additio, quæ ha- betur Luc. 7. v. 28. *Major inter natos mulierum Pro- pheta Joanne Baptista nemo est.* Præterea obstat AUG. tum ep. 174., in qua, ubi de S. Joanne & dono immunitatis a peccato omni egerat, subdit: *Nemini alteri, quam Beatissima Virgini in natis mulierum illud creditur esse donatum*: tum locus S. AUG. L. de nat. & gr.

Notandum tamen hic venit & illud, quod idem L. de sp. & lit. C. 2. scripsit: *Quin etiam si nemo est, aut fuit, aut erit, quod magis credo, tali puritate perse- cutus,*

Etus; Et tamen esse, aut fuisse, aut fore defenditur Et putatur, non multum erratur, nec perniciose. Et paulo post: Sed illis acerrime ac vehementissime resistendum est, qui putant sine Dei adiutorio per se ipsam vim voluntatis humana vel iustitiam posse perficere, vel ad eam tendendo proficere.

C A P U T III.

De Existentia Gratiæ Actualis.

A R T I C U L U S I.

Quæ sit natura gratiæ sufficientis?

325. **N**ota I. Gratiæ sufficientis in genere spectata nomine intelligitur auxilium supernaturale, vi cuius præstatur sufficiens, h. e. necessaria & proportionata potentia operandi salutariter; sub qua ratione etiam gratia habitualis a S. THOMA nonnunquam vocatur sufficiens. *Proxime sufficiens* est auxilium tale, per quod in se receptum potest quis immediate aliquam operationem efficere sine interventu alterius prioris operationis, quæ impetret majus auxilium: *remote sufficiens* est, quando homo necdum recepit in se totum auxilium necessarium ad certum opus, habet tamen illud paratum a Deo, si ipse ad id se disponat, vel illud impetret. Atque hujus distinctionis fundamentum habetur in TRID. Sess. 6. C. II., ubi dicitur: *Deus impossibilia non jubet, sed jubendo monet Et facere, quod possis, Et petere, quod non possis, Et juvat, ut possis.* Magis tamen *specificè & proxime* sumpta gratia *sufficiens* dicitur gratia interior præveniens, quæ per se ipsam tribuit veram, plenam & expeditam potestatem salutariter operandi.

Potest autem spectari tripliciter. Imo prout hanc potentiam conferre spectatur, sed præscinditur, an reipsa etiam conjungatur cum ipsa operatione, aut hæc non sequatur; & sic dicitur *præcise sufficiens*, atque opponitur gratiæ insufficienti: 2do prout spectatur & hanc potentiam conferre, & simul esse conjuncta cum operatione seu actu; & sic dicitur *positive sufficiens*, atque eadem est cum gratia
 effica-

efficaci: 3tio prout spectatur quidem hanc potentiam conferre, sed simul carere effectu ob voluntatis resistantiam vel neglectum; & sic dicitur *negative* aut *pure sufficiens*, atque opponitur gratiæ efficaci.

326. *Nota II.* Cum gratia pure sufficiens duo dicat, unum *positivum*, nempe potentiam ad agendum, alterum *negativum*, scilicet carentiam operationis; de primo tanquam præcipuo hic unice loquimur. Controversia autem duplex hic oritur.

Altera *dogmatica*, ex JANSENI systemate, qui duplicem potentiam & duplicem etiam gratiam distinguit. Potentiam quidem aliam vocat *absolutam*, quæ competit gratiæ, spectata solum ipsius natura, & præcisus subjecti, cui conceditur, circumstantiis, maxime autem gradibus titillantis concupiscentiæ hic & nunc oppositæ; aliam *relativam*, quæ competit gratiæ etiam habito respectu ad circumstantias, ac prementem hic & nunc actualem concupiscentiam. Gratiam vero aliam dicit *magnam* & robustam, quæ, quia est delectatio cœlestis gradibus ac intentione superans concupiscentiam hic & nunc prementem, vocatur efficax & victrix, atque perducit ad operis boni perfectionem. Aliam *parvam*, quæ, quia gradibus inferior est opposita concupiscentia actuali, nec eam propter virium defectum superare potest, *victrix* non dicitur, neque ipsum opus bonum seu effectum plenum habere valet.

Hanc parvam tamen gratiam & JANSENIUS vult esse efficacem, quia boni desiderium inspirat, & voluntatem ad quosdam actus imperfectos non tantum indeliberatos, sed ad liberas etiam velleitates perducit; & *Janseniani* vocant sufficientem, imo sufficientissimam; quia, quamvis non tribuat potentiam relativam & ad circumstantias præsentis comparatam, tamen absolutam illam & a circumstantiis abstractam confert; & antecedente Dei voluntate ad bonum perfectum ordinatur, quod etiam reipsa existeret, si minus ipsi resisteret opposita cupiditas.

Altera *Scholastica* de eo, utrum gratia sufficiens non tantum includat auxilia necessaria ad *posse*, sed etiam necessaria ad ipsam *operari*, atque hinc ad actualem operationem non requiratur altera gratia? Circa quam alii statuunt, gratiam sufficientem dare quidem *posse* bene agere, sed non sufficere, ut quis bene egat, ac proinde requiri aliud ad-

adhuc auxilium efficax ex se vel *prædeterminans*, ut ponatur actio: alii docent gratiam sufficientem sic continere omnia ad bene agendum necessaria, ut per eam bonum opus sit in potestate hominis, isque id sine alio auxilio superaddito possit exequi; quo tamen modo loquendi nolunt ad gratiam sufficientem requiri etiam auxilium cooperans præter præveniens seu excitans, cum gratia *cooperans* non sit nisi in eo, qui re ipsa agit, sed solum exigunt gratiam *proxime ac complete* sufficientem ita dare potentiam operandi, ut vel actu homini tribuat, quidquid ad actualem operationem necessarium est tanquam prævium & ab operatione distinctum ac separabile; vel in proxima ejus potestate constituat, quidquid ex parte Dei concomitanter necessarium est, etiamsi ab operatione hominis indistinctum dicatur.

327. *Dico I.* Nomine gratiæ vere sufficientis Ecclesia intelligit eam, quæ voluntati *expeditam*, *proportionatam* ac *relativam* etiam ad præsentis subjecti circumstantias potentiam confert ad opus bonum. *Prob.* Si gratia in sensu Catholico sufficiens non exigeret potentiam etiam *relativam*, ergo nihil omnino obstaret, quo minus parva illa JANSENII gratia sensu Ecclesiæ diceretur sufficiens; quia illa confert absolutam ad bonum potentiam: sed parva illa gratia non potest sensu Ecclesiæ dici sufficiens: ergo. *Minor* constat ex eo, quia alias Ecclesia vel injuste condemnasset propositiones JANSENII, vel aliquod phantasma duntaxat *Jansenismi* esset persecuta, cum hac parva gratia tanquam sufficiente admissa omnes damnata propositiones in sensum Catholicum possent explicari & defendi.

Possêt enim de *1ma* dici nulla præcepta Dei esse absolute impossibilia, neque gratiam deesse justis, qua fiant absolute possibilia, quamvis aliqua præcepta sint impossibilia impossibilitate *relativa*, & gratia aliquando desit, qua fiant possibilia possibilitate *relativa*. De *2da* dici posset, aliquando quidem resisti gratiæ interiori quoad actum perfectum a Deo antea intentum, & quem illa gratia absolute ac secundum se poterat obtinere; non tamen quoad actum, quem *relative*, seu hic & nunc ad præsentis circumstantias obtinere potest. De *3ta* dicerent requiri libertatem a necessitate *absolute* fixa & immobili, per quam homo absolute ac immobiliter sit necessitatus ad bonum, vel

vel malum; non tamen a necessitate *relativa* ad præsentēs circumstantias, ac respectiva jam ad hoc, jam ad oppositum. De 4ta eluderent Jansenistæ partis secundæ condemnationem causati, non se negare, quod voluntas possit resistere vel obtemperare gratiæ potentia *absoluta*, sed tantum *relativa*. De 5ta similiter prætenderent, Christum mortuum fuisse pro omnibus, quatenus illis dat gratias *absolute* sufficientes; & solum etiam pro prædestinatis, quia his unis dat gratias *relative* sufficientes.

Conf. 1. Ex autoritate S. GREG. L. 9. Mor. C. 46. ita scribentis: *quia, si mensuram iudex temptationibus non præbet, eo ipso protinus stantem dejicit, quo ultra vires onera imponit.* Et S. THOMÆ, qui p. 3. q. 62. a. 6. ad 3. *Minima, inquit, gratia potest resistere cuilibet concupiscentiæ ac mereri vitam æternam.* Et q. 70. a. 4. *Minima gratia potest resistere cuilibet concupiscentiæ & vitare omne peccatum, quod committitur in transgressionē mandatorum legis: minima enim charitas plus diligit Deum, quam cupiditas millia auri & argenti.* Hæc quamvis S. Doctor. enuntiet de gratia *habituali*, tamen, cum juxta eundem habitualis nunquam operatur, nisi per actualem, actualis ista minimæ etiam habituali juncta in ejus sensu confert potentiam parem ac sufficientem contra concupiscentiam quamlibet & peccatum mortale.

Conf. 2. Ex possibilitate, utilitate & æquitate mandatorum Dei; item ex necessitate gratiæ ad ea servanda ac vincendas tentationes. Nisi enim gratia sufficiens tribueret vires pares ac sufficientes etiam comparative ad subjectum & concupiscentiam oppositam, hæc omnia stare non possent.

328. *Dico II.* Gratia sufficiens non dat tantum *posse*, sed etiam sufficit, ut homo cum ea ponat opus salutare: imo si præter eam requireretur aliud auxilium ex se efficax, vel prædeterminans ad hoc, ut homo ponat opus salutare, illa non foret gratia sufficiens.

Prob. Im. p. Potentia non datur propter *posse*, tanquam terminum ultimum, sed propter *operari*; quia quidem formaliter constituit subjectum potens, sed in ordine ad operationem ut terminum: ergo & auxilium non est tantum ad *posse*, sed & *operari*: ergo si auxilium est vere *sufficiens*, debet dare sufficientiam non tantum ad *posse*,

H h

sed

sed etiam ad operari. *Conf.* Gratia sufficiens debet sufficere ad id, quod mandato divino præcipitur, & cujus omissio punitur: sed mandato divino non præcipitur, ut possit, sed *ut faciat*; neque etiam in homine punitur, quod non potuerit, sed quod non fecerit: ergo & gratia sufficiens debet etiam sufficere ad facere, sive ad ipsum opus salutare.

Prob. 2d. p. Illud auxilium *ex se* efficax necessarium ad hoc, ut ponatur opus, vel constituit actum primum proximum seu potentiam proximam agendi, vel illam non constituit, sed pertinet ad actum secundum? Si *1um*; ergo omnis gratia sufficiens, utpote dicens potentiam proximam agendi, necessario inducit ipsam operationem, ac consequenter non dabitur alia sufficiens, nisi quæ sit efficax, qui est error JANSENII: si *2dum*; ergo vel potentia agendi proxima habetur integra sine hoc auxilio, atque & hinc sine eo redigi in actum poterit; vel si sine auxilio illa nequeat redigi in actum, nec potentia agendi proxima, neque gratia sufficiens aderit.

Conf. Per gratiam sufficientem habetur, quod homini, opus bonum non facienti, imputetur carentia operationis tanquam *culpabilis*: sed si ad hoc, ut homo opus bonum agat, requireretur præter gratiam sufficientem aliud auxilium *ex se* efficax, carentia operationis non posset ut culpabilis imputari homini, opus bonum non facienti; uti constat in casu hominis iusti primum peccantis; ergo si requireretur ad agendum auxilium *ex se* efficax, non haberetur gratia sufficiens.

329. *Dico III.* Gratia sufficiens *physice* consistit in aggregato ex gratiis excitantibus & principiis gratiæ adjuvantis. *Ratio* est; quia gratia proxime & complete sufficiens debet esse tale auxilium, per quod homo habeat vel accepta, vel parata & in sua quasi manu omnia auxilia ad opus bonum faciendum necessaria: sed hoc omne consequitur homo per illud aggregatum.

Nam 1. Illustrationes supernaturales & piæ affectiones supernaturales, quæ necessariae sunt ad actus salutares, continentur in gratiis excitantibus; 2. Sufficientia vero ad ipsam operationem, quæ necessaria est ad gratiam vere sufficientem, habetur in habitu supernaturali respectu iustorum, & in omnipotentia divina respectu non iustorum, quæ

quæ sunt principia gratiæ adjuvantis: 3. Priora quidem sunt in ipso homine recepta; posteriora vero ita parata & ad agendum prompta, ut quasi in manu sua ea habere homo dici possit. Ergo.

Conf. Gratia præveniens adæquate sumpta includit tum gratias excitantes, tum principium supernaturale vel in- vel extrinsecum physice effectivum actus salutaris; & hoc sensu realiter ac entitative non distinguitur a gratia adjuvante. Sed gratia præveniens adæquate sumpta est gratia sufficiens; quia complectitur totum actum primum ad salutariter operandum: ergo gratia sufficiens includit tum gratias excitantes, tum principia gratiæ adjuvantis.

Objectiones.

330. *Obje. contr.* 1m. Juxta S. AUG. L. de gr. & lib. arb. C. 17. *Qui vult facere Dei mandatum, & non potest, jam quidem habet voluntatem bonam, sed adhuc parvam & invalidam: poterit autem, cum magnam habuerit & robustam.* Quod confirmat exemplo S. PETRI, de quo addit: *Tamen quamvis parva & imperfecta charitas non deerat, quando dicebat Domino: animam meam pro te ponam; putabat enim se posse, quod se velle sentiebat.* Ergo datur gratia parva, cum qua possumus bonum velle, sed actu perficere non possumus. Atqui hæc parva gratia est gratia sufficiens: ergo.

R. Duo hic observanda sunt: 1. Gratiam aliam esse remote sufficientem, seu talem, quæ sufficit ad impetrandum vel per orationem salutarem, vel aliam dispositionem similem uberius Dei auxilium pro ipso opere salutari; aliam proxime sufficientem seu talem, quæ sufficit vel ad volendum, vel ad exequendum ipsum opus bonum: utramque autem respective ad difficultates oppositas superandas jam minus, jam magis, semper tamen simpliciter & absolute potentem esse. 2. Gratiam sufficientem alterutram quidem semper a Deo dari, ubi præceptum aut tentatio urget; extra hos vero casus vel non semper hæc gratias concedi, vel tempore quidem opportuno non denegari, quin tamen illud a nobis designari possit.

His suppositis T. *Conf. D. subspt.* Atqui hæc gratia in sensu Jansenii parva est gratia sufficiens N. in sensu S.

Augustini *subd.* est sufficiens vel remote vel proxime C. semper proxime N. S. AUG. ibidem docet, Deum ideo jubere aliqua, quæ non possumus, ut noverimus, quid ab ipso petere debeamus. Ipsa enim, inquit, fides est, quæ orando impetrat, quod lex imperat. Et C. 15. hæc præmiserat: Ad hoc valet, quod scriptum est: si volueris, conservabis mandata; ut homo, qui voluerit & non potuerit, nondum se plene velle cognoscat & orat, ut habeat tantam voluntatem, quanta sufficit ad implenda præcepta.

Porro mirum non est, quod S. PETRUS dicatur hic non habuisse gratiam sufficientem ad mortem obeundam; constat enim tunc etiam D. PETRO non fuisse præceptum pro Christo mori; præterea aliam quoque esse gratiam ad volendum, aliam ad exequendum, sicut ipsum velle & exequi sæpe diversissima sunt.

Inst. I. Delectatio *terrena* & inclinatio ad peccatum sæpe longe est intensior, quam delectatio *cœlestis* & inclinatio ad actum bonum, ut patet maxime in consuetudinariis; ergo hæc delectatio *cœlestis* vel gratia non potest esse relative sufficiens; aut si gratia sufficiens deberet dare vires relative proportionatas, sequeretur tum voluntatem semper oportere esse constitutam in æquilibrio, tum perfectiorem esse dandam gratiam peccatoribus, quam iustis; quæ dicere absurdum est.

R. D. Conf. quoad 1m. p. Non potest esse relative sufficiens, h. e. simpliciter & absolute potens ad resistendum tentationibus N. non potest esse relative sufficiens, h. e. talis, quæ difficultates etiam superet, aut exæquet C. Quoad 2d. part. R. D. seq. 1m. Sequeretur voluntatem semper esse constitutam in æquilibrio potentia seu electionis C. in æquilibrio inclinationis seu propensionis, aut intensiōis seu graduum N.

Ad libertatem & imputabilitatem actionis requiritur quidem talis comparatio voluntatis, qua possit ex propositis sibi actionibus hanc vel illam ex propria determinatione eligere, hoc vel illud agere aut non agere, atque in genus æquilibrii præstatur a gratia sufficiente; quia minima gratia ex d. sufficit ad resistendum cuilibet concupiscentiæ, & vitandum omne peccatum. Sicut vero ad libertatem non requiritur ea comparatio voluntatis, qua
non

non magis propensa sit ad unam, quam alteram partem, aut maiorem difficultatem in una præ altera actione non inveniatur; eoquod ejusmodi *propensio* aut *difficultas* necessitatem nullam inferat: sic etiam gratia sufficiens hoc æquilibrii genus nec præstat, nec conferre debet; adeoque illa gratiæ æconomia, quam quidam ad *mechanicæ leges* accommodant ac fingunt, plane rejicienda est, tanquam proxime deducens ad illationem necessitatis ac libertatis destructionem.

Similiter *D. seq. 2dam.* Deberet dari gratia perfectior, si detur præcise ad obtinendum æquilibrium potentiæ ac electionis N. si daretur ad æquilibrium inclinationis vel intensificationis C. Sed *N. supp.* quod ad illud dari debeat.

Inst. 2. Si gratia sufficiens diceret relativam potentiam faciendi bonum, nulla in homine daretur necessitas peccandi: sed hanc agnoscit S. Augustinus pluribus in locis; L. de nat. & gr. C. 66. Et L. I. op. imp. C. 105.; ergo.

R. D. seq. M. Nulla daretur propria necessitas ad proprie peccandum C. nulla daretur necessitas impropria, h. e. magna inclinatio, aut consuetudo multum sollicitans ad peccandum, vel nulla necessitas ad peccatum improprie tale N. Postremo sensu intelligendus est S. AUG., qui *imo* loco nomine necessitatis sumit magnam ad peccatum inclinationem ex concupiscentia, vel consuetudine prava ortam; 2do autem loco vel idem indicat, vel significat nomine peccati ipsam iterum concupiscentiam, cujus nempe indeliberati motus sunt peccatum metonymice, non autem proprie ac formaliter.

331. *Objic. contr. 2d.* Plura requiruntur ad *actu* agere, quam ad *posse* agere; sicut actu agere plus dicit, quam ipsum etiam proxime posse agere: ergo licet ad actu agere requiratur gratia *ex se* efficax, non tamen requiritur ad posse agere; adeoque potest esse gratia vere sufficiens, licet præter illam requiratur alia de se efficax.

R. D. A. Plura requiruntur ad actu agere, quam ad posse agere remote C. quam ad proxime posse agere *subd.* plura requiruntur formaliter & ex parte actionis, per quam causa denominatur agens C. plura causaliter, seu ex parte cause aut alterius requisiti necessarij ad actionem N. Si

militer ipsum agere plus dicit, quam posse agere, *formaliter*, quia dicit ipsam actionem seu influxum; non tamen *causaliter*, cum potentia non detur nisi *ad actum*, adeoque si deesset aliquod requisitum necessarium ad actum, etiam ad potentiam proxime expeditam deesset.

Inst. 1. Ad gratiam vere sufficientem sufficit, quod det actum primum proximum, licet non det actum secundum: sed gratia *Thomistice* sufficiens daret sine *prædeterminatione physica* actum primum proximum, licet non daret actum secundum; quia hæc utpote applicatio & motio physica potentia ad actum secundum tenet se solum ex parte actus secundi, licet non actus secundus: ergo.

R. D. M. Sufficit, quod det actum primum proximum, licet non det actum secundum, si tamen includat, præsupponat, aut inferat omnia principia aut requisita necessaria ad actum secundum C. sin minus N. Jam vero cum gratia *Thomistice* sufficiens nec includat, nec præsupponat, nec inferat *prædeterminationem physicam*, inprimis ex hoc defectu non est vere sufficiens: deinde nec est sufficiens ratione sui, eoquod in *Thomistarum* principiis nequeat dare actum primum proximum; denique falsum videtur, *prædeterminationem physicam* tantum pertinere ad actum secundum; nam ut prævia motio potentia ad actum non solum inter potentiam & actum mediat, sed etiam partim potentiam, partim actum efficere debet, adeoque debet & ad potentiam ex parte pertinere; alias enim compositio actus duntaxat, non autem potentia *prædeterminatio* ad actum foret.

Inst. 2. Oculus est sufficiens principium ad videndum, licet *actu* nunquam videat sine lumine illuminante: ergo & voluntas pia affectione excitata est sufficiens principium ad salutariter agendum, licet *actu* nunquam agat sine gratia de se efficaci.

R. D. A. Oculus in hoc casu est principium remote sufficiens ad videndum C. proxime sufficiens N. Res ex se clara confirmatur testimonio S. Augustini, qui L. de gest. Pel. C. 3. Sufficit, inquit, sibi oculus ad non videndum, hoc est ad tenebras: ad videndum vero lumine suo sibi non sufficit; nisi illi extrinsecus adiutorium clari luminis præbeatur. Ne tamen inter lumen istud & gratiam de se efficacem comparatio institui possit, facit

ipsa

ipsa necessitas luminis ad actum primum proximum videndi requisiti, præter quod nullum aliud medium est, quo facultas visiva videat & videre possit; cum ex adverso gratia *de se* efficax juxta ipsos adversarios potentiam proximam constituere nequeat, ac præter eam sufficiens gratia admitenda sit ad actum primum, ad actum autem secundum nequidem de se efficax a nobis admittatur.

Inst. 3. Licet *concurfus Dei* in actu secundo juxta nos requiatur ad hoc, ut detur actus alutaris, tamen habens gratiam sufficientem est culpabilis, si ei non coope-
ratur: ergo id a pari tenet in systemate *Thomistarum*.
Conf Gratia sufficiens ut distincta ab efficaci includit *negationem consensus*: sed æque impossibile est operari cum auxilio includente negationem consensus, ac sine *prædeterminatione physica*, si illa simpliciter requiritur ad actum secundum: ergo si in Sententia Thomistica non salvatur sufficienter libertas ad consensum data sola gratia sufficien-
te, neque illa salvatur in sententia nostra.

R. N. Conf. Disp. est, quia ex dictis patet, *prædeterminationem* non fore in libera hominis potestate; cum ex adverso *concurfus Dei* in actu secundo sit in potestate illius libera, quia principium divini concursus, aut in homine receptum aut exterius applicatum ac paratum, potentiam agendi proximam una cum gratia excitante constituit. *Ad Conf. R. T. M.* Quia gratia sufficiens *per se* & *in recto* dicit auxilium divinum potens dare & inclinans ad consensum; *per accidens* vero & *in obliquo* tantum negationem consensus connotat, quam voluntas libere ponit.

Unde *N. min. Disp.* est; quia enim in hominis potestate est, libere consensum ponere *negationi* contradictorium, simpliciter & antecederet impossibile non est cum gratia pure sufficiente operari, sed tantum consequenter ad suppositam liberam consensus *negationem*: *prædeterminatio physica* autem ad actum salutarem in hominis potestate nullo modo est; nempe non *physice*, quia illa a solo Deo provenit ac dependet: neque *moraliter*, quia nec cooperatio cum gratia sufficiente, nec resistantia, ad quam datur vel negatur *prædeterminatio* actus secundi, penes hominem sine alia præmotione esse potest.

332. *Objic. contr. 3t.* Inter gratiam *sufficientem* aut *efficacem* vulgaris hæc est distinctio, 1. quod *sufficiens* det posse, *efficax* autem det velle & operari: 2. quod illa includat auxilia excitantia, hæc vero adjuvantia seu cooperantia: ergo gratia *sufficiens* non consistit phyſice in illo aggregato.

R. D. A. Vulgaris hæc est distinctio sano modo intellecta, & sensu nobis non opposito C. quomodocunque intellecta & sensu excludente a gratia *sufficiente* potestatem ac principia volendi ac operandi N. Gratia *sufficiens* non tantum dat posse, sed etiam *velle & operari* hoc sensu; tum quod, licet in effectu non conferat velle & operari, tamen hæc constituat in potestate ac voluntate operantis; tum quod per se ipsam moveat, & ex intentione Dei detur ad volitionem & operationem salutarem: quia tamen in sensu consequente & ex culpa voluntatis resistentis non sequitur velle ac operari, gratia vero *efficax* dat ita posse, ut simul *infallibiliter* sequatur velle & operari; inde fit, quod gratia *sufficiens* dicatur unice dare posse, *efficax* autem præter posse etiam velle & operari.

Similiter quia auxilium *adjuvans* & *cooperans* potest spectari per modum principii vel per modum concursus ac influxus, gratia *sufficiens* præter auxilia excitantia etiam includit auxilium *adjuvans* hoc sensu, quatenus ad proximam *sufficientiam* habendam inprimis requiritur auxilium *adjuvans* per modum *principii* sumptum intrinsece vel extrinsece adesse; deinde etiam exigitur, idem auxilium *adjuvans* per modum *influxus* sumptum ex parte Dei proxime esse paratum & oblatum ita, ut voluntate per gratiam *sufficientem* se movente & determinante se ad operationem statim & indivisibiliter absque novo actu intermedio comitetur concursus & influxus gratiæ *adjuvantis*, phyſice cooperando ipsam voluntatis determinationem.

Quia tamen auxilium *adjuvans* communius sonat ipsum concursum, quem gratia *efficax* duntaxat dicit & habet; hinc gratia *sufficiens* usitatiores phrasas etiam dicitur includere tantum auxilia non tam excitantia, quam præventia, *efficax* autem *adjuvantia* & *cooperantia*.

Inst. Licet ad operandum salutariter requiratur prædefinitio aut etiam prædestinatio, gratia tamen *sufficiens* neu-

neutram includere debet. Ergo nec alia necessaria involvere debet.

R. T. A. N. *Conf. Disp.* est; quia *prædefinitio & prædestinatio* non pertinet ad auxilia necessaria ad operandum, sed ad *modum* duntaxat; quo Deus tanquam autor gratiæ efficit vel providet alia auxilia; præterea notandum, gratiam sufficientem, etiam si non procedat ex voluntate Dei *absolute prædestinante* actum hominis, debere esse talem, qualem hæcenus descripsimus, ut vere ac proxime sufficiens dici queat: cui adde, quod, quoties actus, ad quem datur gratia sufficiens, non est *prædefinitus*, id aliqua ex parte ipsi homini possit attribui.

QUÆRES I. Undenam gratia sufficiens habeat, quod sit pure sufficiens, seu inefficax aut carens effectu?

333. R. I. Gratia sufficiens non est de se inefficax.

Prob. Si gratia sufficiens esset de se inefficax; vel intelligendum hoc esset de inefficacia in actu primo, vel de inefficacia in actu secundo: neutro modo intelligi potest; ergo. *Prob. Im. p. min.* Inefficacia in actu primo idem est, quod insufficientia, sicut efficacia in actu primo idem est ac sufficientia; quia auxilium efficax in actu primo dicitur id, quod de se potens est ad efficiendum actum, etsi re ipsa effectus non sequatur: ergo si gratia supponatur sufficiens, non potest de se esse inefficax in actu primo; quia gratiæ sufficiens nomine significatur auxilium de se potens ad efficiendum actum, licet hic defacto non sequatur; unde & a PATRIBUS sæpe vocatur efficax, utique in actu primo.

Prob. 2da p. min. Inefficacia in actu secundo consistit solum in eo, quod auxilium actu non operetur: ergo si gratia sufficiens de se esset hoc sensu inefficax, per se ex ipso auxilio proveniret, quod actu non operaretur. Atqui hoc dici nequit; nam gratia, sicut alia omnis causa sufficiens proxima non potest cessare ab operatione actuali, nisi vel propter negatum Dei concursum, vel propter libertatem causæ: sed ex neutro capite dici potest, quod per se ex ipso auxilio proveniret carentia operationis; quia si Deus negat concursum, carentia illa Deo ipsi tribuitur; non autem inefficiæ virtutis proximæ; si autem propter libertatem agere potentis deficiat operatio, cum libertas

non conveniat auxilio *de se*, sed ratione subjecti, in quo est, etiam defectus operationis non convenit illi *de se*, sed ex subjecto, nempe libera voluntate, ac libertatis abusu.

334. R. II. Inefficacia gratiæ sufficientis nullo modo refundi potest in Deum. *Prob.* Deus ex 1. ad Tim. 2. v. 4. *omnes homines vult salvos fieri; & ex Ezech. 18. ac 33. non vult mortem peccatoris, sed magis, ut convertatur & vivat.* Sed neutra voluntas divina foret seria ac vera, si Deus esset causa & radix *inefficaciæ*, aut daret gratiam de se inefficacem; quia ejusmodi gratia non daret veram ac propriam potentiam ad salutem, vitam & conversionem; Deus autem inefficaciam auxilii sufficientis causans vel procurans fingeret duntaxat se hominis salutem, vitam & conversionem velle ac desiderare: Ergo.

Conf. 1. Dogma fidei est, quod Deus neminem deserat, nisi prius ab ipso deseratur; quod quamvis a C. TRID. sess. 6. C. II. enuntietur de justificatis, tamen intelligitur etiam de peccatoribus ac hominibus omnibus, ut patet ex verbis AUG. serm. 88. de temp. PROSPERI ad objectiones tum Gall. tum Vincent. utrobique art. 7. FULGENTII L. I. ad Monym. C. 13. ANSELMII L. de Concord. præscient., &c. Sed si gratiæ sufficientis inefficacia foret a Deo, ipse prius hominem desereret, quam deseratur ab eo: ergo.

Conf. 2. Resistere divinæ inspirationi ac divino auxilio sufficienti, illudque reddere inefficax in materia præcepti non fit sine peccato vel aversione hominis a Deo, in materia consilii autem non fit sine defectu quodam & imperfectione positiva; ut patet ex omnibus scripturæ locis, quibus reprehenduntur, dicuntur inexcusabiles, aut minis ac pœnis terrentur, qui Dei vocationem abjiciunt, & gratiam faciunt carere effectu: sed peccatum & aversio hominis a Deo, aut defectus & imperfectio positiva non potest tribui Deo tanquam auctori, ut est de fide; ergo.

335. R. III. Inefficacia gratiæ sufficientis primo & unice tribuenda est voluntati humanæ. *Prob.* Osee. 13. *Perditio tua ex te Israel, tantummodo in me auxilium;* S. AUG. L. 83. QQ. q. 68. *Neque illi sibi debent tribuere, qui venerunt, quia vocati venerunt; neque illi, qui noluerunt venire, debent alteri tribuere, sed tantum sibi: quoniam, ut venirent vocati, erat in libera eorum vo-*
lun-

luntate; Item L. 2. de pecc. mer. C. 17. Can. 23. Conc. Arans. II. *Suam voluntatem homines faciunt, non Dei, quando id agunt, quod Deo displicet.* Ex his enim manifeste inefficacia auxilii sufficientis homini adscripta perspicitur.

Conf. Nulla causa creata, v. g. *dæmon, cupiditas, suggestio* hominis vel alia similis cogit, aut necessitat ad resistendum gratiæ sufficienti; *Deus* etiam nec vult, nec potest necessitatem inferre salvo humano operandi modo; præterea vero *auxilium sufficiens* de se est potens ad effectum præstandum in iis etiam circumstantiis loci, temporis ac tentationis, in quibus datur. Ergo, quod homo resistat gratiæ sufficienti, eamque reddat inefficacem, illi soli tribuendum est, ac unice provenit a libertate voluntatis humane.

QUÆRES II. *An gratia sufficiens debeat aliquando efficere aliquos actus, saltem faciliores, sine gratia efficaci?*

Nota. Inter Jansenii argumenta contra gratiam sufficientem & hoc numeratur; quod res monstro similissima sit talis gratia, quæ ex una parte dicatur *sufficiens*, ex altera autem, quamvis pene infinitis hominibus data sit, aut detur, nunquam tamen a mundi exordio obtinuerit, aut ad finem mundi usque obtentura sit suum effectum. *Thomasinus* autem, *Cardin. du Plessis, Tournely*, alique docent, gratiam sufficientem nonnunquam sine auxilio efficaci producere actus quosdam faciliores, difficiliore autem nonnunquam sine auxilio *de se* efficaci efficere, sed in his sufficere duntaxat ad orationem, qua impetretur uberius Dei auxilium præveniens, per quod difficiliora fiant.

336. **R. I.** Si gratia sufficiens spectetur *præcise*, potest nonnunquam efficere actum; si *positive*, semper efficit actum; si *negative*, nunquam efficit actum. *Prob. Im. p.* Gratia *præcise* sufficiens est gratia prout opposita insufficienti atque efficax in actu primo: sed talis nonnunquam fit etiam in actu secundo efficax, seu conjungitur cum effectum; quia juxta celebrem *AUG.* sententiam L. de Civ. C. 6. eadem gratia in uno homine obtinet suum effectum, non autem in altero, quamvis quoad corpus & animam

mum æqualiter disposito: ergo gratia *precisive* sufficiens nonnunquam conjungitur cum effectu. *Prob. 2d. p.*

Gratia *positive* sufficiens intelligitur esse eadem cum efficaci in actu secundo: sed efficax in actu secundo debet semper esse conjuncta cum effectu: ergo. *Prob. 3t. p.*

Gratia *negative* seu pure sufficiens est, quæ conjuncta est cum carentia effectus, seu reipsa frustratur effectu: sed per se notum est, quod gratia conjuncta cum effectus carentia nunquam efficiat actum; ergo. Inde

Collige, JANSENII admirationem vel æquivocationem ortam esse ex eo, quod crederet gratiam sufficientem, a Catholicis assertam, habere *ex se* & antecederet rationem pure sufficientis, quasi nimirum ea ex natura sua habeat, nunquam cum effectu conjungi; quod tamen sicut negatur a *Thomistis*, aliisque gratiæ de se efficaciis assertoribus, sic multo magis nostræ sententiæ non convenit, in qua gratia sufficiens ac efficax *entitative* est eadem, denominatio autem hæc distincta ipsi gratiæ extrinseca; quarum illa pure sufficientis desumitur ab actuali resistantia liberi arbitrii, hæc efficacis ex eo, quod conferatur sub præscientia aut etiam efficaci intentione consensus. Quid autem hic *monstro* simile est, quod ex supposito, quia homines ab initio mundi usque ad ejus finem sæpe peccaverint ac peccent, atque hinc innumeris Dei gratiis resistunt, omnes illæ gratiæ careant effectu ac pure sufficientes maneant? Hoc enim aliud non probat, nisi multitudinem peccatorum, ac rebellium Deo & stultorum infinitum numerum.

337. & II. Opinio illa *Catholicorum*, præterquam quod supponat falsum de gratia per se efficaci ad difficultiora, non satis distinguit gratiæ conceptum.

Prob. Inprimis non distinguit gratiam *remote* ac *proxime* sufficientem; quia respectu faciliorem foret proxime sufficiens, respectu difficiliorem autem remote tantum sufficeret. *Deinde* nec gratiam sufficientem ab efficaci discernit; quia respectu faciliorem foret efficax & sufficiens, respectu difficiliorem nec efficax, nec vere ac proxime sufficiens. *Denique* nec sensum de gratia satis explicat.

Si enim sensus sit, gratiam vere sufficientem ad effectum completum & principaliter intentum, quantumvis hic non obtineatur, propterea non manere prorsus ineffi-

cacem

cacem ac inutilem, quia aliquando alios effectus faciliores, qui sunt dispositio actus compleri, obtinet; conceditur hoc facile ab omnibus, quia gratia pure sufficiens respectu unius termini potest esse efficax respectu alterius, qui ad priorem disponit.

Si autem sensus sit, gratiam sufficientem ac efficientem illum effectum facilem non esse respectu ejusdem gratiam efficacem; negatur ab omnibus: quia quantumvis dissentiant inter se TT. de gratiæ efficacis constitutivo, in eo tamen conspirant, quod auxilium *efficiens* aliquem effectum probetur hoc ipso a posteriori esse gratia efficax respectu illius effectus, licet respectu alterius possit esse inefficax & pure sufficiens.

338. *Observa.* Quod AUG. L. de Nat. & Gr. C. 43. dicat: *Deus impossibilia non jubet, sed jubendo monet Et facere, quod possis, Et petere, quod non possis, Et adjuvat, ut possis.* Item quod ibid. C. 69. scribat: *Eo ipso, quo firmissime creditur, Deum justum Et bonum impossibilia non potuisse præcipere; hinc admonemur, Et in facilibus, quid agamus, Et in difficilibus, quid petamus.* Denique quod Sacri Oratores hortentur, & fideles soleant orare uberius Dei auxilium in difficilioribus; hæc, inquam, non probant, quod gratia illa ad possibilia & facilia data non sit efficax, uberius autem auxilium, quod ad difficiliora petitur, sit *de se* efficax, & quod sufficiens omnis gratia in facilibus plerumque sortiatur effectum, in difficilioribus autem tantum sit *remote* sufficiens; quæ omnia tamen opinio illa asserit.

Sed dentaxat ostendunt nostram obligationem esse, ut cooperemur gratiæ præsentī, quam hic & nunc aut *remote* aut *proxime* sufficientem pro actu completo habemus, atque hinc vel effectum salutarem continuo præstemus, vel si *difficilior* sit, uberius auxilium postulemus; in quo nihil nobis contrarium dicitur, cum illam divisionem gratiæ præmiserimus, & omnino etiam asseramus, gratiam *proxime* sufficientem ad unum actum posse esse insufficientem ad alium, & tunc petendam esse *gratiam ampliores*, ut proxime possit superari illa vel impossibilitas, vel difficultas.

ART.

ARTICULUS II.

An in statu præsenti detur gratia pure sufficiens?

339. **N**ota. Lutherum & Calvinum in statu naturæ lapsæ solam agnovisse gratiam efficacem ac necessitantem, liquet ex num. 201. Eodem errore rigidiores eorum asseclas involvi ostendunt tum sparsa in hunc sensum a variis dogmata, tum Synodus Dordracena. A simili errore non discessit *Jansenius*, quantumvis duplici illo tum potentia, tum gratiæ genere Catholicis fucum facere laboraverit. In ejus enim systemate utraque gratia est efficax, & neutri resistitur.

Nam si gratia magna est, & superat concupiscentiam, nunquam illi resistitur; quia effectum invincibiliter infert: si autem est parva, neque illi etiam resistitur; tum quia infallibiliter obtinet omnem illum effectum, licet imperfectum, ad quem in illis circumstantiis concupiscentiæ superioris vires habet: tum quia, etsi in hoc casu impediatur a concupiscentia, ne majorem & perfectum effectum obtineat, tamen hoc impedimentum ab hominis arbitrio non pendet, sed a defectu virium in parva gratia, ut *Jansen. L. 3. de Gr. Chr. C. 13.* docet; ideoque nec ab arbitrio pendet illa resistantia, ac consequenter nec ab homine illi gratiæ resistitur: resistere enim in moralibus nihil aliud est, ac frustrare causam eo effectum, quem in his circumstantiis habere potest.

Porro ab eodem negari omnem in hoc statu gratiam, quæ sit pure simul ac vere sufficiens, patet ex *L. 4. de Gr. Chr. C. 10.* ubi, *Hinc claret, inquit, cur Augustinus omnem omnino gratiam pure sufficientem auferat.* Ratio perspicua est, quia cum ei nulla sit gratia operandi præter istam suavitatem Dei, nisi ista tanta fuerit, ut ei delectationes rerum creaturarum cesserint, vel peccabitur, vel alternante delectationum fluctu in medio remanebitur. Sin autem ista superaverit, jam sine dubio bene voluntas operabitur; quod enim amplius nos delectat, secundum id operemur, necesse est. Sed utrumlibet fiat, non erit sufficiens gratia, sed vel efficax vel ita inefficax, ex qua operatio nequidem sequi possit, nisi ejus inefficacia per aliam suppleatur. Hunc Magistri sensum sequuntur plerique Discipuli, maxime *Quesnellus*.

340. *Dico. In statu naturæ lapsæ datur auxilium verè & pure tamen sufficiens, seu quod perfectam quidem, completam & relativam potentiam bene agendi tribuat, careat tamen effectu. Est de fide:*

Prob. Autoritate I. SCRIPTURÆ. Textus alii aperte de ejusmodi gratia loquuntur. Act. 7. v. 51. Dura cervice & incircumcisis cordibus & auribus! Vos semper Spiritui Sancto resistitis. Item 1. ad Thess. 5. v. 19. Nolite Spiritum extinguere. Et 2. ad Cor. 6. v. 1. Hortamur, ne in vanum gratiam Dei recipiatis. Denique Matth. 11. v. 21. Væ tibi Corozaim, væ tibi Bethsaida: quia si in Tyro & Sidone factæ essent virtutes, quæ factæ sunt in vobis, olim in cilicio & cinere pœnitentiam egissent.

Alii sub allegoria idem enuntiant. Proverb. 1. v. 24. Vocavi, & rehulistis: extendi manum meam, & non fuit, qui aspiceret: despexistis omne consilium meum, & increpationes meas neglexistis. Ego quoque in interitu vestro ridebo. Isa. 65. v. 2. Tota die expandi manus meas ad populum non credentem & contradicentem. Et C. 5. v. 4. Nunc ergo habitatores Jerusalem & viri Juda judicate inter me & vineam meam. Quid est, quod debui ultra facere vineæ meæ, & non feci? expectavi, ut faceret uvas, & fecit labruscas. Matth. 23. v. 37. Jerusalem . . . quoties volui congregare filios tuos, quemadmodum gallina congregat pullos suos sub alas, & noluisti? Jam vero tum ipse sensus & constans Patrum & Conciliorum interpretatio, tum manifesta ratio docet, sermonem hic esse de auxiliis internis ac sufficientiam ad agendum præbentibus, quin tamen ea conjuncta fuerint cum actu; unde gratias vere & pure sufficientes assertas liquet.

II. CONCILIORUM. Araus. II. Can. 25. *Hoc, inquit, secundum fidem Catholicam credimus, quod accepta per Baptismum gratia omnes baptizati, Christo adjuvante & cooperante, quæ ad salutem animæ pertinent, possint, si aborare fideliter voluerint, adimplere.* LATERAN. III. Cap. *Firmiter, de SS. Trinitate: Si post-suspensionem Baptismi quispiam relapsus fuerit in peccatum, per veram pœnitentiam potest semper reparari.* TRID. Sess. 6. . 15 docet, omnes, qui lethalia peccata committunt, a regno Dei excludi, mox subjungens: *A quibus cum divi-
a gratiæ adjumento abstinere possunt. Ex quibus licet
argui.*

arguitur: Gratia vere sufficiens est, cum qua quis potest implere pertinentia ad salutem, post peccatum reparari per poenitentiam, ante peccatum ab eo abstinere: sed hæc datur omnibus, quin tamen semper sequatur impletio, reparatio aut abstinencia tanquam effectus: ergo.

III. PONTIFICUM. Pius V. damnavit in Bajo prop. 54. Definitiva hæc sententia: Deum homini nihil præcipisse impossibile, falso tribuitur Augustino, cum Pelagius sit. Innocentius X. hanc Jansenii 2dam: Interiori gratiæ in statu naturæ lapsæ nunquam resistitur. Clemens XI. præter propp. 3. 4. & 5. cum Bajana consentientes, præter 10. 16. 17. 18. 19. 20. 21. 22. 23. 24. 25. idem, quod Janseniana, enuntiantes; in Quesnello damnavit etiam hanc 9. Gratia Christi est gratia suprema, sine qua confiteri Christum nunquam possumus, & cum qua nunquam illum abnegamus. Et 12. Quando Deus vult salvare animam, quocunque tempore, quocunque loco effectus indubitabilis sequitur voluntatem Dei: quibus consonant 30. & 31.

IV. PATRUM, quorum loco sufficiat unus AUG. Testimoniorum illius triplex classis habetur: 1^a eorum, quæ declarant mandata Dei non esse impossibilia: viderique possunt num. 338. 2^a eorum, quæ docent gratiæ divinæ, cum qua agi posset, sæpe resisti. Qualia illa sunt ex L. 83. QQ. & L. de Gr. & Mer. n. cit recitata, & L. 1. ad Simplic. q. 2. Noluit ergo Esau, & non cucurrit: sed & si voluisset & cucurrisset, Dei adjutorio pervenisset, qui etiam velle & currere vocando præstaret, nisi vocatione contempta reprobis fieret. Item L. de Corr. & Gr. C. 7. 3^a eorum, quæ universalitatem gratiæ & sufficientiam ostendunt. Ejusmodi est L. de Sp. & Lit. C. 33. Vult Deus omnes homines salvos fieri, & in agnitionem veritatis venire; non sic tamen, ut eis adimat liberum arbitrium, quo vel bene vel male utentes justissime judicentur. Quod cum fit, infideles quidem contra Dei voluntatem faciunt, cum ejus Evangelio non credunt, nec ideo tamen tam vincunt, verum se ipsos fraudant magno & summo bono, malisque pænalibus se implicant, experturi in supplicii potestatem ejus, cujus in donis misericordiam contempserunt. Ita voluntas Dei semper invicta est. Et L. 1. de Genes. C. 3.

Conf. I. Mandata Dei debent esse possibilia etiam illis non servantibus, ut liquet ex TARD. Sess. 6. Can. 11.

&

& Can. 18. atque ex condemnatione propos. Ima Jansenii; sine gratia autem vere sufficiente illa possibilia non forent. 2. Juxta Apostolum I. Cor. 10. fidelis Deus est, qui non patitur *tentari* homines supra id, quod possunt, sed facit cum tentatione proventum, ut possimus iustinare; ac consequenter gratia sufficiens praesertim iustis urgente tentatione conceditur: multi tamen etiam iusti cadunt tentationi: ergo. 3. Ex morte Christi pro omnibus, & sincera Dei voluntate erga omnium salutem necessario sequitur dari hominibus media & gratias, de quibus ab unoquoque salus etiam vere ac relative obtineri queat; cum vero multi tamen sint, qui non salvantur, sequitur gratias illas sufficientes saepe carere effectu, ac consequenter dari gratias vere, sed pure sufficientes. 4. Quia si nulla admittatur gratia sufficiens, apertissima via sternitur, aliis quidem ad summam *vita licentiam* morumque perversitatem, aliis versa ad animi dejectionem & luctuosam salutis *desperationem*, ut facile patebit, systema Calvinii & Jansenii ad casum tentationum, peccatorum & operum faciendorum applicanti.

341. *Objic. I. SCRIPTURA videtur non aliam admittere gratiam, quam efficacem & conjunctam cum effectu. Nam imo. Psal. 113. v. 3. dicitur: Deus noster in caelo, omnia quaecunque voluit, fecit. Ad Rom. 9. v. 19. Voluntati ejus quis resistit? Isi. 55. v. 11. Sic erit verbum meum, quod egredietur de ore meo, non revertetur ad me vacuum, sed faciet, quaecunque volui, Et prosperabitur in his, ad quae misi illud.*

2do. Ezech. 36. v. 27. *Spiritum meum ponam in medio vestri Et faciam, ut in praeceptis meis ambuletis, Et judicia mea custodiantis Et operemini. Joann. 10. v. 27. Oves meae, inquit Christus, vocem meam audiunt, Et ego cognosco eas, Et sequuntur me; Et non peribunt in aeternum, Et non rapiet eas quisquam de manu mea. Ad Philipp. 1. v. 6. Qui cepit in vobis opus bonum, perficiet usque in diem.*

3tio. Ibid. C 2. v. 13. dicitur: *Deus est, qui operatur in vobis velle Et perficere pro bona voluntate. Ad Rom. 9. v. 15. Miserebor, cujus misereor, Et misericordiam praestabo, cujus miserebor. Igitur non volentis neque currentis, sed miserentis est Dei.*

R. N. *Aff.* Quamvis enim hæc aliaque testimonia satis probent, dari gratiam *efficacem*, non tamen excludunt gratiam *sufficientem*, quæ clarissime asseritur in aliis textibus num. pr. relatis: atque hinc nihil patrocinantur *Jansenio*, contra quem, si revera ipsius intentum firment, probarent quoque non dari *gratiam parvam* ab eo admissam.

Ad prob. 1m. R. universim, in Deo distingui posse voluntatem *generalem* conditionatam & sufficientem a voluntate *particulari* absoluta & efficaci, si quidem hanc distinctionem ipse *Jansenius* admittit L. I. de gr. Chr. C. I. Item intentionem in Deo esse virtualiter duplicem, antecedentem nempe & consequentem, quatenus *antecedenter* vult, ut bonum opus fiat; si vero homo bene agere nolit, quatenus *consequenter* vult, ut homo pœnam subeat.

Unde *speciatim R.* PSALMI-STA loquitur de voluntate *absoluta* vel *consequente*, non autem de conditionata vel antecedente. Similis responsio est ad verba PAULI, si tamen ejus sint, & non Jo. æ refractarii hæc Paulo objicientis, cum sic legatur: *Dicis itaque mihi: quid adhuc queritur? voluntati enim ejus quis resistit?* ISAIAS vero literaliter intelligendus est de Christo, qui missus a Patre in mundum, in cœlum reversus non est, nisi postquam fecit, quæcunque Pater voluit, & prosperatus est in his, ad quæ missus erat. Si tamen de *voluntate Dei* alia sumatur, iterum antecedentem & conditionatam non concernit, sed consequentem & absolutam.

Ad prob. 2d. R. In his textibus omnino significari gratiam *efficacem*, quæ utique datur consentientibus, obtemperantibus ac prædestinatis; non autem omnibus, aut iis, qui ex abusu libertatis propriæ gratias inefficaces reddunt; nam EZECHIEL agit de iis, quibus promiserat Deus ibidem auferre cor lapideum & dare carnem, quos subjungit recordaturos viarum suarum pessimarum & iniquitatum displicentiam habituros: JOANNES autem de obediētib, qui nempe per donum fidei efficax a Deo acceptum sequuntur vocem Christi, cum ex AUG. L. de dono persever. C. 14. *ures audiendi sint ipsum donum obediendi*; item de prædestinatis, ut clausula textus aperte designat: PAULUS denique similiter de cooperantibus agit; unde hunc locum Conc. TRID. Sess. 6. C. 13. usurpans,
Nisi

Nisi ipsi, inquit, gratia defuerint, sicut cæpit opus bonum, ita perficiet operans velle & perficere.

Ad prob. 3t. R. Sensus APOSTOLI utrinque esse, bonum opus magis a Deo esse per gratiam, quam a voluntate per conatum ac consensum; quia sine gratia voluntas nec conari, nec consentire potest: cum e contra opus malum sit a solo homine. Præterea juxta alios APOSTOLUS postremo loco disputat duntaxat de *electione divina*, quam hic soli miserentis Dei voluntati tribuit, ac proinde hæc minime pertinet.

342. *Objic. II.* S. AUG. pluribus locis docet gratiam anteriorem nunquam carere effectu; ergo censuit nullam esse gratiam *vere & pure* sufficientem.

Prob. 1. L. de præd. sanct. C. 8. Hac itaque gratia, inquit: *qua occulte cordibus divina largitate tribuitur, a nullo duro corde respuitur: ideo quippe tribuitur, ut cordis duritia auferatur.* 2. *L. de nat. & gr. C. 42.* Cum sanata & adjuta voluntate possibilitas ipsa simul cum effectu in sanctis proveniat. 3. *L. 1. ad Simpl. q. 2.* Nescio, quomodo dicatur, frustra miseri Deum, nisi nos velimus. Si enim Deus misereatur, jam volumus... Non potest effectus misericordia Dei esse in hominis potestate, ut frustra ille misereatur, si homo nolit.

R. D. Ant. Docet gratiam aliquam, nempe efficacem, nunquam carere effectu; & ex carentia effectus infert absentiam gratiæ alicujus, nempe efficaciæ C. docet omnem anteriorem gratiam habere effectum, & ex hujus carentia infert absentiam omnis interioris gratiæ, nempe etiam sufficientis N. Contrarium patet ex dictis.

Hinc *R.* Imum textum non ad omnem, sed efficacem duntaxat pertinere gratiam docent verba mox adjecta: *Quando ergo Pater intus auditur, & docet, ut veniatur ad filium, auferit cor lapideum, & dat cor carneum. Sic quippe facit filios promissionis & vasa misericordiæ, quæ præparavit in gloriam suam.*

Quoad 2dum *R.* Rursus hic agi de gratia efficaci; tum quia Aug. hic præmittit: *Neque de ipsa possibilitate contendo*, scilicet quam Pelagiani docebant haberi a natura, non autem a gratia; tum quia continuo subjungit: *quæ charitas Dei, quantum plenissime natura nostra sa-*

na atque purgata capere potest, diffunditur in cordibus nostris. Ex quo quidem colligi potest gratiam efficacem dare posse plenius & perfectius, quam det sufficiens; minime vero, posse gratiæ sufficientis non esse completum.

Ad 3^{ium} R. similiter hic non esse sermonem de miseratione quacunque, sed de speciali & secundum propositum, seu *efficaci*, vi cujus seligit auxilia prævisa efficacis, & ex intentione boni operis efficaci confert: quamvis enim effectus hujus miserationis antecederet sit in hominis potestate, quia illis auxiliis resistere potest, & hac resistantia impedire illam præscientiam ac intentionem efficacem; tamen quia ex suppositione, quod homo prævideatur consenturus, & quod Deus conferat illa auxilia, infallibiliter sequitur effectus; hinc recte dicitur: *Si Deus misereatur, jam (vel ut alii: etiam) volumus*; Item: *Non potest effectus misericordiae Dei esse in hominis potestate*, nempe consequenter, *ut misereatur frustra*; quia si vellet etiam ipsorum misereri, posset ita vocare, quomodo illis aptum esset, ut sequerentur.

Præterea advertendum, impugnari hic a S. Doctore errorem quorundam *Pelagianorum*, qui proprius postea *Semipelagianis* fuit, docentium primam boni voluntatem ab homine provenire, & non a Deo seu gratia, & hinc Deum frustra velle misereri, nisi homo præmittat bonum effectum volendi; contra quos docet gratiam præcurrere voluntati, & volitionem *indeliberatam* saltem ad omnem gratiam sequi: ubi vero de volitione *deliberata* intelligi debet, de gratia efficaci secundum dicta explicatur.

Inst. 1. S. AUG. infert ex carentia effectus negationem seu carentiam gratiæ; ergo. Prob. 1. L. de gi. Chr. C. 13. & 14. ac L. de præd. Ss. C. 8. ex illo Joann. 6. Omnis, qui audivit & didicit a Patre meo, venit ad me, sic argumentatur: Si omnis, qui audivit a patre, & didicit, venit; profecto omnis, qui non venit, non audivit a Patre, nec didicit: nam si audisset & didicisset, veniret. 2. Ibidem addit: Eos, qui non credunt, foris tantum audire, non intus. Item: Qui novit, quod fieri debeat, & non facit, nondum a Deo didicit secundum gratiam, sed secundum legem; non secundum spiritum, sed secundum litteram.

R. ad

R. *ad 1m. Expl.* Qui non venit, non audit a Patre, nec didicit, ita ut excludatur utrumque divisim, & neutrum acceperit N. ita ut excludatur utrumque collective, & non acceperit utrumque simul, hoc est, non audit, atque etiam didicit C. Hanc explicationem probat 1. ipsa argumentandi ratio, quæ affirmativæ copulativæ non contradicit per copulativam, sed disjunctivam negantem: 2. Doctrina S. AUG. alibi familiaris, quæ sæpius declarat etiam illos audire, qui non discunt, & vocatos etiam esse, qui non veniunt. 3. Damnatio illata propositioni Quesnelii 17mæ: *Gratia vox est illa Patris, qua homines interiorius docet, ac eos venire facit ad Christum; quicumque ad eum non venit, nullatenus est doctus a Patre.* Itaque negatur quidem ab AUG. illi, qui non venit, gratiam efficacem fuisse datam, quæ in utroque conjuncto habetur, ut liquet ex L. de gr. Chr. C. 13. ubi: *Sic Deus, inquit, docet eos, qui secundum propositum vocati sunt, simul domans & quid agant, scire, & quod sciunt, agere; & C. 14. Hoc docendi modo etiam ipsa voluntas & operatio, non sola possibilitas, adjuvatur:* non tamen negatur omnis gratia etiam sufficiens, & alius docendi modus, licet inferior, possibilitatem præstans.

Ad 2dum R. Utrumque explicandum esse sub distinctione; atque hinc, qui non credunt, foris tantum audiunt in doctrina Pelagianorum C. in doctrina S. AUG. *subd.* foris tantum audiunt, quantum ad effectum, quia non magis credunt, quam si foris duntaxat audirent C. quantum ad sufficientiam gratiæ, quasi nullam penitus inspirationem & suasionem internam habeant N. Similiter qui novit, quod fieri debeat, & non facit, nondum a Deo didicit secundum gratiam, supposita Pelagianorum sententia C. in sententia S. AUG. *subd.* nondum a Deo didicit secundum gratiam efficacem C. secundum nullam omnino gratiam N. Recolendum hic est *Pelagianos* solum admisisse primum *gratias externas* legis ac doctrinæ, postmodum vero concessisse gratiam quidem *internam illustrationis*, negasse autem semper gratiam *voluntatis & actionis*.

Contra hos tum locis objectis, tum alibi agens AUG. non acquievit sola illustrationis gratia admissa; tum quia & hæc a *Pelagianis* fraudulentis referebatur ad meram gratiam legis & doctrinæ: tum quia hæc sola sine motione etiam voluntatis non debet posse ac vires ad operandum

salutariter; unde & ipso iudice AUG. non merebatur nomen *interna*, h. e. vires & potentiam agendi præbentis gratiæ. Quia vero præterea hæc ipsa proprie interna gratia voluntatis & actionis in Augustini systemate alteraerat efficax, altera inefficax; poterat quidem in *hypothesi Pelagianorum* dicere, gratiam effectui carentem esse auditionem externam & non secundum spiritum, & in sua etiam *hypothesi* idem dicere poterat, si præcise effectus consideraretur.

Inst. 2. Ex eodem S. AUG. sine gratia efficaci non habetur potentia; nam L. I. ad Simplic. q. 2. *Ad alios*, inquit, *vocatio quidem pervenit; sed quia talis fuit, quæ moveri non possent, ut eam capere apti essent, vocati quidem dici potuerunt, sed non electi.* Consonat FUIGENT. L. de prædest. ad Monym. sic scribens: *Quia quacunque nobis facienda donat Deus, sicut libere non possumus, nisi ipse largiatur; sic facere non possumus, nisi ipse nobis, quæ largitus est, operetur.*

R. N. Aff. Textus imus illis verbis: *quæ moveri non possunt*; non indicat impotentiam absolutam ac antecedentem ex defectu gratiæ sufficientis ortam, sed consequentem duntaxat, quæ proveniret ex refractaria hominum voluntate, ob quam illa gratia prævisæ fuit incongrua, & qua stante utique homines moveri non poterant. Quod ipsam satis insinuat eo in textu, clarissime autem confirmatur ex Tr. 53. in Joann., ubi occasione verborum, *propterea non poterant credere*, querit AUG. quomodo igitur non credendo peccaverint? & sic resolvit: *Quia autem non poterant, si a me queratur; cito respondeo: quia volebant; malam quippe eorum voluntatem prævidit Deus.*

In 2do sermo est de gratia efficaci; unde D. Facere non possumus, nisi ipse operetur, non possumus per solas vires liberi arbitrii C. ope gratiæ *subd.* non possumus potentia, quam certo sequatur effectus C. potentia completa & expedita, licet eam non sequatur actus N. FUIGENTIVS hic agit contra *Semipelagianos*, & probat nos habere non posse bonam voluntatem, nisi illam nobis Deus donet; hanc autem actu dari per gratiam efficacem, quæ in nobis & posse & velle simul operatur. Quamvis vero exinde sequatur, gratiam efficacem esse necessariam ad habendam voluntatem salutarem, minime tamen sequitur,

NON

non dari gratiam sufficientem, quæ det veram volendi potentiam, licet ipsa volitio non conjungatur; neque de hac S. Doctor hic ullam mentionem facit. Eodem sensu explicari debent verba Christi Joann. 6. *Nemo potest venire ad me, nisi Pater meus traxerit eum.* Quæ verba S. Aug. L. contr. 2. epist. Pel. C. 19. exponit de gratia efficaci.

Inst. 3. S. Aug. illam duntaxat gratiam admisit, quam urfit & propugnauit contra Pelagianos: sed urfit & propugnauit non aliam, quam gratiam efficacem; nam L. de gr. Chr. C. 10. *Nos eam gratiam; inquit, volumus, isse aliquando fateatur, qua futura gloriæ magnitudo non solum promittitur, verum etiam creditur & speratur; Ergo.*

R. I. N. M. Cum Pelagius non admitteret aliam gratiam, nisi externam legis & doctrinæ, ad quam reducebatur etiam revelatio & illustratio, ea non contentus S. Aug. vehementer insistit, ut assereretur etiam gratia interna afficiens immediate voluntates. Hujus existentiam ut evinceret, ostendit actus salutares non esse partus liberi arbitrii suis viribus relictæ, sed adjuti per gratiam efficacem; qua ratione dum probaret dari nobilissimam speciem gratiæ internæ, hoc ipso etiam demonstrabat dari gratiam internam; sicut qui ostendit dari hominem, invictè probat existentiam animalis. Ex hoc tamen inepte inferas, Aug. agnovisse tantum gratiam efficacem & repudiasse sufficientem; qualis enim est hæc consecutio: quoties bene agimus, adjuvamus per gratiam efficacem distinctam a lege & doctrina: ergo quando non agimus bene, destituimur non tantum gratia efficaci, sed etiam sufficiente, distincta a lege & doctrina?

R. 2. C. m. Aug. urfit & propugnauit non aliam, quam gratiam ex se & naturâ sua semper efficacem ac victricem N. non aliam, quam gratiam efficacem, h. e. efficientem seu conjunctam cum voluntate & actione, quæ nempe actu creditur, speratur &c. *subd.* & hanc propugnauit ex facto supposito, quod illi actus fidei, spei &c. re ipsa eliciantur C. hanc propugnauit dari semper & absolute ac in omnibus circumstantiis N. Assumpsit nempe Aug. quod Pelagiani admittebant, dari scilicet actus salutares: hos contendebat fieri per gratiam internam: quam L. de gr. Chr. C. 47. vocabat *gratiam voluntatis & actionis*

sen efficacem, quia voluntas & actio juvabatur; atque hinc recte urgebat *Pelagianos*, ut admitterent gratiam voluntatis & actionis, gratiam, qua creditur & speratur, gratiam re ipsa cum operatione conjunctam, quin tamen assereret gratiam hanc *entitative* sumptam per se semper habere effectum, & non posse esse tantum sufficientem atque effectum carere.

Inj. 4. Idem sæpe & præsertim L. de Gest. Pelag. C. 1. *auxilium possibilitatis*, & L. de gr. & lib. arb. C. 13. gratiam communem, tanquam a fide Ecclesiæ alienam rejecit: sed gratia sufficiens est tale auxilium & gratia; ergo. *Conf.* In principiis S. AUG. juxta L. de corr. & gr. C. 11. & 12. magnum est diferimen inter auxilium *sine quo non* & auxilium *quo*: & hoc quidem in statu naturæ lapsæ datur, illud vero non: sed juxta eundem auxilium *sine quo non* est gratia indifferens ac pure sufficiens; ergo.

Re. D. M. Aug. rejecit gratiam possibilitatis & communem in sensu Pelagii acceptam, tanquam alienam a fide Ecclesiæ C. acceptam in sensu Catholicorum N. Patet ex dict. s. de *Pelagii* erroribus, per gratiam possibilitatis ab eo nihil intellectum, nisi ipsam naturam & liberum arbitrium, vel ad summum legem & doctrinam; atque hanc etiam vocabat *communem*, eoquod saltem natura & liberum arbitrium omnibus hominibus inesset: errant autem ac calumniantur, qui Catholicos idem sentire dicunt, cum juxta illos gratia sufficiens sit donum Dei internum naturæ superadditum, datumque hominibus a Deo ad præbendam illis potentiam salutariter operandi in circumstantiis præcepti urgentis, quo sensu duntaxat gratia possibilitatis & communis appellatur.

Ad Conf. Re. N. m. De qua materia vide uberrimam expositionem n. 273.

QUÆRES: *An gratia pure sufficiens sit Dei beneficium!*

343 *Re. I.* Gratia pure sufficiens est beneficium Dei saltem *materialiter* tale, h. e. donum accipienti utile. Patet ex prop. damnat. ab Alex. VIII. ordine sexta: *gratia sufficiens non tam statui nostro utilis, quam perniciofa est, ut proinde possimus petere, a gratia sufficiente libera nos, Domine!*

Prob.

Prob. Gratia Dei est donum naturæ bonum, & quidem indebitum ac misericorditer a Deo collatum, ut constat ex CC. & PP. contra *Pelagium*. Sed gratia seu auxilium ad operandum salutariter sufficiens pure tale est simpliciter gratia Dei: ergo simpliciter & absolute est Dei beneficium. Sic 1. in illo 2. ad Cor. 6. *Hortamur, ne in vacuum gratiam Dei recipiatis*, manifeste supponitur gratiam Dei per hominis desidiam posse esse otiosam & cum effectu non conjunctam, quin propterea esse gratia desinat: 2. per illud actor. 7. *Vos semper Spiritui Sancto resistitis*, docemur auxilia, quibus resistimus, esse Spiritus Sancti dona, quæ proinde gratiæ & beneficii rationem induunt: 3. ex illo Psalm. 58. v. 11. *Misericordia ejus præveniet me*; evincitur, auxilium, quo prævenitur homo ad operandum salutariter, & cui ipse non respondet, esse opus divinæ misericordiæ, ac gratiam consequenter & beneficium.

Conf. 1. Utilissimum & Dei beneficium est, posse placere Deo ac vitam æternam consequi; inde enim Joannes commendat Dei bonitatem C. 1. v. 12. qui *dedit eis potestatem filios Dei fieri*: sed hoc posse seu potestas datur per gratiam pure sufficientem; ergo. 2. Beneficium materialiter tale, seu materia idonea beneficentiæ pensandum est secundum se & penes actionem *conferentis*, non autem penes id, quod adjungitur illi ex mera *recipientis* libidine & abusu.

Nec dicas 1. Non est *beneficium*, cujus carentia est quid melius: sed melior est carentia auxilii pure sufficientis, quam ipsum hoc auxilium; tum quia cum hac gratia homo peccat, & sine ea non peccat, adeoque melius est ea carere, quam illam habere: tum quia simili ex ratione Matth. 26. de JUDA proditore dicitur: *Bonum erat ei* (h. e. secundum phrasin hebr. ex S. Hier. *melius*) *si natus non fuisset homo ille*. Ergo.

B. N. vel *Dist. min.* Melior est carentia, quam ipsum auxilium pure sufficiens in actu primo N. in actu secundo *Subd.* quam ipsum auxilium denominative & specificative secundum entitatem gratiæ sumptum N. vel reductive vel compositive vel concretive h. e. secundum dissensum præcise: vel dissensum simul & entitatem gratiæ sumptum C. Quamvis enim complexum vel concretum ex gratia & abusu involvat beneficium, recte tamen bene-

ficiū simpliciter non vocatur, sed cum diminutione scilicet secundum positivum seu entitatem præcise gratiæ.

Ad prob. 1. similiter D. Conf. Eodem sensu sumitur testimonium pro 2d. prob. allatum; nam existentia secundum se sumpta melior est, quam ejus negatio, cum creatio JUDÆ non minus, ac alia illi collata dona tam naturalia, tum supernaturalia, sit *Dei beneficium*, nec ex ipsa creatione seu existentia, sed citra ac contra voluntatem divinam ex propria ejus voluntate ac mero abusu nocumentum illi provenerit: existentia tamen conjuncta cum peccato, quod JUDAS addidit, non est melior, seu non tanti, ut non sit melius non existere, quam sic existere; quia peccatum, quod complexum cum existentia tali constituit, quoad *eligibilitatem* est majus malum, quam bona sint tum gratiæ, tum naturæ dona.

Nec dicas 2. Beneficiū non est, quod accipienti non est utile: sed gratia sufficiens non est utilis homini etiam ratione illius potestatis agendi salutariter, ut constat ex AUG., qui L. de gr. & lib. arb. C. 15. Tunc, inquit, *utile est velle, cum possumus, Et tunc utile est posse, cum volumus*: nam quid prodest, si, quod possumus, volumus, aut si, quod non volumus, possumus. Ergo.

R. D. M. Beneficiū non est, quod accipienti non est utile in actu primo C. quod non est utile in actu secundo *Subd.* Si hoc provenit ex ipsa naturalitate doni C. si provenit ex una voluntate, culpa ac malitia accipientis N. Quod ipsum opus salutare, ad quod gratia sufficiens incitat, viresque ac potestatem tribuit, & sic utilitas seu fructus non sequatur, non ex gratiæ ipsius, sed illam, ut ait APOSTOLUS, *in vacuum accipientis defectu* solo aritur; unde ipsi gratiæ ac auxilio negari nequit ratio beneficii; præsertim cum ipsum posse, seu facultas salutariter operandi per sufficientem gratiam collata jam sit magna utilitas, de facto jam meliorem faciens accipientem, & collatorem ostendens beneficium.

Ad prob. D. S. AUG. dicit, potestatem, si non facimus, quod possumus, nihil prodesse hoc sensu, quod fructus intentus aut expectatus re ipsa & in actu secundo inde non colligatur C. hoc sensu, quod ipsum posse seu facultas bene operandi de se non sit utilis & materia idonea beneficentiæ, quamvis hominis culpa fructus expectatus

status non reportetur N. Sicut non velle percipere fructum ex re, e qua quis potest, arguit negligentis malitiam & ingratitudinem; sic posse percipere fructum infert Dei bonitatem & beneficium, licet actu non percipiatur, eoquod fructus percipiendi voluntas absit.

Nec dicas 3. Gratia sufficiens magis obest, quam prodest: ergo non est beneficium. *Prob. Ant. I.* Quia gratia hæc se habet instar legis, de qua AUG. L. de gr. Chr. C. 8. *Usque adeo, inquit, aliud est lex, aliud gratia, ut lex non solum nihil prodest, sed plurimum obest, nisi adjuvet gratia.* Quia collatio gratiæ pure sufficientis reipsa nihil aliud est, nisi *permissio peccati*. 3. Quia Deus gratiam ejusmodi vel confert tantum ad tollendam *excusationem* impotentiae, vel non raro in *pœnam* peccati præcedentia. Ergo.

R. N. vel D. uti supra. *Ad prob. 1m. Disp.* est quia lex, nisi adjuvet gratia, jubet, sed non juvat; ac propterea aliunde potius, occasionaliter scilicet, irritat concupiscentiam ipsa prohibitione, juxta illud: *Nititur in vetitum semper, cupimusque negata*; id quod & AUG. docet de Sp. & lit. C. 4. At vero gratia sufficiens non irritat, sed potius coercet concupiscentiam, præstat vires ad eam compescendam, & juvat ad legem observandam; adeoque minime dici potest, adinstar legis obesse magis, quam prodesse.

Ad prob. 2d. N. Aff. de gratia sufficiente *specificative* sumpta: quamvis enim gratia aliter sumpta præter negationem consensus possit in collatione hujus auxilii connotare etiam negationem alterius auxilii congrui, & sic habere rationem permissionis peccati; tamen neutra negatio pertinet ad *positivum* & *entitatem* gratiæ sufficientis, ac proinde hæc secundum positivum vel *specificative* sumpta nequit confundi cum permissione peccati.

Ad prob. 3t. N. utr. part. Ratio 1mi est: quia nec hæc est intentio Dei, nec ratio conferendi; cum alias & rationis usus & libertas & admonitio aliaque quæcunque media divina, sed ex hominis vitio infructuosa, hæc ratione maleficii naturam induerent: 2di vero; quia *pœna peccati* est sola negatio gratiæ efficacis seu congruæ, quæ tamen ex nuper dictis non se tenet ex parte positivi seu *entitatis gratiæ sufficientis*; ac præterea tantum facit secundum

dum Aug. phrasin, ut non erogetur a Deo aliquid, quo homo sit deterior, sed duntaxat, quo sit melior, non erogetur.

Nec dicas 4. Pro gratia sufficiente nec oratur, nec debet aut potest orari: ergo non est beneficium. *Par. 1m.* *Ant.* patet; quia nemo petit a Deo nudum posse, sed omnes bonam voluntatem & actionem postulant. *Par. 2d. prob.* Non debemus petere, quod jam habetur, aut in nostra est potestate; quia juxta Aug. L. 4. ad Bonif. C. 18. *Non oramus, sed orare fingimus, si id, quod petimus, in nostra potestate sit.* Sed gratiam sufficientem habemus in nostra potestate, dum urget præceptum: ergo. *Par. 3t. prob.* Qui petit gratiam pure sufficientem, petit *disensum* & abusum gratiæ vel complexum ex gratia & disensu; hoc autem nemo secundum rectam rationem petere potest. Hinc laudabilis est ista voluntas: nollem auxilium pure sufficiens; quia illo non accepto nec forem *ingratus*, nec *peccarem*: ergo.

R. D. A. Pro gratia sufficiente specificative & secundum id sumpta, quod positive ac in recto regulariter dicit, nec oratur &c. *N.* pro ea reduplicative & secundum negativum ac obliquum sumpta C.

Ad prob. 1m. D. Aff. Nemo exercite petit nudum posse *N.* signate. *Subd.* & hoc ideo, quia gratia dans nudum posse secundum entitatem suam spectata sit inutilis aut perniciosa *N.* ideo quia quilibet potius optat beneficium majus, quam minus C. Frequenter *orationes fidelium* tendunt ad impetrandam gratiam, qua v. g. possit superari aliqua tentatio, præscindendo ab ejus efficacia aut inefficacia, ubi nec petitur *determinate* gratia efficax, nec pure sufficiens, sed pro beneficio agnoscitur quælibet gratia, quæ vires vere sufficientes præstat ad tentationem vincendam; ipsa vero Ecclesia, quamvis utramque precibus suis postulat, sapius tamen gratiæ prævenientis & excitantis meminit, quæ ad sufficientem pertinet.

Ad prob. 2d. R. D. M. Non debemus petere, quod jam habemus ex nobis ipsis, & est in potestate nostra naturali aut arbitrio C. quod habemus ex alio, & cujus jam accepti usus vel abusus tantum est in nostra potestate *subd.* nisi ipsum hoc habere & posse proxime uti detur dependentè a precibus, & nisi fructus habitus domi ejusque
usus

usus dependeat etiam ab alio C. secus N. M. similiter distincta *min. N. Conf.*

S. AUG. II., cc. alibique recte ex orationibus Ecclesie demonstravit necessitatem gratiæ contra *Pelagianos*, qui dicebant quidem posse salutariter agere haberi a Deo per creationem naturæ ac liberæ ac liberi arbitrii, velle autem & operari esse a solo homine per vires proprias naturæ ac liberi arbitrii, atque hinc & sufficientiam & ipsam operationem viribus naturæ deberi. Per hoc vero minime oppugnavit gratiam sufficientem; tum quia gratia *proxime* sufficiens non semper adest ubique, atque hinc postulari debet juxta regulam TRID.: tum quia & ipsa cum gratia cooperatio ejusque usus non est ex viribus naturæ, sed gratiæ: tum quia habita etiam gratia sufficiente orare nihilominus convenit, partim quod nesciamus, an eam jam habeamus; partim quod nobis ipsis timentes majorem gratiam postulare deceat.

Ad prob. 3t. D. A. Qui petit gratiam pure sufficientem specificative acceptam, petit dissensum &c. *N.* qui petit eam reduplicative sumptam, secundum exclusionem scilicet efficaciz C. *Ad illat. R.* & illam pertinere ad auxilium non *secundum se*, sed cum dissensu sumptum; atque hinc honestas illius affectus non probat, gratiam sufficientem non esse beneficium, sed peccatum quoad eligibilitatem majus esse malum, quam auxilium sufficiens sit bonum.

Nec dicas 5. Gratia sufficiens servit nutriendæ hominum *superbiæ*, eo quod ejus usus vel non usus dicatur pendere a libero arbitrio: fovet *negligentiam*, cum falsa homini injiciatur confidentia, fore gratiam semper paratam, qua homo uti, & ad Deum redire queat: *spem* denique suffodit; quia hanc homo non collocat pro suo debito in Dei auxilio, sed semetipso ac propriæ voluntatis consensu. Ergo beneficium esse nequit.

R. N. Ant. Cujus absurditas vel ex ipso JANSENII systemate manifestatur, qui gratiam sufficientem solum tribuit *statui innocentia*, quin tamen dicere ausit, ADAMO fuisse datam gratiam ejusmodi, quæ natura sua inspiraret *superbiam*, *incredulam* foveret, & *spem* labefactaret *Christianam*. Præterea gratia, quæ suam homini *infirmis* & omnimodam a continuo divini auxilii influxu dependen-

dentiam demonstrat, potius *humilitatem* inspirat; quæ hominem incessanter monet, ut novum semper a Deo imploret auxilium, tum ut accepta gratia bene utatur, tum ut in ea perseveret, accendit diligentiam; quæ denique nihil *solis viribus* permittit, & ad auxilia majora semper experenda incitat, quibus difficultates sive ex ipso opere, sive ex tentationibus provenientes vincantur, satis aperte persuadet, *spem* omnem in abundantiori auxilio ad bene agendum necessario esse collocandam. Talis autem est gratia sufficiens, quam Orthodoxi omnes admittunt ex TRID. instructione, quod sess. 6. C. 13. *Qui se existimant stare, inquit, videant, ne cadant, cum timore ac tremore salutem suam operentur in laboribus, in vigiliis, eleemosynis, in orationibus &c.*

344. R. II. Gratia pure sufficiens etiam est beneficium Dei *formaliter* tale, h. e. collatum *qua* utile recipienti. *Prob.* In collatione hujus gratiæ, etiam dependenter a scientia media *prælucente*, Deus duo intendit; *Imo* nempe efficaciter intendit, ut homo sufficientiam & simpliciter posse habeat ad operandum salutariter: *2do* ineffaciter quidem, sed serio tamen, ut salutaris operatio & salus hominibus consequatur; hanc enim seriam Dei voluntatem fundant ejus præcepta, quibus serio declarat se velle, ut opera salutaria ponantur, seu fiat id, quod iisdem præcipit. Atqui *1ma* illa intentio est formaliter benevola; *2da* autem, quamvis per eam Deus homini non faveat, quantum potest, simpliciter tamen adhuc benevolentiam dicit: ergo gratia pure sufficiens sicut ex Dei erga hominem benevolentia procedit; sic beneficium formaliter tale dici potest ac debet.

Conf. Præscientia media de inefficacia non obest beneficentiæ in collatione auxilii sufficientis. Nam id non obest beneficentiæ, unde maxima Dei beneficentia commendatur: sed ex eo, quod prævideatur auxilii inefficacia unice proveniens ex *pravitate hominis*, maxime commendatur Dei beneficentia, qui nempe nec per illam malitiam prævisam a conferendo dono retrahitur; unde illud ex CHRYS. de reprobis agentis effatum: *Eos præsciens formavit vincente bonitate præscientiam*: ergo. Præterea divina præscientia non destruit suum *objectum*: destrueret autem, si præscientia inefficaciæ obesset beneficentiæ in auxilii collatione; nam *objectum* hujus præscientiæ est ingratitude hominis
dissen-

disfidentis auxilio, si hoc conferatur: sed destrueret istam ingratitudinem, quatenus destrueret terminum essentialem, videlicet rationem beneficii in collatione auxilii, quam ingratitudo necessario supponit & connotat: ergo.

Nec dicas 1. Moveri ab inefficacia auxilii ad illius collationem, vel ex industria seligere auxilia inefficacia danda, vel ejusmodi collatione insidiari alterius saluti, maxime repugnat beneficentiæ *formali*: sed hæc omnia eveniunt in collatione gratiæ *pure* sufficientis dependenter a scientia media de inefficacia gratiæ, seu si Deus conferat gratiam sufficientem ut prævisam inefficacem: ergo.

R. Argumenta nimium probare etiam contra adversarios gratiam sufficientem, nec sine prævisione inefficiæ, in statu *naturæ integræ* datam admittentes. Unde *Dist. min.* Hæc omnia eveniunt in collatione gratiæ sufficientis dependenter a scientia media tantum *prælucente* de inefficacia auxilii, seu si Deus conferat gratiam sufficientem ut prævisam inefficacem, h. e. si conferat duntaxat non obstante prævisione inefficiæ N. in collatione dependenter a scientia media *dirigente*, seu si Deus conferat ut prævisam inefficacem, h. e. si ob prævisam inefficiam, & quia scit esse inefficacem, conferat C. Postremum vero in Deum non cadit; unde nec *illa absurda* collationem gratiæ sufficientis afficiunt.

Nam imo Deus non movetur ab inefficacia prævisa, sed tantum ab eadem non retrahitur; & decretum collativum gratiæ pure sufficientis non tendit sic: *Do hanc gratiam, quia prævideo inefficacem*; sed ita: *Do, etsi prævideam inefficacem*.

2do autem cum Deus prævie ad decretum auxilii collativum nihil intendat, ratione cujus teneatur homini dare auxilium inefficax & efficax negare, sed potius intendat salutem hominis, *mediæque* ad eam conducentia; manifestum est, quod non eligat de industria auxilia inefficacia præ efficacibus, sed utendo jure suo dispenset bona sua modo, quo vult.

Hinc vero 3tio patet, Deum non insidiari hominum saluti. Deus enim conferendo etiam auxilium *pure* sufficiens dat homini id, quod antecederet non debebat, quin dat plerumque amplius, quam quod ad salutem obtinendam requiratur: dum vero homo auxiliis his non utitur,
prout

prout debet, de sua negligentia ac perversitate, minime autem de Dei voluntate & benefacto, habet, quod conqueratur. Atque hæc quidem benevolentia Dei facilius cognoscitur in *sententia* eorum, qui dicunt, quod Deus in dispensatione auxiliorum se gerat ita, ut si illa *pure* sufficientia, quæ dat, præviderentur efficacia, illa non negaret, sed daret eadem liberrime, quibus homo certissime assequeretur salutem.

Nec dicas 2. Pater non est beneficus formaliter, si filio det pecunias, prævidens illarum abusum in corporis & animæ perniciem: nec hospes, invitans reum ad cœnam, formaliter beneficus est, si præsciat, ea occasione eum a iudice capiendum & plectendum: ergo si præcedit scientia de auxilii inefficacia, sub quo erit hominis ingratitude peccatum & damnatio, Deus in gratiæ hujus collatione non est formaliter beneficus.

R. C. A. N. Conf. Nam 1. nec *Pater* nec *hospes* formaliter benefacit, nisi prudenter judicet, ille quidem, filium non abusurum pecuniis, hic vero, cœnam non fore occasionem capturæ ac supplicii. Jam vero sicut ad limitatam hominum providentiam se habet prudens iudicium, sic ad perfectissimam Dei providentiam habet se infallibilis præscientia: ergo si sine memorato prudenti iudicio in exemplis adductis non stat *formalis* hominum *beneficentia*, neque Dei beneficentia habebitur absque infallibili præscientia de eo, quod auxilium quodcumque datum sit coniungendum cum effectu; quod aperte falsum est.

2. *Disp.* est, quia qui ponit quidem causam *per accidens*, sed habet obligationem vitandi hanc causam ex hoc fine, ne sequatur effectus, illi voluntarius est effectus; itaque quamvis illa collatio pecuniæ aut invitatio illa ad cœnam sint tantum causa *per accidens*; tamen quia vel ex pietate vel ex humanitate vel ex alio quocunque titulo iusto Patri ac hospiti obligatio incumbit vitandi has etiam causas *per accidens*, ne nempe sequatur illud nocumentum, mirum non est in illis exemplis locum non habere beneficentiam *formalem*; eoquod damna ille prævisa hominibus causas *per accidens* ponentibus voluntaria sint.

Econtra permissio etiam, quod gratia sufficiens sit causa *per accidens* peccati, Deus tamen non tenetur non dare auxilium *pure* sufficiens ex fine, ne sequatur peccatum; cum ex di-

ctis

stis alibi Deus peccatum impedire non teneatur: unde sequitur ingratitudinem ceteraque hominis damna illam subsecuta Deo minime esse voluntaria: Præterea vero cum aliunde illud auxilium ex Dei actione procedens sit homini bonum, Deusque id ex benevolentia conferat; hinc est, quod cum prævisione inefficaciæ stet adhuc *formalis* beneficentia.

Nec dicas 3. *Necessitatus sub disjunctione* ad conferendum bonum, vel ad non permittendum majus malum, non est *formaliter* beneficus, si bonum concedat, & majus malum permittat; quia impeditio majoris mali est bonum majus, & necessitatus ad dandum unum ex duobus bonis non est formaliter beneficus, si det minus, & neget majus. Sed Deus est necessitatus *sub disjunctione* ad dandum auxilium sufficiens, vel ad non permittendum peccatum, quod est majus malum: ergo si dat auxilium pure sufficiens, & permittit peccatum, non est *formaliter* beneficus.

R. N. M. universaliter sumptam; quia Deus etiam est necessitatus *sub disjunctione* vel ad hominem creandum & permittendum pro ejus libertate peccatum, vel ad non permittendum peccatum hominem non creando; & tamen creatio hominis postea peccaturi formale Dei beneficium est. Itaque permittere majus malum, quod evenire nequit, nisi ex abusu minoris boni concessi, sed sufficientiam vitandi majus malum afferentis, *formale* beneficium non corrumpit.

Unde *ad prob. D.* Non est beneficus, si neget majus bonum, & det tantum bonum minus, sed cum quo confert simul potestatem lucrandi bonum majus, quodque bonum majus nequit abesse nisi ex accipientis delictis. N. siquid ejusmodi in collatione minoris boni absit, *Transseat*; quia cum ipsa objectio supponat adhuc conferri *simpliciter* bonum, & necessitas illa *sub distinctione* non sit absoluta ac independens, sed fundata in alio beneficio præcedente, uti in nostro casu est gratuita elevatio ad statum supernaturalem, negari quidem huic bono potest ratio beneficii amplioris, non tamen beneficii *simpliciter* talis: præsertim cum ad non peccandum *per se* & universim ac etiam contra præceptum supernaturale in actibus contrarie oppositis non requiratur auxilium supernaturale; atque hinc Deus nec absolute necessitatus sit aut ad non permittendum

Kk

dum

dum illud peccatum, aut ad conferendam gratiam supernaturalem.

Nec dicas 4. Deus dando gratiam, quam prævidet inefficacem, non vellet serio actum salutarem; ad quem dat gratiam pure sufficientem. *Prob.* Juxta S. AUG. in *Enchir.* C. 103. *Credendum non est, aliquid omnipotentem Deum fieri voluisse, factumque non fuisse:* ergo Deus dando gratiam ad actum salutarem, quem prævidet non ponendum, illum actum saltem serio voluisse credendus non est.

R. N. *Ad prob.* Im. *R. S.* AUG. intelligendum esse de voluntate Dei absoluta & efficaci, non autem de conditionata & sufficiente.

Nec dicas 5. Nemo, qui finem serio intendit, utitur mediis, quæ scit non habitura effectum, quando copiam habet aliorum, quæ efficacia fore prævidet, & citra suum incommodum largiri potest; ut patet in exemplo, ubi quis prævidet ab homine in profundam speciem delapso non arripiendum funem oblatum, sed scalam, & tamen ommissa scala funem demittit; ergo cum hoc eveniat in dispensatione gratiæ pure sufficientis a Deo factæ, finem serio intendere dici nequit.

R. D. A. Nemo, qui serio & illimitate intendit finem, utitur mediis &c. *C.* qui serio quidem, sed non illimitate intendit *N.* Voluntas simpliciter seria est, quæ dat omnia media necessaria, & plene sufficientia ad obtinendum finem, ut, quantum est ex parte dantis, sequatur effectus, licet prævideatur contrarium, & adsint alia media efficaciora. Hinc in allato exemplo, qui projiceret delapso funem, quo extrahi posset, serio sane ejus liberationem vellet, præstaretque beneficium; licet cognosceretur non habere voluntatem illimitatam, eum liberandi, sed permittendi interitum ex propria illius pertinacia. Quamvis vero in humanis mediorum inefficacium positio, relictis efficacioribus, plerumque licite non procedat, quia regulariter tenemur impedire effectum malum aut damnum proximi, quantum moraliter possumus; id tamen in dispensatione divina auxiliorum locum non habet.

Nec dicas 6. Intentio Dei inefficax ad salutarem operationem est conditionata, & hunc habet sensum: volo,
ut

ut homo velit operari sub conditione, si velit: sed hæc conditionata intentio est stulta, ac consequenter non est seria; ergo.

R. D. 1m. p. M. Voluntas Dei inefficax est formaliter ac proprie conditionata N. tantum late & secundum quid æquivalenter conditionata C. sed hinc 2d. p. N. Intentio quidem Dei de æterna *omnium salute* est formaliter & proprie conditionata, quia in illo testimonio Apostoli I. ad Tim. 2. v. 4. *Deus omnes homines vult salvos fieri, & ad agnitionem veritatis venire*, interpretantibus SS. PP. præsertim AMBR. & HIER. conditio subintelligitur, si nimirum etiam ipsi accedant, & vocanti Deo consentire velint: intentio autem salutaris operis respectu hominis gratia pure sufficiente præventi est late tantum & secundum quid æquivalenter conditionata, quatenus per modum desiderii tendit indifferenter (indifferentia scilicet hominis libertatem salvam præstante) in ipsam operationem; atque ob hanc indifferentiam intentio compositus cum operationis defectu, sicut voluntas formaliter & proprie conditionata sine effectu esse potest propter conditionem non positam.

Qua in re nihil diversum habetur a quocunque hominum desiderio, quo optant bonum ab alterius *libertate* dependens, quin tamen ob hanc rationem desiderium ejusmodi dicatur conditionatum; & hinc absque intentionis tendentia in argumento proposita sequatur.

Nec dicas 7. Deus volens, ut homo operetur salutariter cum auxilio, quod *inefficax* fore prævidet, veller, ut aliquid fieret contra æternam suam præscientiam, cuperetque aliquid fieri, quod certo scit non futurum: in utroque autem non potest esse voluntas seria: ergo.

R. N. M. Deus enim volens, ut homo inefficaciter vocatus operetur, non vult, ut fiat aliquid *contra suam præscientiam*; sed inefficaciter vult, ut fiat aliquid, quod si fieret, præscientia fuisset impedita, aversaturque, non impediri eandem: similiter Deus non vult efficaciter, quod præcognovit non esse futurum; sed tamen sincere desiderat, ut fiat id, unde sequeretur præscientiam non fuisse, & quodammodo dolet, quia ex hominis voluntate illud non est futurum.

ARTICULUS III.

An omnibus justis detur gratia sufficiens?

345. **N**ota I. Justis omnibus non dari gratiam sufficientem ad mandata Dei observanda, vitanda peccata &c., atque hinc ad perseverandum, partim est corollarium ex erroribus *Lutheri & Calvini* fluens, partim aperta *Jansenii* doctrina. Error *Lutheri & Calvini*, quo statuunt, mandata Dei esse impossibilia etiam justis, eo quod ea non possit in hac vita impleri, scilicet ob concupiscentiæ labem, operibus hominum etiam sanctissimis adhaerentem, generali quadam exclusione removet a justis auxilium sufficiens, ad perseverandum mandata Dei observando. *Jansenius* L. 3. de gr. Chr. C. 13. totus est in eo, ut ostendat justis etiam volentibus & conantibus secundum præsentem, quas habent vires, aliquando deesse gratiam, imo & spiritum orationis, quo possibilia fiant Dei præcepta; quam erroneam doctrinam omni argumentorum genere conatus est stabilire *Ant. Arnaldus* in dissertatione de gratia efficaci, tanquam in persona S. PETRI manifestam. Contrarium dogma est omnium Catholicorum.

346. **N**ota II. *Jansenius* de generali Dei ad salvandos omnes voluntate, & mediorum pro omnibus ad peccata vitanda præparatione testimonia APOSTOLI, alterum ex I. ad Timoth. C. 2., alterum ex I. ad Cor. C. 10. v. 13. desumptum elevare contendit, propterea quod AUG. L. de Corr. & Gr. C. 15. textum *Imum* sic explicet, ut Deus dicatur velle omnes homines salvos fieri, non quia talem voluntatem in se habet, sed quia facit nos velle ac desiderare, ut omnes salventur: 2dum vero dum idem L. de Dono Persev. C. 9. & HORMISDA S. P. in ep. 15. ad Possessorem Ep. applicet prædestinatis. His vero usurpationibus non obstantibus

Quod *Imum* attinet, negari nequit, quin ille textus alium sensum litteralem ac proprium habeat, qui catholicam exprimat veritatem. Liquet id 1. ex contextu; quia hic loci hortatur Apostolus fideles, ut Deum pro omnium salute obsecrent; & rationem addit: *Huc enim bonum est & acceptum coram Salvatore nostro Deo; quod*
pre-

probat illico subiungens: *Qui omnes homines vult salvos fieri, & ad agnitionem veritatis venire.* Unde virtute sic argumentatur: Quia Deus vult omnes homines salvos fieri, bonum & acceptum coram ipso est, nos pro omnium salute orare: ergo pro eadem orare nos oportet: hæc autem argumentatio vim nullam haberet, si Deus, sine voluntate aliquos salvandi, faceret nos pro eorum salute orare.

2. Ex consensu aliorum Patrum tum Græcorum, tum Latinorum eundem sensum litteralem sectantium: 3. Ex ipso S. AUG., qui hanc explicationem apertissime L. de Sp. & Lit. C. 33. supponit, vel tradit, ubi interrogat: cur, si voluntas credendi donum Dei est, non omnibus detur, cum Deus velit omnes homines salvos fieri; sic respondet: *Vult quidem omnes homines salvos fieri . . . non sic tamen, ut eis adimat liberum arbitrium, quo bene vel male utentes iustissime judicentur.*

Quoad 2dum vero idem etiam ostenditur 1. ex contextu; cum enim Apostolus I. c. v. 12. dicat: *Itaque quis se existimat stare, videat, ne cadat;* quæ non ad solos prædestinatos, sed ad justos omnes pertinere potest: nec v. 13. immediate subsequens ad prædestinatos solos, sed specialiter tantum & antonomastice pertinet, cujus verba sunt: *Fidelis autem Deus est, qui non patietur vos tentari supra id, quod potestis; sed faciet etiam cum tentatione proventum, ut possitis sustinere;* quæ postrema verba S. Cypr. sic interpretatur: *Faciet cum tentatione facultatem evadendi;* Primasius vero: *Illud faciet provenire, quod poteritis sustinere.*

2. Ex epistolæ inscriptione, quæ ad omnes fideles, qui Corinthi versabantur, data erat; quin tamen illos omnes fuisse prædestinatos, ullus dicere ausit. 3. Ex usu TRID., quod illum textum Sess. 24. de Matrim. Can. 9. extendens ad omnes Clericos in Majoribus constitutos & Regulares castitatem professos, affirmat votum castitatis ab omnibus eo adstrictis servari posse; *Cum Deus id, donum castitatis, recte petentibus non deneget; nec patitur nos supra id, quod possumus, tentari.* 4. Ex S. AUG., qui eundem textum alibi, nempe in Ps. 24. & 61. ad omnes saltem justos porrigit.

347. Dico. Justis omnibus urgente præcepto, quod sine gratia impleri nequit, confertur a Deo gratia *proxime* vel *remote* sufficiens, qua vere possint implere præceptum. Est de fide.

Prob. Authoritate I. SCRIPTURÆ. Hujus testimonia aperta & plurima sunt, quibus summa erga justos Dei charitas commendatur, singularis providentia & protectio promittitur, & spes eorundem vitæ æternæ erigitur. Satis erit hic quædam addere, quæ testentur justos a Deo non derelinqui, nisi ipsi eum reliquerint. Ejusmodi sunt illud Josue I. v. 5. a S. Th. Lect. I. in I. ad Cor. I. huc derivatum: *Non te dimittam, neque derelinquam.* Ps. 36. v. 25. *Non vidi justum derelictum.* N. 28. *Dominus amat judicium, & non derelinquet Sanctos suos.* Prov. 3. postquam Salomon v. 21. jussisset justum data illi monita exequi, eorum observantiæ mercedem subjicit, & v. 25. addit: *Ne paveas repentino terrore, & irruentes tibi potentias impiorum: Dominus enim erit in laqueo tuo, & custodiet pedem tuum, ne capiaris.* Eccii. 2. v. 12. *Quis permansit in mandatis ejus, & derelictus est? . . . quoniam pius & misericors est Deus . . . & protector est omnibus exquirentibus se in veritate &c.*

II. CONCILIORUM; Arausicani & Tridentini, quod Sess. 6. C. II. jubet abstinere a temeraria & a Patribus prohibita voce, Dei præcepta homini justificato ad observandum esse *impossibilia*; ibidem una docet, justificatos a Deo sua gratia non desereri, nisi ab iis ipse deferatur: & C. 16. declarat, Christum tanquam justorum Caput jugiter in illos utpote in membra influere.

III. PONTIFICUM, qui tanquam temerariam, impiam, blasphemam & hæreticam damnaverunt propositionem Jansenii primam. Huc pertinet etiam proscriptio *Epistolæ Arnaldinæ*, aliorumque opusculorum in defensionem dictæ propositionis, ab Alex. VII. S. P. f. cta: Item damnatio plurium propositionum *Quesnelli*, quæ docent hominem sine gratia efficaci nihil posse.

IV. PATRUM, præsertim S. AUG. Serm. 191. de Temp. *Execramur blasphemiam eorum, qui dicunt impossibile aliquid a Deo esse præceptum, & mandata Dei non a singulis, sed ab omnibus in communi posse servari.* Adde illud in Ps. 145. *Non enim deferet opus suum*

sum, si ab opere suo non deseratur. Denique accedunt testimonia alia, per quæ L. de Nat. & Gr. C. 26. S. Doctor discrimen statuit inter *medicum*, qui sanat corpus, & *Christum*, qui iustificat iustum; quia ille, postquam sanavit hominem, dimittit, *hic nisi deseratur, nunquam deserit, ut pie semper iusteque vivatur*: & in Pl. 7., ubi expendens verba Davidis: *Iustum adiutorium meum a Domino*, adiutorium iustis concessum *iustum* vocari dicit ex oppositione ad auxilium peccatoribus datum, quibus ex *miseriordia* confertur; unde sequitur, iustis tribui ex iustitia, h. e. promissione ac fidelitate, qua Deus tenetur iustis conferre auxilia sufficientia.

Conf. Ex sola hominis culpa ac vitio esse potest, quod privetur gratia ad agendum necessaria: sed nulla ex parte hominis potest fingi culpa ac causa, cur iustis Deus denegat gratiam sufficientem, sine qua non possunt præceptum implere. Non enim 1. peccatum *originale* potest esse causa denegatæ gratiæ; quia hoc in iustis per Baptismum perfecte dimissum est, nihilque in iis aut damnationis est, aut Deus odit, ut Apostolus ad Rom. 8., & Trid. Sess. 5. Can. 5. loquitur. Nec 2. *concupiscentia*; quia hanc tum sup., tum in Tr. de Pecc., non esse peccatum, neque proin mereri pœnam, abunde ostensum est. Nec 3. est aliquod *peccatum actuale* præcedens; tum quia nec *mortale* illud esse potest, cum hic quærat de gratia prima, quæ iusto negaretur, in quo peccatum supponi non potest: tum quia nequit illud dici peccatum *veniale*, cum adversetur summæ Dei erga iustos bonitati, eos ob venialem ac levem culpam destituere omni prorsus auxilio sufficienti: quamvis enim uberiores gratiam nonnunquam subtrahat in pœnam negligentia, *sufficientem* tamen sive remote, sive proxime talem non abnegare, ex sæpe dictis manifestum est.

Objectiones.

348. *Obje. A.* Sine gratia efficaci iusti nec perseverare, nec adimplere mandata, nec peccata vitare, nec boni aliquid facere possunt: sed non datur iustis omnibus gratia efficax: ergo nec datur illis gratia, qua perseverare &c. possunt. *Maj.* quoad 1. patet ex Trid. Sess. 6. Can. 22. *Si quis dixerit, iustificatum sine speciali auxilio*

K k 4

Dei

Dei perseverare posse, anathema sit. Quoad 2. ex Millev. II. Can. 4. Quoad 3. ex Epist. Innoc. I. ad Africanos: *Neceſſe eſt, ut, quo auxiliante vincimus, eodem non adjuvante vincamur.* Quoad 4. ex Epist. Celeſtini ad Gallos C. 6.

B. N. M. *Et ad ejus prob. ſeq.* CONCILIA enim & PONTIFICES hic tantum definiunt contra *Pelagianos*, gratiam generatim eſſe neceſſariam, & illam, cum bene agimus, eſſe efficacem; non autem excludunt gratiam ſufficientem. Hinc ſicut male quis argumentaretur: CC. & PP. ſtatuunt, nihil boni fieri poſſe ſine gratia *interiori*; ergo agnoſcunt tantum gratiam *interiorem*, omnemque *exteriorem* excludunt: ſic etiam argumentatio hæc eſt fallax & ſophiſtica: Iidem ſtatuunt, nihil boni fieri poſſe ſine gratia *efficaci*: ergo aliam gratiam non agnoſcunt, quam efficacem.

Hujus vero *ratio* eſt; tum quia præciſe intendebant negare poſſibilitatem a *Pelagianis* ſoli naturæ attributam: tum quia, ut præter alios Petav. Tom. 3. L. 4. num. 11. notat, CC. & PP. per *poſſe* vel *non poſſe* in ejusmodi diſtinctionibus, ubi de gratia efficaci ſermo eſt, non ſignificant potentiam vel impotentiam, ſed potius actum vel carentiam actus; & hoc quidem pro more loquendi a Scriptura uſurato, quæ in hunc etiam ſenſum exponi debet, dum Genef. 37. dicitur: *Non poterant ei quidquam pacifice loqui.* Matth. 26. *Non poterat virtutem ullam facere.* Act. 4. *Non poſſumus, quæ vidimus, non loqui.*

Inſt. S. AUG. docet pluribus in locis gratiam ad perfeverandum ſufficientem juſtis deeſſe, ac a Deo negari. Nam L. de corr. & gr. C. 11. poſtquam aſſeruiſſet, Adamo conceſſum eſſe adjutorium, ſine quo perfeverare non poterat; addit: *Nunc autem, quibus deeſt tale adjutorium, jam pœna peccati eſt.*

Item L. de don. perf. C. 22. expendens hanc propoſitionem: *Si qui obeditis, ſi prædeſtinati eſtis rejiciendi, ſubtrahentur obediendi vires, ut obedire ceſſetis*; hoc unum in ea reprehendit, quod proferatur in 2da perſona, yltique in 3tia exprimi ita: *Si qui obediunt &c.*

Denique iſdem in libris tractans quaſtionem, cur Deus juſto uni det gratiam, alteri non: recurrit ad *inſcrutabi-*

tabilia Dei judicia, & aliam rationem se ignorare fatetur; quod non faceret, si omnibus gratiam remote aut proxime sufficientem ad perseverandum dari censuisset, cum potuisset rationem hanc reddere: quia unus cooperatus est, alter non.

R. N. Aff. Quoad textum *1m. R.* Illum intelligi non posse de *justis*, utpote in quibus poena peccati locum non habet ex dictis: nec etiam de *peccatoribus*, quasi illis negetur gratia sufficiens ex dicendis. Sensum vero proprium dedimus, ubi supra discrimen inter gratiam naturæ integræ & lapsæ, h. e. adjutorium *sine quo non* & *quo assignavimus*.

Quoad *2d. R. N.* id unum esse reprehensum ab *Aug.* Is enim ibidem propositionem illam vocat *abominabilem, durissimam & odiosam*; substituit vero talem, quæ dictum de subtractione gratiæ refecat, & est ejusmodi: *Quid sententia deperit, si ita dicatur: si qui obediunt, sed in regnum ejus & gloriam prædestinati non sunt, temporales sunt, nec usque in finem in eadem obedientia permanebunt.* In hac vero nihil etiam priori deperire recte dicitur; tum quia hoc accidit, si sententiæ malitiæ emendatur: tum quia *S. Doctor* his verbis hoc unum indicat, scilicet sic emendata propositione salvam & integram adhuc remanere de perseverantia doctrinam fidei erroribus *Semipelagianorum* oppositam.

Ad 3t. R. N. min. & prob. Ratio enim hic substituta nec est *universalis*, nec *ultimata*: *Imum* quidem; quia, si quæritur, cur e duobus æqualiter orare negligentibus uni tamen detur efficax orationis gratia, cum qua donum perseverantiæ obtineat; aut cur e duobus piis unum rapiat, ne malitia mutet intellectum, dum alterum non rapit; ratio illa assignata non tenet: *2dum*; quia uno cooperante ex justis, altero non cooperante, adhuc quæritur, quare Deus illi dederit gratiam, cum qua eum cooperatum præviderat, huic vero talem, qua operationem non conjunctum iri perspexerat; ad quam alius respondendi modus non suppetit, nisi confessio ignorantia & recursus ad Deum, uti *PAULUS* ad *Rom. 11.* & *AUG. Libr. de don. persev. ep. 107.* ad *Vital.* alibique exemplo suo ostenderunt.

349. *Objic. II.* Sive gratia sufficiens sumatur proxime, scilicet pro illustratione docente, quid faciendum sit, & pro affectione inclinante ad illud faciendum; sive remote pro gratia orationis; ea justis subinde deest, etiam urgente præcepto: tum quia sub 1ma acceptione nemo alias peccaret ex ignorantia, aut inadvertentia, aut indeliberato passionis motu: tum quia de 2da acceptione aliud docet S. AUG., qui L. I. ad Simplic. q. 2. sic inquit: *Nonne aliquando ipsa oratio nostra sic tepida est, vel potius frigida, & pene nulla, imo omnino interdum ita nulla, ut neque hoc in nobis cum dolore advertamus? quia si vel hoc dolemus, jam oramus; ergo.*

R. N. A. Quoad 1m. prob. R. stare posse peccatum ex ignorantia vel passione etiam cum illustratione & affectione supernaturali, si hæ sint quasi imperceptibiles hoc sensu, quod levioze ac fugaciori sensatione intima percipiuntur, atqui hinc subito transeant, neque sui speciem rememorativam relinquant; vel si generaliores sint, & in communi proponant justitiam aut rei fugiendæ iniquitatem, & simile etiam desiderium ad Deum confugiendi moveant: quæ dum spernuntur, aut neglectu redduntur inutiles, ignorantiam ac passionem culpabilem faciunt; sed de hoc vid. §. seq.

Quoad 2d. prob. R. I. N. Conf. Aliud enim est oratio, aliud gratia orationis; de 1ma loquitur hic S. Doctor, nos autem de 2da; ubi vero idem de hac loquitur, eandem non negari justis aperte docet Tr. 26. in Joann. *Semel accipe & intellige: nondum traheris? ora, ut traharis.* Et L. de gr. & lib. arb. C. 15. *Ad hoc valet, quod scriptum est: Si volueris, conservabis mandata; ut homo, qui voluerit, & non potuerit, nondum se plene velle cognoscat, & oret, ut habeat tantam voluntatem, quanta sufficit ad implenda mandata.* R. 2. D. Conf. Justis quandoque deest gratia orationis efficax, per quam ferventer, sensibilibiter ac perseveranter orent. C. gratia vere sufficiens, per quam hic & nunc re ipsa orare possint N.

Inst. S. PETERUS erat justus, antequam negaret Christum; nam Joann. 13., dum Christus Apostolorum pedes lavaret, v. 10. vocat eum lotum & mundum. S. HILARIUS autem C. 30. in Matth., BASILIUS hom. de humilit., & AUG. Serm,

Serm. 127. de Temp. tribuunt dilectioni & charitati, quod Petrus se obtulerit paratum ad moriendum cum Christo lapsum sibi prædicente. Sed PETRO defuit gratia, quæ posset tentationi mortis resistere, & non negare Christum: ergo.

Min. prob. 1. ex Joann. 13. v. 36. ubi Christus Petro dixit: Non potes me sequi modo, sequeris autem postea. 2. Ex S. CHRYS., qui hom. 34. in Matth. de Petro scribit: Etsi bene animatus fuerat, divino tamen subtrahito auxilio stare non potuit. Hom. 72. in Joann. Christus inquit, Petrum desertum reliquit. Hom. 31. in ep. ad Hebr. Negatio Petri, ait, non tam erat socordia ac negligentia, quam ex eo, quod Deus eum deseruerat. 3. Ex S. AUG., qui Serm. 124. de Temp. scribit: Quid est homo sine gratia Dei, nisi quod fuit Petrus, cum negaret Christum . . . Ideo B. Petrum Dominus paululum subdeseruit, ut in illo totum hominum genus posset agnoscere, nihil se sine gratia pravalere.

R. I. Argumentum hoc de S. PETRO ex duplici capite inscite a Jansenio & Arnaldo proponitur ad ostendendum iustis deesse gratiam sufficientem. Imo enim per internum peccatum jam ante desierat esse iustus, quam externe negaret Christum. Tria enim ejus crimina redarguit S. CHRYS. hom. 83. in Matth., nempe quod dictis Christi negationem illius prænuntiantibus non crederet, se cæteris præferret, de se nimium præsumeret: idem fere repetit hom. 72. in Joann.; cum quo consonat S. AUG. in ps. 58. item L. 14. de Civ. C. 13. & alibi, ubi ad gratiæ amissionem manifestandam vocat Petri præsumptionem ruinam cordis, quam CHRYS. crimen & casus magnitudinem dixerat.

Unde N. M., quæ ex Scriptura non probatur, utpote quæ loquitur de PETRI statu, illam præsumptionem præcedente. Quamvis autem HILARIUS & BASILIUS rem videantur tribuere amoris, tamen nec ipsi dissimulant PETRI præsumptionem, nec hic eorum sententiæ discrepantes attendendæ sunt, præ autoritate CHRYS. & AUG., ad quam unice provocant adversarii, qui assumptum ex illis maxime probant: Augustinus vero illis adjunctus intelligendus est de amore præpostero & inordinato, ut ipse explicat serm. 106. de diversis. 2do, quia PETRO non tam

de.

defuit gratia sufficiens, & ad orandum, quam ipse ejus effectui obicem posuit, eamque neglexit, cum de se præsumeret, neque de orationis necessitate ac sua infirmitate monitus orare studeret.

R. 2. T. M. N. m. vel D. Petro defuit gratia efficax C. gratia sufficiens Subd. proxime sufficiens T. remote sufficiens N. *Ad prob. 1m. N. seq.* quia, cum eo tempore non urgebat præceptum moriendi, ut S. AUG. proxime laudatus docet, contra possibilitatem mandatorum Dei nihil probat, licet Petrus tum ne remote quidem sufficientem gratiam Christum morte sequendi habuerit. *Ad 2. & 3.* redit prior distinctio, quam ipse AUG. confirmat, dum L. de unit. Eccles. C. 9. scribit: *Petrus, si voluisset, ter Dominum non negasset.* Quomodo autem potuisset, nisi per gratiam vere sufficientem, saltem orationis? Item dum loco postremum objecto voce *subdeseruit*, non omnimodam desertionem significante, est usus. Idem insinuat CHRYS. hom. 83. in Matth. de Petro addens: *Totum sibi attribuebat, dicens: Etsi omnes scandalizati fuerint &c.; cum dicere debuisset: Patrocinio tuo juvabis.* Cæterum dum negat PETRI peccatumtribuendum *inocordia ac negligentia*, de illa loquitur, quæ ex timore oritur; non autem de ea, quæ ex præsumptione ac tumore nata faciebat eum negligere preces, & orationem omittere.

ARTICULUS IV.

An peccatoribus detur gratia sufficiens ad agendam penitentiam?

350. *Nota.* Certum, Deum non præcipere impossibilia; neminem peccare in eo, quod vitare nullo modo potest. Inde sponte sua consequitur, quosunque peccatores vel auxilia habere necessaria, quibus mandatorum observatio & abstinentia a peccatis sit possibilis, vel mandata non observando eos non peccare: quare & in præsens a nobis prætermittitur ea quæstio; an peccatoribus detur gratia sufficiens, ut *nova peccata* cavere queant? examinatur autem altera; an possibile iis sit præceptum penitendi, sive an peccatores pro ioco & tempore habeant gratiam proxime aut saltem remote sufficientem *ad penitendum*? Quæstio spectat *peccatores reprobos*; quorum alii

EX-

excæcati & obdurati dicuntur, qui nempe multas jam gratias & salutis media proterve rejecerunt: alii ex hujus rationis defectu obstinati non dicuntur.

Jansenius peccatoribus his omnibus sive obstinatis, sive non obstinatis passim in suis de Gratia Christi libris gratiam sufficientem sensu catholico intellectam adimit: quin & inter Catholicos TT. nonnulli reperiuntur, qui asserunt, peccatores obstinatos vel simpliciter, vel post certam aliquam gratiarum & peccatorum mensuram, omni nonnunquam ad seriam conversionem auxilio, etiam mere sufficienti, in pœnam præcedentium facinorum & neglectarum gratiarum destitui.

351. *Dico.* Peccatoribus etiam *excæcatis & obduratis* non deest pro tempore & loco gratia saltem remote sufficiens, qua possint agere pœnitentiam & mentis cæcitatem ac duritiam cordis deponere.

Prob. Authoritate, I. SCRIPTURÆ. In hac nihil est frequentius, quam quod peccatores universim ac sine exceptione, imo & contumaces ac obstinati vel invitentur ad pœnitentiam, vel objurgentur, quod Deo vocanti non obediant, aut non revertantur ad Deum suum. Ejusmodi testimonia sunt Ez ch. 33. v. 11.: *Vivo ego, dicit Dominus Deus: nolo mortem impij, sed ut convertatur impius a via sua, & vivat. Convertimini, convertimini a viis vestris pessimis, & quare moriemini?* 2. Petr. 3. v. 9.: *Patienter agit propter vos, nolens aliquos perire, sed omnes ad pœnitentiam reverti.* Act. 7. v. 51.: *Dura ceruice & incircumcisis cordibus & auribus! vos semper Spiritui S. resistitis.* Ad Rom. 2. v. 4.: *An divitiarum bonitatis ejus, & patientiæ, & longanimitatis contemnitis? Ignoras, quoniam benignitas Dei ad pœnitentiam te adducit: secundum autem duritiam tuam & impœnitens cor thesaurizas tibi iram in die iræ & revelationis justi judicii Dei.* Hæc autem sive invitatio, sive exprobratio irrisoria foret aut iniqua, si peccatores destituerentur omni gratia sufficiente, utpote sine qua converti ad Deum ac rite pœnitere nequeunt: ergo.

II. CONCILIORUM. Præter Araus. II. Lateran. C. Firmiter, & Trid., huc faciunt Valent. III. Can. 2., ubi dicitur, malos non ideo perire, quia boni esse non potuerunt, sed quia boni esse noluerunt; & Trid. Sess. 6. C. 14., ubi universim sic enuntiatur: *Qui ab accepta justificatione-*

cationis gratia per peccatum exciderunt, rursus justificari poterunt, cum excitante Deo per Pœnitentiæ Sacramentum amissam gratiam recuperare procuraverint. Quibus verbis contra Sectarios statuitur, absolute recuperari posse gratiam ab omnibus per auxilium divinum, omnibus non tantum paratum, sed præsens, ut Senon. anno 1528. habitum Decr. 15. exponit; non autem conditionate tantum, si nempe auxilium detur, cum de hoc nulla controversia aut dubium fuerit.

III. PATRUM, præsertim S. AUG. in Ps. 63. Nunquid consilii corrigendi & mutanda vitæ mala in bonam non est locus, non est tempus? nonne, si vis, hodie fit? nonne, si vis, modo fit? De simili vero enuntiatione sua L. I. Retr. C. 22. sic loquitur: Quod non est contra gratiam Dei, quam prædicamus, in potestate quippe hominis est mutare voluntatem in melius; sed ea potestas nulla est; nisi a Deo detur. Ex quibus duo sequuntur; alterum, unumquemque habere potestatem, ut convertatur: alterum, hanc potestatem per gratiam constitui: unde demum consequens est, peccatoribus omnibus gratiam sufficientem dari ad veram conversionem.

Prob. Ratione. I. Duplex datur excæcatio & obduratio; altera inchoata seu imperfecta, quæ locum habet in præsentī vitæ: altera consummata & perfecta, quæ est alterius vitæ, & habetur in termino. Ita docet S. Aug. in Ps. 6. in illa verba: Turbatus est ab ira oculus meus. Consentit D. Th. q. 24. de ver. a. 11. Probat etiam paritas de confirmatione in gratia, quæ quia nec tentationes ad malum nec affectus etiam aliquos venialiter malos excludit, sic nec obduratio, quæ est quasi confirmatio in malo, suasiones gratiæ ad bonum piosque affectus omnes abesse postulat. Subs. Sed si obdurati omni gratia sufficiente destituerentur, tum eorum excæcatio & obduratio foret consummata, tum ipsi non amplius dicendi forent esse in statu viæ, quandoquidem ex defectu omnis gratiæ ad terminum cœlestis patriæ pervenire nullatenus possent; ergo.

II. In hac vitæ nemo de salute sua desperare debet; quia Trid. Sess. 6. C. 13. docente, in Dei auxilio firmissimam spem collocare & reponere omnes debent; sed si post certam gratiarum neglectarum aut commissorum peccato-

etatorum mensuram Deus homini ad pœnitentiam negaret gratiam sufficientem, inprimis veniam peccatorum *sperare* non posset; cum juxta *Adversarios* nec promissa a Deo sit, nec etiam detur gratia ad impetrandam peccatorum veniam absolute necessaria: deinde necessario *desperare* deberet de salute; cum una ex parte sciret veniam a se non posse sperari, ex altera parte non ignoraret spem veniæ ex TERT. SESS. 6. C. 6. prærequiri ad justificationem & hinc salutem consequendam: quibus positis nihil præter desperationem restat: ergo.

III. *Præceptum conversionis* sæpius præsertim sub vitæ finem, etiam obduratos urget: ergo *obduratis* debet esse possibile; cum ex dictis Deus impossibilia non jubeat. Sed vera & salutaris conversio est impossibilis sine gratia sufficiente, ut ostensum est de necessitate gratiæ: ergo.

Objectiones.

352. *Objic. I.* Sacra SCRIPTURA docet, certa quædam peccata esse *irremissibilia*; ergo Deus ad agendam pœnitentiam non dat omnibus gratiam sufficientem. *Prob. Ant.* Matth. 12. dicitur: *Quicumque dixerit verbum contra Filium Hominis, remittetur ei: qui autem dixerit contra Spiritum S., non remittetur ei neque in hoc sæculo, neque in futuro.* Ad Hebr. 6.: *Impossibile est eos, qui semel sunt illuminati . . . Et prolapsi sunt, rursus renovari ad pœnitentiam.* Ad Hebr. 10.: *Voluntarie peccantibus nobis post acceptam notitiam veritatis jam non relinquitur pro peccatis hostia.* 1. Joann. 5.: *Est peccatum ad mortem, non pro illo dico, ut roget quis.* Ergo.

RESP. NON AUTEM, de quo vide Tr. de Pœnitentia. *Ad textum Im.* RESP. per verbum contra Spiritum S. non intelligi blasphemiam quamcunque, sed agnitæ veritatis impugnationem & maxime peccatum illud, quo quis veritatem fidei, Spiritus S. virtute & revelatione signisque credibilitatis sufficiente manifestatam, malitiose negat & insectatur, ut Pharisei divina ac supernaturalia opera a Christo in confirmationem suæ Divinitatis patrata tribuendo *dæmoni* ac *Beelzebub* fecerunt; qui est sensus literalis ac interpretatio Athanasii, Hieron. Chrys. Ambr. & aliorum apud Corn. a Lapide. Hujusmodi autem peccatum dicitur nec in hoc, nec in futuro sæculo remitti juxta CHRYSOSTOMUM, hom.

42. in Matth., & D. TH. p. 3. q. 86. a. 1. ad 3., quia Deo punitor non tantum in altera, sed jam in hac vita: plerumque etiam hujus peccati culpa non remittitur, non ex defectu auxilii sufficientis, sed ex malitia hominis, qui proterve respuit & repudiat *veritatem fidei*, sine qua impossibile est placere Deo, cumque eo reconciliari.

Ad 2. R. hic loci non esse sermonem de poenitentia quacunque, sed de ea, quæ sit in Baptismo, ut illa vox *renovari* indicat, & CHRYS. in hunc locum, D. THOM. aliique exponunt.

Ad 3. R. similiter, non relinqui aliam hostiam, id est aliam *Christi mortem*, quæ per iteratum Baptisma representetur; ut rursus ex CHRYS. & D. TH. aliisque Patribus Suar. de Poenit. Disp. 8. sensum litteralem declarat.

Ad 4. R. per *peccatum ad mortem* intelligit impoenitentiam finalem S. AUG.; at S. HIER. impoenitentiam finalem non ita stricte sumit, scil. pro perseverantia & obstinatione in peccato, præf. *Apostasia*, quo fides & motiva credibilitatis proterve respuuntur, ut proin moraliter impossibile sit, h. e. difficillimum, talem converti. Nec absolute prohibetur oratio, sed tantum dicitur, non ita fidenter orandum esse. Demum inde non probatur defectus omnis alterius gratiæ remote sufficientis.

Inst. I. SCRIPTURA docet Deum completa peccatorum certa mensura non amplius misereri. *Prob. Amos I.*: *Hæc dicit Dominus, super tribus sceleribus Damasci, & super quatuor non convertam eum*; idem repetitur ibidem de sceleribus Gaze, Tyri, Edom, Ammon & Moab. Genes. 15. autem dicitur: *necdum completa sunt iniquitates Amorrhæorum*; & Matth. 23. ait Christus: *Et vos implete mensuram Patrum vestrorum*; ex quibus Eusebius L. 8 de demonstr. Evang. C. 2. statuit, Deum expectare aliquos usque ad certum terminum peccatorum, & postea omnino illos deserere.

R. N. A. Pervulgatum enim apud PATRES axioma est, homini, dum vivit, locum poenitentiae concedi, ut patet ex GREG. L. 17. Mor. C. 4.: *Quisquis delinquit, & vivit, idcirco hunc divina dispensatio in aequitate tolerat, ut ab iniquitate compescat*; quod idem late Epiph. hæc. 59., LEO ep. 9., FULG. ep. 7. pertractarunt. Itaque
ad

ad 1. R. per negationem conversionis non intelligi *fabricationem gratia* ad poenitendum, sed mutationem tolerantia in justam vindictam & inflictionem poenae mortis aliorumve malorum temporalium; ut apposite ad contextum hoc loco exponit Hier. his verbis: *Expectavi multo tempore, ut Damasceni de suis sceleribus agerent poenitentiam, Et ideo nolui punire peccantes, ut aliquando conversi reciperent sanitatem: verum quia tertio Et quarto eadem faciunt, cogor mutare sententiam, Et plagis corrigere delinquentes.*

Ad 2. & 3. R. Hæc testimonia eodem, quem modo dedimus, sensu accipi debere, patet in Amorrhæis post 400. annos a Moyse ac Josue deletis, & in Judæis excisa Hierosolyma dispersis, quorum tamen neutris gratia ad poenitentiam sufficiens negata fuit. Simili ratione intelligendus est Eusebius.

Inst. 2. SCRIPTURA dicit, fuisse certas personas, quibus dare veniam Deus noluerit. *Prob. 2. Mach. 9.* de Antiocho scribitur: *Orabat scelestus Dominum, a quo non erat misericordiam consecuturus.* *Ad Hebr. 12.* de Esau dicitur: *Non invenit poenitentia locum, licet cum lacrymis quasivisset illum.*

R. N. vel D. Aff. Sunt certæ poenæ, quibus Deus antecederet noluit dare veniam N. consequenter ad eorum liberam in peccando obstinationem ac impoenitentiam. *C. Ad 1. R.* *Antiochum* non orasse petendo veram poenitentiam vel gratia auxilium, sed salutem corporis, ut hæc illius verba indicant: *Non desperans memoripsum, sed spem multam habens fugiendi infirmitatem.* Porro mirum non est, quod hac in re misericordiam non sit consecutus; tum quia, ne quid de iniqua petitione dicam, oratio de bonis temporalibus non semper est infallibilis: tum quia quantumvis subinde quis orat, ac etiam peccati poenitentiam agat, Deus tamen interdum infirmitatem in peccati poenam immisissam non remittit, cum etiam vera poenitentia per se non operetur remissionem poenae temporalis.

Ad 2. R. neque hunc locum ad rem propositam facere. Nam sermo hic non est de poenitentia *Esau* aut peccati, sed de poenitentia *Isaaci*, seu de retractatione prioris facti, scilicet benedictionis, quam *Isaac Jacobo* dedit.

rat: hunc enim Esau petebat, & obtinere non poterat. Illud Joan. 9. dictum *Cæci Nati*, vide num. 306.

Inst. 3. Eadem SCRIPTURA docet, quibusdam in scelera obstinate ruentibus aliquando subtrahi sufficientis gratiæ auxilium. *Prob.* Isa. 5. sit: *Et nunc ostendam vobis, quid ego faciam vineæ meæ: auferam sepem ejus, Et erit in direptionem; diruam maceriam ejus, Et erit in conculcationem. Et ponam eam desertam: non putabitur, Et non fodietur, Et ascendent vepres Et spina, Et nubibus mandabo, ne pluant super eam imbrem. Sed hæc designant subtrahendas gratias tam ex-quam-internas animæ peccata multiplicanti, quæ æque ac populus Judæus sub parabola vineæ intelligitur: ergo.*

R. N. Aff. *Ad prob. 1m. D. m.* Hæc designant subtrahendas animæ peccatrici gratias tam ex-, quam internas, extraordinarias, speciales & ubiores C. ordinarias & necessarias ac præcise sufficientes *subd.* Idem præceptum penitendi urget, ac homo adhuc est in via ac vita N. dum vel præceptum non urget, vel homo extra statum via, in separatione scilicet corporis ab animâ, aut in judicio extremo C. Sensus literalis agit de populo Judæico sub parabola vineæ: quæ Deus illi minatur auferre ac negare, *specialia* erant *beneficia*, nec ad vineæ, nec ad animæ fructus expectandos absolute ac simpliciter necessaria: *desertio* demum & traditio in conculcationem non erat teste S. HIER. in hunc locum decreta, nisi in consummatione & abolitione Synagoga.

Inst. 4. Jerem. 51. v. 9. dicitur: *Curavimus Babylonem, Et non est sanata: derelinquamus eam;* quæ verba interpretatur S. HIER. in comment. ad hunc locum de subtractione auxiliorum sufficientium, proferens exemplum *Medici* egro nullæ aliæ mediæ ministrantis, si viderit infirmitatem adhibitis remediis obsistere.

R. In sensu *literali* verba illa loquuntur gentes Babylonis fœdere conjunctæ; adeoque in *tropologico*, cujus vis ad arguendum minus efficax est, nec Deus, nec angeli boni intelligi queant, præsertim cum his ululatus ibidem additus tribui nequeat. Interpretationem HIER. non licuit legere in commentariis, quæ nonnisi in priora 32. capita Jeremias extant: comparatio autem *medicæ* aut imperitum, aut suo debito minus satisficientem exhibet; unde

unde ad Deum non pertinet, maxime urgentem præcepto suo ad sanitatis recuperationem per poenitentiam.

Inst. 5. Joann. 12. v. 40. repetuntur verba Isaiæ de Judæis: Excæcavit oculos eorum, & induravit cor eorum, ut non videant oculis, & non intelligant corde; in quem locum S. AUG. Tr. 53. ait: Sic enim excæcat, sic obdurat Deus deferendo & non adjuvando, quod occulto iudicio facere potest, iniquo non potest.

R. D. Deus excæcat, & obdurat deferendo & non adjuvando quoad & per gratiam uberiores vel congruam aut etiam proxime sufficientem C. quoad & per gratiam minus uberem, mere aut remote sufficientem N. Excæcatio & obduratio *positiva* ab ipso homine est, dicente Scriptura Matth. 13. v. 15.: *Oculos suos clauferunt, ne quando videant oculis, & corde intelligant, ut convertantur;* & Ps. 94. v. 8.: *Nolite obdurare corda vestra: negativa* vero est a Deo abundantiores gratias, sed non omnes, subtrahente; ut dictum est in prob. & in sequentibus ostendetur.

353. *Obj. II.* TRID. Sess. 6. C. 11. & 13. probant, istis a Deo non negari auxilia sufficientia, ex S. AUG. L. 1. nat. & gr. C. 26. adoptat illud axioma: *Deus neminem deserit, nisi prius ab illo deseratur:* ergo & supponit, peccatores maxime obduratos a Deo deseri, utpote qui eum jam sæpius aut diu deseruerunt.

R. D. Conf. Supponit peccatores deseri a Deo per subtractionem gratiæ habitualis, si ipsi per mortale Deum deserant C. deseri per subtractionem gratiæ actualis *subd.* v. 1. T. omnis N. Axiomatis huius sensum *negativum*, formaliter exprimitur, non tantum admittimus, sed in *affirmativum*, qui virtute duntaxat continetur. *verò simpliciter & absolute verus* tantum est de *gratiæ habituali*; quia infallibilis regula est: quod, qui deservit peccando mortaliter, deseratur ab ipso amittere gratiam sanctificantem ac filiationem divinam: similiter Deum per infidelitatem deserit, per ablationem habitudinis dei deseritur, quod idem de spe asseritur habita *pro-*
one.

De gratia autem actuali, saltem præveniente, *affirmativa* nec universalis, nec infallibilis est; cum enim TRID.

1. c. jubeat omnes spem firmissimam in Dei auxilio collocare ac reponere, asseratque mandatorum Dei observandum tum necessitatem, tum possibilitatem; sequitur hominem, quantumvis Deum is iterato ac diu deseruerit, a Deo non iri in hac vita desertum quoad auxilium sufficiens.

Præterea vero licet Deus jus habeat desertoribus suis negandi auxilium efficax imo & proxime sufficiens, atque id etiam non raro faciat; hoc jure tamen sic *quasi lege* non adstrinxit misericordiam suam, quin & peccatoribus maximis se deferentibus concedere soleat auxilia ad salutem uberiora & efficaciora: quam in rem Paulus ad Rom. 10. v. 20. ait: *Isaias autem audet & dicit: Inventus sum & non quærentibus me: palam apparui eis, qui me non interrogabant.*

Inst. I. S. AUG. sæpius declarat excæcatos & obduracytos ita desereri, ut nec cernere quidpiam boni, nec velle ac facere possint. *Prob. I.* Nam L. 12. contr. *Faust. C. 7.* ait: *Illud miror, non attendere homines cæcos, vel potius non miror, non videre cæcos.* 2. In L. QQ. *Evang. q. 14.* in Matth. scribit: *Cogimur fateri, aliis quibuidam peccatis ita eos excæcari meruisse, qua tamen excacationem non potuerint credere.* 3. Demum L. de nat. & gr. C. 51. inquit: *Cæcus vult videre, sed non potest: si autem vult, & non potest; inest voluntas, sed amissa est possibilitas.* Ergo.

R. N. Aff. Ad prob 1m. D. AUG. non miratur cæcos non videre ex impotentia N. ex propria voluntate ac negligentia C. Exponit hic S. Doctor textum Pauli, et quo antilogiam Apostolo impingere *Faustus* studebat: in hujus explicationis discursu autem docet, argumentum minimum probare, cum, si sensus a *Fausto* assertus locum haberet, non tantum Christus, sed & plures alii carnem non essent habituri; atque hac de sequela propositionem objectam enuntiat, qua non tam *excacationem* & natam ex ea impotentiam, sed vel stupiditatem vel malitiam aut inconsiderantiam adversariorum arguit. Caterum potuisset his cæcis & cæcorum duci *Fausto* innotescere verum textus Apostolici sensum, declarat Augustinus in fine C. 6., ubi transit ad illam explicationem dicens: *Si enim tu quære pie quæreres, posses invenire, quomodo ista perscrutanda dilucescant.*

Ad 2d. R. D. Excæcati credere non poterant potestate remota N. potestate proxima *subd.* quamdiu excæcati erant, & quia volebant credere C. simpliciter, ita ut hanc cæcitatem depellere non possent N. S. AUG. illo loco non tam de *impotentia*, quæ ex cæcitate oritur, quam de ejus *duratione & effectu*, quem Deus inde colligit & *secundario* intendit, tractabat; ideoque dum attulisset ex SCRIPTURA textus, qui tam dicerent, homines claudere oculos, ne quando videant; quam docerent, Deum excæcare oculos hominum, quid hic inquirat, subiungit his verbis:

An forte non absurde dicimus, quosdam judæorum fuisse sanabiles, sed tanto tamen superbiæ tumore periclitatos, ut eis expediret primo non credere, & ad hoc fuisset excæcator, ut non intelligerent Dominum loquentem per parabolas, quibus non intellectis non in eum crederent, non credentes autem cum cæteris desperatis crucifigerent eum: atque ita post ejus resurrectionem converterentur, quando jam de reatu mortis Domini amplius humiliati vehementius diligerent, a quo sibi tantum scelus dimissum esse gauderent; quoniam tanta erat eorum superbia, ut tunc humiliatione esset dejicienda. Quod incongrue dictum esse quilibet arbitratur, si non ita contigisse in Actibus Apostolorum manifestissime legerit.

Quod autem hic loci præterit, id Tr. 53. in Joann. eundem textum S. Doctor ex professo præstitit, ubi dupli-
citem responsum nostram aperte dedit; *Imam* quidem, dum dixit: *Hinc & illi non poterant credere, non quia mutari in melius homines non possant; sed quamdiu talia sapiunt, non possunt credere;* quo sensu L. 2. de serm. Dom. in monte C. 24. dixerat: *Quamdiu quisque malus est, non potest facere fructus bonos: si enim bonos fructus fecerit, jam malus non erit &c.* 2dam vero, ubi ait: *Quare autem non poterant, si a me queratur, cito respondeo: quia volebant.*

Tandem *ad 3d. R. D.* Si cæcus vult, & non potest ex defectu tum gratiæ, tum naturæ, inest &c. C. si tantum non potest ex defectu naturæ jam lapsa ac spoliata *subd.* inest voluntas & amissa est possibilitas, quæ fuit Adamo quasi connaturalis C. omnis etiam per gratiam possibilitas N. Dixerat Pelagius in suo scripto: *Ipsa*

non peccandi possibilitas non tam in arbitrii potestate, quam in natura necessitate est. Huic post alia S. Aug. ita respondet: Si iste, qui hunc librum scripsit, de illa hominis natura loqueretur, qua primo inculpata & saltem condita est, utcumque acceptaretur hoc dictum: posset & medicum quærere, qui cæci oculos sanaret, & videndi possibilitatem restitueret, qua fuerat amissa per cecitatem, quoniam cæcus, puto, quod velit, sed non potest: si autem vult, & non potest &c.

Inst. 2. S. Aug. ad exprimendam spertius videndi impotentiam, negat peccatori adesse necessaria ad videndum. Nam 1. in L. de perfect. iustitiæ C. 19. excoctum appellat desertum omni lumine veritatis. 2. L. de nat. & gr. C. 23. Deserti luce iustitiæ, & per hoc continebrati, quid pariant aliud, quam hæc omnia operum tenebrarum. 3. In Psalm. 57. hæc commentatur: Jam est mentis cecitas, jam oculus mentis extinctus. Ergo.

R. N. Aff. & prob. Im. S. Aug. enim eo non loquitur absolute, sed ex hypothesi, si aliquis omnino gratia destitueretur, ut ex ipso textu patet: Videte tamen secro, quale sit, ideo volenti & currenti misericordiam non esse necessariam, qua illum etiam pravenit, ut crederet, quia de quodam ait Apostolus: quod vult, facit. . . Aut quia dictum est: Si voles præcepta, serva te: quasi non debeat Deo agere gratias, quia prout voluit, qui desertus omni lumine veritatis hæc vult, non posset.

Ad 2d. R. D. Peccatores sunt deserti luce iustitiæ omni, & per hoc obtenebrati tenebris exterioribus, sunt deserti luce aliqua, & hinc obtenebrati, sed tenebris necdum exterioribus C. Alibi docet, secundum nos ab interiore Dei luce, sed nondum penitus, hæc vita sunt; & tenebras exteriores pertinere ad iudicii.

Ad 3t. R. D. Jam & in hac vita oculus mentis extinctus subtrahit gratia, quæ ad quicumque veritatem cognoscendam est necessaria N. subtrahit gratia, quæ singularem quandam veritatem cognoscendam facit C. vel subd. ita ut oculus dicatur extinctus quoad videndi C. quoad potentiam videndi N. Tamen

immediate subjungitur: *Si cæcus oculis carnis ad mensam suam quam ibat opimam discumberet, miserum cum diceret: cæcus interioris panem Christum non videt, Et beatus est?* Itaque hic de cæcitate & oculo extincto respectively ad singulas in veritatem de præsentia Christi in Eucharistia AUG. loquitur, non vero respectively ad omnem veritatem; alias sibi contradixisset, cum in Psalm. 6. scribendo etiam ex Davidis testimonio contendat *oculum non extinguere, sed turbare*; quod Imam responsionem confirmat.

Pro 2da facit, quod in commentatione psalmi objecti *aspidum surditatem* exponat per oblationem spontaneam aurium contra sonantem incantatoris vocem; & ad verba: *supercecidit ignis, Et non viderunt solem*, dicat solem non videri, qui tamen omnibus oritur; quia homines concupiscentiam contemnunt vincere, & multis excitatis exertisque libidinibus concremantur & obscurantur.

Inst. 3. S. AUG. peccatoribus ejusmodi negari gratiam internam & sufficientem asserit. *Prob. 1.* Nam L. de nat. & gr. C. 22. de exæcato dicit, quod *tantum audiat vocem legis, quo admonetur implorare gratiam Salvatoris*; vox autem legis est gratia solum externa, & stat in officiis benignitatis humana, ut vult Jansenius.

2. L. de don. persever. C. 12. ait: *Dando enim quibusdam, quod non meretur, profectio gratuitam Et per hoc veram suam gratiam esse voluit, non omnibus dando, quid omnes mererentur, ostendit.*

3. L. de corr. & gr. C. 11. de adjutorio sine quo non, sic loquitur: *Si hoc adjutorium vel Angelo vel homini, cum primum facti sunt, defuisset; quoniam non talis natura facta erat, ut sine divino adjutorio posset manere, si vellet, non utique sua culpa cecidisset: adjutorium quippe defuisset, sine quo manere non possint. Nunc autem quibus deest tale adjutorium, jam pena peccati est: quibus autem datur, secundum gratiam datur, non secundum debitum.* Sed hujus adjutorii nomine gratiam sufficientem intelligi ex prima parte æque certum est, ac nunc quibusdam a Deo negari ex altera liquet. Ergo.

Re. N. Aff. Ad prob. 1m. D. Exæcatus audit tantum vocem legis, excludendo per hoc gratiam efficientem seu proxime sufficientem C. excludendo etiam gratiam

orationis seu remote sufficientem. N. Vox illa legis est vox Dei interioris moventis ad implorandam gratiam Salvatoris, & non est vox tantum exterior hominis: tum quia sermo est de lege naturali cordibus hominum inscripta; tum quia eod. libr. C. 43. hæc admonitio tribuitur Deo, dum dicitur: *Non igitur Deus impossibilis iussit, sed iubendo admonet, Et facere quod possis, Et petere, quod non possis*; quibus verbis duplex gratiæ genus in responsione memoratum exprimit.

Ad 2. R. B. Non omnibus datur gratia perseverantiæ, aut alia congrua C. non datur gratia sufficiens N. De priori duntaxat sermonem fuisse ostendunt tum ipsa inscriptio libri, tum verba proxime præcedentia: *Homini bus dat, quibus vult, quoniam misericors est; quod si non dat, iustus est, Et non dat, quibus non vult, ut nota; faciat divitias gloria sua in vasa misericordiæ, ut enim divitiæ in vasa misericordiæ gratias congruasificent, quibus vasa iræ carent. Nec obest, quod etiam gratia sufficiens sit gratuita, & post peccatum primiæ gentis beneficium indebitum; et si enim illa per se non plus homini lapsa debeatur, debetur tamen ex voluntate Dei salvandi omnes peccatum originale consequente, & que ex præcepto divino ad conversionem alioque quodam supernaturalis obligante, quod sine concessione aut oblatione gratiæ sufficientis foret impossibile.*

Ad 3. R. B. Suarez gratiam ad perseverandum Angelis & Adæ datam fuisse proxime sufficientem, hæc negare jam nonnullis in poenâ peccati; nullatenus deesse remote sufficientem. De Champs ait gratiam in natura integræ concessam ad potentiam perseverandi se habituales, quod ipsum etiam JANSEN. fateatur; vero pluribus in statu naturæ lapsæ deesse sive in actu, sive actualis peccati poenam, quamvis nulli gratiæ actualis sive congrua sive sufficiens, eaque proxima, vel remota. Alii verba illa: *Nunc autem deest tale adiutorium*, non esse relativa ad adiutorium Adæ datum, ut posset perseverare, nec ad adiutorium testatis perseverandi homini lapsæ datum; sed ipsam perseverantiæ, seu intelligi adiutorium perseverandi efficax, quod jam prædestinatis datur, quod C. 12. subiungit S. D.: *Hæc de his loquitur, quæ prædestinatis sunt.*

Qualibet harum responsionum probabilis est; in secunda tamen optime videtur explicari, quomodo gratia, quæ nunc quibusdam datur, non detur secundum debitum; siquidem hæc negatio significet gratiam quodammodo secundum debitum fuisse dandam, ubi primus homo non peccasset: eoquod ex divina promissione & pacto cum ADA inito gratia habitualis omnibus in ipsa conceptione deberetur.

354. *Objic. III.* Peccatum, maxime obdurationis, meretur subtractionem omnis gratiæ tanquam poenitentia expedit autem ad ostensionem divinæ justitiæ & ad terrorem aliorum, ut interdum Deus illa utatur: ergo defacto id fieri est asserendum.

R. N. 2d. p. Ant. Quamvis enim peccatum omni pena sit dignum, nequæ tamen ad justitiam, neque ad providentiam Dei pertinet, illam inferre homini hanc vitam degenti; cum enim homo, quamdiu hic vivit, sit in statu viatoris, de ratione autem viæ sit, ut in eâ semper possit ad terminum accedi: sequitur repugnare statui viatoris, privari omnibus auxiliis sufficientibus, utpote quibus potestas accedendi ad terminum continetur.

Inß. 1. Deus nonnunquam miraculose interficit hominem actualiter peccantem, & vivum demergit in infernum; ergo etiam aliquos ita deserit in peccatis, ut surgere nequeant; cum hæc poena sit minor priore.

R. Disp. est; quia hac demerfione aut mortis illatione finitur via hominis, adeoque statui viatoris non repugnat; præsertim cum Deus ita se cum illo gerat, ut si in puncto mortis poenitentiam agere vellet, auxilium illi non desisset: unde etiam nec misericordiæ repugnat hæc poena; & quia plerumque est publica ac sensibilis, expediat bonum commune: contrarium ex *distis* manet in alia poena, quantumvis illa minor esse permittatur.

Inß. 2. Deus aliquando ita confirmat quosdam in gratiâ, ut cadere non possint: ergo & aliquos e contrario derelinquit ita, ut a peccatis resurgere nequeant; tum quia status viæ hujus ad utrumque est indifferens, tum quia justitiæ non minores tribuendi sunt effectus, ac misericordiæ.

R. N. A. Confirmatus in gratia non caret absolute potestate peccandi, sed ita duntaxat custoditur, so-

infallibiliter gubernatur, ut hac potestate nunquam abutatur; ideoque tantum, ut tali protectioni subsistere debeat, peccare non posse. *R. 2. N. Conf. Disp. est;* quæ confirmatio in gratia est opus *miseriordiæ*, quod non repugnat iustitiæ, nec statui viatoris; quia posse deflectere a via, quod confirmatus in gratia non habet, ad statum viatoris per accidens est; posse autem ad terminum accedere, quod illi convenit, per se requiritur: oblationem tamen in peccato licet videatur esse opus *iustitiæ*, tamen repugnat *miseriordiæ* divinæ, & est poena excedens statum viæ; cum omnino desertus non habeat id, quod per se ad statum viatoris exigitur: ex quo patet responsio ad probationes.

Inst. 3. Sequuntur varia absurda: 1. Quod obdurati in omni instanti habeant gratiam sufficientem ad poenitendum; cum in omni teneantur poenitere; hoc item dici non posse patet ex monito Davidis Psal. Hodie, si vocem ejus audieritis, nolite obdurare corda vestra.

2. Quod non detur peccatum ignorantie, cum enim hoc supponat defectum cognitionis seu illustrationis, ex quo sequitur impotentia illud vitandi; juxta præceptum debet adesse gratia illustrationis, utpote in qua gratia sufficientem partialiter reponimus.

3. Quod non peccetur adeundo occasionem peccati: ideo enim peccatur, quia temerarius est adit ad occasionem, in qua deficit illi auxilium sufficiens ad vitandum; si vero hoc auxilium ibidem non deficeret, temerarius foret, qui eam adit, consequenter nec peccaret.

4. Quod vel *sceleratissimus* quisque, dum in peccatis amplexus capiat, mortem meditatur inimico, poenitentiam inhiat, sentiat in se mentis illustrationem, & salutem cordis salutarem; quod tamen est contra experientiam & impiorum confessionem.

R. N. Aff. Ad 1m. N. Seq. Nec enim in singulis momentis urget præceptum poenitendi; non obligat actu imputabiliter, nisi actu advertatur; sicut obduratus non committit singulis instantibus peccatum huic præcepto oppositum; sic neque in singulis debet gratia sufficiens, sed pro loco & tempore, cum obduratus præcepti advertitur.

Ad 2. N. Seq. Ut ex ignorantia vere peccetur, duo concurrere necesse est, nempe ut ignorantia & debuerit & potuerit vitari. Potentiam hanc non deesse obduratis testatur AUG. L. de lib. arb. C. 19. dicens: *Nulli homini ablatum est scire utiliter quærere, quod inutiliter ignoratur, Et humiliter confitendam esse imbecillitatem, ut quærenti Et confitenti ille subveniat, qui nec errat, dum subvenit, nec laborat; siquis tamen in ipso actu, qui ex ignorantia ponitur, non habeat potentiam, aut advertat obligationem vincendi ignorantiam, hic actus formalem malitiam peccati non habet distinctam ab illa, quæ fuit in negligentia priore inquirendi veritatem, ut iterum AUG. l. c. docet: Non tibi imputatur ad culpam, quod invitatus ignoras, sed quod negligis, quod ignoras; non quod vulnerata membra non colligis, sed quod voluntatem sanare contemnis: unde patet ad illum actum ex ignorantia factum non requiri novum auxilium illustrationis sufficiens, præter illud, quod ad negligentiam vitandam datum erat.*

Ad 3. N. Seq. Non enim imprimis ob temeritatem tantum peccat occasionem proximam ingressus, sed maxime, quia gnarus perire eum, qui periculum amat, dum periculo se sciens prudensque exponit, se non admodum a lapsu abhorrere demonstrat: deinde vero quamvis in ipsa occasione proxima auxilium qualecunque sufficiens non deficiat, inde tamen temeritatis nota minime deletur; cum & in aliis negotiis temerarius audiat, qui absque prudenti ratione ac spe probabili periculum vite vel fortunarum subit, quantumvis absolute loquendo illud evadere queat. Præterea etsi etiam nec auxilium remote sufficiens præsto foret in ipsa occasione, vel moraliter tamen loquendo datum esse auxilium sufficiens ad lapsum in occasione vitandum asserti potest; quia auxilium, quod quis accepit ad non adeundam occasionem, moraliter sufficiebat ad vitandum in occasione lapsum: vel saltem nuper dicta de peccato ignorantie huc etiam applicari poterunt.

Ad 4t. R. I. N. Seq. Quis sicut ad peccandum in his casibus non requiritur actualis attentio ad regulam morum, a qua deflectitur per hoc actus; sic nec requiritur actualis perceptio illustrationis celestis, adeoque nec ipsa illustratio: præsertim cum sufficiat eam proxime præcessisse,

se & fuisse rejectam; ac præterea gratiam supernaturalem nec omnibus momentis dari, nec ad omnem actum primum non peccandi constituendum necessariam asseramus.

R. 2. N. prob. Non enim repugnat experientia ab ejusmodi hominibus in ipso etiam peccati aditu sentire quendam horrorem & conscientia a peccato avocantis monitum: nec obstat confessio peccantium forsan contraria; potest enim illa *illustratio* ob subitam animi alio averſum mutationem, aut ob firmam ad objectum malum adhesionem tam levi sensum intimum excitare, aut tam tenui reflexione adverti, ut mens ejusdem statim ac prorsus obliviscatur, nec conscia maneat.

Inst. 4. Statuta est a nobis assertio nostra, ut peccatores obstinati *inexcusabiles* reddantur, dum non agunt poenitentiam & peccant: sed etsi desit gratia sufficiens, obstinati peccatores excusari nequeunt, sive dum poenitentiam non agunt, sive dum peccant; ergo.

Prob. 1. p. m. Qui potest implere præceptum poenitendi, & non agit poenitentiam, nequit excusari: sed etsi desit gratia sufficiens, homo tamen habet potestatem implendi supernaturale præceptum poenitentia; retinet adhuc liberum arbitrium, flexile ad bonum & poenitentiam salutarem, in quo stat sufficiens potestas: ex S. AUG. L. de prædest. Ss. C. 5. colligitur, ubi dicitur: *Posse habere finem, sicut posse habere caritatem naturam hominum; habere autem fidem sicut & caritatem privilegium est fidelium.*

Prob. 2d. p. m. Ad hoc, ut aliquis imputetur peccet, seu nequeat excusari, dum peccat, sufficit libertas seu potestas agendi vel non agendi, quod opere exercetur: sed hæc libertas & potestas est etiam in illis, qui gratia sufficiente sunt destituti; tum quia habemus liberum arbitrium ad malum sine gratia, & neutiquam vel ratione objecti, vel ratione alicujus principii alterius determinati ad aliquod privatum opus malum: tum quia sicut *meritum* salvatur a D. THOMA per hoc, quod voluntas ejus licet determinata ad bonum non tamen fuerit determinata ad hoc vel illud bonum; sic etiam hominis voluntas tum satis habetur per hoc, quod ejus voluntas licet determinata ad bonum ob gratia defectum non tamen sit determinata ad hoc vel illud malum.

R. N. sufficientem potentiam salutariter pœnitendi stare in *flexibilitate arbitrii* ad bonum; hæc enim major non est, quam potestas in ipsis etiam dæmonibus ac damnatis ex eorum conditione naturæ non amissæ remanens. Præterea est mera *capacitas passiva* recipiendi gratiam, quam S. AUG. textu allato tantum indicavit, non vero activa possibilitas credendi aut pœnitendi, quæ tamen una sufficit, ac requiritur, ut prævaricatio legis imputetur ad culpam; quemadmodum id AUG. etiam de Angelo & homine in statu integritatis asseruit L. de corr. & gr. C. II. Demum cum sit *pure naturalis*, non est sufficiens & plane nulla potentia ad salutariter pœnitendum; ut constet ex dictis supra, maxime ex Trid. Sess. 6. Can. 3.

Ad prob. 2d. p. T. M. D. m. Libertas indifferens quoad exercitium, seu potestas agendi vel non agendi etiam est in *obduratis* gratia sufficiente destitutis, in casu præcepti *negativi*, & ubi præcise agitur de vitando peccato T. in casu præcepti *affirmativi* supernaturalis, & ubi agitur de ponendo actu salutari, v. g. pœnitentiæ N. Sine gratia nulla datur potentia salutariter pœnitendi, aut mutandi voluntatem in melius, adeoque homo sufficienti gratia destitutus non habet libertatem indifferentiæ quoad exercitium respectu hujus *pœnitentiæ* ac conversionis: supponitur autem peccator habere illam libertatem respectu peccati, & Christus etiam habuit potestatem omittendi vel ponendi illum actum bonum, quo est meritus, ut S. Thomas omnesque asserunt.

Transmissa est *Major*; quia licet libertas *contrarietatis* non sit essentialis libertati ut sic essentialiter sumpta, tamen illa facultas flectendi se ad actus contrarios pertinet ad statum puri hominis viatoris lapsi, sed & reparati; ac proinde sicut facultas datur libera ad peccandum, sic etiam per gratiam adest facultas non tantum ad non peccandum, sed etiam ad oppositum actum rectum.

Inst. 5. Impotentia, quæ est *mere concomitans*, non vero antecedens, ac præterea *voluntaria*, non excusat a peccato: sed impotentia pœnitendi in obduratis est *inprimis mere concomitans*; quia non omittunt pœnitentiam & peccant, quia non possunt pœnitentiam agere & non peccare; sed quia non volunt pœnitere, sed peccare, adeo ut si possent pœnitere, tamen nollent: quod constat inde,

Inde, quia suæ impotentia nescii libentissime peccant & non agunt poenitentiam. Deinde est *voluntaria*, quia id eorum peccatum vel originale vel actuale volitum consequitur, ut ex S. AUG. L. de corr. & gr. C. 6., L. 1. op. imperf. par. 41., L. 1. Retr. C. 15., & Prosp. Can. de Ingrat. C. 32. constat: ergo.

R. 1. D. M. Impotentia concomitans & voluntaria, quæ se tenet ex parte potentia executive, non excusat a peccato C. quæ se tenet ex parte ipsius voluntatis N. Si enim ex parte potentia executive stet impotentia, nec concomitans relinquit actui voluntatis rationem voluntatis ac liberi; voluntaria vero ac consequens supponit eundem actum omnino liberum ac voluntarium; adeoque formalem malitiam in actu voluntatis positam non impedit: si autem impotentia afficiat ipsam voluntatem, siue dicatur concomitans, siue antecederet volita, actum primum voluntatis non relinquit indifferentem & ad contradicendum potentem; adeoque non est mere concomitans & consequens, sed *antecedens*: ac proinde libertatem impedit & excusat a peccato saltem formali ac proprie denominato pro quo valet regula ab AUG. L. 3. de lib. arb. C. 15. data: *Hoc brevissimum tene: quacunque ista causa est voluntatis, si ei non potest resisti, sine peccato ei ceditur: non enim peccat in eo, quod cavere non potest?*

R. 2. N. m. Quoad 1m. memb. R. Obdurati violentes quidem non agunt poenitentiam, non tamen non agunt, quia nolunt, sed quia non possunt poenitere cum omittere poenitentiam ex libera voluntate non posse poenitere, quod deficit in obduratis gratia ad poenitentiam neque ignorantia impotentia aut falsa existimatio potentia facit adesse potentiam, aut tollit impossibilitatem unde ex eadem nihil inferri potest pro libera ommissione poenitentia impossibilis. Quoad 2d. memb. R. ex dictis, illam ex parte voluntatis impotentiam esse antecedentem, tollereque veram libertatem voluntatis & demerendum requisitam; quod confirmatur prop. 1ma ab ALEX. VIII. damnata.

Neque huic responsioni obstat autoritas Patrum quippe qui nec in designatis locis asserunt omnem potentiam ex peccatis vel originali vel actuali poenitentiam. Imo loco duntaxat loquitur vel de gratia actuali

vel de gratia *actionis* seu *proxime sufficiente*, quam non regeneratis ob originale primum negatam, regeneratis ob actuale peccatum subtractam ait. 2do & 3tio loco cæcitatē & resistendi impotentiam pœnam quidem peccati dicit; sed cum eadem simul ibidem asserat esse peccata, scilicet *proprie & formaliter* talia, hoc ipso nec cæcitatē consummatam, nec impossibilitatem proprii nominis, sed difficultatem intelligit. PROSPERI textus sicut cum loco 1mo AUG. congruit, sic eadem responsione explicatur, præsertim cum C. 15. ad Object. Vincent. dicat: *Nemini Deus correctionis adimit viam, nec quemquam boni possibilitate dispoliat.*

ARTICULUS V.

*An infidelibus detur gratia sufficiens ad fidem
& justificationem?*

355. **N**ota. Negative infideles sunt, qui Evangelii prædicationem nec audierunt, nec audire recusarunt: *positive* infideles, qui Evangelium vel audire recusarunt, vel auditum contempserunt. Gratia ad fidem sufficiens, sicut reliquæ omnes propriæ tales, stat in *illustratione* coelitus infusa & pio voluntatis motu divinitus impresso; plerumque tamen conjungitur cum exteriorē aliqua & sensibili. Res hæc externa cum gratia proxime ad fidem sufficiente conjuncta est *prædictio Evangelii*; ut ex verbis ad Rom. 10. v. 14. colligitur: *Quomodo credent ei, quem non audierunt? quomodo autem audient sine prædicante?* conjuncta autem cum remote sufficiente est *verum creaturarum testimonium*, quo in cognitionem & amorem Dei, aut observantiam legis naturalis homo incitatur; ut rursus ex ead. ep. 1. v. 20. eruitur: *Invisibilia enim ipsius a creatura mundi per ea, quæ facta sunt, intellecta conspiciuntur; sempiterna quoque ejus virtus Et divinitas: ita ut sint inexcusabiles.*

Positive infidelibus pro loco & tempore dari gratiam sufficientem facile conficitur; quia his vel prædicatur Evangelium, vel hujus prædictio offertur: *Prædicationem Evangelicam* autem, ut S. AUG. L. 8. de Civ. C. 70. ait, *non sola ostenta, prodigia Et virtutis comitantur, sed etiam Spiritus Sancti munera, id est, gratia interior: ergo.*

go. Itaque infideles *negative* tales quæstio præcipue tangit; quam tamen cum JANSEN. L. 3. de gr. Christ. C. II. universim neget, & gratiam remote sufficientem asserat ex officina *Semipelagianorum* conquistam; universim quoque nobis loquendum erit.

356. *Dico.* Infidelibus omnibus pro tempore ac loco datur a Deo gratia saltem *remote* sufficiens ad fidem & postmodum justificationem obtinendam.

Prob. Autoritate, I. SCRIPTURÆ. Gratia fidei comparatur cum luce & calore juxta illud Joann. I. de Christo enuntiatur: *Erat lux vera, quæ illuminat omnem hominem venientem in hunc mundum;* & Ps. 18. v. 7. *Nec est, qui se abscondat a calore ejus:* Sed tum his Scripturæ verbis apertis, tum Patrum interpretationibus declaratur hanc lucem & calorem dari vel offerri omnibus, nullo excepto: Imum enim constat ex illis: *omnem hominem & non est, qui Ec.* 2dum autem habetur ex CYRILL. Alex. L. I. in Joann. C. II. S. CHRYS. hom. 7. in Joann. & S. AUG. n. 351.

Conf. ex I. ad Tim. 4. v. 10. *Speramus in Deum vivum, qui est salvator hominum omnium, maxime fidelium;* in quem locum THEOPHYL. ait: *omnes quidem vult salvos fieri, majorem tamen diligentiam erga fideles ostendit.* Et S. PROSPER L. 2. C. 31. ita scribit: *Dicens enim, qui est salvator omnium hominum, confirmavit bonitatem Dei super universos homines esse generalem; adjiciendo autem, maxime fidelium, ostendit esse partem generis humani, qui merito fidei divinitus inspiratæ ad summam atque æternam salutem specialibus beneficiis provehantur.* Ergo.

II. PATRUM. CLEM. Alex. in Orat. ad Gentes ait: *Audite, qui estis longe; audite, qui prope: nullis celatum est verbum: lux est communis, omnibus elucescit hominibus.* AMBR. in Ps. 118. Octon. 8. ita loquitur: *Myricus sol justitiæ omnibus ortus est, omnibus venit. Siquis autem non credit in Christum, generali beneficio ipse se fraudat.* AUG. L. 2. de serm. Dom. in monte C. 3. ait: *Deus semper paratus est dare suam lucem nobis, non visibilem & spirituales;* & C. 15. *Nulla anima est, quam non perversa, quæ tamen alio modo ratiocinari potest, in cujus corde non loquatur Deus.* Denique author de vocat. Gent.

Gen. L. 2. c. 5. 19. 23. 28. &c. ostendit, quod quamvis adeo copiosa & illustris gratia qualis nunc datur, non fuerit data semper & apud omnes gentes, tamen non defuerit sufficiens ad consequendam salutem & subtrahendam perituris excusationem.

III. PONTIFICUM. Nam Alex. VIII. damnavit hanc
5tam ordine propositionem: *Pagani, Judæi, hæretici,
aliquæ hujus generis nullum omnino accipiunt a Jesu
Christo influxum: adeoque hinc recte inferes, in illis esse
voluntatem nudam & inermem sine omni gratia suffi-
ciente.* Clemens XI. autem proscripsit propositiones Ques-
nelli 26tam: *Nulla dantur gratiæ, nisi per fidem;*
27tam: *Fides est prima gratia & fons omnium aliarum;*
29tam: *Extra Ecclesiam nulla conceditur gratia.*

Prob. RATIONE. I. Gentiles, qui ex S. Pauli verbis ad Rom. dicuntur per testimonium creaturarum cognovisse Deum, juxta ejusdem etiam verba sunt inexcusabiles; quia cum cognovissent Deum, non sicut Deum glorificaverunt: ergo infideles etiam negative tales potuerunt & possunt Deum glorificare per bonos pietatis actus; quia alioquin forent excusabiles omittendo id, quod facere non possunt. Sed nisi cognitioni Dei per creaturas acquisita accedat interior gratia; non potest ab homine, quantumvis Deum etiam per prædicationem Evangelii externam cognoscente actus pietatis bonus elici: ergo debet ipsi gratia interior etiam asseri.

II. *Fides in Deum salutaris* est pro omnibus omnino adultis medium absolute necessarium: ergo non minus debet esse possibile hoc medium omnibus adultis, ac mandata Dei sunt possibilis. Sed *fides in Deum salutaris* non est proxime possibilis sine gratia proxime sufficiente, nec remote possibilis sine vera gratia remote sufficiente; cum ex dictis axioma illud, *Facienti, quod est in se, Deus non denegat gratiam*, intelligendum sit de faciente per vires gratiæ: ergo.

III. In hominis *libertate* est non minus credere quam non credere, non minus Deo, quam diabolo parare locum; ut patet tum ex sententia Patrum, inter quos S. CYPR. L. 3. ad Quir. C. 1. sit, *Credendi vel non credendi libertatem in arbitrio positam esse*; & S. AUG. in PG. 148. dicit: *Ipso tuo autem arbitrio Deus esse voluit, cui parare locum,*

locum, Deo, an diabolo: tum ex eo, quod quilibet homo viator debeat habere libertatem non tantum demerendi, sed & merendi: sed libertas hæc seu potestas credendi, locum Deo parandi ac merendi nequit esse *absque gratia* seu proxime seu remote sufficiente: ergo.

Conf. Ex voluntate Dei salvandi omnes & morte Christi pro salute omnium; quia ex utroque principio manifeste sequitur, in homines omnes, etiam *infideles*, derivari aliquod gratiæ interioris auxilium; utpote sine quo nequidem remote perveniri potest tum ad agnitionem veritatis salutarem tum ad salutem.

Objectiones.

357. *Objic. I.* Actor. 14. dicitur Deus, in *præteritis generationibus dimisisse omnes gentes ingredi vias suas*; & C. 16. Apostoli *vetantur a Spiritu Sancto loqui Verbum Dei in Asia*: ergo ante Christi adventum omnes gentes, & post adventum aliquæ carebant gratia sufficiente.

R. ad Arg. N. Conf. Quia committitur *Sophisma*, quod Dialectici vocant a dicto secundum quid ad dictum simpliciter. Et quidem per *unum* textum ostenditur tantum, non adeo abundantem gratiam Gentibus concessam, ac fuit data judæis & Christianis; non vero plane negatam esse gratiam omnem. Id explicat S. Prosp. L. 2. de voc. gent. C. 4. ita scribens: *Ne in præteritis quidem sæculis hæc eadem gratia (qua post D. N. J. C. resurrectionem ubique diffusa est, & de qua scriptum est: Illuxerunt coruscationes tuæ orbi terræ) defuit mundo. Quamvis enim speciali cura atque indulgentia populum Israëliticum constet electum, omnesque aliæ nationes suas vias ingredi, hoc est, secundum propriam permissæ sint vivere voluntatem; non ita tamen se æterna Creatoris bonitas ab illis hominibus avertit, ut eos ad cognoscendum se atque metuendum nullis significationibus admoneret . . . qui quidem in comparatione electorum, id est Judæorum, videntur abjecti; sed nunquam sunt manifestis occultisque beneficiis addicti.*

Idem multo magis dicendum est de textu 2do, nempe Asianos interea non caruisse sufficientibus ad fidem auxiliis, dum non statim in Asia prædicatum est Evangelium, volente ita Spiritu Sancto, ut Apostoli prius irent in Ma-
cedo-

tedoniam; quandoquidem postea in Asiam illata fuit Evangelii prædicatio.

Inst. 1. Extra Ecclesiam non habetur vita, vera virtus aut ullus bonus; ut patet ex ep. Cui. Carthag. ad Donatistas: Quisquis ab hac Ecclesia fuerit separatus, quantumlibet laudabiliter vivere se existimet, hoc solo scelere, quod a Christi unitate disjunctus sit, non habebit vitam; ex monito a PP. Cui Basileensis legatis Eugenii dato, ne ab universali Ecclesia se scindat, extra quam nulla est vera virtus; ex ep. AUG. ad Feliciam: Ab unitate Ecclesie separati, quamdiu contra illam sentiunt, boni esse non possunt; quia etsi aliquos eorum bonos videtur ostendere quasi laudabilis conversatio, malos eos facit ipsa divisio. Ergo.

R. 1. N. Conf. Quia rursus a determinata gratia negata transitur ad negandam gratiam omnem. R. 2. D. Conf. Extra Ecclesiam non datur gratia actualis & auxilium excitans N. gratia habitualis, sanctificans & justificatio æ salus, subd. quamdiu quis contra Ecclesie unitatem sentit, seu obstinate est schismaticus, C. Si reconciliari studeat Ecclesie, N. Recte dicitur schismaticus nullam habere vitam gratiæ sanctificantis, nullam virtutem veram, nempe salutiferam, nullam denique bonitatem seu iustitiam; sicut nec ea peccatori resipiscere nolenti tribui nequeunt; non tamen ideo dici etiam potest privari omni gratiæ auxilio.

Inst. 2. Fidelibus duntaxat datur gratia, non autem paganis & reliquis hominibus omnibus; quod patet 1. ex AUG. Serm. 4. de verb. Apost. C. 11. Pagani, qui non habent gratiam Dei per Jesum Christum. 2. Ex ejusdem Serm. 11. ibid. C. 4. Communis est omnibus natura, non gratia. 3. Ex FULG. L. 3. de ver. præd. C. 20. Non ergo putemus gratiam Dei omnibus hominibus dari; non enim omnium est fides. Idem habent Episcopi Africani exules in sua Synodica. Ergo.

R. B. A. Fidelibus duntaxat, non autem Paganis vel hominibus omnibus, datur gratia habitualis seu sanctificans, C. gratia actualis, subd. proxime sufficiens, aut quæ includit ipsam cognitionem & fidem Christi C. remote sufficiens, aut quæ inducit ad cognoscendum & colendum præcise Deum, N. Omnis quidem gratia, quæ hominibus datur, sicut

meritis Christi est comparata, sic etiam gratia Christi & per Christum data dici potest; juxta phrasin tamen S. Aug. *gratia Christi* proprie dicta & per Christum data vocatur illa, quæ cognitionem illius ac fidem involvit, ut diserte indicat, dum L. de gr. & lib. arb. C. 13. ait: *Gratia vero per fidem Jesu Christi eorum tantummodo est, quorum est ipsa fides; non enim omnium est fides; & aunc illam solet compellare gratiam, qua Christiani sumus.*

Ad hunc modum etiam S. PROSPER gratiam fidei vocat *gratiam salvatoris*, ubi L. 2. de voc. gent. C. 17. dicitur: *sunt aliqua gentes, quibus nondum gratia Salvatoris illuxit; gratiam autem infidelibus communem appellat gratiam Dei*, ibid. C. 31. ita loquens: *In cunctis retro saeculis gratiam Dei omnibus hominibus adfuisse.* &c. Atque in hoc sensu textus Imus accipiendus est, nempe paganos non habere gratiam Christi, seu cognitionem & fidem mediatoris includentem, quamvis illis non desit gratia Dei, seu cognitionem supremi entis ac causa primæ involvens. 2^{us} negat omnibus communem esse gratiam justificantem, quia subjungitur: *qua facti sumus populus ejus* Et oves pascua ejus per Jesum Christum Dominum nostrum: 3^{ius} de eadem gratia loquitur, ut rursus ex subjunctis constat: *Et quidam Charitatem Dei non recipiunt, ut salvi fiant.* Eandem demum significationem *Sententia Synodica* ostendit contextus.

Inst. 3. Gratia, de qua hic disputamus, est interior *illuminatio & inspiratio*: sed gratia illa generalis ab autore librorum de vocatione gentium asserta non est interior ejusmodi gratia; tum quia dicitur solum stare in dispositione elementorum mundi: tum quia asseritur data aliquibus tantum ad remedium, reliquis ad testimonium: tum quia idem autor L. 2. C. 3. diserte asserit gratiam internam non esse communem; ergo.

R. ad Arg. N. min. Non externam solum doctrinam sed & internam mentis illustrationem & pium voluntatis motum intelligi per gratiam illam generalem S. PROSPER satis expressit, dum in textibus allatis eam descripsit talem, quæ *hominum corda pulset*, quæ *quibusdam sufficiat ad remedium*, quæ *hominis ad quærendum verum Deum adjuvare possit*, quæ *faciat, ut neque ulli pereuntium excusatio suppetat de abnegato sibi lumine veritatis*, neque
cui-

cuiquam sit liberum de sua iustitia gloriari. Præterea C. 4. facit comparationem inter elementorum doctrinam & instructionem per legem & prophetas dum inquit: In præteritis semper admonuit divina bonitas homines sui cultus per elementa, sicut populum Israel peculiariter per legem & Prophetas; posteaque addit mundum ita deservisse, ut in paginis elementorum ac voluminibus temporum communis ac publica divina institutionis doctrina legeretur: igitur de his ipsis vocibus ac paginis intelligi voluit, quod in ep. ad Demetr. scripserat his verbis: Voces docentium & littera paginarum, qua ad eruditionem audientium vel legentium serviunt, non carent ejus virtute, cui serviunt; nempe interiore gratia, quæ vim faciendi tribuat.

Ad prob. 1m. D. Hæc gratia quoad partem externam spectata dicitur, saltem plerumque, solum stare in dispositione elementorum mundi, C. quoad se totam aut omnes partes spectata, N. Sicut gratia proxime sufficiens seu fidei dicitur plerumque stare in prædicatione Evangelii, quin tamen eam sejungere liceat ab interiore auxilio: sic quod gratia illa communis & remote sufficiens dicatur sita in testimonio creaturarum, non potest facere, ut debeat intelligi destituta a comitatu interioris auxilii. Ad 2d. D. Gratia hæc aliquibus tantum sufficit ad remedium, reliquis ad testimonium ex defectu virium in ipsa gratia, N. ex defectu voluntatis & cooperationis humanæ, C. Ad 3t. N. Aff. Textus allatus vel potius contrarium probat, vel de gratia illa generali non loquitur.

Inst. 4. Gratiam esse communem & omnibus hominibus dari, ejus beneficio liceret ad fidem accedere, est error Semipelagianus, quem exponit S. Prosp. in ep. ad Aug. Ergo

R. D. A. Est error Semipelagianorum, gratiam dicere omnibus communem, quatenus illi statuebant Deum indifere, seu indifferenter ac æqualiter velle omnium hominum salutem, h. e. non magis particulari affectu salutem prædestinatorum, quam reproborum; item quatenus volebant gratiæ ex hac indiscreta voluntate oblata præcedere naturalem hominis libertatem & obedientiam, ut ita possint salvari & salventur homines omnes, qui vel si velint voluntate scilicet nuda & naturæ viribus, C. quatenus præcise statuebant omnium hominum salutem a Deo intendi & gratiam sufficientem cuilibet ad illam dari, N.

Mm 3

Inst.

Inft. 5. Generalis illa gratia statuitur maxime ex eo capite; quia si nulla penitus daretur infidelibus gratia sufficiens, possent illi excusari a culpa, utpote qui vel necessitate quadam compellerentur ad peccandum ex defectu gratiæ, qua possent non peccare; vel qui absolute non possent sine gratia elicere actus supernaturales præsertim fidei necessitate mediæ requisitæ; sed inprimis hoc repugnat doctrinæ S. Augustini, qui in ep. 105. ad Sixt. ait: *Inexcusabilis est omnis peccator vel reatu originis vel additamento etiam propriæ voluntatis, sive qui navit, sive qui ignorat, sive qui judicat, sive qui non judicat: quia & ipsa ignorantia in eis, qui intelligere noluerunt, sine dubitatione peccatum est; in eis autem, qui non potuerunt, pena peccati. Ergo in utrisque non est justa excusatio, sed justa damnatio.* Deinde neutra ratio subsistit: non 1ma; quia homo etiam sine gratia non est necessitatus ad peccandum, sed potentia saltem physica potest non peccare & servare legem naturalem: non 2da; quia quamvis homo non possit credere sine gratia, seu actualis fides non habeatur sine concursu gratiæ; tamen sine gratia potest credere, seu credendi potentia habetur sine gratia.

R. N. m. Quoad 1m. prob. **N. Aff.** S. AUG. hic probat justum esse judicium Dei damnantis homines, etsi Evangelium illis non fuerit prædicatum: quia si potuerunt audire & scire legem Christi, & noluerunt; hac ipsa ignorantia graviter peccarunt & hinc ob *actuale* peccatum juste damnantur: si autem non potuerunt audire, etiamnum juste damnantur ob peccatum *originale*, quod in ipsis ope baptismi non fuit deletum; quæ omnia omnes Catholici contra *Pelagianos* admittimus. Quamvis vero supponat, aliquos non posse audire Evangelium; tamen quis non explicat, an sit impotentia *proxima* aut *remota*, culpabilis aut omnino inculpatæ, inde nihil contra thesin nostram extundi potest. **Ad 2d. prob.** Transmisso priore Nego posterius membrum; neque potentiam credendi enim haberi sine gratia, docuit nos Christus Joann. 15. v. 5. dicens: *Sine me nihil potestis facere*, & supra ex Trid. & Augustino fuit ostensum.

358. Obj. II. Nostra assertio rursus plura infert absurda. Nam 1. si Deus nequeat denegare gratias sufficientes & in earum defectu *justa foret* infidelium *excusatio*; non inde jam gratia, sed *justitia liberaret*, ut S. AUG. ep. 105. cit. loquitur & reprobat.

2. Se-

2. Sequeretur aut non dari infidelitatem *negativam*, aut eam pure talem esse *peccatum*, qui est art. 65tus Basi damnatus; si enim omnes infideles haberent gratiam, ut crederent, possent superare ignorantiam: ideoque non forent infideles *negative*: aut quia superare ignorantiam possent, in his *negativa* infidelitas peccatum foret.

3. Facile posset explicari, cur ex infidelibus alii perveniant ad fidem, alii non perveniant? dicendo nempe, alios gratia remote sufficienti consensisse, alios esse relictos; in qua tamen quaestione S. Augustinus semper recurrit ad inscrutabilia iudicia Dei.

R. ad arg. N. Aff. Quoad prob. 1m. N. seq. Et oppositionem cum S. AUG. Imprimis enim, quantumlibet Deus jam ob voluntatem salvandi omnes nequeat denegare gratias sufficientes, tamen, cum hæc ipsa voluntas proveniat a sola Dei liberalitate ac misericordia, hoc ipso illi non sunt homini debita ex titulo iustitiæ, sed ex fidelitate Dei liberalitatem meram præsupponente; adeoque gratia semper, non autem iustitia liberat. Deinde S. AUG. objectis verbis nihil aliud intendit docere, quam *infideles*, si omni etiam gratia careant, nihilominus iuste ob peccatum saltem originale damnari, nullamque excusationem prætexere posse, quemadmodum repetendo summam hujus L. de corr. & gr. C. 7. ait: *Nemo liberatur a damnatione, quæ facta est per Adam, nisi per fidem Jesu Christi: Et tamen ab hac damnatione non se liberabunt, qui poterunt dicere, non se audivisse Evangelium Christi.* Itaque quamvis hæc excusatio: non audivimus Evangelium, vel nullam accepimus gratiam, liberare homines nequeat a damnatione, quæ facta est per Adam, seu peccato originali debita; tamen liberaret ab eadem damnatione, quæ *propria voluntatis additamento* seu peccatis actualibus sine gratia non evitandis correspondet.

Ad prob. 2d. N. utr. Seq. Priorem quidem; quia licet absolute illa ignorantia Evangelii vinci possit; tamen quousque *infidelibus* reipsa illud non prædicatur, nec ignorantia moraliter vinci potest, nec committitur peccatum infidelitatis; ut in paritate Jacobi ad Liam ex ignorantia accedentis liquet: Posteriores autem; quia, etsi ex abusu gratiæ remote sufficientis sequatur carentia gratiæ fidei seu proxime sufficientis, tamen iste effectus infideli nec est cognitus nec cognoscibilis, adeoque nec voluntarius; unde

Mm 4

nec

nec defectus fidei eidem culpabilis esse potest, saltem sub ratione ac malitia infidelitatis.

Ad prob. 3t. N. Seq. Quamvis enim verum sit, infideles omnes, qui generali illa gratia recte uterentur, ampliora auxilia accepturos; falsum tamen est *1mo*, amplio-rem illam gratiam esse efficacem; quia Deus hanc, quibus vult, ex solo arbitratu impertit: *2do*, eam statim esse pro- xime sufficientem ad fidem & cum prædicatione Evangelii conjunctam; quia hanc Deus, quando & ubi vult, elargi- tur: *3tio*, illam solis his concedi, qui generali gratia re- cte sunt usi; quia Deus ex omnibus fere infidelibus gene- ralem gratiam perinde repudiantibus alios per misericor- diam Evangelii luce collostrat, alios per justitiam eadem privat. Unde ad quæstionem illam, cur hi potius, quam illi ad fidem perveniant, enodandam, ad illud Apostolicæ & Augustinianæ arcanum semper recurrendum est. Atque hoc ad exemplum Magistri sui fecit S. PROSPER L. I. de voc. Gent. C. 21.

Inst. S. AUG. L. de corr. & gr. a C. 6. usque ad 11. solvens objectionem & querimoniam eorum, qui se imme- rito corripì obtendebant, quod non accepissent gratiam ad ea vitanda, ob quæ corripiebantur, nunquam eo con- fugit, ut responderet, præsto esse cuilibet *gratiam suffi- cientem*; sed, quantum ad *fideles*, probat, eos merito cor- ripi, quia ab accepta justitia exciderint propria culpa: quantum ad *infideles*, correptionem justam ostendit ex eo uno, quod in Adam peccaverint, & illius culpa justitiam originalem, in qua conditus erat, amiserint. Ergo.

R. 1. N. Conf. Quia recte non sequitur, AUG. hic loci non facit mentionem gratiæ sufficientis *infidelibus* da- tæ: ergo nullibi eam admittit ac penitus ignoravit; præ- sertim quia in hoc libro non agit de gratia mere sufficiente, sed de efficaci; nempe quæ Deus dat velle, obedire, ope- rari & perseverare, non autem posse tantum velle &c. R. 2. N. A. S. AUG. L. cit. C. 7. distinguit aperte inter cor- reptionem in hac vita, & inter correptionem in altera seu damnationem, dum ait: *Nec se excusabunt dicentes, sicut hic modo dicunt, quare corripimur? ita tunc: quare damnamur; quandoquidem ut ex bono reverteremur ad malum, perseverantiam non accepimus; qua permanere- mus in bono? nullo modo hac excusatione a justa damna- tione se liberabunt.*

Porro

Porro utramque asserit esse poenam iustam peccati sive *originalis* sive *actualis*; & quidem eum, qui actuale seu personale peccatum commisit, excusari nullatenus posse, sive corripitur in hac vita, sive damnatur, ostendit ex eo, quia C. 6. loquitur: *Certe iste dicere non potest, non accepi, quia acceptam gratiam Dei suam in malum libera amisit arbitrio*: eum vero, qui nullo personali peccato addito damnatur, ostendit queri non posse, quia per peccatum *originalis* damnationem est meritus, ut C. 7. sit: *Per hoc Et qui Evangelium non audierunt . . . Et qui per aetatem parvulam nec credere potuerunt, sed ab originali noxa solo possent lavaero regenerationis absolvi, quo tamen non accepto mortui perierunt, non sunt ab illa conspersione discreti, quam constat esse damnatam, euntibus omnibus ex uno in condemnationem*: eundem denique iuste etiam corripere & objurgari posse, C. 5. probat exinde, quod *prima pravitas, non sine causa dicitur Et nostra, quia in illo uno omnes, sicut dicit Apostolus, peccaverunt*.

359. *Objic. III.* Fides est prima omnium gratiarum: sed multi non accipiunt fidem; ergo.

R. ad Arg. D. M. Fides proprie talis & perfecta est gratia omnium prima, N. late talis & inchoata, *subd.* sumpta secundum substantiam & actum, N. sumpta secundum auxilium praeveniens & potentiam, C. Fides proprie & *stricte* talis est assensus nixus auctoritate & revelationis formali loquentis Dei: *perfecta* est, quae explicite credit saltem omnia scitu necessaria necessitate medii. Huiusmodi fidem non esse primam omnium gratiarum, patet tum ex damnatione propositionum num. 356. relata, tum ex eo, quod ad ipsam fidem gratia praerequiratur. Fides *late* talis est vel assensus nixus revelatione divina solum virtuali, quatenus haec per creaturas indicia & cognitionem de Dei existentia & perfectionibus naturaliter intelligibilibus nobis praebentes quodammodo fieri dicitur, vel alius quidam supernaturalis actus deliberatus sive intellectus sive voluntatis, quo directe vel indirecte ad fidem divinam propriam & perfectam movemur aut disponimur.

Atque hoc sensu C. ARAUS. Can. 5. *credulitatis affectum* vocat *initium fidei*; August. autem L. de Praedest. Sanct. C. 2. iudicium, quo *prius cogitamus esse credendum*, dicit *fidei conceptum*; ac L. I. ad Simplic. q. 2. dispositiones, quibus quasi per gradus quosdam ad fidem paramur, uni-

versim *inchoationes quasdam fidei, conceptionibus similes* appellat. Porro nec hanc fidem quoad se, substantiam & actum spectatam esse primam gratiam, liquet ex dictis, cum ibidem gratiæ etiam prævenientis mentio fiat.

Excipi tamen potest *fides late dicta* seu cognitio Dei existentis ex creaturis hausta, quæ quamvis ob adjunctum gratiæ concursum sit supernaturalis, tamen quia ex evidentia oritur, *libera* non est, & habet rationem gratiæ excitantis alias in actibus indeliberatis positæ; unde & eandem diximus ad amorem Dei aliosque actus excitare, in quibus *fides inchoata* nuper est posita.

Ex his similiter *D. m.* Multi non accipiunt nec fidem proprie talem & perfectam, nec etiam late talem & inchoatam, saltem sumptam secundum substantiam & actum, C. nequidem sumptam secundum auxilium præveniens & potentiam, N.

Inst. I. Prima omnium gratia est fides, per quam accedimus ad Deum, & sine qua impossibile est placere Deo: sed talis est fides, ut manifestum est ex Apostolo ad Hebr. C. II. v. 6. scribente: *Credere enim oportet accedentem ad Deum, quia est, Et inquirentibus se Remunerator sit*; ergo,

Re. D. M. Gratia simpliciter & absolute prima est, per quam &c., N. gratia secundum quid, nempe in justificationis negotio, prima, T. Sicut in justificatione infunditur *habitus* Fidei, Spei & Charitatis, sic per *actus* habitibus illis correspondentes fit proxima ad justificationem dispositio, utrumque asserente TRID. Sess. 6. C. 6. & 7.; unde sicut ab INNOC. XI. damnata est hæc propositio ordine 23tia: *Fides late dicta, ex testimonio creaturarum similive motivo, ad justificationem sufficit*, sic e contrario verum est, quod fides stricte & proprie dicta sufficiat ad justificationem, & quod inter *actus salutaris*, quibus homo proxime ad eam disponitur, primus sit.

Exinde tamen necdum conficitur, actum ipsum *formalis fidei* esse primam gratiam etiam ad justificationem, cum constet ex dictis, eundem præveniri gratia tum *illustrationis* ad iudicium credibilitatis, tum *inspirationis* ad piam affectionem; unde & 2dum distinctionis membrum transmisimus. Cæterum SCRIPTURAM hic duntaxat loqui de præ requisitis ad justificationem, non vero ad actum præ-

præcise salutarem aut opus supernaturale qualecunque, par-
 tet; tum quia loquitur de eo, quo quis Deo placet, seu
 gratus fit; quod præstat sola gratia sanctificans, utpote qua
 una, ut TRID. ait, *homo ex injusto fit justus, Et ex ini-*
mico amicus, ut sit hæres secundum spem vitæ æternæ :
 tum quia per accessum ad Deum intelligitur accessus ad
 gratiam sanctificantem seu iustitiam, ut se ipsum explicat
 Apostolus ad Rom. 5. v. 1. & 2.

Inst. 2. ARAUS. II. Can. 25, ait: In omni opere
homo nos non incipimus, sed ipse prius fidem inspirat :
 & Tridentinum Sess. 6. Cap. 8. : *Fides est humana salutis*
initium, fundamentum Et radix omnis justificationis.

R. Similiter, fidem non dici hic *initium* gratiarum,
 sed actuum salutarium, quibus homo proxime disponitur
 ad justificationem; quod quidem ex verbis TRID. apertum
 est, cum fides dicatur *initium salutis & radix omnis justi-*
ficationis; quam tamen radicem & initium præcedere se-
 men & excitationem gratiæ, idem Concilium C. 6. decla-
 rat. Idem liquet ex ARAUS. agente contra Semipelagia-
 nos, qui initium fidei, h. e. vel credulitatis affectum vel
 ipsum actum fidei æque rejiciebant a numero bonorum
 operum, ac desiderium salutis ex fide conceptum & ora-
 tionem seu implorationem divinæ benignitatis & opis.

Inst. 3. L. I. ad Simplic. q. 2. ait: Incipit homo
percipere gratiam, ex quo incipit credere Deo, vel interna,
vel externa admonitione motus ad fidem : & L. de Prædest.
 Sanctor. Cap. 17. *Ipsa, fides, prima datur, ex qua im-*
petrentur cætera. FULGENT. L. I. de verit. prædest. C. 17.
Bona voluntatis initium, inquit, in fide consistere, liber.
Cantici Canticorum ostendit, ubi Christus dicit Ecclesiæ,
venies Et pertransies ab initio fidei. S. THOM. I. 2. q. 113.
 a. 4. : *Prima conversio in Deum fit per fidem. Ergo.*

R. Rursus adhibendam esse distinctionem sive de
fide inchoata vel perfecta, sive de *primatu fidei* inter
 actus salutares ad justificationem aut salutem proxime ob-
 tinendum facientes & inter gratias. Nam *Imus* AUG. tex-
 tus loquitur de fide *inchoata* aut saltem Christi cognitio-
 nem non complectente, ut ex Cornelii Centurionis exem-
 plo ibidem relato liquet, de quo L. de præd. Sanct. C. 7.
 ait: *Cornelii Centurionis acceptæ fuerunt elemosynæ Et*
exaudita preces, antequam credidisset in Christum; nec
 tamen

tamen sine aliquo fide donabat & orabat. 2^{us} fidei primatum asserit, non inter gratias, sed inter actus salutes proxime laudatos, ut ex contextu elucet.

3^{tius} etiam non de cujuscunque voluntatis initio enuntiat; sed de voluntate operandi salutem; verbis enim objectis hæc immediate præmittuntur: *Cum timore & tremore salutem vestram operamini; Deus est enim, qui operatur in vobis & velle & perficere pro bona voluntate. Hujus bona voluntatis initium in fide consistere &c.* Deum 4^{tus} textus desumptus est ex eo loco, ubi S. THOMAS agit de dispositione ad justificationem, unde redit data jam aliquoties responsio; præsertim quia memorato etiam sensu 2. 2. q. 4 a. 7. in \odot dicit: *Necessa est, quod fides sit prima inter omnes virtutes.* Eodem modo accipienda sunt sunt dicta GREGOR. M. L. 2. Mor. C. 46., & PROSPERI in Carm. de ingr. C. 1., quibus fides vocatur primogenita proles, & voluntatis genitrix, operumque creatrix.

Inst. 4. Juxta S. AUG. L. de prædest. Sanctor. C. 8. *Fides & inchoata & perfecta donum Dei est; & hoc donum quibusdam dari, quibusdam non dari omnino non dubitet, qui non vult manifestissimis sacris Litteris regnare: ergo & fides inchoata non datur omnibus.*

R. D. Conf. Ergo fides inchoata non datur omnibus quoad suam substantiam & ipsum actum, C. quoad auxilium præveniens & potentiam N. *Actu credere est quidem donum Dei, & hoc omnibus non datur; sed posse credere etiam est Dei donum, quod omnibus dari saltem secundum potentiam remotam, hæcenus ostendimus.*

Inst. 5. Gratia remote sufficiens est vel gratia orationis vel vocatio divina: sed neutra omnibus datur; de 1^{ma} enim id asserit Apostolus ad Rom. 10. v. 13. & 14: *Omnis quicumque invocaverit nomen Domini, salvus erit, quomodo ergo invocabunt, in quem non crediderunt? aut quomodo credent ei, quem non audiverunt? quomodo autem audient sine prædicante?* adeoque cum gratia ad orandum habeatur per auditum prædicantis, hic autem omnibus non detur, etiam non datur gratia orationis: de 2^{da} loquitur AUG., dum L. de don. persever. C. 9. ait: *Ex duobus ætate jam grandibus impiis, cur iste ita vocetur, ut vocan-*

vocantem sequatur, ille autem aut non vocetur, aut non ita vocetur, ut vocantem sequatur, inscrutabilia sunt iudicia Dei; qua disjunctione postrema non tantum congrua, sed & sufficiens vocatio negatur.

Idem docet S. PROSPER L. Sentent. sent. 4. scribens: *Qui dicit, quod non omnes vocentur ad gratiam, si de his loquitur, quibus Christus annuntiatus non est, reprehendi non debet. Ergo.*

R. D. M. Gratia remote sufficiens est gratia orationis, qua invocatur Deus fide vel late vel stricte tali cognitus, vel est vocatio divina ad quaecunque opus bonum C. est gratia orationis, qua invocatur vel Deus fide stricte dicta & perfecta cognitus, vel Christus explicite creditus, vel est vocatio divina ad fidem Christi maxime explicitam N. Testimonia in m. producta de gratia orationis & vocatione, posteriori distinctionis membro indicata, loquuntur. Et quidem de textu PAULI id præter versum 9. probat illatio v. 17. subiecta: *Ergo fides ex auditu, auditus autem per verbum Christi.*

De sententia autem AUG. id docet tum totus liber, tum quæ objectioni sunt immediate adjuncta; quia præmittit quæstionem, cur e duobus parvulis unus assumatur alter non assumatur ad Baptismum, & subnectit quæstionem, cur alter perseverantia in fide & bono donetur, alter non? adeoque in quæstione intermedia sciscitatur de altero vocato, altero non vocato ad fidem Christi. Tandem id ipsum contextus aperit de effato S. PROSPERI, qui continuo hanc rationem subjicit: *Quia scimus quidem in omnes fines terræ Evangelium destinatum, sed non putamus jam omnibus terræ finibus prædicatum, nec possumus dicere, quod ibi sit gratia vocatio, ubi Matris Ecclesiæ adhuc nulla est regeneratio.*

Cæterum vel solam fidem late dictam sufficere, ut quis Deum invocare queat, colligitur ex epist. ad Rom. gentes inexcusabiles asserente; quod Deum non glorificaverint, ut eum ex creaturarum testimonio cognoverant: gratiam vero quancunque etiam indirecte tantum moventem ad fidem dici posse vocationem, AUG. L. de gr. Chr. C. 13. 14. 19. 35. &c. sæpius ostendit.

360. *Obferua.* Post *Lutherum & Calvinum* negavit *JANSENUS*, *Judæis* sub *Lege Mosaica* adfuisse auxilia gratiæ sufficientis, atque ad hunc errorem suadendum quinque omnino capita impendit; sed quam fuerit hæc opera maligna, experti sunt inter alios *Arnaldus & Quesnellus*, illius in hoc non minus dogmate, quam in reliquis, jurati Sectatores. Prioris enim fuit illa propositio ab *Alex. VIII.* proscripta, num. 356. Inter posterioris autem propositiones a *Clem. XI.* solenni Constitutione *Unigenitus*, damnatas sunt 6ta & 7ma.

Equidem damus, quod nec *lex Mosaica*, pro solis præceptis sumpta, suffecerit ad bene agendum, nec eadem, secundum complexionem Sacramentorum ac principiorum accepta, per se aut iustificaverit, aut gratiam contulerit: negamus vero in statu legis aut cum lege hominibus non adfuisse gratiæ auxilium, quo fœderis hujus homines sancti fuerint iustificati, reliqui vero omnes sanctificari potuerint; cum ejus oppositum *S. AUG. L. 3. ad Bonif. C. 4., & D. Th. 1. 2. q. 93. a. 3. ad 4.* aperte doceant.

Rursus concedimus, *bonorum temporalium* promissiones fuisse legi antiquæ proprias; inficiamur vero, aut has promissiones in lege fuisse unicas, adeo, ut nec implicate vel obscure adjunctæ fuerint promissiones supernaturales ac æternæ; cum *vita æterna* *Abrahamo, Tobia, Machabæis* aliisque legatur in Scripturis promissa, aut saltem exspectata: aut has promissiones detinuisse hominum animos in solo terrenorum amore; cum teste *AUG. cont. Faust. l. 4. C. 2., & L. 23. C. 10.* bona temporalia *Judæis* fuerint figuræ æternorum, & incentiva ad felicitatem cælestem desiderandam.

Tandem fatemur, & occasione legis abundasse delictum ex hominum vitio, & legis scopum fuisse aliqueum; ut homines capto propriæ infirmitatis experimento implorarent opem Dei: sed quod aut lex ipsa fuerit mala, aut data sit ad finem malum, sic tanquam *Manichæi & Calvini* blasphemiam detestamur: præterea ab illius assignati scopi intentione seria abfuisse gratiæ sufficientis elargitionem pernegamus; quandoquidem ad opem Dei postulandam gratia sit necessaria, & ut *S. PROSPER resp. 8. ad Cap. Gall.* ait, *sine gratia nemo currat ad gratiam.*

CAPUT IV.

De Efficacia Gratiae Actualis.

ARTICULUS I.

An efficacia gratiae flet in entitate auxilii divini absolute sumpti?

361. **D**ico I. Efficacia gratiae non stat in entitate auxilii, motione sua voluntatem creatam necessitantis. Est de fide contra varios Hereticos.

Prob. Authoritate I. SCRIPTURÆ. Ubi voluntas se ipsam movet, flectit & determinat ad agendum; ubi ipsa etiam agit & operatur; ubi demum ita agit, ut poterit non agere; ibi auxilium divinum motione sua voluntatem non necessitat: sed in operibus piis ac salutaribus & praesente gratia efficaci voluntati creatae hæc omnia conveniunt: ergo ibidem auxilium divinum non necessitat voluntatem; ac proin efficacia gratiae non stat in entitate auxilii motione sua voluntatem creatam necessitantia.

Prob. min. Quoad 1^{um} ex Jerem. 3. *Tu fornicata es cum amatoribus plurimis: veruntamen revertere ad me.* Zach. 1. *Convertimini ad me, & convertar ad vos.* Ps. 118. *Inclinavi cor meum ad faciendas justificationes tuas.* Ezech. 18. *Facite vobis cor novum, spiritum novum.* Ad Tim. 4. *Exerce te ipsum ad pietatem &c.*

Quoad 2^{dum} ex Joann. 6. v. 27. *operamini non cibum, qui perit, sed qui permanet in vitam æternam.* Ad Philipp. 2. v. 12. *Cum metu & tremore salutem vestram operamini.* 1. ad Cor. 3. v. 8. *Unusquisque propriam mercedem accipiet secundum suum laborem: Dei enim sumus adjuutores, συνεργοί, h. e. cooperatores.* Ibid. C. 15. v. 10. *Gratia ejus in me vacua non fuit, sed abundantius illis omnibus laboravi: non ego autem, sed gratia Dei mecum.*

Quoad 3^{tium} ex Eccli. 31. *Potuit transgredi, & non est transgressus: facere mala, & non fecit; ideo stabilita sunt bona illius in Domino.* 1. ad Cor. 7. v. 37. *Qui statuit in corde suo firmus, non habens necessitatem;*
pote-

potestatem autem habens suæ voluntatis, Et hoc judicavit in corde suo, servare virginem suam, bene facit. Ad Phil. v. 14. Sine consilio autem tuo nihil volui facere, ut ne velut ex necessitate bonum tuum esset, sed voluntarium; Ergo.

II. CONCILIORUM & PATRUM: Valentini III. Can. 6. Toletan. IV. Can. 55. Senonensis Decret. 15. Denique TRID. Sess. 6. C. 5. & Can 2. De PATRIBUS sufficere nobis poterat testimonium, quod reliquit Calvin. L. 2. Inst. C. 3. §. 10. de gratia sic scribens: *Voluntatem movet, non qualiter multis sæculis traditum Et creditum, ut nostra postea sit electionis, motioni aut obtemperare aut refragari.*

Conf. 1. Est *libertas* arbitrii in omni actione morali, unde nec in pietatis operibus illa neganda est & inducenda *necessitas*; cum momenta omnia ad genus probandum facientia valeant etiam pro asserenda specie. 2. gratia quantumvis efficax non destruit *naturam*, sed *perficit*; dat posse operari, si voluntas velit: ergo nec tollit usum naturalem libertatis, sed *perficit*: ergo potentiam libertatis non minuit, sed *auget*: ergo ut vere juvet, nec libertatem nec ejus exercitium auferre debet. 3. alias in rebus hujusmodi locum non haberent *præcepta, admonitiones, exempla* & alia id genus; tolleretur e medio omnis diligentia & industria in pietate augenda & excolenda; non forent laude ac præmio digni, qui volunt & exercent hujusmodi opera; nec peccarent, nec juste punirentur, qui illa opera nolunt aut negligunt.

4. Discrimen inter prophetiam, donum linguarum, & miracula, & inter fidei, spei & charitatis aliarumque virtutum opera intercedit; sed nullum foret, si in postremis non magis liberissemus ac in prioribus. 5. est *difficultas*, quæ S. AUG. maxima & summa est visa; videri tamen non debuerat, si habuisset persuasum, conciliandam tantum esse gratiæ efficaciam cum spontaneitate voluntatis, non autem cum libertate, excludendam duntaxat coactionem, non vero necessitatem.

362. **Dico II.** Efficacia gratiæ non stat in entitate auxilii, virtute sibi intrinseca voluntatem sic moventis, ut *simpliciter & absolute* implicet non sequi consensum.

Prob.

Prob. universim contra Thomistas, Scotistas &c. Gratia præveniens efficax est talis naturæ, ut possit repudiari & frustrari effectū: ergo efficacia hujus gratiæ non stat in entitate auxilii virtute sibi intrinseca sic moventis voluntatem &c.

Prob. A. 1. S. Paulus 1. ad Cor. 15. v. 19. ait: *Gratia ejus in me vacua non fuit, sed abundantius omnibus laboravi*; & 2. ad eosd. 6. v. 1. scribit: *Adjuvantes autem exhortamur, ne in vacuum gratiam Dei recipiatis*. Inde sic arguitur: Gratia, de qua Apostolus utrobique loquitur, est talis naturæ, quæ potest repudiari, seu carere effectū, quia juxta S. Ambros. & D. Thom. in hos textus, tunc gratia in vacuum recipitur, quando nullus ex ea effectus percipitur, secundum illud Isa. 55.: *Sic erit verbum meum, quod egreditur de ore meo; non revertetur ad me vacuum, sed faciet, quæcunque volui*: sed gratia, de qua utrobique loquitur Apostolus, est efficax; tum quia eodem sensu accipitur posterior gratia, quo sumitur prior, quæ certo est efficax: tum quia ex utroque sensu ostenditur libertas arbitrii sub gratia; ut patet ex AUG. L. de gr. & lib. arb. C. 5.

Prob. 2. Gratia, cui potest resisti, cui liberum arbitrium a Deo motum & excitatum dissentire potest, si velit, quam homo abjicere potest, debet esse talis naturæ, quæ repudiari & effectū carere valeat: sed CC. SENON. ac TRID. dnm hæc prædicata enuntiant de gratia, loquuntur de præveniente efficaci; tum quia hic agunt contra Hæreticos, qui nullam nisi efficacem gratiam admittunt, & eadem libertatem hominis everti contendunt: tum quia SENON, loquitur de *auxilio gratia trahentis*, & cujus *interiori afflatu contacta humana voluntas se convertit in Deum*; TRID. autem de gratia, cui *cooperatur libere assentiendo* homo vel arbitrium humanum.

Prob. 3. Si gratia præveniens efficax non foret naturæ talis, ut posset repudiari, destrueret libertatem arbitrii: nam tenet se ex parte actus primi; & si non esset repudiabilis, voluntatem antecedenter ac insuperabiliter ad consensum obligaret: ergo.

Prob. 4. Eadem gratia, quæ in quibusdam est efficax, in aliis non est efficax, & caret effectū seu consensu: ergo gratiæ efficacia statui nequit in entitate auxilii oim-

tute sibi intrinseca voluntatem sic moventis, ut simplicitet & absolute implicet, non sequi consensum. *Prob. Ant. 1. Matth. II, v. 21.* Christus ait: *Si in Tyro & Sidone factæ essent virtutes, quæ factæ sunt in vobis, olim in cuncto & cinere penitentiam egissent:* ergo eadem auxilia, quæ in Judæis fuerunt inefficacia, & caruerunt effectu, in Tyriis & Sidonibus efficacia fuissent, & conjuncta cum effectu.

Prob. 5. Effectus gratiæ efficacis dependet etiam a libera electione, determinatione & operatione voluntatis creatæ: ergo efficacia gratiæ non stat præcise aut in sola entitate auxilii, aut in ejus motione tali, ut implicet, non sequi consensum. *Prob. Ant. 1. ex Eccli. 15. v. 14.* Deus ab initio constituit hominem, & reliquit eum in manu consilii sui; &c. 2. ex TRID., quod Sess. 6. C. 7. declarat, *Unumquemque accipere justitiam secundum mensuram, quam Spiritus Sanctus partitur singulis prout vult, & secundum propriam cujusque dispositionem & cooperationem.* 3. Ex effectu gratiæ efficacis, qui est operatio meritoria: sed ad operationem meritoriam non minus requiritur, ut pendeat ab electione libera & propria determinatione, quam ut sit a gratia divina; ergo.

363. *Dico III.* Efficacia gratiæ non stat in entitate auxilii virtute sibi intrinseca voluntatem sic moventis, ut moraliter implicet, non sequi consensum; contra AUGUSTINIANOS.

Prob. 1. Auxilium sic ex natura sua & per se voluntatem movens nec est necessarium ad obtinendum effectum, nec semper adest, dum obtinetur effectus: ergo efficacia gratiæ in entitate hujusmodi auxilii male statuitur. *Prob. 1ma pars Ant.* Si auxilium ita voluntatem movens foret necessarium, qui illud non reciperet, non haberet auxilium sufficiens; quia hoc includit auxilia necessaria ad agendum: sed plurimi peccatores, qui auxilium ita movens nec sentientes nec recipientes male agunt, vel non convertuntur, auxilio tamen sufficiente non carent, ideoque non excusantur a culpa: ergo.

Prob. 2a. partis. Constat tum experientia, quod in venia inimicis danda, in resignatione ad mortem aliisque in casibus naturali inclinationi repugnantibus sentimus magnam operandi difficultatem & animi reluctantiam; tum ex Scriptura Matth. LI., quod regnum coelorum vim patia-

atur, & violenti rapiant illud: ergo nec semper nec in operibus salutaribus adest auxilium ita movent iratam; cum inde voluntas sentiret magnam difficultatem non consentiendi seu non agendi bene.

II. Illa *moralis infallibilitas* consensus ponendi & uturi ex motione illius gratiæ neque est tantum *late dicta* seu talis, quæ significet consensum possum ac fere semponendum, subinde tamen sed rarissime omittendum; a in hoc casu quantumvis rarissimo reipsa gratia nec foreffica, nec medium infallibile ad obtinendum effectum: neque est *stricte dicta* & talis, quæ significet consensum simpliciter non posse non poni; quia alias hæc gratia in se esset irreputiabilis, atque hinc non posset conciri cum libertate humana; neque est *quasi intermedia* & is, quæ significet consensum pro omni casu possibili reia ponendum, quamvis simpliciter possit non poni; quia, infallibilitas hæc fundetur in una auxilii virtute & ratione propria movendi, infallibilitas hæc æque repugnabit certati, & gratia non poterit repudiari, ac illud dictum de infallibilitate stricte dicta; cum idem videatur, obatiæ entitatem & motionem intrinsecam consensum simpliciter non posse non poni, ac ob eandem rationem non se possibilem ullum casum, quo consensus non ponatur, u consensum pro omni casu possibili esse ponendum.

III. Præscientia & dominium Dei in actus creaturæ beros debet esse *metaphysice* infallibile; quia in Deo deet statui omnis perfectio simpliciter simplex, qualis sine ubio est infallibilitas metaphysica sive summa præscientiæ & domini divini: sed in hac sententia præscientia & dominium Dei in actus creaturæ liberos non foret metaphysice, ad tantum *moraliter* infallibile, ut supponitur: ergo.

Objectiones.

364. *Objic. contr. 1m.* In salutis ac pietatis negotio homo plane nihil operatur: ergo liberi arbitrii usus in eo nullus est. *Prob. Ant.* In creatione & resurrectione nihil operatur, qui creatur & resuscitatur; sed in salutis negotio per gratiam homo creatur, ut patet ex Ps. 50. v. 12. *Cor mundum crea in me Deus, & spiritum rectum innova in visceribus meis;* & resuscitatur, juxta Apostolum ad Coloss. 2. v. 13. dicentem: *Et vos, cum mortui essetis in delictis, convivificabit cum illis: ergo.*

R. D. M. In creatione & resurrectione substantiali & physica nihil operatur, qui creatur aut suscitatur, **C.** in accidentali & spiritali **N.** vel *jude*. Nihil operatur, quantum attinet ad ipsam creationem & resurrectionem, **C.** quantum attinet ad dispositionem vel meritum hujus beneficii, **N.** In *justificatione* non creatur substantia cordis, sed mundities efficitur, in qua quamvis uni Deo tribuenda sit infusio gratiæ & deletio peccati, tamen ipse homo per actus salutare ex gratia accepta elicitos eandem de congruo *mereri*, ad eam se *preparare*, & sic *cooperari* potest; quod in physica & substantiali creatione, quæ supponit rem nullo modo præexistere, fieri nequit.

Similiter in *resurrectione spiritali*, quæ per justificationem evenit, non ita ut cadaveri physico, sic etiam peccatori deest omne genus vitæ aut virtutis vitalis; cum is gratia præveniente excitatus & adjutus, motus salutare edere possit, & sic Deo se ad vitam revocanti cooperari. Cæterum hæc & aliæ Incarnationis aut miraculorum operum comparationes quidem usurpantur a PATRIBUS ad declarandam auxilii divini *gratuitatem*, minime vero transferri debent ad exponendum ejus operandi modum; ob quem plures *Quesnelli* propositiones a 21ma ad 25tam merito sunt damnatæ.

Inst. 1. Ubi Deus omnia & totum operatur, homo operatur nihil: sed Deus omnia operatur in hoc negotio, ajente Paulo 1. ad Cor. 12. v. 6.: *Qui operatur omnia in omnibus*; & operatur totum fatente AUG. in Enchir. C 32. *Totam Deo dandum est &c.* ac L. de don. persever. C. 13. *Hoc nobis expedit & credere & dicere, hoc est pium, hoc verum, ut sit humilis & submissa confessio, & totam detur Deo: ergo.*

R. D. M. Ubi Deus omnia & totum adæquatione tum causæ tum effectus operatur, homo operatur nihil, **C.** ubi omnia quidem & totum adæquatione effectus, non autem causæ operatur, **N.** Nullus quidem effectus est, & in effectu bono nihil, quod Deus non operetur, & sic omnia ac totum *adæquatione effectus* operatur: hominem tamen cooperari ostensum est num. 361.: adeoque Deus non operatur omnia & totum adæquatione causæ: *Non partim gratia partim liberum arbitrium; sed totum singula opere individuo peragunt*, ut AUG. serm. 15. de verb. Apost. C. 11. loquitur.

Inst.

Inst. 2. Deus ita operatur, ut etiam excludatur humana cooperatio; tum quia Psalmista ps. 99. v. 3. ait: *Scitote, quoniam Dominus ipse est Deus: ipse fecit nos, & non ipsi nos*; quod ex versu subsequente S. Augustinus intelligendum de secunda generatione contendit: tum quia S. Doctor L. de gr. & lib. arb. C. 17. ait; *Ut velimus, sine nobis operatur*: ergo.

R. N. Ant. Textus imus simili modo explicandus est, præsertim cum AUG. serm. 15. C. 11. cit. id manifeste declaret: *Totum ex Deo; non tamen quasi dormientes, non quasi ut non conemur, non quasi ut non velimus . . . Qui ergo fecit te sine te, non te justificat sine te: ergo fecit nescientem, justificat volentem; tamen ipse justificat, ne sit justitia tua.* Quoad 2dum addi oportet, quod ibidem statim subjungitur: *Cum autem volumus & sic volumus, ut operemur, nobiscum cooperatur*; itaque illa suscitatio & inspiratio ad volendum, quæ est gratia excitans, sit a Deo sine nobis saltem libere cooperantibus; non autem ipsa voluntas nostra bona & opus salutare sine propria libertate & cooperatione habetur.

Inst. 3. Homo non potest resistere voluntati divinæ; ergo nec gratiæ divinæ: tum quia hæc nihil aliud est, quam omnipotens Dei voluntas & operatio: tum quia, si homo resisteret gratiæ Dei, consequenter & ejus voluntati resisteret.

R. N. Conf. Disp. est: Voluntas Dei scilicet absoluta & efficax, frustrari non potest, neque etiam effectu quantumvis a nostra libertate dependente carere; tum quia ejusmodi decreta Dei sunt prælucente scientia media de futuro consensu, quæ falli non potest: tum quia homo impedire non potest, ne Deus habeat & adhibeat media, quæ, licet ex se sint repudiabilia, Deus tamen infallibilitate prævideat conjungenda cum consensu hominis libero, ut docet S. AUG. L. I. ad Simpl. q. 2. ubi ait: *Non potest effectus misericordie Dei esse in hominis potestate, ut frustra ille misereatur, si homo nolit; quia, si vellet etiam ipsorum miseri, posset ita vocare, quomodo illis aptum esset, ut & moverentur, & intelligerent, & sequerentur.*

Gratia vero ex natura sua est repudiabilis, adeoque eidem homo absolute resistere potest: quin etiam si gratia sit medium adhibitum vi voluntatis Dei efficacis, tamen,

quia de se repudiabilis manet, homo eidem potest resistere potentia non quidem reducenda, sed reducibili ad actum. Ad rationes N. Aff. Prioris quidem falsitas liquet ex dictis num. 252. posterioris vero ex contradictione, quam involvit, cum supponatur, talem gratiam esse & non esse habituram effectum. Supponitur enim gratiam dari ex vi voluntatis *absolutæ & efficaciæ*, ideoque prævideri infallibiliter habituram effectum; cum nulla detur gratia ex vi talis voluntatis, quæ prius non prævideatur a Deo habitura effectum, si daretur; simul tamen etiam supponitur, gratiam non habituram effectum, cum homo supponatur ei resistere.

Inst. 4. Cum gratia non stat potentia peccandi, ut docet tum Joannes ep. 1. c. 3. v. 9.: *Omnis, qui natus est ex Deo, peccatum non facit: quoniam semen ipsius in eo manet, Et non potest peccare*; tum AUG. L. de corr. & gr. C. 12.: *Prima libertas voluntatis erat, posse non peccare: novissima erit multo major, non posse peccare: ergo.*

R. N. Ant. Textus Apostoli intelligendus est non de auxilio gratiæ, sed de gratia charitatis, & quidem in sensu composito, quatenus ex Deo natus, quantum nativitatem hanc & semen gratiæ, quo renatus est, conservat, ejusque ductum sequitur, peccare non potest; aut in sensu formali, quantum scilicet est ex parte nativitatis diviniæ, & si vim nativitatis diviniæ & gratiæ spectes, quæ si sinatur agere, nec ei resistat liberum arbitrium, excludit omne peccatum, ne cum eo possit consistere: non tamen in sensu diviso aut materiali; cum justus absolute peccare possit; ut in ead. ep. indicat Apostolus, dum C. 2. v. 1. ait: *Filioli mei! hæc scribo vobis, ut non peccetis.*

Textus S. AUG. non pertinet ad gratiam, sed ad donum impeccabilitatis, immortalitatis & perseverantiæ, quo ornantur Beati in cælo; neque hic opponitur status innocentie statui naturæ lapsæ, sed statui gloriæ, ut ex verbis immediate subjunctis liquet: *Prima immortalitas erat posse non mori: novissima erit multo major, non posse mori. Prima erat perseverantiæ potestas, bonum posse non deserere: novissima erit felicitas perseverantiæ, bonum non posse deserere.*

Inst. 5. Gratia juxta AUG. L. de gr. & lib. arb. C. 16. habet vires efficacissimas; juxta eundem L. de Corr. &

gr. C. 12. movet *indeclinabiliter* & *insuperabiliter*; ita Ecclesiasticas preces etiam *rebelles compellit voluntas*: ergo necessitat.

Re. quoad 1m, N. Conf. Quia vires gratiæ quamvis sint *efficacissimæ*, possunt tamen esse repudiabiles subjectæ libero arbitrio. Quoad 2d. N. A. verba *indeclinabiliter* & *insuperabiliter* non efficiunt motum agendi gratiæ, sed ipsam voluntatem a Deo motam consentientem, quatenus hæc jam nequeat superari a temptatione & adversitate; unde S. Doctor postquam dixit: *Subventum est igitur infirmitati voluntatis humanæ, ut divina gratia indeclinabiliter & insuperabiliter geretur*; subjungit: *& ideo quamvis infirma non tamen eficeret, neque adversitate aliqua vinceretur*; & *infirmis servavit, ut ipso dominante invictissime, quod bonum est, vellent, & hoc deserere invictissime nollent*. Præterea vide dicta num. 282. Inst. 2. Item D. A. Compellit proprie & stricte, seu cogit & necessitat, N. improprie & late, seu efficaciter movet & facit, ut voluntates ex nolentibus fiant volentes C.

Inst. 6. Voluntas sine gratia nihil boni operari potest; gratiam accipit ante usum libertatis; gratia efficaci posita necessario ponit opus bonum: ergo.

R. Vera quidem est propositio 1ma, quod voluntas sine gratia sit omnino insufficientis, & nihil boni operari possit: 2da rursus est vera, quatenus dicit gratiam dari & accipi ante actualem aut prævisum absolute futurum libertatis usum; falsa tamen est, si excludatur scientia media seu prævisio consensus liberi sub conditione futuri: 3tia est absolute falsa; cum de necessitate antecedente, non autem consequente tantum enuntiet.

Inst. 7. Per gratiam voluntas non tantum regitur, sed agitur, ut pluribus in locis maxime L. de gest. Pelag. C. 3. Aug. ait; *Procul dubio plus est agi, quam regi: qui enim regitur, aliquid agit; qui autem agitur, vix aliquid agere intelligitur: Et tamen tantum præstat voluntatibus nostris gratia Salvatoris, ut non dubitet Apostolus dicere; Quotquot Spiritu Dei aguntur, ii sunt filii Dei*; ergo nullus hic est usus libertatis humanæ.

Re. N. Conf. Tum quia per hæc verba: *Qui autem agitur, vix aliquid agere intelligitur*, principalis duntaxat

zat, non autem omnis actio excluditur; tum quia actio ista divina excitatio etiam repudiabilis intelligitur, ut S. Doctor in Enchir. C. 64. declaravit his verbis: *Quamvis de illis sit veraciter dictum: quotquot spiritu Dei aguntur, hi sunt filii Dei: sic tamen spiritu Dei excitantur Et tanquam filii Dei proficiunt ad Deum, ut etiam spiritu suo tanquam filii hominum quibusdam motibus humanis deficiant ad se ipsos Et ideo peccent.*

365. *Objic. contr. 2a.* SCRIPTURA pluribus in locis adstruit gratiam tum *prædeterminantem*, tum *per se efficacem*: ergo. *Prob.* Voluntas nostra ita essentialiter pendet a Deo in actibus etiam liberis & bonis, ut eos ipse in nostra voluntate operetur; patet ex Isa. 26.: *Omnia opera nostra operatus est in nobis*; & ad Philipp. 1.: *Qui capit in nobis bonum opus, ipse perficiet*: ergo Deus voluntatem ad hos actus prædeterminat.

R. N. A. Non vacat hic examinare, an testimonia Scripturæ in sensu litterali de auxilio gratiæ asserantur, nec ne; sed eo interim supposito *ad 1m. p. prob. 1.* R. N. *Conf.* Ex eo enim, quod Deus operetur nostra opera, gratia duntaxat *adjuvans*, non autem *præveniens*, multoque minus *prædeterminans*, rite infertur. Præterea *1mus* textus non potius inferret prædeterminationem in operibus bonis, quam malis: *2dus* autem juxta D. THOMAM non minus excludit errorem eorum, qui dixerunt, necessitari voluntatem; quam *Pelagianorum*, qui volebant opera bona solis naturæ viribus inchoari & perfici.

Inst. 1. Deus habet liberum creaturæ arbitrium in manu sua, ut quocunque voluerit, vertat illud; patet ex Prov. 21.: *Sicut divisiones aquarum, ita cor Regis in manu Dei: quocunque voluerit, inclinabit illud*; Jerem. 18.: *Sicut lutum in manu figuli: sic vos in manu mea, dicit Dominus*; Esther. 14.: *Transfer cor illius in odium hostis nostri*, & 15.: *Convertit Deus spiritum Regis in mansuetudinem*. Sed hoc fieri non potest nisi prædeterminando: ergo.

R. N. m. Sicut hoc fieri non debet necessitando, sic nec *prædeterminando*; quia Deus per cogitationes sanctas & congruas, atque per inspirationes & affectiones cogitationibus illis proportionatas ita movere potest hominis arbitrium, ut quo voluerit, vertat illud. Plus non
exi-

gere textum *1mum* ipsa verba satis declarant: *2dum* quini, si comparatio sumatur tanquam omnimoda, amplius id desiderabit, sed quod sit hæreticum; nempe hominem habere se *mere passive*: reliqui vero mutationem non si morali modo factam, si contextus attendatur, insinuant.

Esther enim C. 14. ita loquitur: *Tribue sermonem ore meo in conspectu leonis, Et transfer cor illius &c.*; & qua petitione apparet mutationis medium fuisse sermonem ad movendum accommodatum & aptum, cui Deus iterius *rationes congruas* proponendo & affectiones ad persuasionem conducentes excitando cooperaretur. Cateum ex his & similibus locis Aug. L. 1. contr. 2. epist. *elagii* C. 2. *universim* quidem gratiæ efficacis auxilium, non vero *naturam* vel operandi *modum* colligit; quin L. *le gr.* & lib. arb. C. 21. eadem testimonia usurpat, ut probet Deum etiam ad *mala* inclinare; quod certe Deus directe ac positive non facit, adeoque nec *prædeterminando*, præsertim si modus agendi per Angelos bonos vel malos ibidem a S. Doctore assertus admittatur.

Inst. 2. Voluntas divina est efficacissima & omnipotens, cui non valet resistere humana voluntas; patet ex Isa. 46. *Judicium meum stabit, Et omnis voluntas mea fiet*; Esther. 14.: *Domine Deus! in ditione tua cuncta sunt posita, Et non est, qui possit tua resistere voluntati.* Sed hæc antecedit deliberationem voluntatis humanæ: ergo.

R. D. m. Voluntas Dei præcedit deliberationem voluntatis seu consensum absolutum C. conditionatum N. Ex testimoniis relatis defendenda sunt Catholicis omnibus *quatuor dogmata* ad Deum pertinentia. *1mum* est, consilium divinum nec deficere nec frustrari posse: *2dum*, voluntatem Dei efficacem & absolutam semper impleri: *3tium*, in manu divinæ potentie omnia esse constituta: *4tum*, neminem tali voluntati divinæ posse resistere. Iisdem vero rursus quatuor alia ad hominem spectantia aliunde debent esse indubitata.

Eorum *1mum* est, divinæ voluntatis efficaciam & omnipotentiam non auferre, nec impedire sive electionis sive operationis libertatem: *2dum*, executionem consilii vel decreti divini sæpius pendere ab hominis libertate: *3tium*, quæ decreta sunt a Deo, ut per liberum hominis arbitrium fiant, ab eo non fieri simpliciter & absolute inevitabiliter:

4^{um}, decretum Dei de actibus a libero arbitrio præstatis non auferre veram & proximam ejus potentiam ad agendum & non agendum.

Inst. 3. Deus non tantum dat posse, sed etiam velle & agere, ut patet ex ep. ad Philip. 1. supr. cit. & C. 2.: *Deus est, qui operatur in nobis velle & perficere pro bona voluntate*; sed gratia, quæ dat velle & agere, est per se efficax; quia ex intrinseca sua virtute id facit: ergo.

R. N. m. Ut Deus dicatur dare non solum posse, sed & velle ac agere, sufficit, quod Deus ad bona opera non solum det dona gratiæ, quibus homo sit potens ad talia opera efficienda, sed etiam actu influat in ista opera, dum ea fiunt per gratiæ dona; quod adeo verum est, ut, licet Deus in voluntate hominis præviam aut necessariam in actu primo determinationem daret, illius tamen virtute non diceretur per se ac proprie facere ipsum velle, nisi alio modo immediate influeret in ipsum velle vel actum: unde ex præmissa propositione & testimoniis nec inferitur nec probatur aliud, quam præcise auxilium efficax & quidem simultaneum seu in actu 2^{do}, minime vero auxilium aliquod præveniens sive prædeterminans.

Ad rationem additam D. Facit id ex virtute sua intrinseca h. e. virtute & actione propria, non, vero aliena agit & operatur C. h. e. ex natura & entitate sua debet agere & necessario cum effectu connectitur N. Primum indicat veram & propriam causam efficientem, qualem omnes gratiam esse fatentur; alterum necessariam gratiam cum effectu connexionem & causalitatem necessario existentem designat, quam nos negamus gratiam ex intrinsecis ejus prædicatis convenire.

Inst. 4. Deus facit, ut velimus & faciamus; ut constet ex Ezech. 11.: *Dabo vobis cor novum & spiritum meum ponam in medio vestri, & faciam, ut in præceptis meis ambuletis*: sed hæc gratia rursus alia non est, quam per se efficax; præsertim quia, ut AUG. L. de præd. Sanct. C. 10. ait: *Deus id non de nostræ voluntatis potestate, sed de sua prædestinatione promisit*: ergo.

R. N. m. Non intelligi allatis verbis prædeterminationem aut aliam determinationem, quam Deus solus in hominis voluntate faciat, patet ex supra dictis, quia ab homine etiam Ezech. 18. postulatur, *ut faciat sibi cor novum*;

m & spiritum novum; & præterea additur: Cum aver-
it se impius ab iniquitate sua, quam operatus est, & se-
it iudicium & iustitiam, ipse animam suam vivificabit.
 de vero facile colligitur, nec gratiam per se efficacem ex
 his verbis probari, sed ad summum congruam excitatio-
 nem & vocationem, quæ infallibiliter quidem, sed tamen
 vera determinatione homini penitus relicta, consensum
 operationem inferat.

Ad. Rat. addit. R. Duo hic a S. Doctore ostendi-
 num, Deum non solum bona opera dare eo tempore,
 quo fiunt, sed illa etiam priori tempore promississe, & ab
 æterno prædestinasse. 2dum, Deum non dare gratiam ad
 faciendâ opera bona, nec facere ipsa bona opera, quia ho-
 mines ex naturali voluntate & propriis naturæ viribus illa
 non tempore faciunt, aut Deus illos ita facturos prævidit;
 ad quos Deus hæc priori tempore promissit & ab æterno
 prædestinavit. Porro ad neutrius veritatem requiritur,
 ut gratia præveniens, qua Deus facit, ut faciamus, sit per
 se efficax; sed sufficit gratia, cui etiam secundum se spe-
 ctatæ voluntas humana possit resistere; modo aliunde in-
 fallibile sit, consensum futurum, atque hinc implenda pro-
 missa & prædestinationem non frustrandam.

Inst. 5. Opus nostrum bonum tribuendum est soli
 misericordiæ divinæ, aut illi saltem principaliter juxta il-
 lud Pauli ad Rom. 9.: *Non est volentis, neque currentis,*
sed miserationis Dei: sed illi non foret ita tribuendum, nisi
 gratia esset per se efficax & prædeterminans; quia si ideo
 hoc tantum diceretur, quod voluntas hominis non suffi-
 ciat ad recte operandum, nisi adjuvemur misericordia Dei,
 posset etiam dici juxta S. AUG. in Enchir. C. 32.: *Non*
esse Dei miserationis, sed hominis volentis; quia misericor-
dia Dei sola non sufficit, nisi consensus nostra voluntatis
addatur: ergo.

R. N. Supp. M. Non propter unam gratiam adjuvan-
 tem, sed & maxime quidem propter prævenientem opera ho-
 minis bona etiam secundum executionis ordinem spectata,
 tum principaliter, tum soli misericordiæ divinæ tribuimus
 cum S. AUG., qui loco in objectione cit. subjungit: *Re-*
stat, ut propterea recte dictum intelligatur, non volentis
hominis, sed miserationis est Dei, ut totum detur Deo, qui
hominis voluntatem bonam & preparat adjuvandam, &
adjuvat præparatam; & L. I. ad Simpl. q. 2. dixerat:
 Non

Non igitur ideo dictum putandum est, non volentis neque currentis, sed misereris est Dei, quia sine ejus adjutorio non possumus adipisci, quod volumus, sed potius, quia sine ejus vocatione non volumus: pro cujus ratione ulteriori assignari potest, quod L. 83. QQ. q. 69. dixerat: Licet quis sibi possit tribuere, quod veniat, non potest tamen talis tribuere sibi, quod vocatus sit. Ex hoc vero quamvis necessitas gratiæ prævenientis ostendatur, pro ejus tamen natura & efficacia ab intrinseco plane nihil decernitur.

Inst. 6. Ecclesia in orationibus suis agnoscit & petit gratiam, quæ inspirando Sancti Spiritus fervorem reddat nos efficaces, rebelles compellat voluntates, frangat voluntatis pravitatem, quod rigidum est, flectat, & sola efficaciter nos Deo conjungat: sed gratia hujusmodi est ex se efficax; quia si efficacia gratiæ non peteretur ab ejus natura & entitate, sed a consensu futuro aut hujus præscientia, illa efficacia esset in nostra potestate, & hinc gratiam a Deo postulare non foret necesse: nam ut Aug. L. de nat. & gr. C. 18. ait: Quid stultius, quam orare, ut facias, quod habes in potestate; & L. de don. persever. Quis veraciter gemit desiderans accipere a Domino, si hoc a se ipso se sumere existimat, non ab alio: ergo.

R. N. m. Fatemur quidem diversis his propositionibus exprimi gratiam efficacem: eam autem ex se & natura sua efficacem asseri negamus; cum nihil ulla propositio contineat, quod gratiæ quantumvis ex se repudiabili non congruat, si detur ex certa præscientia & prædefinitione futuri consensus. Ejusmodi enim gratia hoc ipso, quod in pia voluntatis affectione sita sit, & efficax statuatur, inspirando fervorem reddit nos efficaces; quod efficaciter movendo ex nolentibus faciat volentes, tum rebelles compellit voluntates, tum voluntatis pravitatem frangit, tum rigidum flectit & inclinat; quod congrue ad amorem Dei excitet voluntatem, sola nos Deo conjungit: maxime cum etiam in Scriptura legamus, homines terrore, egestate, necessitate compelli, responsione molli iram frangi, amore animam Jonathæ conglutinatam fuisse animæ Davidis &c.

Ad Rat. Transmisso Supposito; D. seq. Efficacia gratiæ esset in nostra potestate hoc sensu, quod per liberum nostrum arbitrium secundum se & nude sumptum potestatem ac sufficientiam habeamus ad implenda Dei mandata

salutaria opera præstanda N. hoc sensu, quod jam col-
le a Deo gratiæ liberum arbitrium possit dissentire; vel
em per vires ab ea acceptas consentire, & sic facere,
hæc gratia sit *in actu secundo* efficax, ac talis futura sit
evisa, quam tamen dare vel non dare nobis unice pen-
sat a libera voluntate Dei C. Prius asseruerunt Pelagia-
eorumque reliquiæ, atque id reprehendit in laudatis tex-
tus S. AUG. ut L. de Hæres. C. 88. testatur: *Illam vero*
gratiam Dei, sine qua nihil boni possumus facere, non
dicunt, nisi in libero arbitrio . . . Destruunt etiam
rationes, quas facit Ecclesia, sive pro infidelibus &
obstinatione Dei resistentibus, ut convertantur ad Deum,
ve pro fidelibus, ut augeatur in eis fides & perse-
verent in ea. Hæc quippe non ab ipso accipere, sed a
ipsis homines habere contendunt.

Inst. 7. S. AUG. L. 2. contra duas ep. Pelagii C. 8.
gratiam vocat inspirationem bonæ cupiditatis, ut homo
non sit invitus nec reluctans; sed ut fiant ex nolentibus
volentes, & ex repugnantibus consentientes: 2do L. de gr.
& libr. arb. C. 5.: magnam & efficacissimam vocationem:
3tio L. de gr. Chr. C. 24.: internam, occultam, mirabi-
lem & ineffabilem potestatem: 4to L. 4. contr. Jul. C. 8.:
omnipotentissimam voluntatem, & L. de corr. & gr. C.
14.: inclinandorum cordium omnipotentissimam potesta-
tem. Sed hæc omnia designant gratiam ab intrinseco effi-
cacem: ergo.

R. N. m. Omnia hæc prædicata verificantur de gra-
tia congrua præveniente & voluntatem ita efficiente, ut
illa non tantum possit velle & operari bonum, sed etiam
re ipsa velit & operetur; ad quod *infallibiliter* præstandum
non requiritur auxilium ex se efficax seu necessario vi suæ
entitatis connexum cum consensu, sed sufficit etiam tale,
quod ex præscientia futuri consensus ac hujus prædefini-
tione datur. Præterea S. AUG. gratiæ tribuendo hujusmo-
di titulos, non intendit explicare *modum* efficaciæ in gra-
tia, sed errores *Pelagianorum* convellere, & ostendere
gratiæ necessitatem in excitanda, prævenienda & adjuvan-
da voluntate.

Ubi vero L. de corr. & gr. asserit Deo humanorum
cordium inclinandorum *omnipotentissimam* potestatem,
idem etiam *modum* inclinandi exponit gratiæ congruæ
con-

convenientem, dicens: *Quomodo adduxit? nunquid corporalibus ullis vinculis alligavit? intus egit, corda movit, eisque voluntatibus eorum, quas ipse in illis operatus est, traxit?*

Inst. 8. S. Doctor 1. hanc efficaciam repetit ex voluntate & omnipotentia Dei, idque declarat exemplis Pauli, Assueri, Amasæ. 2. in assignanda causa, cui unus convertatur & efficaciter vocetur, alter non item, confugit ad illud Apostoli: O altitudo divitiarum! 3. statuit, totum opus bonum esse tribuendum Deo; non quasi liberum arbitrium non agat, sed quia ut agat, agitur & efficaciter præmoveretur.

R. N. Aff. Non quidem sequitur ex principio Imo, gratiam de se esse efficacem; tum quia hoc axioma rursus verificatur in gratia congrua; maxime cum efficacia non repetatur a voluntate & omnipotentia Dei causa & sine sapientie suæ præscientiæ decernente aut agente: tum quia mens Aug. etiam hic non erat efficacis gratiæ naturam & modum operandi exponere, sed ejus necessitatem & effectum contra Pelagianos demonstrare. Atque hoc quidem de exemplo Pauli & Amasæ.

Quod porro sententias attinet, quamvis prima & secunda ex aliis capitibus nobis minime repugnantibus sint veræ; S. Doctor tamen in L. de corr. & gr. earum veritatem fundat duntaxat in eo, tum quod quolibet plantante, rigante ac operante det incrementum Deus: tum quod ille nequeat non facere voluntatem Dei, qui in ejus corde operatus est, ut hoc vellet & faceret. 3. tiam demum sententiam exponit ipse eod. L. 8. C. 100. subjungens: Propterea magna opera Domini exquisita in omnes voluntates ejus, ut miro & ineffabili modo non fiat præter ejus voluntatem, quod etiam contra ejus sit voluntatem: quia non fieret si non fineret, nec utique nolens finit, sed volens: nec fineret bono fieri male, nisi omnipotens etiam de malo facere posset bene. Adeoque nec principium istud pro gratiæ efficacia intrinseca in præsentia statu quidquam evincit.

Nec sequitur ex 2do; quis hoc principium ad distributionem gratiæ efficacis, minime vero ad ejus naturam pertinet: quandoquidem in quocunque systemate de viribus gratiæ Catholico ad solvendam questionem, cui
alter

r gratiam efficacem a Deo accipiat, alter non, pro ultima responsione nihil restare statuatur, quam necessarius illud Apostolicum recursus.

Denique nec ex 3tio principio sequi gratiam de se faciem, patet ex dictis num. 364. Caterum citato loco quidem de gratia interna sed externa duntaxat agitur, Deus non inducit aut non finit nos inferri in tentanem; quod utique totum est dandum Deo, & ab illo endum, ut ibidem S. AUG. tum ex Evangelio tum ex tione S. CYPRIANI demonstrat.

Inst. 9. PATRES tum priores, tum posteriores Ag- stino eandem gratia naturam agnoscunt. Ex 1ma classe TERTULL. L. de Anim. C. 21. dicit vim gratia potentia- n natura, quod habeat in nobis subjacentem sibi liberi bitrii potestatem. BASILIUS L. de Sp. S. C. 8. gratiam pellat auxilium, quod per imperium suae potentia ope- tur in nobis. AMBR. L. de Sac. fuga C. 1. scribit, non e in potestate nostra cor nostrum. Ex 2da PROSP. in ep. Rufin. FULG. L. 1. de verit. praed. & grat. C. 15. &c.

R. N. Ass. Quoad 1mam classem I. TERTULL. l. c. apugnat Valentinianos, qui convertibilem negabant na- uram, ut Trinitatem suam in singulis proprietatibus gurent; contra quos cum ex Sacris Litteris probasset de pidibus suscitari filios Abrahæ, & genimina viperarum icere fructus poenitentia, illudque ostendisset non evenire ne mutatione, demum effectum hunc tribuit gratia di- iae moventi liberam arbitrii potestatem, quæ cum sit Es- sa naturalis atque mutabilis, quoquo vertitur, natura mvertitur. Unde eatenus gratia asseritur hic potentior atura, Et habens subjacentem sibi liberam arbitrii pote- atem, quatenus natura est formaliter mutabilis in ipso li- ero arbitrio, & hoc movetur a gratia; non autem quate- us gratia aut prædeterminat, aut necessario determinat.

2. In BASILII verbis relativum quod in accusandi, on autem in nominandi casu usurpatur, ut adeo dicatur uxilium gratia in nobis fieri & existere per divina poten- ia imperium, quod non efficaci tantum, sed & sufficienti ratia convenit. Quodsi vero etiam usurpatur relativum n nominandi casu, non tam gratia efficax, quam sufficiens ntelligi potest ex contextu, cum addatur: nos fecit vasa
uti-

utilia Domino, apparatus ad omne opus bonum, & promptitudinem illius, quod erat in nobis.

3. S. AMBR. tantum negat cor nostrum esse in potestate nostra, quantum ad excitationem aliquam vel tactum cordis per cogitationem antecedentem, ut patet tum ex antecedentibus: *Frequenter irrepit terrenarum illecebra voluptatum, & vanitatum effusio mentem occupat, ut quod evitare studeas, mente volvas; tum ex consequentibus: Sed nostrae cogitationes, quae improvise effusa mentem animumque confundunt, atque alio trahunt, quam tu proposueris, ad saecularia revocant.*

Quoad 2dam classem patet ex ipsis verbis objectis, PATRES his sententiis pugnasse contra *Pelagianos & Semi-pelagianos*, qui vel negabant gratiam internam & operantem esse necessariam ad fidem aliaque opera bona; vel eam contendebant esse pedissequam voluntatis & meritorum naturalium: quare nulla veri specie ad probandam gratiam de se efficacem afferruntur.

366. *Objic. contr. 3t.* Gratia, quae ex natura sua & per se ita movet voluntatem, ut *moraliter* implicet, non requirit consensum, salvat infallibilitatem praescientiae divinae; ergo. *Prob. Ant.* Deus per scientiam simplicis intelligentiae comprehendendo essentiam hujus gratiae & indolem voluntatis humanae videt hanc veritatem conditionatam: *si existeret hujusmodi gratiae auxilium, daretur consensus*: sed hoc ipso Deus habet certitudinem metaphysicam de consensu infallibiliter ponendo sub hypothese talis gratiae per solam simplicem intelligentiam; sicut juxta nos habet certitudinem metaphysicam de hac veritate per scientiam mediam: ergo.

R. N. M. Deus per scientiam simplicis intelligentiae comprehendendo hanc gratiam & voluntatis indolem videt duntaxat gratiae auxilium habere necessitatem *moralem* ad consensum, non autem in illis videt consensum infallibiliter futurum; quia hic est simpliciter contingens, cujusmodi res tantum per scientiam mediam cognoscuntur, ut dictum in Tr. de Deo.

Inst. 1. Haec veritas conditionata est *metaphysice* certa, & cognoscitur per simplicem intelligentiam: *si existeret moralis necessitate consensus, daretur consensus*: ex-

etiam metaphysice certa est, & per simplicem intelligentiam cognoscitur hæc veritas: *si existeret auxilium gratia moraliter necessario inferentis consensus, daretur consensus*; quia metaphysice certum est, quod moraliter necessario existat consensus, si existit auxilium moraliter necessario inferens consensus.

R. 1. D. A. Hæc veritas est metaphysice certa & per simplicem intelligentiam cognoscitur, si æquivalet huic: *existeret consensus procedens ex morali necessitate, existeret consensus C.* si æquivalet alteri: *si existeret moralis necessitas ad consensus, existeret consensus N.* Quia simpliciter & absolute fallere potest, quod tantum sub conditione moraliter necessaria inferitur. **R. 2. T. A. N. Conf. prob.** Ex eo enim, quod metaphysice certum sit, si existat aliquod auxilium, moraliter existere consensus, consensus non existit certo metaphysice, sed tantum moraliter; adeoque nec scientiam Dei metaphysice certam fundare obstat potest.

Inst. 2. Gratia ejusmodi non necessitaret voluntatem ad consensus necessitate *physica*, sed tantum *moralis*, ut supponitur: ergo simpliciter manet libertas.

R. 1. N. A. Quamvis Adversarii asserant in thesi moralem duntaxat necessitatem, tamen in ejus defensione admittunt vel volunt, vel coguntur majorem; tum quia moralem gratia cum consensu connexionem statuunt, ut pro *omni casu possibili* implicet, consensus non sequi: tum quia summam divinæ scientiæ certitudinem salvare laborant: unde quantum volunt salvare humanam libertatem, tantum destruunt infallibilitatem divinam. **R. 2. D. Conf.** Manet libertas mere *physica* T. *moralis* N.

Inst. 3. Quamvis homo lapsus sine gratia nequeat moraliter vincere *tentationes graves*; tamen is cedendo tentationi peccaret, quia saltem habet potentiam *physicam* illi resistendi: ergo similiter homo cum illa gratia meritorie adhuc ageret, & sic retineret suam libertatem.

R. T. A. N. Conf. Disp. est; Peccator in statu naturæ lapsæ non est sine *gratia sufficiente* vel proxime, vel remote tali, unde habet potentiam saltem secundum quid moralem resistendi tentationibus gravibus; adeoque non dicitur peccare *libere*, quia solam habet potentiam *phy-*

physicam resistendi: econtra cum ista gratia nequidem secundum quid staret moralis potentia dissentiendi, adeoque nec libertas aut meritum salvaretur; præsertim cum nec physica potentia sit vera, quæ pro nullo casu possibili exeritur ob proprium, vel alienum impedimentum.

Inst. 4. Gratia, quæ conversus est PAULUS, fuit talis, quæ voluntatem ita movit, ut *moraliter* implicaret consensum non sequi, ut patet Act. 9. ex verbis Christi: *Durum est tibi contra stimulum calcitrare*, & ex encomio AUG.: *magna & efficacissima gratia*; item talis apparet in pluribus iustis, ac virtutum habitu valde intenso acquisito imbutis, qui sæpe ad actus faciliores ita excitantur, ut habere necessitatem moralem videantur: ergo.

R. Nec ex textu SCRIPTURÆ, nec ex verbis AUG. colligitur vis tanta illius gratiæ, ut moraliter necessitarit, sed ea tantum, cui resistere fuerit difficile; unde negari potest *Antec.* Sed eo etiam permissio negatur tamen *cons.*, quia consecutio non valet a particularibus quibusdam ad universale; nec ex hoc, quod gratia efficax interdum moraliter minus stricte necessitet, inferri potest, hanc esse gratiæ efficacis essentiam.

ARTICULUS II.

An Efficacia Gratiæ stet in entitate auxilii divini comparative sumpti?

367. *Nota.* Quæstionem hanc asserunt non tantum *Jansenius* cum suis sequacibus, sed & Catholicorum non pauci, qui, quoniam profitentur, famosas quinque propositiones sincere a se anathematizari, eos Innoc. XII. in Brevi ann. 1694. ad Belgas dato prohibet, invidioso *Jansenistarum* nomine traduci & nuncupari. Quomodo *Jansenius* efficaciam gratiæ non ex sola entitate illius, prout hæc est in se, sed prout concurrit cum minore concupiscentia opposita, repetat; expositum est tum num. 216., tum 326.

Ex hujus systemate *reliqui* præsentis quæstionis assertores, supposita delectationis indeliberatæ ac prævenientis in carnalem seu terrenam, & in spiritualem seu cælestem divisione & gradualitate, assumunt *imo*, delectatio-

nem unam alteri superiore gradu, seu viribus fortiori & intensiorem ipso etiam effectu eandem vincere; alterutram esse principium & causam omnium actuum maiorum: 3tio aliquo modo necessarium esse, ut secundum id, quod nos amplius delectat, seu secundum delectationem victricem agamus.

Ex his statuunt 1mo, gratiam esse inspirationem sancte delectationis: 2do, hanc delectationem habere suos adus; eamque, quæ victrix est, seu superat contrariam cupiditatem, esse efficacem; quæ vero vincitur ac minor, esse inefficacem: 3tio, ab eadem delectatione victrice moveri & determinari voluntatem, ut necessario sequatur consensus effectus.

368. Dico I. Efficacia gratiæ non stat in delectatione relative superiore, seu victrice *ad sensum Jansenii*. Prob. I. Delectatio relative victrix *ad sensum Jansenii* est fundamentum & basis universi ejus systematis, ex eae propositiones quinque famosæ deducuntur, ut numeri 6. est ostensum: sed & illud systema inimicum est libertati, ac propositiones illæ sunt sæpius damnatæ; ergo nec us basis & fundamentum, nec harum radix & origo sane se potest ac tolerabilis.

Prob. II. Gratiæ efficacia non stat in motione voluntatem *neccssitante*: sed delectatio victrix in sensu Jansenii est motio voluntatem neccssitans; tum quia ex illius principiis voluntas humana per ADÆ peccatum amisit vim extendendi sese pro nutu suo ad aliquid & hujus facultatis locum successit *delectatio* vel ita impellens ad bonum, si celestis sit & superior, vel ad malum, si terrena sit & superior, ut voluntas necessario hunc impulsu sequatur: im quia ex ejus prop. 4ta gratiæ non potest humana voluntas resistere: ergo.

Prob. III. Discrimina, quæ Jansenius L. 8. de Gr. lib. C. 21. inter suam de gratia & libero arbitrio doctrinam & illam *Calvini* a TRID. damnatam ponit, sunt inania & quoad rem nulla: ergo illius de gratia systema non minus, ac Calvinianum est damnatum. Ant. patet:

Nam I. Dum Calvinus negat esse in homine boni nalique electionem, negat quidem electionem proprie dictam, quæ stet in determinatione voluntatis habentis po-

testatem se determinandi ad oppositum, quod ipsum instatur *Jansenius*: non autem negat improprie dictam, quæ consistat in actione voluntatis *spontanea* cum advertentia rationis, a *Jansenio* assertam; ut ex L. 2. Inst. C. 3. §. 13. patet.

2. Dum *Calvinus* docet, gratiam ita movere hominem, ut ei non sit liberum resistere, negat tantum hominem motioni gratiæ posse resistere in *sensu composito*, seu posse conjungere dissensum cum motione gratiæ, quod ipsum *Jansenius* L. 8. de gr. Chr. C. 3. negat: non vero negat hominem resistere posse in sensu diviso, seu sub motione gratiæ manere in homine potentiam peccandi, positam præcise in eo, quod voluntas adhuc sit flexibilis ad malum, & cum ea remaneat concupiscentia; per quod eod. Libr. C. 20. se distinguere conatur *Jansenius*.

3. Dum *Jansenius* scribit *Calvinum* nolle, quod hominis voluntas gratiæ moventi pedissequa consentiat, falsum imponit; cum hic loco designato sic loquatur: *Quatenus voluntas a gratia prævenitur, in eo, ut pedissequam appelles, tibi permitto: sed quia reformata opus est Domini, hoc perperam homini tribuitur, quod prævenienti gratia pedissequa voluntate obsequatur.* Itaque *Calvinus* duntaxat negat liberum esse homini obsequi, vel non obsequi pro arbitrio, atque hinc nontribuendum esse homini, quod obsequatur; quam ipsam doctrinam *Jans.* L. de gr. primi hom. & ang. C. 15. profitetur.

4. Dum *Calvinus* contendit virtutem & vitium, bene agere & male, non esse in nostra potestate, idem negat & asserit, quod *Jansenius*; quia negat esse in nostra potestate, quæ sit ad neutram partem determinata & libera a necessitate, non vero negat esse in nostra potestate, quæ, quamvis sit alligata uni parti, tamen adhuc sponte agit, & non coacta.

5. Dum *Calvinus* tollit ab homine liberum arbitrium, illud non in alio sensu negat, quam quo etiam negatur a *Jansenio*, nempe sumptum pro facultate agendi & non agendi expedita & immuni ab omni necessitate antecedente simplici etiam voluntaria; & e contra etiam admittit in sensu *Jansenii*, nempe sumptum pro sola libertate a coactione seu facultate agendi sponte & non coacte.

Conf.

Cbnf. Quamvis *Calvinus* suis de gratis & libero arbitrio erroribus, adjunxerit alium, nempe mandata Dei etiam cum quacunque efficaci gratia esse servatu *impossibilia*, atque hinc videatur satis amplum discrimen inter eum: *Jansenium* hoc dogma repudiantem intercedere; tamen iter utrumque reipsa non est distinctio in dogmate, sed tantum in principiis. Juxta *Calvinum* enim præcepta sunt servatu impossibilia, quia homo in quolibet opere etiam salutari peccat: ideo autem peccat, quia cuilibet actioni deliberatæ conjunctus est motus *concupiscentia* ineliberatus, qui in hujus hæretici opinione veri peccati actionem habet.

In *Janseniano* autem systemate etiam semper adest delectatio *concupiscentia*, quæ quamvis sit relative minor, ubi adest delectatio victrix celestis, tamen deliberatum aliquem motum voluntatis in malum excitat, sicut ex doctrina *Jansenii* L. 2. de gr. C. 27. minima gratiæ delectatio semper imperfectum aliquem pietatis affectum deliberatum producit, quantumvis ex adverso *concupiscentia* ardentior pugnet & vineat: ergo in hoc systemate homo in quolibet opere etiam salutari peccat: ergo, quia homo semper peccat, præcepta Dei homini *impossibilia* evadunt.

369. Dico II. Efficacia gratiæ neque stat in delectatione relative victrici *ad sensum quorundam Catholicorum* supra expositum.

Prob. I. Principium hoc, quod voluntas majori semper delectationi obsequatur, *Catholicis* maxime suspectum videri debet; tum quia *Jansenius* hoc tanquam cardinem & basin suæ doctrinæ, & tanquam filum Ariadneum in Augustiniano labyrintho habuit; tum quia hoc salvo cætera omnia salva esse contestati sunt celebriores *Jansenii* sectatores, ut *Abbas de Bourzeis* coll. 3. C. 30. declarat: tum quia ex hoc principio cætera doctrinæ *Jansenianæ* capita naturali prorsus ac necessaria illatione consequuntur; sed huic principio nixa etiam est *Catholicorum* ista de efficacia gratiæ sententia: ergo ✓

II. Gratia certo & infallibiliter efficax ex *graduativi* *superioritate*, quam *Catholici* etiam delectationis relative victricis nomine adstruunt, vere ac proprie est *necessitans*, quia ita determinat voluntatem, ut eam supponat destitutam vere & proprie dicta potentia resistendi.

Nam supponit voluntatem non habere vires ad resistendum nisi inferiores; sed voluntas, quæ non habet nisi vires inferiores ad resistendum, caret vera ac proprie dicta potentia resistendi, ubi vires contrariæ in voluntatem agunt *ut superiores*; cum physice impossibile sit, ut vires superiores, quæ *ut superiores* agunt, vincantur ab inferioribus, cum alias necesse foret inferiores efficaciter operari ultra activitatis suæ gradus: ergo.

III. Ex systemate *delectationis victricis* etiam a Catholicis adoptato sequitur *Imo*, non dari gratiam vere sufficientem contradistinctam ab efficaci. Nam *vere sufficiens* est, quæ tribuit voluntati potentiam ad opus bonum expeditam & relativam etiam ad præsentis subjecti circumstantias, ac præterea sufficit, ut homo cum ea ponat opus bonum; sed delectatio sancta *viribus inferior* relate ad concupiscentiam superiorem non tribuit potentiam expeditam relate ad præsentis subjecti circumstantias; neque sufficit, ut homo cum ea ponat opus bonum; cum ad hoc ponendum necessaria sit delectatio sancta victrix: ergo.

2do sequitur vel nulli, vel omni gratiæ resisti. In primis enim in hoc systemate *nulli* gratiæ resistitur; quia etiam delectatio inferior semper sortitur effectum aliquem, nempe pium desiderium etiam deliberatum sed imperfectum, quantum scilicet opposita delectatio hic & nunc permittit: deinde *omni* etiam gratiæ resistitur; quia delectatio cælestis victrix perfectiorem etiam effectum produceret in subjecto minus resistente, & a delectatione terrena quantumvis inferiore vacuo.

3tio sequitur gratiam non esse *ex se* & virtute sua intrinseca efficacem: eadem enim gratiæ delectatio gradualis, quæ est victrix in uno, est in alio inefficax ob maiorem concupiscentiam oppositam: ergo quod victrix in illo sit efficax, non est ex illius natura, sed ex minori oppositæ concupiscentiæ resistantia, & sic *ab extrinseco*.

4to sequitur admittendam esse *scientiam mediam*, qua Deus prius dirigatur, quam gratiam victricem absolute decernat; nisi enim Deus exploraverit, quot concupiscentiæ gradus homo sit habiturus, dum voluerit conferre gratiam efficacem, erit incertus ac dubius de gratiæ effectu, cum nonnisi gradibus superior delectatio sancta vincat concupiscentiam.

IV. Cum delectatione sancta relative victrici ne componi *vera libertas*. Si enim hæc componere, ergo quis præsentē hac delectatione bonum non proitur sub *omni ratione boni*, & in eo quoque potest apprehendi aliqua ratio mali, adeoque salvatur indifferentia: hæc *indifferentia* cum sit *mere objectiva*, non sufficit libertatem veram, sed requiritur *activa*; cum alias vincatenis, aut qualitate aliqua necessitante divinitus ad m partem determinatus, aut destitutus divino concurreret *veram libertatem*, modo objectum non proatur sub omni ratione boni, & posset sub aliqua rationali apprehendi: ergo.

V. Cum eadem delectatione victrici nequit stare *possibilitas resistendi*. Nam posita delectatione vice juxta Adversarios æque est *impossibile* illi resistere, impossibile est virum gravem & sanæ mentis sibi effoduculos, aut nudo corpore sub meridiem in frequentes is plateas procurrare præcise ad ostendendam suam libertatem vel ad jocandum: sed hoc impossibile est *impossibilitate* non tantum morali, sed *physica*; tum quia ostensio rtatis vel captatio joci est vel nullum motivum, vel e insufficientis ad ejusmodi actiones ab homine sanæ tis ponendas; sine omni tamen motivo aut *apparenti* saltem sufficienti agere hominem prudentem, est *physimpossibile*: tum quia, si quis hæc ob ejusmodi rationem ret, hoc ipso haberetur mente captus; adeoque hominæ mentis id agere physice repugnat: ergo. Atqui est *physica impossibilitas*, non potest vera possibilitas i: ergo.

Objectiones.

370. *Objic. I. S. AUG. pluribus in locis testatur, intatem sine delectatione non moveri aut agere posse; l. I. ad Simpl. q. 2. Quis animo complectatur aliquid, l eum non delectat . . . voluntas ipsa, nisi aliquid rrerit, quod delectet, atque invitet animum, moveri o modo potest.*

R. D. S. AUG. passim testatur, voluntatem, in ntum est facultas mali averfativa, non moveri &c. N. quantum est facultas boni prosecutiva *subd.* non mo aut agere posse sine delectatione strictæ & proprie sum-

pta, seu amore rationem jucundi prosequente N. sine delectatione improprie sumpta seu amore qualicunque C. S. Doctor passim utitur voluntate pro facultate *prosecutiva*; tum quia hæc nobilior habetur, & antonomastice vocatur voluntas: tum quia hujus actus frequentiores ac notiores sunt; ac præterea opportuniq̃res erant ad ostendendum *Pelagianis*, nihil boni absque gratia inchoari, desiderari & haberi posse.

Inst. 1. Voluntas est facultas *essentialiter appetitiva*, sicut intellectus est facultas cognoscitiva; adeo, ut quemadmodum nulla potest esse operatio intellectus, nisi cognitio sive affirmet, sive neget: ita nulla sit actio voluntatis, nisi volitio seu appetitus boni sive *amet*, sive *oderit*: sed voluntas nec velle, nec appetere potest bonum, nisi ipsi placeat, eique proponatur ut conveniens: ergo.

R. N. M. Quemvis enim voluntas possit eatenus dici *essentialiter appetitiva*, quatenus appetitus communis est tam irascibili, quam concupiscibili, motumque duntaxat intentionalem & affectum significat; & hinc omnis voluntatis actio forte certius dici queat *affectio* quædam circa objectum, quam quælibet intellectus operatio dicatur objecti representatio: male tamen statuitur, omnem voluntatis actionem esse *formaliter prosecutivam boni*, & hinc tum eandem, tum voluntatem essentialiter dicere appetitum concupiscibilem seu boni; quia sicut negatio formaliter non est affirmatio, sic nec aversio & fuga est prosecutio.

Inst. 2. *Finis* juxta omnes est prima causa bonitate superceteras excitans, & ejus causalitas seu ratio, qua tendit in effectum, est metaphorica motio voluntatis: sed motio primaria, quam bonitas finis efficit in voluntate, est complacentia vel *delectatio*: ergo prima omnium voluntatis actio est delectatio. Et quodcumque homo agit, semper agit ex *amore finis ultimi* & beatitudinis saltem universim spectatz: ergo omnis actionis humanæ principium est amor boni seu delectatio.

R. D. M. Finis ultimus est prima causa bonitate sua movens C. finis intermedius & proximus *subd.* si sit positivus, movet sua bonitate C. si sit privativus N. Quemadmodum plures actus sunt, quibus voluntas *aversatur* objectum, ita & motivum & finis horum actuum dari debet

t, qui non potest esse bonitas, sed malitia objecti; adeo-
 & finis *privativus* debet admitti, qui est malum, quod
 propter se abhorretur; sicut communius statuitur finis
positivus, qui est bonum, quod propter se expetitur.
 via tamen, si ultimam agendi rationem attendamus,
 versamur ideo malum, ut beati & felices simus, & ipsa
 ratio non minus mala omnia excludit, quam bona
 complectitur; hinc non nisi finis, qui sit intermedius aut
proximus, potest esse privativus.

Ex hoc tamen, quod finem *ultimum* admittamus
 overe sua bonitate, sequitur quidem complacentiam esse
 principium *remotum* omnium actionum humanarum, non
 ero proximum: sed, ut supra jam diximus, de proximo
 intum, non autem remoto, actionum humanarum prin-
 cipio hic disceptatur; quia de actionibus *liberis*, *superna-*
aturalibus & *meritoriis* agitur, cujusemodi non sunt actus
 immediate ad beatitudinem terminati, vel ab ea profecti,
 tpote necessarii, naturales, & hinc nullius meriti.

Inst. 3. Delectationis gradum esse mensuram & re-
 gulam ardoris & impetus, quo voluntas fertur in obje-
 ctum, patet ex AUG. tum L. 2. de pecc. mer. & remiss. C.
 7. scribente: *Nolunt homines facere, quod justum est,*
ve quia latet, an justum sit, sive quia non delectat;
upto enim quidque vehementius volumus, quanto cer-
ius, quam bonum sit, novimus, eoque delectamur ar-
entius; tum L. de sp. & lit. C. 35.

R. D. Aff. Gradus delectationis liberæ ac deliberatæ
 st regula & mensura ardoris & impetus, quo voluntas
 ertur in objectum, illudque eligit ac prosequitur C. gra-
 us delectationis prævenientis usum rationis & indeliberatæ
 N. Testimonia AUG. agunt solum de delectatione, quæ
deliberationem sequitur, & liberæ est electionis.

Patet id imprimis, quia in utroque textu sit mentio
 ctionis per verba: *Nolunt facere, quod justum est; sic-*
et justitia; quæ non tantum voluntatis actum delibera-
 um priorem, qui est consensus, sed & posteriorem, qui
 ntentio vocatur, atque hinc *deliberationem* exigit: tum
 nia ex principiis S. AUG. delectatio & dilectio justitiæ
 unt quid unum & idem, in utroque autem capite dilectio
 eliberata asseritur: in fine quidem prioris: *Tanto magis*
delectat opus bonum, quanto magis diligitur Deus sum-

num Bonum, Et Autox omnium bonorum; similiter cum in fine posterioris dictum esset: Nisi tantum delectet, quantum diligendum est; postea C. 36. orditur ab expositione iustitiæ per duplex præceptum dilectionis: denique quia scopus utrobique intentus exigit intelligi motum voluntatis liberum.

Inst. 4. Necesse esse, ut voluntas sequatur maiorem delectationem, docet idem S. Doctor in exposit. ad C. 5. ep. ad Galat. Quod amplius nos delectat, secundum id operemur, necesse est; & L. de sp. & lit. C. cit., ubi ait: Quis nesciat, non esse in hominis potestate, quid sciat: nec consequens esse, ut, quod appetendum cognitum fuerit, appetatur, nisi tantum delectet, quantum diligendum est.

R. D. Ass. Necesse est, ut voluntas sequatur maiorem delectationem indeliberatam N. ut sequatur maiorem delectationem deliberatam subd. necesse est necessitate stricta & antecedente N. minus stricta & consequente, quam passim intelligit S. Aug. usurpando vocem necesse, ut ex L. 5. contra Jul. C. 16., L. 1. de nupt. & concup. C. 12., &c. patet C. Textum unum intelligendum esse de libera & deliberata delectatione patet

1. Ex ipsis verbis, tum quia hæ voces, hoc me delectat, hoc mihi placet, in sensu usitato actum voluntatis liberum significant: tum quia non dicit: quod amplius nos delectat, secundum hoc velimus, necesse est, sed, operemur, necesse est; & paulo post: secundum hoc vivimus, secundum hoc operamur; adeoque non agitur hic de delectatione, quam immediate sequitur volitio; sed quam proxime excipit actio externa & vivendi ratio: atqui delectationem indeliberatam non immediate sequitur actio externa, sed intermedia, tum voluntatis consensus, tum propositum efficax & electio, quæ deliberatæ delectationes sunt necessitate consequente inferentes actionem externam; ergo.

2. Ex æquipollentia sensus; quia axioma allatum æquivalet huic: Quod amplius dilexerimus, secundum id nos vivere, seu operari manifestum est; quam propositionem in ead. exposit. ad proximos versus quasi prioris repetitionem subjicit.

3. Ex

3. *Ex contextu*; quia objecta propositioni continuo subiunguntur: *Ut verbi gratia occurris forma speciei femine, Et movet ad delectationem fornicationis: si plus delectat pulchritudo illa intima Et sincera ius castitatis, per gratiam, quæ est in fide Christi, secundum hanc vivimus, Et secundum hanc operamur*; ubi sicut delectatio fornicationis intelligitur deliberata, utpote distincta a motu tentationis indeliberato præterite & movente, sic etiam maior delectatio cœlestis ex tu castitatis indeliberato proveniens pro complacentia habenda: maxime cum hic ponatur tanquam primum actionis & instituti vivendi principium.

4. *Ex scopo vel occasione*; quia ubi hanc sententiam fert S. Doctor, expendit verba Apostoli, quæ enuntiant, non esse sub lege ductos a spiritu, probatque illos ita duci, in quibus fructus S. Spiritus, *charitas, nemo, gaudium, pax &c.* regnant, illos autem non duci, in quibus regnant *peccata*, ac demum unius præ altero eminentiam ad maiorem delectationem vel in his fructibus, vel in peccato reducit: unde sicut hæc regna eorum distinctiva actus *liberos* designant, sic & pro eminentioris delectationes deliberatas arguunt. Idem dicendum de textu 2do.

Inft. 5. Experientia constat, tanto vehementius aliquid velle, quanto ardentius id nos delectat: & videtur contra rei naturam, ut delectatio minor vincat maiorem, sique voluntas non feratur semper ac infallibiliter id, quod amplius delectat.

R. Quoad 1^{um}, experientiam non id testari in delectione *indeliberata*, sed duntaxat in libera, ideoque tantum illius *paræmia* esse sensum: quanto efficacius id volumus, atque hinc deliberate delectamur ardentius, tanto vehementius id facere proponimus, atque ipso exequimur. Quoad 2^{dum} D. Videtur contra rei naturam, ut delectatio deliberata minor vincat maiorem, & dictis contra axioma 1^{um}. Videtur contra rei naturam, ut delectatio indeliberata minor vincat maiorem. si comparetur præcise delectatio una ad alteram C. sique comparetur ad voluntatis libertatem N.

Delectatio indeliberata maior magis sollicitat & incitat voluntatem ad consensum, quam minor; & in hoc
ma-

major vincit minorem: voluntas nihilominus hinc minus, illinc magis sollicitata & inclinata nec necessario, nec infallibiliter, nec semper sequitur majorem inclinationem, aut a majore ad assensum determinatur; sed sub ipsa etiam inaequalitate propensionis retinet indifferentiam electionis & activam, se ipsum elective determinat, saepiusque ad optat minus delectabile prae majore delectatione.

371. *Objic. II. S. AUG. docet, omnem gratiam esse inspirationem sanctae dilectionis & delectationis. Dilectionis L. de sp. & lit. C. 3., charitatis L. I. ad Simpl. q. 1., amoris, L. Disput. cont. Fortunat., bona concupiscentia L. de sp. & lit. C. 4.; cupiditatis boni L. 2. ad Bonif. C. 9.; bona voluntatis L. de gr. Chr. C. 24. &c. delectationis, & suavitatis maxime L. 2. de pecc. mer. C. 18. 19. & enarr. in Pl. 84; dulcedinis L. 2. ad Bonif. C. 9.; condelectationis L. I. de nupt. & concup. C. 30.; jucunditatis in enarr. Pl. 85.; voluptatis Tr. 26. in Joann. &c.*

R. D. Gratia in sensu absolute omnis est inspiratio &c. N. in sensu accommo omnis, *subd.* est inspiratio dilectionis & delectationis proprie ac stricte sumptae N. minus proprie ac late sumptae C. Plus non evinci ex tot nominibus ostendit tum ipsa haec vocabulorum *aquipollentia*, quae voluntas quaecunque bona charitas appellatur: tum illud, quod sequeretur omnem gratiam esse charitatem *habitualem*, cum etiam illa, quae diffunditur in cordibus nostris, charitas soleat ab AUG. frequenter pro quacunque gratia usurpari. Porro hic sensus & minus universalis & minus proprius notandus etiam est pro reliquis corollariis & eorum probationibus.

Inst. I. Delectationem hanc sanctam & gratiam habere suos gradus, nec semper esse efficacem & conjunctam cum effectu, patet tum ex verbis AUG. serm. 17. de verb. Apost. C. 2.: Amanda est justitia, Et in justitia amanda gradus sunt proficientium; & L. de gr. & lib. arb. C. 15.: Gratia Dei semper est bona, Et per hanc fit, ut sit homo bona voluntatis; per hanc etiam fit, ut ipsa bona voluntas, quae jam esse capit, augeatur, Et tam magna fiat, ut possit implere divina mandata, qui voluerit, cum valde perfecteque voluerit.

Tum ex *conversione* S. AUG., quam ipse in Libris Confess. descripsit: in hac enim Deus primum data gratiae sua-

avitate oppositas cupiditates reddidit minus jucundas, ait L. 6. C. 5.; tum conscientiae stimulis illum pupugit L. 7. C. 8.; postea coepit ad bonum incommutabile trahere, ibid. C. 17.; consecuta hinc est charitatis & cupiditatis igna L. 8. C. 5.; succedente deinceps nova gratia impebatur vis concupiscentiae & relapsus in pristina peccata id. C. 11.; tandem obtenta est victoria jucunditate maxime consecuta, ut L. eod. C. 12. narratur.

B. Quoad 1m. p. D. Sancta delectatio & gratia habet suos gradus hoc sensu, quod alia sit remote, alia proxime sufficiens, vel alia sit gratia ad volendum, alia ad exequendum, vel alia det simpliciter posse, sed cum quadam facultate, alia vero etiam cum facilitate C. hoc sensu, quod e duabus gratiis vere sufficientibus sive ad volendum, e ad agendum alia vel absolute in se, vel relative ad positam concupiscentiam sit minor, & hinc non praestat ad volendum vel agendum, alia vero tanquam absolute vel relative major id praestare queat N.

Quoad 2d. p. D. Gratia non est semper efficax obminis arbitrium libere eam respuens C. praecise obminores virium gradus, aut oppositae cupiditatis indeliberatae jorem resistantiam N. Textus prior ad delectationem proxime indeliberatam plane est impertinens: alter sive gratia successive majore, sive de eadem gratia successive majorem effectum obtinente agat, nihil adversus favet; cum plenus & perfectus effectus non in *gratitudine*, sed in voluntatem adjutam ac deliberate mentem referatur: item tenet de postremo, in quo sub nomine *parvae gratiae* intelligi gratiam orationis ac remote efficientem n. 330. ostensum est.

Demum *conversionis Augustiniana* exemplum proquidem varietatem gratiarum, luctam gratiae cum cupiditatibus, & successivum salutis profectum, quae omnia nos admittimus; non vero probat, aut gratiae *minoris* sufficientiam, aut *majoris* necessariam vel infallibilem, aut inefficaciam praecise ex indeliberata cupiditatis prioritate profluentem.

Inst. 2. Delectationem victricem esse gratiam efficitur, patet rursus ex Aug. L. de gr. & corr. C. 11.: *Scilicet gratia plus potest, qua etiam fit, ut velit, & tamen velit tantoque ardore diligit, ut carnis voluntatem raria concupiscentem voluntate spiritus vincat.* L. de sp.

sp. & lit. c. 29.: *Inspirata gratia suavitatem per Spiritum Sanctum facit plus delectare, quod impedit; L. 2. de pecc. mer. C. 19. &c.*

R. D. Delectatio sc. indeliberata victrix, h. e. habens in se majores suavitatis gradus, quam opposita cupiditas, est semper gratia efficax N. victrix, h. e. quæ, quamvis gradibus minor, ita allicit, vel allectura prævidetur voluntatem, ut ipsa ampliorem delectationem ex libera electione sua habeat in bono proposito, quam in malæ cupiditatis illecebris C. vel *subd.* est aliqua gratia efficax C. est omnis seu convertibiliter gratia efficax N. Sensum nostrum comprobant ipsa AUG. testimonia, quia in prioribus omnibus superioritas & victoria non adjungitur delectationi *indeliberata* seu entitati gratiæ, sed delectationi *deliberata*, seu voluntati & dilectioni: hoc ipsum etiam asserendum esse de postremo liquet ex *contextu*; ubi posterioribus verbis delectatio per dilectionem liberam explicatur.

Inst. 3. Delectationem victricem necessario sequi voluntatem & effectum patet ex AUG. L. 13. de Civ. C. 7. *In abundantia gratiæ spiritus illius, qui ubi vult, spirat; datum est, ut tantum amare Christum possent, ut cum tanto vitæ discrimine negare non possent.*

R. D. Delectationem indeliberatam & præcise ex se majorem, seu victricem sequitur necessario effectus N. delectationem vel deliberatam, vel etiam indeliberatam, prout congruam ex divina præscientia *subd.* sequitur effectus necessario necessitate antecedente N. more consequente C. Responsioni congruit textus Augustini, in quo *non posse* idem sonat ac *nolle*; quod patet tum ex his præcedentibus: *Qui mortem differre cum possent, ideo non distulerunt, quia maluerunt Christum confitendo finire hanc vitam &c.*, tum ex iis, quæ sequuntur: *Quibus cum tanta gratia est præmissa & prærogata mors Christi, ut ad eum acquirendum suam non cunctarentur impendere.*

372. **Objic. III.** Systema delectationis relative victricis, prout a Catholicis adoptatur, satis differt a *Janseniano*; ergo non est rejiciendum. *Ant.* patet imo, *Catholici* delectationem victricem statuunt cum indifferentis judicii, & hinc cum vera libertate conjunctam: *Janseniani*

Jani autem eandem penitus sejungunt a deliberatione & differentia judicii: 2do priores volunt, ex victrice delectatione sequi duntaxat infallibiliter effectum, & voluntatem nunquam ponere oppositum delectationi superiori: inferiores amplius quid exigunt, ac delectationi tribuunt: ideo illi necessitatem solum improprie dictam admittunt: proprie dictam intelligunt.

Ad arg. R. 1. N. Conf. Nobis non tantum animus est, Catholicos Authores, qui propositiones *Jansenii* multas detestantur, & formulæ Alexandrinæ sincere mente subscripserunt, aut, si opus foret, subscribere patii sunt, invidioso *Jansenistarum* nomine compellare; nec eorum opinionem, quod alii faciunt, censere novus. Unde quæ hactenus dicta sunt, tanquam argumentationem Theologicam more in Scholis usitato protulimus: alias addidimus rationes, ex quibus falsitatem systema probare contendimus.

R. 2. N. A. Ad prob. R. Quæ ibi discrimina affertur, non sufficere, cum eadem a celeberrimis *Jansenii* stipulis admittantur. Quoad 1um enim Petrus Nicole schemate Pauli Irenæi Disq. 6. a. 4. ita scribit: *Speculi hujus status Et via conditione fit, ut nihil homini ponatur ad merendum Et demerendum, nisi per judicium indifferens.*

Quoad 2dum Abbas de Bourzeis Collat. 4. C. 29. ait: *Unde dicimus non posse dissentiri gratiæ efficaci, tantum volumus intelligi per eam impotentiam, quod nunquam contingat huic dissentiri.* Similia Paul. Iren. Disq. 3. profert.

Quoad 3tium. D. de la Lane in Conformitate Thorarum cum Jansenio part. 2d. inquit: *Hac necessitas propria tantum est, quæ significat tantum certitudinem effectus, quaque nullo modo excludit potentiam adfuturum.* Itaque oportet non tantum indifferentiam juremere speculativam, sed practicam, infallibilitatem non medentem, sed tantum consequentem, necessitatem ortam ex superioritate gratiæ, sed in liberi consensus visione fundatam admittere, ut vera differentia inter-

t.
Inst. 1. Hoc systema male rejicitur tanquam inimicæ libertati humana. Nam delectatio sancta victrix, in qua

qua statuitur gratis efficax, nihil aliud est, quam delectatio *moraliter* determinans, vel ita movens voluntatem ad assensum, ut reddatur *moraliter* impossibilis dissensus: sed delectatio sancta moraliter determinans vel ita movens voluntatem potest dari etiam sine læsione libertatis, ut etiam e *Societate* admittunt Suarez, Ripalda, Tanner &c. atque tum paritas cum tentatione gravi, tum timor mortis temporalis & amor vitæ corporeæ naturaliter impressus, & tamen cum libertate compossibilis ostendunt: ergo.

R. *N. Aff. Ad prob. D. M.* Gratis efficax & victrix delectatio nihil aliud est, quam delectatio qualiscunque, & quomodocunque moraliter determinans &c. *N.* quam delectatio systematica & certa lege moraliter determinans *C. M.* Similiter *D. m.* sed delectatio qualiscunque, seu quomodocunque moraliter determinans potest dari sine libertatis læsione *T.* systematica, seu certa lege determinans *N.* Delectationem relative victricem ex legibus systematis hactenus expositi esse inimicam libertati liquet ex probationibus allatis.

Præterea, cum hic statuatur, voluntatem non posse agere *nisi ex delectatione*, nunquam etiam agere secundum delectationem *inferiorem*, aut ubi delectatio utrinque est *aqualis*, ac tandem infallibiliter agere secundum delectationem *superiorem*; sequitur omnino, delectationem victricem esse unicum antecedens ac inevitabile principium determinationis, voluntati vero nec electionem, nec, si vim determinandi etiam habet, usum & exercitium relinquere. Quare nihil juvat, a laudatis Autoribus admissam esse *delectationem aliquam*, quæ illæsa hominis libertate moraliter certo connectatur cum voluntatis assensu, nisi ostendatur, ab iisdem etiam idem systema & omnem *delectationis relative victricis* œconomiam esse adoptatam.

Inst. 2. Inter Catholicos hoc systema mitigatum imprimis approbarunt *Card. Lauræ* in Opusc. 3. de gratis actualibus, & *D. d' Aubigne* Archiep. Rothomagens. in Docum. pastorali A. 1708.; tum illud præformarunt *Francisc. Macedo* in Cortina & Scrinio, Cardinalis *Nerius* in Historia Pelagiana, & *Antonin. Massoulié* in *D. Thoma* sui interprete: demum aperte propugnarunt *Nicolaus v' Herminier* in summa Theologiæ, *Gaspar Juénin* in Institutionibus Theologicis, *Ludov. Habert* in Theologia Dogmatica & Morali, *Berti* in Disciplinis Theologicis,

, aliique plures: ergo cum horum fides & doctrina sit suspecta, systema delectationis victricis tanquam xium agnosci debet.

R. 1. Plures sunt, qui negant partim *Ant.*, partim Prius quidem, quia contendunt *Lauraam* hoc unum esse, quod ex gratia delectatio quædam velut ex causa lus profluat, sed quæ sit motus omnino deliberatus & terminatione voluntatis propria ortus.

Aubigneum voluisse solum, sententiam ideo præcise mereri censuram, quia vim & efficaciam gratiæ in vi delectatione ponit, cum sensus Catholicus subesse

Macedum asseruisse quidem gradus gratiæ diversos, ad omnem ejus sufficientiam postulasse potestatem operis proximam & expeditam, quin tamen reliqua systema capita admitteret.

Noristum in vindicta ter repetendis priora sua asserta operasse vel explicuisse, ut cum Macedi sententia consentire doceret.

Massulieum male sensisse, utpote quem Tournelius de grat. Quæst. 3. sub finem ostenderit, deserta hinc Thomistica ad Jansenianos transisse. Posterius vero, contendunt consequens supponere falsum, cum porum Autorum fidem & doctrinam plane suspectam derint non solæ Theologorum denuntiationes, sed & oporum gravissima judicia in mandatis suis & documentis pastoralibus.

Ex eorum pluribus sufficiat laudare Episcopum *Vassem*, qui A. 1711. summam Herminierii etiam se editam, Card. *de Byssi* Ep. Meldensem, qui A. institutiones Juenini, & A. 1712. *animadversiones* eodem autore scriptas, Fenelonium Archiep. Cameracensem, qui A. 1711. Theologiam Lud. Haberti frustram, *Salonium* Archiep. Viennensem, qui A. 1744. *linas* Berti censuris Theologicis affecerunt & prohibent.

R. 2. *Transeat* totum: quia nostrum non esse putare, Catholicorum scriptorum positiones hæreseos aut dammare. Sufficiat nobis oppositæ sententiæ falsum ostendisse, quæ non hoc ipso etiam abstergitur, si ut ore libera modestiæ ergo permittatur.

PP

AR.

ARTICULUS III.

*An efficacia gratiæ flet in congruitate auxilii
qualicunque?*

373. **N**ota. Efficaciam gratiæ in actu primo explicandam esse per congruitatem quandam seu aptitudinem & proportionem auxilii ad effectum infallibiliter obtinendum conveniunt omnes, qui tum phrasin S. AUG., tum sensum in explicanda gratiæ efficacis notione sequuntur. Is enim, ne quid ex aliis ejus scriptis proferam, L. I. ad Simpl. q. 2. ita loquitur: *Si vellet etiam ipsorum misereri, posset ita vocare, quomodo illis aptum esset, ut & moverentur, & intelligerent, & sequerentur. Verum est ergo, multi vocati, pauci vero electi: illi enim electi, qui congruenter vocati: illi autem, qui non congruebant, neque contemperabantur vocationi, non electi, quia non secuti, quamvis vocati. Item verum est, non volentis, neque currentis, sed miserentis est Dei: quia etiam si multos vocet, eorum tamen miseretur, quos ita vocat, quomodo eis vocari aptum est, ut sequantur. Falsum est autem, si quis dicit: igitur non miserentis Dei, sed volentis atque currentis est hominis; quia nullius Deus frustra miseretur: cuius autem miseretur, sic eum vocat, quomodo scit ei congruere, ut vocantem non respuat.*

Diversitas tamen est in modo exponendi congruitatem etiam eam, quæ non mere interna est auxilio, & in certa ac infallibili motione morali superius refutata consistit, sed quæ externâ est, & ab adjunctis petitur. Nam alii eam ponunt præcise in habitudine ad effectum futurum seu eventum, quod MOLINÆ tribuitur: alii in contemperatione quadam cum hominis ingenio, natura, affectibus variisque locorum ac temporum circumstantiis, ut SUAREZ addit: alii in multitudine, varietate, consonantia & conspiratione plurium auxiliorum, quorum quidem singula effectum suo possunt seorsim defraudari, at universa sic aggreduuntur hominem, obsident & fatigant, ut ab eo consensum certissime obtineant: ita THOMASSINUS.

374. *Dito I.* Ad efficaciam gratiæ necessaria est congruitas, stans in habitudine auxilii ad eventum; non tamen sufficit. Ratio tria est; tum quia sicut gratia efficit in actu 2do dicitur habitudinem ad consensum actualem, sic
ef-

ficax in actu imo debet dicere habitudinem ad consensum
turum: tum quia sine hac habitudine non esset stricte,
etiam & proprie efficax, sed tantum generatim & latius,
solum intelligeretur gratia sufficiens. Ratio 2di; tum
quia ex sola ista habitudine, prout vel in entitate gratiae,
in voluntate, libera consensus causa, fundatur, non
telligitur aut existit gratia effectum *infallibiliter* habi-
ra; cum gratiae entitas possit conjungi cum dissensu, &
luntas libere ac contingenter sit consensura: tum quia
as proprie loquendo discrimen, quod inter gratiam insu-
ficientem & efficacem intercedit, teneret se duntaxat ex
te actus 2di, non vero 1mi; quod apud plerosque
am nostros male audit, & pro societate nostra tum a
udio Aquaviva A. 1613., tum a Mutio Vitellescho A. 1616.
probatum est, & doceri prohibitum.

375. Dico II. Ad eandem efficaciam necessaria est
ingruias, stans in *attemperacione* auxilii cum homine
isque effectiionibus; non quidem, ut ea attemperati pra-
e enuntia proportionem auxilii ad personam & ejus cir-
nstantias sive intrinsecas, sive extrinsecas; sed prout ea
ul condat eventum; quamvis nec sic accepta sufficiat.
tio 1mi est; quia de hac congruitate intelligendus est
tus Augustini num. 373. recitatus, ut ostendunt tum
verba, tum contextus aliaque testimonia.

Ratio 2di est; tum quia gratia potest sortiri suum
ctum independenter a quocunque loco, tempore, &
s circumstantiis; ut testatur AUG. in Ench. c. 58. scri-
s: *Quis porro tam impie desipiat, ut dicat Deum
las hominum voluntates, quas voluerit, quando, co-
rit, ubi voluerit, in bonum non posse convertere; &
SP. in Carm. de Ingratis c. 16. canens: Hominem cum
tia salvat, ipsa suum consummat opus, cui tempus
ndi semper adest, qua gesta velit: non moribus illi fit
a, nec causis anceps suspenditur ullis:* tum quia in
ia mere sufficiente potest esse eadem, imo major congrui-
ad personam & circumstantias praecise considerata,
n in efficaci, quin tamen sequatur effectus: & contra
or congruitas ejusmodi deprehensa subinde fuerit in
ia efficaci, qualis fuisse videtur, quae cor *Assueri* tra-
t in mansuetudinem, mulierem *peccatricem* Luc. 7.
verit, & *Saulum* minarum & cecidis in discipulos
isti spirantem subito immutavit.

Accedit, quod sine congruitate huiusmodi speciali ex sola libertate creata satis intelligi ac fieri queat, cur idem homo in iisdem circumstantiis uni gratiæ consentiat, & alteri etiam numero tantum distinctæ dissentiat.

Ratio 3^{ta} patet tum ex num. priore, tum ex verbis AUG. in notamine laudatis, ubi congruitas sub respectu ad eventum semper proponitur; secundum quem loquendi modum alia explicanda sunt, ubi ille respectus aperte non exprimitur. Id ipsum declarant Suárez L. 5. de gr. C. 52. Accedit testimonium S. AUG. L. de Civ. C. 6. perseverantiam in bono unius præ alio ad libertatem referentis: *Sic cum aliqui duo aequaliter affecti animo & corpore videant unius corporis pulchritudinem, qua visa unus eorum ad illicite perficiendum moveatur, alius in voluntate pudica stabilis perseveret, quid putamus esse causæ? utique nisi usum libertatis . . . Si eadem tentatione ambo tententur, & unus ei cedat, alter perseveret; quid aliud apparet, nisi unum voluisse, & alterum noluisse a castitate deficere.*

Ratio 4^{ta} est; tum quia entitas gratiæ in actu primo efficacis conjungi potest cum dissensu, seu gratia hæc ex natura sua est repudiabilis; tum quia nec ex proportionem solitaria ad voluntatem ejusque affectiones, nec ex habitudine ad eventum habetur infallibilitas.

376. Dico III. Ad efficaciam gratiæ universim explicandam prorsus insufficiens est congruitas, stans in *multitudine & consonantia plurium auxiliorum*. Ratio est; quia sequeretur 1. gratiam primam Angelis, Adamo, reliquisque postea hominibus datam non fuisse, imo nec esse potuisse efficacem: 2. nullum dari singulare gratiæ auxilium certo ac infallibiliter efficax, omni quoque auxilium, quod seorsim datur, esse inefficax: 3. non esse possibilem *instantaneam* peccatoris obdurati conversionem, aut subitaneum actum virtutis heroicum: sed hæc omnia videntur absurda; partim quod repugnent communi TT. sententiæ, & satis etiam manifestæ ex scriptura & historia Ecclesiastica experientia: partim quod divinæ omnipotentia adversentur: ergo.

Conf. Quamvis in hoc systemate recte salvetur creati arbitrii libertas, & asseri possit infallibilitas gratiæ efficacis *organica & indeterminata*, sicut similem necessitatem peccandi ex pluribus tentationibus ortam exposuimus; nequit tamen

men satis explicari certitudo & *infallibilitas* divinæ prædentiæ conveniens ac propria.

ARTICULUS IV.

In quonam stet efficacia gratiæ, totaque ejus æconomia?

17. *Nota I.* Trias sunt, quæ in gratia efficaci distinguere oportet; Imum est vis seu *virtus efficiens* consensus: 2dum actualis & formalis ejusdem consensus *effectio* seu productio: 3tium *infallibilis connexio* gratiæ seu auxilii ipsius cum actuali & formali consensusfectione. Prius juxta omnes convenit auxilio *per se*, ab *intrinseco*, & ex vi præcise suæ entitatis physiciæ: cum enim gratia etiam in *actu primo* efficax supponatur esse usa propria & per se salutaris consensus, & quidem in o genere proxima & completa; sequitur omnino virtutem efficiendi essentialem illi esse & *intrinsecam*. Accedit, quod ex dictis gratia sufficiens physice consistat in aggregato ex gratis excitantibus & principiis gratiæ adjuvantis, proportionatam & expeditam ad effectum potentiam præstante; adeoque id multo magis gratiæ *efficaci* sit tribuendum.

Alterum habetur ab actione, qua consensus salutaris voluntate & auxilio simul agentibus & efficientibus *infallibiliter* dependet. Postremam non provenire ab *intrinseco* & ab ipsa entitate auxilii, sed ab alio & *extrinseco*, tenus ostensum est, in eoque conveniunt nostri omnes.

378. *Nota II.* Porro observandum I. Distingui posse *aplicam* infallibilitatem; aliam *objectivam*; quæ est infallibilitas objecti, vel quatenus hoc est terminus alicujus actionis infallibilis, vel quatenus objectum sic erit necessarium sive antecedente, sive consequente: aliam *formalem noscitivam*; quæ est infallibilitas ut cognita, vel infallibilitas cognitionis, qua infallibiliter objectum cognoscitur, quale est, aut erit: aliam *formalem affectivam*; quæ est infallibilitas ut volita, vel infallibilitas volitionis, qua infallibiliter objectum decernitur, quale est, aut erit.

2. In gratia efficaci considerari posse, imprimis præter rationem *efficaciæ secundum se sumptæ* & sine ullo alio objectu, præterquam ad consensum: deinde rationem *previdentiæ divinæ* ad obtinendum infallibiliter consensum:

fenſum: demum rationem ſpecialis beneficii Dei conſenſum præ diſſenſu miſericorditer & benevole intendentiſ.
 3. Gratiā efficacem ſpectari poſſe, vel prout præſcindit a Deo, qui dat, & a tempore, quo datur: vel prout collata eſt a Deo in ſtatu naturæ integræ: vel prout jam datur in ſtatu naturæ lapſæ.

379. *Dico I.* Efficacia gratiæ quoad infallibilitatem connexionis *objectivam* habetur a futuritione conditionata conſenſus: quoad infallibilitatem *cognofcitivam* a ſcientia mediæ de conſenſu ſub hypotheſi talis auxilii conditionate futuro: quoad infallibilitatem *affectivam* a decreto Dei dependenter a ſcientia mediæ prædeſinentiſ conſenſum, ſeu conferentiſ gratiā ex benevola intentione conſenſus.

Ratio 1^{mi} eſt. Infallibilitatem *objectivam* haberi ex futuritione conditionate conſenſus, nihil aliud eſt, quam ad complexum ex veritate conditionata operationiſ & poſitione auxilii haberi infallibilem certitudinem objecti ſive conſenſus. Sed ad hoc complexum ſequitur iſta certitudo; quia ex hiſ præmiſſiſ: *Si Petro detur auxilium A., conſentiet: atqui datur illi auxilium A., ſequitur hæc conſequentia neceſſaria: ergo conſentiet*; cum ex veritate conditionaliſ & purificatione conditioniſ infallibiliter inferatur conditionatum: ergo. *Conf.* Conſenſus futurus *utroque modo* habet infallibilitatem *objectivam*. Imo quidem, quia eſt objectum ſcientiæ mediæ certæ ac infallibilis: 2do, quia eſt objectum, in quod gratia efficax tendit, & poſita gratia determinate eſt id, quod eſt, adeo ut neceſſitate conſequentiſ repugnet, eſſe aliud quid vel diſſenſum. Sed eſſe *futurum* habetur a futuritione; & quod ſit *determinate* conſenſus poſita gratia, habetur a veritate conditionaliſ & purificatione conditioniſ: ergo.

Ratio 2^{di} eſt; quia Deus per ſcientiam mediā non tantum infallibiliter *ſubjective* cognofcit futuritionem conſenſus ſub certo auxilio, ſed ipſum etiam *auxilium* conſtituit in ratione infallibiliter connexi cum conſenſu. Nam ex eo, quod Deus per ſcientiam mediā prævideat conſenſum futurum, ſi poneretur tale auxilium, eadem certitudine auxilium tale, ſi detur, ſortietur effectum ſeu conſenſum, qua certitudine Deus præſcit auxilium fore ſortiturum effectum, ſi daretur; quia ſi auxilium in ſenſu compoſito *ſcientiæ mediæ*, cui ſubeſt, fruſtraretur effectum, ſolteretur ipſa Dei ſcientia: ſed certitudo, qua Deus hoc per
 ſciam-

entiam mediam præscit, est infallibilis; quia Dei scientiam falli absolute repugnat: ergo ex eo, quod Deus per *entiam mediam* hoc præsciat, auxilium infallibiliter sortitur effectum: ergo & a scientia media provenit, seu contuitur auxilium in ratione infallibiliter connexi cum consensu. *Conf.* Infallibilitas connexionis *cognoscitiva* betur a cognitione, seu scientia certa & infallibili Dei: non habetur a scientia *simpliciter intelligentia*; quia hæc non est de possibilibus, non autem futuris, & possibilem ntaxat consensum pro objecto habet: nec habetur a scientia *visionis*; quia hæc decretum Dei absolutum sequitur, & gnosceat duntaxat absolute futura, & pro objecto gratiam actu secundo efficacem habet: ergo habetur a scientia media.

Ratio 3^{ta} est; quia per ejusmodi decretum *prædicens* non tantum Deus fit certus ac indubius tum ratione sui affectus, tum ratione consensus, sed ipsum etiam auxilium denominatur infallibiliter connexum cum consensu. Nam Deus per decretum hoc non solum vult intendit consensum simpliciter, sed consensum per e auxilium: ergo sicut hic infallibilitas consensus habetur a decreto Dei absoluto & efficaci, utpote quod illi simpliciter repugnat; sic & infallibilitas connexionis auxilium inter & consensum ab eodem repeti potest: præterea quia, etiamsi nulla præcessisset veritas conditionalis, & scientia media de futuro consensu, nihilominus auxilium in statu absoluto, ut subest illi *prædefinitioni*, infallibiliter connecteretur cum consensu: quod suppositum invisibile impossibile de facto sit; tamen id, quod probandum erat, satis ostendit.

Conf. Si Deus auxilium efficax conferret absque eo, ad intenderet consensum & bonum illi, cui auxilium infert; id daretur a Deo præcise, quatenus est *sufficiens* consensum salutarem: sed auxilium præcise sub hac ratione collatum nullam dicit *affectivam* infallibilitatem; quatenus quæ caret auxilium præcise sufficiens: ergo sine præconditione non habetur infallibilitas affectiva: ergo ex officio ab illa hæc habetur.

380. Dico II. Gratia in actu primo efficax præsentatus est gratia adæquate præveniens, entitative quæ indifferentis, sed congrua; quatenus ut substans futuri

ritioni conditionata, scientiæ mediæ & prædefinitioni consensus sub ipsa a Deo datur.

Explicatur. Dicitur imo *gratia præveniens*; quæ scilicet sit sancta illustratio intellectus & pia affectio voluntatis; quia gratia efficax tum ab Apostolo, tum a S. Aug. *vocatio*, a TRID. & aliis Conciliis *pulsatio*, *motio*, *excitatio*, *illuminatio* aut *inspiratio* appellatur.

2do *adequate præveniens*; quæ scilicet connotet vel præsentia vel parata gratiæ adjuvantis principia, quibus voluntas elevetur & fiat potens ad supernaturaliter operandum; quia gratia hæc complectitur totum *actum primum* ad salutariter operandum, & est causa per se & propria, in suo genere proxima & completa salutaris consensus.

3tio *entitative indifferens*; non quasi gratia æque se habeat ex natura sua ad dissensum & consensum, cum per se solummodo voluntatem ad consensum sollicitet & moveat, minime autem *ad dissensum*, utpote ad quem voluntas contra gratiæ impulsus movetur a cupiditate vel alia affectione terrena: sed quatenus non habet *ab intrinseco* vim infallibilem, sed duntaxat contingentem, producendi consensum; ita ut, si voluntas consentiat, illa per auxilium excitans *moraliter*, & per adjuvans *physice* influat in consensum; si autem voluntas dissentiat, auxilium excitans frustretur suo effectû, principium vero adjuvantis gratiæ plane non agat.

4to *congrua*; quia gratia efficax per congruitatem formaliter constituitur, & differt a gratia inefficaci. Quia vero *congruitas* hæc neque sufficienter per solam habitudinem ad eventum, neque universim & necessario per attemperationem quandam specialem, neque probabiliter eundem per multitudinem & consonantiam auxiliorum constitui aut explicari potest; hinc additur

5to, *quæ ut subsians futurationi conditionata, scientiæ mediæ, & prædefinitioni datur*; quia congruitas sic explicata præstat omnia, quæ in prioribus desideravimus; tum quia non ab entitate gratiæ, sed *ab extrinseco* petitur: tum quia infallibilem connexionem auxilii cum consensu ostendit; cum hoc ipso, quod gratia sive his quasi formis extraneis subsistat, sive ad eos quasi terminos respectum dicat & actu detur, infallibilitatem tum *objectivam*; tum *conscientivam*, tum *affectivam* possideat.

Pro-

Probatur. Gratia efficax modo descripta complectitur omnia prædicata, quæ illi in præfenti lapsæ naturæ statu & RIPTURA, CONCILIIIS & PATRIBUS tribuuntur.

Nam 1^{mo} debet esse *infallibiliter* connexa cum consensu, & quidem infallibilitate triplici memorata; quia ex his habet infallibilitatem *affectivam*, hæc vero dirigitur a *cognoscitiva*, ista autem terminatur ad *objectivam*; infallibilitas objectiva habetur a futuritione conditionata, cognoscitiva a scientia media, affectiva a prædefinitione; nec aliunde sive ab entitate auxilii aut absolute, aut selective sumpti, sive a congruitate qualicunque repeti potest; ergo.

2^{do} debet posse componi cum *libertate humana*; & gratia est principium meriti, ad merendum autem & merendum in statu naturæ lapsæ requiritur in homine libertas a *necessitate*, nec sufficit libertas a coactione: atqui in nostra sententia fieri potest, non tantum, quia libertas entitas est indifferens, sed tum, quia sicut futuritio *conditionata*, sic & *scientia media* ad eam determinata, & *prædefinitio* ab hac dependens indirecte saltem impediri potest: tum quia hæc omnia non sunt principia ad operationem necessaria, sed *per accidens* tantum & actu Dei requisita: tum denique, quia his etiam stantidecretum applicativum omnipotentis est indifferens.

3^{tio} debet esse *medium providentiæ divinæ*, seu operamentum, quo Deus non casualiter, sed certo, non o modo, sed provide obtineat liberum creaturæ consensum; quia Deus per gratias efficaces maxime erga electos addit providentiam supernaturalem: sed per futuritionem conditionatam *remote* & *objective*, per scientiam *proxime* & *formaliter* id habetur, & Deus fit potens non casualiter, sed certo, non cæco modo, sed provide obtinere cum creaturæ consensum; ergo.

4^{to} debet esse *speciale beneficium* & singulare argumentum Dei miserentis; quia si gratia *mere sufficiens* sit licet materiale & formale beneficium, gratia efficax in præfenti statu erit materialiter & formaliter materiale beneficium; tum quia non est ratio negandi Deo pro rationem benevolentis in elargitione gratiæ efficacis, tum quia gratia naturæ lapsæ juxta S. AUG. non tantum est *potentior*, sed & *major*, quam illa naturæ intactæ, sed non est formale beneficium sine intentione bene-

vola conferentis, ut patet in eo, qui, dum metu naufragii sine voluntate favendi inimicis projicit merces, quas videt illis profuturas, non dicitur erga inimicos beneficus: neque est *formaliter majus* beneficium sine majore affectu, qui, ut sit major, debet esse efficax, ac consequenter prædefinitio; cum Deus *affectu inefficaci* in sua linea maximo possit intendere consensum sub auxilio sufficiente, quatenus hinc magis sit beneficus in dissentientem sub eo auxilio: ergo.

Inferitur 1mo. Discrimen inter gratiam actu efficientem & inefficacem desumi quidem ab actu 2do, quo una efficit, secus altera: inter gratiam tamen, quæ simpliciter dicitur efficax, & sufficientem non in actu tantum 2do, sed ulterius etiam in actu 1mo esse positum.

2do. Hoc discrimen in actu 1mo non esse *intrinsecum* ipsis entitatibus auxiliorum, aut provenire ex eorum natura vel gradu intentionis; sed esse extrinsecum, seu provenire ab extrinseco: adeoque denominationem efficacis non esse essentialem & pure intrinsecam; sed accidentalem, & vel *mere extrinsecam*; si hæc denominatio explicetur per prædefinitionem, & alia tanquam per formas extrinsecas; vel *intrinsecam ab extrinseco*, si per ea tanquam per terminos explicetur, quibus positus in auxilio resultat respectus ad eosdem.

3tio. Si gratia efficax consideretur præcise *secundum se*, & accipiatur quomodocunque posita, distinguitur a sufficiente per solum respectum ad futuritionem conditionatam; quia tunc præscinditur vel non intelligitur sub stare scientiæ mediæ ac prædefinitioni divinæ, quamvis re ipsa ejusmodi status non sit realis, & nunquam fuerit, aut sit possibilis: si vero consideretur simul ut *medium providentiæ divinæ*, aut benevolentiae signum, & prout actu a Deo gratia collata fuit, vel confertur, alios respectus habet ad junctos, ut ex præmissis liquet.

4to. Gratia efficax, maxime *perseverantiæ* in statu naturæ integræ collata dicebat duplicem duntaxat respectum, ad futuritionem nempe conditionatam & scientiam mediam, & inde distinguebatur a sufficiente; quia dabatur scientia media tantum *prælucente*, non autem dirigente: dabatur cum prævisione quidem consensus, non autem ex ejusdem intentione & eo affectu, ut, si prævisa fuisset cō-

ritura

ura effectu, alia fuisset data; unde & dicitur *relitta sub libero arbitrio*, & vocatur auxilium sine quo non, non autem quo.

5to. Gratia efficax, quæ de facto datur, triplicem pectum ad memoratos terminos dicit, eoque a sufficiente distinguitur; quia datur etiam dirigente scientia mea, ex intentione efficaci consensus & eo affectu, ut alia eretur, si hæc prævisa fuisset non habitura consensum, de dat non tantum posse, sed & velle; vocatur auxilium, quo fit, ut faciamus & perseveremus; per illud Demiseretur, cujus miseretur; discernit perfecte consentem a dissentiente; inclinat hominum corda & voluntates, quo vult &c.

Objectiones.

381. *Obje. I.* TRID. statuit gratiam *intrinsece* efficacem stare cum libertate creata: ergo efficacia gratiæ non repetenda ab extrinseco, sed ab intrinseco & ejus ente vel motione. *Prob.* Illa gratia vel motio juxta TRID. cum libertate, quæ juxta *Calvinum* cum ea non stat, eam tollit; quia cum Concilium *Calvino* contradicat, quæ damnet, de eadem gratia intelligi debet: sed gratia *insece* efficax, seu motio physice prædeterminans juxta *vinum* non stat cum libertate, sed eam tollit; quia *Calvinus* non venit in mentem, quod gratia entitative indifferens, quam nos admittimus, libertatem tollat: ergo.

R. N. A. ad prob. R. I. Argumentum hoc patet esse sophisma patet in primis, si sic subsumatur: sed gratia *antecedenter necessitans* juxta *Calvinum* non stat cum libertate: ergo juxta TRID. cum libertate stat gratia antecedenter necessitans. Patet deinde, si similis forma transferatur ad aliam materiam, qualis est hæc: Illud Verbum *C. NICÆNUM* est Patri æterno æquale & consubstantiale, quod juxta *Arianos* æquale non est, nec consubstantiale: sed juxta *Arianos* Verbum creatum seu in tempore uctum æterno Patri non est æquale & consubstantiale:

Verbum creatum juxta *NICÆNUM* est Patri consubstantiale. Patet denique *invertendo* argumentum pro necessitudine sine ulla sophismatis fallacia hoc modo: Cum motione vel gratia potest juxta TRID. voluntas humana consensum componere, cum qua juxta *Calvinum* non

potest:

potest: sed cum gratia efficaci hujus providentiæ, & secundum physicam suam entitatem considerata juxta *Calvinum* non potest humana voluntas componere dissensum: ergo juxta *TRID.* id potest: ergo nulla hujus providentiæ gratia efficax est ex vi suæ entitatis physicæ efficax vel physice prædeterminans.

R. 2. D. M. Illa gratia juxta *TRID.* stat cum libertate, quæ sub motione gratiæ a Tridentino agnita & approbata juxta *Calvinum* non stat cum libertate *C.* quæ sub motione a *Trid.* vel rejecta, vel in dubio relicta juxta *Calvinum* non stat *N.M.* Similiter *D. m.* Gratia intrinsece efficax juxta *Calvinum* non stat cum libertate, & hæc gratia etiam sub nomine intrinsece efficacis, vel sub motione præsertim determinante erat a *Trid.* agnita & approbata *N.* erat vel absolute rejecta, vel saltem in dubio relicta *C. m.* & *N. Conf.* Veritas hujus **R.** elucet quasi a priori ex *TRID.*, quod, ubicunque gratiæ efficacis cum libertate concordiam inculcat, nunquam gratiæ sive *intrinsece* efficacis sive *prædeterminantis* sub his aut æquivalentibus terminis meminit, sed solum appellat gratiam excitantem & moventem, sub eaque motione eam definit stare cum libertate, eoquod sub eadem motione id fuerit a *Calvino* negatum.

Porro an etiam omnis vel aliqua gratia excitans & movens in præsentī providentiā sit *intrinsece efficax* aut *physice prædeterminans*, ut præterea censuit *Calvinus*; & an eadem cum libertate cohæreat, ut *Thomistæ* hac in parte *Calvino* oppositi censent? id certe *TRID.* verbis expressis omnemque dubitationem excludentibus nec affirmando, nec negando definit; quamvis *TT. Catholici* suam quisque sententiam illi conformare, aut ex eo deducere conentur, quod licet, & laudem meretur.

Inst. 1. *TRID.* vel loquitur de motione prædeterminante, vel de motione indifferente, vel de motione in genere, prout ab utraque præscindit? 2dum dici nequit; quia *Calvinus* minime negavit motionem indifferentem posse cum libertate componi: ergo vel 1um, vel 3tium est asserendum. Sed quodcunque ex utroque admittatur, sequitur motionem prædeterminantem stare cum libertate: ergo.

R. D. 1m. prop. *TRID.* loquitur vel de motione prædeterminante, vel de indifferente sub conceptu *formali* &

explicito, aut terminis uni vel alteri motioni aperte & ubi-
tate æquivalentibus N. sub ejusmodi conceptu & ter-
nis; ex quibus unam vel alteram significationem Theo-
i deducere conantur C. Quandoquidem Ecclesia per-
stitit efficaciam gratiæ sive per auxilium intrinsece efficaciæ,
e per auxilium entitative indifferens a Catholicis TT.
olicari, & sub anathematis pœna a PAULO V., aliisque
ntificibus prohibitum est, ne quis alterutram sententiam
isura Theologica notare præsumat; omnino patet, neu-
m sententiam a TRID. explicitè & expresse definitam aut
nnatam dici posse adeoque nec Concilium simili forma
una aut altera fuisse locutum.

Sicut tamen licitum est *Theologis*, ut pro sua quis-
e sententia mentem TRID. conjecturis probabilibus in-
get & captare conetur; sic & intellectam ab eodem mo-
nem indifferentem dici posse ex prioribus colligimus.

Inst. 2. Si TRID. negasset hoc Antecedens: *Da-
r gratia se ipsa efficax*; Pelagianos idem pernegantes
n damnaſſet, quod tamen præstitit: si vero approbaſſet
utum inde ab hæreticis hoc Consequens: *Ergo tollitur
mana libertas*: rem omnino gratam fecisset Luthero &
lvino, utpote qui illud tanquam rite illatum admiserunt,
d Concilium damnavit & *Pelagianos*, & rem Luthero
Calvino gratam sua definitione minime præstitit: ergo
e gratiam a se ipsa efficacem dari negavit; nec libertatis
nam ex illa sequi concessit.

R. I. D. Im. p. M. Non damnaſſet *Pelagianos*
hanc causam, quod negaſſent illud antecedens C. non
nnaſſet aliam ob causam N. *Pelagianos* æque ac *Semi-
agianos* damnatos a TRID. fuisse ob negatam gratiæ in-
ioris necessitatem ad opera salutaria & fidei initium, ex
isdem Sess. 6. Can. 1. 2. & 3. constat. Quamvis vero
retici isti putarent admissa gratia tolli liberum arbitrium,
fatum induci; id tamen non deducebant ex gratiæ *no-
ra* aut *viribus intrinsecis*, sed ex ejus tanquam principii
salutares actus necessario requisita existentia; uti ex eor-
m. primario fundamento manifestum est: quare falsum
utrumque suppositum hujus partis, quod nempe *Pela-
ni* gratiam præcise intrinsece efficacem negaverint, &
o damnati fuerint; cum potius damnata fuerit *4ta Jan-
ii* propositio, quæ asserit, illos in hoc fuisse hæreticos,
quod

quod vellent gratiam esse talem, cui posset humana voluntas resistere vel obtemperare.

R. 2. *N. supp. Et seq. 2da part. M.* Imum quidem; quia non ideo damnati sunt *Lutherus & Calvinus*, quod dixerint gratiam intrinsece efficacem non stare cum libertate, aut hujus ruinam ex illa admissa recte inferri: sed quia volebant voluntatem se *mere passive* habere, moverique a gratia, non qualiter multis sæculis traditam & creditum, ut nostræ postea sit electionis motioni aut obtemperare, aut refragari; sed illam efficaciter afficiendos; quod utrumque *Con. 4. a TRID.* damnatum est.

2dum vero; quia si permittatur Hæreticos hos esse damnatos, quod gratiam *prædeterminantem* admiserint, Concilium vero concesserit, hanc gratiam non stare cum libertate, non sequitur Concilium id concedendo rem fecisse hæreticis gratiam; cum priore damnatione radicem consequentiæ, nempe gratiam *prædeterminantem*, succidisset, & hinc ipsam quoque consequentiam ipsis amatam perdidisset. Cæterum potius theologicæ contendimus, *TRID.* anathemate feriens Hæreticorum doctrinam non solum damnavisse hoc consequens: *ergo tollitur humana voluntas*; sed etiam implicite illud antecedens: *datur gratia se ipsa infallibiliter efficax Et physice prædeterminans*; eo quod necessaria inter utrumque connexio esse videatur.

Inst. 3. Si gratia non est ab intrinseco efficax, sequitur eandem esse *versatilem* & subjectam libero arbitrio: sed hoc est absolum; ergo.

R. *N. sequelam.* *Versatile* duntaxat proprie dicitur illud, quod ex se non magis propendet ad unam partem, quam alteram, potest tamen ab alio agente vel movente in partes contrarias flecti aut inclinari; qua ratione in *physicis* tritones, seu ventorum indices turribus impositi, in *moralibus* voluntas solent vocari *versatiles*: ejusmodi autem non esse gratiam plane est evidens; tum quia hæc ex natura sua voluntatem determinate ad *bonum* allicit & movet; tum quia voluntas sua libertate facere nequit, ut gratia secum ad *actum malum* vel omissionem concurrat; quamvis facere possit, ut cum omissione actus boni, ad quem inclinat, & etiam cum actu malo, a quo retrahit, gratia componatur, eoquod necessitatem non inferat: unde multo minus adhuc gratia actualis potest dici *versatilis*, quam supernaturalis habitus.

Deinde

Deinde etiam distinguendum est inter *gratiam* ipsam
usum gratiæ: ipsa gratia sive quoad entitatem, sive
 quoad existentiam non est *subiecta* libero arbitrio, sed soli
 eo, qui illam creat, facit hujus vel illius speciei aut in-
 nitionis, dat homini, vel negat: *usus* tamen *gratiæ* potest
 ei relictus in potestate humana, quatenus de fide est, ho-
 minem accepta gratia posse consentire vel dissentire; quam-
 s, cum ipse bonus gratiæ usus & consensus non sit a vo-
 luntate, nec in potestate ejus, nisi per gratiam elevatæ &
 jutæ, nequeat dici libero arbitrio proprie subiectus.

Inst. 4. Sequeretur illam determinari a voluntate,
 in vero voluntatem ab illa; ergo.

R. N. Falsitas sequelæ constat tum ex dictis, tum ex
 , quod voluntas plane nihil agat in gratiam, gratia ve-
 , licet sit *indifferens* indifferentia negante connexionem
 fallibilem cum actu, non tamen sit *indifferens* indiffe-
 rentia affirmante inclinationem ad actum malum æque æ-
 num, sed potius sit determinata ad agendum bonum,
 n quidem absolute, sed tantum *conditionate*, si nimi-
 m voluntas cooperetur. Si tamen ulterius quæzatur,
 in gratia, an vero voluntas in actione bona ab utroque
 c principio profecta determinet?

Observandum est inprimis, hanc quæstionem non
 rfari de *determinatione* proprie tali & *physice causali*, aut
 ciente ipsam gratiam vel voluntatem; sed de prioritatem
 ntaxat *logica*, causalitate formali, attemperatione gra-
 cum voluntate in ipsa operatione: deinde responderi
 test, in hac acceptione *voluntatem* posse dici *determi-*
ntem, non vero gratiam; tum quia voluntas sic cum
 itia operatur, ut pro sua libertate antecederet potuerit
 n operari: tum quia, ubi effectus idem una indivisibili-
 tione a pluribus causis procedit, ab illa sola dicitur pro-
 lere ut determinante, a qua procedit ut *formaliter li-*
e ipsum efficiente.

Inst. 5. Saltem gratia acciperet suam efficaciam ab
 rinsco, maxime a voluntate vel consensu: Sed hoc
 a rationi, tum auctoritati repugnat; ergo.

R. N. Nullitas sequelæ ostenditur ex iis, quæ in
 tia distinguere oportet. Nam vis seu *virtus effectiva* cau-
 ter est a solo Deo, formaliter ab ipsa gratia, sub nulla vero
 fideratione a voluntate: *actio* ipsa gratiæ inadæquate
 sumpta.

sumpta rursus est a sola gratia; adæquate sumpta est quidem etiam a voluntate, ita tamen, ut nullus influxus in gratiam, sed duntaxat in effectum a gratia simul & voluntate productum intelligatur: *infallibilitas* denique connexionis, quamvis a veritate & futuritione conditionata, & sic etiam a voluntate aliquomodo habeatur, tamen perficitur per purificationem conditionis & positionem auxilii, quæ unice a Deo, nullatenus a voluntate creata dependet. Accedit, quod sensus adversariorum sit, gratiam suas vires & operandi virtutem accipere *ab extrinseco* seu voluntate; quod falsum omnino esse ostendimus.

Inst. 6. Gratia ex sua entitate est *causa* consensus: sed causa debet ex sua entitate esse efficax: ergo gratia ex sua entitate debet esse efficax, consequenter ab intrinseco.

R. *D. M.* Gratia ex sua entitate est causa necessaria & infallibilis *N.* contingens & fallibilis *C.* similiter *D. m.* Causa ex sua entitate necessaria debet etiam ex sua entitate esse efficax *C.* Causa contingens & fallibilis *Subd.* debet ex sua entitate esse efficax, h. e., habere vim & virtutem efficiendi *C.* h. e., habere necessariam vel infallibilem connexionem cum effectu *N.*

Inst. 7. Gratia in statu conditionato est efficax *antecedenter* ad scientiam mediam & prædefinitionem, utpote quæ futurum consensum supponunt: Item si eadem gratia, quæ nunc ut substantia futuritioni scientiæ ac prædefinitioni dicitur efficax, daretur sine his formis & terminis, nihilominus foret efficax, eliceretque consensum: ergo debet esse efficax ab intrinseco.

R. Quoad *1mum D. A.* Gratia in statu conditionato antecedenter ad scientiam mediam jam est efficax in actu 1mo *N.* in actu 2do *T.* Gratia efficax in actu 1mo est gratia infallibiliter habitura consensum: sed si sumatur in statu conditionato antecedenter ad scientiam mediam ejusque objectum seu futuritionem, nec habet infallibilitatem ex sua entitate, utpote quæ est indifferens; nec ex *complexo* entitatis sive cum scientia media, sive cum scientiæ mediæ objecto, seu futuritione; utpote ante quod complexum gratia concipitur: ergo. Est itaque tantum efficax in actu 2do, & quidem mere contingenter & fallibiliter: quis proprie non est, sed tantum foret efficax, quis esset consensus voluntatis libere ac contingenter obtentura, si a Deo daretur; unde & hanc partem transmissimus.

Quoad

Quoad 2dum *similiter* D. Nihilominus foret efficacia in actu primo N. in actu secundo *subd.* efficacia late-
la, materiali & philosophica C. speciali, formali &
ologica N. Ad postremam efficaciam non sufficit, reipsa
modocunque poni effectum, sed poni a causa, quæ in
u primo dicit infallibilem connexionem ad effectum;
ut ad efficaciam causæ per se non sufficit effectum poni
accidens.

382. *Objic. II.* Forma discretionis inter consenti-
em & dissentientem non potest esse communis: quia S.
3. L. de præd. Sanct. C. 5, quærit: *Nunquid per hæc*
ia, quæ omnibus communia sunt hominibus, discer-
itur homines ab hominibus? Sed forma discretionis est
ia; & si hæc esset indifferens, foret forma communis
& gratia nequit esse indifferens.

Re. D. M. Forma discretionis in actu 2do & forma
non potest esse communis C. Forma discretionis in actu
& causalis seu radicalis *subd.* non potest esse commu-
tam intrinsece seu entitative, quam extrinsece seu re-
tive C. non potest esse communis saltem intrinsece &
tative N. Similiter D. m. Gratia est forma discre-
in actu 1mo & radicalis C. in actu 2do & formalis N.
si esset indifferens, foret communis intrinsece & en-
ive C. etiam extrinsece & respective N. ex dictis tum
præsentis, tum in Tr. de Deo *discretio formalis* & in
2do consentientis a dissentiente stat in ipso consensu,
ut loquitur S. AUG. l. c. *Fides discernit fidelem ab in-*
is, quæ sane non est communis dissentienti & infideli:
alis autem & in actu 1mo stat in gratia, non quidem
ndum solam entitatem & intrinsecum sumpta, sed ut
tante tribus illis formis vel connotatis.

Unde quamvis gratia sit communis quoad illam, non
en non convenit omnibus secundum hanc acceptio-
. Textus S. AUG. non est ad rem, quia eo agit con-
Scmipelagianos, qui per ea dona intelligebant natu-
, vel gratias meritis naturalibus debitas; quæ utique
ion discernunt hominem ab homine, vel fatiunt, ut
o gloriari possit, quasi non acceperit: quod utrumque
gnare Apostolus S. Doctor ibidem ostendit.

Inst. I. Si Gratia efficax esset entitative indiffe-
, voluntas foret causa principalis consensus, non au-
tum

tem gratia vel Deus, quia, ubi duo concurrunt ad eundem effectum, hic illi tribuitur præcipue, qui se ipsum & actionem, ac consequenter aliquo modo alium etiam determinat, quod voluntati convenire ex dictis liquet: consequens vero a nemine admittitur: ergo.

Rx. 1. *N. M. ad prob. D.* Effectus præcipue tribuitur determinanti, si determinans habeat ex se vires producendi effectus C. si accipiat ex benevolo affectu causæ indifferentis, & potestas ipsa determinandi sit ex suppositione determinationis Dei, volentis sic concurrere, ut libere agat creatura N. Rx. 2. *D. M.* Voluntas foret causa principalis productiva consensus N. Solum electiva T. Gratiam nihilominus esse causam principalem productivam salutis consensus, tametsi voluntas dicatur esse causa primaria in ratione *principii electivi*, patet tum ex eo, quod voluntas ad actum salutarem solum concurrat ut principium elevatum, gratia autem ut elevans: tum ex hoc, quod actus salutis, utpote supernaturalis, simpliciter excedat proprias voluntatis vires.

Præterea vero transmissum duntaxat est, voluntatem esse *principalem causam electivam*; quia licet voluntas supposito collatione gratiæ seipsam determinet ad consensum, tamen, cum Deus non solum conferat gratiam & per eam vires agendi, sed etiam dependenter a scientia media infallibiliter prædefiniat creaturæ consensum, Deus in *linea morali* etiam causa principalis electiva dici potest.

Inst. 2. Gratia efficax nequit esse *aqualis* gratiæ sufficienti quoad entitatem & congruitatem desumptam a circumstantiis loci, temporis, subjecti & modi movendi; quia hæ gratiæ utpote solo numero differentes vel non possent discerni, ita ut una anteponatur alteri, vel si una etiam ab altera discerneretur, nulla posset esse voluntati ratio sufficiens, unam præponendi alteri: ergo nec potest esse *entitative indifferens*, vel saltem non est talis indifferentiæ, qualis est sufficiens.

Rx. 1. *Ad prob. 1am N. Aff.* quia negamus tantum inæqualitatem auxiliorum in ordine ad congruitatem, non vero in ordine ad circumstantias simpliciter individuan-tes. Similiter *N. prob. 2dam*, ejusque *Supp.* Voluntas non solum est libera ad eligendum inter inæqualia, sed etiam *inter aqualia*; imo in hoc maxime consistit domini-

um

in voluntatis, & libertatis ratio: alioquin voluntas semper am quoad exercitium actus determinanda esset vel ab intellectu, vel ab objecto. Ut autem voluntas tunc eligat, *sufficiens* est, quod in uno medio vel objecto inveniatur motum sufficiens, ut appetatur; in altero autem nihil sit, ad necessitatem ad ejus electionem: hoc enim posito, quamvis idem reperiat in altero objecto vel medio, non est necessarium speciale motivum, sed sufficit *sola libertas*, ut assumatur, & alterum relinquatur; licet ea enim liber sufficit sine novi motivi accessione, ut quod objectum medium in priori instanti fuit assumptum, in subsequenterelinquatur.

R. 2. *N. Conf.*; quia nec illi, qui ad gratiam efficacem congruitatem *attemperationis* exigunt, in ejus ente certitudinem auxilii physicam aut infallibilitatem connexionis cum consensu reponunt.

383. *Objic. III.* Gratia est efficax pro priori ad sensum conditionate futurum; tum quia vera est hæc positio: *ideo gratia obtinebit consensum, quia est efficax*; illa autem est falsa: *ideo est efficax, quia obtinebit sensum*: tum quia consensus est effectus gratiæ efficacis efficacis; ergo.

R. *Ad prob. 1am.* Si sermo sit de gratia ante *veram conditionatam* concepta, neutra propositio est vera quia in hoc statu nec verum est dicere: gratia obtinebit consensum; nec: gratia est efficax seu infallibiliter obtinebit consensum: adeoque neutra causalis locum habet. utem sermo sit de gratia *supponente veritatem conditionatam*, utraque propositio est vera in sensu formalis; & S. THOM. Lect. 6. in Cap. 8. ep. ad Rom. sit: *vocatio est efficax in predestinatis, quia hujusmodi tioni consentiunt.*

Ad prob. 2dam R. D. Consensus ut actualiter potest & executioni datus est effectus gratiæ efficacis quæ efficitur. Consensus ut objective prævisus N. Sic enim non sed esset effectus. Porro *Disp.* est; quod consensus in existentia & absoluto fiat a gratia ut jam prævisa habet effectum & cum eo connexa, adeoque habente omnem causæ rationem: in statu autem *conditionato* nec prævisus futurus a gratia ex se cum effectu connexa, quia alioqui esset necessaria & a voluntate impediri nequirit;

ret; nec a gratia per aliam scientiam vel futuritionem jam adepta hujusmodi connexionem, ut supponere oportet: adeoque gratia in hoc statu rationes ad efficaciam *theologicam* requisitas non habet, nec ab ea ut efficaci futurus consensus prævideri potest.

Inst. 1. Ad efficaciam gratiæ habendam nequit prærequiri *futuritio conditionata*; tum quia alias Deus pro collatione gratiæ expectaret liberi arbitrii determinationem; quod a C. ARAUS. II. can. 4. est damnatum: tum quia initium salutis foret ex nobis; quod rursus damnatum est Sess. 6. C. 5. in TRID.: tum quia prima gratia conferretur propter merita conditionate prævisa; quod iterum Ecclesia damnavit in *Semipelagianis*; ergo.

Ex. D. A. Ad efficaciam gratiæ quoad vim operandi nequit prærequiri *futuritio conditionata* C. quoad infallibilitatem connexionis *Subd.* nequit prærequiri *futuritio conditionata* prioritatem logicam & subsistendi consequentiam N. prioritatem physicam & causalem C.

Ad prob. 1am D. seq. Deus expectaret determinationem liberi arbitrii ex propria & naturali virtute agentis N. agentis per vires gratiæ *Subd.* expectaret proprie ac physice cum suspensione actionis N. improprie ac logice, quatenus Deus non ante prævisionem scientiæ medice decernit dare gratiam C. Sicut in errore 5to *Semipelagianorum* ostensum est, sententiam nostram non convenire cum erroneo dogmate horum Hæreticorum; sic ARAUSICANI C. definitio illos oppugnans contra nos hic proferri nequit. Quamvis vero improprius modus loquendi sit, cum dicitur Deus *expectare* nostram determinationem; tamen nostro sensu eundem tum a SCRIPTURA, tum a SS. PATRIBUS esse usurpatum constat ex Isa. 5. v. 4. & 7., Item Cap. 30. v. 18. & S. HIER. in laudatos textus, ac PROSP. L. 2. de voc. C. 8. supra relatis.

Ad prob. 2dam N. seq. tum quia consensus etiam *conditionate futurus* dependet a gratia per modum conditionis importata: tum quia is nulla ratione est causa vel physica, vel moralis, ut conferatur gratia; sed unica Dei voluntas libera; quæ proinde est radix & initium nostræ salutis.

Ad prob. 3tiam rursus N. seq. cujus ratio patet tum ex proxime dictis; tum ex eo, quod, sicut in illo prio-

dantur *merita* conditionate, sic etiam dantur *demerita*; eoque neutrum præ alio habere queat rationem movendum, sed sint duntaxat objectum scientiæ Dei, secundum quod libere & infallibiliter eligi queat.

Inst. 2. Si efficacia gratiæ haberetur a consensu conditionate futuro, sequeretur 1., dari *mutuam causalitatem*; quia consensus foret causa efficiaciæ, & efficacia est ipsa consensus: 2. *Discretionem etiam radicalem* non a solo Deo, sed simul a nobis: 3. Deum per gratiam a facere hominem *ex nolente volentem*, sed solum ex conditionate volente absolute volentem: hæc omnia vel verda, vel etiam erronea sunt: ergo.

R. Quoad 1^{um} D. *seq.* Foret mutua causalitas in lemi causandi genere & respectu ejusdem N. Secus C. in imprimis consensus *conditionatus* est causa efficiaciæ, cacia autem est causa consensus *absoluti*: deinde consensus est causa duntaxat *resultantiæ & objectivæ*, efficacia in causa producti & *effectivæ*: deinde consensus est causa efficiaciæ quoad *infallibilitatem*, efficacia autem secundum *operativam* proprie est causa consensus.

Quoad 2^{um} & 3^{tium} N. *seq.* Ratio *prioris* est; quia, sicut in statu conditionato nulla est discretio, ubi quilibet prævidetur multis & mala & bona faus sub aliqua conditione; sic & a consensu tantum conditionato non potest dici discretio esse ex notum quia discretio proprie juxta S. AUG. fit a consensu gratiam: *Ille enim discernit, qui, unde discerna impertit*: collatio autem gratiæ fit & dependet a Deo, non ab homine. Ratio *posterioris* est; quia quidem, prout confert auxilium A., cui prævidet nem consensurum, facit ex conditionate volente absolute volentem; sed prout confert auxilium idem præ B., cui videt hominem dissensurum, facit ex nolente item. Præterea alio etiam modo, scilicet quatenus homini gratiam *efficacem*, qui sibi relictus nollet operari aut quatenus homini gratis remissionibus alias residat gratiam *uberiorem*, ex nolente facere volentem gitur.

Inst. 3. Ante Scientiam mediam jam est bonus gradus; tum quia scientia media est *speculativa*; & supremum objectum, tum quia enuntiat consensum esse

futurum sub conditione gratiæ efficacis, & non sub conditione sui ipsius; ergo scientia media nihil confert ad gratiæ efficaciam.

R. D. A. Jam ante scientiam mediam est usus bonus gratiæ absolutus N. conditionatus *Subd.* est sub aliqua formalitate, scilicet connexionis determinatæ & objectivæ infallibilis T. sub omni formalitate, infallibilitatis formalis tum cognoscitivæ, tum affectivæ N. Dixi: *Transfert*; quia infallibilitas objectiva perficitur purificatione conditionis. *Ad prob. 1am D.* Scientia media est speculativa respectu consensus conditionati C. respectu consensus absoluti N. Hujus enim respectu potest dici *practica* non quidem effective, sed tamen *directive*; quatenus ratione hujus scientiæ Deus est proxime potens certissime ac provide obtinere liberum hominis consensum, si illum obtinere velit.

Ad prob. 2dam N. 1am p. Aff. Ratio est; quia gratia efficax est, quæ per scientiam mediam prævidetur habitura effectum: Sed scientia enuntians consensum esse futurum sub conditione, si Deus daret gratiam, quæ per scientiam mediam prævidetur habitura effectum, non est scientia media, sed scientia necessaria seu *simplicis intelligentiæ*; ergo & scientia enuntians consensum esse futurum sub conditione gratiæ efficacis non erit scientia media, sed necessaria.

Itaque *scientia media* solum enuntiat consensum esse futurum sub conditione gratiæ in actu primo proximæ & sufficientis hoc modo: si homini tali tempore, occasione & loco daretur auxilium A., homo illi consentiret. Perro hoc scientia media non enuntiat esse futurum infallibiliter, sed infallibiliter enuntiat esse futurum contingenter: unde scientia non habet *infallibilitatem* propter necessariam & intrinsecam connexionem gratiæ cum consensu; sed propter infinitam intellectus divini perfectionem; qui sicut ex sua essentia est determinatus ad cognoscendum omne futurum seu absolutum, seu conditionatum, ita pariter est determinatus ad illud cognoscendum cognitione certissima, cui falsum subesse nequit.

Inst. 4. Bonus usus gratiæ *conditionatus* non pendet a scientia media, ergo nec *absolutus*; quia uterque dependet ab eisdem principiis. Item inefficacia gratiæ non pendet

videt a scientia media de *dissensu*: ergo nec efficacia gra-
dependet a scientia media de *consensu*.

R. quoad 1^{um} D. Uterque pendet ab iisdem prin-
iis per accidens tantum ad operationem requisitis N. per
requisitis *subd.* eodem etiam modo extrinsece affectis N.
erfo affectis modo C. Principia consensus salutaris tum
ditionati, tum absoluti *per se* requisita sunt gratia & vo-
tas; quæ in statu absoluto substant triplici illi formæ,
ad tres illos terminos respectum dicunt, in statu autem
ditionato illis carent: eadem formæ etiam possunt dici
ncipia consensus, sed *per accidens* tantum requisita;
a vel sine illis operatio simpliciter haberi potest, vel
tinet potius ad rationem medii providentiæ & beneficii
ini in operatione explicandam, quam ad ipsius effectus
itionem.

Quoad 2^{um} R. N. A. Quia gratiæ *inefficacia* quo-
infallibilitatem etiam habetur a futuritione conditionatæ
ensus, & scientia media de dissensu, & gratia prout his
mis subsans est in actu primo inefficax. *Disparitas*
ven inter efficacem & inefficacem est; quod gratia non
ucat, aut concurrat ad *dissensum*, nec Deus intendat
prædefiniat eundem, adeoque ut subsans scientiæ me-
nequeat proprie dici medium ad dissensum.

Inst. 5. Deus independenter a scientia media per so-
simplicem intelligentiam videt consensum liberum ho-
nis sub auxilio A. indifferenti esse possibilem: ergo hoo
est proxime potens ad impetrandum infallibiliter con-
tum hominis per istud auxilium; tum quia Deus effica-
r potest decernere existentiam cujuslibet objecti, quod
ibile per scientiam *simplicis intelligentiæ* cognoscit;
quia alias pro eo signo, pro quo consensus liber est possi-
s creaturæ, idem consensus non esset possibilis Deo.

R. D. A. Deus independenter a scientia media per
m *simplicem intelligentiam* videt consensum liberum
possibilem remote, & prout ejus possibilitas præcise de-
det ab omnipotentia C. videt illum possibilem proxi-
, & prout possibilitas dependet a voluntate divina po-
e illum proxime & infallibiliter producere N. A. &
if.

Ad hujus *prob. 1^m. D.* Deus cognita per scientiam
plicitis intelligentiæ possibilitate potest efficaciter decer-
nere

nere existentiam cujuslibet objecti a sua solius libertate dependentis, quale est v. g. mundus C. objecti simul a libertate creata dependentis, qualis est liber hominis consensus N. *Disp.* est; quia in posteriori casu vel decretum Dei sine prævia scientia media esset frustrabile, vel actus creaturæ non foret liber. *Ad prob. 2d. N. Aff.*; quia in illo signo scientiæ simplicis intelligentiæ ille actus est creaturæ etiam solum remote, imo temotius, quam Deo possibilis.

384. *Objic. IV.* Sine prædefinitione habetur in gratia efficaci ratio specialis beneficii; ergo prædefinitio nec debet, nec potest statui forma vel terminus gratiæ efficaciæ. *Prob.* Ad rationem specialis beneficii sufficit, quod Deus prævideat gratiam habituram effectum & illam tribuat, licet ipsam efficaciam non intendat; tum quia gratia efficax naturæ integræ erat speciale beneficium, quamvis daretur sine hac intentione: tum quia, ut quis specialem alteri injuriam inferat, sufficit, quod ponat actionem, ex qua prævidet secuturum damnum, licet illud non intendat.

R. N. Aff. Ex dictis enim nequidem esset beneficium formale, multo minus specialiter formale. *Ad rat. Im. D.* Gratia efficax naturæ integræ erat speciale beneficium, sumendo speciale pro materialiter & quoad effectum majore C. sumendo pro formaliter & quoad affectum &c benevolentiam majore N.

Ad rat. 2d. R. 1. N. Aff. Quia si quis ad ponendam actionem, ex qua sequitur alterius damnum, quod alter impedire potest, habeat jus, non infert alteri injuriam, nisi hanc intendat. *R. 2. N. parit.* Quia injuria pertinet ad malum, quod habetur ex quolibet defectu, & ad quod sufficit cognitio & voluntarium quodcumque etiam negativum, indirectum vel in causa: beneficium vero est in ordine boni, quod non est nisi ex integra causa, & debet non tantum cognosci, sed & positive intendi, ut denominationem boni moralis nanciscatur.

Inst. 1. Prædefinitio divina nihil speciale ponit ex parte actus primi proximi prævisi efficaciæ, quod non ponat permissio peccati ex parte illius actus prævisi inefficaciæ; ergo sicut ex illa permissione non habetur in gratis inefficaci singulare maleficium, sic ex prædefinitione non habetur speciale beneficium.

R. D. A. Prædefinitio nihil speciale intrinsecum entitativum ponit ex parte actus primi proximi, quod non ponat permissio peccati T. nihil speciale extrinsecum denominativum N. Gratia efficax respicit singularem factum misericordiæ divinæ ac intentionem consensus, efficax autem illa non respicit. Dixi: *Transcat*; quia prædefinitio consensus sæpe ponit gratiam etiam entitative majorem & intensiorem, quamvis adhuc indifferentem ac pudibilem.

Inst. 2. Prædefinitio est voluntas Dei absoluta & efficax: sed absoluta & efficax Dei voluntas tollit *libertatem* actus prædefiniti; tum quia hæc voluntas Dei est in-
frustrabilis: tum quia ille, cujus actus est prædefinitus, non potest non consentire: ergo.

R. D. M. Prædefinitio independens a scientia media est voluntas Dei absoluta & efficax C. Prædefinitio a scientia media dependens *subd.* est voluntas Dei absoluta nullam includens conditionem creaturæ liberam, & efficax mere ab intrinseco N. est voluntas absoluta implicite saltem dicens conditionem creaturæ liberam, & efficax ab intrinseco, scilicet a cooperatione creaturæ libera C. similiter **D. m.** voluntas Dei penitus absoluta & mere ab intrinseco efficax tollit libertatem C. voluntas Dei simpliciter quidem absoluta, secundum quid tamen conditionata efficax dependenter a cooperatione creaturæ conditionata. N. m.

Ad ejus rat. 1m. D. Voluntas Dei penitus absoluta mere ab intrinseco efficax est infrustrabilis C. simpliciter absoluta & ab extrinseco efficax *subd.* est infrustrabilis, sed non indirecte impedibilis C. est tum infrustrabilis, tum æquidem indirecte impedibilis N. scientia quidem media datur, nequit falsificari, & prædefinitio posita frustrari non carere effectu nequit; utraque tamen *impediri* potest, & ponantur; si enim homo non esset consensurus, nec scientia media, nec prædefinitio de consensu fuisset ab eterno.

Ad rat. 2d. D. Ille, cujus actus est prædefinitus, non potest dissentire antecederet N. consequenter *subd.* non potest dissentire simultate potentie, ita ut non habeat veram potentiam dissentiendi stante etiam prædefinitione consensus N. potentia simultatis, ita ut non habeat potentiam conjungendi dissensum cum existentia prædefinitionis

de consensu C. Homo ejusmodi habet actum primum proximum indifferentem ad con- vel dissentiendum, & posset simpliciter dissentire; certo tamen non dissentiet: & si esset dissensurus, neque scientia media, neque prædefinitio de consensu existerent.

Inst. 3. Præmotio physica tollit libertatem: ergo & prædefinitio.

R. N. Conf. Multiplex ex alibi jam dictis est disparitas. Nam 1. *præmotio physica* se teneret ex parte creaturæ; esset principium per se requisitum & proximæ influens in consensum; non relinqueret principia alia, quæ una influunt, *indifferentia*: econtra prædefinitio a scientia media dependens se tenet solum ex parte Dei; est principium per accidens duntaxat requisitum & remotum; relinquit reliqua principia non minus, ac actum primum proximum, indifferentia. 2. Præmotio habet *infallibilitatem intrinsecam* & in ipsa virtute causandi fundatam; prædefinitio autem solum extrinsecam & fundatam in consensu libero conditionate futuro. 3. denique tum decretum prædeterminans, tum præmotio essent a creatura *impedibilis*: prædefinitio nostra potest saltem indirecte a creatura impediri.

ARTICULUS V.

Quanam sit historia controversia de gratiæ auxiliis superioribus sæculis inter Catholicos agitata?

385. *N*ota. Præter Acta Lemosi, Pegna, Coronelli aliorumque in Congregationibus de gratiæ auxiliis, variz narrationes tum a Patronis gratiæ per se efficaci, tum a Nostreis aliisque editæ priori jam sæculo extabant. Anno ejusdem sæculi postremo tandem prodiit justum volumen, complexum Historiæ congregationum de auxiliis gratiæ divinæ sub summis Pontificibus CLEMENTE VIII. & PAULO V. Libros quatuor Autore Augustino Le Blanc Ss. Theol. Doctore: oppositi huic sunt A. 1705. Historiæ controversiarum de divinæ gratiæ auxiliis sub SIXTO V. CLEMENTE VIII. & PAULO V. Libri sex Auctore Theodoro Eleutherio Theologo.

Recusa subin fuit historia prior, aucta libro quinto superiorum quatuor apologetico, autorque, quem jam ante Eleu-

eutherius detectum vulgaverat, inscriptus est Fr. Jacobus Hyacinthus Serry Ord. Prædicatorum: eidem reddidit vices, vindicato ab objectionibus opere, quod sub Eutherii schemate prius emiserat, aperta jam fronte P. Linus de Meyer Soc. Jesu. Ex alterutro postmodum conarunt hujus historiæ compendia Theologi plerique, in quos nonnulli non tam veritatis amore, quam partium, eas circa gratiæ efficaciam sectantur, studio Historicum veri alterum prætolerunt.

Cujus quidem vitii suspicio ne relationi nostræ asperquet, visum est aliena opera uti, & adoptare epitomen auctoris, qui præter reliquas judicis vel arbitri dotes animum neutri addictum parti professus est, quæ alios circa materiam de scientia Dei & gratiæ auxiliis in sectas dividere solet. Hujusmodi autem omnino est Honoratus Tourly Doctor Sorbonicus; cujus proinde historicam epitomen ex Prælectionibus Theologicis contractis fideliter descriptam, exceptis quibusdam erroribus forte typographi-
s, damus.

§. I.

De Occasione Congregationum.

36. **V**ix instituta erat SOCIETAS JESU, jamque e vivis defuncto sanctissimo fundatore, sparsis per Europam illius membris, & primas in Universitatibus cædram occupantibus, conquæsti sunt plerique PP. DOMINICANI, novam eos, eamque a Pelagianismo non satis recentem edocere doctrinam: nec minus de Dominicanis conquerebantur Societatis Patres, quod suo præsertim circa prædeterminationem systemate Calvinii defensoribus faverent. Talis atque tantus fuit rumor ille, ut summi Pontificis auctoritas in medium vocata accusationum veritatem dignoscere dedignata non fuerit: quomodo autem ad eum tribunal causam reservare fuerit adducta, nunc vellet exponendum.

387. I. Anno 1581. *Prudentius de Monte Major* abhinc apud Salmanticenses Thesibus doctrinam de scientia media propugnavit. Ipsi præluserant, teste Gabriele de Senao Libr. de scientia media historice propugnata, Fonca apud Conimbricenses, Molina Eboræ, Henricus Henriquez Cordubæ, Deza in Complutensi Academia, Didacus Pæz

Paez & Michael Marco in urbe Salmanticensi. Verum his omnibus famosior Prudentius. Contra illius Theses disputavit celebris ex Ordine Prædicatorum *Dominicus Bannez* in eadem Universitate Salmanticensi primariæ cathedræ moderator; qui & a disputatione egressus sexdecim propositiones Inquisitionis sanctæ tribunali suo & amicorum quorundam nomine denuntiavit. Has S. Officii Commissarius damnavit, inquisito prius censorio Doctorum Salmanticensium judicio; sed illas *Prudentio de Monte Major* non tribuit Inquisitor, & ipse Prudentius eas velut sibi proprias nusquam agnovit, nec illas tanquam doctrinæ a se assertæ consecrarias fassus est. Atque hæc fuisse initia celeberrimorum dissidiorum, quæ in Hispania Prædicatorum Ordinem cum Societate commiserunt.

388. II. Fervebat adhuc in Salmanticensi Academia disputationis æstus, cum *Lessius* & *Hamelius* apud Belgas eandem, ac Prudentius, doctrinam propugnarent annis 1586. & 1587. Iis obstiterunt Academiæ Lovaniensis ac Duaccensis, ducibus hic Estio, ibi Bajo; atque quatuor supra triginta propositiones damnarunt: hic dissidiorum origo in Belgiis. Orta isthæc dissidia auctoritate sua compescuit SIXTUS V. summus Pontifex, dato die 15. Aprilis Anni 1588., Brevi ad suum in Belgio Nuntium Apostolicum, quo totius controversiæ cognitionem summo reservavit Pontifici. Utriusque porro dictæ Academiæ censuram a sancta sede fuisse approbatam A. 1679. contendunt nonnulli; reclamant cæteri.

Negans sententia nobis videtur probabilior: etenim, ut alia prætermittam, ex quibusdam excerptis Registorum S. Officii constat, die 10. Decembr. A. 1679. prohibuisse sacram Congregationem Oratoribus Lovaniensibus, ne Censuram prædictam typis mandarent, & lata prohibitione subditur: *significet autem Oratoribus, quod nec Sanctitas sua, nec sacra Congregatio unquam approbavit dictam censuram, seu ejus Justificationem in materia gratiæ.* Nihil certe disertius.

389. III. *Molina* primarius in Eborensi Academia Theologiæ Professor suum celebre opus de concordia liberi arbitrii cum gratiæ donis &c. edidit. Commentarium est in nonnullos primæ partis divi Thomæ Articulos, de divina scilicet præscientiâ, prædestinatione & reprobatione.

Hæc

hic efformando jam a triginta annis incubuerat *Molina*. & lucem videbat Opus a Bartholomæo Ferreira Dominico approbatum, & statim varios expertum est hostes, eferatim *Bannezium*: at re in sanctæ Inquisitionis tribunali contradictorie expensa illæsum remansit, ejusque promulgatio concessa A. 1588.

390. IV. Istud *Molinæ opus* e Lusitania ad Hispaniam delatum, faventibus supremis Castellæ & Arragoniæ conciliis, typis mandatum fuit, approbantibus Hispanis obus Theologis: hic denuo suscitata in Hispaniis Dominicanorum querelæ. Æstuantibus interim hinc & inde imis ac vehementi suscitatis ardore A. 1594. in urbe Illisolefana Antonius *Padilla* e Societate Jesu Theſibus blicis *Molinæ* ab urbis hujus Dominicanis læsi patrocini-um suscepit: insurrexere in illum Dominicani tum vivece, tum Theſibus publice propositis; & eo usque propit altercatio, ut propositiones e *Molina* excerptæ a Dominicanis, & e *Bannezio* a Societatis Patribus sanctæ quisionis Hispanicæ tribunali denuntiata fuerint.

391. V. De his motibus a supremo Inquisitore cer- r factus S. Pontifex CLEMENS VIII., necdum lato In- isitionis judicio, ut crescentibus in dies per totam Hi- niam dissidiis occurreret, totius causæ cognitionem sibi ervavit eodem anno 1594.: imperato primum utriquē ti silentio; posthac permessa disputatione, prohibitis nen acrioribus notis ac censuris: tandem postulatis ac- tisque utriusque partis momentis, Consultoribusque de- natis celebres præcepit inchoari congregationes *de Au- iis*.

§. II.

De ipsis Congregationibus.

2. **A**nnio 1590. supremum diem obierat summus Pon- tifex SIXTUS V. Ejus successoribus URBANO I. GREGORIO XIV. & INNOCENTIO IX. citius fato sun- i, ad sanctam sedem evectus est A. 1592. CLEMENS VIII. est, cujus jussu habitæ sunt celebres Congregationes, e *de Auxiliis* dictæ sunt, quis in illis exagitata potissi- um fuit quæstio de auxilio divinæ gratiæ. Celeberrima æ congregatio integris novem annis & octo mensibus duravit; a die scilicet 2. Januarii A. 1598. ad 28. Au- gusti

gusti A. 1607., atque claritatis gratia in quinque epochas distribui potest.

Epocha 1ma a 2. Jan. A. 1598. extenditur ad 22. Febr. anni 1599. sequentis: congregationibus undecim (*intra 2. menses Et 11. dies absolutis*) tractata est causa: demum Censuram judicia lata sunt scripto de prohibendo omnino Molinæ libro. Soli his congregationibus adfuerunt octo Consultores a Pontifice designati, quibus præerant Cardinales Ludovicus Madrutius & Pompejus Arrigonius. Interim advenientibus Hispanis e Societate Patribus de tali censura querelæ motæ sunt; hinc jubente summo Pontifice novæ congregationes celebratæ.

Epocha 2da a 22. Febr. 1599. ad diem 20. Aprilis A. 1600. octo collationibus peracta est, præside adhuc Madrutio, cui adjuncti sunt post secundam congregationem Card. Bernerius Ord. Præd. & Bellarminus e Soc. in his congregationibus disputarunt Jesuitæ cum Dominican.: ex parte *Dominicanorum* adfuerunt Didacus Alvarez & Michaël a Ripa: ex parte vero Patrum *Societatis* Michaël Vasquez & Petrus Arrubal. Inter hæc moritur Card. Madrutius 20. April. A. 1600.; sicque abruptuntur institutæ collationes.

Epocha 3tia complectitur congregationes a die 27. Aprilis A. 1600. ad 20. Martii 1602., quarum septuaginta septem habitæ sunt. Primis præfuit Propertius Resta, sed post vigesimam quartam morbo, atque paulo post morte correptus; ceteris præfuit Julius Sanctutius de Monte Filatrano, & ipse quoque Episcopus & Consultor. Dictam in viginti Molinæ propositiones *censuram* probarunt adhuc Consultores: huicque subscripserunt 29. Novembr. A. 1601., eamque die 5. Decembris summo Pontifici obtulerunt. Censuram hanc agentibus Societatis Patribus non admisit summus Pontifex, remque totam se ipso præsentem agitari & discuti voluit, auditis utriusque partis Theologis, ut scilicet causa sic contradictorie discussa pronuntiandæ juridice sententiæ viam sibi pararet.

Epocha 4ta. Celeberrima est isthæc epocha: a die 20. Martii A. 1602. ad 22. Januarii anni 1605., s. xaginta octo congregationibus integra Molinæ causa retractata fuit. His præfuit ipse Papa CLEMENS VIII., cui adstiterunt semper duo Cardinales supremi Inquisitores, Camillus Burgheius, qui postea ad Petri cathedram sublimatus fuit sub Pauli V. nomine, & Pompejus Arrigonius: sextæ & sequen-

entibus congregationibus interfuere insuper Cardinales culamus, Pinellus, Sfondratus, de Avila. Hæc erat congregatio S. Officii, uno excepto Cardin. Bellarmini, qui jam antea Capuam secesserat, cui Diœcesi a S. Pontifice præfektus fuerat.

Ad quinquagesimam quintam vocati sunt præterea Cardinales de Givry, Taberna, de Monopoli; ad sexagesimam septimam Card. du Perron; ad postremam Cardinales Aldobrandinus, Bellarminus, Blanchettus. Adfuerunt insuper Episcopi quinque, Lombardus Archiep. Arminius, Lalius Sueffanus, Julius Sanctutius, Hippolytus Merisius, Basilius Pignatellus: *Consultores* Theologi novem, duo Doctores Sorbonici, duo ex Ordine S. Augustini, duo ex Ordine S. Francisci, unus ex Ordine S. Basilici, unus Carmelita, & Procurator generalis Capucinum, postea S. R. Ecclesiæ Cardinalis. Ex parte *Prælatorum* interfuere Hieronymus Xavieres Magister Generalis Ordinis, Didacus Alvarez & Thomas de Lemos: parte vero *Societatis* Claudius Aquaviva Præpositus Generalis; successive autem disputarunt Gregorius de Valen- Petrus Arrubal, Ferdinandus Bassida, Joannes de

Quinquaginta octo primis Congregationibus varia trina Molinæ capita discussa sunt: in decem postremis data fuit celeberrima de scientia media disputatio. Inter moritur CLEMENS VIII. die 4. Martii A. 1605. Eligitur LEO XI., cui paulo post satis functo successit 16. ejusdem anni PAULUS V., sub quo resumptæ sunt Congregationes.

Epocha 5ta. Ultima hæc epocha includit congregationes sub PAULO V. celebratas. Septemdecim omnino fuerant: prima ex illis habita fuit die 14. Septembris 1605., & omnium ultima die 1. Martii anni sequentis. his data opera & ex professo agitata est controversia de via ex sese efficaci & physice prædeterminante. Atque his patet, præter tot congressus & collationes, quibus quatuor & amplius annos absente summo Pontifice tractatæ sunt arduæ ac difficiles de gratiæ auxiliis quaestiones octoginta quinque insuper coram CLEMENTE VIII. PAULO V. solemnes ac publicas de eodem argumento factas fuisse congregationes. Quis autem fuerit omnium harum disputationum finis, jam dicendum.

§. III.

De Congregationum exitu.

393. **A**bsolutis disputationibus singula Consultorum vota sigillo munita sibi soli communicari voluit PAULUS V., eaque ipso iubente sapius incodi reddita: tandem ad finem Julii anni sequentis 1607. Cardinalibus, qui Congregationibus interfuerant, exhibita sunt, de iis postmodum constituto tempore iudicium laturis. Subinde Pontifex eosdem Cardinales die 28. Augusti ejusdem anni convocavit, & inquisivit, num expediret, ultimum presenti controversiæ finem imponere. Quæ fuerit opinantium sententia, quidve conclusum fuerit a Pontifice & Cardinalibus, servato inviolabilis silentii secreto manet adhuc ignotum, nec ullis monumentis certo resciri potest.

Utut sit, PAULUS V. vocatis post diem tertium Praepositis utriusque Ordinis litem omnem dato fiduciario Rescripto in suspensio posuit, ut advertit Augustinus Le Blanc L. 4. C. 18. Eo in Rescripto S. Pontifex 1^{mo} utrique parti permisit propriam defendere utrinque ac propugnare sententiam: 2^{do} prohibuit, ne quis partem suæ oppositam censura quapiam notaret, nec sibi invicem odiosa affingerent nomina: 3^{tio} ab eodem Pontifice cautum paulo post, ne circa hanc materiam ullus typis mandaretur liber absque sanctæ Sedis licentia. Et hic fuit Congregationum *de auxiliis* exitus.

394. *Quæres imo: An finitis disputationibus sancitum fuerit Apostolicum iudicium, atque lata in Molinæ doctrinam censura?*

Affirmant nonnulli cum historico *Le Blanc* cit. L. 4. C. 15. Contendunt illi PAULUM V. majoris partis Cardinalium suffragia secutum, delineandæ Bullæ Pontificiæ curam Consultoribus commisisse, quam illi diligenti studio elaboratam summo Pontifici obtulerint: sicque instructum esse sancitumque Apostolicæ sedis iudicium, atque paratam dogmatum Molinæ censuram; eique solam deesse promulgationem, quam distulit S. Pontifex, aliis permotus rationibus. Negant alii cum Theod. *Eleutherio* L. 6. C. 23. Volunt isti Bullam PAULI V. ab Historico jactatam omnino commentitiâ esse, nullamque a sancta Sede efformatam fuisse censuram; sed solum in ultima Cardinalium congrega-

gatione inquisivisse S. Pontificem, num oporteret tantultimo judicio dirimere litem. Quod quidem probant

1mo. Quia Alvarez, Gonzalez, Nazarius, alique aliarum æmuli, qui post finitas proxime congregationes pferant, quique minutissima recensent, quæ in sua dona commendationem utcunque conducere existimabant, prædicta Bulla prorsus silent; non nisi elapsis quadrata & amplius annis de ea mentio habita est, cum scilicet

PAULUS V., astititque in congregationem de Auxiliis dinales & Consultores omnes e vivis excessissent. Hinc ne non leve exsurgit suppositionis præjudicium.

2do. INNOCENTIUS X. solemnī decreto ann. 1654. nuntiat, *autographo asserta Constitutionis Pauli V. isque assertis actis Francisci Pegna, Fr. Thomæ de mos Ec.*, quibus prædictæ Bullæ historia superstruitur, *nam esse omnino fidem abhibendam*: ergo.

3tio. Esto, sancitum fuerit Pontificium diploma: quātandem ratione extuendi poterit, inquit Eleutherius, ius Jesuitis, quam Dominicanis fuisse advertum? videm præjudicium erat contra Molinam Consultorum fragum: verum præterquam quod de studio partium sæis accensati fuerant Consultores in libellis supplicibus EMENTI VIII. & PAULO V. oblatis: 1. omnino concors non fuit eorum suffragium; 2. sæpe a Pontificibus ad inlem remissum, sæpe & notabiliter variatum, semper non quadam præpopera festinatione latum; 3. favebant Jettis contra Dominicanos, ipso non diffidente Augustino Blanc, plerarumque Academiæ Hispaniæ, Italiæ, rmaniz, &c. sancita, ac sacre Congregationi submissa icia. Porro ex hypothesi, quod iudicium tulerit summs Pontifex; quis certo affirmare ausit, ipsum hæce Consultorum suffragia tot celeberrimarum Academiæ iudicio prætulisse?

395. *Quares 2do*: In quam partem Consultores, dinales, & summi Pontifices inclinarint; *Dominicanis, Jesuitis* faverint?

ideo 1mo. In toto congregationum decursu Consultores ferme omnes in Censuram constanter propensos fuisset unde de illis multum & pluries conquesti sunt Societas Patres in memorialibus & libellis supplicibus S. Pon-

R r

tifi.

tifici oblatis. Hoc certum, in eoque consentiunt *Historici le Blanc & Eleutherius*.

R. 2do. Cardinales Perronium & Bellarminum constanter favisse Jesuitis; id certum, nec diffidetur *le Blanc*: ast ceteros ipsis fuisse adversos contendit idem *Historicus*; quod negat *Eleutherius*, ac observat, quid in ultima Cardinalium cum Pontifice congregatione decretorie pronuntiatum fuerit, servato inviolabilis silentii secreta, nulli unquam mortalium fuisse revelatum.

R. 3tio. Initio Congregationum, fatentibus Molinæ vindicibus, CLEMENTEM VIII. dogmata Molinæ improbasse: verum iidem contendunt, sub finem disputationum, re per sese inspecta, animum mutasse. Id ex eo colligunt, quod in ipso exemplari libri Molinæ, quem paucis ante mortem mensibus a capite evolvere aggressus fuerat, plusquam octoginta occurrant Molinæ textus sacra Pontificis manu subnotati, cum notatis quibusdam marginalibus; qui textus notulæ eo maxime tendunt, ut ab objecto Pelagianismi errore doctrina Molinæ vindicetur. Extat dictus codex in Bibliotheca Romana Patrum Societatis, eoque donati sunt a CLEMENTIS nepote Card. Aldobrandino.

Quod ad PAULUM V. spectat, exitu constat, neutram sententiam approbasse aut improbasse: utrique enim parti, ut vidimus, permisit Pontifex suam tueri sententiam, ac vetuit alterutram hæreseos, aut aliā quāpiam notā insimulare.

396. *Quares 3tio.* Quid judicandum de iis, quæ sub nomine Congregationum *de Auxiliis* circumferuntur, Actis?

Respondeo plurima esse hujusmodi acta aut scripta ad illos spectantia: præcipua ex his sunt Acta *Coronelli*, *Jacobi le Bossu*, *Pegnæ*, *Lemos*, nec non autographum assertæ Constitutionis Paulinæ. Quid de illis sentiendum sit, docet decretum INNOCENTII X. datum die 23. Aprilis ann. 1654. cujus hic tenor est: „Cæterum cum tam Romæ, quam alibi circumferantur quadam asserta acta manuscripta, & forsā typis excusa congregationum habitantium coram fel. recordationis CLEMENTE VIII. & PAULO V. super quæstione *de Auxiliis gratia*, tam sub nomine Francisci Pegnæ, olim Rotæ Romanæ Decani, quam Fratris Tho-

nomine de Lemos Ordinis Prædicatorum, aliorumque Præ-
 orum & Theologorum, qui, ut asserit, prædictis inter-
 erunt Congregationibus; nec non quoddam autographum
 i exemplar assertæ constitutionis ejusdem PAULI V. su-
 r definitione prædictæ quæstionis de Auxiliis, ac dam-
 tionis sententiæ, seu sententiarum Ludovici Molinæ So-
 tatis Jesu: eadem Sanctissas suas præsentis hoc suo decreto
 clarat ac decernit, prædictis assertis Actis, tam pro sen-
 tiis FF. Ordinis S. Dominici, quam Ludovici Molinæ
 orumque Societatis Jesu Religiosorum, & Autographo
 e exemplari prædictæ assertæ Constitutionis PAULI V.
 illam omnino esse fidem adhibendam, neque ab alterutra
 ete, seu a quocunque alio, allegari posse vel debere;
 i super quæstionem prædictam observanda esse Decreta PAU-
 V. & URBANI VII: suorum prædecessorum.“

Augustinus *le Blanc* in Præfatione suæ historiæ §. 12.
 ostendit, Innocentii decreto prædictis actis interdictam
 le fidem, non quidem humanam & historicam, sed publi-
 am duntaxat, juridicam, contentiosam, quæ nempe va-
 re in judicio possit. Ast e vestigio occurrit adversæ para-
 Historicus *Eleutherius*, att. 10. & 11. Præfationis ad
 am historiam; ubi advertit huic exceptioni plurima re-
 gnare.

Obstant 1mo, inquit, decreti verba, quæ generalia
 unt, nihilque excipiunt, *nullam omnino fidem esse adhi-*
ndam; ac proinde sive juridicam, sive historicam fidem
 s actis eripit.

Obstat 2do finis & scopus decreti: si enim unica duntaxat,
 quæ in judicio valere possit, juris fides exclusa di-
 urus Innocentii decreto, otiosum planè fuisset ac inutile:
 um enim solemnem decreto Societatis de gratia doctrinam
 Ecclesia doceri permiserat PAULUS V., & sub gravissimis
 is poenis vetuerat, *nequis illam transire quaptam no-*
aret: neque ullus exinde fuit, qui ex prætensis congrega-
 tionum Actis Jesuitæ in judicio convenire & damnatæ
 ostrinæ arguere ausus fuerit.

Obstant 3tio circumstantiæ loci, temporis, nec non
 ersonarum, quæ dubiam saltem & incertam reddunt eo-
 um instrumentorum auctoritatem: id inprimis, quod
 nempe non ante e tenebris eruta illa fuerint ac vulgata,
 quam e vivis excessissent PAULUS V., Cardinales in Auxi-

liorum congregationem asciti, aliique, qui interpolatores falsi convincere poterissent.

Ex his omnibus infert *Molina* vindex, quæ circumferuntur congregationum acta, esse fidei ut minimum dubia atque suspecta, taliaque, quibus nemo prudens citra deceptionis aleam assentiri possit, aut debeat. *Hactenus Tournely.*

DISPUTATIO VI.

De Gratia Habituali, Justificatione & Merito.

CAPUT I.

De Gratia Habituali.

ARTICULUS I.

Quanam sit entitas gratia habitualis?

397. *Nota.* *Calvinus* in sola peccatorum remissione justificationem posuit; *Lutherus*, *Bucerus*, *Osander*, quin & *Pighius* statuerunt non minus hanc gratiam, quam causam justitiæ formalem in aliquo extraneo sine ulla intrinseca justitiæ acquisitione, quatenus volebant justificari hominem per favorem Dei mere extrinsecum, vel per justitiam Dei & Christi sive increatam, sive creatam, nobis donatam imputatam. Inter Catholicos *Magister sententiarum*, quatenus charitatem non distinguit a Spiritu Sancto, videtur gratiam istam constituere in dono increato. *Vasquez* salva fide doceri posse existimat, quamvis ipse non doceat, adultos formaliter justificari per actus virtutum theologicarum, atque hinc gratiam justificantem reponi posse in his actibus physice præteritis & moraliter perseverantibus. Alii conveniunt in eo, quod statuant gratiam hanc esse qualitatem creatam, homini intrinsecam, ac physice permanentem; velintque eam recte dici habitualement.

398. Dico I. Gratia habitualis non est favor Dei re extrinsecus, aut iustitia tantum imputata; sed donum homini intrinsecum. Ita Trid. Sess. 6. Can. II. Si dixerit, homines justificari vel sola imputatione iustitiae Christi, vel sola peccatorum remissione, exclusa et charitate, quae in cordibus eorum per Spiritum Sanctum diffundatur, atque illis inhæreat; autem gratiam, qua iustificamur, esse tantum favorem; anathema sit. Similiter præmiserat ead. Sess. Cap. Formalis causa Iustificationis est iustitia Dei, non ipse iustus est, sed qua nos iustos facit, qua videlicet ab eo donati renovamur spiritu mentis nostrae; et modo reputamur, sed vere iusti nominamur et sumus, iustitiam in nobis recipientes.

Prob. I. Ex SCRIPTURA. Hæc enim imo dicit, im per justificationem esse, habitare & permanere in nobis. I. ad Cor. 6. v. 19. *An nescitis, quoniam membra vestra templum sunt Spiritus Sancti, qui in vobis est.* Inn. 14. v. 23. *Si quis diligit me, sermonem meum habebit, et Pater meus diliget eum, et ad eum veniet, et mansionem apud eum faciemus.* 2do. Docet gratiam dari & diffundi, fieri, esse & manere in nobis. I. ad Cor. 1. v. 22. *Qui et signavit nos, et dedit pignus Spiritus in cordibus nostris.* Ad Rom. 5. v. 5. *Caritas Dei diffusa est in cordibus nostris per Spiritum Sanctum, qui datus est nobis.* I. ad Tim. 4. v. 14. *Noli negligere gratiam, quæ est in te.* I. Joann. 3. v. 5. *Omnis, qui natus est ex Deo, peccatum non facit; et verum semen ipsius in eo manet.* &c. 3tio. Tribuitur effectus; qui sine interna affectione intelligi neunt; quales sunt renasci, regenerari, renovari spiritum fieri consortem naturæ divinæ. Joann. 3. v. 5. *Nisi renatus fuerit &c.* 2. Petr. 1. v. 4. *Per quem magna et pretiosa nobis promissa donavit, ut per hæc iamini divinæ consortes naturæ.* &c.

II. Ex TRADITIONE. Et quidem imo licet antiqua Concilia parum ad habituales gratias attenderint, et de sola fere actuali gratia litigarent hæretici: eam tamen etiam parvulis infundi, inhæreere ac internam esse cavet ut probabile INNOC. III. Cap. Majores, de baptismo. Conc. VIENN., ut habetur in Clementina: ad nostrum,

assumpsit ut probabilius; TRIN. denique l. cit. definit ut de fide certum,

2do. Consonant PATRES, quorum testimonia a Belarmino h. c. & a Petavio L. 8. de Trin. c. 4. & 5. collecta ad triplicem illam probandi rationem facile reduci possunt. NAZIANZ. Or. 34. explicans triplicem Spiritus Sancti communicationem per depulsionem morborum, per insufflationem Christi in Apostolos, & per adventum sub linguis igneis factam, hæc subjungit: *Verum primo quidem obscure, secundo expressius, nunc vero perfectius: ut qui non jam operatione sola præsens sit, ut antea; sed substantiali, ut ita loquar, modo adsit ac simul versetur. Decebat enim, ut, cum Filius corpoream nobiscum consuetudinem habuisset, Spiritus quoque corporea nobiscum modo versaretur, Et, cum Christus ad sese reversus esset, ille ad nos descenderet.* S. AUG. L. de Sp. & lit. C. 9. ait: *Sicut fides Christi dicta est, non qua credit Christus; sic justitia Dei, non qua justus est, sed qua induit hominem, dum justificat impium; quibus similia de charitate ibid. c. 32. repetit.* CYRILL. L. 34. Thesaur. Spiritus Sanctus per se ipsum in nobis operatur, vere sanctificans Et uniens nos sibi metipsi, dum nos secum copulat, ac divina naturæ participes reddit.

Accedunt illi, qui ea verba Genesis: *Inspiravit in faciem ejus spiraculum vita*, non de sola animæ rationalis creatione, sed de justitia & sanctitate potissimum interpretantur; quales sunt CYRILL. Dial. 5. de Trinit., NAZIANZ. Or. 36., AUG. L. 2. de Genes. contr. Manich., & alii: hi enim omnes gratiam habitualement omnino esse intrinsecam hominī manifeste declarant, vel supponunt,

III. Ex RATIONE. Imo. Deus nequit amare hominem amore supernaturali, nisi eum vel inveniat, vel reddat dignum & proportionatum tali amore; alias enim non amaret, nisi indignum hoc amore & cum eo non proportionatum: sed illa dignitas & proportio sive supposita, sive facta est hominī intrinseca; cum hoc de iura pateat, si daretur: sed cum non existat prior, debeatque admitti posterior, idem dicendum est de 2da; præsertim cum dilectio divina sit efficax & aëquosa, & tamen extra hominem nihil efficiat: ergo. 2do. Per gratiam reddimur Filii Dei, & quidem per adoptionem tales; et non per adoptionem mere

re legalem & declaratoriam, sed sublimioris generis, a novam in nobis generationem, nativitatem, vitam, mentem & spiritum efficiat; ut dictum est in probatione ista: sed hæc intelligi nequeunt sine intrinseco: ergo. o. Ad justitiam requiritur, ut homo *interius* sit bene affectus ad opera justitiæ & habeat eorum potentiam quasi naturalem; uti ex dictis contra *Pelagianos* colligitur: hæc non præstantur sine aliquo intrinseco: ergo.

399. *Dico II.* Gratia habitualis non est ipse Spiritus Sanctus; sed donum aliquod creatum, a Spiritu Sancto distinctum.

Prob. I. Distinguitur donum a donante, signum a nante, pignus ab oppignorante, semen a seminante, fufum a diffundente: sed gratia habitualis est donum, num, pignus, semen & diffusa; Deus autem seu Spiritus Sanctus est donans, signans, oppignorans, seminans diffundens, ut ex textibus Scripturæ manifestum est: o. *Conf.* Psal. 83. v. 12. dicitur: *Gratiam & gloriam dabit Dominus.* Hic perinde dicitur dari gratia ac gloriæ: gloria non est Spiritus sanctus; sed ipsa vitalis & homini propria visio intuitiva Dei per lumen gloriæ perfectæ: ergo nec gratia est Spiritus Sanctus, sed donum aliud supernaturale a Deo communicatum, quo gratus fiat, & ad actiones salutares potens.

II. TRID. Sess. 6. cap. 7. in primis *Justificationis* causam efficientem statuit Deum, Spiritum Sanctum autem docet partiri singulis mensuram justitiæ, prout vult: unde significat sanctificationem hominis fieri per voluntariam susceptionem gratiæ & donorum; charitatem autem fundi in cordibus eorum, qui iustificantur, atque inhaerere; Christianam justitiam vocat primam, scilicet per Christum donatam, candidam & immaculatam servandam, & ante tribunal Christi perferendam: igitur Can. II. anathema decernit dicenti hominem juncari, exclusa gratia & charitate, quæ in cordibus nostris diffundatur per Spiritum Sanctum, atque illis creetur: ergo omnino distinguit gratiam a Spiritu Sancto.

Conf. I. ex SS. PATRIBUS, inter quos Cyrill. Alex. p. in Isa. Or. 2d. ait: *Formatur autem in nobis Christus, sancta nobis Spiritu divinam quandam formam*

per sanctificationem & justitiam indente. Ambr. L. 6. in Lucam inquit: *In eo justificatio Dei est, si non ad indignos, sed ad innocentes per abluitionem factos videatur & justos sua munera transtulisse.* Aug. L. 12. Confess. c. 15. *Quantum distat inter lumen, quod illuminat, & quod illuminatur; tantum distat inter justitiam justificantem, & justitiam, qua justificatione facta est.* &c.

Conf. 2. Spiritus S. neque est *actus* animæ; cum actus vitales sint ab intrinseco: nec *habitus* aut qualiscunque forma nobis unita; cum prius per se dici nequeat: posterius autem repugnat, quia nec statui potest unio substantialis & hypostatica, nec accidentaliter per aliquod medium, quod non admittitur. Adhæc ipsa justitia divina nequit dici *causa formalis* justificationis & gratia habitualis: sed si hæc staret vel substantialiter in Spiritu Sancto, vel in ejus possessione; dicendum foret, Dei justitiam esse formalem justificationis causam: ergo.

400, *Dico III.* Gratia habitualis est donum physice permanens.

Prob. I. SCRIPTURA per gratiam habitualement dicit Spiritum S. habitare in nobis, & corda nostra constituere templa sua & sacraria: *inhabitatio* autem dicit permanentiam physicam; unde & S. AUG. hanc gratiam vocat gratiam *inhabitationis*. Deinde gratia hæc exprimitur nomine *seminis, pignoris, signaculi, unguenti, fontis* &c.; quæ omnia stabile quid ac physice permanens significant. Demum in justificatione dicimur *regenerari, renasci, participare naturam divinam, fieri & esse Filii Dei*; quod rursus sine stabilitate & permanentia intelligi nequit.

II. Certum est 1mo ex TRID. Sess. 5. Can. 5. per gratiam, quæ in baptismo confertur, reatum peccati originalis remitti, & tolli totum id, quod veram & propriam peccati rationem habet. 2do, hanc definitionem esse intelligendam etiam de *parvulis*; tum quia TRID. ibid. can. 3. definierat, Christi meritum per baptismi sacramentum rite collatum tam adultis, quam parvulis applicari: tum quia Can. 4. decrevit, parvulos baptizandos esse in remissionem peccati originalis. 3tio, remissionem peccatorum æque ac justificationem non fieri per solum favorem extrinsecum, aut per solam imputationem justitiæ Christi, ex-
clu.

sa gratia & charitate, quæ nobis inhæreat, ut ex Trid. I. 6. Can. II. supra recitavimus.

4to, parvulos secundum legem Dei ordinariam esse capaces actualis gratiæ; tum quia hoc principium aliunde est receptissimum in Ecclesia; tum quia, sicut secundum G. L. I. de pecc. mer. C. 17. nullos actus culpabiles elidunt, sic nec habent laudabiles; tum quia nequidem habent actum credendi, ut idem Aug. I. cit. C. 19. tradit, & id. Sess. 7. de bapt. Can. 13. supponit. Ex his porro liquet certum sibi apparere, gratiam justificantem nequidem in actibus *physice* præteritis & *moraliter* perseverantibus stare, atque hinc ab actibus omnino esse distinctam.

Objectiones.

401. *Obje. contr. 1m.* Nulla in nobis est iustitia, tantum nobis imputatur: ergo. *Prob. Ant. 1.* Ad Rom. 4. v. 3. dicitur: *Credidit Abraham Deo, & reputum est illi ad iustitiam*; 2. ibid. v. 5. additur: *Ei vero, non operatur, credenti autem in eum, qui justificat piæ, reputatur fides ad iustitiam*: 3. denique v. 8. eruntur hæc Davidis verba: *Beatus vir, cui non imputavit Dominus peccatum*: ergo.

R. *ad Arg. N. A. ad prob. D. C.* Ergo iustitia Dei Christi nobis imputatur N. fides cuilibet propria & inhærens, *subd.* imputatur & reputatur in iustitiam, quæ fides sit ipsa iustitia aut ex se iustitiam pariat & probat N. quatenus acceptatur ad iustitiam a Deo, qui propter fidem formatam nobis largitur & infundit gratiam, putatque nos justos amicos & filios suos C. sicut *Apostolus* ad Galat. 3. v. 6., ubi eadem sententia de imputatione ei ad iustitiam utitur, sic & hic prioribus textibus duntaxat statuit, justificationem non ex *operibus legis*, sed ex e & gratia suam habere initium: minime vero negat iustitiam nobis inhærentem, aut asserit iustitiam nostram esse iustitiam Dei vel Christi, nobis extrinsece imputatam.

Nam *λογίζεσθαι* seu reputare, rationem & computum significat, & est verbum arithmeticum. Itaque sicut merces, quæ computatur & numeratur fossori aut messi, non per Heri imputationem vel æstimationem, sed per propriam laboris computationem, rationem, & æsti-

mationem est merces: ita pariter iustitia a Deo nobis computata & annumerata non per solam computantis imputationem, sed per se ipsam, suamque intrinsicam rationem computatur, æstimatur, & reipsa est vera & realis iustitia.

In *textu postremo* Deum non imputare alicui peccatum idem significat, ac aliquem non habere peccatum; quia ex eo, quod quis peccatum non habeat, sed vitet & caveat, sequitur, quod Deus illi peccatum imputare nequeat. Duas enim beatitudines Apostolus ex Psalms refert; prior est: *Beati, quorum remissa sunt iniquitates, & quorum testia sunt peccata*; h. e. Beati sunt, qui a peccatis sunt expurgati, iustificati, & charitatis stola testis & amicti: posterior: *Beatus vir, cui non imputavit Dominus peccatum*; h. e. Beatus, imo beatior est, qui postquam a peccatis est expurgatus, iuste deinceps vivit, omnique studio vitat peccata, ita ut nihil mali faciat, quod Deus ipsi in peccatum imputare possit. Porro *imputari* alicui peccatum, non est tantum reputari in aliquo peccatum, sed illi etiam reipsa inesse; præsertim cum Deus, qui iuste iudicat, in peccatum imputare & quasi peccatum punire opus nequeat, quod vere in se non est peccatum.

Inst. 1. Christus est nostra iustitia, & per hunc iustificamur: ergo. *Prob. Ant. 1.* In 1. ad Cor. 1. v. 30. de Christo dicitur: *Qui factus est nobis sapientia a Deo, & iustitia, & sanctificatio, & redemptio.* 2. Ad Rom. 5. v. 19. *Sicut per inobedientiam unius hominis peccatores constituti sunt multi; ita & per unius obeditionem iusti constituentur multi*: ergo.

Re. D. A. Christus est nostra iustitia efficienter, & per hunc tanquam causam efficientem & meritoriam iustificamur C. Est nostra iustitia formaliter, & per hunc tanquam causam formalem iustificamur N. Prioris textus est sensus, quod non propriis viribus, sed beneficio mortis Christi acceperimus doctrinam fidei, iustitiam, aliaque gratiarum munera. Præterea eodem modo dicitur Christus *nostra iustitia*, uti hic sapientia, & Deus in psalmis fortitudo, virtus, patientia, salus & protectio vocatur; quæ omnia *metonymice*, posita nempe causa pro effectu, accipienda sunt.

In

In *posteriori* textu quamvis instituat^r comparatio ter inobedientiam ADAMI & obedientiam CHRISTI, ac rursusque tum vitii, tum virtutis fructus; tamen multiplex im ab Apostolo ibidem, tum a Patribus hoc loco asseritur antithesis & diversitas: inter quas & illa est, quod peccatum Adami sit *moraliter nostrum*, & ut TARD. Sess. Can. 3, ait, omnibus inest unicuique proprium; sicut quoque sit de merito Christi.

Præterea vero ex facta *comparatione* potius contrarium sequitur. Nam sicut ad contrahendum actu peccatum originale necesse est ex Adamo *naturaliter* nasci, ita ad iustitiam Christi participandam necesse est ex eo nasci *spiritualiter* per baptismum; ex hoc autem sequitur, quod, cum inobedientia & peccatum ADÆ realiter nobis inest, non autem duntaxat nobis imputatur; ita multo magis nobis inest ac inhæreat gratia CHRISTI, nec tantummodo imputetur.

Inst. 2. Non aliter in nobis est iustitia, quam in Christo peccatum: sed in Christo est peccatum sola imputatione; ergo & similiter iustitia in nobis sola est imputatione. *Prob.* M. 1. ex 2d. ad Cor. 5. v. 21. *Eum, qui non noverat peccatum, pro nobis peccatum fecit, ut nos faceremur iustitia Dei in ipso.* 2. Ex AUG. in Ench. C. 1. *Ipse ergo peccatum, ut nos iustitia: nec nostra, sed Dei; nec in nobis, sed in ipso: sicut ipse peccatum nostrum, sed nostrum; nec in se, sed in nobis constitutum similitudine carnis, in qua crucifixus est, demonstravit.*

R. D. M. Non aliter nobis inest iustitia, quam in Christo est peccatum, acceptum pro actu aut macula peccati N. peccatum, acceptum pro sacrificio oblato ad satisfactionem pro peccato C. In textibus allatis non agi de peccati macula, sed de sacrificio pro peccatis, liquet tum ex ipsis verbis APOSTOLI, qui non dicit: Is, nempe Christus, qui non noverat peccatum, pro nobis fecit peccatum; sed Deus Christum nobis peccatum, h. e. sacrificium pro peccatis fecit; sacrificium autem hoc Christus reipsa & vere, non tantum imputative fuit: unde S. AUG. 1. cit. sic ait: *Propter similitudinem carnis peccati, in qua venerat, dictus est & ipse peccatum, sacrificandus ad diuendū peccata.* In vetere quippe lege peccata vocabantur sacrificia pro peccatis: quod vere ipse factus est, cuius umbra erant illa.

Cæterum sensus APOSTOLI & AUG. est, quod sicut causa efficiens & meritoria passionis Christi non est peccatum, quod ipsi inerat, aut ab eo commissum, sed peccatum nobis in hærens, & nostrum; sic causa efficiens ac meritoria, qua justificamur, non est nostra iustitia, sed Dei; nec in nobis, sed in ipso: Attamen ut Christus ob peccatum, quod nobis inerat, vere factus est *sacrificium* pro peccatis: ita ob iustitiam, quæ est in illo, vere accipimus gratiam, vitam spiritualein ac spiritus novitatem.

Inst. 3. Justificare nihil aliud significat, quam *absol- vere* accusatum & declarare innocentem: 2. Ad Eph. 4. v. 24. iustitia habet se per modum *vestis*, vel indumenti: 3. Justificamur non in nobis, sed in Christo; ut ibidem dicitur c. 1. v. 6. *gratificavit nos in filio suo*: ergo justificationis forma est quid mere extrinsecum, & vel remissio aut carentia peccati, vel favor Dei extraneus.

Re. quoad *1mum D.* Justificare juridice ac in foro civili nihil aliud significat, quam &c. C. theologice & in foro Ecclesiæ *subd.* subinde C. semper N. Etiam a scriptura justificationis vox quadrupliciter usurpatur; 1mo quidem pro declaratione innocentia, ut Isa. 5. v. 23. *Qui justificatis impium, Et iustitiam iusti auferatis ab eo.* 2do. Pro divina lege, qua iustitiæ præcepta proponuntur, ut Ps. 118. v. 5. *Utinam diriganter via mee ad custodiendas justificationes tuas.* 3tio. Pro interna animi sanctitate & rectitudine; ut ad Rom. 4. v. 5. *Credenti in eum, qui justificat impium.* 4to. Pro iustitiæ incremento, ut Apoc. 22. v. 11. *Qui iustus est, justificetur adhuc.* Ex his primam *Novatores* duntaxat admittunt, nos autem maxime tertiam cum Catholicis exigimus & probamus.

Quoad *2dum D.* Iustitia se habet per modum indumenti corporalis N. per modum indumenti spiritualis C. Indumentum etiam *materiale* corpori adjacet, ut penitus extraneum dici non possit: quamvis vero in eo *spirituale* cum corporali indumento conveniat, quod, sicut vestis corpus, ita gratia animam exornet, hæc tamen in ratione intrinseci illam superat; cum de virtutibus dicat Apostolus ad Coloss. 3. v. 12. *Induite vos viscera misericordiae, benignitatem, humilitatem &c.*; imo ipse Deus decorem ac fortitudinem indutus Ps. 92. v. 1. dicatur.

Quo-

Quoad 3^{tium} N. Aff.; tum quia, quo modo Christi, idem etiam gratiæ sit mentio, ut ex integro textu patet: *in laudem gloriæ gratiæ suæ; in qua gratificavit nos dilecto filio suo*: tum quia præpositio *in* hoc ipso in ipse usurpa ut loco præpositionis *per*, adeoque causam efficientem significat; ut liquet ex v. 10. *Instituire omnia in Christo*; v. 11. *in quo Et nos sorte vocati sumus*; 13. *in quo credentes signati estis*. &c.

Inst. 4. Justificatio hominis fit per *adoptionem*, qua il Dei nominamur & sumus: Sed adoptio est favor intaxat extrinsecus: ergo.

R. D. m. Adoptio civilis & humana est favor duntaxat extrinsecus C. adoptio Theologica & divina N. prior est tantum relatio rationis, tribuit solum jus filii, et communicat naturam adoptantis adoptato, aut aliquam participationem ejus, vel physicum quid efficit: posterior indat relationem realem, tribuit *generationem* quandam virtualem, facit participationem & consortium divinitaturæ, ponitque in creatura formam aliquam absolutam; t ex dictis constat.

Inst. 5. Homo hominis gratiam habet per benevolentiam tantum extrinsecam; quin & Deus hominem odibens nihil facit in homine: ergo gratia justificans Dei ne aliqua interna hominis affectione est per extrinsecum vorem.

R. quoad 1^{um} Disp. est; cum juxta Hier. in C. 7. *Amicitia pares aut accipit, aut facit*; amor autem humanus sit sterilis & infœcundus, amatus etiam possit esse nilis amanti; supponitur in amato, quod gratum est, gratia hominis per extrinsecum favorem habetur: quia pro similitudo cum Deo homini ex se convenire nequit, nec autem divinus efficax est & fœcundus; producit in amato, quo is gratus fiat, & gratia Dei per donum intrinsecum constituitur. Quoad 2^{dum} Disp. est; quia 1^{um} aversatur objectum ob præsentem in eo malitiam, citiusque intendit auferre aliquid, quam in objecto ponere: amor autem efficaciter prosequitur objectum, & vel in objecto amato supponere, vel in eo ponere debet, fiat amore dignum ac proportionatum.

402. *Obje. contr. 2^a.* Ipse Deus recte dicitur gratia habitualis: Imo, quia 1. Joann. 4. v. 16. dicitur: *Deus*
cha-

charitas est, Et qui manet in charitate, in Deo manet. 2^{do}, quia Aug. L. 8. de Trin. C. 7. ait: *Qui proximum diligit, inde consequens est, ut ipsam precipue dilectionem diligit. Deus autem dilectio est: consequens ergo est, ut Deum precipue diligit.* 3^{tio}, quia Idem ibid. L. 15. C. 17. docet, charitatem non esse tantum donum, sicut patientia donum est; cum simpliciter dicatur: *Deus est charitas, non autem simpliciter: Deus est patientia, sed patientia mea.*

R. ad 1^{um} D. Deus est charitas substantialis & increata C. accidentalis *subd.* formaliter N. effective C. Deus est charitas *formalis* in se, tum *essentialis*, quæ communis est toti Trinitati, quia perfectiones omnes divinae sunt ipsa Dei essentia, ut contra Gilbertum definit C. Rhemense: tum *notionalis*, quæ est propria Spiritui sancto, utpote qui a Patre alioque per amorem procedit: porro Deus etiam est charitas, sed *causalis* in nobis, idque in omni genere causæ; puta materialis, quia ipse est objectum charitatis nostræ: quasi *formalis*, quatenus ipse est exemplar ejusdem: *efficientis*, quia eam in nobis producit; *finalis*, quia est finis noster & amoris nostri. Porro verba illa: *qui manet in charitate*, non tantum de increata, sed & de creata accipi possunt; qui enim manet in charitate creata, manet quonque in increata, seu Deo; quia ubi illa est, & hæc, seu Deus est, qui creatæ est autor & conservator.

Ad 2^{dum} R. S. THOMAS 2. 2. q. 23. a. 2. ad 1^{um} vult, S. AUG. ita loqui, quia charitas, qua proximum diligimus, est quædam participatio divinæ charitatis; sicut dicimur *boni* bonitate, quæ est Deus: quia bonitas, qua sumus boni, est participatio divinæ bonitatis; quem loquendi modum S. Doctor dicit communem fuisse apud *Platonicos*, quorum doctrinis AUG. imbutus fuerit. Verum hoc etiam omisso eadem distinctio, quæ prius, adhiberi potest, asserendo Deum esse dilectionem substantialem & *formalem* in se, *causalem* autem in nobis.

Ad 3^{tium} R. 1. Si S. AUG. in Libris de Trin. sensit aliter, quam hactenus docuimus; nobiscum tamen convenit in L. de sp. & lit., cujus ibi dicta potius sunt a nobis assumenda; tum quia hunc librum altero posteriore esse ex L. 2. Retr. C. 15. & 37. colligitur: tum quia eandem sen-
ten-

nam alio in loco adoptat, contrariam autem L. de fid. symb. C. 9. dubitanter tantum proponit. R. 2. Ratio, r. Deus simpliciter dicatur *charitas*, patientia autem vel s. tantum nostra, habetur ex eo, quod illa, non per se ac illa, imperfectionem aliquam includat, sed sit præntissima qd. ac virtus, quæ ceteras omnes transcendit, quo postremo etiam Deus potius *charitas*, quam sapiens, potentia &c. nuncupatur.

Inst. 1. Juxta Ss. Patres, præf. CYRILL. ALEX. sanctificamur per Spiritum Sanctum, & non per mediam aliâ, vel qualitatem creatam; ergo.

R. D. A. Juxta Ss. PATRES per Spiritum Sanctum & non per aliquid creatum sanctificamur efficienter C. sanctificamur formaliter *subd.* quatenus ipse Spiritus Sanctus per propriam substantiam nos inhabitat, & sic etiam nos suæ naturæ physice participes vel consortes facit C. quatenus e. sit forma sanctificans, nullamque in nobis mutationem consequentem per justitiæ formalis a se distinctæ communicationem faciat N. Cum PATRES negant justos per creatam qualitatem vel substantiam sanctificari, non excludunt sanctificationem gratiam, dona & charismata Spiritus sancti, sed ipsum duntaxat Spiritum sanctum non esse creatum ostendere conantur.

Patet id tum ex scopo præfixo, qui erat ex sanctificatione, quæ Spiritui sancto appropriatur, probare ejus unitatem, & eandem cum Patre & Filio substantiam; tum eorum verbis; CYRILLUS enim L. 9. in Joann. *Quod divina natura participes erunt ii, quibus communicatur Spiritus, si hic conditis rebus annumeratur.* HANAS. in ep. ad Serap. Porro si creatura esset Spiritus sanctus, nulla nobis in ipso esset Dei participatio &c.

Inst. 2. Spiritus Sanctus juxta eosdem PATRES, præf. Athan. Hier. Cyrill., est sanctitas ipsa & velut sanctitatis forma, qua justi sumus; quia Spiritus Sanctus Si-um ipsum dicitur, quo fit imago, signaculum & similitudo Dei in nobis: ergo.

R. N. Aff. ad prob. - D. Spiritus Sanctus dicitur si-um in genere causæ efficientis C. in genere causæ foris N. quantumvis verba PATRUM secundum se spectata videantur.

videantur plus aliquid significare, id tamen minime videtur admittendum; tum quia esse *creatum* duntaxat removetur a causa efficiente & Spiritu sancto: tum quia *missio* Spiritus sancti invisibilis non habetur per solam ejus presentiam & substantialem existentiam in justo, utpote quæ ratione immensitatis necessaria est respectu omnis entis; sed sit per mutationem intrinsecam hominis, quæ a gratia sanctificante provenit; tum quia alias ipsa divinitas & sanctitas, quæ Spiritus divinus sanctus est, esset forma sanctificationis contra apertam Ss. Patrum & Concilii TRID. doctrinam.

403. *Objic. contr. 3t.* SCRIPTURA specialiter tribuit Christo gratiam permanentem, ut constat ex Joann. I. v. 33. *super quem videris Spiritum descendentem & manentem super eum, hic est:* ergo non est permanens in puris creaturis.

R. N. Conf. Quamvis enim permanens in justis asseratur gratia & Dei inhabitatio, tamen permanentia ista *speciali modo* CHRISTO adhuc relinquitur, qui modus in eo stat, quod Christus sit Deus; quod in eo tanquam in fonte fuerit gratiæ plenitudo; quod ratione unionis hypostatice illi debita fuerit omnis gratia.

Inst. 1. Tempore INNOCENTII III. & CLEMENTIS V. in Conc. Viennensi probabile fuit, gratiam non infundi & permanere; quia Pontifices illi admiserunt contrarium tantum ut probabile, vel ut probabilius: TRID. etiam nunquam utitur illis vocibus *physice* permanens, habitualis &c.; demum potest intelligi de forma moraliter inhaerente, sicut idem Concilium interpretatur loquens de peccato *originali*: ergo ex CCIis pro nostra conclusione nihil certi eruitur.

R. quoad 1m. N. A. Discrimen est inter quæstionem *absolutam* & simplicem, an dentur habitus infusi respectu hominum; & inter quæstionem *restrictam*, an habitus infundantur parvulis in baptismo. De 1ma nec INNOC., nec CLEMENS loquebantur, testaturque *Suar. L. 6. de gr. C. 3.* nullum a se inventum Theologum antiquum, qui illam negarit: quin, dum INNOCENTIUS *adam* duntaxat tractat, videtur supponere de adultis, & de 1ma nunquam fuisse dubium inter Theologos; quod ipsum supposuisse videtur CLEMENS cum C. Viennensi, eligens opinionem
asse-

CAP. I. ENTITAS GRATIÆ HABITUAL. 641

rentem, infundi parvulis in baptismo virtutes, ex hac
ione: *Nos, attendentes generalem efficaciam mortis
risti, quæ per baptisma pariter omnibus applicatur,
nionem secundam &c.*

Quoad 2dum *N. Conf.*; quia modus loquendi a
id. adhibitus sufficit ex dictis ad certitudinem facien-
n, quamvis permittatur Concilium non intendisse hanc
itatem ut *dogma fidei* definire; præsertim quia PAL-
VIC. P. I. hist. L. 8. C. 14. testatur, quod, cum postu-
um esset ab aliquo, ut expressius declararetur, iustifica-
nem fieri per habitum infusum, PATRES responderint,
atis intelligi ex ipsa voce *inhærentia*, quæ proprie con-
it habitibus, non vero actibus.

Quoad 3tium *N. A. Disp.* de pecc. originali est;
a, quæ prædicata tribuuntur gratiæ a TRID., ex pro-
& obvia significatione designant permanentiam phys-
i: talia autem non sunt prædicata *originali* peccato at-
uta, quæ erant: illud esse propagatione transfusum,
nesse unicuique proprium. Per ea enim TRID. inten-
damnare errorem dicentium, peccatum originale non
unicuique proprium, neque singulos inficere, sed so-
esse peccatum inficiens Adamum; ad hoc autem im-
inens est inhære *physice*: nam certum est de fide, da-
peccatum habituale proprium & inficiens peccatorem;
lominus juxta communem TT. nihil est physice & per-
ienter inhærens, in quo talis macula constituitur.

Inst. 2. Peccatum *habituale* est actus physice præte-
s, & moraliter perseverans; item homo sit *beatus* per
m suum: ergo & gratia habitualis potest esse actus mo-
ter duntaxat perseverans, & homo fieri gratus Deo per
m, seu dilectionem suam.

R. N. Conf. Quoad 1mum *Disp.* est; quia præter
dicta *peccatum habituale* moraliter spectatum non sic
orum actuum principium, quos natura ex se elicere
beat: *gratia* autem est novum saltem radicale princi-
n operationum supernaturalium; quod utique debet
physicum. Quoad 2dum *Disp.* est; quia *beatitudo*
obfessio, quæ in actu consistit, quique necessario phy-
, non autem moraliter tantum existit: iustitia autem
um faciens est jus potius ad possessionem, quam pos-
sessio;

sessio; nec *ius* autem in actu consistit, nec actus hominis viatoris possunt esse physice perpetui.

ARTICULUS II.

Quanam sit essentia gratiæ habitualis?

404. **D**ico. Gratia habitualis *realiter* distinguitur ab habitu charitatis.

Prob. AUTHORITY. SCRIPTURA 2. ad Cor. 13. v. 13. inquit: *Gratia D. N. J. C., & charitas Dei, & communicatio Spiritus Sancti sit cum omnibus vobis.* Et 1. ad Tim. 1. v. 14. *Superabundavit gratia Domini nostri cum fide & dilectione.* Item ad Ephes. 6. v. 23. *Pax fratribus & charitas cum fide a Deo Patre & D. J. C.; gratia cum omnibus, qui diligunt D. N. J. C.*

CONC. VIENNENSE l. cit. ait infundi in baptismo *in-*formantem gratiam & virtutes: **TRID.** Sess. 6. Cap. 7. docet in justificatione renovari hominem per voluntariam susceptionem gratiæ & donorum; & **Can. 11.** damnat dicentes justificationem fieri sola remissione peccatorum, *ex-*clusa gratia & charitate: **MOGUNT.** ann. 1549. celebra-
tum Cap. 7. inquit: *Cum venia peccatorum homo etiam Dei gratiam, & per Spiritum S. una cum fide simul charitatem in corde diffusam ac spem accipit.* Demum **Catechismus TRID.** de baptismo, postquam dixisset gratiam infundi, quam splendorem quendam & lucem appellat, subjungit: *Huic autem additur nobilissimus omnium vir-*tutum comitatus, *quæ in animam cum gratia divini-*tus infunduntur.

DIONYS. L. de Hier. Eccl. P. 1. C. 2. *Statum di-*vinum & vitam prærequirit ante operationem superna-
turalem, sicut prius necessarius est status vitæ humana,
quam humana operari possimus; adeoque ante charitatem
tanquam virtutem operativam sentit nobis dari gratiam,
qua in statu viventium vita divina constituamur, & ope-
ra viva connaturaliter exercere valeamus. Accedunt re-
citata pr. art. testimonia **S. AUG.**, quibus justitiam seu gra-
tiam justificantem distinguit a charitate, eamque huic æque
ac fidei opponit.

Prob.

CAP. I. DE CHARITATE HABITUALL. 643

Prob. RATIONE. *Habitus charitatis neque ex suo conceptu generico, neque ex conceptu specialis talis habitus, qui nunc datur, per se & formaliter reddit hominem trinsece sanctum, divinæ naturæ participem, amicum filium Dei &c., quæ sunt munera gratiæ sanctificantis. non imum; quia habitus, ut præcise est charitatis, solum cit virtutem, quæ elevat voluntatem ad dilectionem Dei propter se, ut habitus fidei elevat ad actus fidei supernaturales: Sed hoc ex suo conceptu non dicit facere sanctum, participem divinæ naturæ, amicum & filium Dei; tum natura, quod hominem facit potentem, ut diligat Regem propter se, non facit hoc ipso eum dignum, ut a Rege amabiliter diligatur & in filium adoptetur: tum quia omnipotentia Dei specialiter applicata potest elevare hominem.*

Deum propter se diligendum, quin illa gratiæ munera æstet: ergo. Non 2dum; quia *specialis* illa virtus charitatis, quæ ex conceptu ipsius habitus non provenit, debet asseri ex certo privilegio divinitus concessio: hoc autem probari nequit, ut ex objectionum solutione constat: ergo.

Conf. 1mo. Tria maxime divina, quæ in statu supernaturali participantur, sunt natura, cognitio, amor: sed *cognitio divina* ab homine ex parte intellectus participatur in fidem in via, & per visionem in patria; *amor*, ex parvoluntatis participatur per charitatem: ergo *natura divina* ex parte animæ & substantiæ quatenus a facultatibus operationibus distinctæ participatur per id, per quod homo renascitur, fit filius Dei & hæres: sed id, per quod homo renascitur, & filius ac hæres Dei fit, est gratia: ergo.

2do. Gratia dat *esse* divinum, & est fundamentum imum totius supernaturalitatis: sed charitas non dat esse, *operari* divine; nec est primum supernaturalitatis fundamentum, cum tanquam virtus appetitiva præsupponat iam fidem & cognitionem supernaturalem: ergo.

3tio. Reliquæ virtutes infusæ omnes solum elevant hominem ad suos *actus speciales*; quamvis aliquæ possibiles sint, quæ formaliter etiam sanctificent: ergo congruum, ut idem dicatur de habitu charitatis, ex hypothesi, quod non addit pro disparitate urgens ratio, quod nunc amonabitur.

Objectiones.

405. *Objic. I. Eosdem effectus, qui gratiæ communis tribuuntur, Caritas teste scriptura etiam proprios habet: nam Caritas imo expellit peccatum; Luc. 7. v. 47. Remittuntur ei peccata multa, quoniam dilexit multum. Et 1. Joann. 3. v. 14. Nos scimus, quoniam translati sumus de morte ad vitam, quoniam diligimus fratres: qui non diligit, manet in morte.*

2do. *Hominem facit Deo gratum & dilectum; Prov. 8. v. 12. Ego diligentes me diligo; Et Joann. 14. Si quis diligit me, diligetur a Patre meo.*

3tio. *Reddit nos sanctos; ad Ephes. 1. v. 4. Elegit nos in ipso, ut essemus sancti & immaculati in conspectu ejus in charitate.*

4to. *Deo nos conjungit; 1. Joann. 4. v. 16. Deus caritas est, & qui manet in charitate, in Deo manet, & Deus in eo.*

5to. *Confert nobis vitam spiritualem; 1. Joann. 4. v. 7. Omnis qui diligit, ex Deo natus est.*

6to. *Constituit filios Dei; 1. Joann. 3. v. 1. Videte, qualem charitatem dedit nobis Pater, ut Filii Dei nominemur & simus.*

7mo. *Profert omnes virtutes, & heredem vitæ æternæ facit; 1. ad Cor. 13. v. 4. & seqq. Caritas patiens est, benigna est, &c. Et Jacob. 1. v. 12. Coronam vitæ repromisit diligentibus se. Ergo.*

R. I. N. Conf. Certum enim est inter Catholicos, cum quibus hic disputamus, gratiam non esse eundem habitum cum fide; & tamen ex scriptura facile æquali ratione ostendi potest, eosdem effectus attribui fidei. Prov. 15. v. 27. *Per fidem purgantur peccata. Sap. 1. v. 2. Invenitur ab his, qui non tentant illum: apparet autem eis, qui fidem habent in illum. Eccli. 45. v. 4. habetur: In fide & lenitate ipsius sanctum fecit illum, & elegit eum ex omni carne. 1. Joann. 5. v. 1. Omnis, qui credit, quoniam JESUS est Christus, ex Deo natus est, &c.*

§. 2. D. A. Effectus gratiæ proprii tribuuntur etiam caritati secundum suam significationem *genericam*, & tam opo, quam proprietati communem acceptæ C. caritati *ut sic* & in propria significatione actus vel habitus virtutis specialis acceptæ *subd.* tribuuntur illi in genere *ut sic* formalis N. in genere causæ meritoriz vel efficien-
tæ vel dispositionis, aut propter connexionem gratiæ cum caritate C.

Responsio clarius patet ex dicendis ad singula. In utroque textus agit de actu charitatis, qui in priori opponitur ut *dispositio*, in posteriori ut *signum* remissionis peccati, quæ sit per gratiam.

In 2do rursus in utroque actus charitatis asseritur et dispositio vel *causa meritoria*, cur homo diligatur a Deo.

In 3tio vel hic est sensus: Deus elegit per charitatem, ut simus sancti & immaculati; vel iste: Elegit nos Deus, ut in sanctitate serviamus illi, non ex timore poenæ, sed ex charitate: ex neutro autem sensu colligi potest, gratiam esse *sanctitatis formam*.

In 4to solum declaratur, eum, qui in charitate manet, habere Deum in se manentem; quia charitas *inseparabiliter connectitur* cum gratia, per quam Deus in nobis habitat: minime autem dicitur charitatem esse hanc ipsam gratiam; præsertim cum ibi distinguatur inter manere in Deo, & inter habere Deum in se manentem.

In 5to denuo sermo est de actu charitatis vel *dispositione*, vel *signo* & *fructu*, non autem forma nativitatibus inæ.

In 6to charitas non sumitur pro actu vel habitu virtutis creatæ, sed pro dono ex charitate collato, vel effectu inæ charitatis.

In 7mo per priora verba charitatis habitus indicatur eadem tanquam radix virtutum, sed quæ sit instar *faculis*, cum gratia sit radix, sed instar *naturæ*: per postea autem charitas asseritur esse meritum gloriæ cœlestis; tamen merito condignitatem tribuit gratia.

Inst. Ss. PATRES, & inter eos maxime S. AUG. vult charitati ea prædicata, quæ ostendunt esse eandem gratiam. Nam imo dicit charitatem esse donum præ-

stantissimum: L. 15. de Trin. C. 18. *Nullum est isto Dei dono, charitate, excellentius; ex Conc. I. in Pl. 113. Nihil eminentius in Scriptura Sancta inveniri potest, quam charitas.*

2do. Eam vocat unam præ omnibus necessariam; Tr. 32. in Jo. no. circa finem: *His omnibus tam magnis rebus præposuit charitatem; ipsam habeto, & cuncta habebis, quia sine illa nihil proderit, quidquid habere poteris.*

3tio. Charitatem statuit tanquam notam discretionis; Tr. 5. in 1m. ep. Joann. *Charitas est, quæ separat inter filios Dei & filios perditionis.*

4to. Eandem dicit esse formam sanctificantem; L. de mor. Eccles. C. 12. *Cavere debet, ne ab ipsius Dei charitate, qua sanctificatur, alterius creaturæ amore separatur.*

5to. Eam demum aperte appellat justitiam; L. de nat. & gr. C. 42. *Ipsa enim, charitas, est verissima, plenissima, perfectissimaque justitia.*

R. N. Aff. Ista enim prædicata vel tribuntur charitati propter connexionem, quam illius habitus in præsentia providentia possidet cum gratia, aut quia, ut D. THOMAS vult, charitas semper per gratiam formatur: vel si tribuntur charitati propter se, æqualitatem talem aut præcellentiam non inducunt, ad quam evitandam necesse sit charitatem cum gratia confondere.

Nam descendendo ad singula, sive *Imum* accipiatur de actu, sive de habitu, charitas potest dici donum excellentius & eminentius comparate ad fidem, spem & reliquas virtutes, non autem comparate ad gratiam; utpote inter quæ extrema tam parum S. AUG., quam S. PAULUS I. ad Cor. 13. oppositionem instituit: quanquam, si mens S. Doctoris ex contextu attendatur, potius loquitur de charitate Dei, *qua ipse nos diligit, non qua nos cum diligimus*, ut C. 17. præmisit.

Idem respondetur ad 2dum, ubi rursus mentio fit de præcellentia: quod vero necessitatem attinet, nisi charitatis nomine intellectam velis gratiam ipsam, illa oritur ob connexionem charitatis cum gratia, sine qua nihil sane ad vitam æternam proxime prodest.

Quoad

Quoad 3^{ium} charitatis actus *dispositive* distinguit inter filios Dei & perditionis, habitus *significative* seu tanquam signum & fructus filiationis divinæ; nec plus intendit AUG., qui ibidem ait: *Signent se omnes signo crucis Christi, respondeant omnes Amen: cantent omnes Alleluja: baptizentur omnes, intrent Ecclesias, faciant parietes basilicarum: non discernuntur filii Dei a filiis diaboli, nisi charitate.*

Quoad 4^{tum} hoc loco intelligitur *actualis* charitas, qua meremur sanctitatem, sicut in cap. sequenti eandem intelligit, qua conservetur sanctitatis forma.

Quoad 5^{tum} denique charitatis actus appellatur *justitia actualis*, seu operatio justitiæ; quia subjungitur: *quoniam id, quod voluntate hominis adjuta per Dei gratiam fieri posse confiteor &c.* Ac postea C. 70. dicitur: *Charitas inchoata, inchoata justitia est; charitas provec̃ta, provec̃ta justitia est: charitas perfecta, perfecta justitia est.*

406. *Obj. II.* TRID. satis aperte identificat gratiam cum charitate. Nam 1^{mo}, cum Sess. 6. Cap. 7. dixisset, hominem justificari per susceptionem *gratiæ & donorum*, ac postea docuisset causam formalem nostræ justificationis esse *justitiam*, qua interius renovamur, & merita passionis D. N. J. C. communicantur: mox subjungit, *id fieri, dum ejusdem passionis merito per Spiritum Sanctum charitas diffunditur in cordibus eorum, qui justificantur*: ergo eandem, quam gratiam & justitiam vocaverat, declarat esse charitatem.

2^{do}. Ibidem statim additur: *unde in ipsa justificatione cum remissione peccatorum hæc omnia simul infusa recipit homo per Jesum Christum, cui inseritur, fides, spes & charitatem*, nulla facta gratiæ aut alterius habitus mentione: ergo hanc sub nomine charitatis intelligere videtur.

3^{tio}. Idem ead. Sess. Cap. 10. ubi dixerat justitiam bonis operibus augeri, adjungit: *Hoc vero justitiæ incrementum petit sancta Ecclesia, cum orat: da nobis Domine fidei, spei & charitatis augmentum*: ergo indicat justitiam in his tribus tantum consistere, nimirum in charitate per se, in aliis, ut charitate formantur.

4to. Ibid. Can. II. definit justificationem non fieri sine gratia & charitate, quæ in cordibus hominum diffundatur: ergo, dum in singulari dicat: *diffundatur*, indicat gratiam & charitatem unam duntaxat esse formam.

5to. Idem Sess. 14. Cap. 4. ait, contritionem charitate perfectam hominem Deo reconciliare; sed gratia est, quæ Deo reconciliat: ergo.

Re. N. Aff. Concilium nihil hic definire voluisse colligitur ex varia loquendi ratione, quæ modo gratiæ & donorum, modo justitiæ, modo charitatis solius, modo fidei, spei & charitatis nomen usurpat. Nihil ex eodem theologicè deduci posse pro *identitate charitatis* cum gratia ostenditur facile, si singula examinemus.

Quod enim *1mum* attinet; inprimis illa particula *sum* in rigore non indicat identitatem, sed connexionem duntaxat vel concomitantiam; unde solum significatur, quod tunc, quando charitas diffunditur, homo justificetur, minime autem significatur, quod id *formaliter* fiat per ipsam charitatem: deinde nec vox charitatis, aut ejus hic loci usurpatio est ita restricta, ut necessario debeat sumi pro virtute & habitu charitatis; cum accipi etiam possit pro ipsa gratia seu dono nos Deo charos faciente, & ex divina charitate in nos collato.

Quoad *2dum*; inprimis inde probaretur nimium, nempe etiam *fidem* & *spem* esse identificatam cum gratia: deinde, quavis TRID. hic non faciat *explicitam* mentionem gratiæ, uti fecit Moguntinum num. 341. laudatum, dici tamen potest fieri mentionem implicitam in verbis *cum remissione peccatorum*; quia hæc vel formaliter sit per gratiam, vel non sit sine gratia, ut Can. II. dicitur.

Quoad *3tium*; rursus inprimis probaretur nimium: deinde, sicut per augmentum *fidei*, *spei* & *charitatis* non excluditur augmentum reliquarum virtutum infusarum, sic nec augmentum gratiæ. Quod autem virtutum duntaxat *theologicarum* hic mentio fiat, ratio est; quia tenquam certum asseruit Concilium, has virtutes in justificatione infundi & in justificationis incremento augeri, tanquam incertum vero reliquit, gratiam & alias virtutes tanquam realiter distinctas a charitate infundi & augeri.

Quoad *4tum*; Verbum *diffundatur* in singulari positum refertur more Grammaticis usitato ad postremum sub-

bstantivum, de quo in Cap. 7mo, cui canon præsens respondet, textum Apostoli protulerat; adeoque modus loquendi identitatem non indicat.

Quoad 5tum; D. M. Contritio charitate perfecta ritorie & dispositive reconciliat peccatorem C. formaliter N. Contritio charitate perfecta est actus; actus vero formaliter non iustificat, nec reconciliant.

Inß. 1. Gratia sanctificans est participatio divinæ naturæ: ergo cum divina natura sit per se *formaliter* operativa, talis etiam debet esse gratia sanctificans: ergo est distincta ab habitu charitatis operativo.

R. N. Conf. Rursus enim inprimis instantia est: ergo sicut divina natura realiter est sua operatio, sic iam erit gratia sibi sua operatio. Item *Disp.* est; quia gratia non est participatio divinæ naturæ cum omnimoda similitudine, sed cum aliqua duntaxat, quam charitatis habitus non possidet.

Inß. 2. Gratia & charitas sunt mutuo inseparabiles: o sunt identificatæ.

R. 1. N. Conf. Tum quia retorquetur in virtutibus *realibus infusis*: tum quia, licet separabilitas sit signum inctionis realis, inseparabilitas tamen signum identitatis non est, ut in Personis divinis inseparabilibus quidem, tamen personaliter distinctis manifestum est. R. 2. A. Gratia & charitas sunt inseparabiles metaphysice, de potentia etiam absoluta N. physice, vel tantum in providentia vi præsentis decreti C.

ARTICULUS III.

Quinam sint effectus formales gratiæ habitualis?

Dico I. Per gratiam habitualem efficimur *confortes naturæ divinæ*. Prob. Natura divina potestari vel *physice* & realiter pro substantia Dei, vel *re* & moraliter pro indole, inclinatione ac dispositione ad operationes: sed sub utraque acceptione naturæ di- confortes constituimur per gratiam: ergo. Prob. *Im- m.* tum quia mediante gratia & charitate Deus substantialiter est, habitat & manet in iusto; tum quia, ubique datur aliquid exigens divinæ personæ præsentiam

ita, ut, si ibique illa non esset, ex vi solius illius rei revera inciperet esse præsens; tunc dicitur persona divina esse præsens Creaturæ, atque illi de novo quasi uniri: sed quoties ponitur in homine iusto gratia, toties verum est, quod Deus, seu appropriative persona Spiritus Sancti esset præsens homini iusto, si non esset ubique.

Prob. 2d. p. Per gratiam homo fit consors naturæ divinæ ethice acceptæ, si per gratiam imitetur indolem divinam, eique assimiletur in perfectione repugnandi cum peccato & recte disponendi ad honeste operandum; in hoc enim potissimum stat confirmatio morum cum moribus divinis, & etiam sensus verborum PETRI dicentis: *Per quem maxima & pretiosa nobis promissa donavit, ut per hæc efficiamini divinæ consortes naturæ*; quia continuo subjungit: *fugientes ejus, quæ in mundo est, concupiscentia corruptionem*: En aversionem a peccato! *Vos autem curam omnem subinferentes ministrare in fide vestra virtutem, in virtute scientiam, in scientia abstinenciam, in abstinencia patientiam, in patientia pietatem, in pietati amorem fraternitatis, in amore fraternitatis charitatem*; quibus promptitudo ad omne virtutum opus abunde exprimitur.

408. *Dico II.* Per eandem efficimur amici & grati Deo. *Prob.* Supposito ex parte Dei essentiali jure & dignitate infinita, ut is ab homine benevole & propter se diligatur; supposita item in Deo potentia & propensione ad hominem benevole diligendum & dona cum illo sua communicandum; ut habeatur etiam ex parte hominis amicitiae vinculum, requiritur in eodem tum dignitas quædam, ut ametur a Deo; tum potentia, ut Deum benevole amet: sed utrumque præstatur per gratiam: ergo.

Prob. Im. p. min. 1. Similitudo morum est fundamentum amicitiae & dignitas, ut quis ametur: Sed per gratiam habetur similitudo morum, quia habetur consortium naturæ divinæ ethice acceptæ: ergo. 2. Gratia habitualis est vera justitia; sed vera justitia est maxime grata & amabilis illi, qui per antonomasiam justus est, nempe Deo, juxta illud Ps. 10. v. 8. *Quoniam justus Dominus, & justitias dilexit, aquitatem vidit vultus ejus*: ergo. 3. Per amorem, quo Deus hominem diligit, fit iste Deo gratus & amabilis: juxta illud 2. Reg. 12. v. 25. *Vocavit nomen ejus: Amabilis Domino, eo quod diligeret eum*
Domini-

minus; & Sap. 4. v. 10. *Placens Deo factus est dilectus*: Deus non diligit hominem, nisi amore suo dignum; nisi faciat eum dignum per gratiam, cum non sit amoris sterilis, sed efficax: ergo.

2da p. Liqueat ex dictis; quia gratia vel est eadem in charitate, vel certe ab eadem inseparabilis. *Conf. utr.*

Præter obviam phrasin in scripturis, quæ iusti dicuntur amici Dei, Trid. Sess. 6. Cap. 7. ait, hominem per voluntariam susceptionem gratiæ & donorum fieri ex inimico vicum; & Cap. 10. Justificatos factos esse amicos Dei & mesticos: ergo.

409. Dico III. Per eandem efficimur filii Dei adoptivi. *Prob.* Filiatio Dei adoptiva præter extraneitatem personæ dicit similitudinem in natura & jus ad hæreditatem coelestem: Sed utrumque præstat per gratiam: ergo. *Prob. Im. p. min.* 1. Similitudo cum Deo maxime habetur per regenerationem & nativitatem Spiritualem ex Deo: Sed hæc habetur per gratiam; quæ ideo etiam 1. Joann. 3. 9. *Semen Dei* in iusto manens vocatur: ergo. 2. Quia gratiam habetur natura Dei ethice sumpta, quæ proprie similitudine consistit.

Prob. 2d. p. 1. Per gratiam signati sumus Spiritu sancto: Sed signati Spiritu Sancto habent jus gloriæ cælestis, juxta illud ad Eph. 1. v. 13. *Signati estis Spiritu ommissionis Sancto, qui est, pignus hæreditatis nostræ*: ergo. 2. Per gratiam sumus Filii Dei: Sed hæreditas est eorum, ex illo ad Rom. 8. v. 17. *Si autem filii, & hæredes quidem Dei, cohæredes autem Christi*: ergo.

Conf. TRID. Sess. 6. Cap. 3. & 4. docet nos renasci per gratiam, qua justificamur; justificationem autem vocat translationem de potestate tenebrarum ad regnum filii electionis suæ, & ab eo statu, in quo homo nascitur filius imi Ada, in statum gratiæ & adoptionis filiorum Dei per secundum Adam Jesum Christum: Item Cap. 7. docet gratiæ susceptionem fieri, ut homo sit hæres secundum vitam aternam: ergo.

410. Dico IV. Per eandem efficimur iusti. *Prob.* Iustitia, non prout est specialis virtus, qua reddimus cuique suum, sed quatenus est rectitudo illa totius hominis, per quam tum est sanctus, seu immunis a peccato, tum dispositus & ordinatus ad opera salutaria tam debita, quam

quam pia, stat tum in expulsiōe peccati, tum in potentia eliciendi *actus supernaturales* æternæ vitæ meritorios: sed per gratiam expellitur peccatum; & per eandem habetur potentia illa; vel quia ex gratia tanquam radice necessario emanant virtutes habituales velut proprietates & potentia, vel quia hæ virtutes saltem pertinent ad gratia constitutionem integram, ut alibi ostendetur: ergo.

Conf. *Iusti* maxime efficiuntur, dum iustificamur, regeneramur, renovamur, novum hominem induimur: sed hoc fit per gratiam; quia ad Rom. 3. v. 24. dicitur: *Iustificati gratis per gratiam ipsius*; ad Tit. 3 v. 5. *Salvos nos fecit per lavacrum regenerationis & renovationis Spiritus Sancti, quem effudit in nos abunde per J. C., ut iustificati gratia ipsius hæredes simus secundum spem vitæ æternæ*; & ad Ephes. 4. v. 23. *Renovamini autem Spiritu mentis vestra, & induite novum hominem, qui secundum Deum creatus est in iustitia & sanctitate veritatis*: quod ipsum fieri per gratiam; quæ in baptismo confertur, TRID. Sess. 5. can. 5. definivit: ergo.

411. *Dico V.* Per eandem efficiuntur *sancti*, seu mundamur & immunes sumus ab omni peccato mortali. *Prob.* Eadem forma, quæ facit hominem Deo amicum, filium Dei adoptivum & hæredem regni cœlestis, mundat etiam & immunem facit a peccato mortali; cum enim peccatum mortale faciat hominem Deo inimicum, reum æternæ poenæ constituat, & consequenter tum jure hæreditatis cœlestis, tum filiatione divina privet; e contrario forma, quæ opposita præstat, tollere peccatum vel expellere debet: sed gratia ex dictis hæc omnia efficit: ergo.

Conf. Gratia & peccatum comparantur 1. Ut lux & tenebræ; ad Eph. 5. v. 8. *Eratis aliquando tenebræ, nunc autem lux in Domino*; & 2. ad Cor. 6. v. 14. 2. Ut sanitas & ægrotudo juxta Aug. L. de Sp. & lit. *Per gratiam sanatio animæ, ablatiōe peccati*: 3. Ut novitas & vetustas; ad Coloss. 3. v. 9. 4. Ut mors & vita; ad Rom. 5. v. 21. 5. Ut sepultura & resurrectio; ibid. C. 6. v. 4. Accedit Trid. Sess. 5. Can. 5.

412. *Observa I.* In nullo instanti reali coexistere gratiam habitualement & peccatum mortale certum jam videtur: tum quia vere dicimus, iustum seu gratia dotatum peccare: tum quia iusto peccanti demeritorie aufertur gratia,

qui proinde prius natura peccat, quam in pœnam peccati expellatur gratia; ad quod opus est, pro priori natura existere gratiam, & pro posteriori existere gratiam in instanti reali.

Ratio est; tum quia clare infertur ex Baji prop. 43. nata, quæ talis est: In hominibus penitentibus ante sacramentum absolutionis, & in catechumenis ante baptismum est vera justificatio, separata tamen a remissione peccatorum: tum quia effectus formales gratiæ habitualis peccato repugnant pro reliquis instantibus, ita & reprobant pro instanti primo: ac præterea evenire alias possunt homini lethaliter peccanti nunquam auferretur gratia si nempe immediate ad commissionem peccati perferretur.

II. Disputari solet, an gratia habitualis habeat ex se ipsa sua vi, natura & dignitate, sine ullo favore & promotione extrinseca, quod expellat peccatum? In hæc tione, quamvis facile concedatur requiri peculiarem Deitatem remittentis & condonantis peccatum; videtur in TRIDENTINO conformius, si dicatur gratiam formalem adæquate expellere peccatum: cum enim juxta Concilii justificatio sit *translatio a statu peccati*, hujus autem translationis *unica formalis causa* asseratur *justitia Dei, qua ipse justus est, sed qua nos justos facit. & renouatur Spiritu mentis nostræ*, ac præterea doceat per fusionem gratiæ hominem ex injusto justum, & ex inimicum fieri: videtur rite consequi illud assertum.

III. Ex eodem deducunt multi contra multos oppositum gratiæ habitualis cum peccato mortali tam actuali, & habituali esse essentialem ac metaphysicam, atque nec de potentia Dei absoluta posse illa conjungi in eo subjecto.

C A P U T II.

De Justificatione.

A R T I C U L U S I.

Quenam dispositio requiratur ad justificationem?

Nota. Cum non minus ex SCRIPTURA Deuter. x. v. 59., & ad Rom. 9. v. 11., quam experientia sit, *infantes discretionis boni & mali carere, ac pro-*

proinde incapaces esse dispositionis propriæ, fingere autem sine fundamento miraculum, & id tanquam medium ad salutem necessarium exigere divinæ providentiæ ordini ac sapientiæ contrarium sit, adeoque fidei Ecclesiæ non minus, ac communi sensui repugnans; quæstionem propositam patet ad solos pertinere *adultos*, quemadmodum & ad hos *TAIR.* suam doctrinam Sess. 6. C. 5. & 6. aperte restrinxit.

Plures etiamnum circa quæstionem ita limitatam errores sunt Hæreticorum; 1. fidem justificantem esse specialem divinarum promissionum fidem: 2. fidem illam solam justificare; ubi vox *sola* juxta *Luther.* ac rigidiores *Lutheranos* excludit necessitatem præsentia aliorum actuum virtutum, juxta alios vero jam plures & *Calvinum* meritum duntaxat & efficientiam quamcunque etiam dispositivam, non autem præsentiam excludit: 3. ipsam fidem justificare, non quidem per modum *causa* formalis, aut efficientis vel meritoria, aut etiam *dispositionis* propriæ dictæ; sed per modum *meri organi* seu instrumenti, quo apprehenditur justificatio, quod explicant exemplo manus, qua pauper eleemosynam a divite recipit.

414. *Dico I.* Ad justificationem non sufficit *sola fides.* Est de fide.

Prob. I. ex SCRIPTURA. Imo. Paulus docet fidem sine charitate nihil prodesse; ad Galat. 5. v. 6. *In Christo JESU neque circumcisio aliquid valet, neque præputium; sed fides, qua per charitatem operatur;* & 1. ad Cor. 13. v. 2. *Si habuero omnem fidem, ita ut montes transferam, charitatem autem non habuero, nihil sum.* Jacobus vero fidem sine operibus vocat mortuam.

2do. Qui habent fidem, possunt esse sine charitate & operibus, ut patet præter dicta ex Joann. 12. v. 42. *Ex principibus multi crediderunt in eum: sed propter Phariseos non confitebantur; dilexerunt enim gloriam hominum magis, quam gloriam Dei;* & Matth. 25. ex parabolis *Virginum fatuarum* ac *servi inutilis* talentum unum sibi datum in fœnus non exponentis: Sed ejusmodi non salvantur; ut rursus patet ex Matth. 7. v. 21. *Non omnis, qui dicit mihi: Domine, Domine, intrabit in regnum celorum: sed qui facit voluntatem Patris mei, qui in celis est;* & ex Matth. 25.; ubi fatuis virginibus, quantumlibet Christo per fidem desponsatis, dicitur: *Amen dico vobis nescio*

scio vos; servus ejicitur in tenebras exteriores; ac demum sententia damnationis in eos, qui carent operibus, enun-
da subjungitur; ergo.

3tio. Fidem solam habentes possunt etiam esse adul-
teres, avari, ebriosi &c. cum Jac. 2. v. 19. de immi-
corde dicat: *Tu credis, quoniam unus est Deus: bene
is: & Dæmones credunt & contremiscunt:* sed ex I. ad
r. 6. v. 9. hujusmodi *iniqui regnum Dei non posside-
nt:* ergo.

II. ex TRADITIONE. Imo ex Patribus, inter quos
RYS. hom. 5. 25. & 70. in Matth. &c. dicit: *Non sola
opus est, sed etiam charitate.* AMBR. ad Hebr. 4. ait:
*igna quidem res est fides & salutaris; & sine hac non est
vari possibile alicui; sed sola fides non sufficit.* AUG. L.
de Trin. C. 18. inquit: *Fides sine charitate potest qui-
esse, sed non & prodesse.*

2do ex recensione errorum. Inter hos enim tan-
m antiquissimum & tempore Apostolorum occasione
borum D. PAULI exortum, a Petro autem, Joanne, Ja-
o & Juda oppugnatum AUG. L. de fid. & op. C. 14. re-
Irenæus eundem tribuit Valentino, ejusque anteces-
bus Simoni mago & Pseudo-Apostolicis, dum L. I.
tr. hæres. C. 6. docet, eum promississe salutem suam
sentibus doctrinam sine operibus. Idem AUG. L. de
resibus hæ. 54. dicit de Eunomio.

3tio ex TRID. quod Sess. 6. Cæn. 9. sic definit: *Si
dixerit, sola fide impium justificari, ita ut intelli-
nihil aliud requiri, quod ad justificationis gratiam
equendam cooperetur . . . anathema sit.*

III. Ex RATIONE. Imo. Fides justificat ut fun-
entum & radix justitiæ: ergo hoc ipso debet comple-
tum addi per alia; vel si fundamentum sufficiat, idem
t concedi charitati, cum ad Eph. 3. v. 17. *in chari-
radicati & fundati dicuntur just.*

2do. Si fides sola justificaret, ergo vel hoc foret ex
ra fidei & excellentiæ, vel ex voluntate Dei sub sola
conditione justificationem donantis: sed nec habetur
no; quia charitas est fide excellentior juxta illud I. ad
13. v. 13. *Major autem horum est charitas:* nec ex
quia tum ex dictis, tum ex proxime dicendis patet, a
Deo

Deo non requiri solius fidei conditionem ad justificationem: ergo.

3tio. Nec requiritur sola fides, prout est *assensus intellectualis*; tum quia id concedunt Heterodoxi: tum quia neque autoritas, neque ratio ostendit, ad justificationem necessarium esse actum solius intellectus, non autem voluntatis: nec sola fides requiritur, prout est *actus voluntatis*, aut specialis confidentia; tum quia idem argumentum fieri potest respectu actus intellectus & aliorum voluntatis: tum quia illud singulare officium apprehensionis, si permittatur fidei, etiam concedendum est amoris & gaudii, de quibus ita loquitur AUG. L. 8. Conf. C. 2. *Volebant eum omnes rapere intro in cor suum, & rapiebant amando & gaudento: hæ rapiendum manus erant.*

415. Dico II. Ad Justificationem requiruntur etiam *actus quidam aliarum virtutum.*

Prob. I. Ex SCRIPTURA. Hæc itro universim requirit ex parte hominis aliquid libere præter fidem præstandum, ut is iustitiam vel remissionem consequatur. Zach. I. v. 3. *Convertimini ad me, & ego convertar ad vos.* Act. 2. v. 36. *Judei dixerunt ad Petrum & ad reliquos Apostolos: quid faciemus viri fratres? Petrus vero ad illos: Pœnitentiam, inquit, agite, & baptizetur unusquisque vestrum in nomine JESU Christi in remissionem peccatorum vestrorum: & accipietis donum Spiritus Sancti.*

2do operibus vel actibus etiam a fide aliis tribuit justificationem. Prov. 14. v. 27. *Timor Domini fons vitæ;* Eccli. I. v. 18. *justificare cor:* v. 27. *expellere peccatum dicitur.* Prov. 28. v. 25. legitur: *Qui sperat in Domino, sanabitur;* Matth. 9. v. 2. *Confide fili: remittuntur tibi peccata tua;* & I. Joann. 3. v. 3. *Qui habet hanc spem, sanctificat se.* Præterea de amore Luc. 7. v. 47. *Remittuntur ei peccata multa, quoniam dilexit multum;* I. Joann. 4. v. 7. *Omnis, qui diligit, ex Deo natus est.* De modo de pœnitentia Psalm. 31. v. 5. *Dixi, confitebor adversus me iniquitiam meam Domino: & tu remisisti impietatem peccati mei;* & Ps. 50. v. 19. *Cor contritum & humiliatum Deus non despicias;* Ezech. 33. v. 14. & seq. *Si impius egerit pœnitentiam a peccato suo . . . vita vivet, & non morietur: omnia peccata ejus, quæ peccavit, non imputabuntur ei.*

3tio negat sine hujusmodi actibus dari justificationem. c enim Eccli. 1. v. 28. dicitur: *Qui sine timore est, non meretur justificari.* Ad Hebr. autem II. v. 6. *Credere oportet accedentem ad Deum, quia est, & inquirentibus remunerator sit.* Tum I. Joann. 3. v. 14. *Qui non ligat, manet in morte.* Tandem Luc. 13. v. 3. & 5. *si poenitentiam habueritis, omnes similiter peribitis. &c.*

II. Ex TRADITIONE. Imo. Patres, praterquam quod idem de singulis his actibus asserant; justificationis salutis nostrae negotium confici per virtutes illas sibi coedentes testantur. Sic IGNAT. in ep. ad Philipp. ait: *incipium vitae est fides, finis vero ejus dilectio: Ambae semul junctae hominem perficiunt.* CLEM. ALEX. I. Strom. *Præcedit fides, timor edificat, perficit autem electio.* ORIG. in C. 4. ad Rom. *Puto, quod prima utitur tristitia & ipsa fundamenta fides est; profectus vero augmenta edificii spes; perfectio autem & culmen edificii charitas.* AUG. Serm. 16. de verb. Apost. *A fide incipit homo; sed quia & demones credunt, necesse est adire spem & charitatem.*

2do. Idem docetur a Synodis ARAUS. II. Can. 25. *definitur, non solum fidem, sed & amorem sui a Deo spirari, ut & baptismi Sacramenta fideliter requiramus, & post baptismum ea, quæ sibi sint placita, implere simus.* A TRID. autem Sess. 6. tum Cap. 6. tum Can. 3. *hujusmodi actus tanquam necessarii ad justificationem referuntur.*

III. Ex RATIONE. Imo. Sine operibus homo non salvatur, ut manifestum est ex sententia judicis divini Matth. 25. ergo nec sine illis homo justificatur; cum plus eatur requiri ad acquirendam, quam ad retinendam justificationem. 2do. Sicut ex multis infidelibus quidam accipiunt justificationem, & non alii; ita etiam certum est ex adultis impiis quosdam justificari, & ex recipientibus Sacramenta obtinere remissionem peccatorum, alios non: Sed hæc diversitas non potest proxime referri, nisi in cooperationem aliorum cum gratia, aliorum autem defectum hujus cooperationis; cum Deus paratus sit omnibus infundere gratiam justificantem, ut ex Prophetarum oraculis abunde constat: ergo. 3tio. Si non requirerentur opera, ergo vel qui non per peccatum excidit a libertate, & hinc opera quam necessaria sunt inutilia; vel quia quælibet homini

nis lapsi opera, etiam pietatis, totidem sunt peccata mortifera. Sed ista *Heterodoxorum* fundamenta alibi jam sunt diruta & omnino falsa: ergo.

416. Dico III. Fides & reliqui actus supernaturales requisiti sunt *vera dispositiones, preparationes & impetrationes* justificationis. Est de fide.

Prob. I. ex SCRIPTURA, quæ voce preparationis utitur. 1. Reg. 7. v. 3. *Si in toto corde revertimini ad Dominum, auferte Deos alienos de medio vestri, & preparate corda vestra Domino.* Eccli 2. v. 20. *Qui timent Dominum, preparabunt corda sua, & in conspectu illius sanctificabunt animas suas.* Amos 4. v. 12. *Postquam hæc fecero tibi, preparare in occursum Dei tui Israel.*

II. Ex PATRIBUS. AUG. in expol. C. 3. ad Gal. *Efficiuntur filii sapientie, preparante ac prestante id fide mediatoris; & L. de prædest. Sanct. C. 7. Fides prima datur, ex qua cætera impetrantur.* BASIL. in Psal. 33. *Timor salutaris, qui ad sanctitatem ducit, qualis existat, attende.* AMBR. L. I. de poenit. C. 1. *Nemo potest bene agere poenitentiam, nisi qui speraverit indulgentiam.* AUG. de catech. rud. C. 4. *Quidquid narras, ita narra, ut ille, cui loqueris, audiendo credat, credendo speret, sperando amet.* CHRYSOST. hom. 3. de poen. de latrone: *Dilectione & fide pravia, atque in Deum dispositione salutem consequitur;* AMBR. L. 7. in C. 14. Lucæ: *Nec hoc tamen planum est, ut aliquis vocatus adveniat, nisi vestem habeat nuptialem, hoc est, fidem habeat & charitatem.* AUG. L. 4. contr. Jul. C. 3. *Amor Dei, quo pervenitur ad Deum, non est nisi a Deo. &c.*

III. Ex TRID., quod Sess. 6. C. 5. dicit exordium justificationis sumi a vocatione, ut homines a Deo averti per ejus excitantem & adjuvantem gratiam ad convertendum se ad suam ipsorum justificationem, eidem gratia libere assentiendo & cooperando disponantur; tum C. 6. subjungit: *Disponuntur autem ad ipsam justitiam;* C. 7. autem sic inchoat: *Hanc dispositionem seu preparationem justificationis ipsa consequitur;* & in contextu ait, *justitiæ distribui secundum propriam cujusque dispositionem & cooperationem:* demum Can. 4. & 9. aperte definit, hominem excitatum & a Deo adjutum aliquid operari, quo ad obtinendam justificationis gratiam se disponat ac preparari.

Item

em *neceſſe eſſe, eum ſua voluntatis motu præparari atque ſponi. &c.*

417. Dico IV. Fides ad juſtificationem requiſita eſt *ſpecialis promiſſionum fides*, nec per modum *meri* gani & iſtrumenti concurrit, quo apprehendatur juſtificationis. Eſt de fide, ex TRID. Seſſ. 6. Can. 12. & 14.

Prob. 1m. p. Fides illa *Novatorum ſpecialis*, qua is credat ſe eſſe juſtificatum, aut ſibi remitti, vel non imitari peccata, 1. non eſt *ſufficiens*; quia, eſſi etiam perſtatur ad juſtificationem neceſſaria, tamen præter eam neceſſario requiritur fides dogmatica & catholica.

2. Non eſt *neceſſaria*; quia neceſſitas hæc nec habet ex ipſa natura rei, ut facile dabunt Heterodoxi: nec betur ex institutione divina, cum nullibi in S. Scriptura is fides a nobis poſtuletur; fiducia autem in Dei proviſionem, miſericordiam vel promiſſionem concipienda poſſit eſſe ſine tali fide ſeu certitudine de remiſſis ſibi peccatis & putate juſtitis.

3. Eſt *impoſſibilis*, loquendo ſecundum legem ordinis, & ſecluſo privilegio; quia, ut illa fides ſpecialis ſit ſibiſibilis, oportet, ut promiſſio de remiſſione peccatorum *ſingulari* homini faciendæ vel facta ſit abſoluta; cum aſſeſingulari homini obligationem credendi, peccata ſibi e remiſſa: verum non poteſt oſtendi, promiſſionem abſolutam hujusmodi eſſe ullibi factam; ſed potius patet tantam promiſſam eſſe remiſſionem peccatorum hominibus *iverſim*, ſub hac conditione, ſi egerint pœnitentiam, alia ſimili: ergo.

Conf. 1. Si certo atque ex fide credere debeo, peccata hi eſſe remiſſa per Chriſtum; ergo nec cum publicano ere poſſum: Deus propitiuſ eſto mihi peccatori; aut cum cleſia orare: dimitte nobis debita noſtra; nec opus eſt iſtismo, vel pœnitentia, vel aliis remediis peccatorum diſiſtituſ iſtitutis: Sed ſic *fides iſta ſpecialis*, non tam eſt liſificans, quam juſtificationem impediens; ergo. 2. Fiſ: ſpecialis juxta *Calvinum* & alios novatores eſt juſtiſiſis ſimul & certos nos reddens de *prædeſtinatione*: ſed ſmodi fides ſeu fiducia, qua quis certus eſt ſe eſſe prædeſiſtatum, jam præſupponit juſtificationem, & pendet a bona ſciſcientia ac perſeverantia juxta illud 1. Joann. 3. v. 21. *cor noſtrum non reprehenderit nos, fiduciam habemus*

ad Deum. Et ibid. 2. v. 28. *Monete in eo, ut cum apprehenderit, habeamus fiduciam; ergo.*

Prob. 2d. p. Modus justificandi per fidem tanquam per *organum & instrumentum*, quo promissio justificationis, vel ipsa justitia apprehendatur, non habet fundamentum in SCRIPTURA, utpote in qua de hoc fidei officio nulli penitus mentio facta ostendi potest: non fundatur in *natura fidei*, quia si hæc statuatur in assensu intellectuali, illi non apprehendit, sed rem apprehensam appendit, discerit & approbat: Si vero ponatur in voluntatis fiducia, rursus non apprehendit, sed rei jam apprehensæ firmiter adheret: non tribuit fidei præcellentiam, quæ potius amari, quam fidei esset tribuenda: denique nihil veritatis in se continet.

Objectiones.

418. *Obje. contr. 1m.* Justificatio tribuitur fidei simpliciter. *Prob.* Ad Rom. 10. v. 10. dicitur: *Cordi creditur ad justitiam; & Christus tum Matth. 7., tum Luc. 7. & 17. hæmorrhoiisæ, Magdalensæ, leproso ac cæco ait: Fides tua te salvum fecit. ergo.*

R. N. *Conf.*; quia eadem de timore, spe, amore ac poenitentia referuntur, quin tamen concedant aut Hæretici, aut Catholici, quodlibet eorum se solo justificare hominem. R. 2. D. A. Fidei confidentiali Hæreticorum tribuitur simpliciter & universaliter justificatio N. fidei intellectuali Catholicorum *subd.* fidei solitariae & informi, aut otiosæ N. fidei conjunctæ cum operibus per charitatem formatae & operanti C.

Textus *1mus* utilitatem & necessitatem fidei ad justificationem ostendit, non autem solius sufficientiam; sicut dum præcedente versu dicitur: *Si confitearis in ore tuo Dominum JESUM Christum, & in corde tuo credideris, quod Deus illum suscitaverit a mortuis, salvus eris;* non solius resurrectionis fidem sufficere, sed & aliorum articulorum fidem requiri ac valere declaratur.

Reliqui textus quantum enuntiant fide de hæmorrhoiisæ, paralytici ac cæci, ad materiam nostram plane non pertinent, cum in iis non de salute animæ seu justificatione, sed de salute corporis & sanitate agatur; quantum autem

n de *Magdalena* fide loquuntur; hujus quidem loci
it, sed manifeste intelligendi sunt de fide per charitatem
rante, cum Christus Luc. 7. dicens: *Remittuntur ei*
cuncta multa, quoniam dilexit multum, expressis verbis
hificationem charitati tribuat. Cæterum quia *fides* est
ndamentum spei, *spei* autem incitat ad orationem pro
nis sive corporis sive animæ fundendam, aut aliud quod
pro illis obtinendis suscipiendum; hinc est, quod Chri-
s utrobque salutem tribuerit fidei, tanquam *secunda*
lici.

Inst. 1. Scriptura justificationem fidei tribuit univer-
ter. *Prob.* Act. 10. v. 43. Petrus dicit, *remissionem*
colorum accipere omnes, qui credunt in eum; Ibid. 13.
39. Paulus ait: *In hoc omnis, qui credit in eum, ju-*
dicatur; & 1. Joann. 5. v. 1. *Omnis qui credit, que-*
rit in JESU est Christus, ex Deo natus est. Ergo.

R. Particula *omnis* vel potest intelligi negative, vel affir-
mative; si *negative* exponatur, sensus textuum est: ne-
que sine fide remissionem accipit, justificatur, ex Deo na-
tur; & hic sensus satis convenit cum scopo Petri & Pau-
li in Actis loquentium, pertinetque maxime ad alios tex-
tus objici solitos, quales sunt Joann. 3. *Ut omnis, qui*
bit in eum, non pereat, sed habeat vitam æternam. Et
Rom. 1. *Evangelium virtus Dei est in salutem omni*
dent. Si autem *affirmative* sumatur, sensus est: Om-
nis, qui credit in Deum non solum speculative, sed & pra-
ctice, h. e. qui habet fidem, non mortuam vel otiosam,
vivam & operantem, remissionem accipit, justificatur,
Deo nascitur; quia tunc Principes Apostolorum in Actis,
et Joannes in sua epistola plura alia ad salutem postula-
nt.

Præterea vero cum constet generalem esse regulam,
ut, si universales de *spe*, *humilitate*, *oratione*, *obe-*
ntia aut aliis virtutibus affirmationes hujusmodi in Scri-
pturis proferuntur, posita una conditione necessaria alie
re excludantur, sed potius subintelligantur; idem etiam
attendendum est de objectis sententiis, adeo, ut sensus sit, *fidem*
parte sua justificare & salvare, modo addantur alia, que
ul requiruntur.

Inst. 2. Justificatio formaliter tribuitur fidei. *Prob.*
bac. 2., ad Rom. 1., ad Hebr. 10. dicitur: *Iustus ex fide*
bit; similiter ad Rom. 5. v. 1. dicuntur *justificati ex*
T r 3 *fide*;

fide; tandem I. Joann. 5. v. 10. Qui credit in filium Dei, habet testimonium Dei in se. Ergo.

R. Particula ex in prioribus textibus usurpata nec ob sermonis proprietatem, nec ob aliquas horum locorum circumstantias dicit *causam formalem*. Itaque sicut arbor dicitur ex radice vivere, & aqua profluere ex fonte, sic & iustus ex fide vivere ac justificari intelligitur, eoquod, ut cum aliis Patribus S. AUG. ep. 105. ait, *Omnis justificatio a fide ducit initium; quem sensum etiam proposuit TRID. Sess. 6. C. 8. Ut scilicet per fidem ideo justificari dicamur, quia fides est humana salutis initium, fundamentum & radix omnis justificationis.* Postremus textus cum subsequente conjunctus ostendit quidem *fidei fructum* esse vitam æternam; sed nec de fide mortua, informi aut otiosa loquitur, nec de causa formali intelligi potest.

Inst. 3. Solam fidem requiri & sufficere ad justificationem tum Scriptura, tum Patres declarant. Nam Luc. 8. v. 50. Christus Jairo ait: *Crede tantum, & salva erit.* Inter Patres HILAR. Can. 8. in Matth. ait: *Fides sola justificat;* BASIL. in hom. de humilit. *Novit seipsum vere justitia indigum, sola autem fide in Christum justificatum;* CHRYS. hom. de fide & leg. nat. *Latrocredidit tantum, & justificatus est;* & hom. 3. in ep. ad Tit. *Si credis fidei, cur alia inferis, quasi fides justificare non sufficiat sola?* AUG. L. 1. ad Bonif. C. 21 de Sanctis V. T. ait: *Quantalibet fuisse virtutis antiquos prædices justos, non eos salvos fecit, nisi fides mediatoris.* Sim. lia de S. Ambr. Leon. & Bern. referuntur.

R. *N. Aff. vel D.* Fides sola sufficit, per hanc solitudinem excludendo alias dispositiones internas ad justitiam tum a Scriptura, tum a Patribus requisitas *N.* excludendo aliud quidpiam, quod ex circumstantiis locorum adductorum colligi potest *C.* Textus SCRIPTURÆ ad rem non spectat, quia non agit de fide justificante, sed de *fide miraculorum*, seu impetrativa extraordinarii beneficii; nec de salute animæ, sed *corporis*, seu resurrectione filii Jairi. Quod vero Christus ad impetrationem hujus beneficii fidem duntaxat postulavit, ratio est; tum quia ad simpliciter quidpiam impetrandum Charitas non est necessaria, cum etiam peccatores possint orando impetrare: tum quia, ut S. TH. 2. 2. q. 83. a. 15. ad 3. inquit: *efficacia impetrandi principaliter fidei attribuitur, quia per fidem habet homonotitiam*

iam omnipotentia divina, Et misericordia, ex quibus ratio impetrat, quod petit.

HILAR. excludit solum legem Mosaicam; tum quia iter hanc & fidem facit oppositionem dicens: *Mouet scriptura remissum peccatum ab homine, quod lex laxare non poterat: fides enim sola justificat;* tum quia Can. 7. coniungit fidem cum operibus, dum ait: *Salus gentium omnis in fide est, Et in praeceptis Domini vita est universorum.*

BASILIVS excludit sola opera sine fide & gratia facta, tum ita scribat: *Hæc est perfecta Et integra gloria in Deo, quando neque ob iustitiam suam quis se iactat; sed ovit seipsum &c., unde sola fide justificari apud ipsum nihil aliud est, quam ex dono Dei justificari non ex operibus meritis Dei donum prævenientibus; & iustitiam veram non esse humanam, innixam sapientiæ humanæ ac viribus naturalibus, sed supernaturalem & divinam, seu fundatam in de, qualem infra cum Paulo ad Phil. 3. v. 9. vocat iustitiam, quæ ex Deo est in fide.*

CHRY. Imo loco excludit solum opera externa penitentiae, satisfactionis & aliorum mandatorum, quæ latro a cruce præstare non poterat; non vero actus internos continentibus & velut formantes fidem, ut justificare valeat, tum alibi latronem penitentem Doctorem nominet: 2do utem loco excludit duntaxat ceremonias legis veteris, quia verbis objectis hæc subdit: *Quid te spontanea servituti subis, Et legis iugo collum submittis?*

AUG. excludit opera aut solius naturæ viribus, aut ex solo legis mosaici Spiritu facta, non vero opera cum gratiæ auxilio elicitæ, & per fidem in futurum reparatorem perfectæ; id patet ex contextu.

Inst. 4. Eadem SCRIPTURA & PATRES ita tribuunt dei justificationem, ut excludant opera: ad Rom. 3. v. 8. *Arbitramur hominem justificari per fidem sine operibus legis;* ad Gal. 2. v. 16. *Scientes, quod non justificatur homo ex operibus legis, nisi per fidem JESU Christi: Et nos in Christo JESU credimus, ut justificemur ex fide Christi Et non ex operibus legis: propter quod ex operibus legis non justificabitur omnis caro;* ad Philipp. 3. v. 9. *Et inveniar in illo, non habens meam iustitiam, quæ ex lege est, sed illam, quæ ex fide est Christi JESU: quæ ex Deo est iustitia in fide.*

R. D. Aff. Fidei sic tribuitur justificatio, ut excludantur vel opera legis Mosaicæ tanquam ex se inutilia & in lege gratiæ etiam mortifera; vel opera sine gratiæ auxilio ex solis naturæ viribus facta C. ut excludantur opera auxilio gratiæ facta N. SCRIPTURA loquitur duntaxat de operibus legis; hæc autem nec ad justificationem per se necessaria sunt, cum sine his Abraham legatur justificatus: nec tempore datæ legis ad eam utilia erant ex vi ipsius legis, cum hæc per se nihil ad perfectum adduxit, nec vim iustificandi habebat; sed tantum ut facta ex Spiritu fidei Dei & Christi; nec jam in lege gratiæ ita sunt *requisita*, ut Judæi vel increduli & Christo repugnantes, vel in materiali quasi observatione legis confisi contendebant; contra quos hic loquens PAULUS demonstrat, totam justificationem in Spiritu fidei habere radicem, & per opera fidei, ut talia sunt, comparari ac compleri.

Inst. 5. PAULUS ad Rom. 9. v. 12 dicit: *Non ex operibus, sed ex vocante dictum est*; ad Ephes 2. v. 8. *Gratia estis salvati per fidem, & non ex vobis; Dei enim donum est: non ex operibus; ut ne quis glorietur.* Ad Tit. 3. v. 5. *Non ex operibus iustitiæ, quæ fecimus nos, sed secundum suam misericordiam salvos nos fecit. &c.*

R. SCRIPTURAM de operibus *mere naturalibus* intelligendam esse declarant verba maxime textus 2di; quod idem de reliquis, sive ad justificationem, sive prædestinationem referantur, dicendum.

Inst. 6. Inter PATRES ORIG. in C. 3. ep. ad Rom. ait: *Dicit Apostolus sufficere solius fidei justificationem, ita ut credens quis tantummodo iustificetur, etiamsi nihil ab eo operis fuerit expletum.* AMBR. in C. 4. ejusdem ep. scribit: *Beatos dicit, de quibus hoc sanxit Deus, ut sine labore & aliquâ observatione sola fide iustificentur apud Deum.* AUG. L. de fid. & op. C. 14. inquit: *Sciat quisque per fidem se posse iustificari, etiamsi opera non præcesserint: Sequuntur enim iustificatum, non præcedunt iustificandum: Ergo.*

R. ORIGENES excludit sola opera externa; quia ponit exemplum peccatricis & latronis, qui non legantur jejunasse aut eleemosynas fecisse, antequam iustificarentur. AMBR. rejicit duntaxat observationes circumcisionis; Sabbati, neomeniæ & similia *legatum*, ideoque ibidem addit,

it cessante lege solam fidem sufficere. Auct. quamvis orsan exponi possit de operibus sine gratia factis, cum dicat: etiam si legi opera non præcedant; tamen, si accipiamur etiam *universim* de operibus omnibus, ut addita ab equo videtur exigere, dici inprimis potest, excludi ab equo opera externa, non vero internos actus, quos certe supponit, cum aperte loquatur de fide per charitatem perante.

Deinde *Intentio* ejus duntaxat est docere, quod, licet homini opera non fuerint necessaria *ante fidem*, ut per eam justificaretur, quia justitiam & fidem gratis accepit; nihilominus indigeat operibus justis post acceptam justitiam, ut ne illam amittat: in quo posterius dogma assertum contra modernorum errorem de *justificationis* in *amissibilitate*; prius autem hic vel quasi permittit, vel si etiam asserat, solum eatenus assumit, quatenus nec opera justificationem præcedentia sunt de condigno meritoria, nec meritum anteprius priora sunt ipsa gratia: quod postremum colligitur ex eo, quod ibidem provocet ad disputata in L. de Sp. & it., in quo C. 9. sic ait: *Justificati gratis per gratiam: non itaque justificati per legem, non justificati per propriam voluntatem, sed justificati per gratiam ipsius: non quod sine voluntate nostra fiat, sed voluntas nostra stenditur infirma per legem &c.*

419. *Objic. contr. 2d.* Justificamur omnino gratis: ergo nulla dispositio ad eam ex parte nostra præcedit, aut ostulatur; quia, sicut dum gratia nobis dicitur dari gratuito; ade inferimus ad eam non requiri dispositionem, sic idem dicendum est de justificatione. *Ant.* patet 1. ex ep. ad Rom. v. 24. *Justificati gratis per gratiam ipsius.* Ibid. 4. 4. & 5. *Ei, qui operatur, merces non imputatur secundum gratiam, sed secundum debitum: Ei vero, qui non operatur, credenti autem in eum, qui justificat imputum, reputatur fides ejus ad justitiam secundum propatum gratie Dei.*

R. II. A. Justificamur omnino gratis, fumendo justificationem *radicaliter*, vel etiam adæquate tam pro initio & primo motu ad justitiam, quam pro infusione ipsa gratia C. fumendo justificationem *formaliter* vel inadæquate pro sola justitiæ infusione, *subd.* justificamur gratis, per hoc excludendo merita tum propria, quæ sint ex nobis & non ex Deo, tum de condigno talia, quæ absolute & simpli-

eiter merita dicuntur C. excludendo merita duntaxat de congruo vel opera principaliter ex Dei gratia profecta N. Si justificatio *priori modo* accipiat, verum est, quod ad illam nulla detur dispositio, cum ante primam gratiam & opus pium auxilio hujus gratiæ factum nihil sit in homine, quod ad aliud disponat; atque in hoc tenet paritas cum gratia, vel potius est identitas aut æqualitas.

Si autem *posteriori modo* sumatur justificatio, & comparetur cum gratia prima; *Disp.* constat ex eo, quod *dispositio* ad aliquid supernaturale debeat esse ejusdem ordinis ac supernaturalis, talis autem dispositio ad gratiam hoc ipso præcedere nequeat, quod *prima* sit: justificationem autem formalem seu infusionem gratiæ habitualis præcedit gratia actualis, & cum ejus auxilio elicited opus supernaturale. *Dixi*: si justificatio formalis comparetur cum gratia *prima*; quia si comparatio fiat cum gratia *secunda*, paritas probat pro nobis, cum ex alibi dictis bonus usus gratiæ prioris sit meritum de congruo, vel saltem dispositio positiva ad alias gratias posteriores.

Inst. I. TRID. Sess. 6. C. 8. dicit: *Gratis autem justificari ideo dicimur; quia nihil eorum, quæ justificationem præcedunt, sive fides, sive opera, ipsam justificationis gratiam promeretur*, & S. AUG. L. 83. QQ. q. 76. ait: *Quod si, cum crediderit, mox de hac vita decesserit, justificatio fidei manet cum illo; nec præcedentibus ejus operibus, quia non merito ad illam, sed gratis pervenit; nec consequentibus, quia in hac vita esse non finitur*: ergo.

R. Cum TRID. fidem & opera justificationem præcedentia sæpius declaraverit esse dispositionem & præparationem, quam ipsa justificatio sequatur, & quasi pro mensura habeat, & AUG. pluribus in locis fidei tribuat rationem aliqujus meriti, vel in Cap. objecto loquitur de fide *plane mortua* & informi, ac operibus sine gratiæ prævenientis auxilio factis, illisque negat omnem meriti rationem; vel excludit ab illis meritum duntaxat *de condigno* tanquam communis intellectum sub nomine meriti absolute & simpliciter dicti. Denique si etiam permittatur, CONCILIUM non tantum præseindere a merito congruo, sed illud etiam de fide & operibus justificationem præcedentibus negare; inde tamen non sequitur, quod adversarii intendunt, negari etiam

etiam rationem *dispositionis*, utpote quam TRID. expressis verbis attribuit fidei, aliisque hominis actibus.

S. AUG. verbis allatis negat meritum operibus legis & sine fide factis, non vero fidem comitantibus, & ex dono gratiæ profectis.

Inst. 2. Opera omnia, quæ justificationem præcedunt, vel mala sunt, vel mortua: ergo nequidem dispositiones esse possunt. *Prob. 1m. Ant. ex S. AUG. præf. in Psalm 31. scribente: Nihil boni fecisti, & datur tibi remissio peccatorum: attenduntur opera tua, & inveniuntur omnia mala. 2da p. vero constat ex eo, quia sicut homo ante justificationem est mortuus, sic etiam ejus opera sunt mortua.*

R. N. A. quod damnavit TRID. Sess. 6. Can. 7. Si quis dixerit, opera omnia, quæ ante justificationem fiunt, quacunque ratione facta sint, vere esse peccata, vel odium Dei mereri; . . . anathema sit. *Ad prob. 1m. R. AUG. loqui de operibus ante fidem, non autem ex fide factis; quia in sequentibus sic loquitur: Debebat tibi Deus vindictam; dat indulgentiam: incipis ergo esse in fide per indulgentiam, jam fides illa assumpta spe & dilectione incipit bene operari. &c.*

Ad prob. 2d. N. Ass. Sunt opera mortua, h. e., non sunt informata gratia sanctificante, quæ est vita animæ, nec sunt a Spiritu Sancto operantem inhabitante C. h. e. sunt mortifera & peccata, seu nequidem procedunt ex gratiæ auxilio, nec sunt a Spiritu Sancto operantem movente, excitante & adjuvante, nec iunt dona Dei N.

Inst. 3. Nec actus nostros expectat Deus ad justificationem, ut ex Araus. II. patet, quod Can. 4. ait: Si quis, ut a peccato purgemur, voluntatem nostram Deum expectare contendit, . . . resistit Spiritui Sancto. Nec eos semper sequitur justificatio; cum plures etiam poenitentes non iustificentur: ergo illi proprie non disponunt.

R. Quoad 1m. D. A. Deus non expectat actus nostros in vocando, seu conferendo gratias prævenientes C. in iustificando seu conferendo gratiam sanctificantem N. Quoad 2d. D. Actus nostros qualescunque non sequitur justificatio C. Actus nostros debito modo ac numero positos N. Quales & quot esse debeant actus ad justificationem infallibiliter disponentes, exponit Sess. 6. C. 6. TRID.

420 *Objic. contr. 3t.* Fides ad justificationem requisita tum ex definitione tum ex effectu sumenda est pro *fiducia*: ergo fides, specialis est admitenda. *Prob. Ant. 1.* ex ep. ad Hebr. II. v. 1., ubi dicitur fides *sperandarum & πρὸς αὐτῶν rerum*, quod non exponi debet *substantia*, sed *expectatio*, prout sumitur: Psal. 38. v. 8. Et ad Hebr. 3. v. 6. & 14. intelligitur. 2. Ex Matth. 9. v. 2. ubi, dum Christus dicit paralytico: *Confide fili! remittuntur tibi peccata tua*, fidem, per quam peccata delentur, nihil aliud esse declarat, quam firmam in Christo fiduciam.

Re. N. A. Quia quamvis SCRIPTURA, PATRES & TRID. spem ac fiduciam exigant ad justificationem, nec fidem tamen confundunt cum fiducia, nec fiduciam ponunt in confidentia absoluta & persuasione ex omni parte certa de remissione peccatorum sibi concessa.

Ad prob. 1m. N. Ass. Inprimis enim *ὑπόσταν* recte exponi per substantiam suadet tum Interpretum Græcæ linguæ peritissimorum, nempe S. CHRYS., THEODOR. & THEOPHYL. in hunc locum vulgatæ versionis congruus expositio: tum expositionis veritas, quia fides est spei nostræ basis ac fundamentum, prætereaque rebus sperandis tanquam necdum subsistentibus tribuit in mente *substantiam*, in quantum præstat, ut, quæ nec videntur, nec adhuc sunt, quasi præsentia sint animo & firmiter hæreant.

Neque hic obstant citati textus: licet enim dum in Psal. legitur: *Et substantia mea apud te est*, in Hebræo dicatur *expectatio mea*; septuaginta tamen Interpretes, gnari expectationis nomine rem ipsam expectatam, veram scilicet vitam, significari; *ὑπόσταν* verterunt: In Cap. 3. ad Hebr. autem per *initium substantiæ* non intelligi fiduciam, sed fidei initium, quia Apostolus de novæ in Christo creaturæ initia loquitur, quod tribui debet fidei, utpote per quam Christus in nobis formari incipit, sicut per dilectionem perficitur. Accedit, quod in principio Cap. 1. ad Hebr. filius dicatur *figura substantia Patris*, quod vocabulo non significari expectationem, sed personam Patris subsistentem apud omnes certum est.

Deinde transmissio etiam, quod *ὑπόσταν* nomine intelligatur expectatio; inde tamen *fiducia* illa Heterodoxorum justificans colligi nequit; cum sperandæ res non indicent hic loci misericordiam Dei peccata remittentis & justi-

justitiam imputantis, sed vitam eternam & corporis resurrectionem dantis, ut ad Tit. 2. v. 13. exponitur: *Expectantes beatam spem & adventum gloriae magni Dei.* Similia ad Rom. 8., aibique habentur.

Ad prob. 2d. N. Ass. Nam 1mo fiducia hic tantum exprimitur, utique ad justificationem necessaria; non autem eadem esse cum fide asseritur, quæ præcedere debet, ut Frid. Sess. 6. C. 6. hunc ipsum textum adducens ostendit.

2do, Cum *paralyticus* sanitatem corporis quæreret, Christus volens illum perfecte & radicitus sanare, tollendo scilicet tum morbum, tum morbi causam h. e. peccatum, ostulavit ab eo non *fidem specialem* de propria justitia, utpote de qua corporeæ salutis cupidus nihil ante cogitavit, nec audierat etiam, maxime per Christi justitiam ibi imputanda) sed *spem futuri beneficii*, seu *talem fiduciam*, qua speraret non tantum sanitatem, sed & remissionem peccatorum, ac omnia ad eam necessaria se accepturum; unde verosimile est, Christum vel interius ad memoriam peccatorum & eorum detestationem illum excelsisse, cum diceret: *confide fili*; vel saltem aliquem poenitentia motum simultaneum inspirasse, cum adderet: *remittuntur tibi peccata tua.*

3tio. Quamvis permittamus *paralyticum* excitatum fuisse ad specialem illam fiduciam a Christo, eamque ab illo in exclusionem omnis timoris esse conceptam, perperam tamen exemplum hoc objicitur; quia & CHRISTUS ipse, nem Deum credere oportebat, & sine omni ambiguitate verborum remissionem peccatorum paralytico impendebat: ubi vero CHRISTUS ipse nostram dispositionem perspicans *visibiliter* non tribuit remissionem, sed impendunt solutionem sacerdotes, quos interior animus noster latet.

Inst. 1. Fides, qua ABRAHAM justificatus fuit, nihil at, nisi fiducia in Dei promissionem; nam in ep. ad Rom. v. 16. de eo Paulus ita loquitur: *Ideo ex fide, ut secundum gratiam firma sit promissio*; & v. 18. addit: *Qui intra spem in spem credidit*; demum v. 20. & seqq. adngit: *In promissione Dei non habitationem diffidentia, sed confortatus est in fide, dans gloriam Deo, plenissime sciens, quæcumque promissit, potens est facere: ideo & reputatum est illi ad justitiam.* Ergo.

2x. N. Aff. Neque enim hoc probatur ex textu 1mo; tum quia per vocabulum *promissionis* non intelligitur remissio peccatorum, sed vocatio gentium, ut patet ex toto sensu: *Ut firma sit promissio omni semini, non ei, qui ex lege est solum, sed Et ei, qui ex fide est Abrahæ, qui pater est omnium nostrum, sicut scriptum est, quia patrem multarum gentium posui te*: tum quia per vocem *fidei* non significatur fiducia seu fides specialis, sed fides dogmatica; seu quam vocant *historicam*; cum in textu 3tio exponatur ejus objectum esse *omnipotentiam* divinam ad quæcumque a Deo promissa reipsa præstanda.

Neque ex textu 2do; quia sensus est: Abraham ob divinam promissionem de filio sibi nascituro datam credidit se consequenturam a Domino sobolem, vel posse sperare filium ex Sara, quamvis id naturaliter sperare non posset, cum fere centum esset annorum, & emortua pariter valvi Saræ, ut ibidem inquit Apostolus.

Neque ex 3tio; tum quia *diffidentia* non usurpatur hic ut opposita fiduciæ, sed fidei; cum in Græco legatur *ἀπιστία*, h. e. incredulitas; quo sensu etiam dum Jac. 1. v. 6. dicitur: *postulet autem in fide nihil hesitans*, postrema vox in Græco exprimitur *διακρινόμενος*, h. e. dijudicans & in dubium revocans: tum quia, si tribuatur etiam Abrahæ confidentia certa; tamen imprimis illa non erat fides ipsa, sed *effectus* fidei, qua in Dei veracitatem & omnipotentiam credebatur: deinde non habebat pro *objecto* remissionem peccati, sed sobolis nativitatem: præterea si nihilominus admittatur tanquam fiducia sine ullo timore firmissima & tanquam justificativa; tamen nec illa fides erat solitaria, cum Abrahæ *obedientia* satis sit nota & in scripturis laudata: nec comparari potest cum nostra, quia ejus objectum speciali revelatione innotuerat Abrahæ, quod nobis non contingit.

Demum nec congruit Hæreticorum systemati; qui probat *justitia incrementum* ab iis pernegari solitum; cum de Abrahamo annum ætatis 84. agente asseratur Gen. 15. v. 6. Credidit Abraham Deo, & reputatum est illi ad justitiam; textus autem tum Apostoli, tum Genes. 17. de Abrahamo jam 99. annos nato rursus de justitia, non amissa & recuperata, sed aucta loqueretur.

Inst.

Inst. 2. Fides non justificat, ut respicit *historias*, nia propposito Deum non placere, nisi morte filii; potius irremur, quam invitamur ad pœnitentiam: nec ut respicit *inas & judicia Dei* ex simili ratione: nec ut respicit *mandata & leges Dei*; quia ex postolata legis observatio accurata, quæ est impossibilis, rursus ad desperationem homo adigitur: nec ut respicit *promissiones generatim* propositas, quia promissio, nisi speciatim applicata, pacem animi non adfert, nec tranquillitatem: ergo fides nos iustificat, ut respicit promissiones nobis specialiter convenientes; quales sunt ad Galat. 1. *Qui dedit semetipsum pro peccatis nostris*, & 2. *Qui dilexit me, & tradidit seipsum pro me* &c.

R. 1. Errare adversarios in supposito, cum volunt *idei justificantis officium* esse, ut reddat homines certos & securos de remissione peccatorum & salute æternâ. *2.* Falsa esse pleraque Antecedentis membra quoad suas probationes. Nam *imo* multæ sunt *historiæ*, quæ nos *in* *dem* erigunt; & licet mortis Christi historia ostendat summam Dei iram contra peccatum, simul tamen declarat, mortem illam fuisse pretium redemptionis nostræ. *2do* *iminationes* quidem non iustificat adferendo securitatem, sed revocando a peccato & disponendo ad iustitiam; cum timor Domini sapientiæ sit initium, ut SCRIPTURA ait; & exponente TAYL. homines divinæ iustitiæ timore utiliter concussi ad considerandam Dei misericordiam se convertendo *in spem* erigantur &c.

3tio. Fides respiciens *leges & mandata* excitat in omine propositum ea observandi seu bene agendi, sine quo nemo justificari potest; unde sicut eandem ad justificationem disponere certum est, sic aliunde falsissimum constat esse, quod de impossibilitate observandorum Dei mandatorum adjicitur. *4to.* Fides respiciens *promissiones generatim* factas, illas etiam nobis applicare potest & debet speciatim, non tamen ad tollendam omnem sollicitudinem & timorem; cum hæc ad spem non requirantur; neque absolute ac sine omni conditione; sed cum debitis conditionibus ex parte nostra positis.

Unde *q. 3.* Falsam quoque esse consequentiam; tptote quæ supponit propositiones illas pertinere ad singulos non solum quoad *sufficientiam*, quod nos etiam affirmamus,

namus, sed & quoad *efficaciam*; idque vel absolute & sine omni conditione a nobis præstanda, vel sub conditione solum fidei, quod hæcenus refutavimus.

ARTICULUS II.

Quænam sit natura justificationis?

421. **N**ota. Tres sunt præcipui *Lutheranorum* & *Calvinistarum* circa justificationis naturam errores. *Imus*, quod velint in justificatione peccata vere & proprie non deleri, sed tantum non imputari ad poenam ob Christi justitiam, qua circumvestimur: *2dus*, quod velint justificationis naturam in mera illa peccati non imputatione consistere, absque interiori hominis renovatione & sanctificatione: *3tius*, quod velint justificationem non fieri per formam internam ac in hærentem, sed externam & imputatam; justitiam nempe Dei vel Christi ope fidei apprehensam. Equidem contra hos errores veritatem Catholicam jamdum vindicavimus; quia tamen *Hæretici moderni* contendunt, a nobis male sanctificationem, seu renovationem hominis cum justificatione confundi, & attribui justificationi, quæ *aliis donis* referenda sunt; non abs re erit, recensitos errores omnes, quantum contra has exceptiones necessum est, refutare.

422. *Dico I.* In justificatione impii a Deo vere remittuntur peccata. Est de fide.

Prob. I. ex SCRIPTURA. IMO. Ex verbis, cum quorum significatione propria nequit componi sensus *Hæreticorum*. Ejusmodi est 1. *delere*: Psal. 50. v. 11. Isa. 43. v. 25. &c. 2. Sunt verba *lavare* & *mundare*; Psal. 50. v. 4. &c. Isa. 1. v. 18. 3. Sunt verba, quæ peccata penitus ablata significant; Psal. 102. v. 12. *Quantum distat ortus ab occidente, longe fecit a nobis iniquitates nostras*; Mich. 7. v. 19. *Deponet iniquitates nostras, Et projiciet in profundum maris omnia peccata nostra*. Ad Rom. 8. v. 1. *Nihil ergo nunc damnationis est in iis, qui sunt in Christo Jesu*.

2do. Ex *Prophetiis* & testimoniis de fine adventus & redemptionis Christi. Nam Jerem. 31. v. 34. dicitur, & ad Hebr. 10. v. 17. repetitur: *Expropiabor iniquitatem eorum*,

rum, Et peccati eorum non memorabor amplius; Petrus
Act. 10. v. 43. provocans ad Jerem. 31 v. 34. & Mich. 7.
. 18. ait: Huic omnes Propheta testimonium perhibent,
emissionem peccatorum accipere per nomen ejus omnes,
ui credunt in eum; Joann. Baptista autem Joann. 1. v. 29.
videns Jesum venientem ad se, inquit: Ecce Agnus Dei,
ce qui tollit peccatum mundi. Paulus denique ad Hebr.
v. 28. scribit: Christus semel oblatus est ad multorum
chaurienda peccata; & C. 1. v. 3. Purgationem pecca-
rum faciens sedet ad dexteram majestatis in excelsis.

3tio. Ex effectu Sacramentorum, maxime baptis-
 ii; de quo vid. Tr. de Sacram.

II. ex TRADITIONE. Imo ex Patribus, inter quos
 HRYG. hom. 2. in Ps. 50. ait: *Sola gratia sordes meas*
perfecte abstergere, ac nivis candorem mihi conciliare pot-
est. AUG. in Ench. C. 52. Sicut in illo vera mors facta
est, ita Et in nobis vera remissio peccatorum; GREG. L. 9.
v. 39. scribit: Si qui sunt, qui dicant, peccata in ba-
tismo superficiei tenus dimitti, quid est hac praedicatione
infidelius? Similia affirmant Ambr. L. 6. in Ps. 50, Theo-
ret. in Ps. 31., Bern. epist. 190. aliique.

2do. Ex CONCILIIS, inter quæ TRID. Sess. 5. Can. 5.
 definit: *Si quis per J. C. D. N. gratiam, quæ in*
ptismate confertur, reatum peccati originalis remitti
gat, aut etiam asserit non tolli totum id, quod veram
propriam peccati rationem habet, sed istud dicit tan-
m radi, aut non imputari; anathema sit. Eandem ve-
ratem Concilium supponit circa peccati actualis remissio-
m, dum Sess. 6. Can. 30. damnateos, qui dixerint, quod
est acceptam justificationis gratiam cuilibet peccatori po-
tenti ita culpa remittatur, Et reatus aeternæ pœnæ delea-
r, ut nullus remaneat reatus pœnæ temporalis exsolvenda
in hoc saeculo, vel in futuro; quin etiam aperte asserit, ubi
1. Sess. Cap. 14. docet satisfactionem esse necessariam, non
idem pro pœnâ aeternâ; quæ vel Sacramento vel Sacra-
menti voto unâ cum culpa remittitur, sed pro pœnâ tem-
porali, quæ non tota semper dimittitur illis, qui gratis
ei, quam acceperunt, ingrati Spiritum Sanctum con-
stantur.

III. ex RATIONE. Si peccata in justificatione non
 re remitterentur, id fieret, vel quia Deus non potest,
 quia non vult destruere peccata: sed non potest dici
 ius; tum quia in hoc nulla potest excogitari implican-
 tia,

tia, cum peccatum remittere non sit facere, ut peccatum commissum non fuerit commissum, sed, ut AUG. sapius loquitur, est tollere seu destruere id, quod ex actu peccati remanet, quodcumque demum illud sit: tum quia peccatum alias foret *potentius*, quam Deus, cum illud quaecumque iustitiam hominis penitus tollat, Deus autem iustificando hominem non posset tollere penitus iniustitiam.

Neque *idum*: quia hoc est contra *veritatem Dei*, qui cum tanta exaggeratione propriam & veram remissionem toties promisit; contra ejus *miser ricordiam*, quae magna a Davide Psal. 50. laudatur, nec tanta tamen foret in hoc casu: contra *veram & copiosam redemptionem Christi*, qui non venit, ut non solum a poenis, sed maxime ab ipsa malitia & iniquitate nos liberaret: quibus accedit, quod nullo vel apparenti fundamento negari possit in Deo voluntas vere remittendi peccata; cum hæc in ejus libertate posita fuerit, & nullibi contrariam voluntatem declararit.

Conf. Ex contrario dogmate sequitur 1. Ecclesiam *sanctorum*, ad quam poenitentes perseverantes ac predestinati spectant, habere rugam & maculam, atque in coelesti Jerusalem habitare plures coinquinatos: 2. Deum non *judicaturum* homines secundum veritatem, neque secundum opera singulis retributorum mercedem: 3. Iustificatos esse *similes sepulchris dealbatis*, sed foetida cadavera complexis; atque hinc iustitiam Christianorum correspondere Phariseorum iustitiæ, quam Christus sæpe est ex-cratus.

423. *Dico II.* Iustificatio non consistit in sola peccatorum remissione, sed insuper interiorem hominis renovationem formaliter includit. Est *de fide*.

Prob. 1. ex SCRIPTURA. 1mo. Ex iis textibus, quibus iustificationi tribuitur *resurrectio, regeneratio, & vita*, quales sunt ad Rom. 4. v. 25. Ad Tit. 3. v. 5. Ad Rom. 8. v. 17. &c. 2do. Ex iis, quibus cum remissione peccati ejusmodi dona in iustificatione conferri declarantur; ut ad Rom. 6. v. 4. *Consepulti enim sumus cum illo per baptismum in mortem: ut, quomodo Christus surrexit a mortuis, ita & nos in novitate vitæ ambulemus.* Ibid. C. 8. v. 10. *Si autem Christus in vobis est, corpus quidem mortuum est propter peccatum, Spiritus vero vivit propter iusti-*

ificationem. 1. ad Cor. 6. v. 11. *Et hac quidem fu-
is; sed abluti estis, sed sanctificati estis, sed justificati
estis.* Ad Ephes. v. 23. seqq. *Deponere vos secundum pri-
mam conversationem veterem hominem, qui corrumpi-
tur secundum desideria erroris. Renovamini autem Spi-
ritu mentis vestrae, Et induite novum hominem, qui se-
cundum Deum creatus est in iustitia Et sanctitate verita-
tis.* Ibid. 5. v. 25. & seqq.

3tio. Ex iis, quibus ostendimus effectus formales
gratiae habitualis.

II. ex TRADITIONE. Imo. Ex Patribus, inter quos
R. Alex. L. 11. C. 25. in Joann. ait: *Reductio generis
humani ad Deum non aliter per Salvatorem facta est, quam
participatione Et sanctificatione Spiritus, cujus partici-
patione facti supremæ naturæ participes reddimur.* CHRYS.
om. 1. in ep. ad Ephes. 1. inquit: *Non solum liberavit
peccatis, sed etiam fecit amabiles.* AMBR. L. de iniciand.

7. *Accepisti vestimenta candida, ut sit indicium, quod
ueris involucrium peccatorum, indueris innocentiae costa-
lamina.* AUG. L. de sp. & lit. C. 6. ad verba Pauli ad
rom. 6. f. c. ait: *Nempe satis elucet, mysterio Dominicae
mortis Et resurrectionis figuratum vita nostræ veteris oc-
cium Et exortum nova, demonstratamque iniquitatis abo-
litionem renovationemque iustitiæ; & L. 1. de pecc. mer.
7. &c.*

2do. Ex CONCILIIS, inter quæ MOGUNT. alias landa-
u. C. 7. ait: *Quæ justificatio cum peccatorum remissio-
ne etiam sanctificationem Et interni hominis renovatio-
nem confert.* TARD. autem cum Sess. 6. Cap. 7. dixisset:
*hæc dispositionem justificatio ipsa consequitur, quæ non
sola peccatorum remissio, sed Et renovatio interioris
hominis &c.;* Can. 11. ita definit: *Si quis dixerit homines
iustificari vel solo imputatione iustitiæ Christi, vel sola
peccatorum remissione, exclusa gratia Et charitate. . . hæc
anathema sit.*

III. Ex RATIONE. Imo. Non ideo solum iustifi-
catur, ut gehennæ poenas evadamus; sed ut vitam bea-
tam habeamus; tum quia hoc Paulus ad Rom. 6. declarat
fine, ubi v. 22. ait: *Nunc vero liberati a peccato, servi-
tutem facti Deo, habetis fructum vestrum in sanctifi-
cationem, finem vero vitam æternam: tum quia id osten-*

dit per ordinem, quem ibid. C. 8. v. 30. manifestat: *Quis autem predestinavit, hos & vocavit: & quos vocavit, hos & justificavit: quos autem justificavit, illos & glorificavit.* Sed sola remissio peccatorum liberat a pœna, non vero tribuit gloriam, ut patet in justificatione forensi: ergo.

2do. Justificatio ex inimicis facit amicos, cives sanctorum, domesticos Dei & Filios adoptivos, hæredes regni & cohæredes Christi; sed appellationes adeo insignes non exprimunt solam peccati remissionem, ut rursus ex paritate cum foro civili constat: ergo.

Conf. Si a justificatione distinguenda esset sanctificatio, & hæc successive fieret per opera bona, quibus tandem peccatum extinguatur penitus; ergo justificatus adultus mox a justificatione accepta e vivis deoedens non haberet locum, quo secundum Protestantium principia abiret: non enim damnandus foret ad infernum; cum fidelis sit & iustus: non admittendus ad cælum; cum in eo necdum extinctum, sed etiamnum vivum esset peccatum, ac ipse etiam reipsa adhuc foret coinquinatus, cui Apoc. 21. v. 27. ingressus ad cælum est præcisus: neque relegandus ad purgatorium; cum tertium inter cælum ac infernum locum non patiantur.

424. Dico III. Ipsa justificationis gratia est aliquid homini intrinsecum & inhærens. Est *de fide*, ut constat ex verbis TRID. Sess. 6. Cap. 7. & Can. II.

Prob. I. Ex SCRIPTURA. Imo. Justificationis gratia est gratia, qua creamur in Christo, ut dicitur ad Ephes. 2. v. 10., aut sumus nova creatura, ut ad Galat. 6. v. 15. dicitur; est gratia, qua, ut ad Eph. 2. v. 5. & 6. legitur, *mortui peccatis convivificamur*; est gratia, qua, ut Christus Joann. 3. v. 5. ait, *renascimur*: sed id, quo creamur, vivificamur, resuscitamur aut renascimur, debet esse intimum ac intrinsecum: ergo.

2do. Iustum esse *formaliter* nihil aliud est, quam esse immunem a peccato & rectum seu bene dispositum & ordinatum: sed per justificationis gratiam ita immunis est homo a peccato, ut id penitus sit remissum, deletum & ablatum; & ita est rectus, ut interius sit renovatus; ergo.

3tio. Esse gratum Deo, filium Dei adoptivum, hæredem gloriæ cœlestis est effectus formalis gratiæ, non autem

tem alterius, nisi justificantis & sanctificantis; sed hæc amicitia, adoptio & ejus hæreditatis denotatur a SCRIPTURA tanquam aliquid homini intrinsecum, ut patet ex ep. ad Ephes. I. v. 5. & seqq. *Qui prædestinavit nos . . . in laudem gloriæ gratiæ suæ, in qua gratificavit nos in filio dilecto suo, in quo habemus remissionem peccatorum secundum divitias gratiæ ejus, quæ superabundavit in nobis.* Item ad Rom. 8. v. 15. *Accepistis Spiritum adoptionis filiorum, in quo clamamus: Abba, pater; & v. 23. Nos ipsi primitias Spiritus habentes intra nos gemimus, adoptionem filiorum Dei expectantes, redemptionem corporis nostri.* Denique ad Tit. 3. v. 5. & seqq.

II. EX PATRIBUS. CYR. ALEX. L. 6. de Trin. ait: *Calor Spiritus est, qui simul ut charitatem in nobis diffuderit, & ejus igne mentes nostras inflammaverit; jam sumus justitiam consecuti.* CYPR. in ep. 2. ad Donat. scribit: *In expiatum pectus ac purum desuper se lumen infundit, postquam calitus Spiritu hausto in novum me hominem natiuitas secunda reparavit.* CHRYS. hom. ad Neophyt. ait: *Etiâ infantulos baptizamus, ut non sint coinquinati peccato, ut eis addatur Sanctitas, justitia, adoptio, hæreditas, fraternitas Christi, ut ejus membra sint omnes, ut Spiritus habitatio fiant.* HIER. in Comm. Isa. C. 26. ad illa verba „*morientes non vivant*“ sic loquitur: *Qui iniquitate mortuus est atque peccatis, antequam vivificetur justitia & virtutibus per eum, qui dicit: ego sum vita, vivere non poterit.* Aug. ep. 85. ad Consent. dicit: *Quid est aliud justitia, cum in nobis est, vel qualibet virtus, quæ recte sapienterque vivitur, quam interioris hominis pulchritudo?*

III. EX RATIONE. 1mo. Per justificationis gratiam homo non tantum fit non malus, seu non peccator, sed etiam fit bonus & justus; sed homo non fit bonus & justus per extrinsecam denominationem, ut constat ex ipso communi hominum sensu: ergo justificationis gratia debet esse interna, seu hominem intrinsece afficiens.

2do. In priori capite ostensum est, hominibus justis infundi gratiam internam ac inhaerentem: sed hæc gratia includit omnia necessaria ad constituendum hominem justum; cum nihil ad constitutionem justî a quopiam requiri queat, quod non explicetur per effectus formales gratiæ

habituali ibidem assertos: ergo gratia interna & inherens est gratia constituens justum, seu forma justificans.

3^{ta}. Datur justificatio duplex: altera, quæ transit a simplici carentia, altera, quæ a privatione vel contrario transit ad justitiam; sed justificatio prior consistit in aliquo positivo intrinseco; cum hic non imputatio peccati locum non habeat: ergo & posterior; quia hæc idem dicit, quod prior, & superaddit duntaxat peccati perfectam remissionem.

Objectiones.

425. *Obje. contr. 1^m. Psal. 31. v. 1. dicitur: Beati, quorum remissa sunt iniquitates, Et quorum testa sunt peccata: ergo peccata teguntur, non vero delentur.*

R. D. Conf. Peccata teguntur ita, ut tantum lateant, quamvis reipsa adsint & maneant N. ita ut auferantur & sententur, vel ut gratiæ donis & sanctis operibus excludantur & reparentur C. verbum *tegi* secundum vim præcisæ vocis non significat quidem *deleri* & extinguí, ut omnes norant, quin id doceantur a Remissio ad id probandum versum ex Prov. 12. *Homo astutus tegit scientiam*, afferente; secundum sensum tamen *deleri* indicare in textu objecto, patet imprimis, quia hoc verbum *tegi* refertur ad Deum: Deo autem *tegi* nihil potest, nisi penitus deleatur, cum ex ep. ad Hebr. 4. v. 12. *Omnia nuda sunt Et aperta oculis ejus.*

Deinde quia in eodem textu conjunguntur *remitti iniquitates* & *tegi peccata*, quorum prius est verbum proprium & juxta textum tum hebraicum, tum græcum auferri significat, posterius autem *metaphoricum*; regula autem generalis hermeneutices vult metaphoricum esse exponendum per proprium, specialis etiam præscribit Scripturam cum proprietate interpretandam: denique quia in aliis scripturæ locis *tegi* & *deleri* conjunguntur, uti accidit in Psal. 50. v. 11. *Averte faciem tuam a peccatis meis, Et omnes iniquitates meas dele*; & 2. Esdr. 4. v. 3. *Ne operias iniquitatem eorum, Et peccatum eorum a facie tua non deleatur.*

Accedit PATRUM interpretatio; inter quos S. AUG. Enarr. in Ps. 31. imprimis negat peccatum permanere ex

eo, quod dicatur tegi: *Non sic intelligatis, quod dixit, peccata cooperta sunt, quasi ibi sint Et vivant; postea vero per similitudinem explicat ita tegi, ut deleantur: Medicus tegit, ut curet; emplastro enim tegit: quod ipsum etiam GREG. M. in Psal. 2dum poenit., & NAZIANZ. in Sac. lavacr. asserant. Reliqui per verbum tegi non minus aliquid, sed plus, quam remitti, volunt intelligi; BASIL. enim in citata Psalmi verba ait, tanta Deum uti benignitate in peccatores, ut non solum peccata remittat, sed etiam contegat. THEODORET. ibidem: Erga peccatores tali liberalitate utitur, ut non modo remittat, verum etiam obliteret, ut ne vestigia quidem horum remaneant. AMBR. in Apol. David. p. l. C. ult. ait: Remissionem meruit peccatorum, Et texit charitate. CHRYSOLOG. serm. 3. de fil. prod. &c.*

Inst. 1. Juxta scripturam impius etiam post justificationem coram Deo manet turpis & maculatus; ut patet ex Isa 64. v. 6. Facti sumus, ut immundus, omnes nos, Et quasi pannus menstruata universa justitia nostra; & ex Psal. 142. v. 2. Non intres in iudicium cum servo tuo, quia non justificabitur in conspectu tuo omnis vivens: ergo macula seu peccatum non deletur.

Re. N. A. Textus imus propheticæ agit de justitia Judæorum legali post Evangelium promulgatum, ut exposuit Hieron. in hunc locum; CYRILL. L. 5. in Isa., & fatetur Musculus Lutheranus: vel agit quidem de justitia Judæorum Isaïæ cœvorum, sed intelligi debet in sensu universali accommodo, non autem absoluto, ut ipse Calvinus in hunc locum docet; aut ideo tantum justitiæ eorum extenuatur, quod lex vetus nihil ad perfectum adduceret, & populus tum temporis suas legis justificationes innumeris peccatis adjectis corrumpere; ut S. BERN. serm. 5. de verb. Isa. innuit.

2dus vero declarat, nullum hominem purum de se omnino esse innocentem & liberum a peccato veniali, nec posse de sua justitia præsumere; ad prioris enim confirmationem pertinet illud Jobi 4. v. 17. Nunquid homo Dei comparatione justificabitur, aut factore suo purior erit vir? Ad posterioris autem AUG. expositio in hunc locum: Quantumlibet rectus mihi videar, producis tu de thesauro tuo regulam, coaptas me ad eam, Et pravus inveniar.

Ceterum veram justitiam ac innocentiam hominibus nihilominus convenire, constat ex Psal. 17. v. 21., aliisque locis innumeris.

Inst. 2. HIER. L. 3. in Jerem. proximum Psalmi verbum adducens ait, verba hæc referenda esse, non ad *comparationem Dei*, ut veteres & novi hæretici volunt, sed ad *scientiam ejus*: homo enim videt in facie, & Deus in corde, & quod vitiis atque peccatis omnis impletur humana conditio: GREG. L. 25. Mor. in fine declarat, omnia in homine esse *pura mala*: AMBR. L. 2. de Jacob justificationem explicat exemplo *Jacobi* sese vestimentis Esau ac pelle hædina occultantis: ergo Patres sentiunt etiam in justificatis manere peccata; eaque duntaxat contegi justitia Christi.

R. N. *Conf.* HIER. veterum ac novorum hæreticorum nomine indicavit *Origenistas & Pelagianos*, qui hominem propriis ex viribus docebant posse absque omni peccato vivere; unde S. Doctor in sua expositione & ad humanam conditionem gratia divina destitutam, & ad peccata venialia, quibus homo in corpore corruptibili obnoxius est, respexisse cognoscitur. GREG. se ipsum exponit, cum loquatur de operibus bonis, quorum honestatem captatio laudis & superbia corrumpit. Denique comparatio JACOBI cum homine justificato, siquidem, quod alii negant, a S. AMBR. sit instituta, nec debet necessario convenire quoad omnia, nec ad causam justitiæ formalem exponendam pertinet, sed ad *causam meritoriam*, quatenus Christi passio & merita nostris dispositionibus per gratiam applicata, aut per Sacramenta, quæ suscipimus, proposita Deum ad justitiam nobis conferendam movent.

426. *Objic. contr. 2d. & 3t.* In verbis Psalmis *Beati*, quorum remissa sunt iniquitates &c. vel continetur plena, vel dimidia definitio justificationis; si plena sit, justificatio constat sola peccatorum remissione, cum nulla fiat justitiæ infusæ mentio: si dimidia, male diceretur a Davide beatus, qui nonnisi media ex parte est justificatus.

R. 1. Quando Psalmista dicit: *Beatus vir, qui timet Dominum*; aut Christus: *Beati pauperes Spiritu, beati mites &c.* vel his verbis continetur plena, vel dimidia definitio justificationis: si plena, ergo justificatio non stat in remissione peccati: si dimidia, male dicitur beatitudo.

R.

R. 2. Potest dici, quod in his verbis continetur integra definitio justificationis, sed *implicite*, quatenus remissio peccati de facto non fit, nisi iustitia simul infundatur; id quod tum S. Paulus ostendit ad Rom. 4. v. 6. scribens: *Sicut & David dicit beatitudinem hominis, cui Deus accepto fert iustitiam sine operibus: Beati quorum remissa sunt iniquitates &c.*; tum comparatio de tenebris declarat, quæ non fugantur, nisi lumen succedat. Vel dici potest, non poni hic definitionem justificationis plenam, sed solum explicari id, quod pertinet ad justificationem, aut ad acquirendam beatitudinem, ut ex textibus pro instantia allatis liquet.

Præterea nec DAVID, nec PAULUS illum textum produncunt, ut justificationis definitionem exponant; cum uterque intendat duntaxat probare veniam peccatorum esse donum Dei, neque propriis viribus, sed gratiæ divinæ adscribendam, ut in hunc Psalmum D. AUG. commentatur.

Inst. 1. BERN. Serm. 22. in Cantica ait: *Delicta juventutis meæ & ignorantias meas ne meminervis; & iustus sum; & Serm. 23. Sufficit mihi ad omnem iustitiam solum habere propitium, cui soli peccavi; & paulo post: Non peccare Dei iustitia est, hominis iustitia indulgentia Dei: ergo iustitia in sola remissione stat.*

R. D. Conf. Ergo iustitia adæquata stat in sole peccatorum remissione N. inadæquata C. Duas in justificatione partes agnosci a S. BERN., constat ex eod. Serm. 22. in Cantica, ubi ait: *Tam validus es ad iustificandum, quam multus ad ignoscendum.* Et infra: *Tactus a peccatrice iustus iustitiam impertit, non perdit; nec sorde peccati, qua illum mundat, se inquinat; postea: Flevit amare, quatenus culpam dilueret, recuperaret iustitiam.* Similia alibi plura passim apud eundem occurrunt.

Inst. 2. S. AUG. L. 19. de Civ. C. 27. ait: *Ipsa nostra iustitia, quamvis vera sit propter veri boni finem, ad quem refertur; tanta tamen est in hac vita, ut potius peccatorum remissione constet, quam perfectione virtutum: ergo iustitia non videtur esse virtus a Deo infusa; præsertim cum sententia AUG. confirmetur ex fine redemptionis Christi; quia quod præcipue fuit intentum in generali redemptione Christi, est etiam præcipue cum proportionem intentum in justificatione impii, cui applicatur redemp-*

tio: sed Christi redemptio principaliter & juxta plures unice fuit intenta ac ordinata ad delendum peccatum: ergo,

R. N. Conf., quia *τὸ potius* non excludit perfectionem virtutum, sed ei remissionem peccati duntaxat praponit. Ratio autem hujus est partim ex eo, quod in baptismo peccata adeo *perfecte* deleantur, ut nihil omnino rationem culpæ habens remaneat; virtutes autem infusæ non sunt ita *perfectæ*, ut non quotidie magis ac magis perfici debeant: partim quia S. Doctor hic non agit de *prima justificatione*, comparando infusionem justitiæ cum remissione peccati, sed loquitur de justitiæ nostræ statu in presenti vita, quem magis remissione peccati, quam perfectione virtutis constare dicit, quia quoad *durationem* & *conservationem* raro est constans, homoque a casu sæpe resurgere debet; vel si etiam conservetur justitia, tamen pura non est, sed multis peccatis venialibus admixta, adeoque quoad puritatem ejus perfectio acquiritur potius remissione peccatorum hujusmodi, quam virtutis perfectione: atque hoc ipsum declarat ratione adjecta, qua docet justos quotidie clamare: *Dimitte nobis debita nostra*; hancque orationem justis esse necessariam.

Ad prob. Conf. R. Opera redemptionis Christi, quatenus *satisfactoria*, fuisse principaliter ordinata ad remissionem peccatorum, non item quatenus *meritoria*; quia hæc propter vitam gratiæ & gloriæ nobis obtinendam offerebantur; atque hæc responsio tenet pro sententia tum D. Thomæ, tum Suaresii de motivo incarnationis, ac præter alia fundamentum habet in verbis Pauli supra jam relatis: *Mortuus est propter delicta nostra, & resurrexit propter justificationem nostram.*

427. *Observa I.* Superest quæstio, an præter gratiam sanctificantem, quam supra distinctam a charitate docuimus, in justificatione infundantur etiam *virtutes* tum theologicæ, tum morales, seu virtutes cardinales per se infusæ? Sed de prioribus actum a nobis est alibi; de posterioribus breviter respondeo: non esse quidem *fide certum*, morales virtute in justificatione infundi; esse tamen verum, & Scripturæ, Patribus ac rationi magis consentaneum.

Ratio imi est, quia nec ante TRID. de hac infusione aliquid est definitum, ut concedunt omnes; nec etiam ab ipso TRID., cum id de illis non solum in specie nihil enun-

tia-

tiaverit, sed nec sub generali quidem appellatione virtutum. Præterea quævis Sess. 6. C. 7. fecerit mentionem *donorum* præter gratiam, & possint etiam probabili conjectura dici sub hoc vocabulo esse intellectæ, id tamen ut certum, maxime de fide, asseri nequit. Solum in Can. 3., cum nominavit *pœnitentiam cum fide, spe & charitate*; sed & ibi loquebatur de actibus, non autem habitibus; & actus pœnitentiæ non supponit semper habitum proprium, sed a charitate proficisci potest.

Ratio 2da est, tum quia testimonia quædam scripturæ in faciliiori & altiori sensu possunt intelligi de virtutibus hujusmodi infusis; qualia sunt: Sap. 7. v. 11. *Venerunt autem mihi omnia bona pariter cum illa, & innumerabilis honestas per manus illius*; Sap. 8. v. 7. *Sobrietatem enim & prudentiam docet, & justitiam & virtutem, quibus utilius nihil est in vita hominibus*; ad Colos. 1. v. 10. & 11. *In omni opere bono fructificantes & crescentes in scientia Dei, in omni virtute confortati secundum potentiam claritatis ejus*: tum quia Aug. in enarr. Ps. 83. ad illa verba: *ibunt de virtute in virtutem*, enumeratis quatuor virtutibus cardinalibus inquit: *Istæ virtutes nunc in convalle plorationis per gratiam Dei donantur nobis*. GREG. autem hom. 5. in Ezech. & AMBR. L. 6. Hexam. C. 7. hæc virtutes morales tribuunt Spiritui Sancto: tum quia virtutes hujusmodi sunt possibiles in ordine gratiæ, ut aliunde probatur: ergo infunduntur cum gratia; partim quia hoc postulat perfectio gratiæ & justitiæ supernaturalis, partim quia id exigit necessitas eliciendi actus his virtutibus respondentes.

ARTICULUS III.

Quenam proprietates conveniant Justificationi?

428. *Nota.* Ex palmari illo de justitia Christi per fidem apprehensa, qua iusti efficiamur & Deo accepti, deducunt imo *Lutherus* ejusque præter Kemnitium, Bucerum & alios quosdam plerique sectatores justitiam, utpote ipsam & eandem Christi, in omnibus iustis esse æqualem, nec unum altero esse justiorem: *2do*, *Calvinus* cum suis colligit, esse immobilem & inamissibilem, adeo, ut semel iustificati, quantumvis gravissima scelera

pa-

patrent, nunquam tamen excidant a gratis, & Spiritum Sanctum amittant, ut cum suo Magistro docet Theodor. Beza, & definit syn. Dordrechtana contra Arminianos; vel ita, ut, licet iusti ob peccatum subinde commissum excidant a gratis, non tamen remaneant in reatu mortis æternæ, sed per pœnitentiam redeant ad sanctitatem. 3tio, Uterque demum concludit, posse ac debere omnes fide divina certo credere, se esse iustos, adeo, ut si id non credant, jam iusti non sint, cum per solam fidem iustificentur.

429. *Dico I.* Iustitia tum in diversis hominibus iustis defacto est inæqualis, tum in uno eodemque homine potest crescere & fieri inæqualis. Utraque est *de fide*; ex TRIN. Sess. 6. Cap. 7., & C. 10. can. 24. 32.

Prob. im. p. I. AUTHORITY. Imo. Quia unus altero est maior & sanctior. Matth. II. v. II. *Non surrexit inter natos mulierum maior Joanne Baptista; qui autem minor est in regno cœlorum; maior est illo; & ex epist. 57. AUG. Unde in omnibus sanctis alii alii sanctiores, nisi abundantius habentes habitatorem Deum?* 2do. Quia datur gratia secundum mensuram tum providentiæ & voluntatis Dei, tum dispositionis & capacitatis nostræ; ep. ad Ephes. 4. v. 7. *Unicuique autem nostrum data est gratia secundum mensuram donationis Christi; propter quod dicit: Ascendens in altum captivam duxit captivitatem, dedit dona hominibus; & ex AUG. tum in ep. cit. Qui ubique est; non in omnibus habitat; Et in quibus habitat, non aqualiter habitat; tum in ep. 29. Induti sunt sancti iustitia, alius magis, alius minus.* 3tio. Quia in N. T. major gratia & spiritus abundantia communicatur Ecclesiæ, quam antea daretur hominibus, ut ex differentia inter veterem & novam legem constat.

II. RATIONE. Quia supposita gratiæ habitualis inæqualitatis & augmenti intensivi possibilitate, quam a posteriori & ex effectu in sequente parte secundum fidei principia probamus, ratio, cur uni major iustitia tribuatur, quam alteri, reddi potest vel ex *voluntate Dei* ad ostensionem gratiæ suæ ita decernentis; vel ex *causa* gratiam uberiorem applicante, qualis est sacramentum; vel ex *dispositione* supernaturali maiore vel minore, quæ variat in hominibus ad iustificationem se parantibus.

Prob.

Prob. 2d. p. I. AUTHORITY. Imo. Quia Scriptura iustitiam per augmentum describit, Prov. 4. v. 18. Iustorum semita, quasi lux splendens, procedit & crescit usque ad perfectum diem; & Psal. 83. v. 7. & 8. Ascensiones in corde suo disposuit in valle lachrymarum in loco, quem posuit: etenim benedictionem dabit legislator, ibunt de virtute in virtutem; in quem locum Ss. PP. commentantes statuunt virtutem, merita & gratiam in iustis frequententer augeri.

2do. Quia eadem adhortatur ad iustitiæ augmentum, Eccli. 18. v. 22. Ne verearis usque ad mortem justificari; ad Coloss. 1. v. 9. & seqq. Non cessamus pro vobis orantes & postulantes, ut ambuletis digne Deo per omnia placentes, in omni opere bono fructificantes & crescentes in scientia Dei, in omni virtute confortati &c.; Apoc. 22. v. 11. Qui iustus est, justificetur adhuc; & sanctus sanctificetur adhuc; Unde Ecclesia Dom. 13. post Pentecost. sic orat: Omnipotens sempiterne Deus, da nobis fidei, spei, charitatis augmentum; & in Trid. sess. 6. cap. 10. declarat, hac oratione iustitiæ incrementum peti.

3tio. Quia similiter docet dari charitatis vel iustitiæ fructuum augmentum, aut ad id adhortatur; ut patet ex 2. ad Cor. 9. v. 10. Multiplicabit semen vestrum, & auget incrementa frugum iustitiæ vestræ; ad Philipp. 1. v. 9. Hoc oro, ut charitas vestra magis ac magis abundet in scientia & omni sensu; & ad Ephes. 4. v. 15. Veritatem facientes in charitate crescimus in illo per omnia, qui est caput Christus. PAULUM imitatur AUG. L. 21. de Civ. C. 15. scribens: Hic pignore accepto illum, cujus est hoc pignus, suo tempore consequemur: nunc autem ambulemus in spe, & proficientes de die in diem spiritu facta carnis mortificemus; dum autem iam iustificati proficimus, ut idem serm. 16. de verb. Apost. ait, ipsa iustitia in nobis crescit: charitas autem vel eadem, vel inseparabiliter conjuncta est cum iustitia ex supra dictis.

II. RATIONE. Quia in pluribus reperiuntur vel actus essentialiter & objective perfectiores, vel actus ferventiores & cum majore affectu ad meritum virtutis, præsertim ad placendum Deo elicti, vel frequentiores quoad numerum, aut universales quoad plura virtutum motiva, vel susceptiones sacramentorum perfectiores, ferventiores
aut

aut frequentiores: ergo cum actus virtutum sint *dispositivæ* ad justitiæ initium, sequitur eosdem a justificationis elictos multo magis esse dispositiones ad illius incrementum, vel potius, ut Trid. loquitur, *justitiæ augendæ causas*.

430. Dico II. Vere justificatus potest justitiâ peccando amittere etiam in perpetuum, & ita, ut nunquam illa reparetur. Est de fide, & constat ex Trid. sess. 6. C. 12. item Can. 23. & 27.

Prob. Im. p. I. AUTORITATE. Scriptura sacra Imo docet justos posse amittere gratiam; in V. T. Ezech. 18. v. 24. dicitur: *Si averterit se justus a justitia sua & fecerit iniquitatem, nunquid vivet? omnes justitiæ ejus, quas fecerat, non recordabuntur: in pravaricatione, qua pravaricatus est, & in peccato suo, quod peccavit, in ipsis morietur.* Item C. 33. v. 12. In N. T. PAULUS ad Rom. 11. v. 20. ait: *Tu autem fide stas: noli altum sapere, sed time; & v. 22. Vide ergo in te bonitatem Dei, si permanseris in bonitate; alioquin & tu excideris.* Joannes vero ep. 2. v. 8. *Videte vosmetipsos, ne perdatis, quæ operati estis; sed ut mercedem plenam accipiatis.*

2do. Ostendit justos defacto amisisse gratiam; nam, ut omittamus exempla singulorum, *Adami* scilicet, *Davidis* ac *Petri*, de quibus alibi dictum, Paulus id testatur de quibusdam, dum 1. ad Tim. 1. v. 5 ait: *Finis præcepti est charitas de corde puro & conscientia bona & fide non ficta, a quibus quidam aberrantes conversi sunt in vaniloquium; & v. 10. Habens fidem & bonam conscientiam, quam quidam repellentes circa fidem naufragaverunt.* De pluribus determinate asserit ad Galat. 1. v. 6. C. 3. v. 5. &c. Denum de pluribus universim enuntiat ad Hebr. 6. v. 4. & seqq.

Similiter Patres idem asserunt imo *expressis verbis*. 2do. *Æquivalenter*, dum justis timorem, ne cadant & gratiam perdant, consulunt; perseverantiam incertam & speciale ad illam auxilium requisitum dicunt; poenitentiam etiam justis post lapsum necessariam, sæpiusque iterandam denuntiant; ex quibus evidenter sequitur, justitiâ sepius emitti posse.

II. RATIONE. Quia hæc veritas ex principiis fidei alibi stabilitis desumitur; inter quæ unum est, justum obligari

gari præceptis naturalibus divinis & humanis; 2dum transgressionem præcepti in materia gravi esse peccatum mortale; 3tium, peccatum mortale non posse simul esse cum charitate; 4tum, gratiam habitualement non determinare aut necessitare voluntatem, ut liquet ex paritate de gratia actuali, & per se evidens est in aliis habitibus.

Prob. 2. p. I. AUTORITATE. Scriptura rursus imo docet, justos posse fieri reprobos; & quidem in V. T. Ps. 2. v. 11. & 12. *Servite Domino in timore, & exuit te ei cum tremore; apprehendite disciplinam, ne quando irascatur Dominus, & pereatis de via justa.* Ezech. 33. in v. 13. s. c. additur: *In iniquitate sua, quam operatus est, in ipsa morietur.* In N. T. autem 1. ad Cor. 9. v. 27. *Castigo corpus meum, & in servitutem redigo: ne forte, cum aliis predicaverim, ipse reprobus efficiar;* Apoc. 3. v. 11. *Tene, quod habes, ut nemo accipiat coronam tuam.* 2do ostendit justos defacto fuisse reprobos, ut patet in angelorum lapsu & Judæ inferitu, quos præter Cainum, Saulem & Salomonem, de quibus nonnulli disputant, Hieron. L. 2. contr. Jovinian. producit.

His adjungi possunt tum *Judæi*, tum *Christiani*, quorum illos post circumcisionem, istos post baptismum & sic gratiam justificationis acceptam non paucos æternum damnatos esse, etiam ex *sacris litteris* abunde declaratur. In idipsum consentiunt Ss. PP.

II. RATIONE. Homo semel justificatus potest peccare & amittere justitiam; sed is potest non recuperare justitiam; quia recuperatio justitiæ nec certo & absolute est omnibus promissa, nec omnibus secundum legem ordinariam datur: ergo justificatus potest sic amittere justitiam, ut eam recuperet nunquam. *Conf.* Si semel justificatus non posset amittere justitiam in perpetuum, ergo quilibet justus actu perseveraret, *perseverantia* vero non foret donum speciale, nec justus teneretur ad illam assiduis precibus petendam, nec esset causa, cur salutem cum timore & tremore operaretur & revereretur omnipotentem, qui potest corpus & animam perdere in gehennam: sed hæc sequela repugnant experientiæ, Patribus & Scripturæ: ergo.

431. *Dico III.* Nemo, seclusa speciali revelatione, debet aut potest habere certitudinem fidei de propria
justi-

justitie. Est *de fide*, & constat ex TRID. sess. 6. tum Cap. 9. tum Can. 13. & 14.

Prob. Im. p. I. AUTORITATE. Imo. Scriptura ait, Eccl. 9. v. 1. *Sunt iusti atque sapientes, & opera eorum in manu Dei: & tamen nescit homo, utrum odio vel amore dignus sit; sed omnia in futurum servantur incerta*; Prov. 20. v. 9. *Quis potest dicere, mundum est cor meum, purus sum a peccato*; Eccli. 5. v. 5. *De propitiato peccato noli esse sine metu, neque adjicias peccatum super peccatum.*

2do. Viri sanctissimi idem testantur in scriptura. JOB. 9. v. 20. *Si iustificare me voluero, os meum condemnabit me: si innocentem ostendero, pravam me comprobabit: etiamsi simplex fuero, hoc ipsum ignorabit anima mea.* Item licet DAVID Psal. 25. v. 11. canat: *In innocentia mea ingressus sum*; tamen Pl. 18. v. 13. querit: *Delicta quis intelligit?* & tum precatur: *Ab oculis meis munda me, & ab alienis parce servo tuo.* Demum PAULUS I. ad Cor. 4. v. 4. & seq. ait: *Nihil mihi conscius sum; sed non in hoc iustificatus sum: qui autem iudicat me, Dominus est. Itaque nolite ante tempus iudicare, quoadusque veniat Dominus &c.*

3tio. Principia alia in scripturis pervulgata eandem veritatem inferunt; cujusmodi sunt, justificationem dependere a *certis conditionibus* ex parte nostra, de quarum maxime supernaturalitate certi esse non possumus; hominum actiones aut vitam non æstimandam iudicio humano, sed divino; timorem ac sollicitudinem in universo salutis negotio esse salutarem &c.

4to. Interpretatio PATRUM in textus supra laudatos, & alias etiam declarata sententia cum nostro asserto congruit, ut videre licet l. c. C. 7. apud Bellarmin.

II. RATIONE. Non potest quid fide divina credi, nisi quod vel immediate continetur in verbo Dei, vel inde per evidentem consequentiam deducitur; quia *fides divina* niti debet autoritate loquentis Dei: sed in primis non continetur immediate in verbo Dei, hunc vel illum determinatum hominem esse iustificatum; cum promissiones scripturæ sint *universales*, & præterea conditiones aliquas exigant, ut singulis applicentur: deinde nemo per eviden-

tem

tē consequentiam ex verbo Dei deducere potest se esse justificatum.

Nam nisi adsit *specialis revelatio*, homini impossibile est per se cognoscere supernaturalitatem conversionis necessario requisitam; nec conversionis veritas evidenter cognoscitur ab homine; partim quia, ut Jerem. 17. v. 9. ait, *præcavum est cor omnium & inscrutabile: quis cognoscet illud?* partim quia plures etiam circa animi sui sentum falluntur, ut patuit in S. PETRO, dum se paratum diceret in carcerem & mortem ire, & in S. PAULO, qui spirans ininarum in Christianos putabat se charitate Dei flagrare: tum quia & ipsa signa veræ conversionis & gratiæ jam obtentæ possunt esse fallaciæ; qualia sunt fides, quæ montes transfert, facultatum in pauperes distributio, traditio corporis sui, ut ardeat; ut ex I. ad Cor. 13. manifestum est. Ergo.

Prob. 2d. p. Tum ex intolerabili *absurdo*, quod inde sequeretur, nempe omni & quocumque peccato mortali veram fidem excuti, eoquod fides justificans amittatur; adeoque omnem peccatorem simul esse hæreticum, & cum hæreticus extra Ecclesiam sit, etiam non pertinere ad veram Christi Ecclesiam, qui *Donatistarum* error erat: tum ex inutilitate vel potius gravissima *noxa*; quandoquidem hæc certitudo foret radix superbiæ, causa torporis & occasio licentiæ: tum ex repugnante *experientia*, quia Hæreticorum plures & diversæ sectæ hanc fidei certitudinem conantur sibi tribuere; quorum tamen aliquos falli necesse est, imo omnes errare secundum principia fidei hætenus exposita omnino sequitur.

Objectiones.

432. *Objic. contr. 2d.* SCRIPTURA negat justificationem posse peccare, ut patet ex Cant. 8. v. 7. *Agne multa non potuerunt extinguere charitatem.* Et I. Joann. 3. v. 9. *Omnis, qui natus est ex Deo, peccatum non facit: quoniam semen ipsius in eo manet, & peccare non potest.*

R. quoad 1m. N. Aff. Textus istius juxta GRÆG. in hunc locum, & AMBR. L. de Jacob G. 7. commendat efficaciam amoris & charitatis, si ea homo, uti velit, contra tentationes & maxime tribulationes; non vero dicit hominem cogi semper, & infallibiliter adque ad utendum cha-

ritate, ne ab illis vincatur. 2^{das} juxta alibi jam dicta ex HIER. L. 2. contr. Jovin. intelligendus est in sensu composito, quatenus, quamdiu homo manet in Deo, gratia & charitate, nec peccet, neque peccare possit; quia secundum legem salutem ordinariam gratia & peccatum simul stare nequeant.

Inst. 1. Negat peccatorem antes fuisse justificatum, Psal. 118. v. 3. *Non enim, qui operantur iniquitatem, in viis ejus ambulaverunt, & 1. Joann. 2. v. 19. Ex nobis prodierunt, sed non erant ex nobis.*

R. N. Ass. Ad textum 1^{um} eadem est responsio, quæ modo est data; tum quia præteritum ponitur hic pro præsentī, uti in Psal. 1. v. 4. similis usurpatio habetur: tum quia S. AUG. serm. 2. in eundem Ps. 118. hac interpretatione utitur scribens: *Si ambulant, non operantur iniquitatem; si non operantur iniquitatem; non habent iniquitatem, quia peccatum iniquitas est.* Eadem expositio valet pro simili objectione ex 1. Joann. 3. v. 6. *Omnis, qui peccat, non vidit eum, nec cognovit eum; de quo AUG. L. de perf. just. C. 18. inquit: Intelligendum arbitror, quia renovatio perficienda videt & cognoscit, infirmitas vero absumenda non videt, neque cognoscit eum &c.*

Ad text. 2^{dum} solutionem præstat Aug. L. de don. persever. C. 18. *Quid est, quæso non erant ex nobis? Nonne vocati fuerunt, ex impiis justificati, & per lavacrum regenerationis renovati? sed si hoc audiret ille, qui sciebat procul dubio, quod dicebat, respondere posset & dicere: vera sunt hæc, secundum hæc omnia ex nobis erant; veruntamen secundum aliam discretionem non erant ex nobis; nempe secundum prædestinationem ad gloriam.*

Inst. 2. Negat justitiam unquam amitti, ut liquet ex Jerem. 32. v. 40. de gratia N. T. sic loquentis: *Timorem meum dabo in corde eorum, ut non recedant a me; & ex 1. ad Cor. 13. v. 8. Caritas nunquam excidit. Ergo.*

R. N. Ass. Textus prior accipiendus est juxta S. AUG. L. 4. contr. duas epist. Pelag. C. 14. de gratia actuali efficaci & dono perseverantiæ, quod justificatis omnibus non datur; non vero de gratia habituali justis omnibus communi. Posterior si cum S. CHRYS. hom. 13. in prim. ad Cor. accipietur pro amore Dei erga justos, inde non sequitur

tur hos peccare non posse, sed duntaxat gratiæ auxilio nunquam destitui; si vero cum S. AUG. L. I. de mor. Eccles. C. II., & alibi de charitate PAULI; poterat id loqui de se ipso ex speciali revelatione; si demum secundum textum & litteram intelligatur de habitu amoris iustis infuso, dicitur charitas non excidere, non quia peccando amitti nequeat, sed quia usque ad mortem retenta non evacuatur quoad suam substantiam, sed in statu gloriæ perficitur, atque secundum hoc a fide, spe & similibus donis differt.

Inst. 3. Similia statuunt Patres. Nam 1mo AUG. Tr. 8. in Joann. ait: Radicata est charitas: securus esto, nihil mali procedere potest; & Greg. L. 10. Mor. C. 22. Virtuti mortis dilectio comparatur; quia mentem, quam semel ceperit, a delectatione mundi prorsus occidit. 2do AUG. juxta Gratian. dist. 2. de Poen. C. 1., inquit: Charitas, qua deseri potest, nunquam vera fuit; & Ambr. in 2. ad Cor. 6. scribit: Simulata charitas est in his, qui in necessitate deserunt fratres; & Prosp. L. 3. de vit. contempl. C. 15. Si veram Charitatem habemus de corde puro, conscientia bona & fide non ficta, facile peccato resistimus: Ergo.

B. Quoad 1mum, ex illis testimoniis nihil evincit nisi efficaciam charitatis, siquidem ea non sit otiosa, sed operatrix; & hoc quidem ostendere GREG. l. c. intendit, ideoque mox subjicit: Et tanto valentius mentem in auctoritatem erigit, quanto & insensibilem contra terrores reddit: AUG. vero aliud institutum habet, tractatque de rectitudine operum exteriorum, quæ a charitate procedunt, & sic loquitur: Redi ad conscientiam tuam, ipsam interroga: noli attendere, quod floret foris, sed qua radix est interna. Radicata est cupiditas; species esse potest bonorum factorum, vere opera bona esse non possunt: radicata est charitas: securus esto; nihil mali procedere potest.

Quoad 2dum B. Priorem textum male citari a Gratiano ex ep. ad Julianum, quam invenire hactenus non licuit; extare tamen in L. de salutar. docum. C. 7., sed qui liber S. Doctori duntaxat est suppositus: præterea vero nihil probare, quia Charitas licet ex se & vi sui motivi, dum vera est, exigit manere & non desinere, tamen ex mutabilitate subjecti deseri potest. Atque hoc sensu exponitur illud Hieronymi ep. 41. ad Rustic., ubi ait: Amicitia,

tia, quæ desinere potest, nunquam vera fuit; nempe si fundatur in rebus, quæ desinere possunt, puta in divitiis, favore humano & reliquis motivis terrenis.

Eodem modo accipienda sunt verba AMBR., qui illis hæc subjicit: *Hæc vera charitas est, si sua utilitate contempta ejus curam agat, quem diligere se proficitur.* PROSPERI sententia declarat, quid charitas operans præstet & in sensu composito, de quo vid. responsionem ad Argumentum.

Inst. 4. Gratia ex natura sua est perpetua & incorruptibilis; tum quia est spiritualis & altioris ordinis: tum quia est aliquo modo perfectior, quam lumen gloriæ & visio beatifica de se incorruptibilia: ergo semel infusa amplius desinere nequit, & hinc neque amitti: cum ob similem rationem anima, quantumvis ob peccatum deiciatur, tamen non desinat.

Re. D. A. Gratia in statu patriæ est perpetua & incorruptibilis C. in statu viæ subd. est ex natura sua incorruptibilis, quatenus in se non habet principium corruptionis, vel etiam non habet sibi physice contrarium oppositum T. quatenus exigit semper existere & permanere in suo subiecto, & sic ratione subiecti nequeat dici corruptibilis N. Ad prob. 1m. Re. perpetuitatem substantiæ spirituali asseri, non item accidenti. Ad 2dam discrimen est, quia lumen gloriæ & beatifica visio constituunt hominem in statu patriæ perpetuo, adeoque necessitatem afferunt conaturalis perpetuitatis; quod non convenit gratiæ habituali ad statum viæ pertinenti.

Inst. 5. Semel justificatus per baptismum aut alia ratione non potest damnari: ergo licet aliquando gratiam amittat, tamen illa nequit perpetuo carere. Prob. Ant. Ex Marc. 16. v. 16. Qui crediderit & baptizatus fuerit, salvus erit; Joann. 4. v. 13. & seq. Qui biberit ex aqua, quam ego dabo ei, non sitiet in æternum; sed aqua fiet in eo fons aquæ salientis in vitam æternam; Ad Rom. 8. v. 30. Quos justificavit, illos & glorificavit: ergo.

Re. N. A., de quo TAID. sess. 7. can. 6. sic enun- tiat: Si quis dixerit, baptizatum non posse gratiam amittere, anathema sit. Ad hujus prob. N. Cons. Nam prioris textus promissio continet tacitam conditionem, si homo justificatus præstando reliqua & observando mandata Deum
non

on deseruerit, ideoque Christus hæc promittens apud Iatth. C. 28. v. 20. præmiserat: *Docentes eos servare omnia, quaecunque mandavi vobis.* Textus alter, nisi cum Ug. Tr. 15. in Joann. referatur ad beatitudinem, similiter exponendus est *conditionate*, nimirum si fons aquæ & vitam æternam salientis non deseratur; quod tamen non raro fieri declaravit Dominus per Jeremiam C. 17. v. 3. *Dereliquerunt venam aquarum viventium Dominum.* Postremus denique non agit de iustis quibuscunque, sed *prædestinatis*, ut patet integro textu sæpius jam recitato; e quibus certum est, gratiam in perpetuum non amitti, vin tamen inde sequatur idem dicendum esse de reliquis omnibus, ob manifestum discrimen.

Inst. 6. Iustus per gratiam & merita consequitur jus ad gloriam: ergo, cum ex ep. ad Hebr. 6. v. 10. *Deus non est injustus, ut obliviscatur operis nostri;* in perpetuum non frustrabitur gloria, tanquam objecto hujus juris.

R. D. A. Consequitur jus absolutum, vel ad gloriam jam statim, & sine alterius conditiones impletionis consequendam N. jus conditionatum vel ad gloriam, non tamen sine impleta conditione consequendam C. Universalis conditio ad obtinendam gloriam sive ut *hereditatem*, sive ut *coronam*, requisita declaratur a Christo Iatth. 10. v. 22. *Qui perseveraverit usque ad finem, salvus erit.*

Præterea totum illud jus fundatur in gratia, & gloria non est promissa nisi *iustis & Dei filiis*, hujus gloriæ apacibus: qui ergo a se ipso gratiam sponte abjicit, & excommunicationem, nec recuperat per poenitentiam; nec caret gloria, nec illius negationem Deo, sed sibi imputare debet; cum Deus ex justitia non teneatur incapacem gloriæ & juris sui dissipatorem remunerare, aut ad agendam poenitentiam cogere. Si tamen homo gratiam conservet, ut eam poenitendo recuperet, ad Dei justitiam pertinet, ut illud homini conservare aut reddere, & tandem gloriam tribuere; præter quod aliud nihil in textu APOSTOLI ad Hebr. asseritur.

Inst. 7. Nec *prædestinatus* perpetuo potest carere gratia, ut per se patet: nec *reprobis*; quia hic nunquam esse est iustus, adeoque nec justitiam amittere potest: cum, sicut prædestinatus est iustus, sic & reprobos est injustus, quod eadem debeat esse contrariorum ratio.

R. 1. N. 1m. p. A; quia licet *prædestinatus* reipsa gratiam non sit perpetuo amissurus, antecederet tamen potest illam in perpetuum amittere, quia libere eandem retinet, & libertatem humanam nec præscientia Dei, nec prædestinatio subvertit. R. 2. N. 2d. p. A. ejusque prob. Inverte pro nobis: *Prædestinatus* toto vitæ suæ tempore non debet esse justus, ut patet in S. PAULO prædestinato, & antecederet tamen ex propria & repetita confessione gravi peccatore: ergo nec reprobis semper debet esse injustus.

Utriusque ratio est; tum quia justitia non constituitur per prædestinationem, nec injustitia per reprobationem, sed utraque hanc & illam antecedit: tum quia, ut homo sit prædestinatus vel reprobis, satis est, quod ille in gratia, hic in peccato moriturus præsciatur, licet priori tempore aliquandiu injustus fuerit aut justus.

433. *Objic. contr. 3t.* SCRIPTURA S. docet nos habere certam cognitionem fidei de nostra justificatione; nam Joann. 14. v. 17. de Spiritu sancto dicit: *Vos cognoscetis eum, quia apud vos manebit, Et in vobis erit;* & v. 20. *In illo die cognoscetis, quia ego sum in Patre meo, Et vos in me, Et ego in vobis.* Ad Rom. 5. v. 1. *Justificati ergo ex fide pacem habeamus ad Deum;* & C. 8. v. 16. *Ipse Spiritus testimonium reddit spiritui nostro, quod sumus filii Dei.* 1. Joann. 4. v. 11. *In hoc cognoscimus, quoniam in eo manemus, Et ipse in nobis: quoniam de spiritu suo dedit nobis;* & C. 5. v. 19. *Scimus, quoniam ex Deo sumus, Et mundus totus in maligno positus est.*

R. quoad 1m. N. Aff. Textum 1mum explico sub distinctione: Cognoscetis Spiritum sanctum esse & existere, ejusque divinitatem, ut CYRILL. AUG. & alii PATRES communius exponunt C. Spiritum sanctum esse in vobis per gratiam *subd.* in vobis, per hoc intelligendo communitatem & Ecclesiam C. intelligendo singulas aut determinatas personas, & quidem non conjecturaliter tantum, sed certitudine fidei cognoscetis N.

Eodem modo explicatur textus 2dus, nisi enim quis intelligere velit cum quibusdam de adventu Spiritus Sancti supra Apostolos in *die Pentecostus*; sed tunc admittendum erit, Apostolos de sui sanctificatione habuisse specialem revelationem.

3^{tius} textus plane non est ad rem; tum quia contineat duntaxat admonitionem ad conservationem gratiæ, non vero affirmationem: tum quia non de gratiæ notitiâ, de ipsâ solum gratiâ loquitur.

De 4^{to} alibi diximus, ibidem asserti quidem testimonium Spiritus sancti quoad se, non autem quoad nos & nostram cognitionem; aut siquidem etiam posterius detur, ne cognitionem tantum esse *conjecturalem & conditionatam*, non autem absolutam & fidei perfectione consummatam, quod confirmatur; tum quia ad litteram sermo non est de testimonio per revelationem & locutionem, sed per operationem & inspirationem ad orandum: tum quia hæc testificatio non est spiritus inhabitantis, sed moventis, unde juxta S. AUG. serm. 126. de verb. Apost. pertinet etiam peccatores, qui sunt filii Dei potentia, quatenus qui edunt, acceperunt potestatem filii Dei fieri.

Quod verba Joannis in textu 5^{to} & 6^{to} attinet, tum integris Capitibus, tum ex posteriore testimonio liquet, referenda esse non ad singulas personas, sed ad communitatem & Ecclesiam Christi, cujus unius privilegium est se infallibilem & sanctam, atque hinc spiritum sanctum habere dirigentem ac inhabitantem. Si quis tamen ea ad singulos referenda putet, non aliam inde cognitionem, quam *conjecturalem & scientiam* in vulgi sensu demonstrabit.

Inst. 1. Eadem docet, quod possimus certo cognoscere, dispositiones ad justificationem requisitas penes nos esse; quia Luc. 17. v. 10. dicitur: *Cum feceritis omnia, quæ præcepta sunt vobis; dicite: servi inutiles sumus, quod debuimus facere, fecimus.* Et 1. ad Cor. 15. v. 28. *probet autem seipsum homo, Et sic de pane illo edat.* Ergo.

R. N. Ass. Neque textus allati probant certitudinem fidei, sed *conjecturalem* duntaxat cognitionem, aut eam, quæ subjacet falso, quamvis a culpa excusare queat: ut nimirum quis existimare possit omnia præcepta a se servata, neque ipsum probet, sufficit *bona fides*, quin sic remorsus conscientiæ de negligentia aliqua in servandis præceptis cuique probatione habeatur.

Inst. 2. Sancti PATRES, præterquam quod loquantur vel de certitudine status veræ religionis, vel fidei, vel de certitudine spei, vel de certitudine fidei circa

Re. I. N. Im. p. A.
 gratiam non sit perpetuo
 potest illam in perpetuum
 retinet, & libertatem hanc
 prædestinatio subvertit.
 Inverte pro nobis: Præ
 non debet esse justus, ut
 antecedenter tamen ex
 vi peccatore: ergo nec

Utriusque ratio est
 tur per prædestinationem
 nem, sed utraque hanc &
 mo sit prædestinatus ve
 gratia, hic in peccato
 tempore aliquamdiu in

433. *Objic. co*
 bere certam cognitionem
 Joann. 14. v. 17. de
 eum, quia apud v
 In illo die cognoscet
 in me, Et ego in
 go ex fide pacem h
 Spiritus testimon
 filii Dei. I. Jo
 niam in eo man
 tu suo dedit nob
 sumus, Et mun

Re. quod
 distinctione:
 re, et tunc d
 co

Gratia enim docet equidem credendum, quod a Christi-
 anis donari, & per Christum reipsa donentur:
 ergo magis universale, nec de propria alicujus par-
 te enunciatum fuit; quia de hac postmodum
 De gratia, quomodo signis & conjecturis agnoscatur.

Sunt ergo 3. Dantur ratiocinia, quorum *propositio* est
 revelata, *assumptio* est physice vel moraliter
 conclusio est legitima, infertque hominem de-
 esse esse justificatum: ergo. *Prob. Ant.* Ejusmo-
 di: *Quidum*: Qui sacramentum baptismatis rite suscipit,
 sed potest quis esse physice vel moraliter cer-
 e parte ipsius materie & forme, quam ex parte
 & sui tanquam subjecti, baptismum a se esse rite
 ergo. *2dum*: Qui longo tempore non peccat
 est in gratia Dei: sed potest quis certo expeti-
 quisse, se non peccasse mortaliter: ergo.

Quoniam N. A. ad prob. In utroque ratiocinio negatur
 de 1^a quidem constat ex dictis in postrema
 affirmatione: de 2^a docent exempla Jobi, Davidis &
 ibidem relata.

C A P U T III.

De Merito.

Meriti nomen affectionem quandam actibus humanis,
 vel alterius creature rationalis operibus propriam
 significat, cui merces vel retributio correspondet; quæ
 dem retributio tam in partem malam & pro supplicio,
 am in bonam partem & pro præmio accipi potest; usu
 nen a Theologis jam diu receptum est, ut *meritum* sim-
 pliciter dictum in bonam partem & pro merito præmii su-
 tur; acceptum autem in malam partem vocetur *demeri-*
 , vel meritum cum addito, malum, aut supplicii. Sit
 meritum *generatim* sumptum describi potest opus
 um præmio, dignitas præmii, vel valor operis, pro-
 quem debetur boni cujusdam retributio.

Dividit *universum* solet ratione præmiatoris in meri-
 apud hominem, & in meritum apud Deum; ratione
 mii in meritum naturale, & insupernaturale vel theolo-
 um; hoc vero ulterius distinguitur in meritum *de con-*

veritates catholicas in genere, aut particularem illam, quod vere poenitentibus detur gratia, vel de certitudine qualicunque & minus stricta, ut videre est apud *Bellarm.* L. 3. de Justif. C. 11.; etiam asserunt haberi posse certitudinem fidei de propria sanctitate & iustitia.

Nam *CYRILL.* L. 10. in Joann. Cap. 3. de specialibus Dei amicis inquit: *Qui vero omni virtute mentem suam purgando apti jam ad majora facti sunt, spiritus illuminatione percepta oculis animi habitantem in se Deum videbunt;* & *CYPR.* de carn. Dom. de anima rite communicante ait: *Se sanctam & sanctitatem agnoscens, fletibus se abluit & lachrymis se baptizat.* *AUG.* serm. 28. de verb. Apost. dicit: *Non est arrogantia, sed fides, predicare, quod accepisti;* & ibid. serm. 6. prope finem: *Ecce adjuvante ipsius misericordia spiritum Christi habemus, ex ipsa delectatione iustitiæ integra fide catholica spiritum Dei in nobis esse cognoscimus.* *BERN.* serm. 1. de annunt. ait: *Si credis peccata tua non posse deleri, nisi ab eo, cui soli peccasti, & in quem peccatum non cadit, bene facis: sed adde, ut credas, quia per ipsum tibi peccata donantur: ergo.*

Be. N. Aff. & prob. *CYRILLUS* vel intelligendus est de cognitione Spiritus sancti per effectus, ex quibus quis conjicit inhabitationem ejusdem: vel de dono sapientiæ iustis omnibus non communi, minore tamen, quam sit fidei certitudo: vel de evidentia in ratione credibilis, non autem ipsius veritatis cognitæ: in nullo autem sensu nobis est contrarius.

CYPRIANUS vel loquitur de efficacia Sacramenti ex parte sui, ut præcedentia insinuant; vel, si loquitur de efficacia in sanctificatione in nobis recepta, agnitionem experimentalem & ex effectibus conjectatam tantum insinuat.

AUG. loco priore fidem commemorat, non qua certus quis est de dono accepto, sed qua Deum autorem fateatur doni, quod vel credit, vel opinatur, vel scit sibi datum: in posteriore loco vel agit de fine generali, qua Spiritum sanctum in Christianis universim esse credimus, vel si de fide particulari loquitur, eam pro conjectura usurpat, quæ in delectatione iustitiæ, h. e. internis Spiritus sancti effectibus fundatur.

Ber-

BERNARDUS docet equidem credendum, quod a Christo peccata possint donari, & per Christum reipsa donentur: sed hoc est dogma universale, nec de propria alicujus particularis iustitia enunciatum fuit; quia de hac postmodum abjungitur, quomodo signis & conjecturis agnoscatur.

Inst. 3. Dantur ratiocinia, quorum *propositio* est universalis revelata, *assumptio* est physice vel moraliter videns, & *conclusio* est legitima, infortque hominem determinatum esse justificatum: ergo. *Prob. Ant.* Ejusmodi sunt *1um*: Qui sacramentum baptismatis rite suscipit, iustificatur: sed potest quis esse physice vel moraliter certus tam ex parte ipsius materiz & forme, quam ex parte ministri & sui tanquam subjecti, baptismum a se esse rite susceptum: ergo. *2dum*: Qui longo tempore non peccat mortaliter, est in gratia Dei: sed potest quis certo expectamento novisse, se non peccasse mortaliter: ergo.

R. N. A. ad prob. In utroque ratiocinio negatur assumptio; de *1ma* quidem constat ex dictis in postrema heseus assertione: de *2da* docent exempla Jobi, Davidis & Pauli ibidem relata.

C A P U T III.

De Merito.

Meriti nomen affectionem quandam actibus humanis, vel alterius creature rationalis operibus propriam significat, cui merces vel retributio correspondet; quæ quidem retributio tam in partem malam & pro supplicio, quam in bonam partem & pro præmio accipi potest; usu amen a Theologis jam diu receptum est, ut *meritum* simpliciter dictum in bonam partem & pro merito præmii sonatur; acceptum autem in malam partem vocetur *demeritum*, vel meritum cum addito, malum, aut supplicii. Sit vero meritum *generatim* sumptum describi potest opus ignum præmio, dignitas præmii, vel valor operis, propter quem debetur boni cujusdam retributio.

Dividi *universim* solet ratione præmiatoris in meritum apud hominem, & in meritum apud Deum; ratione præmii in meritum naturale, & in supernaturale vel theologicum; hoc vero ulterius distinguitur in meritum *de con-*

digno, & in meritum de congruo; prius meritum simpliciter dicitur & ex iustitia, seu cui ex iustitia, siue ea rigorosa sit & stricta, siue minus stricta, primum debetur: posterius etiam meritum secundum quid & ex congruentia appellatur, seu cui primum ex quadam decentia debetur.

ARTICULUS I.

Quanam conditiones ad meritum theologicum requirantur.

434. **N**ota I. *Conditiones ad meritum proprium constituendum univèrsim repeti possunt vel ex parte ipsius operis meritorii, vel ex parte personæ merentis, vel ex parte personæ remunerantis. Præcipua difficultas circa conditiones illas versatur, quæ se ex parte ipsius operis meritorii tenent. Conveniunt quidem facile omnes Imo, quod meritum debeat esse actus positivus. 2do, actus in obsequium Dei præstitus; quia sine eo potest quidem opus esse laude, non autem præmio dignum. 3tio, quod etiam cedere debeat in commodum vel emolumentum Dei, siquidem per illud intelligatur commodum extrinsecum, gloria nempe, laus, & huiusmodi similia; cum hæc operibus humanis respectu Dei tribuat ipse Christus Matth. 5. v. 16. dicens: *Luceat lux vestra coram hominibus, ut videant opera vestra bona, & glorificent Patrem vestrum, qui in celis est: non vero si intelligatur aliquid Deum intrinsece afficiens; quia sicut Job. 25. v. 6. dicitur: Si peccaveris, quid ei nocebis? & si multiplicata fuerint iniquitates tue, quid facies contra eum? ita mox v. 7. additur: Porro si iuste egeris, quid donabis ei, aut quid de manu tua accipiet?**

435. **N**ota II. Discrepant vero Catholici ab hæreticis, quorum aliqui minus, alii plus ad meritum exigunt, quam reipsa necessarium sit. Ad primam classem pertinent *Janseniani*, quibus libertas a coactione; *Pelagiani*, quibus bonitas naturalis; *Semipelagiani*, quibus existentia conditionata duntaxat videbatur sufficere ad meritum. Ad 2dam spectant *Lutherani* & *Calviniani*, qui ultra conditiones vulgo assignari solitas exigunt, ut opus meritorium sit prorsus indebitum, penitus nostrum, & nulla ratione

pre-

remiatoris, ac omnino æquale cum mercede. Equidem onnulla etiam est discrepantia inter ipsos *Catholicos*, maxime circa charitatem, quam quidam quasi radicem omnis meriti exigunt; sed hæc controversia salva fidei integritate, libi tractatur.

436. *Dico I. Universum ad meritum theologicum equiritur ex parte operis meritorii*, ut sit actus creaturæ rationalis. 1. quidem liber a necessitate, 2. moraliter bonus, 3. supernaturalis seu ex auxilio gratiæ procedens, . in aliqua temporis differentia absolute existens: ex parte personæ merentis, ut, qui meretur, sit viator: ex parte Dei remunerantis, ut adsit ordinatio divina meriti ad mercedem saltem consequens, seu talis, quæ opus acceptetur in meritum actuale & efficax determinati præmii.

Parv I. Quoad 1am conditionem constat tum ex verbis Eccli. 31. v. 10. *Qui potuit transgredi, & non transgressus; facere mala, & non fecit: ideo stabilita sunt bona illius in Domino*: tum ex definitione TRID. sess. 6. Can. 4. ac condemnatione propositionis 3tiæ Jansenii: tum ex S. AUG. L. de nat. & gr. C. 65., & alibi passim: tum ex ratione, quæ docet nihil posse imputari ad meritum, quod non est sub potestate & electione operantis.

Quoad 2dam rursus constat tum ex verbis Genes. 4. 7. *Nonne, si bene egeris, recipies: sin autem male, stamm in foribus erit peccatum*: tum ex TRID. sess. 6. Cap. 5., ubi ad versum 58. ex I. ad Cor. 15. provocat, & alioquoties repetit *bona opera* esse, quæ apud Deum merentur: tum ex ratione, quæ docet *malum* opus utpote pœna diuinum non esse meritum; *indifferens* autem opus non esse meritum potius, quam demeritum, nec asferre Deo utilitatem quandam & commodum, quæ tamen conditio ad meritum ab omnibus asseritur: tum ex universa omnium inspiratione, cui nemo sanus serio contradixit.

Quoad 3tiam iterum constat tum ex verbis Apostoli ad Cor. 4. v. 7. *Quid habes, quod non accepisti? & ad philipp. 2. v. 13. Deus est, qui operatur in nobis velle & perficere pro bona voluntate*: tum ex ARAUS. II. Can. 18. *tribetur bonis operibus merces, si fiant; sed gratia præstitit, ut fiant*; cui TRID. sess. 6. Can. 2. concinit: tum S. AUG. libris omnibus contra Pelagianos & Semipelagianos.

gianos: tum ex ratione, quæ docet inter meritum & premium debere esse proportionem.

Quoad 4tam prob. tum ex verbis Christi Luc. 10. v. 13. *Si in Tyro & Sidone facta fuissent virtutes; quæ facta sunt in vobis, olim in cilicio & cinere sedentes pœniterent; ex quibus habentur merita conditionate existentia, sed tamen absque premio, cum idem iudicium in has urbes ac in Sodomam futurum versu subsequenti addatur: tum ex Anaus. II. Can. 5. Trid. sess. 6. Cap. 5.; ubi statuitur initium fidei & salutis gratis dari & non ex merito; quod non foret, si mere conditionate futurum posset habere rationem meriti: tum ex Aug., qui hunc errorem L. de præd. sanct. C. 12., & L. de don. persev. C. 9. & 12. data opera expugnat: tum ex ratione, quæ docet, præter finalem causam, omnem aliam, adeoque & moraliter efficientem seu meritoriam, præsupponi suo effectui secundum realem existentiam saltem ordine naturæ; quod autem sub conditione nunquam existente tantum futurum esset, nec est, nec futurum est, nec fuit; atque hinc realem existentiam non habet.*

Pars II. Prob. SCRIPTURA & TRADITIO docent, Imo tempus vitæ tantum esse tempus meriti; Eccli. 14. v. 17. *Ante obitum tuum operare iustitiam; & C. 18. v. 19. Ante iudicium para iustitiam tibi; & v. 22. Ne verearis usque ad mortem justificari.* Item Joann. 9. v. 4. *Me oportet operari opera ejus, qui misit me, donec dies est, ut S. Aug. Tr. 44. in Joann. exponit.*

2do docent, tempus mortis esse tempus retributionis; Eccli. 11. v. 28. *facile est coram Deo in die obitus retribuere unicuique secundum vias suas; & Luc. 16. v. 9. Facite vobis amicos de mammona iniquitatis; ut, cum defeceritis, recipiant vos in æterna tabernacula;* quam parabolam S. Hier. ep. 151. ad Algas. q. 6. de morte & mercede cœlesti explicat.

3tio docent, post mortem non dari locum aut tempus meriti; Eccl. 9. v. 10. *Quodcunque facere potest manus tuas, instanter operare: quia nec opus, nec ratio, nec sapientia, nec scientia erunt apud inferos, quo tu properas; & Cap. 11. v. 3. Si ceciderit lignum ad Austrum; aut ad Aquilonem, in quocunque loco ceciderit, ibi erit;* Joann. 9. v. 4. *Venit nox, quando nemo potest operari.*
Conf

Conf. tum quia oportebat posse perveniri ad terminum: tum quia, sicut Deus hanc vitam destinavit militiæ & labori, sic in altera posuit coronam & mercedem: tum quia meritum fundatur in fide, quæ cum visione beatifica non stat.

Par. III. prob. Quamvis in meritis nostris siue *condignitas* & proportio, siue *congruitas* ad præmium supernaturale supponatur, tamen statuenda etiam est necessaria quædam Dei *ordinatio*: tum quia Deus, qui suaviter & sapienter omnia disponens, nec addens aliquid superfluum de facto ita disposuit, ut indicat illa sententia: *Tanta est misericordia Dei, ut nostra voluerit esse merita, quam sunt dona sua*; quam COELESTIN. Papa ep. I. C. 12., AUG. ep. 105., CHRYS. hom. de Adam & Eva & TRID. sess. 6. c. 6. usurpavit: tum quia ad relationem, quæ intercedit inter merita & præmium, non sufficit sola illa *proportio* siue dignitatis, siue congruitatis, siue medii, utpote non physica, sed moralis, atque hinc tantum fundamentum remotum; sed requiritur proximum, quod non habetur per aliud, quam ordinationem, vel pactum Dei; quemadmodum id ex *rebus humanis* constat, ubi, quamvis inter cursum in stadio & bravium, inter actiones litteratorum aut militum & præmium habeatur aliqua vel condignitatis, vel congruitatis proportio, pactum tamen vel lex potestatem habentis intervenire debet ad relationem perfectam habendam.

Conf. Quamvis inter merita Christi & redemptionem *lætionum*, inter bona opera *angelorum, beatorum & animarum purgantium* ac præmium siue essentiale, siue saltem accidentale intercedat condignitas, vel alia proportio, tamen non uerunt, aut sunt actualæ & efficax meritum hujus præmii; quæ vel defectu acceptionis divinæ, vel defectu status viæ, quæ conditio ex libera Dei ordinatione habetur: ergo.

437. *Dico II.* Ad meritum *de condigno* requiritur ex parte *operis meritorii*, ut aliquo modo sit æquale præmio; ex parte *personæ merentis*, ut, qui meretur, sit iustus; ex parte Dei *remunerantis*, ut præcesserit promissio; ex parte *personæ*, cui quis meretur, ut ipse sibi mereatur: ad meritum *de congruo* sufficit, ut adsint conditiones ad meritum universim requisitæ, & vel una desit ex requisitis ad meritum *de condigno*.

Par. I. quoad *imam conditionem* constat; quia retributio meriti maxime condigni in Deo est opus aliquod iusti-

justitiæ, cum Matth. 16., ad Rom. 2., 1. ad Cor. 3. & alibi passim dicatur *merces secundum opera* vel *laborem*; & 2. ad Tim. 4. appelletur *corona justitiæ*; imo ad Hebr. 6. v. 10. addatur: *Non est injustus Deus, ut obliviscatur operis vestri*: ergo aliqua æqualitatis proportio requiritur; quam non tam a gratia actuali, quam ab habituali repetere oportet: utpote quæ sola & proprie juxta ep. 2. ad Cor. 1. v. 22. *Pignus spiritus*; juxta Joann. 4. v. 14. *fons aquæ salientis in vitam æternam*; juxta 1m. Joann. 3. v. 9. *Semen Dei* est & appellatur.

Quoad 2dam constat tum ex verbis Christi Joann. 15. v. 4. *Sicut palmes non potest ferre fructum à semetipso, nisi manserit in vite; sic nec vos, nisi in me manseritis*; & ex verbis Apostoli ad Rom. 8. v. 17. *Si autem filii, & hæredes; hæredes quidem Dei, cohæredes autem Christi: si tamen compatimur, ut & congrificemur*: Tum ex TRID. quod sess. 6. Cap. 16. de merito agens solum justificationum meminit, uti & Can. 32. definiens, bona opera ita esse dona Dei, ut simul sint merita, de homine justificato duntaxat agit: tum ex damnatione propositionum Baji 13tia, 16ta & 18va, in quibus status gratiæ & adoptionis ad meritum requiri negatur.

Tum ex S. AUG., qui L. de sp. & litt. C. 3. 8. 9. & 29., L. de fid. & op. C. 14. & alibi docet, nos non posse operari justitiam, seu mereri ex justitia, nisi prius justificemur, cui plures PP. alii apud Sum. consentiant; tum ex ratione, quæ docet, non satis esse ad meritum de condigno proportionem, quæ ex ipsa velut substantia operi accedit, sed requiri simul eam, quæ ex habitudine ad personam operantem exsurgit; cum ex Scriptura de Abele & Christo constet, ex dignitate personæ operantis valorem & dignitatem operis præcipue haberi.

Quoad 3tiam constat rursus tum ex parabola operariorum Matth. 20., ubi, dum dicitur: *Nonne ex denario convenisti mecum, & sit applicatio ad meritum pro regno cælorum, ratio æquitatis & justitiæ inter laborem ac mercedem ponitur in conventionem seu promissionem mercedis sub conditione laboris*: tum ex TATA., quatenus id sess. 6. Cap. 16. docet, justis bene operantibus proponendam esse vitam æternam, *tanquam mercedem ex ipsius Dei promissione bonis ipsorum operibus & meritis fideliter reddendam*:

am: tum ex AUG. Conc. 2. in Psal. 92. &c. tum ex *ratione*, quæ docet, nec Deum constitui posse debitorem, nisi quatenus convenit, ut sit *fidelis* & stet promissis; nec pus quantumvis excellens exigere posse præmium, nisi istum intercesserit.

Quoad 1^{am} constat iterum tum ex scriptura, quæ dicuntque de præmio operum loquitur, illud ad ipsum operantem refert; unde de operantibus universim dicitur ad om. 14. v. 12. *Unusquisque nostrum pro se rationem reddit Deo*; & 2. ad Cor 5. v. 10. *Ut reserat unusquisque propriæ corporis, prout gessit, sive bonum sive malum*; de illis autem Apoc. 14. v. 13. additur: *Opera enim illorum quantur illos*: tum ex TRID., quod voce iporum relationem bonis operibus merentibus addit: tum ex S. AUG., in L. 1. de pecc. mer. C. 14. docet soli Christo convenire erendo sanctificare alios; imo Tr. 73. & 102. in Joann. intendit, neminem alium posse pro altero orando quidam pro eo infallibiliter impetrare; tum ex *ratione*, quæ docet adæquate id referendum in liberam Dei ordinationem.

Part. II. quoad 1^{um} patet; quia, quamvis opus quoddam non habeat æqualitatem, si tamen possideat illas conditiones universim requisitas, habet *proportionem* quantum ad præmiũ; & licet persona operans non sit grata, tamen in via est per supernaturale opus ad amicitiam: item, et careat *promissione*, tamen ordinatio consequens ex diis adest. supponitur: unde licet ex iustitia non debeatur merces, ex convenientia tamen, congruitate ac decentia quod debitum æquiritis oritur. *Quoad 2^{dum}* autem licet ex eo, quod, sicut ad omne imperfectum, sic & ad imperfectum meritum, sufficiat aliquis defectus perfectionis.

438. *Dico 1^{II}. Ad neutrum meritum requiritur, ut aut omnino æquale, aut prorsus indebitum, aut penitus nostrum, & nulla ratione præmiatoris. Prob. I. Universim grativæ; quia pro his conditionibus nec ex autoritate, nec ratione solidum fundamentum præsto est; ut ex solamine objectionum patebit. II. Speciatim & positive.*

Et quidem *quoad 1^{um}*; tum quia ex 2. ad Cor. 4. *Id, quod in presenti est momentaneum & leve tribulationis nostræ, supra modum in sublimitate æternum gloriæ pondus operatur*: Tum quia TRID. II. 6. Cap. 16. ait: *Sacris litteris usque adeo bonis operibus tribui, ut etiam*
qui

qui unū ex minimis suis potum aqua dederit, promittat Christus, eum non esse sua mercede cariturum; tum quia nec inter meritum & præmium tanta æqualitas requiritur, quanta inter pretium & mercem, quæ ipsa tamen omnimodam æquiparantiam non exigit; nec retributio meritorum sit ex iustitia stricta, quæ communius inter Deum & hominem negatur: sed tantum ex iustitia minus stricta, eminentiali, gubernativa, distributiva & proportionali; nec iustitia Dei stricta, siquidem hæc etiam in retributione operis asseratur, fundetur in sola, aut absoluta comparatione operis cum munere reddendo, sed aut primario, aut simul in promissione Dei & pacto.

Quoad 2dum prob. Quia, quod ratio debiti ex præcepto non obstat merito, patet tum ex Scriptura vitæ æternæ mercedem observationi mandatorum promittente; tum ex TRID. sess. 6. C. 16. docente, nihil deesse iustificatis, quominus plene illis quidem operibus, quæ in Deo sunt facta, divina legi pro huius vitæ statu satisfecisse, & vitam æternam vere promeruisse censeantur: quod etiam non obstat ratio debiti ex conditione hominis servilæ. liquet ex eo, quod Deus homini concefferit libertatem arbitrii & dominium in proprios actus, in quo, sicut ratio demeriti, ita & meriti radicatur; demum quod nec defectus commodi in Deum conferendi, aut alia ratio quæcunque obstat, ostendit meritum Christi, quod alias etiam foret negandum.

Quoad 3tium verum quidem est, quod meritum debeat esse nostrum; sed falsum est inprimis, quod opus per & cum gratia factum nequeat dici nostrum, ut volunt H. H.; tum quia ex SCRIPTURA, CONCILIIS & PATRIBUS patet, opus istud vere etiam a nobis fieri cum libertate agendi vel non agendi: tum quia ex legibus etiam humanis patet, recte dici nostrum, quamvis cum aliis sit commune, ut ex l. 5. ff. de leg. & fideicom. constat. Deinde vero falsum est, quod meritum nulla ratione debeat esse premiatoris, cum alias nec Christus potuisset mereri, nec miles Principis armis vincens mercede dignus foret.

Objectiones.

439. *Objic. I. contr. 3tium* Iustitia inter datum & acceptum postulat æqualitatem; & Deus etiam in retributione servat totam iustitiæ formam: ergo in merito theologico debet dari omnimoda æqualitas cum præmio.

Re. ad

Re. ad 1m. D. 1m. p. Iustitia stricte dicta, seu computativa postulat aequalitatem inter datum & acceptum C. inus stricte dicta & distributiva N. Communior autem stricte duntaxat iustitiam in Deo respectu hominum mittit. Omissa tamen hac controversia scholastica D. aliter. Iustitia postulat inter datum & acceptum aequalitatem quam, scilicet proportionis saltem aut virtutis C. aequalitatem omnimodam, entitatis scilicet aut perfectionis *subd.* i datum & acceptum se habent instar pretii & mercedis, t invenitur medium rei T. ubi illa se habent instar mercedis & praemii, & exigitur tantum medium rationis N.

Item D. 2d. p. Deus in retributione servat iustitiam proportionalem, pluribus nempe & majoribus meritis reddendo praemia plura & maiora, sicut paucioribus & minoribus pauciora & minora redduntur C. aequalitatem omnino & commensurando substantiam ac entitatem in substantia & entitate N.

440. *Objic. II.* Servus nihil meretur apud Dominum praecepta ejus implendo; nec debitor aliquid apud creditorem reddendo debitum: ergo nec homo meretur aliquid apud Deum per quemcunque actum, utpote vel praemium, vel aliis titulis plusquam ex iustitia debitum; praeterea quia Christus Luc. 17. v. 10. ait: *Cum feceritis omnia, quae praecepta sunt vobis, dicite: servi inutiles sumus; quod debuimus facere, fecimus;* & similia Theophil. hunc locum, ac Bern. L. de applici debito docet.

R. T. A. N. Consi. Disp. est; quia apud homines va-
operis consideratur juxta quantitatem laboris in utilitatem alterius impensi, & utilitatis ex labore vel opere emergentis; utrique autem decedit, si labor aut utilitas sit finita: apud Deum vero valor operis ex morali ejus bonitate, & ad hanc bonitatem resultante in Deum gloria; cum nulla habeatur, & illa Deo dari censeatur, quatenus opus quod voluntarie, libere ac alacriter facimus, atque hoc merito in operibus tam debitis & praeceptis, quam in-
debitis & non praeceptis haberi queat; inde nec valori, nec merito aliquid decedit.

Ad prob. R. Inprimis in textu allato non negatur meritum operis, sed utilitatem Deo allatam; alias vero am servum appellari bonum & fidelem, ut Matth. 25. alibi legitur. Praeterea inutilitas illa repertae potest vel

ex hoc, quod propriis viribus & sine gratia nullum efficere bonum possumus, vel quod Deus potuerat nobis mandata proponere mercede nulla promissa. Denique his verbis Christus intendit nobis commendare *humilitatem* in bonorum operum exercitio, vel excitare nos ad opera etiam liberalia & supererogationis, vel accendere in nobis studiosam *solicitudinem* & *perseverantiam*, cum *inutilis* servus Matth. 1. c. accipitur pro *cessatore* & otioso.

Inst. Præceptum vel tollit *omnem libertatem*, ut in CHARITATE, B. VIRGINE & aliis in gratia confirmatis, in quibus sicut locum non habet illud: potuit transgredi & non est transgressus, ita nec illud: ideo stabilita sunt bona ejus in Domino; vel aufert saltem *libertatem moralem*, licet non naturalem, in aliis; quæ tamen ad meritum tanquam aliquid morale maxime est necessaria: ergo.

R. N. A. Pars prior est falsa; cum nec CHRISTUS, nec B. VIRGO, nec alii in gratia confirmati caruerint libertate, ut alibi ostenditur. Falsa etiam est *posterior*; quia moralis libertas non stat in hoc, quod aliquid possit tam fieri, quam omitti impune, ut objectio supponit; sed in facultate agendi & non agendi per intrinsecam rationis usum, seu actio vel omisso licita sit, seu non; quæ sane etiam sub præcepto manet: si vero *libertatis moralis* nomine forsitan intelligeretur exemptio ab obligatione vel necessitate præcepti; negamus hanc ad actionem moralem requisitam, ut patet in peccatis & demeritis.

441. *Objic. III.* Opera bona, quæ in nobis fiunt, rota sunt a Deo; tum quia hoc expresse declarat AUG. in Enchir. C. 32. & L. de don. perfev. C. 13.; tum quia id insinuat PAULUS I. ad Cor. 15. v. 10. scribens: *Amplius, quam omnes illi, laboravi; non ego, sed gratia Dei mecum*: ergo nequeunt esse nostra.

R. D. Totum est a Deo totalitate effectus C. totalitate cause N. Quod testimonium PAULI attinet, illa verba: *laboravi amplius, Et gratia Dei mecum*, satis demonstrant, non gratiam solam, sed & hominem operari. Itaque sicut dum Matth. 10. v. 20. dicitur: *Non enim vos estis, qui loquimini, sed spiritus Patris vestri, qui loquitur in vobis*; his verbis non excluditur loquela propria ab Apostolis, sed tantum denotatur eos loqui, prout Spiritus sanctus dabat eloqui illis, ut Act. 2. v. 4. exponitur; sic

c & illa negatio, non ego, hunc unum designat, quod
AULUS nihil fecerit absque gratiæ auxilio.

ARTICULUS II.

In homine possibile sit, ac detur meritum theologicum?

12. **N**ota. Adeo Novatores omnes negant, vel justos
homines suis operibus, quantumvis ex gratia
int, posse aliquid ad vitam æternam pertinens apud Deum
mereri, ut *Calvinus* & alii vel ipsum meriti nomen tan-
tam extraneum a Scripturis, & per Scholasticos inventum
aspiciant, & velut fastuosum Christoque injuriosum dam-
nant. Ad hunc errorem falsiendum substernunt alium,
eo contendunt, nullum in homine opus simpliciter bo-
num, sed omnia ejus opera esse peccata, licet ut talia a
eo non semper imputentur.

443. Dico I. Plura dantur hominum opera, quæ
simpliciter sunt bona & nullatenus peccata. Est de fide,
definitum a Trid. Sess. 6. Can. 7. & 25.

Prob. I. ex SCRIPTURA. Hæc imo hominum quo-
ndam opera absolute vocat opera bona, ut Matth. 5. v.
Sic luceat lux vestra coram hominibus, ut videant ope-
vestra bona; ad Ephes. 2. v. 10. Ipsius enim factura
mus, creati in Christo Jesu in operibus bonis, quæ præ-
paravit, ut in illis ambulemus; ad Tit. 3. v. 8. Curent
vobis operibus præesse, qui credunt Deo.

2do docet opera quædam placere Deo, ut Genes. 4.
4. Respexit Dominus ad Abel & munera ejus, h. e. ut
RYS. hom. 18. exponit, grata hæc habuit & laudavit;
ilach. 3. v. 4. Placebit Deo sacrificium Juda & Hieru-
em, sicut dies sæculi & sicut anni antiqui; Sap 9. v.
Deducet me in operibus meis sobrie. & custodiet me in
potentia; & erunt accepta opera mea.

3tio a personis & ab operibus quibusdam excludit
catum, ut Jobi 2. v. 3. Nunquid considerasti servum
um Job? quod non sit ei similis in terra, vir simplex
rectus ac timens Deum, & recedens a malo, & adhuc
inens innocentiam. Et David Ps. 17. v. 21. Retribuit
mihi Dominus secundum justitiam meam, & secundum pu-
ritatem manuum mearum retribuet mihi: quia custodiavi

vias Domini, nec impie gessi a Deo meo. Luc. II. v. 36. opus perfecte bonum sic exprimitur: *Si ergo corpus tuum totum lucidum fuerit, non habens partem aliquam tenebrarum, erit lucidum totum. Et sicut lucerna fulgoris illuminabit te.* 2. Petr. I. v. 10. *Satagite, ut per bona opera certam vestram vocationem faciatis: hæc enim facientes non peccabitis aliquando.* Ergo.

II. ex PATRIBUS. AUG. L. de sp. & lit. C. 36. ait: *Dici potest quadam iustitia minor huic vita competens, quæ iustus ex fide vivit, quamvis peregrinus a Domino, Et ideo per fidem ambulans nondum per speciem: non absurde dicitur etiam ad istam pertinere, ne peccet.* HIER. L. 2. adv. Pelagian. *Hoc Et nos dicimus, posse hominem non peccare, si velit, pro tempore, pro loco, pro imbecillitate corporis, quamdiu intentus est animus, quamdiu chorda nullo vitio laxatur in cythara.* AMBROS. in Apolog. de David C. 6. *Etenim, quia non potest sine peccato esse humana fragilitas, cavendum est, ne plura sint peccata, quam opera virtutum.* GREG. & BERN. vid. ap. Bellarm. L. 4. de Justif. C. 16.

III. ex RATIONE. Christus mortuus est, ut faceremus bona opera juxta illud ad Tit. 2. v. 14. *Dedit semetipsum pro nobis, ut nos redimeret ab omni iniquitate, et mundaret sibi populum acceptabilem, sectatorem bonorum operum:* Deus adhortatur nos ad opera bona facienda; idem ea in nobis operatur, ita ut tota Deo tribuenda sint; sed Deus nequit adhortari ad peccata, aut ea principaliter facere; nec Christus dici potest mortuus, ut peccata sectemur: ergo opera bona nequeunt dici peccata.

Conf. Opera bona nequeunt dici peccata ob innotatam cupiditatem; tum quia hæc non est peccatum, sed infirmitas tantum, nisi ei consentiatur; tum quia opera bona aliquando sunt ex charitate, non autem cupiditate: neque ob defectum dilectionis aut fervoris in ea; quia licet hic defectus ostendat opus esse minus perfectum, quam aliud cum ista perfectione sive hic, sive in patria; tamen non ostendit positivam imperfectionem, seu peccatum & culpam: neque ob admixtionem peccati sive venialis, sive mortalis; quia admissa etiam frequenti in venialia prolapsione nec auctoritate tamen, nec ratione aut experientia ostenditur, in singulis operibus hanc admixtionem contingere.

444. *Dico II.* Datur opus bonum, quod ab homine ex gratia seu per gratiam operante factum est meritum theologicum. Est de fide, & constat aperte ex TRIN. sess. . Can. 26. & 32.

Prob. I. ex SCRIPTURA. Ea Imo hujus meriti nominatim mentionem facit Eccl. 16. v. 15. *Miseri cordia dabit locum unicuique, secundum meritum operum suorum;* & ad Hebr. 13. v. 16. *Beneficentiæ autem & communionis nolite oblivisci; talibus enim hostiis promeretur Deus.* 2do sub nomine dignitatis exprimit, quod secundum gratiam phrasin merito æquivalet; quo pertinent illa ap. 3. v. 5. *Deus tentavit eos, & invenit eos dignos se;* uc. 20. v. 35. *Illi vero, qui digni habebuntur sæculo illi resurrectione ex mortuis.* &c. 2. ad Thess. 1. v. 5. *Ut igni habeamini regno Dei, pro quo & patimini.* 3tio orrevelativum operis boni vocibus ejusmodi compellat, ut opus indicant esse meritum: vocat enim *retributionem* uc. 14. v. 13. *Vel remunerationem* ad Hebr. 10. v. 35. *el præmium* Tob. 4. v. 10. *Vel mercedem* Genes. 15. 1. *Vel coronam* certaminis, justitiæ & fidelitatis 1. ad Cor. 9. v. 25. 2. ad Tim. 4. v. 8. Apoc. 2. v. 10.

II. ex TRADITIONE. Et quidem Imo ex PATRIBUS, eorum testimonia num. 442. attulimus. 2do ex CONCILIIS, inter quæ ARAUS. II. Can. 18. ait: *Debetur merces bonis operibus, si fiant; sed gratia, quæ non debetur, prædit, ut fiant.* LATER. in Cap. firmiter dicit: *Non solum virgines & continentes, verum etiam conjugata per veram fidem & operationem bonam placentes Deo ad æternum merentur beatitudinem pervenire.* FLOR. denique decreto de purgatorio docet animas, quæ nihil expiandum habent, in cælum mox recipi, Deumque videre, prætorum tamen diversitate aliam alio clarior & perfectius.

III. RATIONE, quæ desumitur partim ex conditionibus ad meritum requisitis; partim ex fundamento damni erroris in priore thesi disjecto. *Conf. ex congruentia;* tum quia, sicut humana opera dantur digna laude, sic merito digna videntur: tum quia decet Deum tanquam bernatorem rei humanæ statuere præmia bonis operibus, ut honorarium operum obsequio retribuere aliquid, suavitatis dignum,

445. Dico III. Datur meritum *de condigno*, & hujus meriti rationem quoad aliqua saltem præmia participant opera bona iustorum. Non est quidem sub his terminis definitum, sed *theologicè* tamen *certum*.

Prob. Meritum *de condigno* est opus bonum, vel quod dignum est præmio, vel cui debetur præmium tanquam merces aut stipendium, vel cui retribuitur præmium secundum quandam iustitiæ æquitatem: atqui tale opus datur: ergo. *Prob. min.*, quæ quoad 1m. patet ex probatione 2da Scripturæ num. pr. allata: quoad 2d. constat tum ex variis titulis correlativo meriti in Scriptura datis, & num. pr. etiam recensitis; tum ex S. AUG., qui passim docet vitam æternam recte appellari posse *stipendium iustitiæ*, quia debetur, quia *digne retribuitur*, quia *merito redditur*; vocari tamen ab Apostolo gratiam, quia illi est *gratia*, cui *gratia est* & ipsa *iustitia*. Demum quoad 3t. *prob.*

Nam 1. ad iustitiæ spectat, ut Deus certis operibus det præmium, ut liquet ex 2. ad Thess. 1. v. 6. Si tamen (juxta græcum *τίμις*, & teste D. THOMA juxta alias versiones *scilicet*) *iustum est apud Deum retribuere tribulationem iis, qui vos tribulant: Et vobis, qui tribulamini, requiem nobiscum in revelatione Domini Jesu de celo cum angelis virtutis ejus; & ex verbis ad Hebr. 6. sup. cit. Non enim injustus est, ut obliviscatur operis vestri: unde HIER. in cap. 49. ait: Potentiam tuam nostro arbitrio dereliquit, ut iuste voluntas præmium consequatur; & AUG. L. de Nat. & gr. C. 2. Non est injustus Deus, ut iustos fraudet mercede iustitiæ.*

2. Deus dat operibus præmium in iudicio, & ut iudex; quia 1mum patet ex Matth. 25. v. 34. ubi descripta iudicii forma refertur hæc futura iudicis sententia: *Venite benedicti patris mei, possidete paratum vobis regnum a constitutione mundi: esurivi enim &c.* 2dum ex 2. ad Tim. 1. v. 12. *Potens est depositum meum servare in illum diem iustus iudex; & ibid. C. 4. v. 8. Reposita est mihi corona iustitiæ, quam reddet mihi Dominus in illa die.*

3. Deus servat iustitiæ formam & proportionem opus inter ac præmium; ut indicatur Matth. 7. v. 2. *In qua mensura mensi fueritis, remetetur vobis.* Ibid. 10. v. 41.

Quæ

ui recipit Prophetam in nomine Prophetæ, mercedem prophetæ accipiet; Et qui recipit iustum in nomine iusti, mercedem iusti accipiet; & ad 1. ad Cor. 3. v. 8. Unusquisque autem propriam mercedem accipiet secundum suum laborem.

Conf. Quamvis TRID. veritatem hanc expresse non finiat, nec verbis *digni* vel *condigni* utatur, non obure stat pro hac sententia; tum quia in can. 32. nuper citato dicit iustificatum bonis operibus *vere* mereri gratiam augmentum &c.; quæ particula, cum non sit absque ulla inserta, significat hoc meritum plus esse, quam conuitutatis cuiusdam: tum quia in Cap. 16. ad confirmationem existentiae meriti adducit testimonia Scripturæ retributionem iustitiæ exprimentia: tum quia Pallav. L. 8. hist. onc. Trid. C. 4. de Theologis Tridentinis ita scribit: *peribus post acceptam iustitiam peractis, adeoque divina gratia informatis, redditisque ob merita Christi potentioribus, cuius vivum membrum effectus est is, qui peragit, omnes concedebant rationem meriti condigni & conservandam augendamque eandem gratiam æternamque felicitatem consequendam.*

Præterea vero cum non nostræ duntaxat ætatis *se-atores* meriti nomen permittant & rationem, siquidem sola promissione, non vero ex iustitiæ debito dicatur meri dari premium, sed & tempore TRID. Concilii id consenserint, ut ex disputatione Bucerii A. 1546. Ratisbonæ bita liquet; sequeretur nec Concilium contra *Novatores* esse, nec oppugnatores Hæreticorum errores, sed umbram tantum insectari in hac de merito bonorum operum controversia, nisi mens fuerit, aut sit necessitas, asserere *meriti condignum*.

446. *Dico IV.* Datur meritum *de congruo*; & hæc tantum meriti rationem participant opera bona non iustificatorum. *Prob. Im. p.* Dantur plura opera bonæ iustificationem, quæ sint apud Deum theologicæ memoria: sed non sunt meritoria de condigno, ut ex æquitate supponitur: ergo. *Major* exempli gratia declaratur *fide & penitentia* tanquam prima & ultima dispositio ad iustificationem.

Quoad Imam enim AUG. ait ep. 105. ad Sixtum: *neque enim nullum est meritum fidei, quæ ille dicebat: iustus propitius esto mihi peccatori; & descendit iustificatus*

etatis merito fidelis humilitatis, quoniam, qui se humiliat, exaltatur; & L. de præd. Sanct. C. 2. Quis autem dicat eum, qui jam cepit credere, ab illo, in quem credidit, nihil mereri? PROSPER. L. contr. Collat. C. 6. Non potest haberi nullius meriti fides presentis, quærentis pietas, pulsantis instantia; quibus similia habent FULG. L. de Incarn. & gr. C. 18 & PETR. Diacon. C. 8. in libro ejusdem tituli.

Quod 2dam vero TERTULL. L. 4. contr. Marcion. C. 18. ait: *Peccatricis penitentia secundum creatorem meruit veniam præponere solitum sacrificio; CYPR. L. de Lapsis sub finem de vero poenitente dicit: Lætam facit Ecclesiam, nec jam solum Dei Veniam merebitur, sed coronam; AMBR. L. 10. in Luc. C. 22. inquit: Flevit amarissime Petrus, ut lachrymis posset suum lavare delictum: Et si tu veniam vis mereri, dilue culpam lachrymis tuam; eodem tempore, eodem momento respicit te Christus; HIERON. L. 2. contr. Pelag. Confessio peccati humilitate clementiam salvatoris meretur. AUG. in Psal. 50. de Niniivitis scribit: De incerto penitentiam egerunt, Et certam misericordiam meruerunt. &c.*

Conf. 1. Juxta TRID. sess. 6. Cap. 6. peccatores disponuntur ad justitiam per actus fidei, timoris, spei, amoris, penitentiae & propositi suscipiendi necessarium sacramentum & servandi divina mandata; & juxta Cap. 7. hanc dispositionem justificatio consequitur; sed ejusmodi dispositio omnia habet ad meritum theologicum requisita, nec tamen est de condigno, ob defectum personæ Dep. necdum gratæ, & informationis per gratiam sanctificantem: ergo.

Conf. 2. Si gratia fidei aut alia exigeret, aut expectaret conatum bonæ voluntatis, ut Pelagiani primum, ac dein Semipelagiani affirmarunt, gratia daretur secundum nostræ merita; quemadmodum sæpius a S. AUG. contra illos gratiæ hostes disputatum fuit, & a Conciliis in hac causa habitis definitum: ergo, cum Deus plures actus virtutum supernaturales exigit, & expectet, ut hominem iustificet; hi actus omnino dicendi sunt meritorii saltem de congruo.

2da pars rursus sequitur ex dictis de conditionibus ex parte operis & operantis ad meritum de condigno requisitis; ex quo etiam capite, nisi sermo sit de operibus naturalibus, fit, quod CONCILIA & PATRES operibus ante justificationem factis meritum aliquando non tribuant, aliquando etiam negent; utpote qui pro specie nobiliore, seu
merito

merito de condigno usurpant frequentiore etiam in aliis
brati genus, seu meritum simpliciter tale.

Objectiones.

447. *Objic. contr. I. m. SCRIPTURA* Imo dicit Ecclæ 7.
21. *Non est homo justus in terra, qui faciat bonum,
non peccet: 2do docet omnes quotidie peccare, juxta
Iud Jac. 3. v. 2. In multis offendimus omnes; & hinc
iam iustis orandum: Dimitte nobis debita nostra: 3tio
declarat ipsa etiam bona opera esse vitiosa apud Isa. 64. v. 6.
Atti sumus ut immundus omnes, Et quasi pannus men-
suratae universa iustitiæ nostræ: ergo.*

Re. ad Arg. Sensus sacrorum textuum alios esse ab
tentione hæreticorum, nec probare eorum errorem. Nam
nus non significat hominem iustum etiam bonum facien-
peccare; sed neminem esse tam iustum, ut semper bo-
um faciat & nunquam peccet, cum ex Prov. 24. v. 16.
catur *septies de die cadere iustum*: sed cum etiam adda-
r ibidem *iustum resurgere*, nec ipsa resurrectio possit ap-
llari casus, & numerus septenarius non infinitum quid,
l *determinatum* sonet; constat iustum non cadere ad
ines & singulos passus, & sic in bonis etiam operibus
n peccare: Vide de utroque textu HIER. in Ecclesiasten,
L. I. adv. Pelag., ac in ep. ad Ctesiphontem.

2dus textus hoc ipso, quod dicat nos *in multis* tan-
n, non autem *in omnibus* offendere, proxime datam
positionem confirmat; præsertim cum idem Apostolus
obet, hominem ex operibus justificari. Similiter ex pe-
one quintæ *Dominicæ orationis* recte quidem sequitur,
namam conditionem non esse impeccabilem, & a quoti-
nis naviis venialibus immunem, ut AUG. & HIER. ex-
e contra Pelagianos deduxerunt; minime autem, sin-
a etiam opera hominis haberi, aut esse peccata.

Quod 3tium attinet, jam num. 425. demonstratum
illum ad rem præsentem non pertinere, ut ipsi *Luthe-
& Calvinus* in suis ad hunc locum commentariis fæten-
; quantumvis alibi eum contra operum iustitiam usur-
t. Accedit, quod Isa. ibid. v. seq. dicat: *Occurristi
anti Et facienti iustitiam: in viis tuis recordabuntur*
; quibus verbis cum opera iustorum laudet, Deoque
ere significet, non potuit eadem opera verbis prioribus
lligere, & tam propudioso compellare vocabulo.

Inst. Ss. PATRES, nempe AUG. L. 9. Conf. C. 13., & GREG. L. 9. mor. C. 11. enuntiant, vita humana etiam laudabili esse timendum, si remota pietate discutitur: Idem, ille nempe L. 3. contr. duos ep. Pelag. C. 7., hic L. 9. Mor. C. 28. docent, in homine etiam justo, virtutem aut munditiam perfectam & veram non esse, sed tantum nominari aut imitari: Demum ep. 29. ad Hier., & L. 9. Mor. C. 1. dicunt charitatem nostram & omne virtutis nostrae meritum esse vitium.

R. Nec Ss. PATRES favere hæreticis. In 1mo enim non meminerunt operum aut justorum, aut singulorum, sed vite duntaxat, quæ utique, licet laudabilis sit propter opera bona, pietate Dei nihilominus eget propter peccata saltem veniuntia, a quibus nulla justorum vita penitus immunis invenitur.

In 2do uterque S. Doctor non loquitur de virtutis ac munditiæ perfectione & veritate absolute sumpta, sed comparate ad perfectionem iustitiæ in vita beata; hinc AUG. ibid. subjungit: Iustitia, secundum quam justus, ex fide vivit, vera iustitia est; quæ licet non immerito in aliquibus justis perfecta dicitur, parva tamen est ad illam magnam, quam capit æqualitas angelorum. GREG. autem L. 5. Mor. C. 26. ait: Humana iustitia divinæ comparata, iniustitia est; quia & lucerna in tenebris fulgere cernitur, sed in solis radio posita tenebratur.

In 3tio vox usus ab AUG. non usurpatur pro peccato fuisse dicto seu culpa, sed pro imperfectione, quam vel nostro statui concupiscentia tribuit, vel ex comparatione ad charitatem patriæ nuper facta deducere licet; ut ipse AUG. L. de perfect. just., & L. de sp. & Lit. C. ult. declarat. GREG. autem dicit, omne virtutis nostræ meritum esse vitium, si ab interno arbitro districte judicetur, h. e. si homo nolit agnoscere, se habere omnia a Deo, quæ habet, & consideret duntaxat sua, remotis donis gratiæ Dei.

448. Objic. contr. 2d. Scriptura contrariatur merito: Dicit enim 1mo, dona supernaturalia a Deo dari gratis; Isa. 55. v. 1. Venite, emite absque argento & absque ulla commutatione vinum & lac: 2do, retributionem fieri ex misericordia; Psal. 102. v. 4. Coronat te in misericordia & miserationibus: 3tio, vitam æternam esse gratiam; ad Rom. 6. v. 23. Stipendium peccati mors; gratia autem Dei vita æterna.

I. R.

R. *Ad prob. ex SCRIPTURA: quoad 1m. D. Dona supernaturalia gloriæ dantur a Deo gratis N. Dona gratiæ, præsertim primæ C. Textus ISAÏÆ juxta quorundam literaliter loquitur de terra promissionis, mystice de gratia; juxta alios etiam literaliter sub metaphora de vocatione ad Ecclesiam & fide in Christum, in cujus rei signum baptizatis gustandum vinum & lac oblatum fuisse HIER. in comment. ad hæc verba scripsit. Qui permittunt verba hæc intelligi de gloria, monent notandam verborum proprietatem; inter quæ cum ponatur, *Emite*, pretium desideratur: quamvis autem addantur *sine argento & absque illa commutatione*, tamen per priora excluduntur tantum dona fortunæ, non autem libertatis; per posteriora vero a Deo emolumentum proprium tribuens, non vero obsequium, aut res in gloriam extrinsecam cedens.*

Quoad 2d. D. Retributio fit ex misericordia pura & vere liberali N. ex misericordia justitiæ mixta C. Psal. istæ verba in hunc sensum AUG. L. de gr. & lib. arb. C. 9. ponit: Nunquid non corona bonis operibus redditur? & quia ipsa bona opera ille in bonis operatur, de quo dictum est, Deus est enim, qui operatur in vobis & velle operari pro bona voluntate; ideo dixit Psalmus: commat te in miseratione & misericordia; quia ejus miseratione bona opera operamur, quibus corona reddetur. sempe vita æterna est misericordia ob gratiam præventem, merces ob liberam hominis obedientiam.

Quoad 3t. D. Vita æterna est gratia respective ad vere seu justitiam N. respective ad hominem, cui ipsa sita est gratia C. Sensum hunc ab AUG. assertum ostendunt verba in ep. 105. Ipsa vita æterna meritis præcedentibus redditur; tamen, quia eadem merita, quibus redditur, non a nobis parata sunt per nostram sufficientiam, & in nobis facta per gratiam, etiam ipsa gratia nuncupatur: non ob aliud, nisi quia gratis datur; nec ideo, quia meritis non datur, sed quia data sunt & ipsa merita, quibus datur.

Inst. 1. Inter Patres HILAR. in Psal. 51. ait: Non sua justitia opera sufficerent ad beatitudinis meritum, si misericordia Dei in hac justitia non reputet vitia? UG. Conc. 2. in Ps. 70. Supplicium tibi debetur, & cum veniam venerit, sua dona coronabit Deus, non meritis;

tua; & serm. 15. de verb. Apost. Proxius gratis das, gratis salvas; quia nihil invenis in eis, unde salves, & multum invenis, unde damnes. GREG. L. 9. Mor. C. 14. Si opus virtutis exercuero, ad vitam non ex meritis, sed ex venia convalesco. Ergo.

R. HILARIUM exponendum, quæ modo AUG. & GREG. num. pr. interpretabamur; solum enim docet bonis operibus in vita iustorum addi etiam *peccata venialia*, quæ remissione ac misericordia indigent, cum nihil coinquinatum intrare possit in regnum cælorum. AUG. in utroque loco loquitur de homine, qualis est *sine gratia*, & quatenus solis suis viribus operatur; & ubicunque merita dampnat, agit de iis, quæ in nobis sunt tantum ex nobis. Caterum nunquam negavit, hominem mereri per gratiam posse, atque his reddi coronam & mercedem, ut ex superioribus liquet. Demum GREG. de meritis eodem modo, quem mox indicavimus, acceptis loquitur, & adhortatur ad humilitatem docet, nos ad vitam convalescere non ex meritis propria virtute acquisitis, sed ex venia, per quam iustificati a Deo iustitiam & bona opera habere incipimus.

Inst. 2. Si hominibus concedantur merita, injuria irrogatur CHRISTO, quia ejus meritis detrahitur; quatenus per hoc vel illa declarantur *insufficientia*, utpote quibus adjungi debeant merita nostra: vel dividitur inter Deum & hominem gloria, si non solis illius, sed & nostris salutem assequimur: vel non tota salus nostra Christo tribuitur: ergo merita hominibus sunt neganda.

R. *N. M. & probb.*; quarum falsitas patet ex utilitate orationum & necessitate tolerationum nostrarum, sine injuria Christo irrogata. Præterea merita hominum non requiruntur propter *insufficientiam* meritorum Christi, sed propter eorum potius efficaciam, utpote quæ apud Deum nobis impetrarunt, ut accepta per Christum merendi virtute etiam per propria merita salutem consequeremur, quam ipse nobis promeruit: neque per hoc dividitur gloria inter Christum & homines; quia merita nostra sunt *donâ Christi*, & meritorum nostrorum ratio dignificans omnis a Christi gratia habetur: neque minus integre Christo nostra salus tota tribuitur, quam si nobis nihil merentibus illa daretur; quia, quod salvemur, & quod etiam nobiliori

hōi modo per merita sc. gratiæ salvemur, hoc totum debemus Christo, & ob hoc eidem multo magis nos fateatur obstrictos.

Inst. 3. Si vera homini tribuantur merita; ergo homo in iis potest confidere: sed Scriptura damnat huiusmodi confidentiam; ut patet ex ep. ad Rom. 4. v. 2. *Si Abraham ex operibus iustificatus est, habet gloriam, sed non indiget Deo;* & ad Galat. 3. v. 10. *Quicumque ex operibus legis sunt, sub maledictione sunt:* ergo.

R. 1. T. M. N. m. Per opera enim hic rejecta vel intelliguntur opera propriis naturæ viribus & sine gratiæ auxilio facta, ut patet in textu priorē; vel opera legis teris quasi ad iustitiam requisita, ut in posteriore liquet: ob neutrum vero censum venire opera illa, quæ nos diuinus meritoria, constat ex conditionibus ad eadem sua requisitis.

R. 2. N. M. Juxta Bellarm. L. 5. de iustif. C. 7. non est virtutem nasci ex meritis, aliud fiduciam esse ponendam in meritis. Propositionem *imam* veram esse ostendit ex Tob. 4. v. 12., Job. 11. v. 18., ad Rom. 5. v. 3. &c. tandem ex ratione speciei, quæ non ex sola Dei promittitis gratia, sed ex hominis cooperatione nascitur. *Adam*, quod scilicet aliqua fiducia in bonis operibus ex gratia effectis poni possit, probat ab exemplo Davidis, Ezechie, Iheris, &c. Duas tamen maxime conditiones simul existimamus: alteram, ut quis compertum habeat merita se habere de talia; alteram, ut superbia caveatur, nec sibi, sed Deo merita tribuantur.

Unde tandem addit propositionem gratiam, quæ ita habet: Propter incertitudinem propriæ iustitiæ & periculum inanis gloriæ fiduciam totam in sola Dei misericordia ponere tutissimum est; quod ipsum unice, si quid valeat, versariorum objectiones evincunt, quin tamen probent homini non totis viribus esse studendum bonis operibus, aut non esse in iis confidendum, quasi veram iustitiam non contineant.

449. *Objic. contr. 31.* Scriptura aperte excludit meritum nostrorum operum; ad Rom. 8. v. 18. *Existimemus enim, quod non sunt condignæ passionēs huius temporis ad futuram gloriam;* & huius rationem videtur ex-
 are 2. ad Cor. 4. v. 17. *Quod in præsentī est momen-
 tanēum*

taneum Et leve tribulationis nostra, supra modum in firmitate aeternum gloria pondus operatur: ergo.

Re. ad Arg. D. Scriptura excludit condignitatem a nostris operibus, si considerentur materialiter, secundum entitatem suam, durationem & reliqua eorum predicata quasi physica C. Si spectentur formaliter secundum valorem moralem, quem a gratia & statu filiationis habent N. Responsio hæc colligitur ex contextu. Præmiserat enim Apostolus: *Quicumque spiritu Dei aguntur, hi sunt filii Dei;* postea inferius ait: *Si autem filii Et hæredes, hæredes quidem Dei, cohæredes autem Christi, si tamen* (scilicet ut consortes illius & fratres per gratiam *compatimur, ut Et conglorificemur;* & mox subjungit: *Existimo enim, quod non sunt condigna passiones hujus temporis ad futuram gloriam;* nempe nisi spiritu Dei moti tanquam filii Dei illas toleremus: quia passiones illæ, præsertim externæ, in se spectatæ non habent eam condignitatem; cum illæ, ut in textu ad Cor. explicatur, sint leves & momentaneæ, pondus autem gloriæ sit magnum & æternum.

Inst. 1. Deus ex communi axiomate præmiat *supra*, & punit *infra* condignum: item ab homine nequit fieri debitor mercedis ex justitia; cum illi nec gratiæ condignæ pro beneficiis ab ulla creatura præstari queant: ergo.

Re. D. A. quoad 1m. Præmiat *supra* condignum quoad gloriæ intensionem, & forte etiam extensionem C. quoad gloriæ substantiam N. vel *subd.* si plane nulla intervenisset Dei ordinatio C. cum hæc eaque multiplex intercedat N. Etiam *D. A. quoad 2d.* Deus nequit ab homine fieri debitor ex justitia absolute loquendo & nulla facta hypothese C. constituta hypothese divinæ promissionis N. Possunt enim justî consummate vitæ cursu proferre verba Augustini serm. 16, de verb. Apost. *Redde, quod promissisti; quia fecimus, quod jussisti.* Vid. dicta superius. Quod negatur de gratiis condignis, pertinet ad eas vel secundum se spectatas, vel acceptione divina carentes, servata proportionem ad ea, quæ proxime de bonis operibus dicebamus.

Inst. 2. Omne opus bonum est Deo aliunde multis titulis debitum, & præterea neque a gratiæ datore tanquam extrinseco, neque ab ipsa gratia sive actuâli, utpote peccatoribus communi, sive habituali, utpote quoad speciem

208

non distincta a priori, condignitatem & proportionem ad gloriam habere potest: ergo.

Re. quoad 1m. D. Omne opus bonum est aliunde Deo debitum in actu secundo, ita ut ab illo ex alio titulo tiam actu exigatur, & hinc nullam sit supererogationis opus N. est debitum in actu primo C. sed *N. supp.*, quod jussmodi debitum obstat merito, ut num. 438. fuit ostensum. *Quoad 2d. N. 1m. & 3t. p. A.* In justis enim Spiritus S. inhabitat, nec exterius duntaxat assistit; unde justos *intrinsece* proportionatos & gloriæ dignos reddere, ac virtutem, qua opera tali gloriæ faciant digna, impertire potest: gratiam autem sanctificantem operibus præstare condignitatem ostendit proportio illius ad gloriam, quæ se habet sicut *pignus* ad debitum, sicut *semen* ad fructum, sicut *fons* ad aquam; unde AUG in præf. ad Psal. 102., & in narr. Psal. 125. ipsa opera vocavit *semina vite æternæ*.

ARTICULUS III.

Quodnam sit objectum meriti theologici?

50. *Nota.* Objectum meriti theologici, seu præmium supernaturale, quod per actus bonos meremur, secundum triplicem classem distingui potest; aliud enim pertinet ad dona gratiæ *actualis*, aliud ad dona gratiæ *habitualis*, aliud ad dona gloriæ. In 1ma classe spectari solet tum gratia prima, tum secunda, eaque maxime congrua seu efficax: in 2da consideratur tum gratia ipsa sanctificans seu primo conferenda, seu post lapsum reparanda, tum gratiæ sanctificantis augmentum, tum conservatio & perseverantia finalis in eadem: in 3tia demum attenditur ad gloriam sive essentialem, sive accidentalem tum secundum se ipsam & quasi substantiam, quam secundum augmentum.

451. *Dico I.* Nemo ullatenus gratiam actualem primam, aut *condigne* gratiam secundam efficacem mereri potest: posteriorem tamen tam peccator, quam justus potest *congrue* mereri.

Prob. 1m. p. Meritum, quod præcedit primam gratiam, ex supposito est sine gratia, ac proin *mere naturæ*: sed tali non debetur præmium supernaturale; aut si deberetur, initium salutis foret ex nobis, quod est dogma *semipelagianum*; ergo. *Conf.* Meritum in eo differt a *causa*

causa finali, quod causa meritoria pramiantem moveat ut aliquid jam existens & absolute prævifum, non autem ut aliquid tantum possibile, aut ut conditionate prævifum; finalis autem causa moveat ut aliquid nondum existens, ad quod obtinendum aliquid fit; unde *finis* in sola intentione prævifus causare potest; *meritum* autem semper debet existere prius natura, quam sit prævifum; ergo prævifum non potest existere natura prius, quam meritum: ergo nemo potest mereri primam gratiam per opera posteriora, quæ pendeant ab illa gratia.

Prob. 2d. p. Quilibet actus iusti habet suam proportionatum ac condignum prævifum in augmento gratiæ & gloriæ, ad quæm dicit intrinsecam & connaturalem habitudinem; gratia autem efficax est novum donum ab his omnino distinctum, & valde extrinsecum respectu meriti præcedentis; sicut eidem extrinsecum est, quod post illum daret vitæ tempus, vel occasio merendi aut non peccandi sit futura: ergo nec *iustus* potest condigne mereri gratiam efficacem; præsertim, cum contraria sententia non possit ostendere siue in Scriptura, siue in traditione vestigia institutionis divini, aut positivæ ordinationis; præterea etiam testetur contrarium experientia, qua novimus etiam *iustos* post plura sanctitatis merita lapsos fuisse in peccata, & hinc gratia efficaci caruisse.

Conf. Non potest dici, quod quilibet actus iusti meritorius mereatur *de condigno* gratiam efficacem; cum alias iustus per unum actum ex vi sui meriti in hac vita confirmaretur in gratia, nec peccare posset: sed hoc primo alienum est a sensu Scripturæ, Patrum & Ecclesiæ circa incertitudinem nostræ salutis manifestato; deinde erroneum est ex eo capite, quod sequeretur lapsos post justificationem peccatores nunquam antea habuisse meritum de condigno & gratiæ augmentum; denique proximum est errori Ioviniani docentis, non fuisse vere justificatum eum, qui peccat.

Neque illud meritum tribui potest *actui* cuidam insigni & heroico, quia hoc plane gratis ac voluntarie asseritur; cum nec fundamentum habeatur in ipsa rei natura, siue spectetur homo iustus ejusque mutabilitas, siue ipse actus, utpote aliud meritum proportionatum habens: nec in divina institutione, utpote nullibi revelata: nec in experientia, utpote contraria.

Prob.

Prob. 3t. p. In opere bono sive *justi*, sive *peccatoris* ibentur omnes conditiones ad meritum theologicum etiam spectivè ad gratiam efficacem requisitæ; ut per se patet: requisitis ex parte operis & operantis; de requisito autem ex parte *præstantis* inde colligitur, quod Deusejusodi meritum tanquam proportionatum saltem ratione substantiæ, licet non ratione mediæ, cum grâtiâ efficaci soat acceptare ut tale ex indulgentiâ quadam & bonitate, quæcienti ex viribus gratiæ, quod est in se, non denegat gratiam uberio rem sape conjunctam cum effectu: sed hoc meritum non est de condigno: ergo saltem est *de congruo*.

Confs. Actus boni peccatoris sunt *congrue* merito gratiæ habitualis, & actus similes justi sunt similiter merito perseverantiæ; ut ex dicendis supponimus: sed cum gratia habitualis, tum perseverantia includit gratiam efficacem: ergo.

452. *Dico II.* Peccator gratiam *sanctificantem* omnino congrue, justus gratiæ augmentum condigne mereri potest.

Prob. 1m. p. SCRIPTURA, CONCILIA & PATRES sequenter negant operibus ante justificationem factis merum, & justitiæ donum docent esse *gratuitum*: sed non gant meritum congruum, nec docent justitiæ donum ita intuitum, ut excludat dispositiones debitas: ergo negant meritum condignum, & docent ita donum gratuitum, ut excludat justitiæ debitum.

Prob. Ad Rom. 3. postquam Paulus v. 22. dixisset: *Justitia autem Dei per fidem Jesu Christi in omnes venit*, 24 subdit: *Justificati gratis per gratiam ipsius, per remissionem, quæ est in Christo Jesu*; ex quo contextu ligitur etiam præsupposita in homine fide gratiam justificationis immediate ac in se spectatam dari gratis: unde & *id. sess. 6. Cap. 8.* dicit: *Gratis justificari a Deo dicuntur, quia nihil eorum, quæ justificationem præcedunt, est fides, sive opera ipsam justificationis gratiam promerentur*. Simili ratione Patres alii alios Scripturæ textus interpretantur. Aug. enim in verba psalm. 110. *Confessio magnificentiæ opus ejus*, ait: *Justitiâ homo non operatur, nisi justificatus*; L. de fid. & op. C. 14. *Sequuntur opera legis justificatum, non antecedunt justificandum*; &c.

¶

Confs.

Conf. Si quod opus esset meritorium de condigno gratia sanctificantis, id foret *contritio* vel *prima dilectio* Dei super omnia, quæ licet ex dictis superioribus non sit forma sanctificans animam, tamen est ultima ad eam dispositio: sed nec hæc potest dici meritum condignum gratia sanctificantis: non enim dici potest huiusmodi meritum, si consideretur ut actus *ordine naturæ* præcedens gratiam habituaalem; quia hic actus ut illa gratia prior nec ab ea est formatus, nec est ab homine grato, nec per se & formaliter reddit hominem gratum: ergo nequit esse condigne meritorius; cum ad ejusmodi meritum requiratur persona grata, aut opus saltem gratia habituali formatum. Neque si consideretur ille actus ut *eodem temporis instanti* per infusam gratiam habituaalem formatus; quia actus nequit esse meritorius de condigno illius formæ, per quam in esse talis meriti constituitur; cum principium meriti non cadat sub meritum.

2da p. prob. ex dictis num. 446. quia, si quod meritum congruum peccatoribus est tribuendum, id maxime in ordine ad gratiam sanctificantem concedi debet.

Prob. 3a. p. Ex dictis num. 430. potest dari in homine iusto augmentum iustitiæ seu gratia sanctificantis: augmentum autem hæc fieri per opera bona constat tum ex dictis ibidem, tum ex ep. Jac. 2. v. 21. seqq. *Abraham pater noster nonne ex operibus justificatus est, offerens Isaac filium suum super altare? Vides, quoniam fides cooperabatur operibus illius, & ex operibus fides consummata est: & suppleta est Scriptura dicens: Credidit Abraham Deo, & reputatum illi est ad iustitiam, & ex operibus fides consummata est;* Tum ex TRID., quod Sess. 6. Can. 32. dicit, *justificatum bonis operibus, quæ ab eo per Dei gratiam & Jesu Christi meritum, cujus vivum membrum est, fiunt, vere mereri augmentum gratia;* juxta Concilii autem phrasin *verum meritum* pro condigno usurpatur: tum quia additur, *justificatum vere mereri vitam æternam, & ipsius vita æterna, si tamen in gratia decesserit, consecutionem, atque gloria augmentum;* ex qua additione colligitur, idem dari meritum respectu augmenti gratia, quod respectu æternæ vitæ & gloriæ augmenti.

Conf. In merito iustorum adsunt conditiones omnes ad meritum condignum *augmenti gratia* requisitæ; nam

um ex parte operum supponitur libertas, bonitas, supernaturalitas & informatio per gratiam habitualement, ac provide preesto est maxima equalitas & proportio; ex parte personae merentis dignitas iustificati, tanquam amici Deo grati, facile datur; ex parte personae, cui meretur, requisita conditio similiter non deest, cum supponamus iustum sibi mereri; denique ex parte Dei promittentis etiam intercedit promissio juxta verbum Christi Joann. 14. v. 15. & q. *Si diligitis me, mandata mea servate: Et ego rogabo Patrem, Et alium Paraclitum dabit vobis*; circa quae verba AUG. Tr. 74. in Joann. cum dubium proposuisset, quomodo Christus promittat Spiritum Sanctum diligenti & mandata servanti, cum sine Spiritu Sancto dilectio & mandatorum observatio esse nequeat; sic respondet: *Restat, ut intelligamus, Spiritum Sanctum habere, qui diligit; Et habendo mereri, ut plus habeat, Et plus habendo plus diligit*: ergo.

453. Dico III. Iustus nec perseverantiam, nec reparationem post lapsum mereri potest de condigno: potest tamen de congruo mereri perseverantiam, & cum aliqua probabilitate etiam reparationem post lapsum.

Prob. 1m. p. Imo Negative; tum quia SCRIPTURA PATRES nihil usquam docent, ex quo colligi possit Deum nisi aut pluribus meritoriis operibus alligasse perseverantiae donum, ita ut iustus tali meritorum camulo instructus certo sit perseveraturus: tum quia Concilium TRIDENT. Sess. 6. Can. 32. recensens ea, quae vere & de condigno mereantur, nullatenus meminit perseverantiae.

2do. *Positive*; tum quia SCRIPTURA & PATRES, ut num. 430. & seq. liquet, ostendunt esse incertam perseverantiam, adeoque non adesse ejus promissionem; quae tamen ad meritum de condigno est necessaria: tum quia TRIDENT. Sess. 6. C. 12. prohibet, ne quis certo statuat, se omnino esse in numero praedestinatorum; & Can. 16., ne quis dicat se certo perseverantiae donum habiturum; ubi tamvis mentionem faciat absolute & infallibilis certitudinis, quae etiam permissio merito condigno perseverantiae non necessario sequeretur: tamen, quia non aliam etiam hypotheticam admittit, quam quae suspenditur ex speciali revelatione; ex contraria autem opinione admittenda foret etiam ista hypothesis, si iustus aliquando habuisset unum

vel alterum actum de condigno meritorium; sequitur & hanc certitudinem a mente Concilii esse alienam: tum quia quilibet *infallibiliter* consequitur id omne, quod de condigno meretur; cum autem constet justissimos post excellentia merita quandoque perseverantiam non esse consecutos, sequitur, pro ea meritum condignum non dari.

Conf. Perseverantia *proprie* dicta, ubi per longum tempus ab aliqua justificatione prima usque ad mortem per longum tempus sine mortali peccato vivitur, importat complexionem auxiliorum efficaciam, quibus justus non modo perseverare possit; sed etiam revera actu usque in finem perseverat: sed nequit de condigno mereri illam collectionem nequidem per partes; quia *imo* non potest sic mereri *primum* illius collectionis auxilium efficax, cum hoc principium merendi, principium autem meriti non cadit sub meritum.

2do nec condigne mereri potest *ultimum* ejus collectionis auxilium efficax; tum quia est gratia actualis efficax, quæ ex dictis sub meritum condignum non cadit tum quia non solum datur ad quodcunque peccatum, sed ad finale vitandum, ultra quod non dabitur alia peccandi occasio, sed mors justii infallibiliter sequetur: hæc vero circumstantia facit, ut istud auxilium sit *specialissimum* etiam in ordine gratiæ beneficium, partim ex universali providentia Dei ordinantis cursum omnium causarum, partim ex speciali prædeterminatione divina singulis hominibus terminos dierum suorum taxantis dependens, ac proinde serius quasi ordinis aut saltem valde extrinsecum respectu ad actum amoris Dei, vel alium bonum.

3tio nec condigne potest mereri auxilia efficaciam *media* hujus collectionis; quia sive hic modus merendi placet per hoc, quod unus actus mereatur totam serie auxiliorum, exceptis duntaxat primo & ultimo auxilio collectionis perseverantiam constituentibus; sive per hoc, quod unus actus mereatur auxilium efficax unum, alter actus hoc auxilio factus mereatur alterum auxilium, & sic deinceps; neuter modus evadit illa absurda, quæ contra ritum condignum gratiæ efficacis protulimus.

Prob. 12d. p. Meritum hoc nequit fundari in actu justii, dum justus est; tum quia priora merita per sequens peccatum mortificantur; unde juxta Ezech. 18

24. *Omnes iustitiæ ejus, quas fecerat, non recordabuntur; & 33. v. Iustitia iusti non liberabit eum, in quacunque die peccaverit:* tum quia iustus nequit mereri de condigno, ut, si peccaverit, vivat aliquo tempore post lapsum, aut resuscitetur mortuus; quorum tamen alterutrum ad reparationem gratiæ & requiritur, & utrumque minus est, quam reparatio gratiæ: tum quia hoc ipso, quod iustus peccat fit indignus vita æternæ & absolute dignus poena æternæ, adeoque ex rigore iustitiæ potest statim hac poenâ puniri, & nullo modo disponi iterum ad vitam æternam.

Nec meritum condignum fundari potest in actibus, quos iustus post lapsum operatur; tum quia huiusmodi actus jam non sunt ab homine grato, adeoque nec meritorii sunt de condigno: tum quia non sufficit hominem hunc fuisse gratum Deo; cum dignitas, quæ jam non est, nequeat dignificare actus. *Conf. SCRIPTURA, PATRES & CONCILIA* universim docent peccatorum remissionem fieri gratis & ex Dei misericordia: nec datur meritum condignum ad vitanda aliqua vel omnia peccata per auxilium efficax vel donum perseverantiæ: ergo multo minus poterit quis condigne mereri, ut sibi postea detur auxilium efficax ad contritionem.

Prob. 3t. p. Quamvis iustus perseverantiæ donum, si sumatur ita pro collectione omnium auxiliorum efficacium post aliquam justificationem concessorum, ut ad eam quoque primum auxilium efficax intrinsece referatur, nequeat obtineri etiam per meritum duntaxat de congruo; quia & primum auxilium, utpote principium etiam meriti congrui, non cadit sub meritum de congruo: tamen, si perseverantiæ donum sumatur aliter, quatenus nempe extrinsece tantum inchoatur a primo auxilio efficaci post justificationem dato ad perseverantiam aliquomodo procurandam, nempe per petitionem ejusdem, propositum, desiderium ut aliquid simile; meritum illius de congruo asseri potest.

Nam imo id insinuaturn videtur 2. Petr. I. v. 10. *atagite, ut per bona opera certam vestram vocationem sciatis.* 2do aperte assertum est sæpius ab AUG. in ipso L. don. persev., ubi is C. 6. ait: *Hoc ergo donum Dei ppliciter emereri potest; sed cum datum fuerit, amittuntumaciter non potest:* Item C. 16. *Cum constat Deum ia etiam non orantibus, sicut initium fidei, alia non si orantibus præparasse, sicut usque in finem perseverantiam;*

tiam; profecto, qui ex seipso hanc se habere putat, non orat, ut habeat: Tandem C. 22. Vos etiam ipsam obediendi perseverantiam a Patre luminum, a quo descendit omne datum optimum & omne donum perfectum, sperare debetis, & quotidianis orationibus poscere, atque hoc faciendo confidere, non vos esse a predestinatione populi ejus alienos, quia etiam hoc, ut faciatis, ipse largitur.

3^{ta} id colligitur tum ex Oratione dominica, tum ex precibus Ecclesiæ, quas utique cum spe conjunctas esse oportet. Idem enim S. Doctor l. c. C. 2. de prima petitione expositionem S. CYPRIANI adducit & subjungit: In sanctificatione igitur perseverantiam, h. e. ut in sanctificatione perseveremus, nos ab eo petere iste Doctor intelligit, cum sanctificati dicimus: sanctificetur nomen tuum. Dein ex suo de secunda petitione addit: Quid cum dicimus, veniat regnum tuum, num aliud poscimus, nisi ut veniat & nobis, quod esse venturum non dubitamus omnibus sanctis? Ergo & hic, qui jam sancti sunt, quid orant, nisi ut in ea sanctitate, qua illis data est, perseverent? neque enim aliter eis veniet regnum Dei, quod non aliis, sed his, qui perseverant usque in finem, certum est esse venturum.

De Sexta vero petitione C. 17. ibid. sic loquitur: Non ideo dicenda est in fide perseverantia non esse donum Dei: hanc enim quotidie poscit, qui dicit: Ne nos inferas in tentationem; & si auditur, hanc accipit, ac per hoc quotidie ut perseveret petens, profecto perseverantia sua spem non in seipso, sed in Deo ponit. Eadem postulat Ecclesia, dum in publicis precibus dicit: Fac nos tuis semper inhærere mandatis; aut in missæ sacrificio precatur: A te nunquam separari permittas; aut cum Psalmista canit: Ne des in commotionem pedes meos. Ergo.

Conf. Licet perseverantis non sit terminus, ad quem gratia aut meritum per se tendat; tamen id non obstat congruitati meriti, ut patet in merito, quo justus alteri quidpiam meretur; & quia universim minus requiritur ad meritum congruum, quam condignum: præterea in justorum bonis operibus adsunt condiciones omnes ad meritum theologicum necessariae: demum videtur omnino congruum, ut bene operans, Deumque frequenti oratione sollicitans, dum voluntarium obicem non ponit, obtineat gratiam salutis

Intis; partim, quia id postulat suavissima Dei gubernatio & amor in suos; partim quia utilitas hominum requirit, ut proposito coelesti premio acuantur ad bene & instantiter tum orandum, tum operandum.

Prob. 4^a p. Probabilitas meriti congrui iustorum respectu reparationis post lapsum extrinsece fundatur in auctoritate Bonaventurae, Scoti, Gabrielis, Vega, Bellarm. Suarez & aliorum: intrinsece autem tum in non repugnancia hujus meriti, tum in quadam decentia iustitiae divinae latius sumptae; ut Deus non obstante peccato superveniente recordetur praecedentium meritorum, illorumque intuitu excitet peccatorem ad resurgendum a peccato: praesertim ubi merita insignia praecesserunt, & peccatum subsequens ex vehementi aliqua tentatione, aut fragilitate humana committitur.

Nec desunt hujus providentiae exempla in Scriptura; Jehu enim Propheta ad Josaphat Regem Juda 2. Paralip. 19. v. 2. ait: *Impio praebeas auxilium, & his, qui oderunt Dominum, amicitia jungeris, & ideo iram quidem Domini merebaris: sed bona opera inventa sunt in te; in quae verba Theodoretus: Hinc discimus, quod minuunt peccatorum poenas, quae prius fuerant recte facta; Lyranus: Merebaris iram de rigore iustitiae; sed propter alia opera tua bona peperit tibi ex dulcore suae misericordiae.* Similia quaedam videntur in Cap. 2. & 3. Apoc., ubi prius commemorantur laudes & bona opera Episcoporum, & postmodum objurigatione defectuum facta vocantur ad poenitentiam.

Conf. Iustus, experientia teste & patribus sponso-ribus, facilius resurgit a lapsu: dum orat reparationem post lapsum, si forte peccaverit, facit petitionem rei honestae, iustae ac conformis voluntati divinae, adeoque non petit inutiliter: alteri etiam peccatori potest de congruo mereri gratiam, & peccator sibi ipsi: ergo.

454. *Dico IV.* Iustus potest de condigno mereri gloriam tum essentialem, tum accidentalem: idem probabilius dicendum est de gloria prima, & certo de gloria secunda, seu gloria augmento.

Prob. 1^{ma} p. Inprimis vita aeterna est praemium correspondens operibus bonis iustorum; ut patet tum jux-

ta Philonem ex verbis Exod. 15. v. 17. *Introduces eos & plantabis in monte hereditatis tuæ firmissimo habitaculo tuo, quod operatus es Domine; tum ex aliis seu Scripturæ testimoniis apertis; Sap. 5. v. 16. Iusti autem in perpetuum vivent, & apud Dominum est merces illorum: Matth. 19. v. 29. Omnis, qui reliquerit domum vel fratres, aut sorores, aut Ec., centuplum accipiet & vitam æternam possidebit; & C. 25. v. 34. Venite benedicti Patris mei, possidete paratum vobis regnum a constitutione mundi.*

Deinde etiam est præmiū debitum ex iustitia; tum quia in Scripturis dicitur *merces, bravium & corona iustitiæ*: tum quia in iisdem merentes dicuntur *digni* hoc præmio: tum quia PATRES & CONCILIA, maxime TRIP. id satis aperte declarant; Non tamen defendimus meritum de condigno ad omnem *rigorem*; cuius nempe valor ac dignitas in nulla præmiantis gratia fundetur; sed tantum meritum de condigno simpliciter, quod dicit declaratum operis æqualitatem, licet ejus valor & dignitas nitatur in remunerantis bonitate.

Prob. 2d. p. Gloria *accidentalis* vel ex natura sua, vel ex ordinatione divina est conjuncta & annexa gloriæ essentiali, aut saltem ejus augmento: sed iustus de condigno meretur tum gloriam essentialē, tum augmentum gloriæ, ut proxime dicitur: ergo. *Conf.* Actibus iustorum bonis nulla conditionum ad meritum condignum requisitarum deest; ut patet tum ex paritate cum gloriæ essentiali & augmento ejus instituta, tum ex promissione divina, quæ de variis accidentalis gloriæ partibus habetur *Dep. 12. v. 3. Matth. 13. v. 43., & C. 19. v. 28., ac I. ad Cor. 15. v. 42. & seqq. &c.*

Prob. 3t. p. Quotiescunque SCRIPTURA præmittit gloriam tanquam mercedem operibus bonis ac meritis, ita loquitur, ut in sensu proprio, naturali & usitato non debeat intelligi de parte duntaxat gloriæ & augmento, sed recte possit accipi de gloria tota ejusque substantia, ac illa etiam parte, quæ gratiæ primæ respondet; ut patet tum ex testimoniis proxime recitatis vel laudatis, tum ex Matth. 19. v. 17. *Si vis ad vitam ingredi, serva mandata; & ad Coloss. 3. v. 24. Sciētes, quod a Domino accipietis retributionem hereditatis, Domino Christo servite.* In similem sensum præter alios Patres loquitur AUG. ep. 105. scri-

scribens: *Sicut merito peccati tanquam stipendium redditur mors: ita merito iustitiæ tanquam stipendium vita æterna.* Et L. de mor. Eccles. C. 25. *Vita æterna totum est præmium, cujus promissione gaudemus.*

Utrumque roboratur ex TRID.; in quo duo veniunt observanda: Imum est, quod Sess. 6. C. 16. absolute tradat iustis proponendam esse vitam æternam & tanquam gratiam Filiis Dei per Christum Jesum misericorditer promissam, & tanquam mercedem ex Dei promissione bonis ipsorum operibus & meritis reddendam, quia aliqua hic inter primam aut secundam gloriam distinctio fiat, aut exceptio addatur: 2dum est, quod, dum ibid. Can. 32. recenset præmia meritorum, non dicat sub meritum cadere gratiam, sed duntaxat augmentum gratiæ; & econtradictat non tantum augmentum gloriæ, sed etiam vitam æternam h. e. gloriam cadere sub meritum; quæ loquendi mutatio cum plus enuntiet de præmio gloriæ, quam gratiæ, ostendit i. si substantiæ seu primæ gloriæ rationem mercedis etiam attribui, quam Concilium Cap. 8. negaverat gratiæ sanctificanti.

Conf. Si quid obstaret condigno merito primæ gloriæ, foret indignitas personæ operantis, quæ caret sanctitate tunc, quando operatur: sed hoc non obstat; quia eo instanti naturæ, quæ peccator per bonum opus meretur gloriam, jam prius naturæ sanctitatem habet, quæ tum personam dignificat, tum actum informat; cum instanti reale ac temporis in duo instantia naturæ dividi queat, in quorum primo habeatur actus bonus & persona necdum sanctificata; in 2do idem actus bonus & simul persona per gratiam habitualement sanctificata, & consequenter etiam actus moraliter consanctificatus ac formatus: ergo, quamvis per actum illum nonnisi congrue mereatur gratiam sanctificantem, gloriam tamen illi respondentem meretur condigne; cum, priusquam mereatur gloriam, jam intelligatur dignificatus esse per gratiam.

Accedit, quod ex contraria opinione sequatur, nullum hominem vel Angelum consequi totam gloriam ut coronam iustitiæ, seu ex meritis, sed omnibus dari gloriæ quasi substantiam gratis, & solum tantum accessionem aliquam quibusdam, scilicet extra Sacramentum iustificatis, dari ex meritis; quod sane absurdum videtur ob repugnantiam

tiam cum SCRIPTURA, PATRIBUS & TRID, proxime laudatis.

Prob. 4ta p. Datur inaequalitas & augmentum gloriæ; ex hætenus autem probatis possibile est meritum condignum etiam ipsius gloriæ; ergo & multo magis, vel saltem non minus augmentum gloriæ cadit sub meritum condignum; præsertim cum TRID. l. c. Can. 32. expressam ejus mentionem faciat. *Conf.* Qui meretur gratiæ augmentum, meretur illud ut perpetuo duraturum, quantum scilicet est ex parte Dei, seu sub conditione, si per hominem non steterit: sed augmentum gratiæ in via obtentum hoc ipso, quod ad terminum viæ ultimum pervenit, nec aliquid ex parte hominis obstat, transit in gloriæ augmentum; quia omni gradui gratiæ correspondet gradus gloriæ; & omnis gradus gloriæ fundatur in aliquo gradu gratiæ.

Objectiones.

455. *Obje. contr. 2d.* SCRIPTURA etiam operibus supernaturalibus ante justificationem tribuit meritum condignum; nam Jac. 2. v. 21. & 25. de Abrahamo & Rahab quæritur: *nonne ex operibus justificati sunt?* & Joann. 1. v. 9. dicitur: *Si confiteamur peccata nostra, Deus fidelis est & justus; ut remittat nobis peccata, & emundet nos ab omni iniquitate.* Nec obstat textus PAULI, nos *gratis justificari* docentis; quia intelligi potest de justificatione *adequate* & secundum radicem nempe primam vocationem & gratiam sumpta, non autem debet sumi de justificatione *inadequate*, seu formaliter accepta, & secundum solum terminum seu gratiæ infusionem.

R. Textum JACOBI litteraliter loqui non de justificatione secunda, seu augmento gratiæ; unde & TRID. Sess. 6. Cap. 10. ex eadem epistola & capite ad probandum acceptæ justificationis incrementum usurpat versus intermedium: *Videtis, quoniam ex operibus justificatur homo, Et non ex fide tantum.* Testimonium JOANNIS vel agit de peccatis venialibus, ut ex versu immediate præcedente manifeste apparet, & AUG. l. de corr. & gr. C. 13. exponit; & tunc verum quidem est, quod justus de condigno mereatur horum veniam, ut plures volunt; sed est impertinens ad rem præsentem; vel agit de peccatis *universis*, sed cum partitione accommodata; quatenus nempe Deus re-

mittendo pœnitentibus peccata mortalia est fidei, remittendo autem iustis venialia est iustus.

Expositio allata ad verba Pauli & particulam *gratis* locum non habet ex dictis in probatione; quia de credentibus etiam dicitur justificari gratis, adeoque merita de condigno saltem excluduntur, cum merita congrua alibi stabiliverimus.

Inst. 1. Idem videtur docere S. AUG. L. exposit. inchoatæ in ep. ad Rom. circa illa verba: *gratia & pax*; ubi dicit, peccata quidem remitti ex misericordia, sed tamen intervenire iustitiam; *quia iustum est apud Deum, ut ii, quos peccatorum suorum pœnitet, misericorditer separentur ab his, qui converti nolunt*; quod ipsum his æquivalenter repetitur.

R. Cum AUG. alibi sæpius nonnisi meritum congruum admittat ante justificationem, non potest hic loqui de iustitia propria, qualem agnoscit in retributione meritorum de condigno, sed accipiendus est de quadam æquitate & conveniente providentiæ modo; quem insinuat ANSELMUS Prolog. C. 9. & 10. dicens: *Iustum est, cum punis malos; quia illorum meritis convenit; cum vero parcis malis, iustum est; non quia illorum meritis, sed bonitati tue condecens est.* Item: *Ita iustus es, non quia reddis debitum; sed quia facis, quod decet te summe bonum &c.*

Inst. 2. Meritum & præmium gloriæ primæ possunt esse simul tempore, dummodo meritum ordine naturæ præcedat: ergo idem dicendum est de merito & præmio primæ gratiæ habitualis; præsertim quia ex alia parte nulla conditio ad meritum condignum deficit; cum ex supernaturalitate actus habeatur sufficiens æqualitatis proportio in contritione perfecta, vel dilectione Dei respective ad gratiam habitualement; & etiam adsit promissio Dei, quæ vere pœnitentibus remissio peccatorum & gratia asseritur.

R. *Disp.* patet ex datis pro utraque parte rationibus, quibus ostendimus primam gratiam tanquam principium meriti-condigni non posse cadere sub meritum condignum, posse autem primam gloriam respondentem primæ gratiæ sub illud meritum cadere: unde permessa etiam divina promissione iustitiæ seu conventionali, & non tan-

tum

tum simplici de gratia poenitentibus danda, tamen non probatur meritum de condigno, cum ad id negandum sufficiat defectus vel unius conditionis, qui in presenti casu habetur ob personam necdum gratam.

456. *Objia contr. 31.* Justus potest de condigno mereri augmentum gratiae habitualis: ergo & auxilium *reale efficax*, hujusque opera per subsequens opus auxilium efficax ad aliud opus, & sic deinceps usque ad vitae finem; praesertim quia Christus Matth. 7. Joann. 16. & alibi saepius promittit, se orantibus daturum, quicquid petierint.

R. N. *Conf.* Diff. patet ex datis pro utraque parte rationibus, quas recense. Ad rationem additam D. promittit haec Deus promissione conventionali ac iustitiae N. simplici duntaxat & liberalitatis C. vel *Subd.* ita ut inde exurgat connexio infallibilis cum effectu N. fallibilis duntaxat C. Juxta plerosque enim non datur meritum congruum strictum *perseverantiae finalis*, sed minus strictum & libertati divinae etiamnum subjectum; tum quia donum hoc potius per preces, quam sola opera bona obtinetur: tum quia quasi per partes acquiritur; quatenus per instantes preces bonaque opera ad id directe punit de congruo meremur auxilium ad non cedendum tentationi, & post illud iterum orando & bona agendo meremur auxilium ad servandum idem, vel aliud praeceptum, ac sic deinceps; non vero quasi per unum vel plura opera bona mereamur ita perseverantiam, ut propter haec certo detur donum perseverandi toto residuo vitae tempore, absque nova cura & oratione.

Inst. 1. Justus similiter potest mereri vitam aeternam: ergo & perseverantiam in gratia; tum quia, qui potest mereri finem, potest etiam mereri medium ad finem: tum quia, qui meretur id, quod est excellentius, potest & mereri id, quod est minus.

R. N. *Aff.*; Cujus falsitas patet tum in *gratia prima*, quae etiam medium est ad vitam aeternam tanquam finem; tum eo, quod, licet vita aeterna cadat sub meritum de condigno, tamen id nequeat etiam dici de conservatione juris ad vitam aeternam: unde nec, quae necessaria sunt ad talis juris conservationem, inter quae perseverantia numeratur, sub meritum de condigno cadere debent.

ad

Ad prob. 2. D. Aff. Si cetera sint paria C. secus N. Disparem vero rationem esse constat ex thesium probationibus.

Inst. 2. Ad Hebr. 6. v. 10. dicitur: *Non est injustus Deus, ut obliviscatur operis vestri & dilectionis, quam ostendistis in nomine ipsius, qui ministrastis sanctis;* quæ verba, cum scripta sint ad homines justos, sed postea lapsos, ostendunt merita justorum de condigno mereri reparationem post lapsum.

R. 1. N. Supp. Ad fideles enim, quamvis remissiores & imperfectos, sed adhuc in gratia & bonis operibus perseverantes hæc scripta esse a Paulo, satis docet verbum præsens, *& ministratis*, huic textui adjunctum; quod ipsum indicat CHRYS. Orat. 10., THEOPHYL. in versum præcedentem, & Recentiores Interpretes. *R. 2.* Si textus secundum verba relata intelligatur de justis, sed jam lapsis, debet sumi cum imbibita hac *conditione*: Si resipiscatis & poenitentiam egeritis; quæ interpretatio est S. ANSELMI in hunc locum, & assertur a Gratiano in nota ad C. 29. §. *Operis* Dist. 2. de Poenitentia. Cujus ratio est; quia, quamvis bona iusti opera, quæ per peccatum superveniens mortificantur tantum & impediuntur, non penitus extinguuntur, non mereantur hujus impedimenti ablationem; amen impedimento illo per misericordiam Dei gratis subato statim priora merita reviviscunt, vim suam recuperant & justitiam exercent.

Inst. 3. Opus bonum hominis iusti etiam post lapsum manet condigne meritorium vitæ æternæ: ergo etiam potest manere condigne meritorium reparationis; quia plus esse videtur, meritum vitæ æternæ durare cum peccato, quam meritum reparationis post lapsum.

R. N. Conf. Disp. est; quia iustus meretur vitam æternam sibi iusto reddendam, in quo nihil est absurdi aut eregrini; unde meritum hoc respectu consecutionis vitæ æternæ includit conditionem, si iustus in gratia decesserit, nemadmodum id TRID. Can. 32. saepe laudato exprimit; ac autem minor est, quam illa, si perseveret, juxta expositam superius perseverantiæ propriæ naturam: verum quis mereretur reparationem post lapsum, mereretur aliud præmium sibi indigno reddendum; cum reddi deberet in peccato mortali existenti, quod sane justitiæ ac meriti condigno repugnât.

457. *Objc. contr. 4t.* TRID. in Can. 32. memorato inprimis non dicit justificatum mereri gloriam primam, sed absolute vitam æternam seu gloriam, quæ abstrahit a prima & secunda: deinde addidit de augmento gloriæ; ne quis putaret, omnes mereri eandem vel æqualem gloriam, ut *Hæretici* sentiunt: demum, sicut ibidem recensendo vitam æternam & ejus consecutionem, hæc non proposuit ut duo præmia diversa, sic nec referendo vitam æternam & gloriæ augmentum.

R. Quoad 1m. D. Tridentinum non dicit formaliter, justificatum mereri gloriam primam C. non dicit æquivalenter N. Dicendo enim, vitam æternam, gloriam totam includit; addendo augmentum gloriæ declarat per vitam æternam intellexisse ipsam substantiam gloriæ ab ejus initio, quod idem est, ac gloria prima. *Quoad 2d. N. Aff.* Concilium hic non agit contra HH. negantes merita, quorum ideo essentialia præmia distincte explicat. Quia, si contra priorem errorem hic agere intendisset, satis habuisset dicere, justos mereri augmentum gloriæ; sicut satis exposuit, dari in justis varios gratiæ gradus, dum solum docuit, justos de condigno mereri augmentum gratiæ.

Quoad 3t. Disp. est; quia vitam æternam & consecutionem ejus non esse duo distincta præmia tam patet, quam patet mereri mercedem & solutionem mercedis non esse duas mercedes; cum res ipsa non cadat sub meritum, nisi quatenus retribuenda est operanti, & ex opposito meritum eo tendat, ut præmium obtineatur. Quod tamen CONCILIUM illa duo distincte posuerit; ratio erat, ut explicaret, quomodo meritum vitæ æternæ certissimum & infallibile sit, licet præmium non statim detur, nec omnes, qui illud merentur, consequantur; id quod fecit declarando, mereri justos vitam æternam, sed non statim, neque omnibus aliquando reddendam infallibiliter infallibilitate absoluta, sed sub conditione; si in gratia decesserint. E contrario autem nec idem sunt vita æterna, & gloriæ augmentum: nec si idem sunt, dari ratio potest, cur velut duo distincte posita fuerint.

Inst. 1. Homo non meretur de condigno primam gratiam: ergo nec primam gloriam; quia non meretur gloriam, nisi quatenus meretur gratiam, cum gratia ferat jus ad gloriam: ergo si gratia non est ex merito condigno; nec gloria erit.

R. N.

R. *N. paritatem* ob datas in utraque thesi rationes. *Ad prob. N. A.* Licet enim nemo acceptetur ad gloriam, nisi per gratiam, & ideo nemo mereatur gloriam sine gratia; non est tamen necessarium, ut simul mereatur gratiam, nisi solum tunc, quando gratia non supponitur. Præterea quamvis infusio gratiæ fiat *gratis*, tamen acceptatio ad gloriam gratis omnino fieri non debet; quia potest quidem gratis fieri respectu hominis secundum se spectati, sed simul ex debito juris hæreditarii respectu gratiæ, ac etiam ex debito meritorio, & de iustitia respectu actus per gratiam formati.

Ins. 2. Si actus ille per informationem gratiæ cresceret in valore merendi, ergo potius mereretur *augmentum gratiæ*, quam gloriam; tum quia TAID. universim dicit, iustum per sua opera mereri augmentum gratiæ: tum quia, si opus habet novum valorem, secundum illum proportionatur gratiæ, utpote ad quam immediatius refertur: tum quia homo ille jam habet jus ad primam gloriam per primam gratiam: ergo, si potest denuo mereri, potius ultra tendit, & novum jus ad novum præmium acquirit, quam ut idem, quod habebat, novo titulo confirmet.

R. *ad prob. 1m.* Dum TAID. pro meriti præmiis refert augmentum gratiæ, gloriam & gloriæ augmentum, non dixit hæc omnia per singula opera bona obtineri, sed indefinite per bona opera; scilicet per quædam merendo augmentum gratiæ & gloriæ, per aliquod vitam æternam, seu ipsam gloriam.

Ad prob. 2d. R. assertum tenere, ubi novus valor operi accedit in ordine ad gratiam & gloriam simul; non autem ubi tantum meritum magis dignificatur in ordine ad gloriam, ut fit in *nostro casu*, ubi dari non posse meritum ad gratiam primam, quæ ipsum meritum dignificet, supra ostensum fuit.

Ad prob. 3t. R. concedi assertum respectu iustificati per *Sacramentum*, non autem respectu iustificati per proprium actum; quia, cum hic immediate ordinetur ad gratiam, quæ ipsius ratione datur, & hinc illi quasi adæquetur, is non tendit ad ulteriorem gratiam, sed gloriam primæ gratiæ correspondentem: ideoque solum ad *primam gloriam* promerendam est proportionatus.

458. *Observe.* Meritum in alterius favorem soli Christo proprium est tanquam capiti univerforum, & de cujus plenitudine nos omnes accepisse Joannes C. I. v. 16. testatur. Ut tamen iustis meritum tribui possit *de congruo* ad obtinendam aliis etiam gratiam habituales primam, saltem mediate & per gratiam actualem conferendam, facit imprimis ille fidei articulus, quem in Apostolorum Symbolo per *Communione sanctorum* profiteamur; deinde lex amicitie Deum inter & hominem iustum, secundum quam congruum videtur, ut Deus precibus iusti tanquam sui amici pro alio rogatus conferat ipsi gratiam aliquam ac beneficium supernaturale, quod auxilium præveniens ac excitans erit: quibus accedit exemplum tum Ecclesie pro persecutoribus Paganis, Hæreticis, ac Judæis orantis; tum Sanctorum Abrahami, Jobi, Stephani & aliorum pro impiis peccatoribus deprecantium.

Hujusmodi tamen meritum non esse stricte congruum & infallibile testatus est ipse Deus, dum 1. Reg. 16. Samueli dixit: *Usquequo tu lugēs Sath, cum ego projecerim eum, ne regnet in Israël*; Item Ezech. 14. *Tres viri isti, nempe Noe, Daniel & Job, nec filios, nec filias liberabunt, sed ipsi soli liberabuntur*; & Jerem. 15. *Si steterit Moyses & Samuel coram me, non est anima mea ad populum istum.* Hisce prælectionibus de gratia finem ponimus, & Lectoribus nostris æque ac nobis a Deo gratiam precamur finalem.

O. A. M. D. G.



